

四庫未收書輯刊編纂委員會編

四庫未收書輯刊


北京出版社

貳輯·貳拾伍册

四庫未收書輯刊

四庫未收書輯刊編纂委員會編

北京出版社



貳輯 · 貳拾伍册目錄

明大司馬盧公奏議十卷 [明] 盧象昇撰

一

奏疏存藁六卷 [清] 趙良棟撰

二七五

兩江總督怡良奏稿不分卷 [清] 怡良撰

五三三

〔明〕盧象昇撰

明大司馬盧公奏議十卷

清道光九年刻本

道光己丑仲秋

明大司馬盧公奏議

祠堂藏板

欽定四庫全書總目提要集部別集類

忠肅集三卷 江蘇巡撫採進本

明盧象昇撰盧象昇字建斗宜興人天啓壬戌進士官至兵部尙書崇禎戊寅

大兵下鉅鹿象昇督師戰敗歿于陣乾隆四十一年

賜諡忠肅事蹟具明史本傳象昇奏疏凡六集其姪孫

豪然嘗彙刻別行今未之見此則其詩文集也初

刻於康熙戊辰爲其幼子天馭孫聲諧所編萬錦

雯序之後其曾孫安節又搜羅遺墨補苴此本第

一卷爲詩三十五首詩餘八首傳一首墓誌一首

欽定四庫全書總目提要集部別集類

詩餘末一首爲七夕歌蓋古詩誤編實得詩三十

六首詩餘七首也第二卷爲記一首書二十七首

第三卷爲明史列傳年譜世表詩文皆有註不著

姓名觀所註鹿善繼傳言及楊嗣昌死事則非象

昇自註矣其年譜之註題四世孫師儉作此註殆

亦出其手與象昇年二十三登第洎年二十九卽

戰鬪於流寇之間死時年僅三十九蓋未暇專力

文藝故詩古文多不入格然讀其軍中家書尺牘

忠孝悱惻使人感動無意爲文而能文者莫加焉

雖謂之載道之文可也楊嗣昌媚嫉怙權擠象昇

以至於死嗣昌卒亦身敗名裂其子所作孤兒顛

天錄雖巧辯百端公論卒不可掩藏書家亦多不

肯收錄而象昇遺集至今留天地間錄而存之亦

聖朝敦崇風教扶植綱常之義也舊本題曰忠烈集蓋

用明福王時舊諡今旣蒙

特典褒榮光垂千古謹改題所

賜新諡昭表章之至意焉

欽定四庫全書總目提要集部別集類

二

奉

天承運

皇帝制曰取義成仁式著艱貞之烈易名表行爰昭
獎恤之公眷致命之可風曩跡未湮於異代期扶
綱之攸賴休稱允協於千秋爾故明督師兵部尙
書盧象昇砥行能堅秉誠克裕遭時坎坷恒仗節
以無撓殉義從容竟捐生而不悔朕覽披信史軫
念忠微子褒顯於崇祠用隆秩祀示表章於往籍
載錫嘉名象厥生平謚爲忠肅於戲溯流芳於頑
廉懦立節或重於泰山彰定論於世遠風微榮更

祭文

逾於華哀幽光特闡鑒當年曠日之心正氣感伸
勵萬古疾風之節欽茲懋典慰爾英靈

乾隆四十一年 月 日

凡例

一 豪然刻本凡十二卷題曰忠節全編茲卽其本及盧
氏家藏疏稿校勘付梓

一 盧氏家藏疏稿十卷與忠節全編畧同惟分卷稍異
耳公移文檄概從刪汰篇中緣起可節者亦從省有
刪無增

一 刻本及稿本標題但採緣起首句往往不得篇中要
領嘉慶十八年所刻聚珍版同今於可從者從之不
可從者別製標題

一 公以崇禎七年撫鄖八年五月撫楚十月總理直隸
凡例

河南山東川湖軍務九年總督宣大山西軍務刻本
稿本編次一依歷官前後今仍之惟宣大奏議自十
一年八月以後全缺刻本亦然海內有收藏者更俟
續補

一 稿本中有投揭行牌告示應存者均附於各任奏疏
之後又稿本詩文頗夥未暇全刻擇其尤者附於全
書之後

一 乾隆四十一年奉 旨賜諡忠肅而舊本詩文俱題
忠烈公集蓋仍前明舊諡也茲但書銜不復仍用舊
諡

一楊文正公所撰盧公事實一卷乃崇禎十二年送公歸葬途次所輯一字不敢增損附刻於後

凡例

二

本傳

明史

盧象昇字建斗宜興人祖立志儀封知縣象昇白哲而臞膊獨骨負殊力舉天啓二年進士授戶部主事歷員外郎稍遷大名知府崇禎二年京師戒嚴募萬人入衛明年進右參政兼副使整飭大名廣平順德三府兵備號天雄軍又明年舉治行卓異進按察使治兵如故象昇雖文士善射嫻將畧能治軍六年山西賊流入畿輔據臨城之西山象昇擊卻之與總兵梁甫參議寇從化連敗賊賊走還西山圍遊擊董維坤冷水村象昇設伏石城南大破之又破之青龍岡又破之武安連斬賊魁

本傳

十一人殲其黨收還男女二萬三郡之民安堵者數歲象昇每臨陣身先士卒與賊格鬪刀及鎗勿顧失馬卽步戰逐賊危崖一賊自巔射中象昇額又一矢僕夫斃馬下象昇提刀戰益疾賊賊走相戒曰盧廉使遇卽死不可犯象昇以是有能兵名賊懼南渡河明年賊入楚陷鄖陽六縣命象昇以右僉都御史代蔣允儀撫治鄖陽時蜀寇返楚者駐鄖之黃龍灘象昇與總督陳奇瑜分道夾擊自烏林關也家溝石泉壩康寧坪獅子山太平河竹木砭箐口諸處連戰皆捷斬賊五千六百有奇漢南寇幾盡因請益鄖主兵減稅賦繕城郭貸鄰郡倉

穀募商採銅鑄錢郎得完輯八年五月擢象昇右副都御史代唐暉巡撫湖廣八月命總理江北河南山東湖廣四川軍務兼湖廣巡撫總督洪承疇辦西北象昇辦東南尋解巡撫任進兵部侍郎加督山西陝西軍務賜尙方劔便宜行事汝洛告警象昇倍道馳入汝賊部衆三十餘萬連營百里勢甚盛象昇督副將李重鎮雷時聲等擊高迎祥於城西用強弩射殺賊千餘人迎祥李自成走陷光州象昇復大破之確山先是大帥曹文詔艾萬年陣亡尤世威敗衄諸將率畏賊不敢前象昇每慷慨灑泣激以忠義軍中嘗絕三日餉象昇亦水漿不

本傳

二

入口以是得將士心戰輒有功九年正月大會諸將於鳳陽象昇乃上言曰賊橫而後調兵賊多而後增兵是爲後局兵至而後議餉兵集而後請餉是爲危形況請餉未敷兵將從賊而爲寇是八年來所請之兵皆賊黨所用之餉皆盜糧也又言總督總理宜有專兵專餉請調咸寧甘固之兵屬總督薊遼關寧之兵屬總理又言各直省撫臣俱有封疆重任母得一有賊警卽求援求調不應則吳越也分應則何以支又言臺諫諸臣不問難易不顧死生專以求全責備雖有長材從何展布臣與督臣有剿法無堵法有戰法無守法言皆切中機宜

於是迎祥圍廬州不克分道陷含山和州進圍滁洲象昇率總兵祖寬遊擊羅岱救滁州大戰於城東五里橋斬賊首搖天動奪其駿馬賊連營俱潰逐北五十里朱龍橋至關山積屍填溝委塹滁水爲不流賊乃北趨鳳陽圍壽州突穎霍蕭楊靈璧虹窺曹單總兵劉澤清拒河乃掠考城儀封而西其犯亳者折入歸德永寧總兵官祖大樂邀擊之賊乃北向開封陳永福敗之朱仙鎮賊遂走登封與他賊合分趨裕州南陽象昇合寬大樂岱兵大破之七頂山殲自成精騎殆盡已次南陽令大樂備汝寧寬備鄧州而躬率諸軍蹙賊遣使告湖廣巡

本傳

三

撫王夢尹鄖陽撫治宋祖舜曰賊疲矣東西邀擊前阻漢江可一戰殲也兩人竟不能禦賊遂自光化潛渡漢入鄖象昇遣總兵秦翼副將雷時聲由南漳穀城入山擊賊寬等騎軍不利阻隘副將王進忠軍譚羅岱劉肇基兵多逃追之則彎弓內嚮象昇乃調四川及葶子土兵搜捕均州賊是時楚豫賊及迎祥等俱在秦楚蜀之交萬山中象昇自南陽趨襄陽進兵賊多兵少而河南大饑餉乏邊兵益洶洶承疇象昇議關中平曠利騎兵以寬重鎮軍入陝而襄陽均宜穀上津南漳環山皆賊七月象昇渡浙河而南九月追賊至鄖西京師戒嚴

有詔入衛再賜上方劔既行賊遂大逞駭乎不可復制矣既解嚴詔遷兵部左侍郎總督宣大山西軍務大興屯政穀熟畝一鍾積粟二十餘萬天子諭九邊皆式宣大明年春間宣警卽夜馳至天城矢檄旁午言二百里外乞炭馬蹄闊踏四十里象昇曰此大舉也問入口乎曰未象昇曰殆欲右窺雲晉令我兵集宣則彼乘虛入耳因檄雲晉兵勿動自率師次右衛戒邊吏毋輕言戰持一月象昇曰懈矣可擊哨知三十六營離牆六十里潛召雲師西來宣師東來自督兵直子午出羊房堡計日塵戰乞炭間之遂遁象昇在陽和乞炭不敢近邊

本傳

四

五月丁外艱疏十上乞奔喪時楊嗣昌奪情任中樞亦起陳新甲制中而令象昇席喪候代進兵部尙書新甲在遠未卽至九月

大清兵入牆子嶺青口山殺總督吳阿衡毀正關至營城石匣駐於牛蘭召宣大山西三總兵楊國柱王樸虎大威入衛三賜象昇尙方劔督天下援兵象昇麻衣草履誓師及郊馳疏報曰臣非軍旅才愚心任事誼不避難但自臣父奄逝長途慘傷潰亂五官非復昔時兼以草土之身踞三軍上豈惟觀瞻不聳九虞金鼓不靈已聞總監中官高起潛亦哀絰臨戎象昇謂所親曰吾三

人皆不祥之身也人臣無親安有君樞輔奪情亦欲子變禮以分魯耶處心若此安可與事君他日必面責之當是時嗣昌起潛主和議象昇聞之頓足歎曰子受國恩恨不得死所有如萬分一不幸寧捐軀斷脰耳及都帝召對問方畧對曰臣主戰帝變色良久曰撫乃外廷議耳其出與嗣昌起潛議出與議不合明日帝發萬金犒軍嗣昌送之屏左右戒毋浪戰遂別去師次昌平帝復遣中官齎帑金三萬犒軍明日又賜御馬百太僕馬千銀鐵鞭五百象昇曰果然外廷議也帝意銳甚矣決策議戰然事多爲嗣昌起潛撓疏請分兵則議宣大山

本傳

五

西三帥屬象昇關寧諸路屬起潛象昇名督天下兵實不及二萬次順義先是有誓而賣卜者周元忠善遼人時遣之爲媾會嗣昌至軍象昇責數之曰文弱子不聞城下盟春秋恥之而日爲媾長安口舌如鋒袁崇煥之禍其能免乎嗣昌頰赤曰公直以尙方劔加我矣象昇曰既不奔喪又不能戰齒劔者我也安能加人嗣昌辭遁象昇卽言元忠講款往來非一日事始於薊門督監受成於本兵通國間之誰可諱也嗣昌語塞而去又數日會起潛安定門兩人各持一議新甲亦至昌平象昇分兵與之當是時象昇自將馬步軍列營都城之外衝

鋒陷陣軍律甚整

大清兵南下三路出師一由涑水攻易一由新城攻雄
一由定興攻安肅象昇遂由涿進據保定命諸將分道
出擊大戰於慶都編修楊廷麟上疏言南仲在內李綱
無功潛善秉成宗澤殞恨國有若人非封疆福嗣昌大
怒改廷麟兵部主事贊畫行營奪象昇尚書侍郎視事
命大學士劉宇亮輔臣督師巡撫張其平閉關絕餉俄
又以雲晉警趣出關王樸徑引兵去象昇提殘卒次宿
三宮野外畿南三郡父老聞之咸叩軍門請曰天下洵
洵且十年明公出萬死不顧一生之計為天下先乃奸

本傳

六

臣在內孤忠見嫉三軍捧出關之檄將士懷西歸之心
棲遲絕野一飽無時脫巾狂噪雲帥其見告矣明公誠
從愚計移軍廣順召集義師三郡子弟喜公之來皆以
昔非公死賊今非公死兵同心戮力一呼而裹糧從者
可十萬孰與隻臂無援立而就死哉象昇泣然流涕而
謂父老曰感父老義雖然自子與賊角經數百戰未
嘗勦今者分疲卒五千大敵西衝援師東隔事由中制
食盡力窮旦夕死矣無徒累爾父老為也眾號泣雷動
各攜床頭斗粟餉軍或貽棗一升曰公煮為糧十二月
十一日進師至鉅鹿賈莊起潛擁關寧兵在雞澤距賈

莊五十里而近象昇遣廷麟往乞援不應師至蒿水橋
遇

大清兵象昇將中軍大威帥左國柱帥右遂戰夜半盛
策聲四起旦日騎數萬環之三匝象昇麾兵疾戰呼聲
動天自辰迄未礮盡矢窮奮身鬪後騎皆進手擊殺數
十人身中四矢三刃遂仆掌牧楊陸凱懼眾之殘其屍
而伏其上背負二十四矢以死僕顧顯者殉一軍盡覆
大威國柱潰圍乃得脫起潛聞敗倉皇遁不言象昇死
狀嗣昌疑之有詔驗視廷麟得其屍戰場麻衣白網巾
一卒遙見卽號泣曰此吾盧公也三郡之民間之哭失

本傳

七

聲順德知府于穎上狀嗣昌故斬之八十日而後殮明
年象昇妻王請恤又明年其弟象晉象觀又請不許久
之嗣昌敗廷臣多為言者乃贈太子少師兵部尚書賜
祭葬世廕錦衣千戶福王時追諡忠烈建祠奉祀象昇
少有大志為學不事章句居官勤勞倍下吏夜刻燭雞
鳴盥櫛得一機要披衣起立行之暇卽角射箭銜花五
十步外發必中愛才惜下如不及三賜劔未嘗戮一偏
裨高平知縣侯弘文者奇士也僑寓襄陽散家財募滇
軍隨象昇討賊象昇移宣大弘文率募兵至楚巡撫王
夢尹以擾驛聞象昇上疏救不得弘文卒遣戍天下由

是惜弘文而多象昇象昇好畜駿馬皆有名字嘗逐賊南漳敗追兵至沙河水闊數丈一躍而過卽所號五明驥也方象昇之戰歿也嗣昌遣三邏卒察其死狀其一人俞振龍者歸言象昇實死嗣昌怒鞭之三日夜且死張目曰天道神明無枉忠臣於是天下聞之莫不歎歔益恚嗣昌矣其後南都亡象觀赴水死象晉爲僧一門先後赴難者百餘人從弟象同及其部將陳安死十九烈象觀崇禎十五年鄉薦第一成進士官中書象晉象同皆諸生象昇死時年三十九

本傳

八

明大司馬盧公奏議總目

卷一

撫郟奏議

卷二

撫郟奏議

附

撫郟檄文

撫郟公牘

卷三

撫楚奏議

明大司馬盧公奏議

卷一 總目

卷四

總理奏議

卷五

宣雲奏議

卷六

宣雲奏議

卷七

宣雲奏議

卷八

宣雲奏議

卷九

宣雲奏議

卷十

宣雲奏議

附

尺牘五首

湄隱園記

盧大司馬紀實

賈莊建祠紀畧

明大司馬盧公奏議

卷一 總目

二

盧忠肅公真像



讀禮圖



明大司馬盧公奏議卷之一

撫郟奏議目錄

到任謝恩疏

兵食寇情疏

為客兵乞餉疏

入山會剿疏

請設主兵疏

郟楚賊氛漸靖疏

停徵修城積穀疏

籌川營月餉疏

明大司馬盧公奏議卷一 目次

附投閣部揭

請令川兵北援疏

保留推官江禹緒疏

保任道臣請補要地守令疏

明大司馬盧公奏議卷之一

宜興盧象昇建斗著

襄平蔣攸銛礪堂鑒定

撫卹奏議

到任謝恩疏



欽差提督軍務兼撫治鄖陽等處地方都察院右僉都御史盧象昇謹奏為恭謝天恩到任事臣原任大名道兵備按察使於崇禎七年三月十八日准吏部咨該本部等衙門會推奉旨是盧象昇陞都察院右僉都御史提督軍務兼撫治鄖陽等處地方寫敕與他欽此欽

明大司馬盧公奏議

卷一

一

遵備咨到臣臣即恭設香案望闕叩頭謝恩隨於本月二十四日將大名道印務呈詳北直撫按批發大名府知府馬之陞暫署本月二十六日臣即單騎啓行兼程赴任四月初八日入臣屬南陽府葉縣境內十五日抵襄陽府因舊撫臣蔣允儀尙在鄖西料理兵事臣隨馳詣承天府恭謁顯陵二十日馳回襄陽與舊撫臣面代准咨開原奉預備倉糧勅書并達字二百三十號符驗各一道令旗令牌八面副撫治鄖陽等處關防一顆會送到臣臣接管行事除地方賊情與夫兵食大計另疏奏聞外伏念臣至愚極謙備兵畿南向當流寇披猖經

年拮据雖地方得以保全無事而居官劣狀實多叨荷聖恩不加幽黜業已感激踰涯至今節鉞濫膺彌深負乘飲冰之懼況值流氛猖獗尤是忘身報國之時臣惟赤腸自矢盡心力而為之不敢有一毫謬巧欺皇上負地方以自取罪戾也緣係恭謝天恩到任事理臣未敢擅便為此具本

朱麟徵按唐宋大家奏疏如陸宣公歐陽文忠公蘇文忠公文內俱不載結銜明盧忠肅公諸疏每奉旨後立即將稿付梓每篇全具職名今於初任第一篇仍其原刻以志明時奏式餘概從省

明大司馬盧公奏議

卷一

二

兵食寇情疏

竊惟鄖鎮僻處萬山之中割秦楚豫三方之隅以爲轄
選考祖宗朝建官初意原以撫治流民不虞今日遂爲
五省強寇鴟張豕突之區也臣本庸劣書生重荷聖明
委任封疆多故敢愛髮膚自入境來問臣標下所設之
兵則以五百餘名計問兵終歲所需之餉則以六千餘
兩計此在承平無事不難因事補苴今當強寇縱橫未
免束手坐困其艱危窘迫之狀舊撫蔣允儀曾經屢疏
入告情形具在御前微臣受事方新正思竭犬馬之力
以上報君父若寸籌未展而呼籲徒勤謹不敢出此也

明大司馬盧公奏議

卷一

三

維是鄖鎮既無主餉主兵勢必全用客兵客餉而此時
以客兵計之有鄧玘之兵有張應昌之兵有李甲曹變
蛟之兵目前兵力似堪辦賊所憂者無餉耳卽有餉而
客兵終不可久耳頃蒙皇上垂念楚疆允留餉銀十二
萬兩且睿照所及灼知鄖鎮孤僻無事權也申之以通
融接濟之旨經月來舊撫臣蔣允儀殫心力以催提楚
撫臣唐暉亦殫心力以催解多方協濟僅能旦夕支持
奈楚省錢糧匱乏已竭更兼所屬郡邑相距甚遙縱令
羽檄交馳在各屬必須銖兩那湊水陸輸將往返動經
數千里甚而有藐玩不解者目下客兵行糧日費幾八

百金待用急如星火呼庚可慮應手爲難此兵食大概
也以賊情言之向自中州入楚荆襄耶並受其害而耶
爲甚蓋耶屬七城皆自成化年間草創依山壘石便稱
城垣其中居民不滿數百家會不得比於他邑之村堡
況千山萬壑複道紆迴窟穴奔突賊人易逞向來賊之
大勢除入蜀入秦外其駐屯房竹保均山中者尙不下
數萬臣至襄陽卽聞監臣謝文舉孫茂霖鎮臣鄧玘張
應昌許成名及偏裨楊正芳曹變蛟等分道入山剿殺
舊撫臣蔣允儀雖料理候代猶親在行間早夜拮据今
於四月初四并十五等日鎮臣鄧玘張應昌各報有斬

明大司馬盧公奏議

卷一

四

獲前撫已經具題矣臣不敢贅目今臣既受事便當整
搦士馬振甲入山直探虎狼之穴與撫監鎮諸臣同心
戮力務期滅此朝食以報聖明知遇特恩更慮耶襄荆
一帶北連宛雒西接漢商西南復通巴蜀皆崇山大川
曠遠綿邈現在盤踞之賊旣防其封豕狂奔而遁入川
陝之賊亦恐如遊魚不定此中兵分則力量虞薄兵合
則堵截難周臣一面移會豫楚秦蜀四省撫臣各以主
客官兵拒賊要路更移請督臣陳奇瑜躬率勁旅視賊
所向而隨地奮擊之必使賊進退多阻然後可次第殄
殲此流寇情形也至若民維那本衆志成城繇來封疆

之臣處常濟變爲朝廷宣布德意捍禦地方無不以得民心全民命奠民居爲第一義蓋圖秣馬厲兵以剿賊必先加膝置懷以撫民臣頃自南陽入境達襄郢之間見所屬郡縣連歲饑荒赤地千里加以流寇所經燔廬殺掠四野寂無人烟此而不急圖賑賑議獨恐中澤之鳴盡迫而爲潢池之弄所憂又豈止流寇哉總之今日郢疆事勢所患尙不在無兵而專在無餉所憂尙不在有賊而更在無民若郢陽府屬之房縣保康竹溪上津鄖西竹山六邑彈丸山城自罹兵燹寥寥赤子遷徙一空各縣印官非經被害卽聽處分不但無民并牧民之

明大司馬盧公奏議

卷一

五

官而亦無之矣又且府同缺員郢道未補臣卽竭慮焦思摩頂放踵勢難以一手一足綜兵馬錢糧之紛錯而代道府州縣以經營計銓臣念切危疆郢屬缺官必當刻期催補但恐道遠不能猝至容臣一面就近擇才酌量題請并議兵議餉與夫蠲賑事宜統俟另疏入告恭聽聖明電察施行正繕疏間據分巡下荆南道副使苗胙土呈報准四川東道副使周士登移會入川之賊因大兵四集竄回大昌大寧巫山等處再進則爲巴東房竹等縣是羣寇又從蜀地折回郢襄一帶矣臣所遣聽用官方伯顯往偵賊情據其口報亦言賊屯老營官

聲勢甚衆查老營官與太和宮相近均州穀城等處在在宜防臣適於襄陽望闕謝恩到任卽日馳赴行間約同撫監鎮諸臣誓師剿賊不敢不竭此犬馬之力也

明大司馬盧公奏議

卷一

六

爲客兵乞餉疏

微臣受任鄖疆適在寇氛蹂躪之會奉命星馳於四月二十日抵襄陽交代業已拜疏上聞爾時羣寇盤踞房竹保康山中且入川之賊又復折回其黨益衆惟有合兵急剿庶幾計日剪除顧鄖鎮無兵以各鎮赴援之兵爲兵客兵無餉以楚省協濟之餉爲餉倘非呼吸應手鮮不坐誤軍機是故師行糧從頃刻難緩臣繇襄陽至光化至穀城至均州至鄖縣沿途安撫人心申嚴備禦整搦兵馬鼓勵誓師爲旦晚殲賊計而中途接各監鎮公移書札無不因缺餉告苦謂衆兵枵腹呼庚朝難夕待也查舊撫臣蔣允儀糧餉毫無可供一疏曾迫切呼籲於聖明之前已奉有通融接濟之旨前此飛檄移催賴撫臣唐暉及藩臣陳睿謨嚴督止有武昌承天漢陽等府解到銀二萬六千八百兩又收荆襄府州縣動用銀一萬八百九十九兩零又按臣宋賢捐助銀二千兩藩臣陳睿謨捐助銀三百兩通共三萬九千九百九十九兩零舊撫造冊交代時已用過二萬九千四百九十四兩零僅存一萬五百五兩零中間尚有候代時日陸續支銷比及微臣任事而轉盼已告竭矣奈該省司府近則千里遠則數千里往返催提動輒經月望眼徒穿

明大司馬盧公奏議

卷一

七

明大司馬盧公奏議

卷一

八

夫賊在戶庭恨不刻期殄滅乃有兵無餉豈惟空老援師而患切脫巾寒心益甚臣計無所出日與荆南道臣苗胙土襄陽府臣唐顯悅鄖陽府臣李夢麟嘔心區畫百計支吾議捐助而不能得之於士民議借貸而不能得之於商賈臣心至此窮矣目今勢迫燃眉移會撫臣唐暉共檄藩司不拘何項錢糧期以立刻那解數萬充鄖鎮急用總在留餉數內開銷至於各府錢糧仍望其嚴提協濟時時大聲疾呼然此皆畫餅望梅之想爾應與不應查不可知再過旬餘必生他變竊思全楚地方惟鄖襄荆三郡爲撫治衙門所轄而三郡俱遭寇患兵燹頻仍皮毛已竭且鄖陽一府外六縣悉經殘破止存府治孤城此何等時也縱合全楚之力以救鄖襄猶虞岌岌而通省郡邑漠不相關多不遵協濟明旨臣卽粉身碎骨何以支撐微臣身命不敢求全皇上封疆豈可嘗試况客兵與主兵不同使鄖鎮原設有多兵卽額餉愆期臣得以恩撫之以威臨之而今如鄧玘之兵張應昌李甲曹變蛟周仕鳳等之兵皆數千里赴援嗷嗷待哺環而向臣呼籲臣惟付之無可奈何臣擁撫治之虛名任殘疆之重擔而情形窘迫如此雖素具赤心從何展布况原無方畧徒切憂惶度日如年立見決裂臣將

束手待斃以債疆事乎抑旦夕自經溝壑以負聖恩乎
況枵腹踰時而責各兵以剿賊亦必不得之數也伏乞
我皇上俯念鄖鎮殘疆不堪再壞多兵缺餉更屬可虞
敕下該部將協濟餉銀責成楚撫主持嚴督該屬星馳
起解封疆幸甚微臣此時哀願已屬後期計天語遙頒
尙須逾月地方又不知作何景象也

入山會剿疏

臣受事且踰月矣入境之日流寇正猖獗於竹房保均
一帶惟以速剿爲期而撫臣唐暉移文商推亦諄諄慮
賊南奔駐防荆門控扼臣是以抵鄖卽介馬而馳赴竹
山等處會各該監鎮分路擊賊雖依山恃衆奔突靡
常而未窺襄屬一步則援兵堵截之力道府防禦之周
也適督臣陳奇瑜親統大兵自均州入山道臣苗胙土
從襄陽馳至臣隨面請督臣方畧謂徒事驅逐非掃蕩
良圖相期合力殲剿於是鄧玘之川兵許成名楊正芳
等之草兵俱集竹山保豐易水等處發撥四探賊有遁

竹溪之白土關長安壩者有遁白河興安平利山中者
秦楚之界實繁有徒督臣調發標下官兵及鄧玘許成
名二鎮分路以進兵威旣振殲剿無難惟是士馬萬餘
駢集深山窮谷六城殘破之後千里迄無人烟從鄖至
竹步步巉巖絕磴兵皆緣崖攀木而行陸路裹糧旣不
可得所藉作餉道惟一支流小河逆輓而上又灘險水
激亂石嶙峋糧艘當之立損轉運計窮臣與督臣面議
偕道臣苗胙土疾趨鄖城躬督該府縣多方設法徧覓
小舟每載糧二三十石者卽募數十人牽挽之夜以繼
日兼程催饋旬日間陸續發運四千餘石供各兵深山

進剿之資雖費金錢所不遑恤但協濟餉銀有限多兵仰給不敷而蕞爾殘郿物力民財俱盡臣日夜憂之至陝中商州商南及龍駒寨等處亦各有警報此賊又係別股密邇郿均可以長驅直達臣標下苦無多兵頃准督臣移會令臣駐防房竹間臣今往來堵禦止有標兵數百以供分遣若客兵未敢輕分其力以言守恐致老師而匱財此則臣區區之愚衷耳

請設主兵疏

臣待罪郿疆業踰兩月剿賊之事仰體聖懷敢不嘔心竭蹶顧郿鎮無兵無餉全藉援師以張撻伐全資協濟以供飽騰露肘捉襟瞻前慮後日切飲冰之懼焉幸督臣陳奇瑜身履師中夙饒方畧撫臣唐暉統兵移鎮誼切同仇監臣謝文舉督同鎮臣鄧玘及鎮臣許成名草將楊正芳等戮力行間分路夾剿自六月十二日以後半月之內如烏林關也家溝石泉壩康家坪獅子山等處連戰皆捷斬級幾於五千悉出督臣指授督臣已經會報兵部具題矣臣不敢贅此時秦楚之交興紫竹平等處賊分股奔竄尙繁有徒此在漢江以南者也而商陽內浙郿津餘氛亦多未靖此在漢江以北者也督臣鼓勵官兵調度密速今在興平一帶次第搜剿未有不相繼掃清者臣碌碌因人長慮卻顧竊思剿寇原以安民安民必須固圉郿自屬邑破殘萬山之中千里之遠維持蕞爾郡城以當豫楚秦蜀四面在昔乃贅員旁鎮耳於今則要地危城也臣昔備兵大名尙有馬步快壯千二百人獨郿兵止於五百而每月餉銀有五六錢者有七八錢者以日計之二三分餬口之需作何存活是郿陽一鎮之兵不及監司快壯之半而郿兵終歲之餉

僅足他兵一月之供平時未議變通緩急全無倚恃如
向者賊至倉皇城郭人民悉遭陷害而後盼援師於遠
地求濟餉於西江費朝廷公帑更不貲矣今督臣親統
各兵隨賊奮剿臣亦驅馳山谷如房竹郎津白河等處
皆身歷其地未敢一日安居而郎之空虛猶昔也且民
力民生俱竭其支撐更難也揆時審勢主兵之不得不
設者有三臣深思熟計之矣兵燹之後多事之秋流寇
卽計日剪除而招撫流移清搜伏莽勤團操以壯軍實
飭備禦以安人心此非客旅事也不得不設者一他省
撫臣兵多者萬餘少亦以五七千計獨至郎而貧卒寥

明大司馬盧公奏議

卷一

三

寥五百光景堪憐夫以撫治爲贅員可也以郎疆爲孤
注不可也況今何時也無事尙思綢繆濟變尤宜善後
不得不設者二郎雖僻壤實控三隅腹裏等於邊陲方
之省會之區尤欲周防四應況六城殘破一郡孤懸東
堵西防關係甚重不得不設者三且主兵之餉稍厚者
每月不過一兩二錢而客兵每名本折行坐等糧通計
月支之數約費三兩六錢有奇是三名主兵僅可抵一
名客兵之餉中間緩急應手藉以防患未然脫有他虞
不至全恃徵調亦便計也前撫臣蔣允儀當寇警突來
之時房保竹津諸邑皆以蕞爾山城無兵受害而危郎

之恃以保全者實惟標兵五百及新募毛兵六百餘名
守之郎庫毫無額餉可供臣查毛兵六百餘名半年來
亦止賴協濟餉銀以給朝夕此不可以久也郎旣號稱
一鎮又當搶攘之餘受腹背之敵當年固屬草創今日
豈宜苟安且從來用兵亦未有專恃客而無主者自今
以後急宜設常操兵五千至少亦須三千以將領一二
員統之用資簡練防禦各兵月餉應照各省撫臣標兵
之例至於出師遠剿則臨期量給行糧此不特爲郎疆
計實爲全楚計并爲豫秦蜀之要害計也所須餉銀作
何派給應俟部覆非臣之所敢專伏乞皇上勅下戶兵

明大司馬盧公奏議

卷一

四

二部從長酌議儻事勢宜然臣言可採懇祈聖明速賜
俞允施行封疆幸甚

郟楚賊氛漸靖疏

日者流寇自蜀奔郟蟻聚蜂屯於房竹一帶皇上特厯南顧以合剿望之疆臣臣抵郟境不旬日而督臣陳奇瑜躬率勁旅從均州入山相與涉險緣崖直抵二竹撫臣唐暉自荆門移鎮襄屬如南漳光均要害之處無不身歷焉襄陽道臣苗胙土日在行間勵兵催餉於是監臣謝文舉同鎮臣鄧玘統川營之兵鎮臣許成名及副將楊正芳統鎮算營之兵稟承督臣方畧從竹山竹谿白河等處分路並進而督臣標下副參等官若楊化麟賀人龍張天禮哈俊劉遷等無不奉令爭先以殺賊自

明奇馬盧公奏議

卷一

五

誓者前後所據各該鎮道塘報除六月十二日至二十七日如烏林關也家溝石泉壩康家坪獅子山等處又六月三十至七月初三等日如太平河竹木砭箐口等處通共斬級五千六百有奇又副將張天禮賀人龍等從長安壩追賊於瓦窰溝任河一帶賊衆奔逃擁擠隨水而死者屍蔽漢江難以數計守關南道王在臺鼓勵鄉兵赴各山搜剿擒斬甚多據目前光景大夥業已剪除但竹平興紫皆在萬山中秦楚連界窟穴頗多恐仍有竄匿其間俟兵去而竊發者除飭道府窮搜預探外此時漢江而南幸有寧宇儻非督臣體皇上之威靈展

師中之勝畧提兵直搗賊窟殲渠馘魄快策京觀恐流

氛未易即殄而奏此捷功也至上津山陽交界處所尚有商盧餘孽往來出沒其間准督臣咨議南北兼防臣督發中軍官李玉華遊擊周仕鳳等剿之六月二十九日又斬獲二百餘級旋以鄧鎮兵譁之故暫回郟陽撫戡已另疏奏聞矣七月六七等日據漢中之西鄉洋固南鄭等縣各報有賊警且聞勢甚披猖親藩重地非他郡可比督臣隨於十五日西行急圖漢賊鄧鎮所統左右兩營副將楊世恩金世任等率領川兵同督臣標下將官楊化麟賀人龍等先赴西鄉應援臣復將川兵餉

明大司馬盧公奏議

卷一

六

銀搜括借解齋發彼中接濟矣以我勝兵臨彼狂寇自當計日掃除臣擬隨督臣後馳赴漢中適因譁兵初定人心未安且當殘破之餘遺孽伏戎可慮深維事勢郟境未敢遠離至鄧鎮會奉有防郟之旨督臣議令暫留鄧陽統率中前後三營視楚豫蜀秦緩急以為策應今其兵赴上津山中搜剿儻漢中賊勢衆多惟聽督臣調度不敢急郟而緩漢也總兵許成名副將楊正芳分領軍兵或防郟竹或扼荆承亦目前要著撫臣慮周全楚素裕帷籌臣惟與之酌量分布用固苞桑以舒聖明南顧爾

停徵修城積穀疏

竊惟海內之郡莫貧於鄖莫苦於鄖莫遼曠險僻於鄖
卽在承平無事而居民星散廬舍蕭條衣食之需秋毫
仰給他郡求所謂保甲鄉兵無有也求所謂生齒物力
無有也求所謂烽臺墩堡關隘金湯無有也且其山則
荒山土則瘠土民則流民生聚難而死逃易房竹保津
鄖西等縣悉在層巒疊嶂之中每縣相離各二三百里
儼然窮邊絕塞全非腹裏情形縣治則皆疊石爲城高
不滿丈廣不餘里城中比閭而處者多則二三百家不
及他縣一村堡也前此雖經百年培養雞犬不驚官其

明奇馬盧公奏議

卷一

七

地入其境猶觸目艱難朝不謀夕相率以爲畏途久矣
乃自寇氛蹂躪兵燹頻仍一望荒郊子遺殆盡臣每介
馬而馳於窮巖絕谷中百里不見炊烟不逢人跡卽有
一二鵠面鳩形之輩寄息山巖石窟之間所食皆草根
樹皮遙望官兵輒駭而他匿目睹淒然不謂世間有如
此境界也至臣駐劄之鄖縣查城居士庶亦不滿千前
此驟聞寇警登陴而守者挨門逐戶編派垛夫合鄖鎮
額兵五百人及府縣使壯尙不足二千人之數此在他
處固彈丸邑耳豈成一鎮乎向來大寇屯聚呼吸垂危
今雖次第剿驅從此若非多方保聚百計綢繆地方之

明奇馬盧公奏議

卷一

六

憂將日甚一日矣臣終夜嘔心思維再四目前補救急
著有三一議蠲恤以撫難民鄖鎮始於成化年間原爲
安插流民而設是以山民本非土著生理鮮少落落晨
星一當寇警死者十三逃者十七就中投入賊夥者亦
多迄今地畝拋荒廬舍煨燼幾於千里不毛若不早爲
賑恤急示招徠不盡驅而爲賊不已豈止無民以共此
土耶謹查山西陝西凡被陷州縣京邊錢糧停徵俱有
成例況鄖民窮苦離散更甚他方而鄖屬每年額解錢
糧總計不滿二萬鄖縣附郭以一邑而兼六城之事供
數萬之兵皮毛俱盡亦當一視同仁酌免其半朝廷蠲
之無幾窮黎實快更生此不能不懇望於皇仁之特沛
者伏候聖裁一繕城隍以資防禦房縣保康竹山山津
鄖西竹谿六邑草創山城原不成縣自寇氛蹂躪之餘
大半俱已坍塌今衙宇無一椽矣關廂無一棟矣人民
胥役徒死無一人矣今欲招集士民勢必先修城郭而
仍前潦畧則緩急終無濟也所需工料每城一座卽甚
節蓄亦須三四千金各邑破殘分文無措鄖庫如洗銖
兩難那而窮黎餬口不遑輸助之舉又萬萬無可望者
勢不得不控之皇上求量發金錢也彼秦晉兵荒之地
俱徵聖明浩蕩之恩發帑賑恤今鄖屬不敢望賑而修

城固圍保障生靈錢糧措處無門惟有據實陳乞伏候
聖裁一籌積貯以延生命耶介萬山布帛菽粟取給荆
襄諸郡千里而遙自剿寇用兵商賈斷絕米每石貴至
二兩一錢近且二兩四錢矣豆每石貴至一兩近且一
兩二錢矣比來水陸輸將本折交辦以供客旅盤殮日
虞不繼士民之家多有竟日不能舉火者其他屬邑并
各鄉村又無論矣夫以地方則要害如此以生靈則困
苦如此以物力則又彫殘耗竭如此官民兩窮何計存
活非急儲倉穀二三萬以備緩急凶荒此土終於危窘
今與撫臣唐暉悉心籌畫將全楚郡邑未遭兵火者量

明奇馬盧公奏議

卷一

克

其大小各借倉穀多則三四百石少則一二百石各輸
之郟城以延積貯之命脉待時和年豐生理稍裕仍令
郟屬設處穀價補還此恤鄰周急之誼況楚郟同室撫
臣深切救焚拯溺之思未有不仰體皇上垂憫殘郟之
盛懷也伏候聖裁頃臣初至郟疆惟以辦賊爲急地方
艱苦未敢瑣陳今痛定思痛食不下喉謹將切近三條
上千聖聽伏乞皇上勅下該部議覆早賜允行至荆襄
等府寇患兵興疲累亦甚應條奏者容臣等另疏上聞

籌餉疏

寇警漸平援兵漸撤而獨有一萬難支撐之事則川營
月餉是也楚留餉止於十五萬近日又奉明旨再留三
萬督臣撫臣及臣郟鎮共之而郟鎮所用非臣用也客
兵援郟固按額而支算兵赴郟亦就近而給督臣提兵
入郟若行糧若米豆草料又復隨地以供凡此皆取辦
於郟餉之數者各有款項各有支銷近日會師進剿主
客兵遠赴秦之平利白河洵陽興安紫陽等處一切芻
糧之給更無不飛輓自郟接濟自楚蓋封疆大計力所
得爲臣與撫臣及該道府敢不嘔心竭蹶以從至總兵

明奇馬盧公奏議

卷一

辛

鄧圮所統川營其廩糧鹽菜等銀月支一萬三千六百
餘兩而米豆草束不與焉蕞爾殘郟半年來所需糧料
百計免供無缺至於月餉如許措辦維艱該鎮之兵時
呼庚癸臣與督撫諸臣除前措給五萬餘兩已經疏聞
外今七月二十日以後撫臣唐暉及布政司又多方措
發并三萬金業已給完爲數且踰八萬矣卽此已去留
餉之半矣今駐郟一日需餉一日從前措給者何項補
還向後支持者何銀應急洵陽之譁費端已兆於始竭
澤之慮危機莫保其終頃監臣謝文舉奉旨撤回行至
新野遙聞此兵有鼓譟之說遂復馳回宣布朝廷德意

則月餉之不貴川營之難馭與夫郎鎮之難供監臣亦所共知其見也抑臣所憂更不止川兵也郎鎮額設標兵五百餘名每年工食銀六千餘兩向皆編派於房竹保津郎西等縣今遭寇掠無官無民從何徵解邇來亦皆暫那別項計日支吾而總兵許成名及副將楊正芳所統算兵三千四百餘名前准撫臣調發援郎糧餉亦取給郎鎮并周仕鳳所領石砭兵六百餘名之數及前治臣蔣允儀所募毛兵五百餘名之數皆環而待哺於臣今郎襄之庫銀已盡撫臣之協濟已窮勉強支撐至八月下旬秋毫無告竭矣有兵無餉害乃甚於無兵微

明大司馬盧公奏議

卷一

三

臣及今不再顧陳坐待決裂卽以身膏斧鑕亦晚伏乞皇上勅下戶兵二部早賜確議將在郎主客官兵作何撤留鄧鎮月餉作何銷算并所留防郎之兵錢糧向後作何接濟庶兵食有歸豐端可杜而臣得一意收拾殘疆圖維善後也

附投閣部揭

欽差提督軍務兼撫治郎陽等處地方都察院右僉都御史盧象昇爲郎鎮奇苦奇窮奇疫寇災兵災旱災以朝不保暮之危形處極倣難返之事勢拜疏不能盡言具揭再爲鳴剖伏乞台臺鑒察早拯殘疆事職本庸才謬叨撫治之任幸隨督撫諸臣後黽勉辦賊今流氛畧靖剿事粗完而郎之可危可憂更有甚於寇者且有不能旦暮待者敢不痛切陳之流孽入郎此上年冬底事也當其時十餘萬強寇自中州奔突而西餉無一分兵無一旅列城報陷全楚震驚至二月間各鎮援兵奉旨駢集芻糧供應日益浩繁職於四月末旬抵任維時賊正盤踞郎山官兵深入堵剿環而索餉者不惟折色關支無算抑且本色輸運如流而一絲一毫一顆一粒皆從全楚協濟五月初旬督院提兵適至於時合總督標兵及川兵算兵晉兵石砭等兵爲數幾於二萬人山愈深愈遠運糧愈苦愈難嗣而竹山竹谿白河平利洵陽興安紫陽繇楚入秦綿亘八百餘里皆郎兵郎餉水陸交馳未嘗有缺然郎且憊極矣不惟郎憊而襄亦困矣不惟襄困而荆承亦稱苦矣在各省撫臣以兵馬錢糧爲職

明大司馬盧公奏議

卷一

三

掌以居重馭輕爲事權以臂指相承爲調度而耶無兵馬無錢糧無多屬自遭寇患屬邑破殘蕞爾耶城孤懸萬山之內額設標兵五百日食餉銀二分此職所統之兵也殘疆千里不毛附郭居民數百此職所居之鎮也土著逃亡殆盡額糧顆粒無徵此職所撫之民也自用兵以來若非楚撫唐暉儘留餉之數以濟耶襄以供客旅耶之命脉久斷矣尙言剿寇乎今耶中大寇之後繼以大兵大兵之後繼以大疫房竹保津耶西等處人民棟宇固十不一存而耶鎮合關城內外士民亦不過千家饑傷疫沒者又十之三四

明奇馬盧公奏議

卷一

三

諸凡往來差使一入耶疆無不觸目傷心驚詫特甚謂世間有此困苦荒涼之境界也且入秋以來旱魃爲災山田盡成赭土禾黍全枯耶之子遺餉口益無望矣夫以無民無食之耶而供多兵多餉之用使非點金雨粟協濟終歸於立窮況乎鄧鎮坐糧月支一萬三千六百餘兩半年以來因無歸著庚癸頻呼督撫及職儘力那移共給過八萬餘兩幾去留餉之半此八萬餘兩者以爲非耶鎮用而該營兵實駐耶然執此而謂耶鎮多用錢糧則耶不敢受也此項原不在協濟數內也其他一切本折行鹽糧料草束收支

出入該府廳州縣各有經營責成不難確覈銷算職居官十有二年繇部郎郡守以及監司事事爲朝廷節蓄公儲爲地方愛養物力盟心酌水天日矢之比來日擊耶中貧窘如此而需餉浩煩如彼憂愁困苦殊不欲生此時寇氛蹂躪之後不敢輕言撤兵而有兵必須用餉協濟告竭之餘何處再爲索餉而無餉必須撤兵實間不容髮亦刻不能待者也今至八月未旬通盤打算耶襄二府瓶罍俱空豈特川草石砧等兵分毫無所取給而耶之些須雜項亦皆搜括用盡弁職標兵數百朝夕難支續命之膏將仍望之楚

明奇馬盧公奏議

卷一

三

撫乎而協濟之數已浮且荆承一帶防兵亦多嗷嗷待哺者勢不能強楚撫以太難也職今另疏願陳計明旨下部議覆往返尙須四旬當此官民兩窮兵食交迫安危呼吸何以苟延職於八月之朔進各官兵而誓之曰食盡之日願與三軍同餓同僵職言至此實一字一血也竊思封疆之臣處計窮力竭之地何惜一身以報朝廷而事須求其有濟諒安忍於不言今日救耶急著必如職前疏所請增設額兵三千每歲止須額餉四萬餘兩以客兵數月之餉即可餉主兵經年矣況兵就土著召募耶民之壯健乏食者皆

爲我用免生他心以之分布破殘各縣壯聲勢以招
流移藉兵力以築城堡庶幾因事補苴戰守有賴又
無兵興竭澤之虞耶其少有瘳耳至川營戰兵也鄧
玘戰帥也所需月餉不貲八月以後米豆尙可勉供
多金一無所出五千餘衆其情形旦夕不可知再有
意外之虞萬難收拾是又在廟堂之上急賜主持者
也情窮事迫語不擇音崙此激切具揭伏維台照施
行須至揭帖者

請令川兵北援疏

日者郢楚賊情次第殲掃臣與督臣陳奇瑜撫臣唐順
已相繼入告矣援剿總兵鄧玘前奉旨駐郢聽督臣調
度其左右兩營副將楊世恩等統之以赴漢前後中三
營鄧鎮統之以防郢頃於七月下旬據房竹與洵等處
俱已報稱無賊隨移會督臣議將該鎮之兵盡入漢南
圖賊旋准督臣咨覆謂漢賊已經半剿半散秦中措餉
維艱權令該鎮留郢防禦此八月初間事也臣隨商之
鎮臣鄧玘此時郢楚旣漸收寧漢興諸寇督臣廣設方
畧剿撫並行亦且廓清有日所慮者秦之西安商維一
帶寇孽尙多臣意欲令川兵自郢西上津直抵山陽商
維以及會城與秦兵夾剿務盡賊黨而鎮臣持慮頗遠
謂多兵久征於秦楚之地水土失調人心不固且恐深
入秦境彼中方苦有兵無食雖有楚餉輸運爲難故止
於郢山中搜討而未便西行也近接郢報知窺疆
畿輔戒嚴宣雲孔棘微臣株守郢中勉圖善後雖復急
公之有念方慚奮翼之靡遑若川營素號戰兵鄧鎮素
稱忠勇寇急則當藉之以剿寇急則當用之以禦
臣非不知郢疆僻處萬山破殘已甚尙須多借兵力維
持備禦其間而報狎聞聖明宵旰於上該鎮實堪當

一面者計其坐餉行鹽米豆等項月費幾一萬八千金
倘不移緩就急而使坐糜兵食萬非臣子分義所安卽
在鎮臣亦恒思奮身自効臣今一面拜疏上聞一面具
揭兵部并移咨督撫及該鎮早圖整朔北行至蕞爾殘
耶設兵措餉微臣前疏已叨荷聖慈勅部會議蓋兵一
也撤客增主不惟於餉額甚省而窮鎮更可藉以支撐
樞臣計臣稔知耶苦必當爲封疆計長久矣抑臣愚更
有披瀝焉川兵入耶會剿屢奏捷功該鎮將之勞固不
可泯乃七月初四日忽譁於洵陽以爭船啓釁以索餉
爲辭微臣據實奏聞已蒙聖明寬典而其左右兩營近
明大司馬盧公奏議 卷一 三

也
明大司馬盧公奏議 卷一 三

保留推官江禹緒疏

據襄陽府申稱推官江禹緒見年二十八歲河南開封府杞縣籍直隸徽州府歙縣人繇進士崇禎四年七月十二日除授今職本年十月初八日到任扣該崇禎七年閏八月初八日止連閏實歷俸三十六個月三年任滿例應給繇等因云該臣會同總督河南山西陝西湖廣保定等處兵部右侍郎兼都察院右僉都御史陳奇瑜巡撫湖廣右僉都御史唐暉考得本官心清似水才利如鋒品識丰裁俱卓而獄情幽隱畢照官方衡鑑最公執法不阿民懷吏畏至以書生踐戎馬之場督兵禦寇如均漳棗鄖等處所向克捷尤徵偉畧焉此理官之特出者茲當二年任滿例應赴部給繇但本官奉委查算兵馬錢糧實難離任與有事地方保留事例相符既經該司議詳前來相應會題伏乞勅下吏部再加查議合無准令推官江禹緒在任帶俸管事造冊差人齎部考覈覆請就彼復職准作考滿再照本官操持識力種種過人三載理官發奸刑暴豪右為之斂踪奸胥為之戢志且昨歲流寇渡河鄖襄之間一時鼎沸本官奉委從事行間如均州瀕危以指顧定也南漳圍困以臨戎解也鄖西追剿以介馬往也棗陽告急以冒雪行也

明大司馬盧公奏議

卷一

三

勞績獨多賢能稱最臣始至鄖襄見地方眾口無不頌之者近日臣與督撫道諸臣入山會剿本官領施容等兵分防光化等處詰戎飭備屹然金湯保障之功彰彰可紀臣閱邸報山右陝西推知各官有以禦寇宣勞減俸行取者若本官才品兼優資勞並茂亦當邀一視之仁用示激揚之典此則出自聖恩而非臣等所敢擅便也

明大司馬盧公奏議

卷一

三

保任道臣請補要地守令疏

本年九月初一等日准戶兵二部咨會覆微臣卽民萬分困苦及川營月餉不貲等疏奉聖旨卽鎮撥兵留撤依議其招流移繕城隍寬文網緩賦役著該撫率勵道府有司實心協策安集修舉以起創痍欽此臣跪捧明綸自覺初心益奮竊念從前寇患之慘至卽而極今日措手之難亦至卽而極邇者楚地之烽烟雖熄秦豫之警報時聞卽餉艱難客兵已撤地方何所恃以無恐況敢輕言善後乎臣日與道府有司互相勸勉其効綢繆重以煌煌天語臨之諸臣倘不殫精竭慮以圖則有朝

明司馬盧公奏議

卷一

三

查邸報未見命下或係風聞以望以資以勞該道固久應擢用者但襄郡係全楚咽喉迥處宛卽要害藉作長城爲地擇人無如加銜留任爲便至荊州道臣陶崇道歷參藩之俸已踰二年前因惠藩參奏吏部覆題奉聖旨劉承纓近報有捷功姑依議陶崇道縱屬干藩何得以失事戴罪薄罰著降二級照舊仍各責令剿賊自効欽此謹查荆屬地方自本年五月初旬卽報無賊其五月以前之克捷與五月以後之戢防實賴撫臣唐暉調度分布推官劉承纓暨各將領奔走剿驅而就中奉行區畫指授廳將等官悉該道之力也皇上使過使功恩威並用此一臣者亦當卽賜開復以勵將來至於復秩之後或本官瓜期已過治狀素優仍晉以應得之銜姑使之又安荆土此又出自聖慈聽之部覆臣愚曷敢造次以請焉此外則襄陽知府唐顯悅在事三年賢聲茂著且自流孽入楚料理軍需盈萬盈千有呼輒應已陞湖廣下江防道臣思得一廉幹之吏以繼之乃數月來尙未銓除不免懸缺以待又如均州知州吳玄鍾雒南知縣譚登仕穀城知縣鄭雲鵬居官不職備禦無能臣已拜疏糾處訖弁保康縣死事知縣方國儒亦經前治臣蔣允儀奏報訖以上數州縣或當殘掠之後或處要

明司馬盧公奏議

卷一


三

害之區倘非精明敏潔之才豈易勝任臣行該道府廳
就近查議徧求堪調補者而難其人尤不得不望我皇
上載飭該部早選廉能甲科刻期任事也

明大司馬盧公奏議

卷一

三



明大司馬盧公奏議卷之二

撫郎奏議目錄

募軍開屯疏

措餉疏

借本屯田鼓鑄修城疏

應援漢商疏

援商雜奏捷疏

續報商雜剿賊疏

立寨併村清野設伏增兵籌餉疏

附撫郎公牘

明大司馬盧公奏議

卷二 目次

鄭寇初平十議

靖寇綏民八則

兵船巡江十二則

募軍屯田十議

立寨併村七款

運糧五則

偵寇

禁參謁

添設塘兵

查飭守禦

申飭偵探糧料

取官評

接濟兵糧

行查流寇焚掠地方

查取堪任官員

發標兵剿賊

禁止詞訟

親剿流寇

清伏戎除土寇

嚴飭將領

明大司馬盧公奏議

卷二 目次

二

申明軍律

禁約

鼓練鄉勇

扼要設防

卹錄死事官員


明大司馬盧公奏議卷之二

宜興盧象昇建斗著

襄平蔣攸銛礪堂鑒定

撫卹奏議

募軍開屯疏



臣前具恭報防剿機宜一疏奉有淨掃餘孽安集遺黎之旨若房竹若郟津雖苦人烟斷絕千里不毛而微臣以一身奔走其間分布防兵招徠土著厯山谿之峻險查地畝之拋荒日嘔心以從事焉惟是郟土雖存郟民已盡客兵既撤主兵無多人臣効力疆場此際正當以

明大司馬盧公奏議

卷二

一

真心幹辦考之記傳郟屬地方古稱天獄蓋甚言其淒涼困苦險阻艱難也况遭寇患情景愈益不堪昔郟俠繪流民之圖臣今苦于無民可繪故他務不遑經理急求生聚之方乃數月以來身披草萊弔生卹死勸災黎以復業諭歲額之停徵竟無有應者而臣之心於是乎窮矣復從而廣懸示約曲意撫摩擬修城築舍以奠民居圖設法通商以濟民食竟無有應者而臣之心於是乎又窮矣更從而董率二三守令召集二三耆老議借子種議給牛具但求不棄此土官且代為經營亦竟無有應者而臣之心于是乎益窮矣然則郟土既可以無

民則亦可以無官而不知千里封疆三方控扼今日之
鄖極困苦之地乃極要害之地也窮而思變法在善行
審勢揆時惟有屯田一著而屯田之人屯田之具屯田
之資逐項通盤打算措手無門無已則抽餘軍以實曠
土乎臣查荆襄等衛有正軍有餘軍各軍各種額田而
餘軍自食其力猶之民也但借民於他屬將見小人懷
土趨避紛紛無益于鄖徒以滋擾若餘軍每衛不下萬
人抽其壯者卽統以本衛指揮千百戶等官臂指相承
運掉頗易臣業行襄陽道臣苗胙土荊州道臣陶崇道
專委推官江禹緒劉承纓各將闔衛餘軍清查抽點諭

明大司馬盧公奏議

卷二

二

以急公大義務使樂從又督鄖陽府知府李夢麒同該
府推官姚士鴻將鄖屬拋荒之田隨地諮詢相度孰是
無主孰是可耕孰是久荒孰是新棄如本戶死逃儘其
族姓族姓故絕儘其里鄰里鄰無人然後區別上中下
三等計軍而授之田計田而給以種計種而課其成從
此極敝難返之鄖疆增一民得一民之用闕寸土茹寸
土之毛漸而生聚漸而教訓漸而足食漸而卽戎微臣
庶幾少報我皇上乎至屯法條分縷晰左方右圓因天
時察地利以劑量輿情鼓舞衆志如借子種資牛具定
編派立田規給口糧設廬舍一切無中生有之事臣惟

竭犬馬之力以爲之俟經營畧有次第方敢入告聖明
此時未敢以口說之騰徒煩天聽獨委官一節有不得
不仰邀聖明之賞罰黜陟以示激勵者蓋人情繇苦以
就樂繇難以就易則爭趨之繇樂以就苦繇易以就難
則爭避之鄖中景象聞者咋舌見者酸鼻本處子遺尙
且站立不住招撫不來一旦抽數百里外之餘軍使之
另闢世界行之自覺苦難不行又別無他策隨屯督率
必須選任本衛之官是猶以父兄率子弟也乃衛官世
職各有身家習故安常不免畏難規避縱使軍就臣之
鼓舞而官不提精神恐究竟亦無成績臣行該道歷

明大司馬盧公奏議

卷二

三

務選其伶俐而精強忠誠而廉幹者視軍數多寡分統
赴鄖隨地安插授以開屯之法責以課効之程拮据一
年俟有成效卽分別而殿最之有功者百戶陞千戶千
戶陞指揮指揮加蔭一千百戶有罪者指揮降千戶千
戶降百戶百戶降舍餘仍以升降定世襲庶各弁知勸
知懲其誰不急公自効者初行之卽軍卽民久行之卽
軍卽兵從來有治人卽有治法又不在難不難苦不苦
也竊思鄖地在憲廟以前原係棄土後因寇盜蜂屯流
民蟻聚且劉千斤石和尚等據之作亂爲豫楚秦三省
大患成化元年遣都御史王恕成化二年遣尙書白圭

成化十二年遣尙書原傑等相繼討平而安插之成化十三年乃設撫治并設府州縣等官彼時各省晏然兵多糧足開疆展土弭盜安民先臣尙費拮据乃爾今日以流聚之子遺捍各省鳴張豕突之強寇其間籌兵籌餉計食計民頭緒多端無事不當盡力而獨此募軍屯田一法海內皆可通行以之救卹尤切臣故在卹言卹首舉此務爾除臣刊布條款通行道府州縣及該衛官軍其圖實效少需時日分別殿最上聞外所有選任衛官及功罪陞降等項事宜伏乞皇上敕部議覆以便遵行

題覆增兵措餉疏

竊照卹鎮兵單餉乏人在聖明洞照之中微臣前疏特請設兵三千實因控扼三隅此處極其要害而殘破之餘封疆萬難再誤故兢兢焉善後是圖乃計臣樞臣旣念卹土艱危復慮餉銀難措所議增兵五百暨毛兵六百合之可增一千一百名矣此一千一百名者若論分布設防臣轄卹襄荆南漢五郡每郡僅得二百餘兵緩急何能兼顧但海內憂兵憂餉到處爲然疆臣旣值此時自當勉圖報稱如部議所云挑選民壯團練鄉勇以其壯師干臣不敢不悉心從事也至鎮軍兵隸楚臣業

與撫鎮諸臣從長酌議以其半還顧荆承以其半分防卹竹惟是算餉亦無成額皆取諸黔還楚餉而從前奉旨酌留之數久已用盡全楚重地此兵未便撤回所需餉銀頃撫臣已會題續請矣若夫石砭川兵一旅暫留防卹該營領兵遊擊周仕鳳勤勇急公曾有康家坪之捷近守上津一帶更著成勞只卹中窘極多一兵不免多一兵之費且其日食餉銀四分在圭兵儘足餬口而川兵終是客旅時時呼籲於臣勢不能久也臣爲朝廷節嗇公帑此兵或遣之回川或調之他用當候聖裁但該營旣撤卹鎮益苦空虛所賴以建威銷萌綢繆桑土

止臣原額標兵五百新募毛兵六百暨今增設鄖兵五百以視他鎮雖不及十之二三而從此多方簡練鼓勇作忠東堵西防惟力是視固微臣忠於皇上之職分也所尚費籌畫者增設標兵五百已奉旨確議餉銀而毛兵六百部覆另議設處恐日後仍無歸著惟望天語申明并於楚省坐給永立成規封疆利賴不淺矣

借本屯田鼓鑄修城疏

本年九月初六日准工部咨覆微臣題前事內繕城垣以資防禦一款該本部看得郡治修城每年原有積貯銀兩專供厥役卽供用不敷亦該地方自爲措置此不易之大例也近見河南之修築澠盧山東之修築東平登萊江西之修築南昌等四城廣東九連之創設兩縣無不出于捐助特在綱紀之司一倡率之耳崇禎七年八月二十六日奉聖旨這房竹等六縣城垣著該撫設法措處倡助繕葺該鎮兵燹彫殘還委任良吏多方安集俾小民恃有保障興築事宜不妨漸次修舉欽此臣莊頌明綸迴環部覆知皇上憫念鄖疆萬分殷切而工臣獨以水衡告匱未遑一顧殘鄖但謂修城例有積貯之銀乃六城煨燼斗糧尺布無存況金錢也至求之捐助而鄖在昔無富民在今并無貧民臣每至一山郵行數十里或百餘里但見人面鵠形之老稚非踉蹌道旁卽展轉溝壑恨不能剜肉以啖焉何忍再問其輸將若所引河南之築澠盧及山東之築平登彼平原數城耳合全省之民財物力以其襄之豈不綽然其有餘裕而天下更有險僻淒涼若鄖者乎天下更有貧窶掣肘若鄖撫者乎天下更有人民逃散兵燹頻仍官吏士民救

死不贍若鄖撫今日所處之時所居之地者乎夫疆臣任事力可行卽行之不能則亦當言之儻旣不能行又不敢言是甘以皇上之土地人民爲嘗試之具也臣今兀守孤鄖一城之外惟與萬山相對二竹保房西津等邑印官署官寄跡頽城敗棟之間招一民無應者呼一役亦無應者但見鴻鴈哀鳴於中澤虎狼白晝以張牙何必賊來乃始不能存活臣言及此石人亦下淚矣臣跪捧明旨諭以興築事宜不妨漸次修舉此皇上洞知鄖苦稍寬期限以課其成而臣不敢自寬也鄖寇雖靖秦賊正猖臣以三隅兼轄之贅撫處三面受敵之孤鄖

明大司馬盧公奏議

卷二

八

事也田舍翁多收十斛麥尙能以升斗之儲活鄰家且夕之命臣與撫臣唐暉同室也非鄉鄰也況兵興以來撫臣念切封疆有呼輒應今值垂成之會寧靳續命之膏然非天語遙頒未敢私相授受懇祈皇上特勅楚撫不拘何項銀兩搜借三萬兩以爲鄖中修城屯田鼓鑄之用仍限臣於一年之內先還萬金兩年之內全完庶公帑無虧殘鄖可救臣與鄖楚士民其祝皇上於萬禩矣

明大司馬盧公奏議

卷二

九

應援漢商疏

閏八月二十七日自鄖鎮馳赴襄陽會發川兵回籍北行至九月初八九等日聞賊出潼關將犯河南靈盧內浙等處隨經移會豫撫元默共圖剿禦臣於九月二十七日自襄陽親赴光化穀城均州一帶點查軍壯鼓勵鄉兵申飭城守途中接督臣陳奇瑜文內稱鳳寶激變秦中已撫未撫諸寇互相煽亂要從商雒或棧道鞏昌以入漢南鄖襄煩會鄧許二鎮一赴漢興任河等要地一赴鄖津商雒衝處相機夾剿等因十月初七日又據商雒道副使許國秀呈為懇發勁兵急援危疆事內稱

明大司馬盧公奏議

卷二

十

載畧有生機乃不意旬日之間漢中商雒等道接踵告急漢中則向臣請餉商雒則向臣請兵竊思無兵無餉之耶時時待命於皇上事事乞憐於楚中今秦地賊情又猖獗如此總係朝廷封疆且漢商亦微臣所轄何處不宮極力照管者臣於本月初十一兩日料理兩晝夜湊發千兵裹餉馳援商雒臣衙門別無將領止一中軍都司李玉華又貧窶之極臣自割俸銀少資其廩餉督之領兵前去與秦兵夾剿計商雒離鄖七百餘里山路崎嶇一望俱無人烟即兼程亦須十日秦方併力於鳳延隴鞏臣以孤軍遠赴商急凡芻糧之匱乏與兵勢之單微尤所總總慮之者也況臣鎮止額兵五百及新募毛兵六百此節經題明在案者今去此千兵但以百餘兵居守鄖愈孤危奉旨新設之鄖兵五百微臣久已募完乃著伍即須用餉臣計無所出飛會楚省撫按將新兵五百及毛兵六百之餉一面議奏一面先求本年冬季接濟以救燃眉撫臣唐暉新按臣余應桂俱念切封疆各以手書相報謂節多方派給臣深感其同舟至情但得兵餉稍可支持臣敢不竭犬馬之力以從事乎至於漢中親藩重地前者督臣援漢剿撫並用數月來據道府州縣塘報業已無賊乃今強寇復窺棧道漢鄖

明大司馬盧公奏議

卷二

十

相隔一千六百餘里其至棧道也幾二千餘里彼中止遊擊唐通兵三百及該道家丁六十名兵食無資勢更岌岌夫以鄖之破殘困苦方乞鄰爲活此天下所知而漢南道府反向臣索餉則秦中用兵連歲餉竭民窮概可知矣前督臣會疏請設漢兵五百已蒙俞旨仍望皇上申飭秦省速撥餉銀至繇漢興而洵紫竹房以及荆襄地面向皆賊人奔突之地今全楚所恃止有鎮守一兵爲數不滿五千喜鎮臣許成名沈機遠畧赤膽忠肝卓然名將副總兵楊正芳智勇超羣廉明取衆復時時以殺賊自期該鎮將實楚之長城臣與撫按諸臣共相倚重近奉督臣夾剿之檄已相繼馳至鄖陽惟視漢興商維緩急以爲進止蓋算兵楚兵也其所用餉皆楚餉也楚控一十五郡地方遼廓賊若繇秦繇豫以入楚其取途不止鄖襄鄖襄特其最要害者耳況荆承黃德或係陵藩重地或係水陸要衝勢又不容不返顧者近日楚省撫按移會及臣酌分算兵以固內地此又綢繆之極思斷斷非過計也除漢商賊情俟該道府再有確報卽會同秦省督撫按諸臣續行馳奏外緣係云臣未敢擅便爲此具本謹題

明大司馬盧公奏議

卷二

三

援商秦捷疏

十一月初二日據商維道塘報爲迎剿狡賊窮追奇勝保全雒邑事云本月初四日又據中軍都司李玉華差健丁楊盛等飛報商州之圍已解云臣看得商維山高地曠大寇易於狂奔前此撫臣練國事往來剿禦於西安商州之間地方恃以無恐近日因與督臣陳奇瑜協援鳳翔防兵亦弁力西剿賊勢遂猖道臣許國秀受事方新拮据良苦鄖鎮兵單餉匱方虞近守不遑而同室纓冠又誼難少緩臣發標下中軍都司李玉華與秦兵夾剿襄糧七百里而馳有地花舖之捷據報斬級一百六十顆又撫臣調發潼關道中軍孫紹烈韓邵營中軍李國政等有景邨之捷據報斬級七十顆商州維南似已少紓目前之急矣惟是屢獲奸細俱供鳳延大夥欲從漢興商維奔湖廣河南臣控孤鄖三面受敵敢不與楚豫秦各撫同心合力圖之全楚止算兵五千頃淮撫臣唐暉按臣余應桂鎮臣許成名酌議除發兵五百餘人分布承天重地及仙桃鎮等處外許鎮親統算兵千餘駐均鄧之黨子口以固承襄門戶而壯內浙聲援副總兵楊正芳統率算兵千餘繇上津山陽相機夾剿秦賊此外則遊擊鍾鳴臯等以五百餘人守光化叅

明大司馬盧公奏議

卷二

三

將張大節等以六百餘人守房竹臣思寇橫則慮宜周兵分則備愈寡此時鄂襄一帶雖多方捍禦境內獲安而郎鎮空虛日者援商一旅標兵勢不得不撤回以固根本十一月初四日間督臣陳奇瑜已至西安則漢商善後之圖臣亦惟從督撫諸臣後早夜竭蹶共壯師干而已若干總馬應麟雖出身行伍臣見其臨陣勇往且因郎鎮無兵無將特給以千總職銜使之援商剿賊其死事之勇所當與斬獲多級之中軍都司李玉華潼關道中軍孫紹烈韓郃營中軍李國政等分別敘卹者也爲此會本具題

明大司馬盧公奏議

卷二

丙

續報商雒剿賊疏

題爲楚兵會剿秦寇馳報解圍斬級情形并陣亡將領事該臣先准督臣陳奇瑜咨議令軍兵赴漢興商雒會剿隨經移會鎮臣許成名并檄副將楊正芳各於境上分路扼擊而先遣臣標下中軍都司李玉華領郎兵援商業經兩次奏報矣十一月十八日卯時據商雒道臣許國秀塘報內稱有分守湖廣鎮軍營副總兵楊正芳奉督撫各院憲牌帶領軍兵前赴鄂西上津等處境上堵擊大賊繇商州商南於二十七日自山陽到州本日據雒南縣報稱死賊見在桑坪等處割管離縣不遠並無一兵防守狂寇復至勢必瓦解乞速發兵等因二十

八日又據該縣報賊劄桑坪焚劫乞催兵前來以保危城等因二十九日卯時又據該縣飛報緊急賊情事稱二十八日申時流賊蜂擁而來勢在危急乞速發兵救援等因本日又據該縣報爲乞請兵馬以解危困事報稱流賊無數攻城甚急乞請兵馬等因本日又據商州報流賊塘馬五十匹到牧護關焚劫搶掠各等情到道查得商州城池嚴固尙可調度百姓防守雒南城低且人心不固恐有疎虞封疆爲重卽行商州添辦芻糧又差人星赴潼關道發兵南下又移會副將楊正芳都司

明大司馬盧公奏議

卷二

壬

李玉華合兵前去又面議雒南山險賊衆相機堵禦十一月
月初二日據商州報稱牧護關秦領舖大商原麻澗
胭脂關流賊無數塘馬至黃沙嶺等處焚殺離城十里
本道一面督鄉兵嚴守城池一面差人啟請二將如雒
南賊勢稍退卽回州救禦去後十一月十一日據雒南
縣塘報爲官兵剿殺賊情事十月二十八九兩日流賊
攻圍縣城十一月初一日蒙副將楊正芳都司李玉華
潼關道發韓邵營中軍李國政兩路兵馬到縣今准都
司李玉華手本稱初二日據本縣塘報賊劉黑潭川離
城三十里是日統兵徑抵賊營將近半更時候四山瞭

明大司馬盧公奏議

卷二

六

望賊營數十里火光不絕楊副將與職面議見賊不殺
何處尋覓官兵對面拈闖拈定楊副將與張上選等督
兵進剿職與守備李亨白潘瀾汪應甲扼守老營叮囑
已定二更造飯四更衝入賊營只許殺死不許割級并
先搶馬匹以誤大事催兵行至賊營天已將明張上選
從東路衝上楊副將從西路衝下官兵勇殺獲功五百
餘級賊被傷者無算擒獲賊頭一名飛天虎當陣斬訖
馬羸百十餘匹剗立方營自寅至未賊來十餘萬圍攻
老營援兵發盡得韓邵營中軍李國政等統把總家丁
李登霧鄭朝印等數百騎衝賊數十合斬級三十餘顆

衝散賊圍救得老營兵馬回縣楊副將官兵剗住與賊
對壘相持當夜各賊從後山擁上楊副將奮力迎戰賊
多兵少楊副將不知下落本縣卽差壯快關登魁周云
黃英溫漸高并黑潭川保正副楊福壽黨自才等及楊
副將部下官頭親丁李亨白李三楊文學等細查楊副
將身屍遍野追尋至劉家溝尋獲張上選屍骸發送訖
戰場處所屍首多被火燒手足面目不全難以認尋等
情到道爲照副將楊正芳統兵援雒獲功甚衆無奈賊
多兵少血戰力竭歿於疆場烈烈英魂情慘可憫都司
李玉華中軍李國政渾身是膽滿腹皆兵伏乞本院優

明大司馬盧公奏議

卷二

七

敘旌表以勵忠勇等因到臣看得商雒賊情孔棘楚鄖
患切剝膚裹糧馳援誼不容緩然以楚兵楚將剿賊於
秦奮勵急公未有若正芳者且縛渠斬馘甚多而卒以
身殉蓋本官在楚屢戰克捷目無強寇故臨陣未免稍
輕而忠勇實不可泯傳聞報至商州閩城鄉官士庶無
不爲之設靈致祭慟哭撫膺感其救援而悲其死事者
如此雄烈所當仰丐聖恩并其部下陣亡領兵指揮張
上選俱分別從優卹錄者也該營官丁或對壘突圍勢
不相顧或觀望退怯有失應援卽鎮離雒南七百餘里
萬山隔越往返動輒月餘應俟確查分別議處若臣標

下中軍都司李玉華先曾解兩圍斬多級而彼時同在戰陣亦當相機協策以圖萬全今正芳陣殞本弁雖有赴商剿賊之功難辭失援楊將之咎謹候皇上睿裁爲此謹題

立寨併邨清野設伏增兵籌餉疏

臣以鉛槧之才荷封疆之任朝思夕惕圖報我皇上知遇特恩而未得一當也乃受事八閱月以來藉朝廷寵靈憑督撫鎮諸臣猷畧楚鄖一帶迅掃流氛方當恪遵明旨安集遺黎經營殘土以無負臣撫治本職不意漢興商雜賊勢復爾披猖在各省且俱餉竭兵疲日難一日鄖當三面之敵無專統之權四應何以分身干兵何以兼顧況乎以各省之兵驅各省之賊則孤鄖刻刻有爲壑之虞微臣處此苟有濟於地方者惟是知無不爲爲無不力而已凡可告之君父者亦惟是知無不言言

無不盡而已夫寇孽縱橫七年蹂躪五省愈剿愈煩愈撫愈橫從來宿將強兵勞人任士大半銷沈决裂於此中其初皆民也夫何至此極也微臣枕戈待旦終夜以思竊謂今日事勢未易使賊卽化爲民要當使民不復爲賊未易使賊盡授首於兵要當使兵不復爲賊如果民自民兵自兵賊自賊而賊可盡矣然而兵民之不能禦賊殺賊其故皆繇於畏死而兵民之相繼從賊作賊其故皆起於求生夫生死之關則居食兩字盡之臣姑以鄖論萬山礮瘠穴處巖居平時暑雨祁寒尙多不能存活而今日者山城變爲瓦礫邨落盡作邱墟加以殘

黎失業千里不毛憫茲子遺賊來而藏身無地則從之
餬口無資則從之既難藏身又難餬口而白刃在前尤
不得不從之殺賊一而從賊百殺賊百而從賊千所殺
者皆賊也皆民也而賊之渠與夫狡者仍在也毋論賊
不可盡縱令賊盡民將與之俱盡矣至於兵厚餉以哺
馬多金以犒馬總望其殺賊爾年來邊徼多虞已竭中
原物力而中原且到處是賊到處用兵到處需餉雖使
黃金白粟積如邱山亦不勝尾間之洩況四盡三空乎
夫用兵久則疲久則滑調兵遠則費遠則勞兼此四者
又多債帥以浚削之於是掉臂抗官瞋目怒帥兵丁殺

明大司馬盧公奏議

卷二

三

賊無能反多作賊地方防賊不暇又欲防兵封疆之患
將安底止哉聞近日秦中之寇多有逃卒饑民在內則
知從前渡河諸賊雖死於兵死於溺死於病疫者盈萬
盈千終無益於治亂之數也微臣愚昧不知天下大計
蒙皇上以鄆疆付臣惟與治屬之土地人民相依爲命
以國事爲家事以民事爲身事盟心自靖夙夜以之茲
因寇患復猖於漢商拮据戰守諸務夫戰則需兵守則
需民此必然之理乃鄆鎮新舊標兵一千石砬毛兵一
千二百又全楚算兵五千合之數可七千如使當賊一
面賊雖數萬衆我兵可以厚集而扼其捲土重來此時

防鄆津防房竹防均襄荆承東西南北四顧止有此兵
緩急將安所恃然他處雖無兵而尚有民也若鄆屬則
客兵既萬難供應土著又十不一存窮山僻壤蒼赤寥
寥兵火餘生驚魂未定且無城郭堪依以當強寇有立
盡耳臣於是設爲立寨之法就千巖萬壑中因高設險
令附近壯丁老稚婦女聚而居焉授以火藥炮石統以
團保練長給以倉穀雜糧使之有所棲有所恃賊去不
至展轉溝渠賊來不至身膏鋒鏑也然此但以保山民
而平原曠野地當賊衝者多苦存劄不住忍令徙死他
方臣於是設爲併邨之法凡十數里內鄉邨擇居民衆

明大司馬盧公奏議

卷二

三

多者將零星邨落編入其中無事各歸本家遇警合力
以守更令掘深壕築堤塹責成團練長督率防巡而平
原曠野之民亦少可自固矣更思賊之伎倆惟殺擄人
民以示威搶掠食用以度日如立寨併邨徒令民間自
守而任賊飽颺卽有官兵追逐在我不反以饑疲失策
乎臣於是設爲清野之法山民凡有升斗積貯俱令運
入寨中而平地邨落一切糧米貨財悉寄頓于大邨大
鎮可守之處併馬羸牛畜亦皆授以收斂之方賊固橫
且狡若其驅民入夥不得因食於民不得大勢亦當漸
窘爾臣復念鄆兵單弱餉額最微算旅雖有五千動須

照管全楚非臣所得而專遣者耶當楚豫秦蜀四面萬徑千蹊賊若長驅而來微臣卽百其身安能到處堵截於是設爲埋伏火器之法兵家如地雷石炮火鼓剛輪等類暗布山谷觸機而發隨地可以殲賊其用甚廣其費甚多臣力不能及少變其制而以竹木爲之虛實實賊懼且疑兵力雖單庶得相機襲擊以上四條可以保民禦寇正如貧家小戶自當逐事支持臣力所能爲者止此矣至於各省寇情奔騰旣已無定聚散亦復不常多寡又難遙度大抵無兵不能剿賊無餉不能養兵兵食相需通盤打算則增主兵之費倍省於調客兵而

明大司馬盧公奏議

卷二

三

練鄉兵之益又多於設主兵耶屬特苦於無鄉兵可練耳幸荆襄間向遭寇患未深生齒尙煩猶可鼓勵臣已屢檄各該道府加意圖之乃前疏請設鄉兵三千實爲封疆民命籌畫萬全臣心可質天日蒙聖恩允增五百又毛兵六百暨舊額兵五百已湊成千六百人矣此時秦寇益橫又非前比伏乞聖慈俯念孤郡殘土控扼三隅關係重大勅下該部酌議將鄉兵再增一千四百人以足三千之數其餉則均派之楚豫秦三省衆擎易舉措處非難耶鎮旣有標兵三千微臣躬親訓練用壯師干庶地方有磐石之安而緩急不至張空拳以應矣

附撫鄖公牘

鄖寇初平十議

督撫鄖陽都察院爲鄖中強寇初平地方困苦已極廣諮善後之策以共効綢繆事照得督屬鄖襄荆南漢五郡及興商二州襟帶萬山控扼三省向來承平日久無餉無兵一當寇患披猖遂至土崩瓦解計被災之甚與不甚則鄖陽爲最漢興商雒次之荆州又次之而襄南兩郡猶幸列城無恙乃人民邨落亦多被殘傷半年來合主客援師不下數萬悉索敵賦用佐軍興流氛始得次第掃除然生齒物力盡於此矣

明大司馬盧公奏議

卷二

三

因思本院所轄幅員遼曠備禦全虛自昔已然于今爲甚封疆一誤不堪再誤懲前毖後起敝回枯自嘔心區畫襄此時艱但興除非止一端拮据仍須衆手當此事勢艱難之日務宜廣益集思理合通行查議爲此牌仰各道官吏一照單開諸款悉心講求因事指陳務期有裨寔用并通行府廳州縣使之各盡所言俱限文到兩日內徑詳本院以憑確核舉行該道及府廳州縣計切同舟知必殫精從事也
一議生聚地方殘破之餘徙死相半子遺困苦之極風鶴多驚今當作何招撫安集

一議主兵寇患軍興其害相等況兵有客而無主控馭尤難近日援師且次第撤矣卽疏請設兵安能處處分布今當作何供應圍操

一議偵防目前寇警雖平尙厯捲土重來之患該屬路遙山險哨探難周今當作何遠偵密備

一議修築州縣之被陷者固宜修建一新城垣之單薄者亦宜加增使固錢糧作何設處工料作何估計委任作何責成其詳悉言之

一議鄉保鄉兵保甲從前亦旣三令五申賊來輒烏獸散去其弱者甘心卽戮焉夫衆志成城市人何嘗

明大司馬盧公奏議

卷二

五

不可使戰該屬已行規則可備列詳申至于內地鄉邨人烟稠密作何團操及深山寥廓土著無多作何聚集尤當一一籌畫者

一議置郵督屬遼遠塘報軍機賊情朝發夕至猶恐稽遲乃近來延玩日甚且驛地彫殘驛馬倒損又無不環而告苦者其何以蘇驛困而速郵傳乎

一議積貯各屬倉穀專備兵荒今地方多事之時務宜設法稽查多方儲積以備緩急至于破殘州縣倉庫俱無者今當作何經營料理

一議互援郡屬地轄三隅此贅員旁鎮耳各道府州

縣畫疆而守非若本省之血脈相通羽書一至呼吸可以應手也今當作何聯絡照管此際寔難言之然所望于同心則更切矣

一議鼓勵鄉鎮無兵卽今議設亦復有限且措餉更難則團練鄉兵使之守望相助此萬分喫緊之著統領應用何人稽查應委何官其安頓之法激勸之條賞罰之則不可不亟議也

一議武備此中承平日久人不知兵一切火器及盛甲弓矢刀鎗等項非惟不習且并其具而無之今當作何製辦如一鎮應用某項某項器械若干一道應

明大司馬盧公奏議

卷二

五

用某項某項器械若干一府一州一縣應用某項某項器械若干錢糧出自何所更須詳計早圖
牌行湖廣河南陝西守巡九道

靖寇綏民八則

照得本院以撫治為職者也循名責寔即在安常處順之日且將不自暇逸以資地方况耶何地也今何時也強寇鳴張生靈塗炭援師蝟集荆棘橫生不惟耶屬遭此異災異苦而荆襄漢南四郡興商二州寇患兵興倍于他處大夥流孽雖已蕩平然兵撤便苦無兵餉窮尤難索餉加以焚殺之餘哀鴻未集破殘之後風鶴多驚且秦賊尙繁震鄰滋懼本院中宵念及輒欲嘔心諸如設兵措餉繕器修城賑蠲積貯等項向已屢疏願陳而部覆適因邊警方殷三空四盡

明大司馬盧公奏議

卷二

三

遂於救耶急著呼應為難其將何所措手乎本院前者賊氛漸靖一疏奉有淨掃餘孽安集遺黎之旨煌煌天語敢不匪躬竭蹶圖之所有靖寇綏民事宜合行刊發開列於左

民窮則撫難民散則撫更難至於窮極而散散極而聚於是乎揭竿斬木不必在流孽矣故首與該屬議撫

一酌緩征之宜以延民命本院疏請蠲賑朝廷方以公帑告竭難之今被寇州縣全在良有司大家拿出實實愛民之心擇錢糧之萬不容已者量行徵解其

餘姑緩催科俟本院再疏定奪仍禁絕耗餘及收頭勒索之做違者收役提究印官聽察

一勤修廢之役以奠民居自流寇肆行焚劫鄉城士庶業已無家然頽垣敗木猶有存者印官須徧諭民間竭力修葺收其瓦礫之餘益以茅土之具權且棲身不猶愈于野處穴居淒風泣雨乎但士庶每多偷安長吏宜為率作限文到兩月後各將鄉城房舍修整蓋造過若干造冊報院委官查閱如耽延悠忽忍令民失所依定不以職論

明大司馬盧公奏議

卷二

三

一通山澤之利以濟民窮耶屬瘠土承平之日勤事耕鋤僅能餬口邇經大寇蹂躪地畝荒廢矣牛具宰殺矣子種斷絕矣不遑供賦何術資生聞各山之中絕磴窮崖深溝大澤之內或產銅砂或產鉛鐵或產石綠石青縱令所產無多亦是小民生路官府姑聽其便採取貿易以為生不必禁阻庶免弱者饑寒坐困強者橫起盜心亦因時濟變之術也

一戢刁告之風以除民害兵火餘生宜與休息有等刁棍挾其私仇妄捏無情之詞謂某某交通流賊某某窩屯流賊某某收存流賊之物某某寄頓流賊之贓羅織無辜橫肆擾害急宜嚴禁而痛懲之夫地方

人民果有通賊者責成鄉約保長從公首發不首有罪首而不公有罪則奸慝自無所容豈可使刁惡張羅良善罹網耶至流賊馬騾贖物賊遺之民得之竟置不問可也

一禁差拘之擾以安民生白役下鄉肆行需索此第一弊政嗣後一概禁絕卽快手民壯等項正身惟偵探賊情巡防隘口乃可用之至于拘審人犯自有保長地方催納錢糧自有排年里長州縣印官若能仁厚精明並用令出惟行何須假快壯之力張牙爪之威哉事非盜賊人命亦不得擅入監倉蓋笑笑子遺

明大司馬盧公奏議

卷二

三

宜長養不宜摧殘各該守令倘不身體力行定當以白簡議其後

一廣招墾之術以裕民計有人有土從古識之督屬地曠人希生理鮮少今且有土無人矣阡陌翻成草萊公私益苦交竭該屬印官須廣懸示約將境內逃故土地逐一清釐召人耕種先儘原業主之親支族黨如親支族黨無承認者則儘親戚里鄰如親戚里鄰無承認者則招壯丁流寓其初種之年量出課程三分之一以後遞年酌量升科此事裕國阜民寧無小補哉

一恤行戶之苦以資民用督屬地方民窮山險商賈不通自兵興以來日益裹足卽現在寥寥數家亦且徒而他矣如各衙門再以官價取物或胥役暗中剋減必至經商斷絕貨物不通成何境界乎嗣後通行郡邑盡革官價一照平價行之仍令各行俱設二簿將時估及各衙門買用價值登記于上本院及各道府州縣不時弔查此則物價得平胥役無弊商賈漸集民用可資矣

明大司馬盧公奏議

三

一嚴驛遞之規以蘇民困督屬之地繇襄陽至漢中水陸二千餘里往來差役苛索驛馬倒損折乾馬頭苦累已竭自今立爲禁約除兵部火牌及各衙門奏報軍情緊急會稿方許照牌給馬其餘一概不許應付至應給之馬有敢額外多索一匹者卽將本差所執牌票申院定奪自漢中至襄陽係順流馬難而舟易如紫陽興安洵陽白河鄖縣均州穀城光化等處各設小船十餘隻專借緊急公差應用順水用船逆流用馬水陸不許重支違者申院拿究該州縣切勿以情面隱徇法行自近卽從本院差役始可也仍各將此款摘出懸示通知

兵船巡江十二則

照得漢興鄭襄自遭寇患人民困苦驛遞彫殘况襟
 帶漢江上下數千里每至冬間水淺多可襄裳而涉
 宜防賊人奸細暗渡潛窺上自洵陽竹山白河下至
 襄陽今議設兵船六十號卽以本院標兵駕船巡緝
 兼寓操練水兵之法仍將各船編派號數更番往來
 至于驛馬倒損馬頭賠累不堪本院既設兵船一應
 差使凡遇順流而下者卽以舟行不許用馬亦不許
 另拘民船是役也練兵防江恤驛一舉而三善備焉
 除多方設處刻期置造外所有酌定事宜開列于後
 一漢江自襄陽而上以至鄭陽洵白多淺灘急流船
 以輕快爲主每船用四槳一櫓一招約載二三十石
 可容十五六人者船底平鋪以便戰兵施展每船用
 標兵十二名於內擇一有身家忠實練達善知水性
 者爲甲長卽係舵工專管船隻并船中什物一人爲
 火兵隨舵工管理諸務其餘十人用長鎗手二名鈎
 鏹鎗手二名三眼鎗手二名神箭手二名弓箭手二
 名各兵仍各帶腰刀或板斧一柄舵工火兵器械隨
 便其標鎗飛石等項卽以長鎗鈎鏹鎗手兼之火罐
 火磚等項卽以神鎗三眼鎗手兼之
 一各船以天地元黃等字編成號數每船豎旗一面

明大司馬盧公奏議 卷二

三

上書某字號兵船甲長某人隊兵火兵某人如鄭陽
 至襄陽初一日發天字號初二日發地字號魚貫而
 行仍各立限期自鄭至襄水程六百里順水限三日
 逆流限六日往迴其九日周而復始如此則漢江之
 中巡船往來卽無虛日各地方一有警報呼吸可通
 應援頗易自鄭陽至竹白洵興亦然勝于置郵多矣
 一每船十隻用標下贊畫等官一員督之仍設一總
 管官巡江務期守法操演務期整齊臨戰務期用命
 如有違玩分別重究
 一本院標兵無多如遇水操每船十二名全用若巡
 江則除甲長火兵外其餘十名分作兩班一班巡江
 一班在鎮操演倘有影射規避軍法重究甲長不舉
 綱打八十該管官不舉究革
 一每船備火罐二十個火磚十塊火箭十枝火藥十
 五斤大小鉛彈十斤竹篙六根鐵錮一口鐵斧一把
 銅鑼一面俱甲長火兵收管
 一水兵腰牌上書某字號兵船甲長某人名下伍兵
 某人年貌籍貫一一註明如遇巡江水操卽懸此牌
 若在本鎮及入山剿賊仍用該營標兵腰牌不許混
 錯

明大司馬盧公奏議 卷二

三

一巡兵專一隄防盜賊盤詰奸細飛報軍情如敢借端生事或勒索商賈或欺壓民船等情甲長網打一百棍伍兵各網打八十棍仍計贓犯究罪除公差外輕載來歷不明之人甲長網打六十棍伍兵各網打四十棍失報賊情甲長伍兵各網打一百棍該管官一體重治

一船中器械什物如有偷盜典賣等弊犯兵網打八十棍甲長網打六十棍火兵網打五十棍仍將原盜之兵計贓追賠問罪如甲長火兵犯前弊者加等若損壞船隻及遺失器械什物甲長網打六十棍火兵

明大司馬盧公奏議

卷二

三

五十棍伍兵四十棍責令攤賠

一各衙門公差從鄖至襄如用驛馬山路崎嶇窮晝夜之力須三日半始到兵船輕快且係空舟至遲三日可達況巡船日日發行公差日日可載不唯便於驛遞亦便於本差其自襄至鄖者恐逆流稽遲未免藉口仍聽照常馬政有需索折乾等弊盡法究懲一各差持火牌馬票到鄖俱聽鄖縣印官驗明該應付者設立循環號簿註明某衙門差某員役赴某處某事公幹或火牌或馬票員役幾人用馬幾匹有無口糧隨發一印票准某字號兵船于某日載赴襄陽

將循環簿按月送院查考原票仍聽本船甲長帶回繳縣註銷該管官亦設簿一體登記不許漏遺

一各差持火牌馬票者以勒索為長技今使之附空舟而飲江水知必不願然驛困如此安得不少為變通況近來奸人叵測多以假牌假票往來內地最難稽防此法立而奸細其少清乎

一鄖均光穀山路遼遠每馬一站貴則千錢賤亦須五百況每匹又有惜馬折乾等費火牌馬匹一日姑以月計卽省四五百金以歲計卽省四五千金苟有

明大司馬盧公奏議

卷二

三

益于地方自當力行之耳唯口糧則四州縣仍前照常支給均州穀城光化離河不遠各專委一書役每日臨河查給并按數登入循環簿免令停舟入城又生他事



募軍屯田十議

照得有人有土有土有財此經世之至理也自今民窮財盡寇盜縱橫封疆之事難言之矣況乎鄙屬殘人烟斷絕欲招撫而無民可招欲設兵而無餉可措然則千里殘疆竟成棄土乎本院謬承其乏偏際其難屢奉明旨諭以靖寇綏民諭以安集遺黎諭以莫安重地聖明在上敢不嘔心竭蹙以副責成再四籌之回枯起敝集眾生財無如屯田一法而屯田之人屯田之具屯田之資不可不通盤打弄也查得房竹西津保郎等縣人民死亡大半拋棄地畝不下四

明大司馬盧公奏議

卷二

三

五千頃本處既苦無民勢不得不招之他屬而人情狃于便安恐未肯舍目前而圖久遠之利莫如抽用衛屯軍餘該屬荆襄等衛餘軍甚多鼓而用之仿古寓兵于農內政寄軍令之意庶幾足以救鄙此事職要職詳治人治法不能無望於在事之道廳也理合舉行爲此牌仰本官備照憲牌并冊開款項通查該衛食糧正軍若干名不食糧餘軍若干名不許一毫漏隱即將軍餘中選擇年力壯健堪以業農者多則五千少則三千開具年貌併取各官軍結狀限文到一月內報院以憑措給牛具子種仍於本衛指揮千

百戶中選忠實廉幹官十員統領各軍聽刑官點驗畢卽赴該道過堂起送至郎鎮赴本院過堂以憑分派安插至於開列各款該道務督該廳以全副精神行之務期克底成績本院定當專疏入告以爲救卹首功慎毋錯違須至牌者

一選衛官募軍屯田首須擇官統率卽於本衛指揮千百戶中擇年力精強身家殷實忠誠廉幹者十員分統各所各伍軍餘俟開屯有功特疏題叙

一抽餘軍衛所正軍雖有月糧屯地諸如守城團操運糧等役亦自苦累多端今本院所清地畝皆係故

明大司馬盧公奏議

卷二

三

絕民田無主承業專募餘軍種之乃有利而無害者須遍諭各官軍共悉此意其抽法通計合衛餘丁不許一名漏隱大約以三丁抽一爲率以年力壯健爲主仍令本所本伍千百戶及正軍各具保結以防私逃
一定編派所抽軍餘通計若干名某衛官名下領軍若干依照一甲二甲規則派編每十名爲一甲中擇一人爲甲長以防混亂以便責成
一給官糧各軍初往開屯離家頗遠難以裹糧餬口每名每日各給米一升以三月爲率向後屯種可以

資生不煩官府過計矣其統率屯軍衛官除月支俸糧外每日加給廩糧銀八分俟開屯成熟再議至該屯別項差委概行豁免

一設房舍各軍屯種資生須有棲身之所今議每軍二名用草房一間本院自捐俸銀行各縣印官查照地畝坐落處所如式蓋造多則三四十間少則一二十間爲一村俟收成之後各軍日用寬裕仍聽自行添設以便家屬共居

一借子種鄖屬地畝歷年俱有人民耕種自遭寇患止于今歲拋荒非若人荒之地難以開墾者但恐各軍子種無出不免耽誤日時俟承種之日本院多方設處照地畝應用之數以給之

一資牛具每地一頃用軍三名給牛二隻其犁鋤等項每軍各給銀三錢如各軍不便打造仍發銀各州縣製辦赴鄖給領以上牛具等銀本院設處一立田規無主拋荒之田高低肥瘠不等已行各印官從公查勘分爲上中下三等配搭均勻其子粒亦照三等起科官取三分之一以還牛具子種并先借月糧其餘盡歸各軍食用

一便輿情各軍雖有田可種有房可居然草創規模

恐家屬一時難以同往耕種之暇仍聽其歸省父母妻子但往返之間近者以半月爲率遠者以一月爲率如某屯官名下軍餘若干分作幾班更番給假不得遷延日時自廢農業

一禁爭擾本院所清無主民田原據各屬從公開報的係本主逃亡故絕並無親族認種者倘各軍承種之後有豪民刁棍冒名告爭卽重治以法各軍亦務要安心農業盡力耕鋤不許搖越爭競取罪

立寨併村七款

照得守土者民也剽賊者兵也與兵民爲難而勢不並立者賊也然必民之數多於兵兵之數多於賊而後戰守足恃蕩平可期今天下遍地是賊矣到處用兵矣而民且相繼死於賊死於兵究之兵亦賊也民亦不得不爲賊也揭竿斬木瓦解土崩滔天燎原曷其有極本院以窮撫賚撫控扼三方拮据半載耶土畧見又安漢商又復告急憂國憂民才偏限於短嗇無兵無餉勢更處其孤危前疏曾言不患有賊而患無民識者頗以爲然今日安可不亟求保禦之道乎

明大司馬盧公奏議

卷二

三

查治屬地方山川遼迤村落零星守望之助難行保甲之規易弛唯有因高設險立寨清野等法本院昔備兵畿南躬自入山相度形勢擇各山之頂平而四面陡峻但有窄路可攀援以上及水泉可汲者令附近三五里或十里內居民編成十家牌規則將糧食貲財搬運其上於中再選壯丁各備器械仍給以火藥鉛子鏡炮賊來卽放炮爲號各上山寨防禦至於平地村集則小村歸併大村掘深溝築隄塹合力以守行之數月賊旣不能殺擄人民又不能搶掠食用然後以官兵隨處奮擊之羣賊望風他遁保全三郡

生靈此已試之成效也但與此中山川風氣未免異宜向日所刊條款難以膠柱鼓瑟今特變而通焉釐爲七款全在道府州縣同心共濟務以實效相成蓋時至今日宦情官套勞怨嫌疑俱當度外置之唯以封疆民命爲重乃吾輩所以報朝廷耳刊列如左

一山寨原無成規亦無定所只要擇形勢險峻山頂寬平且易於取水可容數百人或百餘人者將四五里七八里以內居民編成保甲無事各還本家賊來卽團聚其上據險守禦閒時多運石子石塊預備擊賊每人或鎗刀或鐵斧木棍各隨便攜帶

明大司馬盧公奏議

卷二

三

一山寨須各立一名如平安寨得勝寨永定寨之類其附近村落居民編入此寨者仍照寨立團卽名爲平安團得勝團永定團以便稽考餘倣此每團公舉老成練達有身家者一人爲團長再舉壯健勇敢有技藝一人爲練長餘人聽其約束指麾

一團寨旣立不論貧富強弱俱要齊心合力保全性命身家其米銀什物等項須設法運放寨中止帶隨身衣食各在本家生理每寨每日仍定派數人看守且便瞭望賊情如有聲息卽放炮爲號大家準備我得地利何畏賊焉

一民間馬騾牛羊如山寨寬大可容遇警一併收入其內倘山寨窄小卽於近寨處所擇高嶺深林臨時墾入以便隱藏防護賊既無米糧可資又無頭畜可掠豈能曠日持久害我寨民乎

一平地村鎮與山居不同賊來無險可依全憑人衆爲主須擇大村大鎮將附近十餘里村落人民編入其內亦照十家牌規則行之卽以本村本鎮立爲團各團長練長一如山寨例其原設鄉約地方保長照常周迴掘一深壕約深八尺闊一丈二尺仍將壕土築堤塹於裏層其小村落居民無事各歸本村遇警

明大司馬盧公奏議

卷二

甲

卽赴彼合力併守至有餘之家米糧什物仍須平時設法寄頓免爲盜資

一山寨立矣村落併矣吾民亦既知堅壁清野矣乃賊人出沒無常又且地方遼廓安能處處發兵堵擊仍令印官遍查境內凡賊所必經之路不拘山險平地詳開各該地名并相鄰某處某處及離城各若干里以便安置地雷地炮剛輪火鼓火罐毒火毒烟毒藥之類賊至隨方運用可當數萬甲兵其一切器具本院捐俸製造不累地方秋毫

一各寨各村居民有貧不能自食者聽團長練長及

鄉約地方保正副人等從公開報本院量給穀石以濟之至本寨本村有餘之家尤宜加意賑助貧民使之合力相顧如吝此些須以致性命身家俱喪賊手豈不愚哉

以上諸款最簡便直捷可行且亦不得不行者所謂王道本乎人情是也全在該州縣印官不辭勞苦不厭煩瑣勒限期一意料理通限文到一月內完報如不爲而曰不能經月之後本院躬自巡行并行各道及各府刑官分路查閱定以溺職論

明大司馬盧公奏議

卷二

甲

運糧五則

案准總督部院洪咨文會議分布鄧許張各總鎮及尤副將官兵弁毛兵及石砮營兵入山堵剿流寇又特疏題陞襄陽巡道管理監軍事務分委各府佐官督糧監紀除移知湖廣兩院仍備行該道去後今照大兵駢集本色糧料萬分喫緊宜刻期設法經理合行知會嚴催爲此牌仰該道飛檄鄧襄二府正印官遵照後開款則晝夜悉心區畫仍嚴催鄧陽府通判徐養哲荊州府通判朱統錚速赴軍前委任一切督運支給事宜總聽該道查覈指授務期隨方合節以

明大司馬盧公奏議

卷二

聖

濟大事除牌行襄陽巡道并該府廳外理合刊册須

至册者

一設輕舟以便水運鄧均光穀襄宜六州縣緊鄰漢江每州縣各借用河船十五隻每隻約裝五六十石者每三十隻爲一運編成三運統以三委官每船舵工水手二名亦於本州縣借用須擇慣知水性者充之再於襄陽衛撥衛軍二百名鄖陽撥衛軍一百六十名每名每日量給工食銀一分每日用銀三兩六錢此銀另議設處不得輕動正餉仍將各軍年貌花名逐船編派

一議夫役以資挽拽每運用船三十隻每船舵工水

手二名出之州縣衛軍四名取之鄧襄兩衛然逆流

而上緯夫須得兩班每班四人方可兼程而進今議

自襄陽至光化均州鄖陽各照本境凡運船到彼再

設人夫四名同衛軍四名共分兩班每班衛軍二名

州縣夫二名計程飛挽總計一月三運不過用夫三

次耳如有違誤各州縣承行以軍法處斬印官題參

一借驛頭以便陸運棗陽南漳宜城房縣各借驛十

五頭襄陽光化穀城均州鄖縣既借船隻各借驛九

頭保康鄖西上津竹溪竹山殘破之邑各借驛三頭

明大司馬盧公奏議

卷二

聖

俱星夜解至鄖陽每驛三頭用該州縣原役一人管

之每頭每日給以料銀三分每日用銀三兩六錢此

銀本院另議設處事完之日原驛卽照數發還各州

縣其有損傷者照原價分作三分本院認還一分州

縣印官認一分看驛夫役追賠一分

一准輪納以抵正糧房縣保康竹山竹溪鄖西上津

等處山路曠遠險峻糧運萬分艱難所在皆驚嶺羊

腸如本處士民有願輪納者不拘粟米大小麥及黑

豆穉黍等項俱依時價聽本縣正官給以印票查照

本人地畝准作正糧

一發官銀以便糴買水陸並運腳價不貲深山窮谷之中不乏耕鑿且未必無一二殷實士民家儲擔石者如二竹房保西津六邑速發官銀每處多則五七百金少則三四百金先取縣官印領仍督令不拘米豆三麥雜糧多方糴買以濟陸運之所不及以上五款乃軍興要著借用船隻必須堅好蓬纜什物俱全借用騾頭必須壯健馱糧器具俱備倘有玩誤該州縣印官定以違誤軍機叅處并將承行解院先行正法

偵寇

照得本院奉命撫卹業已交代所有地方流賊須密速偵探以便進兵爲此牌仰道府廳官吏即便遴差的當員役馳去各該地方隨賊所向詳探遠偵要見流賊見屯何地或藏或掠務須偵實有何官兵防禦截殺不時飛報本院以憑施行慎毋疎誤須牌牌行守巡三道鄖襄荆三府二竹房保鄖均漳七州縣

禁參謁

照得本院受事郎襄卽會兵剿賊日在行間駐劄衙門原無定所諸凡謁賀具文合行嚴禁爲此牌仰該道官吏照牌事理通行督屬文武大小官員俱各殫心料理防禦事宜萬毋循套遠來謁見至於四六稟啟紅紙批文一概禁絕其憲綱賢否等冊仍各馬上差人投遞該道表率一方尤宜一意相體重戒僚屬慎毋錯違須至牌者

牌行三省布政司守巡九道

添設塘兵

照得流寇悉衆犯郟又屢及襄境正當軍事戒嚴之日而各屬塘報寂然無聞卽或間有申呈亦多影響之語其不誤封疆之事者鮮矣合行設法傳報爲此牌仰該道官吏照牌事理卽將郟襄二府所屬州縣查照信地各設塘兵如郟陽府屬卽以本院標下兵丁及郟陽衛軍充之襄陽府屬則以該道府快壯及襄陽衛軍充之每十里一撥每撥用兵丁二名各選其壯健速於步行者兩府塘報南北俱會於均州其所屬各縣俱各隨路分設以便遞接飛傳仍將該屬須至牌者

牌行守巡二道

查飭守禦

照得流寇大衆盡在竹山竹谿房縣鄖西保康一帶秦蜀皆有勁兵扼其去路此中援兵亦復不少又聞總督部院不日且至本院今在均州會集各鎮將兵馬銳意圖賊若督部院由光化而均而鄖大兵踵至此蕩平之會也襄屬地方雖去賊稍遠急須防其奔突除行該道嚴飭弁令相機移駐均州外所有各屬城守保甲鄉兵及新設塘撥等項事宜合委專官查飭爲此牌仰該廳照牌事理即便親詣各屬嚴查城守作何布置保甲作何舉行鄉兵作何團練此時戎

明大司馬盧公奏議

卷二

吳

馬倥倥更張恐亂耳目姑照從來規則令其實實修舉仍將各州縣分別殿最限半月內逐款詳開報院至新設塘撥曾否派完提塘官及擺塘軍壯如有違玩遲延者該廳卽就近嚴究仍不時飛報本院俱毋錯違須牌

牌行襄陽府理刑官

申飭偵探糧料

照得流賊大衆盤踞於房竹保鄖山中今各鎮兵馬漸集又總督部院不日親至均鄖會師進剿所有偵探賊情及接濟糧料合再申飭爲此牌仰本府廳官吏文到卽刻會同刑官多差的當員役分路入山確偵流賊現屯何處爲數若干我兵宜從某路某路前進仍覓慣走山路熟諳地理土人衙役二十餘名以備鄉導之用至本折糧料尤爲萬分喫緊速查目下現有協濟折色銀若干本色米豆若干草束若干倘或不敷作何措辦文到一面料理一面具詳回報慎

明大司馬盧公奏議

卷二

吳

毋玩泄致誤軍機爲罪不小須至牌者
牌行鄖陽府并理刑官

取官評

照得本院入境受事雖值軍旅倥傯之時而吏治官評急當廉訪督屬官員賢否合行查取爲此牌仰官吏照牌事理即將該屬大小文武官員履歷腳色及曾經薦獎幾次文職開年貌才幹操守心術武職開年力膽畧騎射心術各列四柱逐一備造清冊并諮訪的確事實務求淑慝分明賢否必肖詳註切當散文考語無拘對偶浮詞勿徇資格情面至於寇警頻仍其悉心料理捍禦有方與習故偷安疏防失事者另具優劣密揭封固統限文到半月內呈送本院以

明大司馬盧公奏議

卷二

二

憑查覈施行

牌行三省布按二司守巡九道五府推官西安府

推官興商二州

接濟兵糧

照得鄖屬破殘賊衆盤踞其地今合大兵追剿所費行糧不貲除飛檄各該司府協濟餉銀又節行該道督令印糧官料理本折錢糧設法輸運外本月二十七日戌時據標下旗鼓守備陶紹侃稟稱據差去健丁宋三元等報稱流寇現屯竹山竹谿房縣鄖西等處其勢甚衆本院初至地方急圖會剿先經移請督院陳去後本日據光化縣抄牌督院已從南陽等處由光化赴鄖自當刻期目今以官兵全數計之總兵鄧所統約有五千餘員名監紀孫所統約四千餘員名張總鎮所統約有八百餘員名許總鎮楊副將所統約有二千餘員名又益以石砭兵六百其該一萬三千有奇而督院標下馬兵又有三千餘員名合之是馬步一萬五六十也各兵食米日以升計亦須一百五六十石通計二月約該米九千石馬騾大約五千餘頭匹日支豆三升亦須一百五十餘石通計二月約該豆九千餘石日支草五千束通計二月約該草三十萬束此不能不望濟於荆襄承諸郡者此時賊勢盡聚于鄖大兵亦盡集于鄖封疆大利大害大得大失在此一舉合再飛檄嚴催爲此牌仰該道府

明大司馬盧公奏議

卷二

五

官吏照牌事理速將前項米豆照數買運頭運限五月初五日二運限五月初十日三運限五月十五日陸續俱到卽鎮接濟援兵其腳價卽於正項開銷毋令民間苦累該道府須萬分嚴督慎毋少延須至牌者

牌行荆襄承道府

行查流寇焚掠地方

照得督屬卽襄荆南漢五府并興商二州向來流寇奔突爲害雖蹂躪焚傷有甚不甚而兵燹之後子遺幾盡物力一空蠲恤之典不能不望之朝廷也合行查議爲此牌仰本道官吏文到速查該屬地方遭流寇焚掠者若干處其人民之被殺戮者若干人地畝之拋荒未種者若干項錢糧作何措辦作何比徵應否議蠲議恤分別重輕逐一確查明白立刻詳報本院施行

牌行三省守巡九道

查取堪任官員

照得省屬地方缺官甚衆今當剿寇用兵之會印官
佐領俱爲喫緊概候銓除遠不及事況軍前委用亦
急需幹辦長材合行查取爲此牌仰該道官吏速查
該屬府首領縣佐貳并教職中某官堪當民社之寄
某官堪佐軍旅之籌文到立刻查議詳確開列職名
品評報院以憑酌量具題通融任用卽屬缺官尤多
亦不能不借才各屬也

牌行湖廣河南守巡六道

發標兵剿賊

照得流寇盤踞房竹山中今監鎮奉揚天討各率官
兵入山協剿理合催兵策應爲此牌仰中軍都司李
玉華卽便督同毛兵營領兵官馬大倫仍會同石砬
營都司周仕鳳各領官兵前赴竹山等處相機接應
遇賊務須有進無退合力奮剿并將情形飛報本院
倘有玩違軍法無貸

禁止詞訟示

照得鄖屬地方遭流寇焚傷特甚本院初蒞茲土惟
一意撫恤瘡痍剷除強寇休養民力保障地方所有
詞訟一節合行停止爲此示仰督屬軍民人等知悉
凡戶婚田土小事務各捐忿息爭卽有重大事情亦
姑俟寇患削平人民樂業之日方赴各該衙門告理
如違定以鬪訟刁民論罪特示

親剿流寇

照得本院的於本月 日 時自鄖水驛起馬前往
竹山竹谿白河洵陽等處會集各鎮馬步兵入山
剿寇合行飛檄知會爲此票仰經過衙門及各該地
方知悉如遇大兵到彼山民各安本業不必驚避官
兵所過之地秋毫無犯立斬軍前其有各鄉村義勇
願隨本院殺賊者各備器械俱聽本方鄉約保長自
相統領另立一營奮勇自效有功從重給賞錄用至
山中米糧草料缺乏好義居民肯運至軍前就糴除
照平價給銀外仍一體叙資合行曉諭通知須至飛
票者

清伏戎除土寇

照得督屬鄖荆襄南漢五府及興商二州疊遭寇患
生齒物力半已彫殘今大夥流賊雖平而地方困苦
特甚奸民貧民多相聚而為鼠竊狗偷者且多假借
流賊之名出沒山谷恣其劫掠若非設法清除何以
安集遺黎永圖善後合行嚴飭為此牌仰各道官吏
照牌事理備行該屬責成州縣各印官將本屬地方
鄉城保甲人戶逐一稽查某里某甲某戶男婦幾口
作何生理諸凡踪跡不明素行不軌之輩著落鄉約
保長里鄰從公舉首倘敢互相容隱即治以連坐之
條仍多撥防巡快壯各分信地往各鄉巡緝凡遇土
寇竊發隨地擒拏倘賊黨眾多即飛報本院發兵剿
捕務使一孽不留其有回心向化願為良民歸理農
業者前罪概置不問至於失業之人無房舍可以棲
身無地土可以餬口俱聽本人投報姓名到縣類報
本院設法安插并查無主拋荒地量行撥給務令
無告之眾得以安生是在該道嚴督力行毋令州縣
印官但以空文塞責如各該屬漫不經心即行揭報
題參重處須至牌者

牌行湖廣河南陝西守巡九道

嚴飭將領示

近准兵部咨文奉旨覆議凡遇戰陣各將官如有退
怯逗遛總督衙門自參將以下以軍法從事副總兵
以上先取死罪招繇奏聞處治巡撫衙門自各營中
軍守備千把總以下以軍法從事其副參遊都等官
先取死罪招繇奏聞處治欽遵在案理合通行曉諭
為此示仰一應官兵知悉嗣後臨陣務須奮勇爭先
用命剿賊倘有怯懦不前者守備中千以下竟以軍
法處斬副總兵參將遊擊等官即具死罪招繇奏
一體正法朝廷三尺具在决不姑容特示

申明軍律

照得鄖鎮各屬地方久罹兵燹民不聊生兼以鄖津一帶上流餘孽未淨本院遣發官兵分防各邑專以固圍安民該營領兵官素知禁戢兵丁以圖剿賊自効務宜嚴加約束朝夕巡防有功自當一一具題從優叙錄有罪亦萬無寬假之理各兵丁禁約開列於後

一兵丁有淫污婦女劫搶財物者軍法處斬

一兵丁臨陣退縮不前見賊不殺者軍法處斬

一兵丁殺良冒功及私通流賊者審明軍前梟示

明大司馬盧公奏議

卷二

卒

一兵丁擅離隊伍私下各鄉私入民間內室者細打

八十棍貫耳遊示

一兵丁強宰耕牛及搶馬騾頭畜者細打八十棍貫

耳遊示

一兵丁減價強買民間食用器具者細打八十棍貫

耳遊示

禁約

照得本院欽奉明旨靖寇綏民目今大夥流賊半剿半逃正士民復業之時地方善後之日乃有等奸棍串同積役滑胥動指收存流賊馬騾金帛告害善民使鄉村之人不能安枕甚而無端搆隙以遂其索騙之私不惟佐領等官視為奇貨即印官亦未免為其所惑行查拘審多一番騷擾殊屬厲民除出示嚴禁外合行申飭為此牌仰該道官吏即便通行該屬嗣後並不許以賊遺贓物為詞借端告害如有仍前投揭者即以奸民論罪佐領衙役通同生事者一體究

明大司馬盧公奏議

卷二

空

懲印官亦無得輕准此等無情之詞致滋煩擾其或

不遵即定本官賢否仍出示曉諭通知

牌行守巡上下荆南道

鼓練鄉勇

照得流賊奔突為患今大兵四集殄滅有期唯是深山曠地每伺官兵堵截不到之地零星出沒乘間焚掠使山民不得安生非家自為守人自為戰生靈終受其害寇患何時得寧合行設法鼓練鄉勇以為固圍安民長久之策為此牌仰分巡守下荆南道官吏即便照牌事理行府嚴督州縣印官各將所屬地方如某山莊某鄉村大約周迴五六里多則十里之內通計居民若干內中壯丁若干聽其公舉有身家有勇畧素行服眾者一人給以練兵千把總劄付再公

明大司馬盧公奏議

卷二

三

舉有膽力有武藝者二人立為鄉兵教頭各於就近處所便宜團練仍相度本地山險可據之處立一營盤每日輪撥十餘人登高瞭哨如有賊寇聲息即放炮為號齊集堵殺無事之時照常下山耕種練兵千把總官及鄉兵教頭各免其雜泛差徭仍候事平題叙鄉兵殺賊與官兵一體給賞殺真賊首級一顆賞銀三兩斬獲小頭目一名賞銀十五兩斬獲大頭目一名賞銀三十兩加給冠帶通限半月之內將各屬地方義勇鄉兵備造清冊報院以憑給劄該道仍大書刊示遍行張掛曉諭設誠而力行之須至牌者

扼要設防

照得鄂襄一帶寇患初平處處皆宜忠防飭備而最喫緊者如秦楚接壤之區在漢江以北則上津鄖西商維鎮安山陽是也在漢江以南則竹谿竹山白河平利興安是也查得上津縣之夾河關廟川堡鄖西縣之黃練壩蒿坪河金漆料竹谿縣之白土關長安壩皆係水陸要衝首宜控扼所有防禦事宜合行查飭為此牌仰守巡道官吏即飛檄各縣印官將夾河關廟川堡黃練壩蒿坪河金漆料白土關長安壩諸處逐一查議某處係陸路之衝某處係水路之衝相度地勢險夷較量鄉兵多寡孰可憑高守險孰可絕流布防又查廟川堡原係前院戴建立向來設有墩臺有營房有練長今雖年久傾頽而碑文厯厯可考急應修舉諸如此類皆可例推飭舊增新惟人所造限文到半月內將前項喫緊數處先行查議詳確星馳報院以憑施行慎毋少延

明大司馬盧公奏議

卷二

三

牌行守巡下荆南道

卹錄死事官員

照得卹屬不天矣遭寇警向來文武各官以死勤事者率多委棄秋風淒號夜月甚而殘軀已膏白刃家口尙困窮途旅櫬無依首邱誰望若不急加軫恤將來何以勸義作忠本院初入卹疆流氛正熾戎馬倥偬之會未暇爲弔死卹生之謀今已事平理合通行查議爲此牌仰分守巡下荆南道文到卽速轉行該屬凡大小文武官員或因剿寇陣亡或因守城畢命其屍棺現在何所家屬流寓何方并當日死事情形逐一確查明白限半月內詳報本院以憑分別題請

明大司馬盧公奏議

卷二

奏

卹錄施行

明大司馬盧公奏議卷之三

撫楚奏議目錄

到任謝恩疏

封疆大利大害疏

附致閣部及楚中諸老啟

辭總理五省軍務疏

恭報防禦協剿疏

統兵入豫疏

陳會剿大端并量請馬匹疏

請差風力科臣監軍疏

明大司馬盧公奏議

卷三 目次

狡賊乞降疏

請敕各路援兵疏


明大司馬盧公奏議卷之三

宜興盧象昇建斗著

襄平蔣攸銛礪堂鑒定

撫楚奏議

到任謝恩疏



崇禎八年六月十四日准吏部咨為缺官事該本部等衙門會推奉旨是盧象昇陞都察院右副都御史巡撫湖廣等處地方兼提督軍務寫敕與他欽此欽遵備咨到臣臣隨恭設香案望闕叩頭謝恩于本月二十一日移鎮襄陽候代本月二十七日准先任撫臣唐暉委武

明大司馬盧公奏議

卷三

一

昌府推官李春綦護送達字一百五十一號符驗一道欽頒監兌漕糧勅書一道令旗令牌八面副巡撫湖廣銅關防一顆并吏書文卷到臣除收掌接管行事外臣自思力短心長才綿任鉅悚惶圖報之下情已披瀝于微臣竭蹶鄖疆及遵旨就近任事兩疏今當會師剿寇之日全楚封疆所待綢繆拮据因革興釐者非止一事一節而目前最急無如兵馬錢糧尤必微臣身在行間庶便率勵文武軍兵事事親為料理今即于襄陽督兵防剿秦寇不敢循到任之例遠赴省城且新治臣尚未入境鄖事猶臣事也一應機宜臣當早夜竭蹶隨時據

實上聞期報聖恩于萬一而已為此具奏

明大司馬盧公奏議

卷三

二

封疆大利大害疏

臣切觀今日事勢所最急者邊方禦腹裏剿寇此外皆屬可緩乃通計各省情形大率寇多於兵兵多於食夫兵不足以剿寇安用糜食以養兵食不足以供兵豈不驅兵而爲寇故任封疆之事握軍旅之籌者未有不通盤打算徹底綢繆而能濟者也臣昔在鄖言鄖于今在楚言楚楚係腹地前此原無額兵自崇禎六年十二月內大寇入鄖荆襄鼎沸舊撫臣唐暉方請留新餉調集施筭等兵以資戰守蓋幾兩年於此矣顧留餉有限楚鄖兩地王客兵皆取給焉茲臣接管方將竭澤是憂

明司馬盧公奏議

卷三

三

正炊無術而據報秦寇多極橫極督臣誓血忱以剿之兼晝夜以圖之聞其勢仍叵測且商雒數大股復逼鄖境矣臣受任全楚駐兵襄樊會城未敢一過他務不遑經理惟當一意辦賊因伏而思之賊久蔓延到處狂突此封疆之大害也厚集兵力隨地協殲則封疆之大利也用兵連歲餉竭師疲此封疆之大害也簡練飽騰作其朝氣則封疆之大利也餉無定額日日請之朝廷終歲養兵未嘗見德一朝乏食輒起戎心此封疆之大害也稍假便宜時時得以展布居常足食不患脫巾臨敵感恩爭相奮勵則封疆之大利也至於馭兵無法而煩

明大司馬盧公奏議

卷三

四

擾地方措食無方而重糜公帑否則急徵橫派以濟之使國儲日窘于上民窮思亂于下此封疆之大害也如能悉心講究因事補苴又且力肩勞怨以任之使餉有餘地而不盡仰給司農兵皆宿飽而不至重苦子遺則封疆之大利也然此四大關鍵求其有利而無害豈易言哉頃臣至襄交代卽赴郢謁陵與按臣余應桂再四商量求足食足兵爲楚省萬全之計此時王客官兵大約一萬八千有奇分布鄖楚要地以供會剿已經另疏會題夫此一萬八千者現今捍禦鄖陽并鎮臣秦翼明統率之以剿賊鄖境聽新治臣宋祖舜調度已去九千餘此外防護承天陵寢者三千分阨德黃要隘者二千微臣親督于襄光境上會剿者亦僅二千楚境甚遙水陸數千餘里處處接連秦豫賊至而剿不勝剿賊未至而防不勝防楚兵實實存乎見少今秦寇正熾急宜調募加增微臣熟計深籌馬步兵非二萬四五千不可馬步兵一歲所需之餉非三十七八萬不可尤非兵皆精選有一名卽得一名之用餉皆確數用一分卽得一分之濟不可我皇上宵衣旰食所軫念者封疆所焦勞者餉額倘嗣今以往歲需三四十萬金錢盡仰給于朝廷惟正之供則京邊缺額難支計臣如何措手微臣謹不

敢出也况近奉明旨防兵不准動留餉從前所用方處銷算之難向後急需作何支撐之術如以正餉不易開銷措餉苦無款項而或者圖減兵以就食又或者驅餒卒以從戎則債事可立而待臣誼又不欲出此也計惟有搜刮設處捐輸三事可少佐公帑之窮但微臣初事手眼未習楚疆遼廓事勢艱難行之倘一不當非釀厲階卽滋叢脞其爲害也究竟亦地方受之臣同按臣余應桂會檄司道府廳州縣等官儘力搜求多方措處自臣等撫按衙門以及郡邑以及衛屯凡可清釐裒益酌盈濟虛誓必矢諸天日從頭徹尾夙夜籌之除前奉旨防兵派米十萬石約可抵銀八萬兩此外合全省而搜處一番不病民不損國如可得十四五萬金并前米銀歲足二十三萬爲朝廷養兵剿賊固圉安疆斯實封疆之吏忠於皇上之職分而未敢必也倘藉諸臣急公共濟搜處如數如期便省朝廷正餉十分之六其餘十五萬之數勢不容不呼籲于聖明臣查他省用兵俱取給新餉夫歲需止十四五萬以奠全楚封疆若併此而不能得之於計臣實無所措手矣矧臣所云馬步兵二萬四五千者非僅守兵實皆戰兵也非僅全楚戰守之兵實大半供鄖中三面戰守之兵也若秦寇朝平楚兵

明大司馬盧公奏議

卷三

五

便可募撤卽搜處可以不言况留正餉哉目今寇氛孔棘鄖楚一帶陳兵境上向臣呼庚呼癸者如總如林臣搜刮捐輸設處之檄已雨下星馳但於無中生有猶同望救西江勢難旦夕應手則臣所請正餉十分之四應自臣六月二十九日交代爲始必經部覆允留按日通盤打算俟寇平兵撤截日任支臣乃得一意辦賊報聖明任使之殊恩耳楚事應言應行者甚多第一緊關無如兵食伏乞皇上敕下戶兵二部速覆施行

明大司馬盧公奏議

卷三

六

附致閣部及楚中諸老啟

欽命巡撫湖廣等處地方兼提督軍務都察院右副都御史盧象昇爲秦寇橫甚楚鄖備禦不得不嚴不肖遵旨駐師襄樊扼剿境上標下戰兵不過二三千耳又皆新經簡閱者猝難應手大督洪亨老以欽限迫期銳意剿蕩賊衆數十倍於我是以大帥摧鋒陷陣而亾秦兵諸路失利良可惜也其情更可原而其事尤可慮也秦事旣難收拾目前仰仗台庇楚邦暫爾紓寧急當講求勝著以待蓋封疆不可嘗試而况藩封又况陵寢所謂勝著足食足兵是已有食不患無兵有兵不患多賊楚中向來失策全在賊至而後徵兵兵集而後議餉所議之餉又恒請十得五其安能有濟乎不肖無識無才謬承老先生推轂而荷聖天子深恩報稱夙心天日爲矢敢不身肩勞怨拮据封疆竊觀今日流孽非旦夕可平且爲數實不止百萬而各省報疏每言一二十萬或者慮駭廟堂觀聽乎不肖在楚言楚若不將楚兵楚餉從徹底經營擘畫一番必至因循僨事今茲會陳兩疏字字血忱也夫以全楚之廣孤鄖之危其戰守諸兵非得三萬精強者不可今不得已而議二萬四五千合之似見

其多分之仍見其少兵至二萬四五千如在邊關歲需月餉行鹽約費金錢六七十萬不肖刻意節吝止以三十八萬計願與地方官搜處十五萬遵旨防兵派米可得八萬此外但以十五萬仰給朝廷如以供邊方戰卒及客旅調援止當六七千兵餉額耳况黔還楚餉歲以四十餘萬計近來大督朱恒老又續還數萬設或黔事未結此四五十萬楚餉猶然逝波也安得中分其半以濟京邊乎叢爾貴陽曾不及楚中兩大郡又無陵寢又無藩封全楚且悉索敵賊以供之此時楚境日患剝膚楚民久在湯火倘乞留黔餉三分之一以自餉不得楚殆不可爲矣合臺乃社稷臣上之國事關心下之蒼生在念萬祈昌言會議定力主持俾疆吏得奉以從事小疏已奏達宸衷鵠候俞綸若三請不得願免官詣闕早聽朝廷處分讓能者爲之不忍見疆土生靈輕於一擲也臨紙悚切萬狀

辭總理五省軍務疏

謹奏爲微臣驚聞新命萬分悚惕難勝謹冒罪陳情願
天鑒察懇祈聖明特賜允免再簡賢能以無誤封疆大
計事臣自遵旨駐襄防剿秦豫之寇諸凡寇情兵食已
經屢疏上陳矣八月二十七八等日連據境外塘報大
寇奔突中州其苗頭多向汝寧信陽真陽等處查信陽
則與隨州棗陽接壤者也真陽則與雲夢孝感黃陂黃
安接壤者也臣與按臣會議以鎮臣秦翼明統兵防扼
隨棗而親督副將楊世恩雷時聲等由德趨黃九月初
九日行次應城忽接邸報見兵部一本爲秦寇半入中
明奇馬盧奏議 卷三 九

乞皇上雷霆之斷用敢叩頭瀝血冒罪陳之臣生平本
無別長止是不愛錢不惜死二語夢寐服膺勉圖報稱
自昔備兵大名其事則所轄三郡之事也既而叨撫鄖
鎮其事則所轄五郡之事近日再移全楚其事則所轄
十五郡之事也以臣之才止堪理一中郡一旦蒙聖恩
簡拔至此嘗恐受踰其量福過災生卽於軍旅一節實
因時事多艱人情玩法不敢不身先士卒戮力疆場然
亦學軍旅爾非閑軍旅也自任楚疆因地方遼廓兼有
極重且大之陵寢藩封兩月來籌兵措餉東堵西防日
見手忙腳亂方且夙興夜寐盡瘁爲期而今者忽膺總
明奇馬盧公奏議 卷三 十

州等事奉聖旨是盧象昇著以巡撫職銜加總理直隸
河南山東川湖等處軍務統領各兵寫敕與他洪承疇
督剿西北盧象昇督剿東南如賊入秦盧象昇督兵進
關合圍掃蕩欽此微臣不覺五體投地驚荷聖明任使
殊恩更不覺五內憂惶自知謙劣擔承不起夫八年寇
患毒遍中原凡有血氣心知咸切同仇之憤况臣遭逢
聖主頂戴天恩由部郎郡守以及今官何德何能儼然
擁節今日固微臣肝腦塗地致身報國之時也力所能
爲尙何卻顧乃千思百想此任實有萬萬難勝者與其
當機僨事而後請皇上斧鉞之誅何如據實陳情而早

理五省之明綸聞命自天措躬無地蓋人臣靖獻有一
毫不盡之心力卽爲欺有欲盡之心力窮於無可盡而
不以真情入告亦爲欺若夫事勢隔越情理萬難其初
冒昧不言究以欺而成誤罪莫大焉此時羣寇披猖豈
特非數年前比卽方之昨冬今春其勢更倍所在分股
狂奔以大股則每股二三萬不止也以小股則每萬餘
不止也且在秦在豫者又數十股不止也猶幸未入楚
耳一入楚地無論各省卽楚中郡邑處處需兵處處需
剿亦處處需臣身履行間情形呼吸數百里之外便苦
分身無術耳目不靈微臣當此將近顧本境而他省緩

急何關將遠駐他省而本境安危何恃况中州南直山左川西皆相去二三百里若以楚之內地視各省之邊隅東西南北不止萬里而又有江淮河漢阻其間烽火相仍驛路梗塞卽文移往還非數月不能達我皇上明並日月難逃鑿鑿且以臣視督臣洪承疇夙夜自公罔敢自後而識見不及其十之五才力不及其十之四精神不及其十之三督臣嘔心竭蹶事勢轉艱則微臣當之而立蹶可知三邊尙有各撫全楚止臣一身行百里而期千里之程舉百斤而任千斤之重撫躬巡省終夜圖維其安能得一當以報聖慈愈覺憂惶莫措迨至

明奇馬盧公議

卷三

十二

分顧各省不能并自顧全楚不能然後以身試法微臣誤封疆之罪粉身莫贖矣程才量力審勢揆時情形實實如此輒敢冒陳天聽懇懇聖裁萬不敢有一毫規避之心自干國憲也伏乞皇上鑒臣愚衷察臣謫劣特免總理重任於內外諸臣載簡才品優卓資望深隆者俾與督臣分領捷伐而微臣躬執鞭弭誓瀝血忱以聽指揮力捍楚疆共圖討賊封疆幸甚愚臣幸甚臣未敢擅便謹具奏聞伏候敕旨

恭報防禦協剿疏

臣於九月十五日督兵行至黃陂所過應山安陸雲夢孝感一帶皆豫楚接壤之境而承天陵寢之藩也連據帶管荆西道臣李佺臺及隨應等州縣塘報大賊有犯信陽真陽者有犯光山羅山者有犯商城固始者處處皆與楚中接壤且平原四達路徑煩多臣同按臣余應桂嚴飭道府有司鼓練鄉勇增築城池共圖防禦其大略已先經奏報矣目下楚兵單弱自救不遑而臣又至前極庸日惟早夜拮据自本月初九日驚聞總理之命悚惕萬分臣不敢復候部咨卽冒罪陳情願天祈免蓋以臣自揣之才力當全楚今日之事勢現任已凜凜不勝而况於五省臣疏實一字一血忱也聖明軫念封疆量才器使必有一番特鑒另簡賢能乃楚豫原同輔車呼吸安危所共臣固不遑遠近兼顧臣心萬不敢軫域自分通計全楚主客官兵一萬八千人除防陵之二千勢難他調及鄖鎮之新毛石砭兵千六百人專固鄖城又分算兵千四百人備鄖津緩急又分算兵千五百人備光化襄陽緩急而德屬之隨應孝感以叅將馮時早等算兵千五百人分防扼剿黃屬之麻城黃陂蘄州以都司周元儒等算兵辰兵二千人分防扼剿鎮臣秦翼

明奇馬盧公議

卷三

十三

明領原部川兵二千并募兵千餘近又調周繼先駐防
豐陽之川兵二千餘總聽約束扼剿于隨棗之間臣止
督副將楊世恩雷時聲聶黔等兵三千人親自巡歷督
勵有司軍壯鄉勇扼剿德黃之間現在之楚兵盡此矣
總之賊犯豫則楚兵宜赴豫協剿賊犯楚則豫兵宜赴
楚協剿今賊大勢在豫而苗頭皆向楚則楚兵宜迎賊
以往先須步步回顧楚疆尤須步步回顧陵寢勢不能
舍楚而豫示賊以瑕也臣於九月十六日盡發標下戰
兵三千從孝感黃陂之小河司新店一帶前赴光麻接
界處所迎擊又移會鎮臣秦翼明屬其厲兵秣馬絲棗
隨諸處遠哨於桐柏信陽審視賊情出境堵擊官兵甫
發是日戌時據孝感縣塘報賊過九里關勢必至新店
小河司等情同日又據黃陂縣塘報賊自信陽州走羅
山縣哨馬到破口關烏石鋪係河南羅山縣所屬近黃
陂站五十里黃陂站係黃安縣所屬等因十七日辰時
又據分巡武昌道按察使周汝璣塘報據黃安縣稱差
人在河南四路偵探賊情於本月十六日巳時據快手
徐凌雲報稱流賊一股不計其數從羅山來已到黃家
店止離黃安縣界三十里等因同日又據帶管分巡荆
西道右布政李佺臺塘報據應山縣塘報探得信陽州

明大司馬盧公奏議

卷三

十三

拿獲流賊婦人一口賊子一名說衆賊要到湖廣十四
日起身在青山店去詎賊夥甚多等因觀此則豫賊不
下十餘股其衆不下數十萬矣頃絲秦奔豫前後俱有
勁兵尚以衆寡殊懸莫可嚮邇今絲豫奔楚方張之勢
寧易支撐臣維督鎮道將領分途犄角堵擊於豫楚之
交仍一面飛會督臣及豫中撫臣共圖合剿不敢以兵
少而避賊鋒也再照全楚地廣兵單又須以全力護持
陵寢近奉家守人戰之明旨臣與道府州縣早夜圖之
所至必以血忱相勵頃應城雲夢孝感安陸諸縣各
印官亦俱能團聚鄉兵拮据城守然不過得其大意纔
見端倪維黃陂縣知縣李鑑鼓練確有規條人情踴躍
趨事閭閻改色雉堞更新本官到任未及半年一旦有
此光景可謂賢能之選矣所當仰懇明綸特敕吏兵二
部紀錄優異以風勵全楚有司若臣犬馬之力誓當竭
盡於封疆維叩乞聖慈俯鑒前疏允辭總理新命容臣
竭蹶楚疆倘有餘力即赴省直境上與督撫諸臣共圖
掃蕩以報皇上天恩此聖明器使之鴻慈而臣愚不勝
激切惶悚以俟者也爲此具本題知

崇禎八年九月十八日

明大司馬盧公奏議

卷三

十四

統兵入豫疏

臣於九月初十日行次應城縣恭拜驚聞新命一疏據道將塘報豫寇多向光羅麻黃隨督兵馳赴雲夢孝感黃陂等處於九月十八日恭拜豫寇勢欲奔楚一疏此時中州道梗前後兩疏不知何日可達御前至本月二十日連接邸報該臣題爲塘報賊情事奉聖旨知道了盧象昇已有總理新旨著卽會同督臣作速料理掃蕩以副委任該部知道欽此又該兵部題爲流賊披猖等事奉聖旨洪承疇盧象昇各調度聯絡厚集兵力以掃狂氛欽此又該五省督臣洪承疇題爲賊情原自重大

明大司馬盧象昇議

卷三

五

等事奉聖旨知道了邊鎮等處增調兵將楚豫增餉盧象昇夾擊俱已有旨欽此又兵科右給事中李夢辰題爲剿賊大計等事奉聖旨洪承疇盧象昇南北督剿合圖掃蕩前旨甚明秦楚流賊方熾不得撤防李重鎮祖寬速催赴豫兵部知道欽此本月二十三日又准河南撫按二臣移會該按臣金光宸題爲逆賊四出等事奉聖旨河南賊勢蔓延著該撫速催理臣入境調度殲剿欽此切念臣一聞總理新命夙夜匪遑尤夙夜祇懼軍機所係雖部咨未到輒敢憑血控辭實以臣資淺望輕才庸識謏如此任大責重之事自揣萬不能當恐負聖

明任使隆恩故冒罪陳情不勝悚惕茲伏睹皇上於討賊一事萬分焦勞且天語頻頒命臣與督撫諸臣會同夾剿又萬分諄切臣此身乃皇上之身此日捐糜已晚何敢再計其能不能而存一卻顧想也除臣新練軍黔等兵三千令副將楊世恩雷時聲統率先已盡發至光羅境上一以援豫一以顧楚前疏業經題明鎮臣秦翼明領川軍等兵同監軍道臣苗胙土控扼隨棗目下襄承聲息稍緩亦卽飛檄調赴德黃與楊雷二副將之兵聯絡聲援出境夾剿臣當介馬而馳中州至光羅信陽之間相機調度以便兼顧楚豫其一應機宜必須陸續

明大司馬盧象昇議

卷三

六

馳奏似非可遙揣踰度者蓋臣自聞命迄今甫半月乃十日而兩具陳情之奏疏又越三日而疊承申諭之明綸我皇上天恩大法臣旣感且懼縱令楚防正急兵力甚單敢不提孤旅而直前奮微軀以圖報但籌剿寇於今日極其急迫亦極其艱難籌用兵於各省極其殷煩亦極其細密赴湯蹈火拯溺救焚臣誼臣心朝不待夕而豫中形勢向未窺其大端兵將向未得其分數寇情往來奔突向未習聞其梗概以及監司守令與夫調援之祖寬李重鎮等向未通一文移拮据方新驟難應手卽萬分上緊亦須經月而頭緒始清然後審視全局扼

其要圖聯絡將兵求一勝著此臣愚赤心區畫於萬難
報稱之際思竭一生犬馬之忱實不敢有絲毫欺飾也
倘蒙皇上鑒臣前疏俯允所辭爲封疆事重而另簡賢
能臣亦惟殫精料理以待萬一因事勢倥偬謂臣直無
可諉臣亦維先期竭蹶候敕書至日遵行此則臣所直
剖於聖明之前者也爲此具疏題知

崇禎八年九月二十六日

陳會剿大端并呈請馬匹疏

竊以臣之庸劣獨蒙皇上破格用之兩疏控辭拜發未
幾而會剿之明綸疊至責成之天語頓頒臣何敢再候
前疏之得請與否以蹈觀望之辜惟有盡心盡力爲之
而已顧前此剿賊未能制勝大率在於兵分則今日宜
急籌其合而合正未易言也毋論豫中主客之兵及關
寧新調之兵各遠在數千里外尙須移文撫按以講求
馳檄鎮將以會期卽就楚論現在一萬八千之數分駐
郟鎮及承襄黃德各有要衝各備戰守撤則虛空可慮
不撤則合剿何資况郟中一塊土關係祖陵黃德郟襄
皆其門戶防陵必須防楚守兵卽是戰兵若盡攜之入
豫勢將以楚爲壑臣於此開手便費躊躇矣夫大寇縱
橫七年奔突七省經練已成勁敵到處皆其熟窺而黨
類之多又實不止數十萬計每分出以誘我師倘從此
一著再差必至滿盤皆壞故殺賊之心欲銳圖賊之計
欲周如醫家之治久病望問切俱備君臣佐使俱全
尤必深究其病之源遞觀其病之積且預防其病之變
再三詳審然後以數十劑投之方有起色若甫入門而
卽便師心未下手而先責成效皆速斃之道也臣雖至
愚赤腸自矢日來深籌熟慮妄意平寇之要有十一辦

餉二籌兵三用人四任將五設險六定功罪七明分合
八專責成九以民攻賊十以賊攻賊十事備而賊庶幾
可平矣然此非一疏再疏得以詳陳臣今督兵至豫境
一面料理兵食相度情形審視機宜移商督撫應力行
者圖維而後入告應入告者請旨而後力行旬日後即
將十事分爲十疏明白奏聞恭聽皇上下之廷議取自
聖裁務求至當目前剿賊急需營馬楚向無兵年來調
集之羣率皆徒步之旅於以當賊十不及一馬而况賊
且百倍於我也臣自治郟以及撫楚多方設處買馬三
百餘匹約費二千六百餘金未動絲毫公帑留百匹以
與新治臣應用而以二百匹自備騎征乃奔馳半年亦
多傷損縱使二百皆壯騎猶與無馬同將何殺賊乎臣
身日在行間即欲捐貲市駿設處已窮緩急無恃頃者
鎮臣秦翼明疏請馬匹蒙皇上俯允部議動支湖廣節
裁驛站銀三千兩與之臣身膺討賊之役不敢多求伏
乞皇上敕部准再動前銀五千兩所不足者臣當另爲
設法臣標下若有馬騎八百疋可供一臂之用而備督
剿之資也謹題

崇禎八年九月二十六日

明大司馬盧公奏議

卷三

九

請差風力科臣監軍疏

微臣濫叨總理之命竭蹶無能屢辭不敢今豫楚徧地
皆賊合剿萬不容遲身任封疆者豈特嫌疑勞怨富貴
功名俱當置之度外抑且毀譽是非利害生死全不存
之意中方可以成朝廷大事然而旁觀多智當局多昏
况官至督撫自言官而外無有議其後者臣思賊情至
今日何等披猖剿事至今日何等重大而地方至於五
省其情形事勢又何等曠遠迢遙紛紜渙散總者總其
大理者理其詳循名責實愈想愈難此際實心與不實
心應手與不應手其間不能以寸也彼一總兵耳以道
臣監之一偏裨耳以府佐監之徇私者以爲不便急公
者取其相成况臣一撫臣而兼理五省識譎才庸嫌於
自用望輕資淺病其自專又且分疆代理恐有窒礙難
行重擔在身保無奏報隱護凡此皆臣所戒慎於屋漏
而終未能對質於大廷者也再四思之必於各省監軍
之外特設一總監軍庶幾得以繩愆糾繆而監總理之
軍非科臣不可蓋科臣監軍祖宗朝原有往例且有二
便焉各省緩急先後情形科臣得之目擊視風聞言事
者更覺詳確其便一也微臣愚昧所行所爲或他省督
撫按遠不及知日與科臣共事小失則隨時救正大過

明大司馬盧公奏議

卷三

三

則據實糾叅以至行間一切功罪得以隨時奏聞其便
二也臣在戎馬之場拮据靡遑馳驅無定一應兵機賊
情多有拜疏不及者微臣任事科臣議事身到眼到心
到口到條上方略呼吸可陳其便三也望皇上卽下廷
議刻期選差或念時勢殷煩卽賜欽委蓋科臣與別衙
門不同無堂上官統轄原當取自聖裁者臣不勝屏息
引領以俟也爲此具本謹題

崇禎八年十月初二日

明大司馬盧公奏議

卷三

三

狡賊乞降疏

途中忽接下江防道臣唐顯悅稟帖內稱麻城縣馬夫
袁龍前往毛畷地方探賊被賊擄去有總兵張全昌帶
傷在流賊營內具有稟帖代賊乞降其稟帖用竹紙寫
露口不封內云援剿總兵張全昌謹稟本職于八月十
五日奉總督五省洪部院憲文統兵同監軍道劉副使
出潼關應援河南防護皇陵沿途州縣殘破開廂無人
官兵縱有銀錢亦無處買一飯行至開封府通許縣
地方有本地王鄉宦傳一帖與監軍道劉三顧云奉旨
新推本院五省總理管理東南洪部院仍在西北三軍

明大司馬盧公奏議

卷三

三

一聞此信見所過苦難借此俱回陝西不肯南下是以
劉監軍同趙副將俱回開封本職所統多半皆係自養
內丁又思祖陵爲重南北東西何莫非王事且恐震驚
又如今春臣子豈無急公之念况職兄應昌兩次援楚
蒙本院破格提拔今夏遭覆舟之患又蒙本院親臨看
視如此深恩職豈不樂侍轅門是以統率所部堅意南
下疾趨鳳陽至潁州聞大夥從蒙城欲渡河南下職統
兵追至沈邱縣瓦店集於九月十五日遇陣衆寡不敵
全軍失利職身中一箭左手一刀頭中一刀力盡落馬
昏迷不醒有四隊掌盤子蝎子塊情願招安不肯殺害

大將以見彼真心有光山縣典史馮邦甫帶兵追趕被擒卽放出同職手下家丁姚世得赴汝寧府李知府處具文申知本院討官引路竟回陝西安插願爲良民職見此一營最強又且實心願撫前總督五省陳邵院差副將招安至隴州地方有三邊洪總督統兵殺散衆掌盤子欲殺楊副將蝎子塊立意送出一心只願招安職見語意如此備將朝廷聖意宣布衆頭目無不歡喜若得安此一營別營俱無他意且內地免兵戈之患連日等俟明示尙不知本院駐劄何地今二十八日遇一馬夫云本院駐節黃安衆頭目無不歡喜請職具文本院明大司馬盧公奏議

卷三

三

我人民罪通於天神人共憤本院奉命討賊未嘗奉命撫賊該鎮身爲大帥喪師辱國乃不卽以死報而猶代賊乞憐耶今大兵四集刻期掃蕩本院雖文弱書生仗聖天子威靈誓當滅此朝食既稱蝎子塊一營甚強先從此營剿起如果悔禍投誠乞降歸命目今犯楚之賊共有二股卽令蝎子塊剿彼二營之賊將賊首及強壯賊徒或斬級或擒拿一一解赴轅門待本院驗實然後上告天子宏開三面之網大小頭目計功陞賞黨類盡予生全仍給路費行糧犒賞散歸原籍從來名將功臣亦多出身於綠林黥徒者天道好生惡殺聖明剿逆撫順此則本院奉命征討之心也該鎮徧行曉諭知之發檄全昌去後臣隨飛調赴援光羅副將楊世恩雷時聲自麻城襲其西又飛調湖廣總兵秦翼明自承德過東又飛調援剿總兵祖寬及將官李重鎮自汝寧入楚掩其西北以圖必勝之著但巡撫與總兵敵體之官也臣聞命未久新奉總理敕書未到止以平行公移前去催調未知各鎮肯卽信從否且恐豫中尙有別股之賊則祖李二鎮將或不得卽來未免坐失機會爾至張全昌陷陣獨不能爲斷頭將軍彼豈真有蘇武之節哉臣聊以一檄愧之兼寓以賊疑賊以賊攻賊之意凡此情

明大司馬盧公奏議

卷三

三

形皆不敢不一一聞之皇上者也謹會同五省督臣洪承疇河南撫臣陳必謙河南按臣金光宸湖廣按臣余應桂會本具題

崇禎八年十月初一日

請敕各路援兵疏

本年九月三十日據副將楊世恩雷時聲塘報云十

月初一日又據下江防道臣唐顯悅塘報云初二日

又據黃岡縣知縣李希沅稟稱云同日又據黃安縣

塘報云該臣看得賊勢猖獗如此楚豫之間幾無寧

字臣方奉命會剿刻期入豫而據報賊已有先從河南

商固走南直英山霍山者有先從河南信陽走南直鳳

穎者又有先從光羅奔湖廣黃麻及另股奔廣濟蘄水

者廣濟無城聞縣官避賊任賊焚掠且並無一報止據

推官周大啟具稟言之容臣等嚴查叅究彼中離黃麻

尚五百餘里按臣居守陵寢相去益遙黃麻現有大寇

臣又不能舍近而圖遠蓋遇賊則剿遇賊近則近剿賊

既可緜豫奔楚仍可緜楚遁豫臣當視賊所向難拘地

方標下算黔兵三千又分五百委江防道臣唐顯悅督

之以赴蘄水蘄州一帶此時道路梗塞祖寬李重鎮等

援兵未能呼吸應手臣自九月二十七日准兵部咨文

又十月初二日准吏部咨文奉旨催臣受事擬即於十

月初八日在麻城權宜到任行文各省直會兵敕書一

到臣當以皇上之威靈督勵鎮將不用命者請朝廷二

尺法治之與各省直督撫按諸臣從頭大做一番庶幾

或有濟也總之談剿賊於今日當合計全局不當分計
 零局當合剿大股不當分剿小股小勝不足以言功小
 挫不可以定罪賊去不宜以為幸賊來不必以為憂必
 須原始要終滿盤打算稍寬文網稍假日時務使疆臣
 展其四體聖明在上豈難哉定廓清臣有十事恭聽聖
 裁旦夕另行條奏仍乞天語申嚴凡一切援剿之兵微
 臣有調卽至後時者殺無赦庶有總理之名亦有總理
 之實臣得捐糜從事矣謹題

月...司馬盧公奏議

臣



明大司馬盧公奏議卷之四

總理奏議目錄

謝恩到任疏

剿寇第一要策疏

剿寇第二要策疏

報捷疏

請設中軍疏

剿寇第三要策疏

剿寇第四要策疏

剿寇第五要策疏

明大司馬盧公奏議 卷四 目次

恭謝便宜行事疏

楚賊宵遁疏

援豫大捷疏

援汝連捷並陳剿蕩大局疏

懇辭楚撫疏

剿蕩三大機宜疏

定止輸餉疏

剿蕩愆期聽候處分并陳賊勢兵情疏

叅唐藩疏

附綏寇紀略五條

明大司馬盧公奏議卷之四

宜與盧象昇建斗著

黃平蔣攸銛譚堂鑒定

總理奏議

謝恩到任疏

欽命總理直隸河南山東川湖等處軍務巡撫湖廣等處地方都察院右副都御史盧象昇謹題為恭謝天恩到任事臣原任湖廣巡撫蒙恩加臣總理直隸河南山東川湖等處軍務統領各兵九月初十日在應城縣聞報即具微臣驚聞新命萬分悚惕難勝一疏九月十

明大司馬盧公奏議

卷四

一

八日督兵至黃陂縣又具豫寇勢欲奔楚一疏惟時未接部咨輒敢連疏控辭冒干天聽實緣總理任大責重臣資望才識無一可以當之恐誤封疆至計也隨後從邸報中疊奉明諭命臣與督臣洪承疇調度聯絡料理剿蕩即於本月二十六日具刻期統兵入豫并賊勢豫楚并急兩疏及臣發兵赴光羅而賊已分三股犯麻蕪蕪蕪等處又於十月初二日具請差風力科臣與逆賊狡計乞降并援兵尚未調集三疏二十日之內恭拜七疏俱係兵機賊情所慮道路多虞驛遞倒站未知何日可進呈御覽前後遲速難期臣心如焚竊念封疆時事



若此致聖明宵旰焦勞討賊之役臣才卽萬萬難勝臣誼實萬萬難諉即從軍中召集二三將吏二三鄉耆徧告之曰身受國恩深重誓當勉力圖賊早期蕩平隨於十月初八日遵照吏兵二部咨文欽奉明旨事理恭設香案望闕叩頭謝恩到總理之任初九日臣標下副將楊世恩等追剿大賊蝎子塊旋來報捷而皇上所遣內臣張訓齋解欽賞銀兩適於是日至臣偕將吏兵民無不歡呼雀躍儼若覲天顏於咫尺也臣於此際惟有盡心盡力一切陳謝之蕪詞不敢再為沿襲自今羣寇據報俱在豫楚南直接界地方如光羅商固蕪濟麻蕪六安英霍等處副將李重鎮已自汝寧而來者若祖寬一到馬步合營臣即親督之誓師大剿矣至臣所議剿寇十事原擬連疏並陳奈日在戎行萬分忙迫事關入告未敢草草先將措餉籌兵二疏同謝恩本馳呈御覽統惟皇上睿照施行謹題

明大司馬盧公奏議

卷四

二

剿寇第一要策疏

熟計八年來強寇愈剿愈橫所在攻城掠野大率皆繇兵民從賊作賊是以黨類日繁民從賊多起於饑寒兵從賊多緣於缺餉封疆之吏日日望之朝廷計臣無術點金請十不能得五夫興師一萬日費千緡倘缺一兵之糧必有一兵起而爲患者此何等時而尙堪嘗試乎臣思寇患如此猖獗聖天子之憂也士大夫之恥也君父有憂則當曲體人情有恥則當奮發普天王土率土王臣但泛泛然責以捐助恐多寡不均緩急難應有法焉因糧輸餉積少成多最爲簡便直截臣南直人也祖

明大司馬盧公奏議

卷四

三

父以來世受國恩今臣父臣叔及臣兄弟四人共有薄田二十餘頃願爲省直之倡查照每年應納木折糧銀再輸一倍其餘五省鄉官不論在朝在邑俱止十輸其一如應納糧銀一兩外助餉銀一錢其舉監生員商民人等未食天祿仍減等論查其地土錢糧不及十兩者免出十兩以上亦如鄉官例每兩納助餉銀一錢此斷不爲厲臣既叨總理酌盈濟虛是亦理之一端豈敢爲皇上聚斂哉他省尙未及知臣質之楚中縉紳僉曰宜也更質之楚中耆老僉曰宜也人情不甚相遠亦何愛此錙銖不以襄剿蕩之舉然在臣等勞怨固所不辭嫌

明大司馬盧公奏議

卷四

四

疑亦當遠避此項錢糧專責州縣印官按籍而稽如數催納俱類解各府充兵餉正項支銷以藩臣道臣總司查覈會報臣與督撫按諸臣按季册報皇上寇平卽止庶公私兩便朝野共知蓋加派累民恐累貧民耳田多者自是不貧何累之有此外則事例一節奉旨已開惟功令初開輿情觀望又因道途多梗赴部頗艱故鮮有應者不若聽其自便於各省布政司及兩直各府就近上納分登戶工二部項下各正解支尙有權宜之術內可佐京邊之缺額外可抵兵餉之題雷則內庫本色是也謹查會計錄每年起運錢糧通計一千一百餘萬解外庫者四百餘萬卽今太倉之銀解內庫者六百餘萬卽蠟茶顏料弓箭弦條芝麻花絨絲綿絹布狐皮胖襖等項萬歷初曾改折數年充濟邊關急用我皇上以堯舜之仁行恭儉之德此時際正當講求除白糧不便議折其餘皆量折三分之一以濟軍需事平卽止鋪墊仍解內庫並行不悖以視發帑不尤便益乎以上三事不病民不損國歲可得金錢一二百萬爲行間續命之膏舍此而終日持籌削針頭之鐵盈廷仰屋歎無米之炊欲以立致蕩平斷不可得事急矣望皇上乾斷獨持敕部速議刻期經理安奠封疆此第一要策也謹題

剿寇第二要策疏

竊照有餉而後可以養兵有兵而後可以剿寇故兵多於餉則兵危寇多於兵則寇橫而今日事勢可憂尙不止在多寡間也蓋用兵不過主客馬步戰守奇正爾惟今應援諸兵多係邊關勁旅樞臣費幾許心力而調之計臣費幾許金錢而贍之地方官又費幾許調停安插及芻糧等項以供之乃一至東南水土不服疾病叢生鄉思迫其離衷雄心化爲暮氣加以鎮將撫馭失宜動輒反戈相向則客兵之難豫楚南直向皆中原無事之邦不識兵革膽氣虛弱骨力柔脆一旦責以荷戈無異

明大司馬盧公奏議

四

五

驅羊當虎求一將兵者又不但無其選抑且無其人雖所需餉金視客兵可省十五然非擇將選銳信賞明刑練膽練心并練其身手年餘而後用之不可今能待乎則至兵之難賊騎如雲每至則漫山遍野儘意馳驟倒損卽隨地搶騎我兵十不一馬性命相依既不便舍步兵而先馳又不敢窮馬力以致斃則馬兵之難賊連營數十里老弱婦女皆有騾驢惟脇擄難民中多徒步日行不止百餘里踉蹌者卽棄之以填溝壑我之步卒一名有一名之用寧忍使之委頓道旁縱令人人精銳追賊三日未有不跛足顛連者則步兵之難兵法十圍五

明大司馬盧公奏議

卷四

六

攻明乎我十倍於賊則圍之我五倍於賊則攻之也今賊且數十倍於兵矣况被依山負嶠因民掠食我裹糧千里到處呼庚多寡強弱勞逸饑飽之數事事相懸而圖倖勝於萬一卽孫吳向以爲謀則戰兵之難五省地面東西南北延袤不啻萬里山河隔越聲息難通賊肆掠已徧中原隨地可長驅橫突將從何處堵截何處隄防則守兵之難彼插十雖強然有華夷之界其來也有定向其去也有舊巢我可批吭搗虛據險設伏乃賊情飄忽瞬息異形且在腹心之中如臟毒肺癰難加針灸則奇兵之難兩軍對壘旗鼓相當進寸退尺之間便分勝敗斬將擧旗之下卽定安危維賊逢人則擄見兵則避負則鼠竄勝則狼奔殲一頭領而別頭領繼焉殺其多人而擄多人補焉此非可以常理論者則正兵之難夫至主客馬步戰守奇正俱難而不於千難萬難中急籌權變切要之法賊將何日平也近准部咨奉有剿兵不得分派之旨仰見聖慮淵遠已洞徹兵機賊情而樞臣所議督理出兵宜以一二萬爲一軍是誠喫緊之著臣今拜命方新自楚兵而外各省直官兵數目及所分駐之地尙未及周知目下刻期會師正思與各撫臣同心協策乃逆賊已先分蔓於豫楚南直之間事勢倥偬

實甚如必待臣處處照管卽千百其身亦止當千百兵之數爾緩急其何濟焉容臣飛檄援剿鎮將及監軍道臣齊集適中處所插血誓師將兵馬逐名點驗某營弱兵宜汰某營馬匹宜增某營虛冒宜覈以至衣甲器械皆當經目經心大小官丁俱爲親撫親論通計實在堪用者若干是不足以當賊一面據實馳奏一面鼓勵圖功應增馬匹器械應募馬步戰丁俱於各省直動銀增置召募事平銷算仍視賊股最強且衆地方最急且危者合援剿之兵以圖必勝之著次第剪除其餘支分別股聽各撫臣率勵道將以本地主兵且戰且守併照臣

明大司馬盧公奏議

卷四

七

另疏所陳設險清野及以民攻賊以賊攻賊之法一力行之臣庶幾可以措手非然者賊勢如此橫決封疆如此佔危楚患迫於燒眉兵將隔於遠地不聞聲不見面而責以分身代理漫言事權以臣一身反誤五省此則臣之所大懼也伏乞皇上敕部施行謹題

報捷疏

本月初九日據監紀同知張大經塘報本月初七日准團練算黔等兵副總兵官楊世恩塘報云同日又據副將雷時聲塘報云又據同知張大經稟稱云等因到臣該臣看得蝎子塊一股蓋賊中最狡且強者數至三萬餘絲秦奔豫絲豫犯楚爲謀叵測觀其據挾總兵張全昌擁衆求撫夫豈真心歸命哉臣密遣邏者伺之全昌不能死節尙知守身而兵丁則盡爲所用矣副總兵楊世恩及緣事副將雷時聲兩弁所統不過臣新練之兵三千又分五百人付江防道臣唐顯悅援蘄州

明大司馬盧公奏議

卷四

八

等處自初二日發兵追賊四晝夜始及孝感河南交界之青泥灣官兵奮勇衝殺據監紀等官塘報實斬壯級二百四十三個奪其坐纛大旗殺傷無數此股被創羣寇或當瞻寒矣先是臣遣兵時卽飛調秦鎮從承德邊其東又飛調祖李二鎮從汝寧掩其北實欲張三面之網以成一鼓之擒乃各鎮將俱在千里以外捧檄星馳呼吸難及兩將孤軍未免卻願臣重懸賞罰以示按臣余應桂聞臣將入河南會剿盡搜其贖緩公費二千兩移臣犒軍士氣益奮故能以少擊衆首挫賊鋒然臣終以爲小勝也維是官兵用命實倍於平時應聽聖明敕

部查敘稍示破格至監紀同知張大經以文吏而提刀殺賊以貧官而割俸勵兵此人情所難似當并敘者傷亡官丁查明賞卹可也謹會同河南撫臣陳必謙河南按臣金光宸湖廣按臣余應桂謹題

請設中軍疏

臣以楚撫而兼總理之任軍務殷煩兵馬錢糧千頭萬緒標下無一宿將無一勅兵無一馬騎又衙門無一舊例成規拜命於搶攘之秋圖報於倥偬之際一手一足萬苦萬難近准部咨奉旨以祖寬李重鎮兩營步騎屬臣標下於是乎壁壘旌旗稍稍生色臣已飛檄催調大勦是期謹查九邊督撫俱有中軍專管傳宣軍令督臣衙門多以總兵副將爲之撫臣衙門多以副叅遊擊爲之臣總理五省地方遠乎九邊責任兼乎督撫此官斷不可少然欲增設未免費事需時查得欽依遊擊將軍管湖廣操捕都司簽書事周元儒武略超羣智謀出衆防剿著績兵士歸心允堪此任合無仍以湖廣都司簽書實缺遊擊將軍職銜就近管理臣標下中軍事務庶衙門不必增設廩俸不必再議胥役不必加添而臣又得臂指之使實爲便計其或量加叅將以示鼓舞此當聽樞臣酌議仰乞聖裁臣不敢必也謹會同湖廣按臣余應桂具題

剿寇第二要策疏

臣前疏已將措餉籌兵分爲第一第二要策上瀆宸聰從來有治人始有治法則用人尤今日急務也竊思三代而下純臣有幾能爲忠良足矣忠臣多起於激發良臣多藉於玉成我皇上曲體羣臣賞勸威動合古帝王大道且於剿寇一事殷憂宵旰中外所知封疆之吏如不殫精竭力戡亂圖功豈但干斧鉞之誅亦必受神明之殛維是寇患縱橫七省蹂躪八年有總任之者必有分任之者試觀一郡一邑尙須職要職詳而况如此極重大極艱難之任乎縱使省直合爲一家臂指聯爲

明大司馬盧公奏議

卷四

十一

一身猶恐呼吸不靈情形多變若陞遷無定未免以官爲傳舍人懷僥倖之心鼓舞不寬又未免以官爲苦海動有摧殘之慮除臣等及督撫按等官功罪賞罰用舍黜陟聽之廷議取自聖裁其各省直藩臬等司守巡監軍等道以及府州縣守令凡屬用兵之地俱當與剿局相終始焉蓋巧不過習暫不如專國事非一人之私太平非一士之略藩臬監軍守道果其才品卓越資望深隆必須以加銜久任責之目前紀錄超陞俟之後日斷不宜循資論俸遽爲轉移其或年力已衰才識庸下容臣會同督撫按隨時據實奏聞或調或處擇就近精明

廉幹者補之庶幾緩急有賴至於府州縣守令亦須以是爲程而州縣印官尤屬喫緊應將賢能堪任者分列三等凡製器修城練兵禦寇廣備芻糧諸事有呼必應者爲第一等容臣會同督撫按不時具疏表揚紀敘優擢其次則城池堅完鄉兵團聚芻糧無誤每事一意力行者爲第二等就臣所經歷之處得之耳聞目見隨時獎勵其賢并以獎語報部爲陞遷考成地事平一體論功又其次雖無表表之績若能驅勉任事年力可以馳驅者爲第三等仍當誘掖勸勉策其後圖反是者亦分三等事機委頓提撥不前宜責令戴罪管事有意玩違

明大司馬盧公奏議

卷四

十二

多所失誤宜處以降級示懲若藐玩功令百務廢弛所爲不公不法登時摘印羈候據實叅拏如此則人情必爲之一變也至於論功從厚論罰從嚴國法皇仁原是並行不悖但向後地方官有應議處者仍望聖明申嚴令甲據實原情區別罪端予以差等如一事也而功中之罪罪中之功與夫罪中之罪廟堂或有遠不及知者地方耳目難欺共事行間易悉除大賞大罰卽時具奏施行其餘一切功過或應滿盤打算少畱抑揚激勸之地以示鼓舞人才之方於封疆未必無補也統祈皇上敕部確覆允行謹題

剿寇第四要策疏

臣前疏曾言任將蓋將者死官也能於死中求生是以圖麟勒石不朽千秋而今之大小將領則皆有生之氣無死之心者也至於總兵官其地位已高其分願已足肯出死力爲朝廷報効能秉虚心聽督撫調度者幾人哉臣東髮通籍久歷郡守監司以至治鄖撫楚每遇大小弁流必爲推誠折節生平事上官待僚屬將吏不識驕諂二字爲何物頃拜總理新命與各總兵尙以平行公移相達旋奉便宜行事明旨乃稍自振其體貌然亦不敢妄自尊大以失鎮將之心無非爲封疆所係文武

明大司馬盧公奏議

卷四

十三

宜和求濟大事而已顧決機臨陣勇怯判於須臾而籌畫機先利鈍爭於呼吸臣雖豎儒不閱軍旅旣叨總理重任則於該鎮將必如身之使臂臂之使指方能共奏膚功其或中梗旁撓僨事不小臣今預請之皇上除副將以下違誤軍機卽分別正法一面奏聞總兵官如有小失臣當容之其或逗遛恇怯縱兵殃民抗違調遣非藉朝廷大法不足以示警立刻指參逮治惟恃有皇上之威靈臣何敢以一毫私意行乎其間也若夫衝鋒破敵偏裨每銳於元戎守把中干每銳於偏裨總之前途尙遠則奮勵居多名位旣崇則驕蹇易起嗣今剿寇之

功亦宜滿盤打算從副參以及守把計其功次宜從優加級且勿遽授以實銜使其精神日引而日長意氣愈鼓而愈奮統候事平超擢卽參遊而敘加官保亦可守把而敘陞總戎亦可非然者今日報斬獲明日論捷功徒爲人功名地而寇橫如初何益於成敗之數凡此膚見臣實實從朝廷封疆起念輒敢剖心而直陳之懇祈皇上勅部確覆允行有裨剿局良非渺小矣謹題

明大司馬盧公奏議

卷四

十四

剿寇第五要策疏

竊維殺賊需兵用兵需餉此常理也乃今日兵少而賊多兵饑而賊飽兵勞而賊逸日復一日年復一年愈剿愈煩生靈塗炭已極事勢至此不得不用權變矣臣有阻賊疑賊饑賊之法雖創而實便雖平而實奇奉行全在司提撥仍須府道業已一面頒行并飛會各省直撫按然非經皇上天語特飭懸朝廷大賞大罰以待則無徵不信成效難期臣是以不避瑣煩列陳其概一立團寨築壕塹以阻賊賊奔徑道頗多每州縣境內遠近必繇之路亦自有數有法焉凡居民近山險者立寨多

明大司馬盧公奏議

卷四

五

村落者聚團寨必有泉可汲并擇其路窄而陡峻賊不能攻者團必大村鎮人力衆多周圍挖深壕布密箐築牛馬牆其近團路徑用荆棘樹枝木石壘斷再張毒弩等項於內使賊難近夫是之謂阻賊一挑鄉勇設遊兵以疑賊賊每股雖號數萬婦女老弱半焉精強之賊借老弱婦女以壯聲勢老弱婦女恃精強之賊以拒官兵擁衆依山伺我遠近悉我虛實疲我師徒有法焉募各鄉居民勇敢當先者州縣印官時時犒賞鼓勵使其父母妻子安置寨團或遠避他所止留敢死百餘輩多則數百輩名曰遊兵各持閘棍板斧長短鎗庫刀四樣軍

器書伏高山深林偵賊來往多照避之少則狙擊夜則銜枚匍匐或劫其營或竊其馬驟衣服器械或伺其醉夢而殲之使賊不知所從來夫是之謂疑賊一收資糧斂頭畜以餓賊賊依山爲橫因食於民官兵進剿追逐衆寡饑飽勞逸之數相懸安能必勝有法焉各州縣印官單騎徧歷鄉村凡近城三十里以內士民急將糧食貲財搬移入城三十里以外或運至山寨或收入大村聚團固守牛羊馬驟雞畜等項多方收斂務使賊無所掠士民如不遵行敢以貲糧供賊者依軍法重治夫是之謂餓賊以上三項小民懷土者覺慮始爲難守令偷

明大司馬盧公奏議

卷四

六

安者恐力行未易臣獨以爲非此則雖用數十萬精兵數百萬厚餉賊平終無日也况今三農之暇正便舉行頃臣自楚入豫所歷光羅信陽就深山窮谷之民而指點之無不環臣之膝叩頭流血踴躍願從者絲是觀之士民何嘗不可鼓動皆有司不實心不虛心不細心爾州縣印官倘或呼吸不靈虛文塞責容臣會同督撫按諸臣摘印羈候特疏叅提重治以罪道府並論庶幾其有濟也或謂山野旣無所掠賊必併力攻城是誠可慮然以民飽賊仁者不爲藉寇以糧寇將日橫臣亦深思熟計之矣伏乞皇上電照睿裁施行爲此專本請旨

恭謝便宜行事疏

本年十月十七日臣督兵至河南光山縣境內准兵部咨該臣奏為微臣驚聞新命萬分悚惕難勝謹言罪陳情願天鑑察懇祈聖明特賜允免再簡賢能以無誤封疆大計事奉聖旨盧象昇才猷敏練受命總理一切調度俱許便宜行事著卽同洪承疇協心辦賊務期遵限速奏蕩平以副委任不得疏辭推卸致滋延誤兵部馬士星速傳飭欽此臣仰對天言悚感無地自分何人乃蒙聖明獎以才猷敏練諭以便宜行事期以速奏蕩平凡此異數殊恩真是萬難承受維有叩頭感奮竭生平犬馬之力以從事行間而已先是大寇蝎子塊被臣遣兵擊敗後據河南道臣董嗣謀及副將李重鎮塘報有整齊王等四股盤據光羅間遂介馬星馳入豫而南直六安霍英之賊為埽地王等數股又奔突於蘄水羅田遂分兵千五百人遣副將楊世恩禦之且隨棗一帶亦紛紛告急臣復飛檄湖廣總兵官秦翼明就近堵剿而以監軍道臣苗胙土往來麻黃之間及臣至羅山整齊王等各賊已從信陽間道飛奔應山孝感據監軍道塘報秦鎮及楊世恩各有斬獲然皆零捷不敢煩瀆聖聽臣已具報達部矣目前布置臣將李重鎮雷時聲陳永

明大司馬盧公奏議

卷四

七

福等馬步六千餘自麻信而南楊世恩鄧祖禹等步兵二千餘自麻黃而西秦翼明周繼先等馬步五千餘自隨棗而東遣發之日刑牲祭告酒為誓逐兵逐將撫摩而激勵之若得剿散此數大股然後再視河南南陽緩急親往調度此事勢之不得不然者本月二十五日准河南撫臣陳必謙咨文謂陝靈永澗之間賊號二十萬勢甚危急相去千二百里臣恨不能分身但光羅麻黃隨應數股大寇不急翦除毋論陵寢重地呼吸安危萬分可慮若再從汝宛與陝靈永澗之寇合則聲勢益衆豫地其何以堪幸祖寬左良玉等鎮及趙柱羅岱劉

明大司馬盧公奏議

卷四

六

肇基等將今在河南府一帶撫臣就近調遣諸鎮將必能用命協殲臣剿近賊卽兼程及遠不敢一刻苟安也伏維聖明照察施行爲此專本具題

楚賊宵遁疏

臣遵旨入豫調度十月二十八日師次信陽據塘報隨
棗京山南陽內鄧一帶流寇奔突即督兵馳擊初二日
辰時於應山途次接湖廣按臣及荆西道臣移報賊勢
逼郢臣隨介馬星援初五日至承隨據防守皇陵副將
王觀國塘報為類報生擒斬級云等情到臣該臣看
得賊衆狂奔敢於窺郢逼近陵園其狡極矣幸按臣余
應桂布置嚴密一間警報即單騎巡行鼓勵將士多方
備禦道臣吳尙默同畱守府縣各官防守郡城重地方
備極辛勤臣自信陽兼程馳至而狡賊已先期堵遁矣

明大司馬盧公奏議

卷四

五

皇陵周圍數十里之內草木不驚此固宗廟社稷之靈
皇上如天之福也而按臣居守之功亦豈渺小哉至於
守備大監惠進臯神宮太監李國義各率其僉書及軍
舍員役或巡城或護陵勞俱難泯大小將領如鎮軍副
將王觀國遊擊李奇李國奇守備楊芳陳本畱守僉書
丁士龍加銜都司張大義萬瑞鳳楊光星陳宗富參將
許登魁指揮覃仰廷劉運昌王觀民常世英戰守皆能
効力內陳本係按臣標下領兵守備斬一賊首忠勇可
嘉且其所領之兵乃按臣捐俸以贍未動正餉也若承
天府同知王燮元兩年來督餉防陵建營房製器械奉

按臣及臣之委事事盡心盡力襄陽府推官江禹緒督
新兵六百赴郢適當賊近之時緩急有濟常德府推官
今陞乾州知州陳之龍雖奉旨促赴新陞而監紀防陵
軍兵亦有勞績已上文武各官俱宜分別敘錄者鍾鳴
將雖係加銜之官陣殞亦當議卹此時寇突襄棗南陽
內鄧一帶臣親督李重鎮雷時聲陳永福以往而黃麻
等處又報有從南直奔來者復檄催總兵官秦翼明馳
擊楚豫地方遼廓郢郊路徑煩多祖竟牟文綬左良玉
趙柱等俱在靈陝嵩盧剿賊未便輕調也謹題

明大司馬盧公奏議

卷四

三

援豫大捷疏

臣新奉簡書經月之內自麻黃追賊羅信復自羅信回
援郢郊又自承天馳剿豫宛朝夕介馬而馳各賊聞風
宵遁頃於南陽新野道中間靈陝賊勢重大又屢接按
臣金光宸告急公移仰一面督兵星馳一面塘報達部
本月二十日師次博望據河南監軍道叅政戴東旼塘
報為飛報官兵截剿連獲大捷事內開云到臣據此
看得靈虛陝永賊氛孔棘臣恨不能縮地分身赴援祖
寬騎兵奉旨歸臣標下向因河雒之賊急於汝宛故令
就近督剿今該鎮奮身圖賊斬級至九百餘顆逆賊可
謂一大創之矣此亦援剿第一功也監軍道臣戴東旼
身歷行間悉心調度并監紀各廳勞俱難泯所當一體
查敘者臣今自宛直趨汝州馳會撫按諸臣力圖剿蕩
其豫雒賊情兵力統容另疏上聞謹會同五省督臣洪
承疇河南撫臣陳必謙河南按臣金光宸會本具題

明大司馬虞公奏議

卷四

三

援汝連捷並陳剿蕩大局疏

十一月十八等日汝雒告急臣自南陽星夜馳援行次
博望據報總兵祖寬汝西大捷已經馳奏矣旋據河南
監軍道臣戴東旼稟稱八大王一股被祖鎮殺敗遂勾
連西來大賊闖王等各家盤踞汝城西南聲言報仇祖
左等兵俱已赴雒應援汝城無兵勢甚危急等因臣遂
兼程自襄郟赴汝二十五日二鼓至州隨即發兵往剿
至二十八日申時據監軍道臣戴東旼塘報據監紀同
知張大經塘報云等情到臣該臣看得闖王等各家
大賊羣聚汝雒之間其勢叵測臣於旬日之內繇郟襄
宛葉兼程而馳千四百里合李重鎮雷時聲兩營共步
兵五千餘馬兵五百餘連戰兩日乃始擊敗斬敵雖僅
一百七十餘顆而賊之死傷於炮火箭弩者難以數計
賊馬我步賊眾我寡故當陣未暇割級兵民實共見聞
即不敢言功而將領兵丁血戰之苦暨監軍監紀等官
共在行間拮据可謂竭盡心力矣臣謹另開報部以便
彙敘今探其苗頭奔向魯山東南一帶如南陽汝寧襄
陽承德麻黃俱四達之地眾賊合之固有十餘萬分之
亦各有數萬而闖王又第一稱強誰能當者豫楚必將
鼎沸矣臣正集兵追擊而總兵祖寬及遊擊羅岱劉肇

明大司馬虞公奏議

卷四

三

基等俱自雒陽領兵馳至臣自叨總理各鎮將俱分頭
禦賊未暇而閔今兵馬一時湊集爲數方足萬餘務須
親督追剿勢不能分應他方也抑臣更有請焉八年大
寇勢衆於十插毒徧於腹心臣與督臣止有剿法別無
堵法止有戰法別無守法蓋守則老師置財堵則畫疆
擁毒皆非剿蕩大局也夫大局必須以兵餉之全籌盡
督理之專力其情事勢仍當專疏奏聞就目前論賊
在永宜新澗者三四股眈眈欲窺北渡臣已飛會河南
撫按以援剿總兵左良玉遊擊趙柱都司朱三才等客
兵七千餘又遊擊陳永福陳治邦李雲程等河南王兵
三千餘共一萬有奇視賊緩急而禦之其在汝雒魯召
者五六股大勢俱已南奔臣親督監軍道及援剿總兵
祖寬副將李重鎮等客兵七千餘又副將楊世恩雷時
聲等湖廣王兵五千餘共一萬零視賊分合而擊之此
外尚有羅岱劉肇基二將所領援剿馬步兵一千五百
名刻下暫隨臣調度再視南北各股之賊緩急分合而
調遣之一面又馳會督臣洪承疇若秦寇無多卽從潼
關抵豫親臨合擊其河北防河則有董用文之兵鳳嶺
應援則有牟文綬之兵目今潁未告急賊在中原牟文
綬或留之豫地以當賊向後天氣漸和寒冰解凍董用

明大司馬盧公奏議

卷四

三

文或檄之渡河以協剿此又須審勢相機與撫按諸臣
臨時確酌未可拘擬也謹會同五省督臣洪承疇河南
撫臣陳必謙河南按臣金光宸謹題

明大司馬盧公奏議

卷四

三

懇辭楚撫疏

臣兼程援雒師次汝州督剿閩王等大賊已另疏馳奏矣顧臣楚撫也楚地之廣倍於他省且十藩封在焉而皇陵所係尤非他省可侔臣叨總理之命兩月來從德黃而羅信從羅信而承襄復自承襄而南陽自南陽而汝雒計程已馳四千餘里計地已歷六郡有餘戴星披堅倚馬拜疏敢言勞瘁寧憚艱辛乃臣向在楚中雖有賊數股入犯而旋挫旋遁卽汝寧南陽一帶接踵告急及臣至彼賊亦宵奔迄今至汝雒而賊眾且強則從來所未見者始知豫撫支持之難也二十七日汝西一戰破釜沉舟不遺餘力闖王等大賊始被創一番而終非大捷今豫中徧地皆賊或奔三楚或犯江淮或窺北渡豕突鴟張賊情非旦夕可盡東援西剿兵機非呼吸可通臣去楚旣遙慮深兼顧若楚中告急雖不敢不竭晝夜之力以飛援而瞬息安危封疆曷可嘗試况臣自鄖移楚於今又五閱月矣始而駐襄兼顧既而出境援剿在臣衙門止任五日楚境至繁之案猶如山積諸凡沉閣之務不下百千甚而欽件亦皆耽延不遑經理刻刻憂心如焚夫以封疆之事如彼地方之事如此循名責實報稱何從况臣官謂之總理明乎其有分理者在焉

明大司馬盧公奏議

卷四

三

臣於五省爲總理之人於楚省依然分理之人也勢處萬難心長力短躊躇再四莫若於中外諸臣簡任一人以肩楚事使臣得安意辦賊竭心力而爲之庶幾可報聖恩於萬一倘謂疆事倥偬急需料理則按臣余應桂現今居守皇陵勞績茂其才品迥出尋常於楚中兵將及官評吏治不啻駕熟鞭輕卽以爲撫而另遣巡方亦屬便計蓋天下事惟能著著實做不避勞怨又以清嚴剛正馭之自可同心共濟按臣固臣所深知深信者也臣動念卽從封疆起見寤寐思爲朝廷樹人倘有一毫規避之心難逃皇上斧鉞懇祈聖斷立賜施行全楚幸甚微臣幸甚謹題

明大司馬盧公奏議

卷四

三

剿蕩三大機宜疏

謹題為剿蕩須審大局兵餉須握全籌督理須盡專力
謹再陳三大切要事宜特請明旨敕部確覆施行以早
勦討賊至計事竊照微臣任事者也非議事者也維當
一意辦賊豈宜屢疏瀆陳願封疆民命所關任議原非
兩局而兵機賊情所係呼吸便爾異形臣前疏會謂知
無不言為無不力即一刻一圖維猶恐為之不盡也即
一刻一拜疏猶恐言之未詳也是以剿寇十要如辦餉
籌兵用人任將設險五事已經條奏荷蒙皇上俯採芻
蕘尚有定功罪明分合專責成以民攻賊以賊攻賊五
明大司馬盧公奏議

卷四

三

事未敢冒昧敷陳必須剿蕩大局兵食全籌督理專力
確有成畫後五事方可次第力行也何謂剿蕩大局賊
橫逞八年狂奔七省擁眾四五十萬分股百十餘營氣
候成矣其為害實前代所未聞而視上插為憂甚也臣
與督臣有戰而無守有剿而無堵而各省撫臣仍宜且
戰且守且剿且堵主客馬步奇正之兵缺一不可更須
以天時地利配之目今天氣嚴寒河冰易結強寇眈眈
北渡深慮震驚畿輔及分蔓山之東西此時大河南北
防兵萬餘猶存乎見少也轉盼春融則此兵皆可為戰
為剿矣黃流天塹但使羣賊從秦晉河北而來者不復

仍奔秦晉河北而去豫楚江淮之間尚可收拾即以中

邊物力全注於此而向後所全政多維絲秦而奔豫楚
南直復絲豫楚南直而奔秦萬徑千山安得長城為界
若欲以兵守之一路千兵十路萬兵百路則十萬兵矣
而賊奔之路又何止百也倘令厚餉多兵盡疆為守僅
供戍卒之用不幾以山谷為軟困擲金錢於坐糜乎臣
審度天時上插每橫於秋冬而春夏多不敢蠢動今宜
多調咸寧甘固之兵以屬督臣多調薊遼關寧之兵以
屬微臣旗鼓相當各分五路不拘秦豫楚直直搗橫衝
或迎賊之頭或襲賊之尾或邀賊之中賊分而我亦分
明大司馬盧公奏議

卷四

三

賊合而我亦合猶慮深山密菁峻嶺層崖羣寇易於奔
竄騎兵不便攀援容臣會同督撫按諸臣再調川草滇
黔之兵慣於登山涉隘者一二萬以佐騎兵之所不及
中外勿惜經費有司勿憚苦難各省直勿吝餉金縉紳
士民勿事橫議大家齊心合力効順除兇合天時地利
而又濟以人和大戰百餘斬級千萬待賊乞降歸命悔
禍投誠然後再議散遣安插潢池既靖薄賦輕徭郵生
弔死保固元氣此則剿蕩之大局也以上一款伏候聖
裁下兵部確覆何謂兵餉全籌從來處常用文禦變用
武是用兵原一變局也而用兵以剿流寇且以剿今日

之流寇尤變中之變者也賊橫而後調兵賊多而後增兵賊橫且多之甚而後再議增調之兵著著已落後局乃兵至而後議餉兵集而後請餉兵至且集已久而後議續請之餉時時寓有危形况乎請未必得得未必敷餒卒從戎則弱爲寇則強是八年來騷騷而調之兵反樹賊黨積累而用之餉適齋盜糧也每見士民之家主僕遠行其從者一日無糧主人對之必有憂色再日則有懼心越三日而危形變態出矣卽從長途稱貸緩急誰依卽或稱貸而得所費必加倍所損不啻多乎軍旅情形大率類是而安危利害則千百焉况均之餉也早

明奇馬盧公奏議

卷四

无

一日則軍見德遲一日則兵賈怨均之本色米豆草束也餉有款項有司得以先期料理費省十三餉無款項有司聊且計日支吾費多十五甚而將無作有剜肉醫瘡又甚而重派橫征敲骨吸髓弭亂致亂令人疾首痛心於此而無變計恐殺賊一而從賊百殺賊百而從賊千也欲令賊盡民將與之俱盡矣夫以天下國家之大錢糧兵馬之難分疆而理者各自支吾當局而任者逐時補湊雖絲時勢所迫獨不可通盤打算乎謹查部議兩直豫秦楚蜀堵剿戰守之兵以十萬計分之五省每省仍不過一萬七八千也恐未足當賊姑就此數論馬

兵行鹽糧草每名日支一錢二分步兵月餉行鹽每名日支六分馬三步七計餉一月費銀二十六萬此約略言之也至於米豆料草年來寇患兵荒赤地千里價高數倍大米每石二兩五六錢小米每石二兩一二錢料豆每石一兩六七錢料草每束二三分目前已難措辦向後猶恐日增部中定價止及三分之一是以有司一聞大兵且至人人皆欲服毒投繯以自盡爲幸聖明在上此何等世界而可令有此光景也臣是以千思萬想瀝血嘔心前者辦餉一疏酌議鄉紳士庶因糧輸助并內庫折色及事例廣開合此三項歲可登金錢一二百萬已蒙皇上俯俞若通天下行之猶可擴充其數獨士民輸助以其未食天祿難比鄉官酌理原情凡地糧過十兩以上者方議輸助臣今再四思維咨詢里巷人心不古世道澆頑嗜金如飴躲閃百出田連阡陌者從此而花分詭計又將無所不爲未有濟於公家必徒飽於蠹腹不若簡明直截除大小文武鄉官每兩各輸銀一錢外各省直舉貢監生員及武舉武生吏員承舍以至各衙門快壯皂隸凡有衣冠職役者每地糧一兩各輸銀五分其餘無告之鄉民百姓一概免之似於情理攸當或曰搜索及於吏胥衙役不太瑣乎臣謂土豪富戶

明奇馬盧公奏議

卷四

无

大半皆以衙役護身若此輩得遺正中奸計斷斷乎不可少也詩云哥矣富人哀此犛獨臣故體皇上如天之仁妄意維鄉民百姓應免耳如此辦餉實實不病民不損國此外所不足者再議題留公私兩便夫餉既寬然其有餘地則主客馬步戰守之兵或調或募或增無所不可此則兵餉之全籌也以上一款伏候聖裁下戶兵二部確覆何謂督理專力臣與督臣既膺討賊之任維賊是求兵機呼吸宜通西北東南似難區別原當分而合合而分者彼以三邊此以全楚兩相牽制兼顧實難督臣向日會辭三邊微臣近日會辭楚撫俱出急公至明大司馬盧公奏議

卷四

三

以畢力於兵戎不至分心於錢穀各省撫臣應用戰守之兵題留之餉聽其自爲確酌專精料理不復用督理剿餉而分督理剿兵以致錢糧之頭緒互淆兵馬之馳驅無定蕩平之效似可計日而成此則督理宜盡之責也以上一款伏候聖裁下吏戶兵三部確覆凡此三大機宜臣不敢一字浮游一言欺飾矣諸天日入告聖明遂不覺披陳溢幅總恃皇上俯鑒微臣之樸忠也抑臣更有披瀝焉今日封疆之吏萬苦萬難冷雨淒風之下紅塵赤日之中鐵馬金戈時時寄性命於鋒鏑豈特鮮居官之榮抑且無有生之樂維恃此忠君愛國之心自爲鼓舞而不倦更藉彼益友良朋之力其相體諒以有成若不問其事之難易不顧其人之生死一味求多責備在識力不堅者必至因人以易向曲事弭縫卽精白自矢者亦且避忌而灰心從何展措頃臣跪捧聖諭我皇上猶曲體羣臣而况比肩事主者乎臣從此誓同督撫諸臣力圖剿蕩之舉謝絕情面應酬是非付之公論功罪聽之朝廷於應盡職業之外毫髮不敢縈心也統惟聖明睿照施行臣謹會本謹題

明大司馬盧公奏議

卷四

三

定止輪餉疏

竊照因糧輸餉先經部覆奉旨通行在各省首緝紳士民除兵荒之地遵依准免外其餘力可從心者固無不踴躍從事者也但從來一法立一弊生有司奉行難於盡善微臣剿賊於江北豫楚數月之內所經州縣不下百餘徧察輿情固有明知為輪助者亦有誤認為加徵者如此則聖天子之德意下而士大夫之急公恐未必其曉暢也夫偶行則為助再舉則為徵因便則為輪取盈則為派臣思寇患雖橫且久以皇上之威靈暨文武諸臣之戮力殄滅有期輪餉一節誠可一而不可再者

明大司馬盧象昇議

卷四

三

用是不必煩瑣仰乞聖慈敕下該部再一通行省直申飭司道府州縣務遵戶部覆奉明旨事理鄉紳每地糧一兩助銀二錢士民地糧五兩以上每兩助銀一錢其自一錢二錢而外及士民地糧不及五兩與夫兵荒應免之地不得混徵分毫并以一年為止向後不得借題科派各府州縣鄉邑市鎮多張告示曉諭通知庶幾弊端永杜人情樂輸封疆軍旅均有賴也謹會本具題

剿蕩愆期聽候處分并陳賊勢兵情疏

臣奉命征討維賊是圖日與督撫諸臣同心戮力竭犬馬之血忱以期報稱於萬一乃自四月初旬迄今五月豫楚內地雖暫覺救寧而鄂襄內浙嵩盧靈陝山中尚多盤踞出沒兼聞秦中漢興一帶大賊奔突肆搶臣與督臣各苦地方遼遠難以呼吸相通然彼此公移往來夙夜戴星驅策實未敢片刻怠緩從事也欽限五月蕩平日今轉盼將過臣荷蒙皇上天恩稟承皇上大法撫躬効職竭蹶捐糜事勢既處極難時日尤虞易逝各賊蔓延八載黨眾股多不能計日掃除上慰聖明宵旰我

明大司馬盧象昇議

卷四

三

皇上卽以大罪加臣臣亦何辭之有下情所以日夕悚心寢食俱廢而終無以自解者也維是踰月以來兵情賊勢不敢不備陳於皇上之前先是三月終旬臣督遼鎮及火攻營諸兵自襄均等處整擱入山搜剿奈羣寇狡於避兵先已遠遁房竹大山負嶠依險窮我人力馬力又值洩旬淋雨楚地卑濕險阻攻殺騎射邊兵無所用其長士馬兼多疾病臣再四思維窮巖絕谷之中倘率師深入必致意外疎虞若坐守襄樊虛糜糧餉且風氣人情不習警隙易生封疆事重未免於剿寇馭兵之道兩失之矣臣憂心所迫一面拜疏上聞一面會同楚

鄖撫治按諸臣檄總兵官秦翼明副將楊世恩等軍將
鍾鳴臯張大節等川軍兵共八千餘又將臣三月初調
到加銜都司張平等黔兵一千餘扼剿鄖襄而臣於四
月初旬親統關寧之兵自苑入豫蓋豫地漸向西北與
湖廣省澤國不同在邊兵風土稍宜尚可相機調劑以
資緩急且南陽之內浙一帶河南之雒西一帶山多地
曠皆接壤潼關商雒狡賊分股出沒倏忽異形臣會同
河南撫臣以遊擊周維鏞王進忠及豫將陳永福等主
客兵四千扼剿內浙而雒西則有左良玉趙柱等兵七
千扼剿永澗四月二十七日臣次雒陽兩接部咨因關
明大司馬盧公奏議

卷四

三

寧兵馬奉旨命臣酌量遣發又蒙皇上面諭樞臣從長
確議仰見聖明體卹援兵之至仁與圖維剿局之睿慮
真是恩同天地明並日月者也彼時臣隨具咨覆部仍
與豫撫陳必謙集鎮將兵丁詢其疾苦諸狀激以忠憤
圖功并移會督臣將豫楚秦剿兵剿餉通盤計算督臣
亦馳札及臣謂秦賊需剿正殷雒西關內非復東南水
鄉近關士馬雖多染疾奔波就中精銳尚可服習用命
此兵情之宜酌者也至各股大寇維闖王闖將闖塌天
最強次則蝎子塊老猢猻混世王過天星混天星亦勁
除闖將混天星等已經督臣剿撫並用殲散奔逃而闖

王於去年十二月內自秦中突汝雒自汝雒奔江淮其
衆不下四五萬人又有曹操搖天動滿天飛南營八大
王等附之爲數幾於十萬屢經追殺內如曹操搖天動
南營八大王等已俱零星剿散闖王大夥滁州俘斬之
役亦鼠竄不遑二月間旋遣登封魯召山中與闖塌天
合營屯聚目今闖王闖塌天蝎子塊等據報俱奔漢興
以窺沔略漢南親藩重地誠爲可慮而賊計正狡倘從
平竹東回又是荆襄剝膚之患若絲鳳隴西犯仍爲宛
雒內潰之憂此外則商雒內浙永盧靈澗山中如老猢
猢混十萬與世王瓦背等出沒秦豫接壤之區節經左
明大司馬盧公奏議

卷四

美

良玉周維鏞王進忠趙柱陳永福等分路扼擊屢有斬
獲其鄖均山中之賊總兵秦翼明等亦時有捷報俱聽
豫楚撫臣具題臣不敢贊臣於五月初三日會同豫撫
分發祖大樂兵赴永寧祖寬李重鎮兵赴靈寶日則裹
糧負運夜則露宿邊山豫中撫道極地方之物力以供
而各鎮將以山險路崎爲辭不能與賊一遇搜剿如此
艱難狡賊何時蕩滅况大夥在秦尤不可不急圖合剿
預堵此賊勢之宜籌者也總之豫楚秦鄖皆係朝廷封
疆臣與督臣皆應討賊重任不分遠近彼此自當合併
以圖此時在豫楚江北剿兵臣前疏通盤計算約三萬

有奇在秦中剿兵近准督臣移稱秦兵約一萬三千有奇又川兵六千除汰過病弱兵丁七百餘名實在五千有奇兵該一萬八千有奇今賊之大勢奔秦而豫楚江北援兵雖以客旅久疲人情懷土然病且弱者予以更番休養精且銳者鼓以夾擊互援庶於明旨次第遣發之義宛轉相符臣曷敢拘方偏執維當與督臣審勢相機隨時斟酌另疏馳聞但臣討賊無能致煩聖慮焦勞日甚此身何地自容頃流孽渡江治臣宋祖舜奉旨革職助議矣耶之殘破孤危微臣向日所身當而目擊也至河南撫臣陳必謙竭蹶中原多收克捷復偕臣夾剿

明大司馬盧公奏議

卷四

三

汝宛戮力行間湖廣撫臣王夢尹新經受事身捍承德聞警星馳其於耶襄止係兼轄乃二臣亦且議處矣向使微臣督剿江淮豫楚間果能運籌制勝馬到功成各省撫臣豈不易於爲力而臣才實庸臣識實疎敢以地遠鞭長自道厥戾尤當束躬屏息上聽聖明之斧鉞者也謹會同五省督臣洪承疇會本謹題請旨

崇禎九年五月

參唐藩疏

謹題爲藩王舉動破格微臣剿賊過宛謹將情形據實奏聞事該臣自洛陽選銳入關合剿又親統標兵馳赴宛襄一帶調度業於六月二十四日拜疏矣七月初一日行至南召山中聞兵部職方司員外包鳳起齋至欽頒赦書從湖廣至南陽臣隨於初二日赴郡初三日恭迎開讀忽聞永壽福山二郡王慘死合郡宗室暨紳士軍民罔不驚異悼惜臣隨行道府縣等官查問緣繇去後當據分守汝南道按察使周以典呈爲申報事內開云 同時據南陽縣知縣何騰蛟申報相同回覆到臣

明大司馬盧公奏議

卷四

三

竊照微臣以討賊爲事者也諸凡理屬地方除兵機賊情之外概無可言乃今以開讀詔赦至南陽郡城適有唐藩杖殺兩郡王之事郡王下親王一等所謂宗子維城本支百世者是也且永壽福山皆唐藩親叔一旦有此舉動事出非常該道府縣等官俱云奉王而諭當年永壽福山意在奪財奪位先裕王被鳩而薨今特報父仇以洩忿王言如此夫燭影斧聲千古莫決茲以莫須有而慘斃視叔兩郡王天日爲昏宗藩震慄所關非細故也若地方大小文武官員所遞藩王啟本如襄楚福惠桂瑞諸王皆係官銜或加一職字從未稱臣今唐王

新頒規式府州縣佐領俱令改職爲臣微臣識見愚昧不知大明會典及宗藩儀注曾有此條否但覺臣佐領者臣守令之漸也亦卽臣院道之漸也臣爲此懼矣皇上篤念親藩恩禮宜渥至天經地緯之誼終難假借秋毫微臣剿賊豫楚江北凡五過南陽三次入城啟王兩次追賊倥偬棲宿城外隨卽具本啟知用示敬慎若朝王儀注自有欽頒而唐府一切皆以僭竊爲事臣但從容與承奉司及長史等官正言之令其輔王以善此番臣在唐府朝房忽承奉司及護衛官捧王令旨至傳言接旨臣急起而迎視卽係臣朝王啟本但見將臣本草

明大司馬盧公奏議

卷四

三

書批一長篇後有免朝賜酒飯該衙門知道兩語皆從前所未經見者臣心惕然不敢再閱敬趨而出因念王下筆成章聰明才辨如讀書而知大義守禮以安藩服體皇上仁愛之天心豈非桐封懿軌今乃所爲若此微臣何敢欺隱不一陳於御前也爲此具本謹題

附綏寇紀略五條

薦侯宏文疏略曰原任高平縣知縣侯宏文以守制一道阻僑寓襄陽見臣叱馭疆遂投袂而起散私財以募死士介馬從征臣欲昌言其功彼輒長揖告去臣比叨總理宏文以大義規臣意氣凜然因言及中原步兵不能追賊臣思得滇黔之人用之宏文願以孤身奔走萬里爲臣奉檄往募有臣如此敢不聞於主上乎上從其請命爲監紀已而公移任宣雲宏文率所募兵重繡至楚爲後事者所陷以騷驛聞有旨卽訊公不勝憤懣凡三上書帝皆不允

明大司馬盧公奏議

卷四

早

糾秦翼明疏略曰秦翼明疏請援鄭臣壯其志旣而寇突豐陽有功及聞曹文詔陣亡尤世威挫衄遂談虎色變事事觀望不前左良玉近來恇怯以視翼明則彼猶然烏獲孟賁也但其性行純謹尙可鞭策後效

略陳尾擊非過疏略曰州縣庫藏如洗折色萬難措處本色顆粒無資剿兵所至率多閉門堅守惟以身聽察拏臣以功令責之則曰餉銀原無款項從何設處凡剿寇用兵之地卽兵荒應免之地偶有一二完邑所輸無幾不足以供防兵况剿兵乎賊行甚速日

無定向窮兵力以追之尙虞不及今支領芻糧即使
隨手立辦定稽半日之程稍遲一日再遲二日斷無
及賊之理矣據臺省動以尾擊責臣等持論非不甚
善但均一剿也有追之者必更有一二重兵或堵之
或扼之始無潰決之患若前無堵者旁無扼者止賴
一追卽有縮地之法遠出其前而賊巧於避兵轉身
他向仍然尾擊也卽欲不尾不可得也

入山搜捕疏略曰豫楚大山綿亘密菁深林馬不能
進賊抵突榛莽出沒無端我兵攀木踰崖日行三四
十里車驢不能饋饑人負米二斗踵兵而往十日糧

明大司馬盧公奏議

卷四

早

盡遇賊勝負未可知以千兵入需千人運萬兵入需
萬人運過期則兵夫同歸於盡矣可出臣章與有議
參之

議練鄉兵疏略曰賊皆百鬪邊兵驍悍僅能克之宛
雒蕭條若用土團卽販區病坊備保小兒耳毋乃貽
賊嗤笑乎苟求其便祇應充拓王兵募壯丁買馬費
百億以上從何出



明大司馬盧公奏議卷之五

宣雲奏議目錄

謝恩到任疏

恭報理標兵馬疏

請增標營兵餉疏

衝邊將領需人疏

經理屯田種馬疏

用人修具飭法治兵疏

請留標將劉欽疏

卜夷乞款疏

明大司馬盧公奏議

卷五

目次

駁部議清餉爲新餉疏

請定密奏密揭規式疏

請借馬匹弓矢疏

請留中軍疏

遵旨諭讐卜夷疏

屯政疏

密奏卜夷納款疏

更置將領疏

密陳邊計疏

附

總督軍門初次練兵規則

明大司馬盧公奏議

卷五 目次

二

明大司馬盧公奏議卷之五

宜興盧象昇建斗著

襄平蔣攸銛礪堂鑒定

宣雲奏議

謝恩到任疏

崇禎九年九月二十二日奉旨盧象昇仍以兵部左侍郎兼都察院右僉都御史總督宣大山西等處地方軍務兼理糧餉寫勅與他著星速到任料理不得少延欽此又於本月二十八日准吏兵二部咨文該微臣奏為咫尺天顏恭請陛見以獻芻蕘以圖報効事奉旨知道

明大司馬盧公奏議 卷五 一

了盧象昇已膺新命著遵旨星速赴任料理不必陛見該部知道欽此欽遵備咨到臣微臣稟奉明綸卽兼程前赴宣大受事隨准前督臣梁廷棟差官齎送總督關防一顆達字一百九十八號符驗各一道令旗令牌十面副弁吏書文卷到臣臣謹於十月初一日在居庸關恭設香案望闕叩頭謝恩交代訖竊維今日事勢莫急於邊防禦機宜莫急於宣大以庸才陋質受任嚴疆感恩倍於恒等圖報止有赤衷從此而勞怨不敢避也虛文不敢襲也一切彌縫粉飾之事苟且目前之計不敢為也維當刻刻圖維事事實做以報皇上簡任之

隆恩今不敢拘尋常到任之例卽赴駐劄衙門苟安自便徑從居庸厯忿道懷隆宣府各邊口以便經營條奏臣心夙夜矢之矣伏維聖明鑒察施行

崇禎九年十月初五日

恭報理標兵馬疏

竊微臣向叨總理之任自崇禎八年十二月二十五日謝楚撫事至崇禎九年七月二十八日奉命入援蓋七月於此馳驅半載成效鮮聞茲復以討賊未竟之局貽之後人深自愧懼皇上不卽加譴猶使濫任宣雲此聖明使過之仁而亦臣愚圖報之日也新理臣王家禎久歷中外才練識精事事俱以實心幹濟臣昔備兵大名知之頗悉今奉簡書而往封疆其有賴矣若循往例臣應候代兼效古人舊政告新之誼以自盡其區區之誠乃宣雲要地明旨諭臣星速到任臣遂不敢少延且總理無衙門無地方頃又以入衛北來遠離豫楚自欽頒符驗旗牌而外要亦代無可代也至於各省直兵馬錢糧千頭萬緒剿兵之調援撤遣剿餉之題留借支臣一照部文卽則通行理屬定以款項與以冊式敷以循環成規甫立而倥偬北援簡命載承相去益遠一應支銷文冊撥補款項尙須移文各省直撫按及行各司道府州縣等官通盤銷筭始免混淆此非旦夕可至者惟是總理之設首自臣始當日苦無一兵一馬并衙門官吏人役皆於倉皇辦賊中召募增置而糧餉之處設更艱臣拮据半年共有馬步兵四千題明在案內除遊擊羅

岱之馬兵二百餘名因夷丁私逃本弁改委管潞陽營
訖加銜都司薛贊虞之步兵五百餘名因其兵遊滑難
用臣於本年五月內汰之又副將雷時營戰沒其部下
川黔兵傷亡及汰去病弱共二百餘員名實存標營馬
步官兵三千一百餘員名臣備其精銳一千六百餘員
名隨征入援統之者遊擊朱文進都司楊從義守備張
寵陳德也存留襄陽剿賊者一千五百餘員名統之者
都司孔思成張平中軍廖應登也又標下中軍旗鼓巡
捕傳號旗牌管官八十餘員名執事標勇及各家丁弁
騾兵等兵三百九十餘員名以上其現在標營馬步官
明大司馬盧公奏議 卷五 四

之川黔兵三千此亦客兵而今作主兵之數聽楚中撫
治二臣調度者也總皆東南脆弱之旅馬少步多不足
當賊賊亦藐之往臣初拜總理之命尚有隴寧勁卒可
用雖費調停駕馭而殺賊頗強今新理臣受事益苦無
應手之兵臣是以身任巖疆自治不暇而猶不能不為
新理臣躊躇顧慮也所幸先調滇兵近已報有六七千
至楚蓋臣於去年冬月即慮邊兵不能久於內地故疏
題原任高平知縣侯宏文改授推官職銜軍前監紀往
滇募兵宏文滇人也慷慨有氣節素懷報國赤心臣措
餉萬金與之期以募兵三千今為數且倍所費不貲俟
其冊報到日若兵果堪用兼有馬匹器械則此番勞績
激勸宜優該營將兵尤須急定以餉額臣既量移何敢
越俎新理必有以處此矣統惟皇上勅下該部查覈施
行

崇禎九年十月初八日

請增標營兵餉疏

竊惟封疆大計戰守兩字盡之矣臣愚不才屢試罔效而皇上猶用之於衝邊申之以簡命不過此區區赤腸為聖明所照察爾日者叨任宣雲卽從居庸關歷岔道柳溝永安劉斌堡周四溝黑漢嶺四海冶火焰山靖胡堡滴水崖寧遠堡長伸地龍門所牧馬堡鎮安堡青泉堡兩河口鎮寧口獨石口迴環四百餘里其間大小隘口極次衝邊不下四十餘處此皆昌宣密邇之地而陵後要害之所也除修築宜邊事宜已經監臣魏國微疏請奉旨著微臣再加確商具奏臣卽欽遵移會監臣并

明大司馬盧公奏議

卷五

六

宣鎮撫按從長籌畫另本上聞今以目前事勢計之屢經闖入修邊尙費日時權衡於緩急戰守之間不能必其不來惟來而有以待之且能厚集兵力鼓銳出奇以大挫之此所謂治標也宣大兩鎮總兵官標健兵丁及督撫標兵營路各將領戰兵俱宜立法簡練務使知方有勇可合可分庶臨事而臂指相聯緩急有濟此微臣力所能爲分所得爲者業與撫鎮道將共矢公忠力圖振刷俟行之稍有成效乃以入告未敢一一條奏瑣瀆聖明而兵餉之盈虛標本之擘畫有不能不仰懇明綸早爲酌處者臣標營官兵僅以五千五十四員名計

在承平無事見其多當患剝膚苦於寡蓋臣雖備員

總督遇有邊警必不敢託言調度安坐鎮城惟蠢動零夷責成鎮將剿禦若窺疆大石以爲元戎戰裨先標營戰兵至少亦非一萬不可刻下急宜增設馬步五千弁求天語勅部早措馬步五千兵之餉若惜小費而遺大計狂近習以忘遠圖連年患便爲炯鑒豈但疆臣心悚卽計樞諸臣處此當不勝爲封疆長慮耳及查標鎮諸兵餉額臣標馬兵月支一兩六錢亦有支一兩五錢者步兵月支一兩四錢亦有支一兩者宜大兩鎮總兵官各有馬健丁五十月支一

明大司馬盧公奏議

卷五

七

兩八錢又加折米銀四錢每兵共月支銀二兩二錢兩鎮舊標兵各馬步五千馬兵月支銀一兩三錢步兵月支銀一兩一錢其間多寡盈縮之數尙覺參差除鎮兵待臣閱視後再爲參酌調劑務求至當永立成模此非可旦夕定者臣標馬兵月支一兩五六錢步兵月支一兩二三錢以視該鎮健丁月支二兩二錢太相懸絕非所以平情示勸居重馭輕也今當急議量加以示鼓勵馬兵以一兩八錢爲率每月量加銀二三錢不等除將領中千把總外共馬兵三千名每月約該加銀七百餘兩每歲約該加銀八千四百餘兩步兵以一兩五錢爲

率每月量加銀二三錢不等共步兵二千名每月約該加銀五百餘兩每歲約該加銀六千餘兩以上通共馬步現額標兵五十名除官不加外每歲通共該加銀一萬三千餘兩雖爲數不多而以此鼓舞兵丁何啻投醪挾纊此項別無設處似當於停賞銀內每歲如數坐撥以爲定額至應增馬步五千馬三步二其餉一照前額每歲該銀十萬二千餘兩并官廩馬料約畧計之每歲共該銀十四萬餘兩適值三空四盡之時司農仰屋無措微臣豈不知協恭相體苟且支吾但以此衝邊當彼勁不如是則治標急著措手何從此微臣所以日夜

明大司馬盧公奏議

卷五

八

崇禎九年十月十二日

衝邊將領需人疏

臣奉總督宣大之命適當之餘觸目警心懲前毖後唯願以一片血忱與鎮道將領各官方圖安攘旬日來閱歷宣邊大畧已盡但見邊牆毫無足恃軍馬處處單虛應設烽臺墩堡十無二三寥寥戍卒防兵鶉衣百結此其積漸由來豈一朝一夕之故及今從頭經理非一手一足之能除臺墻墩堡軍馬錢糧等項容臣考昔訂今因時酌地次第上請外目今急在用人自總兵而下如協將路將以及守把防操等官其關係地方安危亦猶文職之府廳州縣也近日宣疆失事諸弁應處者必多臣介馬巡邊未見邸報倘俟部咨到日懸缺請補未免稍遲且臣受任之初見間未確夾袋無人即欲就近咨題未能冒昧從事是在樞曹首念邊陲要地查照革任逮問各弁員缺遴選近地之有才幹者早爲推補庶幾臂指得人疆場有賴也臣今查閱宣邊事竣卽赴陽和鎮城簡練標營兵馬枕戈待旦必不敢片刻偷安自取罪戾頃於本月初五日臣在永寧據赤城兵備李仙風有兩河口外零夷打牲之報初六日臣在周四溝據該路叅將賀讚有昌平逃兵窺伺四海冶之報臣當行營路各口嚴防邊隘而親督協路諸將羅映垣

明大司馬盧公奏議

卷五

九

王定賀讚所在設備以待隨有宣昌監臣魏國徵昌平
鎮臣王承允率兵緊襲各夷丁見無出路俱就撫歸營
口外打牲零夷旋亦報遁無迹凡此皆微臣隨地飭防
而未敢以小事題報也謹因請補將領而弁及之統惟
聖明勅下該部施行

崇禎九年十月十五日

經理屯田種馬疏

竊思屯政廢而軍貧馬政廢而兵弱此今日極敝難返
之大病也而在宣雲兩鎮爲尤甚臣自出居庸關沿邊
閱視弁察人情風氣之宜但見地土荒涼居民寥落米
糧豆草湧貴異常詢之二三野老僉云此中有地而苦
無人有人而苦無牛具籽種卽或有地有人勉措種具
而賦役既繁收成又薄得不償失故多委而去之臣竊
謂不然凡地利天時未有不與人力相配者也宣雲連
年被■又值連歲凶荒失業之軍民因無生趣遂無生
理夫豈真不毛之地也哉從來生聚先於教訓屯法急
明大司馬盧公奏議

宜講求但其效在三年以後經營拮据之始未有不苦
難而多費者倘或傳舍其官邀幸旦夕則已若疆臣視
國如家由庶而富而教舍此別無良圖或遠或近或軍
或民廣爲招徠給以種具此下手法也其間因時因地
因人爲之參調劑量須於經始後詳計力行未可以條
陳盡也至於營伍戰馬中土所產不及邊方邊方所產
不及夷地先年開市我中國實借以收夷之利分夷之
長其後市廢而夷馬盡爲夷用矣各邊又不知種馬專
仰給於倭解市買費多而不得其用及與■遇人馬俱
各披靡蓋人不足以敵■而馬不足以載人何怪■

履番突犯不能一矢相加乎惟是種馬之利亦在四五年後蓋一二年而孳生三四年而繁衍閱五年始強壯可供馳驟通計五年內牝牡料草之資以視頻年買解之費可省十五此法甚善而計目前者必以爲迂乃天下事每多誤於欲速畏難臣今爲封疆軍旅思長久之策是法正宜急行耳以上屯馬二款實籌邊至計裕國遠圖臣前疏練兵措餉爲治標今疏種馬屯田爲治本標本兼治安攘可期但所需資本不費約畧計之得銀十萬乃可措手當此中邊多事內帑空虛司農告匱臣何敢再向皇上一一籲求惟望皇上勅下戶兵二部并

明大司馬盧公奏議

卷五

三

太僕寺權宜搜括設處十萬金暫作那借之數容臣畢力料理漸次補還至錢糧經手之官卽宜責成委管屯馬之官容臣會同宣大監撫按諸臣虛公選委另疏題報職名未敢造次用人也

崇禎九年十月十八日

用人修具飭法治兵疏

臣自十月初二日出居庸關由宣邊以達宣鎮由宣鎮以抵陽和跋履兼旬馳驅千里諸凡協路將兵邊口衝要以及城堡墩臺錢糧器械等項逐事親查一番不覺憂心如焚焦思欲絕驚念宜雲艱窘之狀所見更甚於所聞也臣今於本月二十五日抵臣鎮城簡練標營兵馬弁以標兵練法次第通行宣大兩鎮暨協路邊堡大小諸弁仍與之列款訂期明賞飭罰痛洗從前虛應之習力圖向後振起之模若其呼應不靈督率罔效卽當先請國法首正臣辜斷不敢粉飾因循致令封疆一誤

明大司馬盧公奏議

卷五

三

再誤也然所早夜徬徨靡措者有三大事焉以錢糧之匱乏也而積逋又日甚一日以兵馬之單虛也而凍餒又日甚一日以邊地之遼曠邊牆之難恃也而勢又日橫一日危窘多端支撐無策是以官其地者朝奉簡書夕膺國憲但見窮邊苦塞頻年送舊迎新疆事固多債轅覆餗之虞人才亦滋竭澤逝波之嘆究竟决裂大患國家受之微臣於此不禁低回嘆息忠憤填胸而計無所出也唯幸聖明在上神武布，睿照炳於當幾幽遐盡蒙洞燭臣敢不大其心堅其志罄其犬馬之力以圖一當於疆場日來終夜以思應行應言者何啻千頭

萬緒除修邊事宜標營兵餉種馬屯田諸務已經疏請此外則莫如用人修具飭法治兵爲急矣從來用人必人與事相配臂與指相聯上與下相信而後可相需以有成況乎起做回枯尤難且夕責効頃臣過柳溝晤懷隆道叅議胡福宏過雲州晤赤城道僉事李仙風過宣府晤口北道叅議賀鼎至陽和晤兵備道副使寶可進冀北道叅議聶明楷朔州道僉事朱家仕諸臣才品識見皆足以有爲如賀鼎則精敏而有擔當胡福宏則沈毅而有條理寶可進之通才出以爽練李仙風之幹濟出以詳明聶明楷見遠而駕熟鞭輕朱家仕心細而運

明大司馬盧公奏議

卷五

十四

斤迎刃謂非封疆之選不可但虞遷轉無常未免官爲傳舍伏望聖明責成久任仍乞稍寬文網俾各展布所長在諸臣不至以危地生畏避之心在微臣亦得以羣力効孑忠之益誠便計也至若程能課績當以一年爲期如一年之內該管信地騎不入卽宜加陞一級或窺疆而能大創使遁功與匹馬不入等其諸製器練兵修築屯種一切興釐要務果有奉行實蹟者仍與隨時題叙以優異之典及之庶乎激勸斯彰羣情共奮以上用人一款應候吏部議覆從來戰守必有其具而盛甲火器爲先所需者鉛鐵耳硝黃耳倘一一歸之市買

當此三空四盡安得如許金錢古人煮海鑄山因民利導其法可做而行臣觀宜雲一帶地方雖極苦寒而山澤之間銅鐵鉛硝俱堪採用若令戰守諸兵於團練之暇就近採取以視遠方買運省便實多夫銀鑛不可輕開蓋恐奸民結聚爲患若鉛硝銅鐵其爲利頗微盜賊奸民不至生心於此況邊方與腹裏不同軍旅之事與有司又不同省買運之費量給貧軍使免枵腹之虞而我收銅鐵鉛硝之利有益無損豈不瞭然以上修具一款應候工部議覆從來封疆罪案立法非不森嚴每當交釁之時輒皆畏不畏法以故敗於潰逃者十七敗

明大司馬盧公奏議

卷五

十五

於血戰者十三至各路各口叅遊都守操把等官分信而守遊哨以防舊章明明具在乃近不覺入不知任其自去自來封疆日損日壞夫豈法之不行要亦行之有待是以人情希倖免於後遂爾忘警惕於前則行法於後先緩急之間關係實大今特請聖裁除大帥監司臨陣逗怯及玩誤軍機據實題叅候旨正罪外武官自副將以下文官自知府以下如有懼怯逗遛抗違玩誤者容臣立行軍法馳奏上聞庶人情警惕以上飭法一款應候兵刑二部議覆從來用兵未有不閑節制不諳奇正不明虛實而能決勝者亦未有人馬不相習

技藝不講求呼吸不聯貫而可言節制奇正虛實者臣
自出關以來閱視鎮將營路等兵觀其武藝無非花法
死套及令縱馬馳驟且多仆地跌傷以甲冑則色號參
差不一以營陣則部伍混亂不齊甚至一路將而營馬
不過百餘匹者一守操而戰馬不過十餘匹者且多羸
瘦不堪加鞭卽倒臣急究其根因覈其原額詢其草料
而各官潰眉哀控謂貧軍月支馬料八錢每日僅以二
分六七釐計十數年前豆每升不過四五釐草每束不
過二三釐僅可支用今豆每升貴至二分零釐馬料一
日之需止可買升餘之豆存活實難他如城堡墩臺戍

明大司馬盧公奏議

卷五

六

卒有月支糧銀八九錢者甚而有六七錢者又甚而壓
欠至四五月不能領者單衣掛體竟夕無餐凍餒僵亡
日逐見告微臣目擊此情既爲駭異更切悲愴恨不繪
瘠人羸馬之形以祈皇上天恩一視倘從此絕無補救
將見衝邊士馬救死不遑驅以常徒滋糜爛耳由是
言之宣雲實實無餉寧止餉缺宣雲實實無兵寧止兵
單至若練兵之道大小諸弁尤屬從來未曉率此以往
至卽危雖日討文武將吏而誅之何益明旨所謂從
頭整頓悉慮綢繆固非一端而目下治兵爲急但頭緒
多則心志亂更張驟則耳目驚臣愚以爲簡練次第將

由淺及深由近及遠以標兵爲榜樣而督率首及於宣
雲兩鎮之兵以鎮兵爲榜樣而教習通行於協路戰守
之兵蓋不惟戰兵宜練卽守兵亦宜練精神欲奮時日
欲寬而足餉尤爲根本除臣標兵數軍而餉薄已經專
疏懇陳宣雲兩鎮如健兵營月餉頗厚無煩再議其舊
額鎮標月餉僅抵新設健兵月餉之半厚薄相懸尙須
察酌臣當再與兩鎮總兵官商榷之所最苦者協路守
口軍兵以每月八九錢之餉而逋負動踰萬萬壓欠動
至半年以致衝邊士馬生活爲難大小將領凡歷任宣
雲者惟求速速速斥此尤邊方第一可慮之事今欲從

明大司馬盧公奏議

卷五

七

頭整頓則從前本折積逋先須設法補給向後京民二
運務期按月關支庶各軍兵餉口有資可責以知方有
勇不然故者堪憐逃者堪憫鋌而走險者堪憂臣不知
其所止也以上治兵一款應候戶兵二部議覆總之封
疆大事莫急於宣雲莫重於宣雲莫危殆窘迫於宣雲
縱令事事湊手亦必三年而有起色微臣不敢求皇上
於事後寬臣之罪但求皇上於事前用臣之言并望在
廷諸臣設身處地以諒臣之心痛切相關以應臣之手
謹會同總監撫合詞上請臣無任戰慄悚惶待命之至
崇禎九年十月二十七日

請留標將劉欽疏

竊照徵臣標兵五千經前任督臣楊嗣昌題定經制分爲節制三營統以副叅遊都等官見今節制中營則中軍副將白安領之節制左營則遊擊劉欽領之節制右營則遊擊馮舉領之三弁皆久於行陣與其士卒相習緩急可用者近該兵部將遊擊劉欽推寧武健兵營叅將以八角所守備李雲陞補欽缺在樞曹用將原不拘方而徵臣初至地方首以簡練標營爲急務觀欽才貌儼然戰將也閱其營伍且復料理有方詢之陽和道臣寶可進亦備道本官賢能該營夷漢兵丁素相習服權

明大司馬盧公奏議

卷五

十九

崇禎九年十一月初七日

本年十一月初四日午時准巡撫大同右僉都御史今降三級戴罪管事葉廷桂塘報據右衛路叅將唐通稟報十月二十九日辰時據殺胡堡守備甄奇英稟報云等因到臣該臣看得也其性無常而叵測往者卜酋見併於插今併插投順於年來窺邊內犯卜插從之是不惟順且爲用矣今卜失兎男省吉木台吉忠義夫人孫男那兒木台吉一旦有歸命投誠之稟恐其詐以嘗我否則爲所使皆未可知邊臣惟有急籌戰守奉行天討而已若夫卜插諸夷與其驅而爲用不若收而爲我用此理甚明但以我用夷必我之力足以制夷死命乃可今日尚未易言也今殺胡口馬市新開撫臣葉廷桂鎮臣王樸業遵旨親赴彼中彈壓料理可免意外疎虞而乞款一節據臣愚見似當一面宣布威德以示羈縻仍密察真偽情形以施操縱徵臣初至地方容與撫鎮道諸臣深籌熟計得其要領再請廟謨至各口遠哨嚴防尤萬分喫緊臣復飛檄通行矣統祈皇上睿照施行

卜夷乞款疏

明大司馬盧公奏議

卷五

十九

崇禎九年十一月初七日

駁部議清餉爲新餉疏

竊照增兵措餉在今日萬分艱難疆臣苟可支吾斷不敢輕向內廷呼籲臣甫任宣雲深籌熟計驚心於屢犯之後兵馬積弱之餘萬不得已而請增新標五千并酌增舊標月餉俱荷聖明鑒察下部速議臣敢不悉心圖之卽在計臣方當仰屋持籌亦謂標旅不得不增標餉不容不措誠哉急公至誼也但議清三鎮兵馬缺額之餉以濟目前急需募練之兵計臣用心良苦乃其中更有萬分難處者蓋清兵數餉原係督撫官本等事若餉果有餘兵果不足銖兩亦當裁節寧待增兵措餉之

明大司馬盧公奏議

卷五

三

臣舊標兵五千應增月餉一萬三千餘兩新標兵五千應用歲餉十四萬餘兩必求計臣確定款項按月解發方可刻期募練實圖剿禦不然臣萬不敢以軍機爲嘗試也至於三鎮兵馬錢糧雖各有司其出納者臣備員總督自當徹底清查務使有一分卽充公帑一分之用斷不令漏卮於外竭澤於中況三鎮餉司原屬戶部其間兵食多寡歲額盈虛有一冊報臣卽有一冊報部大率出浮於入支應不來庚癸之呼日逐見告頃宜鑰管糧司官畢拱辰大司管糧司官秦樂天俱見臣攢眉稱苦深慮脫巾若再分營路邊堡之餉以餉新標不惟以

明大司馬盧公奏議

卷五

三

則已如以聖明之生全得龜勉終事則如練兵鼓鑄以
及屯種等務竭臣心力而爲之數年之內必有可觀彼
時方以經營漸裕之物力少佐司農仰屋之一籌臣力
臣心所可自矢目今受任伊始百孔千瘡饑軍展轉溝
中■ 耽耽塞外巧炊之計臣實不能計臣亦必心亮
之矣臣焦思如焚勢難姑待懇祈皇上勅下該部從長
確覆速賜施行臣不勝悚慄待命之至

崇禎九年十一月初十日

請定密奏揭規式疏

竊照邊疆之事莫重於薊遼宣大及陝西三邊而今日
之宣大視薊遼三邊尤爲喫緊諸凡重大事情有宜昌
言者有宜密奏者但疆臣稟成廟筭貴於明目張膽而
行密之一字恐開中外疑端臣受事宣雲踰月章凡十
五上矣皆發抄皆具揭未嘗有所諱也案照崇禎五年
五月十二日准通政司咨爲恭進密奏事奉聖旨以來
機密本章著另加標識鈐印以別常奏卽通行傳飭該
衙門知道欽命欽遵在案臣思向後軍機■ 情應言非
止一節除無大關係者照常奏報照常發抄其或事機

應密未便洩之外庭則請自閣部兵科而外概免投揭
仍於應投閣部兵科揭帖寫密揭字樣外加釘封以便
該衙門關防漏洩至所奉聖旨及凡部覆與該科之應
抄叅者各部咨臣衙門亦寫密咨字樣外加釘封如此
則邊情慎重而中外之氣脈呼吸仍通於事機未必無
補也再照各鎮哨探夷情及口外聲息事無巨細例皆
協路邊堡報撫鎮該道撫鎮該道報臣臣與撫鎮皆隨
時報部以臣愚見近日中邊多故廟堂日見其煩樞部
應接不暇今後各邊塘報凡有關切者微臣或報或題
不敢延晷至於隨常偵探及口外零夷往來撫鎮既報

兵部臣衙門似不必再為轉報以省驛遞差役以免應
接煩文似為簡便統惟聖明裁鑒施行臣臨疏不勝瞻
仰待命之至

崇禎九年十一月十四

司馬司馬司馬司馬

三

請借馬匹弓矢疏

竊照治兵一款微臣屢疏言之矣

及遠則莫急於標營由淺入深則宜詳其募練臣標

千實苦單弱蒙皇上允增五千一面多方召募專候戶

部餉銀有旦夕不能待者其餘一切盔甲器械號衣旗

幟火藥等項臣嘔心拮据晝夜經營約三月可辦所需

工料價值皆當自行設處不敢呼籲內廷所最難者無

如戰馬頃臣在居庸關初拜宣雲之命聞殺胡口新開

馬市即飛檄陽和道臣寶可進借動東路庫銀委官赴

口市買經月來望眼欲穿未獲一馬詢之委官常萬邦

明大司馬盧公奏議

卷五

五

朝東帶等咸謂欽遣內臣奉旨買馬並不許各鎮攬越

遂持空文而返蓋內臣忠於王事而不知宣雲練兵買

馬九王事之最大最急者也目今天氣嚴寒夷馬恐未

必即有來者臣舊標營馬匹止有二千方擬再補一千

新標營尚須三千目前共需馬四千計無所出況各鎮

皆有年例買馬銀兩而臣標獨無臣又初至地方勢難

張空拳以四應用是萬不得已千旨聖明懇祈特勅該

衙門將殺胡口買到解京馬匹權宜撥給一千匹應臣

標急須以資簡練再勅工部揀發堪用角弓三千張箭

六百枝待聞局鼓鑄及屯田等務料理有緒經年之內

前項馬匹弓矢俱可陸續買造解還朝廷以盡臣犬馬之心也至於市馬向後若來仍希天語幸諭內臣聽賜和宣府大同各鎮通融市買庶捷伐堪資嚴疆有濟矣統惟皇上睿照俯允施行臣臨疏不勝悚息待命之至
崇禎九年十一月十四日

請留中軍疏

竊照大同西協副總兵官侯拱極已陞山海總兵所遺員缺臣於十一月初六日准大同撫臣葉廷桂咨稱健兵左營副將董朝儀堪任臣卽時移咨兵部矣朝儀在大同頗久熟於邊計情撫鎮皆以爲相宜蓋爲地擇人非爲人擇地也本月十五日接見邸報部推臣標下中軍副總兵白安調補前缺查推補日月臣咨尙未到部樞臣奉有酌議之旨故爲此推耳乃臣標戰兵也白安戰將也察其爲人忠實勇敢而馭下復有恩信分毫不苟授以營陣之法皆能領畧傳宣臣自十月二十六日抵陽和經今二十日矣方欲以標營爲各鎮及營路榜檮晝夜經理如白安劉欽馮舉皆得力將官臣備員總督凡各鎮將領之賢能忠勇者皆得而調取應用今反自近他移於西協未必相宜而臣標又失一臂臣不得不據實請留也如以中軍不便帶府銜則臣節制撫鎮者也各鎮總兵卽帶銜宮保者亦在臣節制之內況督臣中軍體貌原不在協將下事關封疆軍旅大計稍破常格總係朝廷之鼓舞臣曷敢私仰祈皇上勅下該部覆議將董朝儀就近補大同西協而白安仍以中軍管節制中營事其於營務邊情便益不小曷勝激切待

命之至

崇禎九年十一月二十日

明大司馬盧公奏議

卷五

三

遵旨論警下夷疏

十一月十一日准兵部職方清吏司案呈奉本部題准大同撫臣葉廷桂塘報下夷乞款緣由本月初六日奉旨下夷投已久茲乘馬市忽請守邊其中必有詭情著該督撫鎮確偵悉備併選擇智幹通官嚴辭諭警責令自効事宜還著相機酌行務得要領毋墮狡計即放還俘獲亦須有名方成操縱也著詳議速奏欽此欽遵備咨到臣該臣看得下夷情形微臣業已於塘報疏中約畧陳之矣茲奉明諭於情邊計洞照無遺頃臣面會撫臣葉廷桂鎮臣王樸已將操縱機宜從長商推撫

明大司馬盧公奏議

卷五

三

鎮之見皆與臣不謀而合臣與撫鎮之見更與明旨不謀而合所有論夷一節臣於本月二十一日已遞差知事通官王元猛進忠齋臣諭帖同撫鎮差官前去謹將原諭抄錄進呈御覽內開欽命總督軍門論順義王下下失兎男省吉木台吉忠義夫人孫男那兒木台吉據你門差部落朝庫兒等二十餘人到邊墻底下稟說情愿歸順天朝看守邊墻又將萬歲皇命原發順義王舊大印為信足見你們報効本心當初你家原是好入只因遣兵併吞故此遠避近日調了哈馬前來市賣這是你們好處你們稟到已經本奏天朝我萬歲皇命

乃是天生聖人神武威嚴聰明仁愛原只要剝殺叛逆如你們向善要做好人的萬歲皇爺自然替天行道不忍加誅只恐你們無有真心本部院未敢輕易保奏如果真心歸順先要將【】行的事體一一預爲稟報再與東西哈喇哈家講說教他與你們一心恭順天朝若是【】有一人一馬到我宣大山西邊上你們一面來報一面在邊外奮力堵禦方見得誠心實意天朝決不虧負於你本部院也好替你們一力保奏如前日活捉來的夷人已分付好生留養決不傷害只等你們歸順的實自然放還并哈馬來時加意看待交易本部院說的

明大司馬盧公奏議

卷五

三

言語句句是真你們各自細思回報此論此臣所發之論帖也彼雖狡計百出血氣心知固在須待其情形畢獻而後我之操縱可施此時維當志飭邊防申嚴哨探內修戰守外示恩威所謂以夷攻夷以不治之法治夷庶幾要領在是耳至俘獲諸夷目前似未可卽釋俟其歸命投誠確有憑信而後開一面之網示恩信於遠人可也至操縱機宜所當恭請廟筭者尙須密切奏聞未敢造次臣謹會同大同撫臣葉廷桂宣大按臣林銘球會疏以聞

崇禎九年十一月二十八日

屯政疏

竊維屯政一事臣前疏不過言其大端耳宣雲十分艱窘屯本無資所請種具等銀計部無以應而仍欲搜之三鎮及以撫賞貨物變價充之措手尤難雖然畏難則天下事無可爲者矣粵稽太祖高皇帝嘗諭羣臣曰興國之本在強兵足食昔漢武以屯田定西羌魏武以務農足軍食我仁宗皇帝曰古寓兵於農不奪其時先帝所立屯種法甚善後來所司數以征徭擾之既奪其時遂無其效大哉王言豈非祖宗金石之訓乎是以洪武元年卽命諸將士分軍屯種開立屯所永樂五年令各省直增設按察司僉事一員專管屯田正統二年令各省直巡按御史專管屯田景泰三年令南京倉場大臣并兩直巡撫都御史兼提督屯種正德三年題准歲差御史一員督理京省衛屯種嘉靖二十九年詔差風力重臣二員經理北直山東宣大等處屯牧成憲班班可考治法本於治人今饑饉荐臻蒼黎骨立軍需日耗邊計日蹙終無補救之方乃言及屯務而中外或以爲迂詢之地方而軍民亦以爲苦此其故有三立法膠柱一也責效嚴促二也任事乏人三也屯廢已久於今經始貴在用因何謂因則因時因地因人是矣臣與各撫臣

明大司馬盧公奏議

卷五

三

不過提挈大綱而承宣督率綱舉目張在該營各道畢力奉行隨宜調劑在各路廳官卷查督屬拋荒地畝據宣雲兩鎮所報共一萬六千二百六十餘頃當以崇禎十年爲始設爲借種具募開墾用屯軍三法而歸於專責成課實效兩條借種具事宜有四凡荒地不出軍田民田二項因無資本遂至拋荒每年納糧拖累官私交困地方乏食大率由斯今欲以軍種而地多不在軍以民種而民多棄其地莫若聽從軍民之便每地一畝約用僱倩耕牛銀三分籽種及糞土銀三分以一頃計之共用銀六兩此借種具之大概也一凡軍民種地乏資

明大司馬盧公奏議

卷五

三

本者向民間稱貸加息不貲徒滋費累今議官給種具銀每畝六分地有上中下三等應均勻配搭或一頃二頃以至十數頃聽從人便領銀開種俟秋成每銀一兩除還本外納穀息銀二錢本折隨之官私庶爲兩便一凡領官銀開種若概授之貧窶單夫必有失誤須於附近地方總立一大屯長用義官及各衛指揮之大有德行身家者再分立小屯長用義官及該衛千百戶之有德行身家者一切招徠貧民散給籽種巡省耕穫催納種息皆責成之仍聽各路糧官從公選舉親自經理不必別差吏胥別委官府致滋紛擾一凡各路管糧官原

以糧務爲職即如腹地之州縣官是也須確查本路有荒地若干計畝給銀多方鼓舞務使所屬無遊民曠土而芻糧賴以充盈豈非分內事賢者之所樂爲乎如某路有荒地百頃卽應發籽種銀六百兩千頃卽應發六千兩其銀須三次給發第一次發十分之四定於正月初旬次發十分之三定於二月下旬次發十分之三定於四月中旬責成該管各道計頃計畝分發該管廳官轉發屯戶先取實收併造細冊在案秋成卽照銀數徵收本息募開墾事宜有三一凡地畝拋荒或因納糧當差之苦或因籽種牛具之艱不得已乃委作沙場耳今

明大司馬盧公奏議

卷五

三

除借種具四款外不論軍民人等但有願領牛具籽粒代官耕種者每地一頃六十畝用佃戶一人用耕牛二隻佃戶須有妻室加以鄰佑保結每月給食米三斗工銀五錢牛每隻十二月至三月每月給料草銀一兩四月至十一月放青農忙時應用短工八十工每工工銀三分該銀二兩四錢每工食米一升二合約該米九斗六升籽種糞土照數給發此募開墾之大概也一凡佃戶既領地畝牛具一切工銀食米籽種俱官爲給發至秋成所入米糧草束俱係在官升合不許侵沒尤在各路管糧官不憚辛勤朝夕巡行督課分別勤惰多方勸

徵察天時審地利計刈穫軍儲始有賴焉一凡地畝遠近肥瘠不等一人所領不得過十里以外遠則難於照管其地亦須上中下均勻配搭始免偏枯仍於本屯近地擇殷實有德行或指揮千百戶或者祭義官爲之稽查鼓勵有功加給職銜劄付旌以門扁勉其雜差功最著題叙錄用軍屯事宜有三一凡營路邊堡各軍原供守禦非戰兵也若清隱占汰冗役覈虛冒使人人各守信地亦自安閑全在道廳臂指相承實心幹理督率守操等官將近地荒田或每頃用忠實稍有身家軍二名官牛一隻以十頃爲一小屯用軍二十名用官牛十隻百頃爲一大屯用軍二百名用官牛百隻仍恐守操官各有地方之責不能朝夕稽督再擇本衛所指揮千百戶練達有身家者每百頃或分委二三員專事經理而以管糧廳官總司其事該管各道不時親自巡查此用軍屯之大概也一凡屯軍與民佃不同原有本身月糧每年長種官屯之軍每月止加給銀四錢五分農時仍用闔衛闔所軍更番力作每日給銀二分工止免給籽種糞土等費一如民佃要在各路廳官出納稽查調停斟酌不得令守操及衛官染指一凡屯軍既食官餉種官田牛具籽種又在官一一措給每年所入米糧

明大司馬盧公奏議

卷五

三

草東俱屬公家仍以所收豐歉定各軍勤惰及守操衛所等官功罪分別賞罰勸懲專責成有道今之屯田卽管子之內政也日計不足歲計有餘衆人成之不足一人敗之有餘此須各道廳區畫經理以匝歲爲期舉凡開屯利弊及所入分數歲終臣等會疏甄別上聞課實效有道借種具募開懇用軍屯三法目前屯政要不出此而人情物理各鎮不同各路不同卽在各官做手亦自不同三者惟從其便參酌而行期於不病民不虧國務臻實效而止實效之有無多寡須從公確覈最優者爲上等其次爲中等又其次爲中等無效者爲中下

明大司馬盧公奏議

卷五

三

萬石矣夫此二十五萬石者不論其在官在民在軍總
皆窮邊至寶夫孔桑言利論者鄙之臣謂從身家起見
則爲墨吏從朝廷起見則爲賢臣從聚斂起見則心事
可誅從救時起見則經綸可法此之不可不力行也寧
待再計決哉臣再考宣雲諸鎮洪武二年曾定出塞軍
餉永樂十三年曾發內郡民丁轉餉景泰三年曾令京
營兵來轉餉嘉靖二十年曾詔運京粟以助邊餉是祖
宗朝以來卽爲宣雲一塊土費如許精神今事勢孔棘
甚於當年而窮迫又且數倍內帑空虛旣不敢望京倉
匱乏又無可資兵民醵面以延生塞馬嘶風而骨立反
明大司馬盧公奏議

卷五

三

崇禎九年十二月初六日

密奏卜夷納款疏

十二月十三日准巡撫大同右僉都御史葉廷桂塘報
內開云到臣該臣看得馭夷之道貳而討之服而舍
之此帝王治世之大經也卜部諸酋受天朝六十餘年
養養年來見逼於插托命於在今日因孤雛腐鼠耳
饑則附人一旦叩關乞款與其爲用不若爲我用也
明甚臣前兩疏正謂犬羊之性向背無常恐出人所
使是以恪遵明旨密察情形加意邊防專官諭警及臣
與撫鎮道各遣通官齎諭以往而二酋子率部落俯首
邊牆投誠歸命觀其聞刀說誓自願守邊時調哈馬就

明大司馬盧公奏議

卷五

三

市中國情實就我羈縻矣則在我今日因卜夷以用哈
聯哈卜以制其中大有機穀存焉設或虞其別有狡
謀我之邊防原不因酋孽乞降而弛況數千里長邊數
百里餘衝口每遣一哨丁不百里輒返且有人馬被傷
不得返者茲借卜以偵及禦他部落零夷窺竊亦便
計也退考當年款之日歲糜金錢不貲且往來講說
大費邊臣之手今未用一絲一鏹而遠人來歸實聖大
子威靈所鼓動也至操縱機宜臣始終不輕言撫賞待
一年以內果探報分明邊方無事實實爲我中國効力
方可酌議量賞兩年以來方可酌議加賞三五年後方

可酌議復其舊封日下叩關歸順及向後報探情惟當量給花紅酒食宜諭天朝德意而已恭懇聖明密下在廷諸臣從長確議取自聖裁仍以密旨發臣等遵奉施行或再發勅諭一道宣示卜夷庶若輩願恩圖報益堅其恭順之心至前俘獲諸夷似宜乘其善孽歸命量行遺釋少示朝廷恩信此亦操縱之一端也若夫用卜哈以制及宣雲以戰為守以屯為戰并以進取為戰守全策機宜貴密區畫尚多非一疏可盡臣前恭請陛見而陳意正在此謹體明綸另本密切馳奏統惟皇上睿照施行

明大司馬盧公奏議

卷五

三

崇禎九年十二月十五日

更置將領疏

本年十二月二十二日准巡撫大同右僉都御史葉廷桂咨稱照得掄將之道智謀勇敢位置之司規圓矩方得其宜而邊事以理矣雲鎮協守候候極員缺先該職以健兵左營副將童朝儀咨補繼該樞部以軍門中軍白安已帶府銜改補前缺此蓋遵功令而權衡之也然兩將俱屬賢者均在要衝何彼何此寧有揀擇於其間惟是殺胡市口原屬協守責任邇來哈夷賣馬皆屬該協經理近日卜夷叩關守邊亦係該協講警而副將童朝儀足智多謀妙於駕馭茲哈馬之源來卜部之彌耳

明大司馬盧公奏議

卷五

三

本官之力居多當此緊急之時更以生手處之恐事機稍乖則疎虞不淺此西協之必不可無朝儀也然用朝儀於西協將何以置白安乎安驍勇逸羣素稱敢戰東征西討久著威名即近日入衛無處不身先士卒以本官而處衝地人地未始不宜第陽和增募標兵五千目前召軍買馬制器教練非久於此者不能指揮如意且節制營為應援之兵聞警即當統兵四剿白安真其選也使一旦更易曷有英勇如安聽軍門之驅策者是陽和節制營又不可無白安也職為封疆起見非敢紛紜旁掣而言多事之嫌等因備咨到臣准此為照大同西

協副將一缺先准撫臣葉廷桂咨文議以童朝儀調補實爲朝儀熟於該協邊情情卽昨諭警卜夷之舉足徵其識畧矣乃咨未及到而兵部業以白安推補臣隨具有協將人地宜酌一疏奉聖旨白安已有旨了督標中軍還著另行遴補欽此夫臣前疏急急請任朝儀於該協留白安於標營者實因兩將各有所宜爾近日撫臣屢札相商謂白勇童智二弁一轉移間有益於封疆軍旅不小臣莊誦明旨有云督標中軍還著另行遴補蓋謂白安已帶府銜不便於中軍非不便於標營也微臣頗年征剿久事行間深知任將之難百不得一白安

明大司馬盧公奏議

卷五

四十一

崇禎九年十二月二十八日

密陳邊計疏

先該微臣奏爲遵旨會勘修邊事宜馳赴昌宣境上天顏切近葵獻彌殷尙有籌畫宣雲大計而奏御前懇乞聖明特允陛見以罄愚忠事奉聖旨知道了邊計情虛象昇果有確畫著不時密切奏聞不必又請陛見該部知道欽此竊惟臣本豎儒不諳邊務連年征剿久歷戎行因是於將吏兵民之情畧窺一二及至統兵入衛遠馳薊東所有薊門形勢與夫兵馬錢糧邊垣墩堡臣遂得經目經心旋奉簡命總督宣雲星馳出關卽介馬衝寒周觀邊塞其兵力其餉銀其天險皆不可與薊遼同日語也是以崇禎七年由大同邊入崇禎八年亦由大同邊入崇禎九年由宣府邊入內地不勝其蹂躪陵京因此以震驚當事諸臣爲法受譴亦復何辭惟痛念三年以來烽警三番疆臣二易邊事愈爲之決裂人才益苦於彫殘如人身病至十分百藥罔效回生起死夫豈易言聖明在上合羣策羣力以爲之博採旁求重懸賞罰遠圖區畫毋狃目前豈終有不濟者哉請先以邊防言之自關寧而薊昌而宣大此內邊也自開原而遼陽而廣寧而大寧而開平此外邊也國初宣鎮薊遼原爲唇齒因大寧與和淪棄異域開平難守移衛

明大司馬盧公奏議

卷五

四十二

獨石宣遼遂隔聲援我成祖文皇帝北伐旋師曾論羣臣曰惟守開平興和大寧遼東甘肅寧夏則邊境無事此所謂守在四夷也當年與猶並峙稱雄又有三十六夷及卜酋與河套吉囊等虜雖順逆無常尙借款買馬騾之術作我外藩故東即強但攻遼左而不及薊盲雲晉諸邊三五年來日益強併屬夷併卜插併吉囊遂使建州小東自鴨綠西至賀蘭綿亘五六千里無處不犯勢衆而路多我邊無處不防備分而力薄及其深入調援倉皇馳逐彼因糧於內地我千里而轉輸物力先窮兵民交困寧非失策之甚者乎是必深

明大司馬盧公奏議

卷五

聖

察情而後可以熟籌邊計必熟籌邊計而後可以密運軍機今據瀋陽等處爲根蒂習知寧錦兵多薊門天險榆關備周故頻年以來皆從宣雲內犯由瀋陽至大寧開平以及宣大不過千七八百里策馬長驅半月可到誰其禦之臣查獨石至開平約二百四五十里開平至大寧約三百五六十里大寧至開原遼瀋約千有餘里審勢擇要莫若以馬步兵三萬出屯開平作我外衛此進一步法奇而正者也敢密切詳陳焉開平地肥可以屯牧原係中華故土淪沒外夷若論安邊遠猷固宜恢復舊業況逼處昌宣近地首當衝倘外無重兵

即哨丁亦不敢至今以三萬兵屯之來我先力戰於外而聲息早通於內一便也若悉衆以攻我亦併力以守使不得長驅進口二便也即不然知開平有兵從遼瀋迤北遼河呂金山一帶曲折西行以窺雲晉雖非開平一處可守而去宣昌稍遠三便也又不然恃其衆且強以數枝綴我開平之師以數枝分突內地似屬可虞然未入口在外先分其勢即入口還顧恐扼其歸進退之間終有牽制四便也又敖酋陰陽順逆陵後患之我大兵一至開平敖非驚而遁即懼而降其遁也可免肘腋之虞其降也可當耳目之寄是宣之用放

明大司馬盧公奏議

卷五

聖

亦猶雲之用卜否則就近剿之五便也然亦有五難一難於兵二難於餉三難於屯四難於守五難於戰何謂難於兵邊庭積弱內地地方患兵單何能遠驅塞外臣復有說焉宣雲邊長數千里所在須兵倘進扼開平不獨衛宣也東而薊昌西而雲晉皆可藉爲聲援其數即當取之現兵如宣鎮總兵官可發五千宣鎮撫臣可發一千宣鎮協路可共發九千臣標可發四千雲鎮總兵官可發三千已得二萬二千之數矣此外所少八千人聽之部議或於薊昌近地分撥似不患無兵也何謂難於餉時細舉盈現兵且苦枵腹坐食猶虞不敷一旦驅三

萬人出塞行糧鹽菜馬騾草從何得來臣復有說焉
各兵坐餉取之額編但須嚴催速給而三萬人行鹽每
人日以三分計歲須銀三十二萬四千兩馬騾一萬頭
匹每頭匹加給草豆銀三分歲須銀十萬八千兩總而
計之歲須銀四十三萬二千兩盡索之司農恐萬分難
措然而尙不及款虜時各鎮撫賞之額除內廷區畫措
辦外所不足者莫若起廢弁召商賈開事例中邊引通
馬市以充之五款之說甚長仍須另疏縷陳未敢潦草
似不苦無餉也何謂難於屯內地尙多拋荒遐邊豈堪
耕作且屯屯具安出臣復有說焉開平一塊土頗稱

明大司馬盧公奏議

卷五

器

沃壤迥異宜雲師徒羣集於彼原有月餉行鹽非若召
募開懇者另費費糧工食況驢騾鋤鋤又行軍之所必
攜所需者止牛具爾因勢利導或不患屯之不興也何
謂難於守聞之開平城垣房屋無存惟餘荆棘瓦礫兵
至彼而寢處荒郊孤懸塞外大蜂擁而至何以禦之
臣復有說焉兵數以三萬計行必分營止卽成壘伐木
爲寨掘土爲壕安置拒馬鹿角炮火於四面馬兵遠哨
步卒堅持旣無應援又無退步安得不盡力以禦所謂
置之死地而後生或不患守之不力也何謂難於戰
聞我進屯開平必且悉衆來犯若衆數倍於我控弦

馳騎合圍分攻我師自救不遑安能當臣復有說焉
自遼瀋西行裹糧不過半月所恃者入口搶掠耳我
屯開平預於邊外阻之計遼瀋至開平疾行亦須旬日
彼遠來我坐待反客爲主堅壁以需俟其糧盡野無所
掠出奇縱擊之必多斬獲似不患戰之失策也以上五
難五便微臣已備列情形從來任事之人卽任罪之人
非常之原黎民懼焉微臣受任三月計慮萬端深見宣
雲別無守法止有戰法以戰爲守以屯爲戰以進取爲
戰守要策則取開平而宿重兵實奇著亦正著應否可
行恭候聖明密勅在廷諸臣詳議確奏非臣所敢率漫

明大司馬盧公奏議

卷五

呈

從事也爲此具本謹具奏聞

崇禎九年十二月二十八日

附總督軍門初次練兵規則

照得兵法云治衆如治寡分數是也明於分數而變化生焉目今邊方多故終日禦終日練兵大率皆相沿往例修舉故事而已本部院叨任巖疆奉有從頭整頓之明旨期與督屬將士盡心竭力上報朝廷爾將士須各以義膽忠肝聽從號令今將初練規則開示於後仍刊成書冊頒示軍中通行曉習倘有違玩軍法無赦須至刊冊者

一定營制本部院原額標兵五千向經前部院酌定經制分爲節制三營近該本部院疏請增兵五千合

明大司馬盧公奏議

卷五

四

成一萬應分左右中前後五營每營各兵二千除中營副總兵白安左營遊擊劉欽右營遊擊馮舉照舊外再設前後兩營擇將統領每營分左右二部每部分左右前後四哨除將領而下用坐營守備一員千總二員把總四員百總五員千總管每部戰兵一千名把總管每司戰兵五百名百總管每哨戰兵一百名外設塘撥千總一員衝鋒材官六十員馬兵以二十五人爲一隊步兵以五十人爲一隊百總隊長照數分派左右中三營俱馬兵前後二營俱步兵各有專屬以便責成簡練

二嚴束伍凡軍中隊伍分明然後號令歸一近來百總犯法千總不知隊伍長犯法千百總不知伍兵犯法隊伍長不知成何法度今後事無大小各照本管連坐至布陣劄營閱操對壘凡有進止不齊隊伍不肅混亂諠譁者一照本管以次究懲

三立軍容邊鎮多五方雜處之人充兵食餉又兼服色混亂漫無查考是以脫伍私逃者離信生事者紛紛見告甚有彼營生事冒名此營黑白不分毫無忌憚今後各兵號衣甲冑俱用白布一條上書某營某部某哨第幾隊兵丁某人大帽之上仍用鐵一片上

明大司馬盧公奏議

卷五

四

鑄某營某部某哨第幾隊字樣以便查考遇行兵出哨如衣帽字號不明該地方軍民卽拏送軍前以奸弊論

四明耳目行兵全以旗幟金鼓爲耳目近來各營旗幟顏色混雜長短參差全無定則平時操演尙難認識況臨陣乎今後中營將官用大旗黃心黃邊黃帶左營將官用大旗藍心藍邊藍帶右營將官用大旗白心白邊白帶前營將官用大旗紅心紅邊紅帶後營將官用大旗黑心黑邊黑帶中營左部千總用中號旗藍心黃邊黃帶右部千總用中號旗白心黃邊

黃帶左部左司把總用次中號旗藍心藍邊黃帶左部前司把總用次中號旗紅心藍邊黃帶右部右司把總用次中號旗白心白邊黃帶右部後司把總用次中號旗黑心白邊黃帶左營左部千總用中號旗藍心藍邊藍帶右部千總用中號旗白心藍邊藍帶左部前司把總用次中號旗紅心藍邊藍帶右部右司把總用次中號旗白心白邊藍帶右部後司把總用次中號旗黑心白邊藍帶右營左部千總用中號旗藍心白邊白帶左部白邊白帶右部千總用中號旗白心白邊白帶左部左司把總用次中號旗藍心藍邊白帶左部前司把總用次中號旗紅心藍邊白帶右部右司把總用次中號旗白心白邊白帶右部後司把總用次中號旗黑心白邊白帶前營左部千總用中號旗藍心紅邊紅帶右部千總用中號旗白心紅邊紅帶左部左司把總用次中號旗藍心藍邊紅帶左部前司把總用次中號旗紅心藍邊紅帶右部右司把總用次中號旗白心白邊紅帶右部後司把總用次中號旗黑心白邊紅帶後營左部千總用中號旗藍心黑邊黑帶右部千總用中號旗白心黑邊黑帶左部左司把總

用次中號旗藍心藍邊黑帶左部前司把總用次中號旗紅心藍邊黑帶右部右司把總用次中號旗白心白邊黑帶右部後司把總用次中號旗黑心白邊黑帶總按五方而領兵官大小卽以號旗大小爲差各以心應其分方而以邊帶應其本營本部主將倘有違誤者軍法從事至旗幟尺寸及應書字樣另發細款

五分戰具軍中俱利者弓矢腰刀火器也此外則長短鎗悶棍爲便其他大刀雙刀馬叉等項俱不堪用今後該營馬兵每名除弓矢腰刀外仍於馬上各習

一藝或三眼鎗或悶棍或八尺長鎗各隨其便務要精熟步兵以火器爲主每隊用大炮手八名三眼鎗鳥機神鎗等手共十六名長短鎗悶棍手共二十四名餘二名除隊長外再用一隊副兼管書識要識字者承爲定規

六設操規操法無常全在勤而有制多而不混今後弓箭手步射俱照本部院到任閱操例用草把五大束每束高六尺圍六尺相離各三丈以六十步爲準每五人認定一把二十五人並射挨次站立舉旗掌號單方控弦齊發不許先後參差仍刊定較射冊式

冊內書某營某將官下某部某千總下某哨某百總
下第幾隊某隊長下第一把某八某人第二把某人
某人蓋五人爲一伍五人同射一把以伍對把雖千
百人同射一看了然仍於各官下箭翎之下楷書注
明某營某部某哨第幾隊兵丁某人以便認箭至操
練步兵火器以五十人爲一隊共列四隊掌號一聲
五十人齊放放畢卽以頭隊作四隊二隊作頭隊更
番迭放如有放遲及誤火信不響不發者分別究治
放完仍於每隊抽點數人照舊用鉛子對把射打以
試其能否其餘長短鎗悶棍腰刀使法臨時口授不

能詳載

以上乃粗淺練法初次只宜如此待演習有條由
淺入深另行教練

崇禎九年十一月

明大司馬盧公奏議

卷五

五



明大司馬盧公奏議卷之六

宣雲奏議目錄

請飭兵政疏

增練標營事宜疏

豫籌戰守要務疏

措辦標營盛甲器械疏

買補標營馬匹驛駝疏

宣雲鼓鑄事宜疏

請定五營將領疏

邊補中軍疏

明大司馬盧公奏議

卷六

目次

邊情疏

急飭兩鎮戰兵疏

特舉俸深賢能道臣疏

特舉廢弁疏

請飭京民二運疏

駁吏科陳給事疏

請改廳官職銜疏

處分協府將備疏

請討賊疏

塘報情疏

請卹故督梁廷棟疏

自檢遠調滇兵違宜疏

參玩防明偵哨疏

酌議馬市疏

更擇標營將領疏

明大司馬盧公奏議卷六 目次

明大司馬盧公奏議卷之六

宜興盧象昇建斗著

襄平蔣攸銛礪堂鑒定


宣雲奏議

請飭兵政疏

臣至不才過蒙皇上簡任莊誦坐名敕書命臣經畧一應邊務不時往來調度各鎮將官兵相機戰守務要聲勢聯絡彼此應援各該鎮巡以下悉聽節制欽此又于崇禎九年十二月二十五日奉聖旨邊政玩弛行法宜肅今後各夷入口及臨陣時將吏各官有蒙泄逗怯等

明大司馬盧公奏議卷六

情除鎮道副將參奏掣究外其餘聽該督立正軍法各邊一體飭行欽此微臣凜奉天綸惟能自治乃能治人不敢自寬何敢寬人況今屢見薊遼山海等處塘報及回鄉口供稜馬厲兵耿耿思逞此何等時也夫自文武將吏以及營衛軍兵其間相制相維總恃此法法不立則心志蕩然立法不豫且畫一則耳目紛然言戰言守茫無歸著封疆何賴焉臣竊謂法行自近宜先自臣標營及三鎮巡撫總兵官之兵始乃三鎮除山西撫臣吳姓有通省責任防河禦寇遠在省會山西鎮臣王忠剿賊中原未敢請撤今惟有宣大撫鎮及臣標兵爾



臣叨任總督于邊防兵政總不出聯絡調度四字若調度違宜聯絡無術此臣罪也如其隔膜視之多方聯絡而不應執拘叅之多方調度而不靈則撫鎮罪也三鎮邊長二千三百餘里處處皆當衝邊墻墩臺又一無足恃欲防宣雲之邊必須以戰爲守而戰豈易言哉兵力不厚不可以戰兵心不一不可以戰兵律不嚴不可以戰臣今與撫鎮約如大窺犯宣邊則宣鎮總兵爲前茅雲鎮總兵爲後勁臣標爲中權如犯雲邊則雲鎮總兵爲前茅宣鎮總兵爲後勁臣標爲中權皆須計日計程星馳剿禦連營繼進勢若輔車敢有後時卽按軍

明大司馬盧公奏議

卷六

二

律至于合營對壘之時臣親督標營居中調度宣雲兩鎮爲左右翼聯絡以制勝兵宜合不宜分止言戰不言守守則專責之路將及守操等官若戰兵藉口分防觀望影射者殺無赦蓋入犯其分合多寡雖不可知若能挫彼一番自可使屢番心怯若能挫彼一股自可使別股膽寒猶愈于戰不成戰守不成守直驅內地也然而標營總鎮之兵固專言戰矣營路守操之兵固專言守矣撫道其將何居謹照腹撫謂之提督邊撫謂之贊理守巡兵備各道不論邊腹皆謂之監司夫贊理云者宜照撫屬信地率其標旅計餉計兵且戰

且守與臣同心聯屬鎮道鼓勵兵將酌緩急而調劑之監司云者宜照道屬信地視臣標及鎮兵所向各於境上隨營監軍催償糧草如此分任如此責成庶幾兵政邊防較若畫一稍有玩泄臣卽恪遵明旨鎮道副將據實劄參叅遊而下卽正軍法不少貸也若臣與各撫臣如或各懷私心互相詭卸隳職掌而誤封疆自有聖明之法度在懇祈皇上勅下該部覆議請旨行令臣等遵奉施行

崇禎十年正月初一日

明大司馬盧公奏議

卷六

三

增練標營事宜疏

案照崇禎九年十二月二十日准兵部咨該本部題為

越攻屬國等事奉聖旨

攻犯朝鮮雄圖思逞

關門勦遼宜雲一帶在在宜防該督監撫鎮道各有專

責俱著秣厲以待其宜督增兵事宜著卽上緊募練足

備防剿爾部仍通行馳飭欽此臣隨飛檄三鎮文武稟

奉明綸嚴飭信守并各枕戈秣厲以待

此時增兵

募練在臣標尤屬喫緊然有關鍵存焉欲收練兵之功

先清募兵之弊營伍所切忌者市井游棍及串營滑軍

也要在集土著之精強招四方之勇敢而兩者甚難以

土著則協路墩堡各用守兵各須壯士宜雲人稀土曠

精強者不得十三且戰兵之餉旣稍厚于守兵恐各路

各口之兵離信更名以應則守益單以四方勇敢則跋

履而來復多安家行糧軍裝等費誰其裹糧應募者乎

臣于去年十月疏請增練標兵奉旨下部因餉銀未定

措手無從至十二月內倉場臣李遇知兼攝司農念切

危疆新舊標餉力認部發臣方敢懸示募兵廣求精銳

經今半月矣日與陽和道臣寶可進及標營將領多方

料理隨募隨閱隨隨收而堪用者甚少仍行各鎮總

兵官并協路等將使各就近募選適原任宣府總兵張

朔方司馬盧公奏議

卷六

四

全昌因奉文入援詣臣轅門謁見自言世受國恩願效

一臂臣復措發銀兩令赴山陝等處招徠戰士一面分

立五營以白安劉欽馮舉朱尙義岳維忠各任其事左

右中三營爲衝鋒馬兵前後兩營爲火攻步兵募到者

卽因其人察其所近分發收任教演此臣募練之大端

也至于五營初設頭緒紛然必須酌定一番經制如錢

糧多寡之宜哀益本折之宜會計關支截算之宜清釐

以及馬匹駝羸隨征器具步伍營壘進止軍容無一事

可以空手經營粗心就理者古人作三軍謀元帥蒐乘

卒三年而後用之今時勢倥傯安得從容暇豫乃爾要

朔方司馬盧公奏議

卷六

五

在忙而不亂整而有條自可計期集事臣今晝夜拮据

五官並營其間營制宜定將領宜擇兵食宜籌經費宜

覈馬羸器具宜詳業已區畫舉行然兵馬錢糧國之大

事容臣分別款項各具簡明疏次第縷陳因奉有上緊

募練之旨故敢披瀝愚忠慰聖懷於萬一爾謹奏

崇禎十年正月初五日

預籌戰守要務疏

聖戶兵工等部接出聖諭邊報屢奏臨窺情形已確一切戰守機宜兵部急須上緊料理如各邊衝僻隘口設防按伏果否周密選銳橫堅偵哨果否嚴明簡練戰兵果否人堪殺口新增招募果否就緒可用昌宣編烽添臺果否聯絡得宜各督監撫盡晝夜圖維仍明白回奏又口若東犯西邊作何策應若西犯東邊作何策應及應用何兵將俱要預行派定勿致臨期張皇延誤欽此仰見聖慮淵深臣等敢不夙夜祇承以圖一當若設防按伏選銳偵探簡練戰兵編烽儲備歸併收保等

明大司馬盧公奏議

卷六

六

七

可言戰者止三鎮總兵官及督撫標下耳山西總兵王忠剿賊中原悉其精銳以往寇氣方橫調撤無期三鎮而缺一鎮之兵邊長可慮此時或當急寇或當急口懇請聖明勅部確議毋示口以取若宣雲兵力有限合之尚可圖功分之實難援剿臣前疏議前茅中權後勁專求畫一之法以爲調度之宜敢再請聖裁除督屬東西應援一如前議外其或他邊有警應調宣大之兵則微臣應督旅前行宣大撫臣應飭備居守臣自合標兵鎮兵以當一面請勿與別鎮合營軍法所最忌者號令煩多彼此觀望師徒鱗集阜白不分唐九節度所以潰師

明大司馬盧公奏議

卷六

七

相州也而不惟是也師行糧從尤宜預計官兵應援跋涉不戰已疲勢不能裹糧馳逐臣前疏謂督屬道臣各照信地隨營監軍催餉糧草此就本境言耳若夫出境則兵爲客兵將爲客將并官亦爲客官折色尙可自攜本色從何措辦于斯時也金錢不能果腹餒卒難以揮戈此大可慮如待臨期呼籲延誤必多主計之臣急宜早爲區畫而不惟是也每見從前口警主客之兵雲集此處告搶掠彼處報殺傷本營將帥莫辨爲某隊之兵丁本地居民莫識爲何營之士卒亦安所顧忌而知斂戰乎臣到任後卽督行標將除各兵年貌腰牌之外仍

於大帽各將其營某隊鐫寸鐵爲記於號衣各將其營某隊兵某人書尺布爲記倘衣帽無記腰牌不明者重治以法并及其本管百隊中千行兵時如無記號腰牌離伍他往或入民間內房許諸人執而送之官如有搶掠生事則許徑執而殺之勿罪如此則營伍分明舉動知戢一或離信生事隨處可查業通行督屬鎮將矣竊謂各邊各鎮亦可做而行之以上事宜總之恭釋天言所謂勿致臨期張皇延諉乃行兵要務卽備要務是以摘陳愚見上請聖裁懇祈皇上勅下戶兵二部詳確具覆行令臣等遵奉施行

明天司馬盧公奏議

卷六

八

崇禎十年正月初六日

措辦標營盔甲器械疏

該臣看得戰兵必需戰具以爲制勝之資近代治兵者有其人而已未習其數也備其數而未詳其具也夫豈盡不知兵者乎大率以餉銀之外經費無出遂一切苟簡從事殊不知戰具不備卽健卒無所施其能若猶是尋常兵數也千人不得百人之用矣所謂戰具一盛甲二弓矢三炮銃四刀鎗五帳房挨牌六旗幟金鼓七鑼鍋鈸鐮八拒馬鹿角蒺藜九營燈響器輜重車輛十水袋土袋并盛火藥鉛子皮襖布袋凡此缺一不可臣頃設五營奉有上緊募練之旨日與道將廳官詳籌熟

明天司馬盧公奏議

卷六

九

計中左右三營爲馬兵急需鐵甲六千副前後兩營爲火攻步兵急需綿甲四千副隨營滅寇威遠毒虎等炮二百八十八位挨牌三百六十面神鎗三眼鎗三千杆又五營急需帳房二千頂鑼鍋二千口鈸鐮一千把拒馬鹿角共三百六十架鐵蒺藜十萬個營燈四百盞輜重車五十輛水袋八百條下營口袋四千條皮襖五百七十六件盛火藥小口袋八千六百四十條盛鉛子小口袋八千六百四十條此征剿必需之具而弓矢刀鎗不與焉蓋弓矢一項近該工部覆奉旨解發到角弓二千張箭三萬枝皆堅利可用刀鎗二項營中新舊現在

者俱堪修造而用之不須另費工料也惟盛甲等一十七項經費不貲且非旦夕可辦簡查舊案逐事清釐內盛甲一項前督臣楊嗣昌曾請有工部銀九千三百兩先經造完鐵盛甲一千五百六十五頂甲一千六百三十一領存銀尚多但已造之甲連年征剿率多毀敝臣今晝夜督造新甲修理舊甲經月之內可得新舊二千副先給衝鋒馬兵并將先後工料等銀通盤查算另行奏報尚該鐵盛甲三千副約用銀九千餘兩此時公帑匱乏不敢再向內庭呼籲稍俟鑄鑄生息陸續成造可耳大砲一項前督臣張宗衡亦以鑄息打造多有存焉者

明大司馬盧公奏議

卷六

十

其數不敷已經設法製辦亦不敢再請工料等銀至于三眼等鎗旗幟金鼓布帳鑼鍋鈸鏃換牌拒馬蒺藜皮種大小口袋等項尚該銀一萬餘兩色色皆須置備件件俱費金錢刻下鳩工集事臣力靡遺無米而炊臣心良苦除多方設處外查各鎮尚有積存撫賞布疋等項年人多損壞不堪若揀擇以充物料頗省金錢亦化無用爲有用之一端也事關緊急軍需臣已另疏題請矣

統惟聖明垂照施行

崇禎十年正月十八日

買補標營馬匹騾駝疏

謹照陽和節制三營定於前督臣楊嗣昌諸凡覈餉清兵買馬製器每事皆從實做故雖在任未久而條理井然已故督臣梁廷棟繼之纔半載耳巡邊兩月應援京川三月未及在鎮城一料理也臣於去年十月二十四日抵陽和任事首問標營兵馬實在馬騾二千七十一匹頭卽照舊標營論之兵該馬騾駝四千二十四頭隻尙缺一千九百四十九匹頭隻遐考其故當日三營初定止現在馬一千二百二十一匹現在騾駝三百七十八頭隻原缺馬騾駝二千六百零一匹頭隻前督臣楊

明大司馬盧公奏議

卷六

十一

嗣昌因有亟請標營馬匹一疏求內部發銀六萬四千五十六兩而當時部覆止給一萬兩安能濟事嗣昌又多方措處動新平堡馬價及題准撫貨兼搭節次買發中左右三營戰馬及天城陽和飛騾共一千一百八十四頭匹其原疏可查也經今二載騎征倒斃者頗多是以新舊馬騾駝止存二千七十一匹頭隻目下增設五營共該戰馬五千匹騾駝一千頭隻現缺戰馬三千八十五匹現缺騾駝八百四十四頭隻共約該價銀八萬五千餘兩臣今日止張空拳耳謹查各邊鎮俱有買馬年例銀兩不知臣標何以獨無上年十二月內該兵部

覆允撥發同寺種馬銀二萬兩到臣未敢輕動拮据兩
月陸續買馬共六百四十九匹內五百匹則皆大同撫
臣葉廷桂念臣受事伊始又奉旨新練標營暫那雲鎮
年例馬價爲臣多方購市而得之者也現缺馬騾駝二
千九百二十九匹頭隻別無堪動錢糧惟有撫賞舊貨
或酌量變價或配搭銀錢可以通融市駿而撫貨幾何
兼多毀壞如屯田資本如營伍器具皆欲取給焉微臣
于此亦大費支吾矣況錢糧各有款項仍當專疏具題
臣今但就馬騾駝一項條分縷悉而言之以祈皇上俯
鑒臣愚之不欺并聽該部存案以便查考統惟聖明照

明大司馬盧公奏議

卷六

三

察施行

崇禎十年正月十八日

宣雲鼓鑄事宜疏

謹照陽和鼓鑄先經前任督臣梁廷棟題奉欽依在案
近該大同撫臣葉廷桂疏請雲鎮一併開局復奉有俞
綸總之軍興匱乏巖疆經費無資聖明灼見其艱難故
令疆臣稍得便宜經理乃宣雲皆臣督屬也卽陽和鼓
鑄亦總爲宣雲地方計也兩鎮事同一體查宣府分守
口北道職銜從來有兼理鼓鑄字樣卽如前任道臣荆
之琦在事以五萬鑄本經營未及一年得息萬餘充城
守軍需急用宜人至今稱之今宣疆事事窘迫合無行
令該鎮自措資本一體開鑄稍佐軍需每年終同陽和

明大司馬盧公奏議

卷六

三

鑄息查明奏報務使涓滴皆歸公家實用勿令漏卮再
照宣雲陽和鑄局雖開資本匱乏所鑄官錢尙不足供
本地軍民之用與戶工二部錢法絕不相妨斯蓋有益
無損者也統惟皇上勅下該部行令臣等遵奉施行爲
此謹奏

崇禎十年正月十八日

請定五營將領疏

謹照標營經制臣已疏聞矣兵至一萬制分五營每營二部二千總每部四司四把總每司五哨五百總隊伍截然此古法也至於戰馬驟駝盔甲刀鎗弓矢火器及行營一切器具微臣亦既多方料理詳悉奏明而各兵丁陸續應募者自十二月下旬迄今源源相繼則此時且募且練先須將得其中營陞任副總兵白安已奉旨允留左營遊擊劉欽右營遊擊馮舉俱係現任前營新委遊擊朱尙義則原任一片石遊擊後營新委叅將岳維忠則原任太平路叅將也此五將者白安經歷行

明大司馬盧公奏議

卷六

十四

臣

爲路將曾加府銜今在標營反貶其秩該弁日夕快快合無將左右前後四營俱改爲叅將衙門劉欽馮舉各予以應得之秩庶臣督三鎮臣之標營亦便于領袖三鎮之標營也再照兵滿萬則成一軍五營將領各不相下則呼吸調遣爲難宜設一團練總兵官庶幾號令歸一然于五營之外再議設官恐多一番廩糧胥役之費合無卽將中營副總兵白安量加總兵職銜責以總練之事實爲便計白安資次戰功與王忠相埒業加府銜原非躡等微臣一從封疆起見毫不敢作過情之請以示恩懇惟皇上勅下兵部議覆施行

明大司馬盧公奏議

卷六

十五

崇禎十年正月二十四日

遴補中軍疏

該臣看得中軍一官職在傳宣非其人難以輕任前疏請留白安正以其忠實勤練也奉旨另行遴補臣隨多方諮訪先以原任恢復登黃叅將胡以寧咨部而咨文未到本弁業推漕撫中軍既欲以原任助馬路副將劉邦域咨部而該弁緣事未結恐於大體有妨未敢冒昧從事再三審擇惟臣前任總理時標下中軍叅將周元儒清謹過人習知軍旅足當傳宣之寄本官隨臣剿賊半載歷盡艱辛如清泥灣確山滁州汝州裕州等處大捷援剿將吏俱經敘功加級而臣標自中軍旗鼓以及

明大司馬盧公奏議

卷六

六

崇禎十年正月二十四日

邊情疏

崇禎十年正月十九日都察院右僉都御史仍管兵部左侍郎署部事王業浩具題奉旨據報聲犯榆林該撫鎮自當嚴行偵備出奇扼剿然其謀叵測語難憑宣大等鎮不得輕信少有疎懈欽此同時又准兵部咨為塘報事職方清吏司案呈奉本部送兵科抄出總監昌宣太監魏國徵題前事奉旨哨法屢旨申飭如何僅撥數名致遇賊無幾輒被損傷殊屬玩泄該將領著查處仍一面多選銳丁聯絡出哨相機截剿并確偵是何部落明白具奏該部知道欽此欽遵備咨到臣看得

明大司馬盧公奏議

卷六

七

窺犯慣于聲東擊西哨探最為喫緊頃臣接宣鎮撫臣劉永祚塘報永安堡哨丁康岳以出哨被傷此事既經監撫相繼題報臣不敢復贅但思邊外情出沒原無定所往時哨法多循故事不百里輒回近日屢奉明旨嚴飭各口頗知遠哨而遠哨則不能不深入深入則不能不遇敵遇敵則不能不傷損各邊散漫口多將備等官人人自顧其信地聯絡之法頗難臣今會議陵邊之後仍當暫駐宣東永安延慶等處將協路兵丁逐名查閱為之選銳汰弱授以設伏出奇庶幾緩急有濟又查火焰山為薊昌宣三鎮要地其下有韓家川逼臨

教穴可以屯兵臣當親往相度并察教部情形另行馳奏至於○聲犯榆林非分突以亂我耳目即詭言以懈我防維正宜虛實互用張聲援鼓士氣以待之計○用兵久矣決不止以二千人孤行遠塞爲入犯計其自瀋陽而西必取道蓮花泊十方寺黃泥洼等處○騎多寡并向何方不能掩寧錦哨丁之耳目也臣一面馳羽書密會撫臣方一藻屬其呼吸相聞務得○中舉動以便戒備事關軍情理合具題明白統惟皇上鑒察施行

崇禎十年正月三十日

明大司馬盧公奏議

卷六

丈

急飭兩鎮戰兵疏

本年正月二十日據大同總兵官王樸呈稱云又據宣府總兵官楊國柱呈稱云等因到臣該臣看得兵家之事莫難於治眾如治寡尤莫難於用寡如用多治眾如治寡稍知節制者能之用寡如用多非通變化者不與焉臣與各鎮總兵官有調度之責必平時預爲部署而後臨事不致參差宣大山西三鎮大帥正如常山蛇然首尾環應乃山西鎮臣王忠以剿寇遠行矣所恃者宣大兩鎮耳大同總兵王樸之兵已練成一旅緩急堪資本官在事兩年極知留心軍旅尤善鼓勵將兵觀其馬步分明器具完備蓋通乎治眾治寡之說者矣宣府總兵官楊國柱受任方新又當積弛之後兵不成兵馬不成馬近日謁臣於陽和苦無下手處然而點頭知尾濟以忠實赤腸亦大帥中之錚錚者時不可待宜將其部曲刻期團練以供援剿急需斷難悠忽從事據本官回詳謂舊標兵五千半供城守新建兵五千半防懷來現在標下止健兵二千五百人夫總兵統轄全鎮協路城堡皆其責也協路城堡戰守之兵皆其兵也況宣府鎮城及懷來要地皆不可無兵而至分總鎮標健以充之此則地方無可奈何之策耳萬一有警戰兵四分

明大司馬盧公奏議

卷六

九

五裂大帥將從事於戰乎從事於守乎每見恆怯之將坐擁多兵遇■尚不能一戰國柱雖忠勇責以用寡恐萬萬不能當早爲之地也臣正躊躇繕疏間接見邸報兵部一本爲南山關係匪輕等事奉旨南山拱護陵園臺墻隘口軍兵器械悉屬緊要這派信增兵及分防延慶團練修葺事宜俱依擬著該督監撫嚴飭道將及時恪實舉行不得延卸其增兵月餉該部卽與議覆欽此臣未見全抄未知覆疏事理大率樞臣王業浩虛公詳練必將熟計深籌務使戰兵守兵各有岸責以爲封疆萬全計也統惟皇上勅下該部一併速覆施行

明大司馬盧公奏議

卷六

二十

崇禎十年二月初一日

特舉俸深賢能道臣疏

謹查督屬道臣歷俸最深者無如陽和道兵備副使竇可進本官自大同知府以至今官凡十二年矣臣向來鎮撫鄖楚討賊中原素聞其幹畧及抵陽和與之共事一切軍機要務呼應如響臣所言所行有費商榷者本官無不直披心胸未常瞻顧避隱蓋以才則老練以力則精勤以識則爽豁眞封疆之選也督屬十邊道惟該道與臣最爲切近緩急正以相資豈肯令其他適但今日最苦最難者無如邊道爲官至十餘年不遷三推未轉使無所以優異之恐任事者灰心何以風勵各屬臣故表而出之至於任使則在朝廷非臣所敢知也再照邊才保舉屢奉明諭臣胸中亦有數人正擬具疏接見邸報已經在廷諸臣列薦矣然而臣有獨知不妨于異衆所共信不嫌於同容臣另疏上聞以副皇上博採人才之典爲此謹題

崇禎十年二月初八日

明大司馬盧公奏議

卷六

三

特舉廢弁疏

臣維邊腹將兵數非不多也每當剿寇禦■十不得一焉總之近代用兵皆不教而戰而海內將才復少間有一二堪任者又或處非其地遇非其時以至於敗此疆事所以日見阡危也臣雖久在行間連年征剿然豫楚江北俱腹裏地方兵則僅取其象人將則止堪以備數心竊憤之及任宣雲以爲邊庭將士不知桓桓赴赴者幾何人而痿痺渙散之形猶然腹裏也至於饑寒困苦之狀殆有甚焉數月來拮据兵事講求將才未敢苟安片刻覺任將更難於練兵除標營及各鎮協路將領之

明大司馬盧公奏議

卷六

三

現任者容臣因才器使隨時甄別去留題請外看得原任山海總兵官尤世威夙將也崇禎八年領關門鐵騎兵援豫彼時臣尙撫鄖聞其部曲饒有節制兼多戰丁朱陽關及蘭草之失以數千客旅入戍荒山水土失調疾疫交作故大寇乘而奔突非戰之罪也昨年臣以總理之役入豫親至朱陽蘭草詢之士人採之輿論咸謂本官善撫士卒曉諭軍情迄今尙在候勘不無可惜至原任宣府總兵官張全昌出自世胄三十登壇先年奉督臣洪承疇調赴江北剿賊沈邱瓦店之失以一千孤軍歷秦豫數千里猝遇大寇四顧無援遂至陷身賊壘

臣初亦疑其少不更事及至宣府此中軍民士庶無不思念之者本官前案已結昨秋奉詔勤王因■退中止近日謁臣於陽和察其本心觀其才智亦將門有用之流臣委赴山陝募兵前疏已經題明在案此二弁者皆願集其職丁自備鞍馬在臣軍前立功竊念宣雲危窘之地將領視爲畏途世威全昌懷此忠義臣安忍淪棄之不以入告乎懇維皇上勅部議覆允行非臣所敢擅便至二官效用廩糧臣自設處其戰丁不拘多寡亦卽於標營之內簡汰弱旅通融湊支不復另糜公帑爲此謹題

明大司馬盧公奏議

卷六

三

崇禎十年二月初八日

請飭京民二運疏

案照先該微臣題爲京運歷欠愈多衝邊事勢危迫等事奉旨云又卷查該前督臣楊嗣昌題爲危邊餉缺軍饑民運積逋可駭等事該戶部覆奉旨云我皇上於邊餉急需何等注念而年來積欠如故軍儲日匱致令枵腹荷戈者無以爲生疆事固萬難支撐兵情尤莫可控揣關係豈渺小哉臣請以崇禎十年爲始省直應解三鎮民運錢糧除河南山東各州縣相去遼遠仍責成司府類解其北直州縣之近宣府及山西州縣之近寧武大同者各從其便徑解餉司取餉司實收報臣衙門及各監撫并各司府衙門以覈完欠蓋錢糧解至司府未必有意那移而時窮勢迫之時不得不通融收發遂使經徵州縣或已完而誤被叅罰或未完而任意拖延迨至駁查時已過矣前欠未清後欠又積矣附近州縣徑徵解頗爲直截其寫遠者仍繇司府轉解但須州縣起解司府之日卽先揭報督監撫餉司每歲仍分上下兩半年各解足五分在州縣徑解者上半年不得過三月下半年不得過九月在司府轉解者上半年不得過五月下半年不得過十月稍有違玩從重題叅庶一歲之中錢糧款項分明類叅摘叅可無躲閃混淆之

明大司馬盧公奏議

卷六

三

弊至於解發京運亦將三鎮及臣標額餉定擬四季給

發每季仲月初間自京發行本月下旬解到各鎮聽各

餉司將實收銀兩揭報督監撫衙門臣與各監臣撫臣

每季終卽將各鎮本年本季額該京運主客餉銀有無

盡數解發或已解發若干尙欠若干據實題報斯亦直

截分明之道也竊計頻年以來水旱盜賊兵災幾徧海

內請蠲請賑所在籲求內而部司外而司府州縣持籌

仰屋實處萬難臣等寧不多方曲體惟是餉一愆期百

事俱難措手究竟以愆期而至缺額兵士日見逃亡馬

驟日見倒斃脫巾走險爲害不可勝言圖維及此安得

明大司馬盧公奏議

卷六

三

不疾呼哀鳴爲目前救濟補苴之策也若夫餉司發銀

尤宜通盤打筭一體平施如一鎮也通計管路城堡墩

臺若干戰守主客軍兵若干京運民運現在銀兩若干

本季本月應支糧餉若干務求調劑適均勿得偏枯啟

釁此又恤軍平情至理所當一併請旨申飭者懇惟皇

上勅部確覆永立成規庶封疆軍旅有賴矣謹題

崇禎十年二月十六日

駁吏科陳給事疏

臣偶接邸報見吏科給事中陳啟新有圍揚之報堪畏一疏益因流寇再犯江北而發也其條議當否自有聖裁獨理臣卸理事而改邊一語臣未得其解卸之一字啟新何所見而云然夫以臣之才未能辦賊豈足當

憶去年七月剿寇襄漳忽聞大入犯率土同仇之誼非不耿耿切於心止緣身任總理以討賊為職未敢自請入援直至七月二十八日接奉明旨倉皇北行彼時臣兩足患毒裹瘡介馬而馳惟知急在君父雖赴湯蹈火臣其敢辭及抵近畿蒙皇上陞臣兵部左侍郎再奉尙

明大司馬盧公奏議

卷六

三

方總督各鎮追勦東仰仗聖明之威靈蒙宵遁臣

方整搦理標兵馬候旨南行而宣雲之推又見報矣夫宣雲在今日難乎易乎危乎安乎討賊固是艱辛然即

掃蕩愆期廟堂猶或相諒若衝邊遇進而封疆退而

國法何處是躲閃之地何年是結局之期其情形瞭然

也啟新所云卸者以為臣自卸耶不擇安而擇危不處

易而處難臣謀身亦甚拙矣以為當事諸臣代臣卸耶

危疆備以付勞吏難局偏以困庸才諸臣為臣謀抑又

拙矣臣束髮通籍於今十有六年節經內計兩番外計

三番繇部郎而陞郡守繇郡守而歷監司繇監司而推

節鉞以至為理為督從無片紙隻字一達長安生平亦

不能以面孔向人為富貴功名地蓋臣性使然非緣矯

強此可自信以信之海內者啟新未嘗學問不知微臣

之進退始末更不知疆事之難易安危揣其大意總之

率漫陳言道聽塗說耳臣昔剿寇中原竭盡心力反有

為柔媚巧滑結納要津之語以相詆者蒙聖明洞鑒於

上臣且笑而置之今啟新之疏未足有無何庸置喙但

畧陳梗概對質大廷使啟新知三代之下亦自有純臣

焉明微臣之心廣啟新之見臣安能無說而處此懇惟

明大司馬盧公奏議

卷六

三

崇禎十年二月二十日

請改廳官職銜疏

謹照宣大山西等鎮臨邊一帶設有同知通判等官專
 管路廳之事分理各路兵馬錢糧蓋與協路將官相類
 而守備以下則有相臨之體矣同與判俱係廳官而
 同知五品通判六品同知之轉為部郎為知府通判之
 轉最優者乃得知州在朝廷名位既爭兩級體統便有
 不同而在人情自處則階級稍崇前途稍遠覺奮勵琢
 磨亦易臣查宣府一鎮廳官凡入在鎮城與上西路上
 北路係同知東路南路中路下西路下北路俱係通判
 大同一鎮廳官凡四東路西路係同知南路中路係通
 判山西一鎮除省會及腹裏外近邊廳官凡三西路中
 路係同知東路係通判似當盡改為同知衙門凡通判
 中俸深賢能者即與就近陞補俸淺平常者改授內地
 另請銓除此於彈壓責成甚便也至邊方路廳非腹裏
 府佐之比庸劣即宜急去賢能當與優遷每見腹裏有
 司陞遷考選輒引邊俸之例明乎任邊事者最為苦難
 其俸期特減於內地也近日宣大山西各廳有歷俸至
 五六年不得加半秩轉一官者此於平情示勸之道尚
 有可商所當聽吏部一併酌議者統惟皇上勅下該部
 允覆施行謹題

明大司馬盧公奏議

卷六

三

崇禎十年二月二十五日

明大司馬盧公奏議

卷六

三

處分協府將備疏

謹照督屬三鍾俱係衝邊而宣東密邇陵京尤爲喫緊臣於去年十月拜命卽沿邊查閱而西見百事頽靡曾與協路將領及各守操等官多方戒諭諸凡戰守之具又頒示簡明切要之條以三月爲期躬行覆閱蓋未嘗不體其難而寬其責也茲臣自會議陵邊後隨進居庸關恭詣陵園叩謁從昌平得勝口出柳溝南山以達永寧延慶州登火焰山歷靖胡寧遠諸堡而抵獨石龍門張家等口直至萬全右衛柴溝新河紆回曲折盡一千三百里之長邊蓋無處不到矣每至一處卽將大小將

明大司馬盧公奏議

卷六

三

備等官試其騎射探其胸藏觀其營伍閱其城堡墩臺因而單騎登高涉險微服往來諮詢軍民之疾苦察將領之貪廉訪地方之利弊聞得一言輒自三思三省欲行一事尤爲其慎其難苟能起敝回枯敢不悉心經理若夫戰守機宜自大帥而下惟協守路將守備操防各官是賴以協路言之東協副總兵李重鎮永寧路參將賀讚龍門所參將張巍獨石路參將蔣光允葛谷堡參將劉永亨此五弁者才智各有所長操持俱能自勵撫循部曲整頓軍容非復向來光景以各堡守操言之獨石城守備邱萬良滴水崖守備孫祿馬營守備寧致

中張家口守備周洪猷四海台守備賈悌柴溝堡守備

寧承芳此六弁者年力正饒驅策守禦兼知盡心以技以才無忝折衝之選以上大小諸弁臣一一旌以花紅銀牌更檄行該鎮道分別獎勵之使之奮發有加率觀成績獨至龍門城萬全右衛兩處廢弛特甚龍門城則守備閻師周萬全右衛則守備王國棟也二官任事各三月有奇爲時未久雖然三里之城經營設備才力稍堪者月餘可辦惟其念不能急公勤不能補拙遂因循至此而王國棟之庸劣更甚於閻思周臣查右衛一城大炮神鎗等項爲數儘多又儘堪用乃纍纍塵封似經

明大司馬盧公奏議

卷六

三

年未曾演放一旦有警緩急何資其他樓櫓箭簾炮架鉛鐵子毫無安置修葺夫器不靈而人靈守備有專城之責烏用是五官俱頽者爲哉王國棟宜革任另行推補閻師周宜降級戴罪示懲若假以時日猶然玩愒則請褫革之不少貸也此外將備之平常者姑策之以後圖而操防千把總之勤惰優劣者亦隨時賞罰勸懲未足登賢書白簡若宣府中協副總兵張韜則不能無說焉龍門城雖屬守備閻師周職掌乃該協駐劄之地何以全無督率稽查至協兵三千臣於去年十月繇宣邊赴任卽閱其營伍進止坐作騎射刀鎗多所未習曾再

三告戒期以加意簡練而經今三月有餘從頭細閱依然如故也及臣切責之惟曰兵原不堪餉又甚薄無可奈何願以此身當先殺賊本弁之氣固壯矣然官以協守名設或信地報警將一人一騎往乎抑須統其部曲臨機分合東堵西防耶況兵窮餉薄宣雲各邊盡然治疆事者譬若治家富家有富家之料理貧家有貧家之料理大家有大家之料理小家有小家之料理如必豐亨豫大始事經營危邊何所賴乎蓋本官遼將敢戰調度非其所長宜置之於衝鋒而另補一協將庶人地不至兩誤耳以上應調用革任降懲及應推補各官懇惟

明大司馬盧公奏議

卷六

三

皇上勅下該部議覆施行謹題

崇禎十年二月二十五日

請討賊疏

題為聖主日煩宵旰臣工宜効捐糜循職多慚感時思奮請終討賊之任以罄報國之忱事從來有君無臣之歎志士恥之我皇上御極以來敬天法祖勤政恤民勸善作忠任賢黜墨廣闢文武兩途薪樞之典深究封疆大計安攘之謀多難興邦殷憂啟聖以其時考之則可矣乃寇猖於腹■橫於邊■之橫也震撼及於陵京寇之猖也荼毒徧於省直國家養士三百年豈至今日而尚有曠世奇才深藏不欲試者乎抑臣等封疆之吏已任者束手局中未任者裹身局外也臣自叨督宣雲括

明大司馬盧公奏議

卷六

三

據四月每念中原寇禍輒想前愆時聞口外■情驚心後戾惟是思不出位誼不避難此臣所以報朝廷而質衮影者若夫宣雲之任謬及謫劣總理之役推用新臣聖懷自有鑒裁微臣何敢思議故謂臣不堪辦討賊之事則可謂臣不欲終討賊之事則不可謂臣不敢辭禦■之任則可謂臣果能勝禦■之任則不可人情處安地不免望危地而魂搖處易局不免當難局而色沮若臣所當之危且難不自今日也東西南北惟皇上命耳臣臣犬馬之年三十有八精力尚強正堪驅策臣父臣母方當望六臣妻臣妾可以侍養臣子四人俱在襁褓

幸無內顧之憂頻年以來止數蒼頭隨任而行間所有亦惟衣裳圖書毫無繫戀如謂邊事尙宜擇賢者辦賊不應累後人臣願統率援兵賈其餘勇以竭茲犬馬之力成敗利鈍雖逆嗜髮膚項踵可以自指倘慮宣雲多事料理需人則山西撫臣吳牲大同撫臣葉廷桂才品識力經濟遠勝於臣而縝密精詳不啻十倍且在地方日久資深勞著二臣威德軍民將吏素所服從俱可就近陞補此臣耿耿血忱不敢不明明剖瀝恭聽皇上蚤勅在廷當事諸臣從長酌議取自聖裁者也謹題

崇禎十年二月二十八日

明大司馬盧公奏議

卷六

三

塘報情疏

本年三月初四日辰時據宣府總兵官楊國柱報稱三月初一日申時據獨石叅將薛光允塘報云等因到臣該臣看得舊開平雖係中華棄地實則薊昌宣三鎮之外藩尤東西人往來之要道也今據宣府總兵官塘報哨有人十一騎奔駝馬三匹自西往東又七騎向東遊行四騎入開平城仍同七騎東往明係騎窺邊恐非零星游牧況自獨石以至開平多與敖目故巢相近敖雖小醜爲嚮導則有餘豈特宜邊急宜戒嚴東而薊昌西而雲晉皆當早爲之備者微臣刻下方將西閩大同恐去昌益遠呼吸不靈姑暫止目前之行整綸新舊標兵以待又飛移各監撫并嚴飭鎮道協路文武各官實圖剿禦外事干情相應題報伏維聖明照察施行謹題

崇禎十年三月初四日

明大司馬盧公奏議

卷六

三

請卹故督梁廷棟疏

臣看得崇禎九年六月內殺胡口出塞斬獲功次此已故督臣梁廷棟任內事也撫鎮道將俱已渥被聖恩廷棟獨以闖宣邊奉旨革職勘問身雖化為異物名尚列於爰書朝廷功罪賞罰原自並行微臣豈得輕為置喙況廷棟生前與微臣又素無一面者乎其歿於王事及致病根因臣既為先後同官諮詢得實謹代死者一披瀝焉廷棟自蒙皇上起之田間授以嚴疆重寄於崇禎九年正月赴陽和受事卽巡閱宣大山西各邊驅馳塞上又調度官兵出口籌畫剿機宜拮据不遺餘力

明大司馬盧公奏議

卷六

美

三

幸適當變以身殉之失事以前既有成勞堪錄失事以後尤覺盡瘁堪憐倘蒙皇上惻然憫念原情有罪酌與卹錄廷棟固銜結九原而凡有生之臣子於以勸善作忠人心愈知奮矣臣性愚慙從不敢與人作緣生者尚落落寡知死者復悠悠奚問獨先後同官之誼存歿感慨之間仰體聖明澤及枯骨之至仁俯鑒微臣不忍負死忠之本念用敢披瀝愚衷如此懇惟皇上恩照施行謹題

崇禎十年二月初十日

明大司馬盧公奏議

卷六

美

三

自檢遠調滇兵違宜疏

竊思人臣比肩事主貴在相成爲國用人期於中窾故任事而失其宜必終虞愼事進言而合於道斯無愧立言臣於三月十二日接見邸報巡按貴州監察御史馮晉卿有理臣委用非人一疏蓋因滇兵入楚沿途多擾糾臣誤用監紀推官侯宏文臣聞之不覺心折其論臣短於任人淺於知兵并陳失關防疎於戒備字字皆中膏肓且於指摘箴規之際獨存正直忠厚之心臣安能不閉閣自思急圖補過也滇兵之調雖經兵部覆奉明旨而疏請者臣宏文之委雖經吏部覆奉明旨而疏請者亦臣當日但知剿寇需兵未計滇南萬里征調艱難臣之疎一也但見宏文勇於任事慷慨請行遂委以監紀未察其力能勝任與否臣之疎二也身任總理惟知拮据目前至後來奉命入援不及預爲忖量臣之疎三也既捧勤王之檄倉卒北行卽當思遠調之兵作何安頓乃因邊旅盡撤惟恐賊勢復猖滇兵在途不爲補贖中止臣之疎四也臣八月二十九日督旅至都門始聞滇兵入楚沿途糧餉不接洵脊多虞彼時追■薊東未遑具疏聲說急請處分臣之疎五也夫臣有此五疎幾何而不誤封疆軍旅之大計晉卿不言臣宜自劾况經

明大司馬盧公奏議

卷六

三

指及豈可諱罪苟安臣當將晉卿之疏抄行督屬文武

各官明臣之短爰以爲戒集思廣益勉厥後圖所望聖明俯酌微臣情罪之重輕一示懲處或降級或戴罪以昭功令而勵將來庶臣得安心供職不至冒昧服官也十二日燈下臣方繕疏旋於十三日之早再接邸報見晉卿前疏欽奉聖旨奏內事情已有旨了虛象昇不必苛求該部知道欽此微臣凜對天言愈益慚悚伏念任人用兵何等關係前此匆忙舉事致貽悔動之愆皇上卽憫臣之無知終於朝廷功令不合况臣數年之內爲治爲撫爲理爲督竭蹶疆場雖久諸凡劣狀實多其大者如規儀未飭而以書式冒罪於唐藩如剿賊襄漳而致關防亦誤於陣失俱蒙聖恩寬貸游歷今官淺躁濶疎未知所創故臣昔年辭總理一疏曾言臣才止堪治一中郡近日請討賊一疏曾言雲晉二撫精詳縝密十倍於臣蓋自維器小受盈力綿任鉅亦旣時時魂夢不寧矣今晉卿謫論相規實人臣比肩事主之誼若遠因言求斥不免跡鄰卸擔詞涉激陳惟乞皇上以降罰之典矜臣處臣在不忠於君者誤認以爲譴責在循職自効者實見以爲生成此微臣所束躬屏息以俟者也至於晉卿臣未相識觀其肝膽才情議論識見此他日封

明大司馬盧公奏議

卷六

三

疆有用之選而臣愚尤切知己之感焉統惟聖明睿照處分施行謹題

崇禎十年三月十三日

明大司馬盧公奏議

卷六

罕

恭玩防明偵哨疏

本年三月十六日據分巡口北道塘報云等因到臣隨該臣批哨探之法屢奉明旨申嚴日來本部院又多方恣飭何寧遠堡夜役十名出邊不四十里遇賊僅九人反為剝奪衣糧乎夫明哨則兵丁宜多暗偵則行徑宜密所謂夜役者晝伏夜行之謂也若悠悠忽忽以往又以老弱充數見賊即逃偵不成偵哨不成哨猶然虛應故事仰道將防守官弁原差夜役速提究解仍移會將備務照節次申飭明旨檄文悉心料理再有玩泄按法叅治批行去後謹照夷情全在哨探而出哨與偵探原自不同選銳聯絡赴口外揚我兵威使賊人知我有備此所謂出哨也晝伏夕行以健卒潛身遠瞭暗伺賊人踪跡動靜此所謂偵探也哨丁宜多探役宜少哨丁名為尖哨宜馬探役名為夜役宜步近日邊方多不解此義明暗既無指授多寡不知權衡非朝出而暮歸即遇夷而有失明旨灼見其非宜故屢番嚴飭臣雖愚昧巡邊之日親與將備等官再三誡諭繼以檄文如何會哨如何遠偵不實詳切今寧遠堡夜役十人離邊不遠一遇零賊即跟蹤而回衣糧被奪雖係小失而防守官之遺發無方漫不經事可知也王際隆磨礱未弁不足

明大司馬盧公奏議

卷六

罕

辱白簡臣已一面提究將備亦應并議查宣雲近例操防多不屬守備管轄此非舊制臣方欲酌議改正事向未行路將張魏受事未久整頓營務頗有可觀寧遠探役係咨遣而非會哨情猶可原頃臣會哨之檄於三月中旬移行監撫并通行督屬當以四月初一日為始今後各協路堡墩每月明遣大哨一番務以千人五七百人為率酌給行糧各路兵交會於邊外遠地其哨遣偵探不拘時刻以勤為貴以密為主務選精健伶俐軍丁量加口糧遠赴三百里外多方偵探若明哨大哨或有違玩疎失其罪首坐協路將領至分遣偵役或有違玩

明大司馬盧公奏議

卷六

望

崇禎十年三月十八日

謹題

疏失其罪先究邊堡守備操防將官酌情事重輕并論庶於哨探之義有當也統惟聖明垂照諭飭施行為此

酌議馬市疏

謹照殺胡馬市雖在雲鎮而京邊馬匹自當通融市買以供捷伐之需自去年冬月迄今俱儘欽遣內臣市駿解京各鎮未敢攙越臣標奉旨新增募練缺馬三千餘匹題允分買已經三月有奇三致公移於內臣郭尙禮石竭并行鎮道將領催買前後買得六十餘匹且俱買剩不堪之數安能濟事近日宣府山西薊遼山海通昌等處無不委官赴買差使鱗集輻輳而馬不來間有百十騎至口率高擡其價平昔十餘金可售者今勒至數十金不啻三倍各鎮委官又互相爭購愈爭而價愈高

明大司馬盧公奏議

卷六

望

卜哈諸部知此情節俱將勞馬零星營利往來絡繹致難稽查殊非事體夫設市原以收夷虜之長為中國之利若因爭買而使利歸各部不可不酌議者一也市口甚有關係各處差來員役守候月餘不得數馬五方雜處留滯居停不可不酌議者二也馬市在雲雲之撫鎮道將擔許多利害且係臣督屬臣亦有責任在身乃請旨分買而終不得數千數百為本地方緩急之資斯亦天地間大不平事不可不酌議者三也臣再三籌度以一年計之除十二月至三月地凍草枯市馬不至間有零售要亦無多自四月至十一月計八箇月臣標與宣

府大同山西等鎮應分買四箇月薊遼山海通昌等鎮應分買四箇月逢雙月則臣標與宣大山西等鎮委官赴市逢單月則薊遼山海通昌等鎮委官赴市各將應買馬匹及所攜馬價通盤打筭均勻市買臣督屬各鎮分買雙月四箇月臣已移會各撫監酌定至各鎮分買單月四箇月應聽兵部酌定仍嚴禁爭擾免爲各節所笑并以杜意外之釁庶幾情平而理當其應買月分或有馬無馬或馬貴馬賤一聽各人之遭逢至於買解內廢簡練兵戎固所以壯神氣固腹心然而禦寇門庭尤勝於禦寇堂奧不宜使邊方缺馬剿禦無資致煩禁

明大司馬盧公奏議

卷六

四

旅戒嚴貽憂內地尤在聖明裁察如先次解京馬匹已足供雲錦之羣姑勅內臣暫緩買解使各鎮得以從事卽不然仍將各鎮分定單雙等月上半月儘內臣買解京邸下半年聽分定各鎮市買此又劑量咸宜之法總在皇上睿裁勅部確議畫一遵奉施行者也謹題

崇禎十年三月十八日

更擇標營將領疏

謹照臣標奉旨新增募練臣督行陽和道臣竇可進東路同知鄭獨復并檄各營將領中千等官多方募選訓練三月以來若兵額若戰具若軍容畧已就緒雖未足稱赴桓勁旅而從此漸當有勇知方除另本詳悉具題外目今五營將官如中營白安左營劉欽右營馮舉俱已遵奉明綸加秩任事惟朱尙義岳維忠二弁新經委任微臣前疏不敢遽請實授者蓋將爲三軍司命必須熟察其才情力量果與事相配而後可責以成功朱尙義習於火攻膂力方剛才思復爽堪任前營之事岳維忠誠實不苟與士卒相安然欠機警倘遇衝鋒陷陣恐非其所長不得不議更置也惟再四訪求有現任都司僉書管新平堡守備事李昌齡者騎射閑習營伍熟知本弁在新平五年守禦著勞事事整辦該道廳亦亟稱其能堪補後營將領應將先委之岳維忠權在標下聽用俟有相應員缺咨部酌議因材而器使之至左右前後四營業經題奉欽依改定叅將衙門李昌齡係都司僉書應陞遊擊職銜管節制後營叅將事若朱尙義原係一片石實授遊擊昨歲入援之功奉旨加陞一級應陞實授叅將管節制前營事其李昌齡所遺新平堡守

明大司馬盧公奏議

卷六

五

備員缺行據陽和道臣寶可進查議有原任山陰城守
備范學周堪以咨補臣面試之見其年力駑射委堪驅
策以上各官相應據實題請統惟皇上勅部速覆施行
謹題

崇禎十年三月二十六日

明大司馬盧公奏議

卷七

目次



明大司馬盧公奏議卷之七

宣雲奏議目錄

確議修築宣邊疏

標兵如數募完并題營官疏

回奏覈實邊備疏

議防剿機宜疏

選用奇兵疏

起解罪帥疏

類報宣邊夷情疏

覈實三鎮邊備疏

明大司馬盧公奏議

卷七

目次

籌議用款款卜疏

再陳卜哈情形疏

再陳屯牧事宜疏

請停禁止樵採疏

遵旨照款再奏疏

塘報緊急情疏

標旅分防南山疏

南山修築墩臺疏

邊情疏

請申飭官弁規卸處分疏

乞撫馭滇兵疏

邊情疏

請監軍監紀疏

題叙募練標兵官員疏

再陳撫馭滇兵事宜疏

明大司馬盧公奏議 卷七 目次

二

明大司馬盧公奏議卷之七

宜興盧象昇建斗著

襄平蔣攸銛礪堂鑒定

宣雲奏議

確議修築宣邊疏

題為宣疆飭備方殷宣邊興築匪易折衷羣議特請明
綸權緩急以務要圖酌盈虛而籌實效事臣維九邊大
勢莫危於宣雲亦莫重於宣雲而宣疆之更急於大同
山西以密邇陵京也從前當事諸臣請兵請餉請修築
章滿公車即臣受任以來五閱月爾監撫按諸臣所陳

明大司馬盧公奏議 卷七

戰守兵食邊垣墩臺諸疏節奉明旨命臣等確議仰見
皇上焦勞若此凡屬臣子可不盡心力以為之乎顧籌
邊事理不惟當盡心力而尤宜盡言蓋天下事非一家
私事如封疆利害未經剖晰詳明終難下手目前重大
艱難無若修邊一事謹照本年二月初五日該薊遼督
臣張福臻會同臣等題為恭報再勘陵邊情形仰聽聖
裁事奉旨據奏會勘陵邊情形雄漢嶺至川草花頂係
龍脉旺氣所鍾不宜修築其三口築臺既稱無礙著該
部科看議即日具覆宣邊修墻事宜該督監撫詳畫速
奏欽此本月初十日又該兵部覆議前事奉旨宣邊修



築工費是否即能就緒三口築臺既稱無礙還著該督監一併酌議速奏欽此該臣抄旨移會監撫內開案照修築宜邊除先經移文確議外明旨一則曰宜邊修墻事宜該督監撫詳查速奏再則曰宜邊修築工費是否即能就緒仰見聖心淵遠睿慮精詳本部院與總監撫院分監誼在同舟自當上體宸衷從長確酌刻期會奏彼此政如一身一家幸各盡所見多方籌議會示以便繕疏入告庶幾於明綸有當也移會去後准昌宜總監臣魏國徵回文內言三口原係宜邊之內宜邊不足恃則三口築臺拒之於內亦係急著今既議修築宜邊此

明大司馬盧公奏疏

卷七

二

時物力俱誦恐不能一時兩工並舉也至於工費一節屢煩聖慮則宜鎮之民窮財盡不能刻期就緒已早在聖明睿鑒中矣或照前議沿邊修築墩臺使駐防兵丁就便濬溝壘塹得以畫地而守然後併力再築邊牆亦急則治標之意也等因回覆到臣又准宣府撫臣劉永祚回咨內言宜疆多事修邊工費浩繁轉盼春深馬豈能待竣邊疆之臣思所以固吾圉者不敢曰不修亦不敢曰大修惟酌量於衝緩之間缺者補之傾者培之疏者密之而又以人為守庶幾用力少而成功速也等因又准分守監臣鄭良輔王夢弼各手本內云三口築

臺係昌鎮禦險之近著昌邊修臺為宣鎮扼要之遠圖其間工費之繁簡就緒之難易貴部院所深悉者統希裁酌入告施行等因各備咨到臣該臣等會看得修築宜邊係故督梁廷棟舊撫張維世先後疏陳總自封疆起見倘物力豐盈刻期舉事早一日鞏一日之金湯此邊臣所願叩聞以請者也然約畧計之姑勿論宣大山西三鎮二千三百里之邊亦勿論宣府一鎮一千三百里之邊即就宣鎮陵後一帶而言東至火焰山西至合河口凡二百二十餘里若紆迴曲折因高就險以議興工幾於三百里籌其經費每築邊牆一丈雖甚省約須

明大司馬盧公奏疏

卷七

三

工料食米等銀五十兩其中或有舊牆垣并亂石土垣可因通融計算每丈必須銀三十兩通計三百里總該銀一百六十二萬兩加以三里一墩五里一臺計墩一百計臺六十墩以上為之每座約二百金臺以輒石為之每座約六百金并墩臺守禦等具壕塹等類又約該十餘萬兩此修築陵後宜邊之大畧也數月以來臣等隨時隨地商推諮詢其經費實實如此卷查故督梁廷棟再陳安邊定論一疏所會計工程謂止須市斗米二十三萬四千零及鹽菜銀一十五萬六千零蓋止就調取各省直班軍而言也止就班軍調到計口工作而言

也今海內多事各班軍遠在數千里外逃故者老弱者與夫頂替而影占者在本處俱有其冊無其人有其名無其實一經調動逃故者須清勾老弱者須汰易頂替而影占者須從根徹底窮究追尋此非經年不可夫然後編伍就途陸續赴邊戍築出門卽枵腹待哺仰給公儲此又在前數之外矣且食米一項取之漕糈則運價等於米價計二十三萬四千之數尙需轉運銀二十三萬餘兩取之本地則宣雲斗米二錢五分亦需銀五十萬餘兩并原議鹽菜銀一十五萬六千餘兩其該銀七十二萬餘兩而輒灰木料不與焉若併甄灰木料及

明大司馬盧公奏議 卷七 四

班軍在路行糧與夫僱覓工匠等項計之視此又將一倍合以墩臺諸費比前一百六十二萬之數亦畧相當不惟是也從三百里之宣邊以及一千三百里并及大同山西之一千里塞馬驕嘶隨地可入統計三鎮長邊凡二千三百里若於三百里則議築於二千里則仍遺終不可謂之有邊也如併二千里而築之則經費一百六十二萬之外尙需一千餘萬方稱全築全修遐考薊門三協延長不及千里一應邊垣墩臺先臣戚繼光經理其事曾費過一千一百餘萬彼時物力十倍今日彼地山險十倍宣雲是以克底成功一勞永逸以今視昔

以此視彼何啻逕庭不惟是也增一丈邊卽須增一二人以守增一座墩卽須增四五人以守增一座臺卽須增五六人多則十數人以守臣等徧閱邊軍現在之臺墻墩堡守禦尙苦無人卽有其人率皆鵠面鳩形苟延殘息今將棄舊臺墻并棄舊臺墻之軍以哺新軍乎抑使新舊軍分食此每月七八錢之餉且望之於積欠五六月之餘以求活也細查崇禎九年四月內兵部奉有明旨將修邊事宜發單會議內該吏部有云公私交困時絀舉贏於此時講生財之策與固圍之工臨渴掘井尤難之難等語又該刑部有云宣雲孤懸塞外屢經大

明大司馬盧公奏議 卷七 五

蹂躪邊備積弛今議築墻沙漠之中界址果否堅實版築之際氛保無侵擾落成之際果否堪作長城等語又該通政司有云千里長邊一處得入全墻無用勢必至於嬰城則修邊又爲徒費等語大理寺有云所不可知者一墻之隔果否可限一騎一年之修果否可保數年等語又該太僕寺有云今日制上策只在辦得一戰有戰將有戰兵便可北卻之使不敢南向牧馬等語又該六科有云通計各鎮番鋪之役所需輒料石灰工食犒賞等費不下千萬等語又該十三道有云數千里長邊一處不密則遠近皆瑕戶工兩部當費千萬不

止計日致期必須儲材備粟旋用旋給然後可以集大衆而使之并力合作以成美功等語而兵部會看語有二云一鎮瑕三鎮皆瑕築則俱築不宜偏遺宜處足錢糧而後興工非興工而後議處錢糧等語再查原疏欽奉旨修邊會議既稱時詘勢難舉羸措費又多窒礙著督臣從長確酌併修葺舊城與相險先築及每歲增修事宜通行覈議具奏欽此欽遵在案崇禎九年六月內故督梁廷棟通行三鎮撫臣會議去後迄今苦無成算臣等受任於大進口之時邊庭危窘之際驚心往事蒿目時艱方當瀝血籲天求大餉大兵大興築爲所欲爲明大司馬盧公奏議卷七

卷七

六

百凡應手上以奠朝廷之封疆而下以自全其性命乃前人長慮遠計如此何惜項踵急與圖成而揆時審勢原始要終更以緩急盈虛籌滿盤之大局不敢不明白聲說恭聽聖裁目前姑置三鎮長邊而止言陵後宣邊如尸工兩部不拘何項錢糧約可先措本折百萬卽不難下手經營若猶未也不必問後來之物力能繼與否及修築工程是否一兩年可竣併工程告竣之後作何添兵戍守有無額餉養兵而此際先窮於下手矣前此在事諸臣低回卻顧不敢言修又不敢言不修者無非謂關係重大利害切身以致章奏徒煩茫無定局臣等

竊謂封疆之吏身在局中諸凡軍國大計當求實地工夫可行卽行應言卽言避忌之念不宜存也至於昌邊三口築臺薊昌督治監諸臣已有成畫宜鎮應添烽臺及應修墩堡臣等業相與竭力圖之然而錢糧無可那動事勢處其極難要在隨宜料理次第經營不敢以空言塞責總之今日喫緊關頭應急著數惟有鼓練戰兵酌添防兵與夫設防按伏扼要出奇經費省而緩急可恃者殫精以從事焉斯爲得力此當專本詳奏未能一疏縷陳臣等血忱止此臆見止此伏乞皇上再勅在廷諸臣從長定議以聽該部確覆施行謹題

明大司馬盧公奏議

卷七

七

崇禎十年四月初六日

標兵如數募完并題營官疏

本年三月內五千標旅已經如數募完迺自正月初間該戶部覆准標餉隨奉有上緊募練之旨爲時實未及三月也宣雲地曠人稀軍資餉薄四方勇健望而裹足土著之堪用者更復寥寥以是募兵難募兵於今日更難募兵於今日之宣雲尤難之難且查往例凡邊方各鎮募練營兵皆有安家行糧衣裝等費而臣未敢請也皆有年例馬價犒賞等銀而臣未敢請也數月來設法鼓勵隨方料理逐事支持親督道將廳官驗軍馬製器械覈錢糧復廣示招來嚴加選閱隨到隨收隨收隨練

明大司馬盧公奏議

卷七

八

孰宜於馬孰宜於步孰宜於大小火器孰宜於弓矢刀鎗以至衣甲器具皆臣所經目經心者三鎮土著居十之三山陝關寧健卒居十之七其中有類市井游棍則汰之有類串營猾軍則汰之有年未二十以上則汰之有年過四十以外則汰之有身軀高大而臃腫癯肥則汰之有膂力雖充而眼無神面無骨則汰之其已招而復汰者遠則數千里近亦數百里來時給以行糧去亦量與路費使之便於回籍不至流聚一處致生他端現在著伍者雖不足當貔虎之稱而緩急頗堪効用本年四月初一日據中營總練副總兵官白安冊報本營官

兵新奉經制額該一千九百員名今自崇禎九年十二月起至十年三月終止已如數募完訖額外尙多官兵五十四員名又據左營參將劉欽右營參將馮舉各冊報兩營官兵原奉經制額該官兵各一千九百員名今於本年三月終止已俱如數募完訖又據前營參將朱尙義冊報本營官兵原奉經制一千九百員名今於本年三月二十八日止已俱如數募完訖額外尙多官兵三十七員名又據後營參將岳維忠冊報本營官兵新奉經制額該一千九百員名今俱如數募足額外多兵丁三十三名又據署中軍副將劉邦域冊報標下隨征

明大司馬盧公奏議

卷七

九

聽用遊都守備旗牌將材等官并抄案吏新奉經制其額該六十五員名執事標兵并馬騾雜役等軍新奉經制共該三百三十五名中軍旗鼓參遊都守等官軍伴書識雜役額該一百名今實在官吏兵丁五百一十二員名各具結冊報到臣以上通計新舊官兵額該一萬員名現在一萬一百三十六員名其募到卽選汰發回者俱未經開載此標兵募足之數也至錢糧款項前疏已條分縷晰一一奏明五營將領亦經題奉欽依在案惟坐營千把等官例該臣衙門自行選委非繇部推似不宜瑣煩聖聽然坐營管一營之傳宣千總係千人之

司命卽把總亦五百人之長也必使其職名得達御前而委任仍經部覆庶爭相奮勵更倍往時五營坐營官各一員五營千總官各二員五營把總官各四員五營塘撥千總官各一員俱照前督臣楊嗣昌所定經制行之蓋營官最忌煩雜故以簡爲貴爾查得節制中營坐營係現任加銜守備劉家聲本弁素有功績才具亦歷練老成無忝厥任但中營將領既係總練副總兵職銜則中營坐營亦須與別營稍有區別應加都司僉書管坐營守備事若以加銜守備處之不無躡等新調到欽依守備加銜都司李友竹謀勇騎射事事過人應量加

明大司馬盧公奏議

卷七

十

實授僉書以補前缺劉家聲另用左營現任坐營加銜守備陳植右營現任坐營加銜守備張國相前營新任坐營陽和衛指揮孫芳後營新任坐營實授守備蔣正秀以上四員弓馬才畧俱優俱應以實授守備分管四營坐營事又中營左部現任千總史直右部現任千總常萬邦現管塘撥千總劉啟旺左營左部現任千總朝東帶右部現任千總馬振麟現管塘撥千總孫天德右營左部現任千總海守福右部現任千總花永馥現管塘撥千總馬龍前營左部現任千總吉應龍右部現任千總李國勝現管塘撥千總侯英後營左部現任千總

尹勇右部實授守備管千總事邱登元現管塘撥千總高維曜以上十五員或騎射習閉或火器熟諳俱各堪任內朝東帶常萬邦歷有戰功營伍宣勞日久宜加實授守備管千總事并邱登元原係實授守備暫管千總此三弁者俟有功績另行題陞其餘十二員仍照以千總待練兵禦再有實功另行題授守備朝廷名器不可濫也中營前司把總高勇左司把總謝登選右司把總葉漸開後司把總賀昇左營前司把總管太左司把總朱國樑右司把總滑國材後司把總賈國愛右營前司把總羅鴻達左司把總王登先右司把總常守泰後

明大司馬盧公奏議

卷七

十

司把總劉英前營前司把總趙登左司把總韓應舉右司把總吉成芳後司把總王無敵後營前司把總郝守智左司把總楊鴻泰右司把總何興後司把總曹世望以上二十員亦皆挽強衝鋒之選經幾推敲而定者標營千把總隨時委用向不具題今具題白臣始總之出自慎重之本心於以昭功令示激揚也恐惟皇上勅下兵部覆定施行謹題

崇禎十年四月初七日

回奏覆實邊備疏

四月初七日准兵部咨該本部尚書楊嗣昌題前事臣楊博奏議疆列大端云奉旨著各該督撫鎮逐一確實條晰依限速奏等因備咨到臣除飛移三鎮撫臣及各總兵官各自確實回奏仍各報臣覆覈類奏外所有微臣訓練戰守及調度應援理合先行馳奏謹照得志於鮮其膽益肆諸邊士馬皆非其敵也若堂堂正正與之對壘爭鋒勝數止於十一年來援剿官兵望塵而避業有明徵至宣天山西無邊墻可恃無天險可憑守法愈難必須言戰而戰豈易言哉臣是以拜命之初即

明大司馬盧公奏議

卷七

三

以練兵為第一義然兵有九等如萬人中有八千堪戰者為上上等七千為上中等六千為上下等五千為中上等四千為中中等三千為中下等二千為下上等一千為下中等計萬計千無一堪戰者為下下等臣標新舊馬步官兵以前論差可謂中上等矣再練半年即不敢言上上亦可至上中臣之練法又分為五等規則正二三月已頒初次規則今前後兩四月復頒二次規則自本年五月至十月常續頒三次四次五次規則以漸而進繇淺入深蓋近代將官置兵法不講久矣是弗可文文弗省也是弗可驟驟弗達也况臣標營部曲中

多夷丁及邊鄙推魯之夫尤費指點臣所頒初二次練法率皆粗淺規模未足以瑣塵聖聽止列款抄謄咨送兵部候樞臣參酌釐正之樞臣久歷中外見聞學識非臣所及不能不虛心以奉教耳臣部署三鎮兵馬俱荷聖明鑒納部覆申明惟是應援一節臣前疏曾請躬率宣雲諸帥獨當一面專為陵京而言樞臣謂止當保固陵京防護南山不得輕易西馳致失東備似亦不謀而合若三鎮撫標如何戰守應援一聽各撫臣自出方畧待其會稿到臣有應商推調劑者臣當平心虛心實心以相為謀爾至三鎮總兵官兵各一萬其實實堪戰者

明大司馬盧公奏議

卷七

三

的有若干業飛檄催取大帥甘結仍照臣先議前茅中權後勁三令五申之并將臣標五營將領亦取軍令狀另本回奏總之微臣所慮之地有危無安所當之局有任無讓荷蒙皇上俯憐任事癡腸洞悉危疆兵寡特增五千標旅稍壯軍聲臣惟夙夜在公思得一當以報然二千三百里長邊皆臣一身責任即論目前兵力猶然不及他鎮十五難易之局非可與他邊較量者此在樞曹但將九邊兵馬錢糧地勢物力通盤打算情形自迥然也臣條答尚多恐字額踰限故先陳梗概俟撫鎮咨詳至日再加確實詳晰以聞懇祈聖明鑒察謹奏

崇禎十年四月十一日

明大司馬盧公奏議

卷七

十四

議防剿機宜疏

臣於四月初七日接到兵部咨文為覈實邊備預整防
援請旨責成立等回奏事奉旨著各該督撫鎮逐一確
實條晰依限速奏等因欽遵備咨到臣隨於本月十一
日具疏回奏先陳大端督屬遼遠所有其事撫鎮諸臣
近者三四百里遠者千餘里諸凡徑奏會奏事宜須各
有一番籌畫臣且旦夕望之矣顧臣叨督三方不論大
將裨將戰兵守兵亦不論遠邊近邊地夷地險皆須悉
詳覈實以告聖明詳味樞臣之言曰現兵如何訓練有
警如何應援并用何將統領坐定主名斯誠戰守之實

明大司馬盧公奏議

卷七

十五

著乎宣雲事勢與薊鎮大不相同薊門當以守為戰宜
雲當以戰為守二千三百里長邊處處逼臨境平坡
四望徑路千端矮薄邊垣土頽石塌非惟若斷而若續
抑且似有而似無於此而侈言匹馬不入以為功是欺
皇上也設或入謂三鎮現在之兵及臣標旅遂謂動
出萬全是亦欺皇上也臣所恃者惟有皇上之大賞大
法在於以鼓勵悚動各將兵之心來則破釜沉舟合
併羣力與之決一大戰耳若戰而大捷固將快京觀之
築寒之膽其或小挫之又或殺傷相當亦知中國
尙自有兵不敢正視惟聽其自去自來有利無害遂使

塞馬驕嘶乃爾我之兵將又皆畏■不畏法臨時只辦得一逃果能力戰且能人人力戰而失利者凡幾也哉臣是以請練標營請飭兵改無非實做實言不敢一毫虛假今標營業就緒矣初二次練法昨回奏時俱冊報兵部矣若標兵不堪戰何以責總兵又何以責協路臣特行節制五營每營各取職名保結狀三張各取職名軍令狀三張保結自上而下將領保其坐營千把坐營千把保其百總隊長百總隊長保其伍兵是也軍令自下而上百總隊伍長具狀與本管坐營千把坐營千把具狀與本管將官各營將官具狀與臣是也其中馬步

明大司馬盧公奏議

卷七

六

戰兵但有老弱虛冒臨敵不前大小將領但有庸怯逗遛用命不力者上下一體坐罪此雖新行實係古法必如此而臂指乃可相聯律令庶幾其曉臣不敢寬標營又何敢寬各鎮乎若夫防剿機宜未能預設臣請籌其要者如■犯宣鎮各邊宣府撫鎮聞報宜徑馳永寧柳溝首先扼■東向與薊昌諸兵關內關外互為聲援臣督標旅徑馳懷來調度兵將截殺大同總兵官宜徑馳宣府近地視其東西南三面向往協力合禦山西總兵官宜徑馳大同近地相機邀擊以防其入晉地如犯大同山西宣府總兵官切勿輕動惟責成雲晉撫鎮嚴兵

堵剿互相應援臣視薊宣昌聲息若何方敢西向若東西分犯臣惟專顧陵京若宣雲並犯臣亦先捍宣鎮若去薊昌稍遠并去宣鎮亦遠大勢俱犯大同山西臣即隨時審勢督兵而西兼顧雲晉其他各路各口額設之兵止宜責以守不宜責以戰信地職名按籍具在憲典昭然各鎮各邊所入之路要在臨機策應難以先事預期設或犯薊門三協以彼中督治監撫之壯猷兵馬臺墻之整固自萬萬無虞但陵京為重臣即統率標兵并飛檄宣雲兩鎮之兵分道入關計程計里刻日刻期應援協剿仍將山西總兵官移至大同以備策應倘各鎮

明大司馬盧公奏議

卷七

七

官兵調度不靈遲違觀望臣恪遵新奉明旨鎮道副將叅拏參遊而下立正軍法不少貸也今將陽和兵備道臣呈報到節制五營將領千把等官并百總隊伍兵丁互相保結及各軍令狀一咨送兵部立案一存留臣衙門照行若三鎮總兵官及其鎮標兵將臣已專差守取并發款式與之取到即當達部另疏報聞再照標營新舊官兵共一萬員名題奉欽依經制五營各官兵一千九百員名又轅門官丁五百員名先據道將詳報盡數募完勤加訓練盛甲器械數月來粗已整備日前如遇諸邊有警除轅門官丁及標兵留防陽和鎮城外隨臣

東援西剿者爲數實可七千亦成一旅矣至領兵職名中營係總練副總兵白安左營係參將劉欽右營係參將馮舉前營係新題遊擊管參將事朱尚義後營係新題遊擊管參將事李昌齡五弁雖非上選而勇畧俱自過人今日將材極難是卽鐵中錚錚者微臣鼓而用之堪收一臂之効但營伍初定覆奉明旨中營改總練副總兵衙門左右前後四營改參將衙門臣前疏請改給關防已蒙敕下該部并乞聖明申諭速給施行謹奏

崇禎十年四月十五日

明大司馬盧公奏議

卷七

天

選用奇兵疏

題爲精選奇兵專備劫營剿禦事行據宣大山西三鎮守巡兵備等十邊道呈報蒙臣憲牌前事照得用兵貴在出奇剿宜於夜劫蓋人日肆搶掠殺人每到三更更時熟睡誠得勇敢兵丁身軀矯健舉步輕捷善於登高涉險晝伏夜行者潛入其營奮力砍殺并暗取其馬匹弓矢此制良策不可不急爲講求也但此等兵丁須平時挑選教練務使手足利便膽氣充足心志堅強呼吸靈應以供臨期之用爲此牌仰該道官吏卽便轉行協路將領及守備操防管官各照本管軍兵每百人中精擇一二名開具姓名年貌籍貫限文到十日內繇道類報前來道丁亦百人選一同將備等官所選一併冊報仍要明白曉諭本人專用以偷營劫寨能夜殺及暗取其弓箭馬匹一照功級陞賞其有被損傷者分別重輕從優卹錄尤在各軍兵自願承認方爲得力選定之後照常在本營路城堡食糧操防遇警提用每名每日加給銀三分事關軍機慎毋違錯緣此又蒙臣憲牌同前事案照牌行各屬挑選勇敢兵丁遇警加糧提用原文開載已詳但前行百人選一各堡自派守墩臺而外現兵有不及百人者又當通融酌議今將小

明大司馬盧公奏議

卷七

九

堡軍兵每五十名挑選一名數至百名則一名兩名隨
便總之以精選適用為主該道逐名查驗先具姓名年
貌籍貫冊報若提操調用除每日加糧三分併計功重
賞外另行優待該將備不許借端科派幫貼如選報得
宜鼓舞有法卽以定本官之能若違玩因循苟且塞責
亦決不姑恕至各兵丁果能獲級仍錄本管將備之功
一一題敘理合再行申飭催取爲此牌仰該道官吏速
將前項奇兵加意遴選設法鼓勵刻期彙報慎勿少延
蒙此各將協路城堡將備操防等官所轄軍兵如數挑
選冊報到臣除臣於行邊閱視之日就近覆加查驗授

明大司馬盧公奏議

卷七

三

以機宜鼓勵備用外謹照勢日強其情叵測邊庭積
弛戰守兩虛今日文武將吏凡官於宣大山西者必能
保其五年不來錢糧按時取給以三年生聚再益以兩
年教訓且須在事各官久任責成臂指相依一手做去
夫然後計戰計守可漸張捷伐之威今何時也政如以
貧病凍餒之夫守孤邨僻壤而居敗棟頽垣盜賊虎狼
環伺左右豈非救死不贍者乎臣識見短淺才力庸下
將如何而可卽口來于各路邊堡之守兵標鎮該協之
戰兵頒發規條申明賞罰枕戈刻責心口交加臣不敢
絲毫不實做也但臣所能爲者守兵責以必守如不能

守則朝廷三尺隨之而守之堅瑕臣尙不能必也戰兵
責以必戰如不能戰則朝廷三尺隨之而戰之利鈍臣
尙不能必也至欲責戰兵以守守兵以戰其勢必兩相
需因而兩相誤蓋兵以靜勝以專勝夫靜專之謂則戰
自戰守自守之謂也皇上神明天縱於宣雲兵力洞照
無遺臣何敢多控惟挑選奇兵一節抽百人之一二取
額餉以資生平時分駐信地操防遇警檄至軍前調度
入虎穴固危自願則非爲強劫營豈易用奇則不在
多斯亦制一善策也惟是撫馭不優則意氣不奮賞
賚不厚則心志不堅果能夜入營割壯級應照當

明大司馬盧公奏議

卷七

三

陣每顆五十兩給賞以三十六兩賞本兵以十四兩分
賞其本協本路本城堡之兵若能暗取營弓矢卽照
弓矢之價賞之暗取營馬匹卽照馬匹之價賞之而
本協本路本城堡將備操防等官卽以其所選之兵獲
功多寡准與併敘夫然而上下愈思奮矣其各兵臨警
調用日給用糧三分約畧宣大山西三鎮可得奇兵千
五百人每日止費行糧銀四十五兩應於各鎮餉司事
故銀內支給總計月費行糧銀亦止一千三四百兩爾
朝廷寧惜此錙銖不以酬死士乎以上事關功賞行糧
非臣所敢擅便必經戶兵兩部覆奉明綸立定規則臣

與監撫鎮道乃可遵而行之也伏乞皇上勅部速覆施行謹題

崇禎十年四月十五日

起解罪帥疏

臣看得原任宣府總兵官張全昌緣事立功于崇禎八年七月內奉文調赴江北河南援剿陷身賊壘本年十月內臣叨總理之役亦曾補贖糾參其後本官復得生還自當束身以聽部勘昨秋奉兵部起廢勤王之檄全昌領自募家丁北上因聞 退暫止大同此臣未督宣時也及臣至陽和遂詣轅門謁見臣見其所領官丁俱各精銳可用聚之無糧散之不便因勢利導委以募兵本年正月內恭具增練標營事宜一疏已經奏明矣兩月來新標官兵五千全昌所募者一千三百餘員名皆山陝健卒也當年失身是其罪此日招募是其勞微臣就事以獎其功故前有立功之請樞臣追論以究其罪故近有特疏之糾茲全昌募兵事竣告回聽勘奉旨因前案逮治本弁聞報即請就繫祇聽園法臣檄該道差官限本月十八日押解宣府聽撫按給文解京蓋全昌舊宣帥也是以遵旨就近起解不敢稽延統惟皇上勅下該部俟全昌到日查收究擬施行謹題

崇禎十年四月十七日

類報宣邊夷情疏

宣邊于有餘里哨非一處夷非一種報非一時如總係一事而督撫監鎮等報重見疊出則涉於煩煩總在一鎮而協路邊堡等官各自為報則病其隔閡竊謂欲明邊外夷情惟將各路塘報或旬日或半月合而觀之計其時日籌其道里度其情形於以揣量中消息思過半矣臣謹將本月初六日起至二十日止類舉入告焉

案查四月初六日辰時據宣府右衛路革任候代叅將趙之蘭報稱遵奉新行於本月初二日發本路堡官丁三百五員名從膳房堡出口與葛峪柴溝兩路會哨等

明大司馬盧公奏議 卷七

因四月初九日巳時據宣府葛峪路叅將劉永亨報稱本月初四日發本路堡官丁三百員名從青邊龍門等處出口與右衛獨石兩路會哨等因同日又據宣府永安路叅將賀讚報稱本月初一日先發本路官丁二百四十員名從四海台出口又與分監張中軍面商續發通丁張剛等一百名接應會哨等因十一日又據柴溝路副將管叅將事王世任報稱本月初四日發本路官丁共四百名一從鎮河臺一從鎮靖臺等處出口與新平柴溝兩路會哨等因本月十三日又據獨石路叅將薛光允報稱本月初六日發本路堡馬兵三百名從鎮

寧堡等處出口與各路兵馬會哨等因又據懷隆口北赤城等道各報相同本月十七日午時又據宣府總兵官楊國柱內稱職奉旨聯絡哨探除行所屬外又差親丁把總徐有功等帶領漢夷丁二十名從膳房出口哨探十五日酉時據報哨至離邊約一百五十里馬肺山有夷人約二百騎從西南向東南行隨有二夷飛馳向前搖鞭說我們原是西夷不係作歹要來宣府市口買賣等因又准宣府撫臣塘報據張家口守備周洪猷報稱本月十五日有夷人到口職隨分監中軍盧志德查問據稱

明大司馬盧公奏議 卷七

係西夷哈喇哈七慶下一名喚黃吉香艾一名喚克什免從西北地方桃賴起身今走一月有餘到此牽騎馬二百餘匹駱駝七八十隻前來講市等因又據總兵官楊國柱塘報相同十八日又准撫臣劉永祚塘報內稱獨石路叅將薛光允差旗牌白尙用口報十五日鎮安口外各路哨丁離邊二十里與各夷對敵不知其數等因同日又據懷隆道僉事秦德光塘報據永安叅將賀讚報稱十四日據四海台守備柴奇報稱原差坐撥哨丁梁榮等十一名出口瞭哨遇賊夷三十餘名圍住內有認識賊夷沙雞子向問我們窮急欲想求款先將役

等放回報信仍將三名拉去背行李有分監張中軍及
本路原差出哨丁夜呂萬倉等一擁將賊趕散扒山遁
走將剝奪四海長哨衣物三背長哨三名盡棄役等仍
四散追趕各丁俱有射中賊夷得獲達衣三件夷箭六
枝俱有番字可証口袋四條大鍋一口鞋帶一條箭籠
一箇椰瓢四箇等因本月十九日又准宣府撫臣劉永
祚塘報據獨石路叅將薛光允報稱十四日鎮安邊外
地名三道川瞭見賊夷數十名從東往南行走又鎮安
堡夜不收李忠口報邊外哨丁遇見賊夷對陣職卽督
兵與總鎮標下領兵守備康有德等合兵一處出口追
剿有龍門所哨探把總杜中元統兵一百五十名往北
分哨瞭見東北山上有賊夷二百餘騎撲來我兵用鎗
炮弓箭射打傷夷賊最多等因到院除飛飭沿邊衛口
聯絡遠偵相機截擊外理合塘報等因同日又准宣府
撫臣劉永祚塘報據張家口守備周洪猷塘報夷人七
慶把什歹成恰等稟稱原係歹成下部落先年在本口
互市喫賞屬夷自崇禎元年插漢到邊與各台吉爭口
子在大青山後撕殺將歹成下二官叫解生台吉被傷
有各夷奔投哈喇哈王子下屢年在大同殺胡堡賣馬
因順義王下夷人做賊偷馬又虧價值想起先年張家

明大司馬盧公奏議

卷七

三

口市賣公平騎牽馬二百餘匹乞市等語看得七慶把
什等尚有本堡年老長哨認識委係先年領賞夷人但
離邊已經十載恐有狡詐等因到院看得各夷叩關乞
市其情難測如果係賣馬則實爲我利但眞僞難以遽
信除一面嚴防再行確偵詳審外理合塘報等因又據
總兵官楊國柱所報相同本月二十日又據懷隆道僉
事秦德光塘報據永寧路叅將賀讚塘報據四海冶守
備柴奇報稱探役高月等十名在廟兒梁坐撥十六日
巳時瞭見夷人五六十名衆人見役瞭見遂登山一
夷會說天朝話問役等你們黃通事在不在未曾回答
又說前番傷了你們人不是我們不是原是你們先動
手我們現在薊鎮喫朝廷大賞不肯與你們爲警如你
們與我和好還與你們守邊探聽東消息等因本日
又據分守口北道右叅議賀鼎塘報據張家口守備周
洪猷報稱本月十八日蒙總兵本道中府并本路許叅
將屈同知齊到後牆瞭見騎馬夷人七名匹至墻下問
係克什免等來打聽示下見卑職在墻上隨喚七慶把
什歹成恰等二十五名前後三十二名據稱乞討開市
明示等因各塘報到臣該臣看得宜邊自本年四月初
一日迄今二十一日屈指兼旬矣前此將備株守各邊

明大司馬盧公奏議

卷七

三

堡墩臺一堵之外全無聞見近來哨法節奉明旨嚴飭復經部覆申明於是而總兵有哨協將路有哨守備操防有哨東至南山永寧西至右衛柴溝等處所在與地爲鄰各哨丁分頭而出亦所在與各夷相遇及查永寧路察將所報哨丁遇夷奪衣并賊夷沙雞子等窮急求款情節在四海口外其爲教目無疑卽該路十六日續報廟兒梁瞭見夷人自供在薊鎮喫賞不肯爲讐等語可驗也總兵楊國柱親丁把總徐有功等所報夷人二百餘騎從西南向東南行自言不係作歹要求宣府市口買賣情節在膳房口外其爲殺胡市夷無疑卽張

明大司馬盧公奏議

卷七

天

家口守備周洪猷續報西夷七慶下黃吉香艾克什免等牽馬二百餘前來講市可驗也至獨石路察將薛光允所報鎮安口外哨丁離邊二十里與各夷對敵隨後有龍門所哨探把總杜中元等用鎗炮弓箭射打各奔山林未知是何部落而該將亦稱爲教目此亦近似蓋獨石龍門係宣鎮中路永寧四海則宣府鎮之東路而膳房張家等口則宣鎮之西路也詳考先年撫賞時屬夷史大官等在周四溝邊外東夷兀愛等在龍門所邊外哈喇慎黃青二把都哈不慎白洪大教目等在鎮安青泉邊外大把都威兀慎等在馬營君子堡邊外黃台

吉各部落在葛峪路及張家口邊外永邵卜阿速七慶擺番兀慎等部落在右衛柴溝等路張家膳房等口邊外迄今時移事改各夷遷徙不恒部落名色亦異無從細查總之勢口橫一切零夷在我當隨機應變廣示羈縻以分黨殺其勢不宜盡驅而爲用致耳目日多羽翼日衆我且剿不勝剿而防不勝防也卽如教目一夷受賞於薊作歹於宣終非善著明旨屢言論警萬意原自深長臣移行撫監鎮道從長確酌迄今尙無成畫總因功令森嚴夷情反覆故邊臣不敢自主據臣愚見今日惟當一意辦而以守四夷柔遠人之道待

明大司馬盧公奏議

卷七

天

諸沿邊部落是或安邊一策也臣向因奉旨會議修邊及宣東時有零警尙未西行近日又爲宣鎮各路夷情瀕行暫止但雲晉之行亦不可緩轉盼草青自五月以至七月尤當緊防至專力宣東目前喫緊機宜在教酉則陰陽順逆可慮非剿卽撫在西夷則往來乞市宜防非拒卽許總之兩言而決耳若遲疑不定使伏處陵後者終成肘腋之奸搖尾臨邊者反作門庭之寇非計之得矣伏乞聖明勅下該部科從長確酌務要畫一之議請旨行令臣等遵奉施行謹題

崇禎十年四月二十二日

嚴實三鎮邊備疏

崇禎十年四月十七日據大同總兵官王樸呈稱遵照
憲牌除軍令狀依式行據各將具到遵限一弁類繳外
所有本職下馬步戰兵一萬一千員名皆係挑選練就
驍健人堪殺賊並無老弱所部將領如李居正刁明忠
郝崇允焦延潘鳳閣蘭應魁俱係敢勇戰將本職統之
惟令是聽等因到臣又據宣府總兵官楊國柱稟帖蒙
臣憲牌前事因營伍初經訓練又分防懷來健丁二千
五百新經歸併一切領兵各官尚須確覈另報等因又
查山西總兵官王忠赴豫援剿稱病日久其部丁剿賊
失利謀逃臣不勝爲之扼腕旋接山西撫臣吳姓及分
監臣牛文炳揭帖知撫監二臣多方論輯是以回鎮兵
丁及沿途所過幸無大害然而三千銳卒今回者止於
強半衣甲械馬亦多化爲烏有三韓設有緩急其將何
所恃哉況晉省邊腹地寬去陽和復遠臣方苦於邊長
不及而大帥之兵一旦以遠征潰敗彼中雖有監撫諸
臣能以空拳辦大平乎總兵官王忠入豫印口口稱病
無心剿賊并無心馭兵使其身在行間和機調度卽潰
敗亦豈至此人臣委身事主一至專閫登壇輒想抽身
退步委君命於草莽以軍旅爲嘗試微臣實不能爲忠

明大司馬盧象昇奏議

卷七

三

解也目今三鎮之兵在宣府則以前帥積積之後簡練
方新在晉兵則以病帥委轡之餘收拾未易止雲鎮一
旅連年整擷業已就緒可觀今將取到大同總兵官王
樸并其閫營將領兵丁保結軍令等狀咨部立案宣府
總兵官楊國柱俟報到另咨若山西總兵官員缺尤宜
速推謀勇堪任者刻期受事使之撫馭悍卒整頓殘兵
庶巖疆有賴也懇惟皇上勅部查照施行謹題
崇禎十年四月二十五日

明大司馬盧象昇奏議

卷七

三

籌議用款疏

奏為微臣西閱大同途次屢接部咨用款款卜俱係籌邊喫緊著數一面會行一面馳奏事該臣於四月二十二日恭具類報宣邊近日夷情一疏隨於二十五日西行蓋恐時踰仲夏塞草青深勁窺宜多在五六七等月故急急於雲晉之行以便回頭東顧也乃旬日來連接兵部咨文一為密奏事一為密報事一為驚聞皮島潰失事一為偵探夷情事一為遵旨具奏事無非為併併鮮侵島入口堪憂而明款閃爍於宣薊卜哈乞市於宣雲邊庭大計所關務求確畫長筭樞臣籌度業無

明大司馬盧公奏議


卷七

三

道情明旨申嚴更為詳切併微臣類報宣邊夷情疏此際想經部覆得旨矣總之防款剿款不若用款而用款之機宜非薊宣合做不可雲市宣市同歸一市而通市之機宜非宣雲合做不可詳味樞臣先後所議萬意深長然恐非將備等官所能了當也廟堂注意宣東若此臣今介馬驅馳若赴晉邊去宜益遠茲閱完大同邊鎮即當返轡東旋與薊宣督治監撫諸臣共圖長策一面已馬上差人密會確議相機而行大抵今日事勢應以全力制其餘部落即叛服靡恒中情叵測其性固然廣示羈縻嚴為備禦要在邊臣之操縱爾至刻下宣邊


夷情聽監守撫鎮諸臣就近奏報臣現赴雲鎮殺胡威遠沿邊一帶一應塘報難以即達謹併題明統惟聖明睿照謹奏

崇禎十年閏四月初三日



再陳卜哈情形疏

該臣於上年十一月內因卜孽投



開一面以待之臣與撫監鎮道諸
載雲境粗安然未嘗費朝廷金錢如向來撫賞故事也
不過就馬市一節曲示羈縻爾而招來哈馬實始於樞
臣楊嗣昌督宣之時昨歲秋冬雲鎮官兵入援大同空
虛實甚西哈又擁馬二萬餘騎健夷七八千人臨邊乞
售人情不勝疑慮焉撫臣葉廷桂諭警得宜使遠人遂
通市之願中國收雲錦之羣其作用可謂與舊督相成
也然賣馬者哈而卜實借馬為緣以有求於我乞款者

明大司馬盧公奏議

卷七

語

卜而哈實因市為利以仰望於我此輩犬羊其性不止
饑附飽颺亦善乘瑕鼓釁從來馭夷察微知著見影思
形防其漸也以臣愚之所揣摩合之鎮道將領之所籌
度又採之通官夷丁之所指陳僉謂哈夷原有兩種東
哈勢寡而弱近附西哈勢衆而強遠抗然去
中華萬里據稱販馬之役經行三月始到雲邊十數年
前為插酋大眾所阻故不得自通今聞漸徙而東離雲
邊可六七千里其數以二三十萬計此近時西哈之情
形也至卜部先併於插酋亡而兩卜孽如省吉木那兒
木二台吉者今已歸其故巢駐牧豐州灘歸化城等處

離雲邊止二三百里間此酋男婦老少亦有二萬餘人

就中強健者五七千有馬者一二千每當哈馬到時從
中說合每馬得牙用二三兩不等以此為利其猾者時
時收哈零馬以其間售之口上得價倍焉此近時卜部
之情形也夫中國之於夷狄以大勢權衡之則凡非我
族類欲其分不欲其合欲其弱不欲其強欲其遠不欲
其近而計及於伐謀伐交用奇用間又自有機焉有勢
焉有時焉隨機應變審勢利導因時制宜邊庭之事可
得而言矣之強也先併金白二酋次併三十六夷又
次并吉囊并插今復并鮮東自鴨綠西至賀蘭塞外山

明大司馬盧公奏議

卷七

語

河皆隸其版至於內地好人為之用者且實繁有徒年
年入內處處長驅九邊於是乎苦無寧日今所存惟哈
耳惟卜孽耳哈足抗而利中國之市故未與之合
目無卜而卜又以其先俺答四十年恭順懷中國
之舊竊處豐灘然謂哈始終不與之合此轉盼不可知
者也謂卜始終不為我患此亦轉盼不可知者也惟是
兩卜孽於去冬乞款自願守邊曾諭以探報中消息
未見有何的音但逼處一牆之外半年未動邊塵彼方
自謂恭順我實無辭以絕之至於零收哈馬以射利坐
得牙用以資生總是窮夷行徑無足異者聞邇來西哈

亦已覺之願赴口自售不藉下夷但哈遠下近絕之太甚必從中生奸任其把持亦長彼驕志所當撤行鎮道將領今後市馬若到哈來徑與之貿易下至亦聽其關通如秦犬豕使之半飽半餓總棧不已在我則陰爲防範陽示羈縻斯馭下一道乎若西哈衆至二三十萬勇悍過其地苦寒其性樸野所仰望於中國者茶布銀錢之外了無他志賣馬一匹得銀數十兩半易茶布以歸於我中國實有利無害近聞欲梗其賣馬頗有憤心我若於市馬之間稍示恩信勿虧其價勿爽其期則臣前疏所云因下聯哈用哈制其機關端有在也

明次詞馬盧公奏議 卷七

近而哈遠遠款近攻是或馭哈一道乎總之馭下與哈須在分合之間馭哈與須令有分無合藉下備不足驅下投有餘下與哈不卽不離而操縱在我矣因下聯哈不過發端用哈制另有究竟哈與相抗相傷而勝勢在我矣微臣識淺才庸本非邊料勉肩鴻鉅日夕焦思凡有一得之愚輒不勝誦沾沾盡行傾瀉以聽廟堂採擇不敢自謂其言之當也臣今適至殺胡據守邊夷人叩稟謂六月下旬哈馬可到其向張家口與向殺胡口則未可知此輩之來防之宜密待之宜寬應之宜速則彼遂意中之欲我無意外之虞以我用夷

以夷攻夷伐謀伐交用奇用間皆寓於此向後開市或在殺胡口或在張家口或兩口並開從夷之便倘俟臨期請旨恐有稽遲伏乞皇上勅下兵部先時酌安行令臣等遵奉施行庶可相機操縱於以馭安邊也謹題
崇禎十年閏四月初七日

明次詞馬盧公奏議

卷七

七

再陳屯牧事宜疏

臣於去冬受事卽恭具屯田種馬一疏蓋謂屯政弛而軍貧馬政弛而軍弱有關於邊庭大計也敷陳屢疏拮据半年屯務粗已就緒矣一切借本經營臣具移會撫監董率道廳事事實做通計宣雲諸屬前後措發過屯本八萬零未敢向內庭呼籲臣亦自率標兵開屯萬畝以爲各屬榜樣在道臣奉行最力者爲分守口北道叅議賀鼎陽和兵備道副使寶可進大同兵備道副使聶明楷在廳官奉行最力者爲大同東路同知鄭獨復大同中路通判陰德顯宣府下西路通判綦廷陳其他有

明大司馬盧公奏議

卷七

奏

奏

可借然亦須與俵馬買馬市馬參觀年來馬市不通專靠俵解與夫邊腹地方購買以州縣俵解言之每馬一匹額編銀二十四兩其實民間買馬不啻加倍而有司僉派印烙馬戶費更不貲及自州縣解之同寺同寺發之邊庭料草盤纏倒斃瘦損又難更僕數也以各鎮購買言之每馬一匹須價三十餘金數千里往還倒損十嘗一二併沿途費用每馬約費五十金兩者皆不及邊方自種爲省蓋馬駒一匹三年可以騎征約其牝牡料草之資每匹止用銀二十五六兩又免僉解跋涉之艱難臣是以有種馬之請也今馬市開而此法可姑置不

明大司馬盧公奏議

卷七

奏

奏

旨另疏詳數課成事而殿最之亦不敢以虛文塞責也
謹題

崇禎十年閏四月初七日

明大司馬盧公奏議

卷七

單

請停禁止樵採疏

臣竊見宣大山西各邊一墻之外樹木陰森草薪茂密而墻以內則童山赭土一望平沙束草三分擔柴百錢如此其實也昨冬自出居庸關卽詢之宣鎮沿邊軍民何不出口樵採曰有禁再詢之邊堡將備何不出口樵採曰有禁及抵陽和見臣衙門設有樵採木牌其來舊矣標營將士與附近居民每月出口數次皆負薪曳木以歸地方稱便焉查宣禁始於崇禎七八等年蓋向來任宣者慮軍民出口不便故特閉之然亦未奉明旨乃不旋踵而人遠近皆莫之知是一墻之隔邊口之閉

明大司馬盧公奏議

卷七

單

止自障其耳目爾夫祖制邊墻之下多留暗門政如人身之有孔竅人身不因風邪易入而閉塞其五官且風邪亦不從五官入也陽和城隘新增標旅五千苦無棲止臣爲之建造營房千間計需大小木植二三萬根皆採之口外經月而辦亦可省公帑二千餘金況乎邊堡貧軍每月出口四五次所得薪木便值銀二三錢卽謂之活命之膏可矣是故樵採之便有五資貧乏之生一也壯軍民之膽二也城堡修築就近取材不糜公帑三也出口人多可佐哨丁之所不及四也使邊外無長林豐草到處爲人駐牧之場五也此事雖小頗有關係

不敢不上告聖明或一體允行或尙須部酌統惟睿鑑
施行謹題

崇禎十年閏四月初十日

明大司馬盧公奏議

卷七

望

遵旨照款再奏疏

該本部題覆宣大山西督撫鎮各回奏前事奉旨據奏
宣鎮所報戰兵較大同少五千有奇東西二協駐防兵
內作何練戰爲守鎮威火器兩營臨期作何調度亟宜
預籌責成山西健丁著九世祿星速收拾整頓併西路
客挑戰兵平時作何合操有警堪否剿禦亦須殫心料
理又除南山厚兵固守外保安蔚州等處馬水金水紫
荆白石龍泉固關等口作何截殺扼防策援及督臣視
勢輕重相機調度戰守事宜還著照款責令明確另
奏以便責成欽此欽遵備咨到臣隨飛移三鎮撫鎮各
照款登答徑自回奏仍揭報臣參酌類款去後近該宣
大撫鎮已經具有疏揭前來山西撫臣吳姓相去較遠
山西總兵官尤世祿現行嚴催赴任料理不能久待謹
將微臣調度戰守事宜照依部議列款回奏

明大司馬盧公奏議

卷七

望

一樞臣原奏宣大山西三鎮切近陵京畿輔僅隔一
山行令三鎮巡撫總兵自行條答將實練戰兵幾枝
某將統領策應確具職名兵數奏報立案仍一面報
臣聽候臨期調遣查此款各鎮前奏已明惟宣鎮戰
兵比大同少五千五百又鎮威兩營火器三千未定
分信戰守樞臣是以駁議今據宣府撫鎮揭稱宣府

城大撫標及城左城右鎮奇四管其官兵五千八百十員名俱派城守堪戰者實止撫標一千鎮標五千并東西兩協練戰爲守撫鎮業已自認責成又分監鎮威兩營共兵三千據稱相機調遣則亦戰兵之數也職名具在分晰旣明惟當晝夜簡練圖維務期實濟伏候聖裁

一樞臣原奏謂各鎮將領兵幾枝堪否搏戰聽臣先期約束分明遇警分派駐防截殺臣前屢疏業將陽和標營并宜大兩鎮總兵官所部將領戰兵職名數目保結軍令等狀已經一一咨部立案又將南山柳

明大司馬盧公奏議

卷七

四

溝永寧懷來一帶大同山西等處馳援邀截事宜詳奏訖今樞臣謂惟有保安蔚州等處當西南窺犯馬水紫荆之衝議調大同兵馬迎頭截殺等畫甚周該臣覆查得若窺宜邊如居庸南山一帶關內關外兵力足以扼之勢必折而從鷄鳴驛新舊保安等處窺金水馬水稍南則從西城蔚州廣昌等處窺紫荆白石再折而西南則從渾源應州等處窺龍泉固關臣前疏所謂大同總兵官徑馳宣府近地正以扼西城蔚州一路也山西總兵官徑馳大同近地正以扼渾源應州一路也若宣府撫鎮提兵永寧柳溝

則照管新舊保安亦近總之三鎮戰兵首尾環應而臣標隨處策援庶爲得之至預儲行糧安頓主客宜專撫道各管信地經理而知會薊昌兵馬內外夾攻則臣事也伏候聖裁

一樞臣原奏謂越過宣府直入馬水金水等口越過天同直入紫荆白石等口踰過山西直入龍泉固關等口各鎮兵馬該從某路策應該臣覆查得如踰宣府而入金水馬水則保安蔚州其要道也踰大同而入紫荆白石則應朔渾源其要道也越山西而入龍泉固關則忻代太原其要道也所謂越者蓋指

明大司馬盧公奏議

卷七

五

本鎮之兵力不能扼而言也夫旣不能扼之於前必須襲之於後及查保安蔚州應朔渾源太原忻代皆平行之區無險可恃倘由保安蔚州入金水馬水則大同鎮兵扼於前宣府鎮兵襲其後倘由應朔渾源入紫荆白石則山西鎮兵扼於前大同鎮兵襲其後倘由忻代太原犯龍泉固關則山西省會腹裏之兵并會寧武鎮兵從徑路扼於前而大同鎮兵仍襲其後至龍固紫馬白石金水等口亦如居庸形勢內險而外夷必須薊昌眞保之兵扼險於內而後宣大山西之兵可策應於外若恃外援或疎內備此不可幾

之數也至■大勢盡趨山西臣卽督標旅并雲晉之兵合力往剿宣大撫監一意居守緊護南山總兵官楊國柱自當率其五千健丁相機追截扼擊務使其衆進不能深入內地退不敢回犯宣疆方爲得策伏候聖裁

一樞臣原奏若■勢不多止在三鎮臨邊出沒搶掠各該撫鎮必須設奇殲盡預絕內窺之端總督大臣應照楊博所議止當保固陵京防護南山不得輕易西馳致失東備蓋權緩急輕重而言之也除臣前疏詳奏外臣疏內言東西分犯臣惟專顧陵京宣雲並

明大司馬盧公奏議

卷七

吳

犯臣亦先悍宣鎮若■去薊昌遠并去宣鎮亦遠大勢具入大同山西臣卽隨時審勢督兵而西兼顧雲晉此意原相發明今樞臣覆議總督標兵正值護陵時節不可輕移策應如係大舉分股入邊東西未決雖或聲勢重大撫鎮力難盡殲總督理須策應卻要保護南山萬全不可倉卒西馳蓋以塞馬如風苗頭雖見於西未必不折而東我須逸以待勞靜以制動萬不可爲其所誘顧彼失此少失輕重之宜宜可謂長慮深籌矣臣當一一依照而行又樞臣覆議若我穩護南山■來窺犯不止則合督撫鎮之兵據險設

伏相機出奇彼時薊遼關寧兵馬調到又可助陣摧鋒如果■成功朝廷不惜超陞大賞以酬文武用命該臣覆看得■入宣邊臣與宣鎮撫鎮皆專力懷末柳溝南山昌宣兵力旣集■非由宣之保安蔚州窺馬水一帶卽由雲之應朔渾源窺紫荊一帶彼時大同鎮兵必如臣前議先期馳至宣府近地以扼保蔚山西鎮兵先期馳至大同近地以扼應渾若入雲晉薄忻代太原大同山西鎮兵各力戰守臣躬提一旅督剿宣鎮官兵繼之三鎮之兵首尾務要相近相顧如有遲違觀望敢懷二心者法無赦至決戰之說亦有機宜倘■入邊內我兵未集宜用設伏出奇之法若我兵已集■來不止宜用合併羣力決一大戰之法如敢掠東西南三面飄忽馳突又當隨宜分合彼時三鎮之兵或前茅或後勁或中權或左右翼畢竟權難預設又或暗遣夜劫奇兵或懸募義勇零剿或調別鎮之兵邀擊或用堅壁之法制之總之心志和而事權一天下事原有可爲微臣調度之伎倆盡此矣伏候聖裁

崇禎十年五月初七日

明大司馬盧公奏議

卷七

吳

塘報緊急情疏

本年五月初九日准大同撫臣葉廷桂塘報本月初八日未時據署右衛路參將康鎮邦塘報本月初七日午時有夷人擺獨賴上麥痕恰等稟報哨至張家口東北二百餘里地名速速哈喇挑落害高山頂上瞭見二三百里外地方名輕哈有大營兵馬烟塵屯聚不知是誰家人往何處去雖不在宣府地方瞭見不得不報等情到路轉報到職看得謀犯見於薊遼回鄉所供今據夷人哨報有烟塵屯聚其地約在薊鎮中西協兩界其突犯或東或西或東西并犯皆未敢必除會鎮守

明大司馬盧公奏議

卷七

四

王樸整戈待戰仍行沿邊道將嚴加隄防遠哨如有別情星馳飛報理合塘報等因同時又據大同鎮臣王樸塘報相同該臣照得五月初七日先據宣府總兵官楊國柱所報關寧哨丁瞭見騎從老河沿西行踪跡有三四里寬看係大舉之形入犯薊宣之路隨經塘報兵部并嚴飭各邊今大同撫鎮所報下部守邊夷人於宣府邊外東北遠瞭有大營兵馬烟塵屯聚此正與薊宣地面相對的係大舉情形且關寧大同相隔二千餘里一時所報合符宜即萬分隄備臣已先發標下前後兩營官兵二千五百員名預防懷永以壯南山警援臣今

復介馬馳至宣東查飭南山一帶至標營步騎及各鎮兵馬未便輕易調動已行撫鎮道將各為准備再俟確報聽令馳援理合題知

崇禎十年五月初九日

明大司馬盧公奏議

卷七

四

標旅分防南山疏

臣謹照騎西行屢見於關軍前遠宣大各塘報不可不時戒嚴而宣東關係更重已遵旨飛移監撫弁撤鎮道共效綢繆諸臣仰體聖意咸切枕戈待旦之思臣復先於五月初一日遣發標下前後兩營官兵二千五百員名為防護南山計前營遊擊朱尚義領兵一千二百五十員名於初十日分駐永寧後營遊擊李昌齡領兵一千二百五十員名於初七日分駐懷來此兩處皆南山要地一有警息呼吸可以應援且兩營之兵雖新經募練年力俱係精強器械頗稱整備緩急亦堪資一

明大司馬盧公奏議

卷七

手

臂者至各兵自陽和抵懷永約五百里每兵應日支行米一升五合臣前疏止議給一升實以公帑空虛稍從節省耳業奉有懷永防兵行糧於召買客兵糧內計日支給之旨此時青黃不接米價高騰召買難轉輸未易每兵量給折色銀二分聽其自買飯食姑留本色供臨期剿禦之需亦便計也本月十一日臣自陽和東馳十五日至懷來十七日至柳溝謹將南山主客戰守之兵親為閱視簡練指授防援其諸未盡事另咨詳酌入告統惟睿照施行謹題

崇禎十年五月十六日

南山修築墩臺疏

臣自五月十五日抵宣東安插標兵於懷來永寧等處仍備歷柳溝岔道灰嶺口張家口大山口一帶討軍實而申警之總以南山為陵京外衛宜萬分緊嚴東自火炤山西至合河口凡二百二十餘里無處非通皇陵孔道也墩臺瞭哨節經撫監諸臣查飭非復向來委頓之形至壕塹烽臺等工該撫道亦殫力經營版築伊始但需費不貲微臣前疏請發三萬金以二萬濟宣以一萬濟雲已經兵部先發其半撫道諸臣得以措手大有造於嚴疆矣此時實地工夫宜權緩急故邊防無地可懈

明大司馬盧公奏議

卷七

至

而兵馬錢糧有限自當先儘南山然即就南山言之應補救者非一事應參酌者非一端也謹查南山一邊以柳溝為中路自柳溝而東直抵火炤山凡九十餘里半係平原半屬山險土築臺垣雖似有似無若斷若續而守軍猶有憑藉之資自柳溝而西直抵合河口凡一百三十餘里皆漫坡也柳溝至岔道二十里又岔道迤西十五里沿邊尚有土墻從此至合河口凡九十餘里則地脈平行臺墻俱無矣臣策馬周觀悉其形勢此地尤宜慎防且岔道迤西有大口徑通石匣峪合河口近地有間道徑通蘆溝橋此皆不繇關門可以直闖內地而

前此所隄防不到者撫臣劉永祚前疏請築臺二十座每座設軍五十人守之其慮甚周其見甚遠而懷隆道臣秦德光料理有方延慶州知州宋應鰲督工勤勵計六月終旬可以就緒但百里衝邊建臺二十猶患其少每臺一座用軍五十復覺其多臺建矣軍設矣而迢遞崗巒汲水於數十里之外遇警必至坐困平時亦難安插凡此數事尙費調停臣觀岔道而西合河而東原有土築臺牆舊存遺址近墻壕塹亦隱隱在焉時日雖不可考大約在百年上下者想亦因工費之多汲道之遠墩軍難於存割邊墻難於落成遂中輟耳時至今日邊

明大司馬盧公奏議

卷七

五

牆既不能築倘無壕以阻騎又無水以資軍終非全策臣已撤行該道廳急急爲濬溝鑿井之計更於壕臺相隔寫遠處所相其地形因其舊址再建土臺數十座以聯絡之約畧臺工壕工所需不過數萬然在現估工程之外容臣等一面舉行一面續請年來公帑告竭經費宜籌惟是封疆所係於萬不容之役自當竭蹶以從況此數萬之費以視大修邊墻百萬千萬何啻倍蓰臣等實爲其易且急者正難言節齋耳至於鑿井供軍亦是目前急務每墩臺三座用井一眼約需井十五六眼差足供諸軍取汲焉但山原高燥募夫濬鑿深至三十餘

丈始見水泉每眼約費三四十金此當搜括設處以爲之者也其他因時補救隨宜彙酌款項尙多臣當每事列爲一疏上告聖明自盡勿欺之心勉圖一得之效非敢爲口說之騰也若夫邊外情連日未有確報向者大同守邊夷人瞭見大營烟塵之說豈屬無因臣揣量之年來入犯每於離邊四五百里之外草木叢深茂密之區飽秣乘瑕飄忽以至在我寧過爲隄防臣故以修築之役專責道廳偵探之役專責將備果其工作早完秋防無警自宜請旨優叙激勵賢勞若董率鮮效偵探不明臣卽隨時據實題參不少貸也統惟鑒察施

明大司馬盧公奏議

卷七

五

行謹題

崇禎十年五月二十三日

邊情疏

本年五月二十六日午時准遼東撫臣方一藻塘報內稱本月二十二日辰時據前鋒右營副將吳三桂塘報云等因到臣謹照謀屢見塘報矣今關寧回鄉劉舉所供馱載貨物假扮西夷窺犯張家口等情此誠時刻宜防者撫臣方一藻誼切同仇馳使千里之遙以其情形見示隨即移行撫鎮并飛飭道將萬分戒嚴浹旬以來臣策馬於紅塵赤日中查飭南山一帶已經兩疏奏聞今當再馳宣之鎮城及西路等處閱視戰兵并整棚標旅枕戈以待區區血忱不敢不竭盡也統惟聖明

明大司馬盧公奏議

卷七

五

照察施行謹題

崇禎十年五月二十七日

請申飭官弁規卸處分

臣維太平之理君主之臣輔之人定勝天從來忠志之士決不冒以致身大義多遜古人是故安常處順艷心富貴功名一遇艱危輒思退步自全保其身家妻子若此者蓋不忠之尤其心事堪誅也微臣自抵宣雲與督屬大小文武諸臣共相勉勵無非報主赤腸天日可矢文臣自道廳而下武臣自鎮將而下亦既剖心相質知臣信臣矣乃退而省諸臣之私踴躍任事者固多憂疑畏避者亦復不少半年來將備等官有病言病無病亦言病紛紛陳乞公牘積煩微臣絕不輕為代題以致人

明大司馬盧公奏議

卷七

五

懷規卸夫使今日之宣大山西猶是昔年之豐亨逸豫焉知湯火陷窳視之者不以爲安樂窩哉惟其勢當極窘時處最難安危在轉瞬之間掣肘有百端之慮卽負氣懷才者且相率而與庸惡陋劣同一消阻瞻前顧後無病呻吟在文吏猶強爲善而不辭在武弁則甘斥逐以圖免封疆之事至此尙可言乎臣今特請明綸嚴爲申飭嗣後督屬二鎮沿邊文武各官有無病而托辭求卸者卽時指參從重究處蓋邊防與腹裏不同自鎮道將領以至守備操防各有封疆責任雖刻刻戒嚴時時拮据猶有呼吸難保之情形若其念在自全無端引疾

則本人之意氣先情軍民之耳目亦頌請之而得徒煩
送往迎來求去不能亦覺費時失事危疆安所賴也果
其真老真病力不從心臣自會同撫按及欽遣內臣據
實從公爲之題請然亦必取甘結以明勿欺如守備操
防告病則取道將甘結將領路廳告病則取鎮道甘結
庶將吏無飾情之請疆場有効力之人時艱克濟矣抑
臣更有真切愚衷仰冀聖明鑒察者夫居官至榮爲善
最樂人非至愚不肖何樂乎以身試法而且以官爲畏
途乃今日衝邊武弁艱難掣肘實有不可告語之情隱
而在宣大山西尤十倍他所臣叨督三鎮譬若治家居
明大司馬盧公奏議 卷七 美

崇禎十年六月十五日

然家督也其家人疾痛利害皆宜明告君父亟求補救
之方此又微臣久鬱之血忱非一言可盡謹另疏指陳
披瀝冒瀆聖慈謹題

乞撫馭滇兵疏

微臣身任巖疆自治不暇居邊而計腹當而議寇是
之謂越俎古人所戒也乃臣昔曾剿賊中原非漫不輕
事者而滇兵則又當日微臣所調追思往事日擊情形
封疆軍旅所關分誼終難緘默竊思寇患於今益十五
六年矣腹裏地方原無額兵額餉要皆取之召募征調
召募則必於就近而中原柔脆之兵遇賊徒滋糜爛征
調則必於遠方而邊關精銳之旅久戍亦漸彫殘從前
可悉數也況以邊兵剿腹寇未盡而生心腹未寧
而邊告急總是朝廷疆圉將急置寇乎抑將急寇置

明大司馬盧公奏議

卷七

美

乎臣自崇禎九年正月十七日到總理侍郎之任本
年七月二十八日奉詔入援在事止半年耳此半年間
歷盡江淮豫楚大小數十戰俘斬六七千奔馳萬餘里
一切兵情民情無不身爲體察悉慮調停故所至之地
士民頗相信諒而邊關悍卒亦幸保無譁然當日餉匱
難支其情亦岌岌矣若滇兵者本非朝廷養之卒又
非滇省額設之兵萬里徵調而來實爲忠義所感乃兵
方入楚臣已北行在事者既使饑疲乏食洵膏多虞及
今撫馭無方究竟如何收拾臣謹以當日徵調始末及
此兵困苦情形據實指陳焉先是崇禎八年九月內臣

自鄖陽移撫全楚彼時豫寇正猖楚省陵藩有剝牀大患節奉增募戰兵一萬之旨何敢玩違顧楚人脆弱目不知兵於是議調於黔蜀滇南而軍旅大事無敢任者適原任高平知縣侯宏文先因監紀晉兵援楚臣見其膽氣可用留之行問本官慷慨願行隨爲具疏題請該吏兵二部覆議加以南陽府推官職銜軍前監紀往滇募兵明旨炳然具在也臨行之日臣滴酒爲誓勗以大義本官無虞懼臣隨時分俸以贍之各兵無安稿宏文又自認設處以充之臣止措發餉金八千八百兩授之本官期以募兵三四千若沿途支用不足再爲接濟而

卷七

奏

明大司馬盧象昇議
此八千八百兩之銀多半皆臣搜括設處非盡正餉也舊樞臣張鳳翼復因關寧薊密之師不便入於內地前後公移手劄促臣召募者不一而足至上年三四月內信愈迫議撤邊兵於是廟堂之上省直之間若闕若黔若滇若蜀俱籌徵調且惟恐調之不來臣惟部咨又飛促滇兵數次夫豈得已哉楚滇相去往還萬一千里而遙滇將龍在田龍爭先及許名臣等非土司卽加銜之弁流兩好義奉公捐貲赴調微臣若在豫楚當爲憑血陳情請旨優異乃不意先期奉命倉卒北援旣經謝事量移勢難遙踰度其兵之騷擾與否不能問也其

餉之匱乏有無不敢知也惟日見豫楚當事諸臣有因滇兵騷擾論劾者有爲滇兵殺賊報功者有謂滇兵乏餉而事勢可憂者有代滇兵請糧而苦無款項者夫臣去婦不言井臼儘可局外相看但蒿日時艱於心何忍頻頻致札於豫楚諸臣早定滇兵額餉又嚴責侯宏文等務遵紀律剿寇圖功本年六月初一日據監紀推官侯宏文及滇將龍在田等稟爲孤忠未達遠戍無糧謹將調到兵馬齎措餉銀血戰功苦據實回報事內稱職等奉檄調募滇兵蒙本部院止發楚餉八千八百兩除先調黔省張平兵一千用銀一千五百兩外職宏文僅

卷七

奏

用本司馬盧象昇議
齎銀七千三百兩至滇聘調土司將官龍在田等又蒙本部院移文雲南李按院轉行雲南布政司那借一萬兩原議募兵三千乃職在田等從公計議流賊動稱數十萬三千兵馬濟得何事情願捐貲報效通計買象買馬及製造衣甲器械并募集土司滇南義勇精銳八千三百有奇戰象四隻戰馬一千五百匹共費過十萬餘金職宏文亦破家料理費過二萬餘金且萬里征途間關歲月兵分三撥戴星驅馳及至楚省苦狀不堪職等止有一身尙存妻子未鬻耳頭撥兵九年八月抵荆州及遇大賊圍場天八大王等攻掠荆州奮力驅除保全

荆屬二撥三撥於十月間陸續到追賊黃麻三帶連
次建有微功又擒巨寇郭三海等掃除中原大患迄今
兵無宿飽馬不停蹄坐餉未開行糧鮮給所過地方圖
得一餐果腹乃在豫推楚在楚推豫從來有十月從征
之兵止支三兩月之餉者乎烏合多兵爲數近萬朝不
保暮何以自存職等百計調停幸免脫巾大禍反以騷
擾見察自念破家徵調無非上爲朝廷今死於兵不若
死於賊死於決裂之後不若死於困頓之時邊遠孤忠
一字一血懇祈本部院轉言於豫楚各臺早爲定奪但
使餉有歸依兵無潰決職等身家性命不足言矣等因
明大司馬盧公奏議卷七
空

止一萬兩也合之僅一萬七千餘兩此外八九萬兩豈
其天雨地湧則宏文在田等變產捐貲之說夫豈虛言
卽今予以厚餉優以級銜猶慮不足以鼓其心酬其伐
而忍苦間關若此能免呼天向隅也哉宏文起家科目
在田世襲土司雖遭逢不偶窘迫無聊自當至死不變
如彼八千餘烏合之衆旣苦無以自存寧不鋌而走險
同爲王臣誰非赤子願當局者慎思之明辨之也至於
騷擾情形亦當虛公衡量夫人終日不食則饑三五日
不食則死安有萬里征夫額餉全無著落行糧供應不
時千萬成羣旦夕難保而不爲亂者年來西告搶掠東
報譁逃朝聚同舟暮思揀亦此係滇兵否乎方今外
內寇廓清戡定無期措餉籌兵廟筭殷憂未已若輕棄
遠征之旅而重傷天下忠義之心臣不知其所終矣如
謂剿寇不應用兵滇兵不應遠調則當處具疏調兵之
人不當處破家應調之人臣願降級戴罪以贖宏文在
田等不然身任封疆者雖欲以羣策羣力効忠朝廷將
來一人不肯應一步不能行矣此豈一身一家之私事
哉伏乞皇上勅下該部從長確議定奪施行
崇禎十年六月十六日

邊情疏

本年六月二十二日卯時准遼東巡撫方一藻塘報本月十四日據署寧前兵備道郎中鄭滂塘報准署都督同知管前鋒右營事吳三桂塘報云等因會報到臣該臣看得寧錦宣雲相去一千四五百里而剝膚大患彼此其之撫臣方一藻每得中舉動呼吸相聞據報此番悉眾傾巢意圖大舉各邊屢奉明綸整戈秣厲在事文武諒無不凜凜承之者然在撫監鎮道諸臣皆有分信責成而微臣一身既須兼顧三鎮猶欲緊護南山今於本月二十七日親督步騎標兵激勵將士從新平

明末詞馬盧公奏議

卷七

查

新河膳房張家等口沿邊而東力圖戰守萬一遇於邊外乘其未入口而擊挫之上也不然分頭並犯臣亦可專備宣東相機出奇權衡於緩急之間以圖一當若京川有警就近聽調馳援總皆便計相應具題伏惟聖明鑒察謹題

崇禎十年六月二十二日

請監軍監紀疏

謹照情孔棘微臣標下戰兵七千并部署宣雲等鎮兵馬專待東援西剿但大兵一動如稽覈錢糧查驗功級撫摩兵丁必須得力道廳緊隨軍前以便責成分任督屬三鎮守巡兵備等道皆有要衝信地難以抽身如在本境尚可隨宜帶理一至應援出境則兼顧愈難查得陽和城東路同知鄭獨復歷俸最深明爽果毅軍民歸心焉論其操持才力綽乎堪任監司河南歸德府通判顏則孔勤敏幹辦志切請纓臣昔剿寇入援本官隨營監紀著有功能屢奉明旨優叙此二官者皆有用之

明末詞馬盧公奏議

卷七

查

選也行間事冗必須一道一廳專為料理若二者不可得兼或止用一道臣或止用一廳官勢不可少伏乞勅下吏兵二部從長酌議如應用監軍道臣則將鄭獨復量加監司職銜以便隨營援剿而以顏則孔補東路同知員缺如應用監紀廳官則將顏則孔陞授同知職銜檄至軍前專備緩急効用統候事平之日各予以相應實缺庶軍旅得人委任有賴也謹題

崇禎十年六月二十二日

題叙募練標兵官員疏

案照陽和標兵奉旨增練五千用資剿禦自本年正月
議兵議餉節經戶兵兩部覆奉欽依臣督道將廳官早
夜拮据於三月之杪四月之初即陸續募完練有次第
以至衣甲器械戰具軍容亦俱經理無缺前此屢疏題
報矣夫衆至五千用土著則無用丁可抽募客兵則多
爲合可慮且查往例尙需安家犒賞而微臣未請分毫
更苦往來驛騷而斯舉並無煩擾計期僅以三月課實
堪稱一旅豈臣一手一足能之總爲詰戎大事特以忠
義鼓人廣示招來嚴爲選汰取資羣力合併經營故未

明大司馬盧公奏議

卷七

奏

營輕費金錢虛糜歲月而勉竣厥事以報明綸此臣一
字不敢欺飾者目今警報方殷秋防甚迫正秣馬厲兵
之日尤課功覈罪之時從前效勞各官倘不一爲表白
慮無以鼓既往之人心示將來之激勸也臣於是矢公
矢慎行該道廳查取各官職名而參以獨見獨知課其
成績以文職言之某以武職言之某以上各官非
係一營之傳宣即係千人五百人之領袖皆能曉語營
伍凜奉規條各竭智能用心訓練又臣標下某或宣
力軍前或典守錢穀均之效有微勞通計大小文武各
官共五十三員均當一體紀錄者也又如節制前營左

部下總吉應龍節制後營右部後司把總曹世望亦臣
受事後新經委用之官初見其騎射頗閑年力正壯是
以用之乃二弁料理兵馬調停步曲全然不知仍當革
任另委其各營千把總有以實授守備管事者有以加
銜守備管事者就中歷任最久效力最多則首稱左營
右部千總馬振麟右營右部後司把總常守泰今常守
泰應加以實授守備調管前營左部千總事頂補吉應
龍員缺馬振麟應加實授守備仍管左營左部千總事
臣於文武數十員之中止議量加此二員少示鼓勵其
餘則止於乞恩紀錄此臣區區一念爲朝廷慎重名器

明大司馬盧公奏議

卷七

奏

也再照白安馬舉謀勇兼優昨歲應援京川血戰功苦
人人知之因援兵騷擾各降三級戴罪管事彼時臣尙
未督宣雲細查當日騷擾原無實蹟且勤王之師四集
未辯騷擾的係何營今二將練兵勤劬功多於過相應
開復以勵新猷若同知鄭獨復入載艱辛事事刻勵資
深勞著爲路廳中第一謹查崇禎九年八月內該吏部
議覆大同撫臣題爲遵旨據實回奏等事內云同知鄭
獨復雖隨按臣出巡無有別項情節第員役索騙常例
不能覺察則馭下不嚴之罪其何以自解亦應降二級
照舊等因奉旨聶明楷實可進鄭獨復著各降三級照

舊欽此乃實可進聶明楷兩道臣以殺胡出口功次開復久矣同知鄭獨復亦在事宜勞之官偶爾遺叙大同總兵王樸屢為詳請臣因事屬已往不應瀆奏而置之今標營募練本官効力居多又如造營房製器具皆資其區畫又經另疏叙明則前降職級所當一併開復為勞吏風者也統乞聖明勅下吏兵二部核議具覆庶激勸昭而人心爭奮矣謹題

崇禎十年六月二十六日

再陳撫馭滇兵事宜疏

微臣於本年六月十八日恭具滇兵萬里應調一疏拜發後即親提標旅畧宣邊而東前疏尚未奉旨適從邸報中見禮科左給事中劉安行一本滇兵急宜安置等事奉旨據奏侯宏文恣淫無忌久失軍心以致亂兵劫掠襄樊剝膚甚慘殊可痛恨著革了職該撫按嚴提究擬速奏新舊理臣務將滇兵處置得宜安插糧餉各有著落陳良訓候代出境不得輕卸疎誤該部知道欽此是滇兵缺餉堪虞聖明業已洞鑒責成處置安插計當事諸臣必深思而熟計之矣惟是土司龍在田等捐貲

應募萬里間關此兵始末情形微臣前疏已悉近日在田又復具呈投控謂前後所費不下數十萬金臣疏止言八九萬者蓋約畧計之耳今之人簞食豆羹見於面即富如倚頓誰肯忘家為國如在田輩者乎且在田天末遠人豈臣一紙檄文可致富日題奉明旨實慕朝廷之德意而來故不借巨萬貲財召集征夫戰騎勿論其果能當賊會否奏功卽此一段忠丹便足令人心折年來大帥偏裨身荷國恩金玉橫腰綸函世及尚多剝軍自潤觀望苟全以視在田等今日何如微臣於此更不能不拊膺三歎也我皇上仁恩普被風勵臣民於官生

士庶之義助者有旌捐輸者有旌然多不過百千已爾至於數萬數十萬又且得之滇南土司而關係封疆軍旅之事使無特恩曠典顯示激揚則從此志士灰心良非細故若監紀推官侯宏文由乙榜起家先任高平知縣崇禎七年晉撫委監李思賢變較等兵人楚初非無端自售但其意氣激昂不拘小節志大言大臣亦稔知特以行間用人原在因才器使彼全驅保妻子之臣苦無富於緩急而後用及本官去其縣正之實缺予以府佐之虛銜經歲從戎並無廩糧膏役且費捐募多金若果自私自利計不出此矣但近來舉動不減情狀實難

明大司馬盧公奏議

卷七

奏

遙悉科臣劉安行非輕易論人者而微臣始終不忍不為代請則以當日具題委用者實臣檄調將兵者亦臣致在田宏文輩破家而來不進不退不死不生者亦臣此輩當日未常負臣臣安得負此輩也即使宏文今日負臣臣亦終不可負宏文也蓋宏文負臣臣應受用人不當之罪臣負宏文則凡兵凶戰危之事人方裹足不前從此愈以臣言為弁矣至於負宏文而因以負滇之兵將使烏合無歸釀釁滋害遠人報效徒累身家海內懷忠負義者必將動色相戒首鼠百端寇旦晚即不然且不可況兵事方殷疆場正當用武之日乎滇兵處

置之法臣有未議凡三一則厚撫該營將吏兵丁早為定給糧餉月餉照省直主兵行糧照調援客兵給發以時申嚴紀律待新理臣之至鼓勵圖功猶愈於再費金錢另為召募也二則簡其精強汰其疲弱覈其原來官目以定去留回滇官兵每人量與路費一二兩仍給糧單計程計日於所過州縣關支其領兵各官量授職銜酌付併行彼處撫按給扁獎勵使得歸見父母妻孥而存留剿賊者一照前款與之行糧月餉威惠並行庶幾去住皆有歸依著落三則各兵來路既遙心多快快或慮留之不便散之復難均當量給以路費併照現在官

明大司馬盧公奏議


卷七

奏

兵馬騾頭匹填給糧單責成沿途守巡兵備道等官各於該管地方加意照管約束亦可了目前之事而免意外之虞非然者此七八千窮困之征夫鋌而走險適藉寇兵轉於溝中亦殘多命臣雖不殺滇兵滇兵由臣而死將向來為國熱腸翻成塗炭生靈之孽案臣安得不為此輩呼天而請命也他若龍在田侯宏文等自用過募兵銀兩及戰象馬騾器械等費雖為數不貲初心本出於急公此日亦難於籌補今惟雲南布政司所給之一萬併臣先發八千餘兩所當作正開銷者在田等作何優異遣還侯宏文應否原情宥罪是在聖明浩蕩

之深恩臣愚更不勝叩頭陳乞矣謹題

崇禎十年七月初一日



明大司馬盧公奏議目錄

宜興盧象昇建斗著

襄平蔣攸銛礪堂鑒定

宣雲奏議

恭報防秋實著疏

覆奏監軍道勅書條款疏

玩弁正法疏

酌請標營馬價疏

請復賞功地租銀兩疏

邊情疏

明大司馬盧公奏議

卷八 目次

邊吏勞深考滿疏

申報現在軍情疏

撤兵回鎮疏

謝恩疏

剖陳工部員外駱方璽叅計臣侯恂牽證口語疏

議覆馬市疏

申訟侯宏文疏

屯政告成疏

經理崇禎十一年屯政疏

遵旨發標兵剿賊疏

保舉教職疏

鼓勵人才大破積習疏

駁部議倖功生事疏

敘典屯有功官員疏

請帑濟軍疏

西閩晉邊摘陳切要事宜疏

詳籌用哈疏

遵旨覆奏雜流武職冗濫疏

謝發帑金疏

夷情疏

明大司馬盧公奏議

卷八

二

明大司馬盧公奏議卷八

宜興盧象昇建斗著

襄平蔣攸銛礪堂鑒定

宣雲奏議

恭報防秋實著疏



微臣於前月二十七日督旅東行已經兩次具疏矣今

月來警報紛紛都無的確惟五月內四五千騎西行

六月中黃泥窪聚兵三萬之說其情近真查黃泥窪則

東西入犯之總途也臣屢准部咨嚴明偵探督飭將吏

何啻口敝穎枯覺協路之兵緩急終未可恃因將標營

明大司馬盧公奏議 卷八

一

選銳悉衆親督行邊不時單騎往來巡查悉飭使各堡

各邊莫知微臣所向若處處有臣身在焉臣標原認戰

兵七千今盡行發出步步爲營東伍頗嚴呼吸聯絡并

使各堡各邊莫定標營所向若處處有戰兵在焉此中

實實虛虛自可隨機運用至各路戰守軍兵及烽火器

械撫監鎮道諸臣皆竭盡心力早夜圖維雖未敢言有

備無患而至其有以待之矣目前喫緊機宜全在清

野蓋宣雲數千里長邊安能裹糧遠涉其飄忽而

來也踐踏田禾隨地掠食此之謂因糧於我反客爲主

况今歲宣雲一帶開屯勸農播種差廣禾黍盈疇臨時

收斂爲難必須先期打算臣介馬周觀塞上曉諭軍民
又列款分條檄道將分頭料理計八月初旬新穀盡登
野無餘粒兵民得食生意漸蘇即大舉於斯時也守
兵登埤禦城戰兵列營固星晝則以遊兵擾之夜則以
奇兵襲之伺其饑疲然後鼓勇悉衆大殺一場此於制
安邊未必無當也臣受聖恩獨踰恒等枕戈秣厲違
顧髮膚年來狗馬之軀素無疾痛頃歷柴溝右衛等邊
忽大疾兩日幾不能起稍進飲食隨策馬行邊五營標
兵除前後兩營久已駐防懷永今中左右三營亦分營
龍門城滴水崖延慶州等處凡陵京外衛布置頗詳似
明大司馬盧公奏議 卷八 二

可少釋聖明西顧之憂也惟山西一鎮撫臣久病大帥
新推兵力甚單而微臣身在宣東又苦鞭長不及鯁鯁
慮之臣羽檄交馳多方誌飭在該鎮道將或能嚴爲之
備爾統惟睿照施行謹題

崇禎十年七月十五日

覆奏監軍道勅書條款疏

本年七月二十七日准吏部咨該奉本部覆臣題前事
議將東路同知鄭獨復加陞按察司僉事管理監軍事
務緣絲奉旨是仍帶降四級住俸三次欽此欽遵抄出
到部送司看得監軍一官事煩責重相應先咨總督詳
查鄭獨復應監某處官軍名數及應管某項錢糧糧節
咨送過部以便開明轉咨該部移會勅房請給并咨禮
部鑄給關防庶免稽緩等因備咨到臣該臣看得監軍
一官有專有暫臣督屬三鎮沿邊額設守巡兵備道十
員爲數不少且各官才品多表表不羣堪爲朝廷當一
面者惟是信地攸分任專責重如遇應援入衛難於兼
顧分身今該吏兵二部酌議如臣所請以同知鄭獨復
加僉事職銜隨營監軍已經奉旨所有應用勅書關防
銓臣慮周闕外移咨覆查臣謹酌定數條恭候覆請一
本官職任監軍凡遇入衛應援臣標原認戰兵七千大
同總兵官原認戰兵一萬宣府總兵官原認戰兵五千
此應監兵馬之總數也山西總兵官新推受事原認戰
兵俟報到再定一督標與各總兵所統戰兵無事之時
俱在本鎮操練諸凡選任營官點驗軍馬稽覈錢糧自
有本地道臣經管無須一柄兩操惟應調援剿臣身所

明大司馬盧公奏議 卷八 三

到一切隨營事務皆應本官承行各官兵行糧料草例該經過州縣城堡支給者責成本官不時查覈清釐毋使混淆虛冒一凡接剿各兵應驗功級應給功票應發功賞及所過地方循撫安插禁約等項事宜皆應本官承管如有遺故兵丁與夫騷擾情弊責成本官不時嚴查揭報務令影射驛騷之弊一清以上三款相應載入勅書之內再照目前報頻聞秋防孔急軍機間不容髮故先事借才以便臨期效用若今歲仰仗聖明之威靈中樞調度於內邊臣拮据於外不至入內或入而堵擊宵奔援兵各回信地則本官無所事事矣邊庭

明大司馬盧公奏議

卷八

四

之上惟屯牧乃富強本圖然非專力經營鮮睹成效臣前擬設一專官領之應卽以本官兼任其事其勅書關防應註監軍屯牧字樣所有駐劄地方及廩糧胥役等項容臣等另議可也至東路同知員缺亦係喫緊之官前疏請以歸德府通判顏則孔陞補蓋因本官向來監紀割禦夙有軍旅之才急欲資其一臂且奉旨優敘資次久宜陞遷爲地擇人輒敢再申前說統惟聖明敕下該部一并允覆施行

崇禎十年八月初一日

玩弁正法疏

微臣久駐宣東晝夜巡查督飭七月二十三日奉到聖諭又飛騎星馳羽檄四出三令而五申之無非欲沿邊將吏嘗膽臥薪枕戈秣厲以待也乃東協永寧路靖胡邊堡係南山最衝臣介馬戎衣馳至其地查東河口守軍六十名止二十七名在焉怠玩異常不勝痛恨靖胡守備張燮提邊把總費自强百般支飾詞窮而後伏辜且費自强原應駐宿本口及暗訪其行踪朝朝暮暮任意往還全不以信地爲事蓋武弁積玩有年牢不可破臣等耳目所到止於塗飾一時纔一轉身而此輩卽

明大司馬盧公奏議

卷八

五

安枕度日矣臣此番親查不繇孔道從延慶州越永寧之龍安山攀木援崖以過驟然經臨是以安排不及得備知其玩誤如斯臣當將費自强斬首號示守備張燮細打一百棍革任究擬另招具奏離信軍丁三十三名亦各細打一百取軍令狀在案再有違犯盡行正法庶使沿邊將吏其稍知警惕乎夫臣兩奉尙方未嘗敢輕戮一人宣雲何地今日何時數千里長邊倘一處疎於戒備勁闖入禍將何極封疆民命所關戮一人以全千萬人實體聖明之功令以生道殺人也除把總官照例行道選委外伏祈勅下兵部將靖胡堡守備員缺卽

速選推精強謀勇之官刻期任事衝邊其有賴矣

崇禎十年八月初三日

明大司馬盧公奏議

卷八

六

酌請標營馬價疏

謹照陽和節制五營額定經制該馬騾駝六千匹頭隻
臣昨年到任時止現在馬騾駝二千七十一頭匹隻現
缺馬三千八十五匹現缺騾駝八百四十四頭隻約略
計之需價八萬五千餘兩該臣於本年正月十八日具
疏題明在案自正月至五月陸續買到市馬六百四十
九匹陸續買到騾二百九十一頭俱經印烙發營約用
過價銀一萬七千餘兩頗稱節省又自本年五月至七
月續買過殺胡張家等口市馬一千二百二十四匹尙未
驗烙又該價銀二萬一千餘兩比之往年遠市於西寧
洮河水西等處省價強半且緩急有濟於目前殆天所
以資窮鎮也標營戰旅得此雲錦之羣壁壘旌旗增色
尙該馬騾駝一千七百餘頭匹近聞殺胡市馬有續到
者止患無銀不患無馬乃各鎮俱有年例買馬銀兩而
陽和獨無去冬兵部原發種馬銀二萬兩蒙樞臣楊嗣
昌奉旨已准動用訖此外尙該銀六萬五千餘兩分毫
無措微臣前次請以撫貨變價而年久毀壞之物商民
既不肯承當市夷又望而卻走無可奈何仍貯各路庫
中聽經承各官便宜變易充餉一時欲藉以市駿不能
也臣勢處其窮萬不得已懇祈皇上再給回銀二萬兩

明大司馬盧公奏議

卷八

七

連前共四萬兩抵充買過馬騾價值其餘不敷銀四萬餘兩容臣另爲搜措并於宣雲各鎮年例馬價銀內酌量通融庶不苦無米之炊而戰兵足供馳驟矣懇祈勅下兵部酌議速覆施行謹題

崇禎十年八月初六日

請復賞功地租銀兩疏

謹照臣衙門每年額設操賞銀四千五百七十六兩零原係國初遺下功臣地土歲辦租銀比之各邊總督衙門最稱涼薄自昔承平款貢講武爲疎聊且支吾足矣乃十餘年來宣雲春春多事今且作第一危疆邊臣所藉以激勵人心全在賞罰故用兵之道聞有賞重罰輕者聞有信賞必罰者未聞有有罰而無賞者也案查崇禎三年七月內該按臣胡良機題將大同鎮額解銀二千三百二十三兩零改充軍餉五年九月內該監視臣王坤題將宣府鎮額解銀一千四百八十兩零改歸該監視臣

明大司馬盧公奏議 卷八 九

監衙門而臣衙門於是乎遂無操賞矣夫兵不可以不操卽不可以不賞賞廢而又安能言罰賞罰廢而又安能治兵此貳道也前督臣楊嗣昌奏明賞功地租一疏請復大同鎮銀二千三百二十三兩零而宣鎮之一千四百八十兩零未經議復今臣標增兵五千視昔加倍新舊官兵近萬簡練時勤每月三操每操百兩人各犒以牛酒一分每歲卽該銀三千餘兩而將領花紅及比射角藝之賞在外也且督屬三鎮主客戰守軍兵二十餘萬每歲一閱每名量犒一二分卽該四千餘兩而將備操防銀牌旌獎之賞又在外也遠不具論臣昨年十

月任事經今未及一載操賞已費過五千餘金猶覺寒
儉羞澁不可以對將士除用大同山西額解操賞銀共
三千九十三兩零外所有不敷銀一千八百餘兩尚無
款項抵補身任封疆軍旅之事而艱窘貧難若此豈非
因小而失大乎况宣鎮裁銀一千四百八十兩零原未
充餉臣行分守口北道及宣府同知并南路通判等衙
門查其款項節年亦以供製買鞘黃并犒賞等項應用
如然則各鎮仍當自爲搜處何事削針頭之鐵爲也今
自十年以後斷宜仍解陽和以少供操練急需臣歷官
十五年一身之外毫無長物事非爲公不敢言非爲公

明奇馬盧公奏議

卷八

十一

而出於萬不獲已亦不敢言懇惟聖明電察勅部允覆
施行謹題

崇禎十年八月初六日

邊情疏

本年八月初八日准宣府撫臣劉永祚塘報前事本月
初六日辰時准總兵楊國柱塘報初五日申時據原差
把總康有德先差回哨丁阿不免進口報稱於本日寅
時分哨至地名海溜免哨見有夷人馬匹大羣從西北
徑向東南行走見我哨丁卽令二夷飛奔前來說稱我
們是東哈土奢兔王子下七慶喇嘛帶領夷人五百趕
馬一千有餘前赴張家口市賣等情口報到鎮塘報到
職據此係干續到哈馬夷情理合塘報等因至初十日
又據宣府總兵官楊國柱分守口北道臣賀鼎稟報東
哈市馬千餘續至但無明示未敢開關姑令守候等因
到臣該臣竊思市馬之來防之宜嚴應之宜速况今
■放目虎視眈眈倘令駐邊守候恐事久變生且哈夷
未免以就市稽延因而快望臣今駐兵南山一帶相離
張家口稍遠除飛移宣府撫監并檄鎮道等官加意防
範速與貿易早令回巢外向後張家口一市應開應閉
似當從長酌議妥確先期曉諭夷人以示中國之信免
使既至而或許或拒致生意外之釁端可也伏乞勅部
覆議行令臣等遵奉施行謹題

崇禎十年八月初十日

明奇馬盧公奏議

卷八

十一

邊吏勞深考滿疏

崇禎十年七月初二日准大同巡撫葉廷桂咨稱舊例各邊道臣三年考滿核其稱職卓異者免其赴部就彼復職准加陞二級以示鼓勵遵行在卷案查陽和道兵備副使竇可進歷俸六年中間開復不一於崇禎八年四月內已考三年之滿查無黏帶事件勞績居多洵稱卓異該職會疏為保留給繇方面官員事業經具題下部循資應加二級節行事例可查柰因銓曹當事者機務煩冗遷轉不常以至久稽題覆雖該道悉心營職絕無競鶩之思乃三雲何地今日何時而有十二年仍舊

明史司馬盧公奏議

卷八

三

之副使八年實歷之邊俸深歎積薪此亦人情政體之宜酌者也今查節制五營募練多兵業成勁旅修葺營房節省多金而該道在事悉能不負所委且三年課最之後將又歷三年矣新舊勞勩委實難泯從前考滿應加職銜合當拈出而此日賢勞益著論敘宜優照例加陞以需擢用以鼓勞吏斯實九邊道臣所視為激勸者也等因會咨到臣該臣看得邊道一官在今日固人所望而畏焉者也乃八載不遷僅見於陽和道副使竇可進本官資深勞懋久歷巖疆臣於今春有特舉俸深賢能道臣一疏久已奉旨下部矣轉眼又是半年如募練

標兵及製造營房盛甲無一非本官經目經心若夫費省功多尤徵幹略前勞未錄新績更彰臣等目擊情真不得不從公披瀝况乎邊道三年考滿有加陞二級之例存焉今本官一考再考矣皇上激勵邊臣方將破格鼓舞積薪如可進實當照例甄敘從優加陞使其精神日引而日長始終為衝邊宣力此酬庸示勸之典臣等不勝引領以祈也懇惟聖明勅下該部再加查覆如果臣等所言不謬將竇可進優秩加銜以為邊臣俸深賢能之勸庶危疆司道人人知奮矣謹題

崇禎十年八月十五日

明史司馬盧公奏議

卷八

三

申報現在軍情疏

臣飭備宣邊枕戈塞上幾兩月矣自來將備等官狃於承平積習千言萬語呼叫未醒日者費自強等分別正法而後人情略為悚動各口頗知戒嚴且邊地有秋頭畜黍禾俱已及時收斂亦庶幾有備無患也臣屢奉明旨戒嚴輒中夜披衣而起思得一當以上報朝廷今茲南山備禦大略已周撫臣劉永祚朝夕往來巡查而紅門川要地則總監臣魏國徵率同昌平總兵官王承允之戰兵三千駐焉柳溝要地則分監臣王夢弼率同宣鎮撫標營唐通之戰兵一千駐焉臣標前後兩營火攻

明大司馬盧公奏議

卷八

古

官兵二千五百員名分扼懷來永寧凡四閱月於此臣不時申明紀律兵民帖然此外如龍門獨石以至右衛柴溝等處為宣之中西二協總兵官楊國柱親統鎮標分布要害遠哨嚴防至宣府鎮城以及張家市口撫臣劉永祚監臣鄭良輔無不加意隄防多方嚴誌者惟宣疆之三協有恃則陵京之外衛無虞若微臣一身不敢不慮周三鎮茲於八月十六日仍督節制中左右三營騎兵自東而西沿邊巡飭且以兼顧晉雲近據薊門塘報約有二十餘萬前往西北從山陝西等處進口斯言即未可盡信戒備安得不嚴且殺胡口外西哈市

夷亦有騎四五千西行搶馬之說則今防用哈臣當與撫監鎮道畢力圖之軍情控馭固難兵事空言無補是須確有成畫然後敢再疏入告聖明也謹題

崇禎十年八月十五日

明大司馬盧公奏議

卷八

五

撤兵回鎮疏

謹照微臣督標原認戰兵七千員名本年五月卽發前
後兩營火攻官兵二千五百員名駐防懷來永寧其中
左右三營騎兵四千五百員名數月來臣親督行邊所
在分布專待援剿仰仗聖明之寵靈臣屬三鎮邊圉無
塵目今八月已過轉眼秋盡冬來塞外草枯水凍戰兵
急宜撫摩簡練守兵仍當分信扼防懷永去陽和四百
餘里火營官兵久戍衣單不無暑雨祁寒之慮臣於九
月初一日檄行前後兩營領兵將官朱尙義李昌齡統
率西行回鎮操練且以便各兵一顧其父母妻子而整
頓器甲衣裝業移文宣昌監撫知會訖若宣東南山柳
溝一帶增兵措餉事宜頃見樞臣楊嗣昌覆薊遼督臣
吳阿衡護陵所以護京一疏籌畫簡當明切已無餘蘊
煌煌明旨邊臣惟當竭力奉行實圖幹濟臣不必再有
贅陳也統惟皇上恩照施行謹題

崇禎十年八月二十六日

明大司馬盧象昇

卷八

六

謝恩疏

臣於本年九月初一日接見邸報該兵部一本守陵將
士勞苦有年等事奉旨盧象昇量賞銀三十兩紵絲二
表裏俟事平彙敘欽此念臣襪線短才勉任封疆軍旅
之事治郎踰歲撫楚半年雖捐頂踵以從戎實愧涓埃
之罔效回想崇禎八年秋冬之際秦豫大寇紛突楚疆
臣偕將吏東堵西防方虞地曠兵單顧此失彼獨興都
一塊土羣寇屢犯而屢挫陵園晏然斯實萬年宗社之
靈暨我皇上仁孝格天所致至按臣余應桂竭盡居守
之力心血為枯監臣惠進皋殫精備禦之方賢勞特甚
以及大小文武將吏枕戈宣力者仰邀天寵敘賚猶或
可承若微臣碌碌因人功無尺寸乃朱提文綺恩賜特
加且重以事平彙敘之旨揣分固難消受圖報豈等尋
常除恭設香案望闕叩頭謝恩外從此分御府之精饒
敢忘椎牛而饗戰士服天機之文繡惟思握組以繫單
于承矢髮膚仰酬高厚臣下情無任感激屏營之至謹
具奏聞

崇禎十年九月初六日

明大司馬盧象昇

卷八

七

訓陳工部員外駱方璽奏計臣侯恂牽證口語疏

臣於崇禎十年九月初五日接見邸報工部員外駱方璽奏論舊計臣侯恂賣差受賄疏末一段謂恂富甲中州舊理臣盧象昇知之甚真部臣魏公韓差回話之甚悉等語夫臣拮据危疆自治不暇若他人是非恩怨善惡貪廉何能過而問焉方璽雖係臣同年生平並未識面亦未有筆札相聞今年六月內止緣兵部職方司員外魏公韓奉旨查驗戰兵偶至陽和相晤坐談之頃言及公韓向在戶曹其同官司屬多欲恨於舊計臣者因而竊嘆士大夫居官宜以貨殖爲戒不意公韓遂以告

明大司馬盧公奏議

卷八

文

崇禎十年九月初十日

議覆馬市疏

本年八月二十五日准兵部咨該本部覆臣題前事看得哈夷賣馬明貪漢物而來在我收之實資征戰之利張家口開市之始該督陳卜哈之情臣部覆議不啻詳且盡矣今馬匹續到閉關拒之是驅征戰之利轉而助敵也若本非拒絕而聊且稽留臣恐市口奸人借端簧鼓需索把持致令哈夷猜阻旋生他變是爲捐利而買害漢過實先非夷人罪矣該督所謂酌議妥確曉諭先期勿失中國之信意在斯乎如果確有所見馬不當市口不宜開不妨徑自奏聞止將現馬買完厚謝遣之令

明大司馬盧公奏議

卷八

文

歸并於大同市口勿再詣宣亦是一說萬萬不宜若許若拒致生意外釁端等因奉旨是這續到哈馬著速市報竣不得稽遲致滋猜阻以後市口應否歸并大同著該督監撫鎮確議具奏欽此欽遵備咨到臣該臣隨即移文昌宣總監并宣府撫監確議去後續准總監臣魏國徵手本看得市馬一節原爲中國之大利東西並開哈卜俱售貴部院與樞部業有同心已見先後奏議即本監至愚一得亦有同然乃今以大■耽耽思逞恐有申合之謀當事者非爲無見第二十年來■累年入口已已之犯大安甲戌之進獨石斯時並未有馬市也即

乙亥之入迎恩丙子之犯鎮安亦偏不繇張家口夫如是則彼之犯不犯全不在馬市之開不開明甚而我之防不防不分宣鎮與大同更明甚說者以爲張家口迫近陵園殺胡口尚在遙遠則彼既能不遠千萬里越三鎮以奔馳寧肯惜跬步之蹀躞而匏繫又以爲大同尙在隔屬則總係大家封疆亦不應以鄰國爲壘卽以兵力論大同稍覺整肅則宣鎮尤當思患而預防振頽塌而成雄鎮豈應獨示其弱是以在我惟有訓練士卒刻刻嚴防使無隙可乘則雖開馬市亦不患其衝突不然宣疆寥闊無涯無深溝高壘足恃縱無馬市欲望其不

明大司馬盧公奏議

卷八

辛

來未敢必也等因又准宣府撫臣劉永祚咨稱行據分守口北道右叅議賀鼎呈照得今日爲各邊大患而征討不可少緩者惟耳顧鬪力不如鬪智凡可以伐之交翦之翼者自當竭蹶爲之糜敖用哈總之同一機括則開市之利實有不止於馬者卽以馬言我既就近易馬而夷卽以重價易貨馬與價俱未嘗出邊利亦不少則市之宜開宜閉似不待智者而後決也若因防而欲絕哈則宣鎮頻年中未聞哈爲之導是之入不入絕不係市之開不開兵部及總督部院諸疏已詳言之無庸更贅一語惟是張家口市口設立於款貢

之年其時規模闊大未免失之太疎近因哈夷求市正當秋防戒嚴之時日中開口日昃閉口或有夷人買賣未完卽鳴鑼罷市者又未免失之太密太疎固足以來意外之變太密亦或以生遠人之心究竟宜疆需馬甚急今幸夷人送馬來助戰而拒之萬無此理若事權歸一駕馭有方此間尙有幾許機宜可以聽當事之操縱宣雲一體安在殺胡口宜開而張家口宜閉乎至馬市若久監馬在所必需則分監所委內中軍現駐張家口堡軍民久已相安似當卽以此事任之不必更煩內遣此卽雲鎮現行之例或亦省官蘇驛之一端也等因到

明大司馬盧公奏議

卷八

辛

職據此爲照宣鎮馬市封閉已久今哈夷投稟乞市不便拒絕已奉旨允開矣在營伍收騰驥之利在商民得貿易之資而用哈制操縱在我其應開不應閉也明白易見部議猶持兩端不得不爲慎重慮其有夾雜之謀突逞之患耳要之之頻入不在市口開閉而邊備之當嚴又不在宣雲之歸并也既經該道呈議前來相應咨會等因又准分守昌宣監臣鄭良輔手本看得張家口原係舊市因連年入口恐其勾引哈夷借市馬名色乘機混搶故啟關不敢輕幸豈謂馬不當市口不宜開而拒絕之實慎重之也前春三月哈夷到口

講市未必不爲而來在我中國因其來而利導之論以朝廷撫綏德意示以明信厚其賞賚哈夷亦既感恩懷惠願留夷目交兒兔怡等四名爲質在我亦差通官同往以後令往來互市彼此無猜此固夷人乞市之本懷實我開誠布公有以招來之耳等因各會議到臣該臣看得天下事無全利無全害宜從其大者籌之中國之於夷狄從來不廢羈縻至於收其所長爲我之利因彼所利用我之長則馬市是也宣市久廢今歲始開人情不免風鶴論者亦多驚疑實則頻年內窺何嘗借市爲緣邇來卜哈叩關宣雲並市坐收雲錦京邊賴

明奇馬盧公奏議

卷八

三

崇禎十年九月二十二日

申訟侯宏文疏

臣向者滇兵萬里應調及再陳撫馭滇兵事宜兩疏實實從封疆起見非敢有一毫私意於其間也國家承平近三百年海內士大夫初未講求兵事一旦寇交訂羣情遂鼎沸焉任事者謀身立言者行意紛紛擾擾安所適從微臣愚不識時艱危歷盡蓋自勉任軍旅以來久以置功名身家於度外矣何况尋常恩怨得失乎世路險於山川人心不同如面臣皆不問惟於志圖溫飽全軀保妻子之徒不勝痛憤而得一慷慨任事仗義輕財懷忠報國之士輒欲舉生平而付之是故不知臣者謂臣誤用侯宏文臣未嘗不以其言爲藥石而宏文之本末及用宏文之苦心繼臣討賊者且不相爲謀何況身居局外者哉今宏文業俛首就訊矣臣復何言但臣不言誰當言者朝廷賞一人必使天下知勸罰一人必使天下知懲庶幾勵世磨鈍用收安攘之功乃破宏文之家以調兵及其至也萬里從征捐軀殺賊而身罹法網臣實傷之夫謂兵不宜調則從前題奉明旨將置絲綸於何地謂賊不應殺則此日流氛愈橫將來世界復何堪至若滇兵勦賊之功樞臣稱快焉治臣昌言焉治臣且明目張膽列滇兵在樊始末謂其能守紀律此又

明奇馬盧公奏議

卷八

三

彭明昭著者也總之千罪萬罪臣不應具疏用宏文爲監紀調滇兵以殺賊任使後來者鞅掌於無兵臨渴以掘井金錢費盡計月計歲從容而募赤身空拳之徒殺賊可不殺賊亦可臣豈不超然事外而今乃爲去婦之嗥嗥也宏文果有不赦之罪臣當身請逮斥以明臣用人不當遺害封疆豈宜就列巖邊一誤再誤頃臣又貽書切責宏文因何縱兵騷擾自干法紀據宏文回稟全不念及身家惟慮滇兵原係本官所調既經革問軍中兼無調劑之人其糧餉又終無著落甚切後來之憂血忱滿紙噫此其忠志愈可憫焉不惟是也滇之兵將見

明大司馬盧公奏議

卷八

五

宏文受罪相率寒心加以事迫情窮勢將決裂且安知無故激滇兵之變以甚宏文之罪者興思及此愈難言矣臣生平服官但知有王法天理公道良心從來不敢行一味心之事出一昧心之言每拜疏章惟有皎日明燈相對今日代宏文請宥至再至三倘有毫髮私心縱逃皇上斧鉞之誅必受天地神明之殛聖明在上有何嫌疑顧忌而不痛切盡言乎懇惟皇上勅下吏兵二部將臣前後三疏確勘覆議施行臣無任迫切悚惶待命之至謹題

崇禎十年九月二十二日

屯政告成疏

案照崇禎九年十一月十五日准戶部咨該本部覆臣題爲屯田種馬邊政急需等事奉旨這屯本著該督備查三鎮有無堪動銀兩并撫貨通融支給欽此本年十二月初四日又該微臣題爲屯政急宜舉行等事奉旨屯政係裕邊本計這條畫各款甚詳晰著卽督飭道廳各官隨宜酌便恪實力行其專責成課實效事宜該部卽與議覆欽此又准戶部咨覆臣題前事奉旨是這與屯事宜責成道廳各官歲終甄別并州縣將領等官確覆開過頃畝多寡分等勸懲及守操衛所各官一體論

明大司馬盧公奏議

卷八

五

敘俱依擬著恪實飭行欽此又該微臣題爲興屯奉有屢旨謹將搜括堪動銀數奏明以便經理事奉旨這分發宜大屯本知道了該部知道欽此欽遵該臣節經移會撫監按諸臣通行沿邊各道將原議開屯諸款隨宜酌便區畫經營又親督標兵更番屯種以爲諸屬倡在宣鎮則分守口北道臣賀鼎分巡口北道臣李仙風在雲鎮則陽和兵備道臣寶可進大同兵備道臣聶明楷分守冀北道臣朱家仕分巡冀北道臣樊師孔此六道者或募開墾或用軍屯或借籽種三法並行多方率勵天時效順歲幸有秋據各道廳冊報前來前後措發過

屯本七萬餘兩今查各屬興屯荒地有多寡之分用力有難易之分刈穫有豐歉之分徵收有本折之分總之有益無損有利無害所謂及其成功則一也臣手自持籌通盤會計各屯所出除還本七萬餘兩外共得倉斛息穀四萬一千餘石窮邊瘠土樹藝爲難初屯之時地方官稱難稱苦今以耕鋤之力役得餅壘之餘資小試其端遂爾薄收其效天下於是乎知屯務之可爲矣此一舉也撫監按共有同心而道廳將備更相從畢力凡在事宣勞各官及本息細數容臣等另疏詳陳請旨甄敘先將所獲屯田息穀四萬一千餘石具疏報明謹題

明大司馬盧公奏議

卷八

三

崇禎十年十月十二日

經理崇禎十一年屯政疏

謹照九邊之地莫瘠於宣大山西且頻年兵燹日益彫殘軍以無食而逃馬以缺料而斃塞上子遺鵠形菜色相從溝壑者亦比比也回枯起敝莫善於屯但耕耘於砂磧之中類多得不償失今歲屬當經始得穀四萬有奇在公家固有補於涓埃在私室亦稍充其餅壘且若軍若民見官於其地者尙不忌胼胝之勤則震於其土者豈得靳耕鋤之力此生聚之善術也微臣自任巖疆歷陳屯務前後疏凡四上明旨更復屢頒如督飭道廳隨宜酌便恪實力行如歲終甄別文武一體論敘煌煌明大司馬盧公奏議

卷八

三

天語實式臨之今年小試旣已可觀來歲經營尤當盡力顧人情慮始者不必慮終善作者不必善成况屯之一事天時旣不可知人力亦難相強苟能推廣其端誠多利益倘或奉行無法亦釀厲階原議用軍屯募開墾借種具三款歷取而試之惟用軍屯一款事半功倍焉顧軍屯亦自有說大抵今之有司多慮使其民而今之將備亦多慮使其軍者也平時無痛癢相關之誼安望臨事有呼吸必應之情加以差撥多端錢糧積欠祁寒暑雨愁苦填膺倘不問該將備爲何如人各城堡爲何如地概驅之以終歲勤動効力公家此又不可幾之數

也來歲與屯徵臣深思熟計仍以標營爲榜樣酌屯三萬六千畝而道將廳官及守操衛所則通行督飭將利弊列款詳開使之各自體認各自經營講求至當至於城堡各軍有地衝地僻額多額寡之分如地衝者如額寡者或地不衝額不寡而才力不能者似難強以必行惟於地僻者額多者將備中之有實心而才可用者卽就本城堡近地鼓勵與屯其行糧其犒賞其牛具籽種臣卽會同撫監諸臣預行該道廳一一爲之經理備辦若夫提綱挈領全在道臣各屬守巡兵備等道業已分任責成仍須得一專官協贊以供臣臂指之使近蒙皇

明大司馬盧公奏議

卷八

天

上允臣所請設有宣大監軍屯牧道此一官者無信地無衙門遇援剿則隨營監軍在平時則專理屯牧誠便計也新陞監軍屯牧道僉事鄭獨復起家耕讀頗悉農疇旣荷朝廷特拔之恩尤宜矢心報稱臣已指發屯本三千金檄委本官赴省直多市耕牛以供屯牧嘗考祖宗朝因宣雲邊地磽瘠荒涼會赴朝鮮等處買牛助耕塞上徵臣於此益不勝遐思焉至今歲奉旨派發屯本七萬餘金查算原題款項內中除借動遼賞撫賞棚樁馬價等銀六萬四百三十四兩零一一歸還正項外其搜括設處捐助及撫貨變價等銀九千九百九十九兩零


并今秋屯田收穫息穀雜糧四萬一千餘石照倉斛時估算約值銀二萬兩內該除還農器及標兵與屯行糧犒賞牛價等銀三千兩實該銀一萬七千兩并前搜括捐助等銀九千九百九十九兩零共銀二萬六千九百九十兩零可充來年屯本旣不動朝廷正項各屬便可放膽做去得尺則尺得寸則寸幸而大有固可仰佐軍國之儲糈卽或旱乾水溢天時人事苦不相謀亦於公家不致虧損此臣區區一念特告之聖明祈勅

崇禎十年十月十二日

明大司馬盧公奏議

卷八

天



遵旨發標兵勦賊疏

崇禎十年十月十一日准兵部咨
 這宣大標兵准選調一千卽著馮
 度勦禦其官兵犒賚行鹽等項俱從議欽此等因移咨
 到臣謹照流氛猖獗幸土回仇况臣向叨征剿之役豫
 楚江北依然并州也宣雲兵力雖單秋防幸已竣事頃
 樞臣以選銳協勦相商臣心耿耿不能自己今既奉旨
 誦難少延隨挑節制右營有馬精銳漢夷官丁一千員
 名統以本營叅將馮舉而坐營中軍守備為張國相左
 右二部千總二員為海守福花永額塘撥千總一員為
 明大司馬盧公奏議 卷八 辛

馬龍領兵把總二員為王登先劉英督陣守備加銜都
 司一員為劉成功共馬騾一千二十三頭匹隨卽犒師
 遣發卽從山西入固關繇井陘以及畿南河北馳赴中
 原聽新理臣調度所用安犒銀兩依照部文支給共用
 銀二千二十八兩卽於部發安犒銀七千七百兩內動
 支訖至沿途應用行鹽料草部議發銀五千候差官赴
 領此際兵行甚速臣已查照本鎮調援之例權給糧單
 於所過地方計程支給待部銀到日照數發還似亦兩
 便抑臣更有未議於此兵至理臣標下其應支糧餉自
 有一番權衡獨今途次趨行誠恐米糧料草有銀未便

糧買且兵丁所過紛紛尋草覓料恐生事端不若仍聽
 戶部查往年調兵則例給以糧草待至理臣軍前卽照
 勦兵支餉原單繳部更為直截妥當統惟皇上勅下戶
 兵二部再加酌議速將糧單給發并官兵支過安犒銀
 兩查照開銷明白事關兵馬錢糧非臣所敢擅便也謹
 題

崇禎十年十月十二日

明大司馬盧公奏議

卷八

三

保舉教職疏

恭惟皇上御極以來博採人才首維風化明綸屢播炳若日星嚮者特命中外諸臣各舉堪任守令一員於以長民而敷治古聖王苟求盛典不是過也臣備員督撫以人事君之誼耿耿於心乃閱歷疆場一十五載半在金戈鐵馬之中未遑與天下士從容講求經術世務不能自信寧易信人遂愧無以應明詔因伏而思之臣總角爲諸生時有友兩人焉其一則臣鄉高淳縣廩膳生徐一鵬其一則臣邑宜興縣廩例監生周聖瑞也二生學識老練以文以行直道言人二十年清修之士貧不能舉火惟知下帷博覽與世介然無求至居家孝友敦倫九日中所僅見者稽之史冊漢廷有賢良方正之徵允足當之矣夫書生出而應世根器雖佳治兵治民尙未敢必獨以之率士真堪模楷一時今之教職多官強半窮途潦倒安得錚錚表表盡如二生使之彈冠就列生色學宮臣是以矢心保舉之也若夫宣大山西沿邊城堡文學寥寥微臣每當巡歷見諸生進謁年多青壯貌亦修梧十室忠信每幾幾望之退而省其私率皆下流惡習效市井販夫之所爲甚至有賣酒包娼以營生理者文學士風於焉掃地矣蓋邊人誦讀無方師模絕

明大司馬盧公奏議

卷八

三

明大司馬盧公奏議

卷八

三

少博一衣巾便志得意滿爲之司訓者又寒苦至極難以自存安能復治禮義更可慨也微臣所舉之徐一鵬周聖瑞應聽吏部確覆如果堪任教職當卽用之宣雲於此作興文學砥勵士氣將來必有可觀其或不效臣自甘妄舉之罪謹題

崇禎十年十月二十六日

鼓勵人才大破積習疏

臣受任巖疆轉盼易歲窮邊委頓百事艱難宜雲密邇帝闕舉凡西塞危形以及微臣劣狀何者不在聖明照鑒之中幸今歲邊塵未動荷戈負耒者耕鑿相安然未足恃也。且夕不忌內地今年驚伏無非養銳蓄謀未雨綢繆正在此日臣於仲冬初旬復絲大同一帶西閩晉邊計自崇禎九年十月初二日在居庸關報代迄今在苒居諸凡四百二十五日計行邊二百五十餘日在公署拮据者一百五十餘日雖復手口無停神形交瘁然未爲朝廷做一實事何以上報聖恩下謝三邊文武

明詞馬盧公奏議

卷八

三

不勝愧且懼焉乃秋防旣竣意氣當新茲與文武將吏約諸凡練兵屯田繕器設備等大事從頭徹底再圖經理一番迨至邊庭草茂。馬可以長嘶而我固有戰守之資不至倉皇失措矣此臣力臣心刻刻自矢者但今日喫緊關頭如人才之鼓勵應得其宜積習之相沿牢不可破不敢不明白入告乞賜變通以人才言之天地生才原自有限時艱所迫又與用違任議殊途而坐嘯畫諾之夫反足摧殘忠智功罪紛錯而巧營捷足之輩又將凌駕樸誠於是求全倖售者有之安危利災者有之勞績雖多未經酬敘忽以微眚棄擲者有之智能堪

任無所玉成終於菲薄自甘者有之果從封疆而起見當集眾美以爲長如一人也前過後功寸長尺短皆宜

通盤打算定其去取低昂庶幾精心以程量人才大心以操縱人才虛心耐心以獎進培養人才夫然後羣力兼收疆事有濟倘或積勞罔念必令任士灰心是故陞遷加級薦舉之外復有紀錄一條陞遷計資次加級論功能薦舉覈才力而紀錄云者蓋以陞遷尙復有待加級未免太奢薦舉又非期會用佐三者之窮也豈可有名無實乎竊謂道廳將備等官曾經奉旨紀錄三番即宜查其資次功能或量行加級或准與優陞卽或偶有

明詞馬盧公奏議

卷八

三

過愆亦許原情折算如此則無爲善不終之嘆精神日引而日長矣在內各部在外督撫衙門俱宜設有紀錄文簿按季查行以示旌異以上鼓勵人才一款仰祈皇上特勅吏兵二部確議永著爲令者也以積習言之從來設官之體上下原取相承果事有成模不煩商推則臂指之間自宜奉行惟謹豈容作意異同若夫軍國大計與地方利害攸關正當各循其職各盡所言如農之有畔焉侵與越皆非却與逢俱害每見一事也督撫必行之司道司道必行之廳官廳官仍又行之將備不問原委習爲固然罔究是非惟期一轍於是上下相蒙者

有之上下相委者有之遞轉而遞下遷延歲月者有之遞轉而遞上因循了局者有之夫職掌自循須求至當備一槩層累下及依樣葫蘆或誤於雷同或隳於遞委所關豈細故哉竊謂自今以後凡六部咨行欽件及邊鎮地方事宜或應督撫自行或應司道轉行或應府廳將備承行臣先爲立案報部確認責成以免依回觀望庶幾葛藤斬盡綱舉目張至一切兵機邊計果實實見得真行得是當盡圖維之力無懷卻顧之思其有公爾忘家赤心任事者望朝廷稍寬文網以待之如此則疆臣骨力可無引避於嫌疑之際不至銷沉於勞怨之中

明司馬盧公奏議

卷八

三

世法人情不攻自破矣以上大破積習一款仰祈皇上天語申明俾臣與將吏一體欽遵者也謹題

崇禎十年十一月初六日

駁部議倖功生事疏

本年十一月初五日在兵部咨覆臣塘報爲密報夷情事內開爲照用哈圖原非必然之著但果來搶馬攪亂市場則不可無以待之今冬令漸深草枯木凍斷斷非兵來之時若將邊外別部之夷概行廝殺以圖功賞未免又生他釁此則斷斷不可從者該督撫鎮明白宣諭哈夷毋或以倖功一念爲其所誤本部特聲明白斷斷不敢扶同也既經塘報前來理合具本題知等因奉旨是以夷攻夷原屬兵機但夷性難以盡信武備貴在自強還著該督監撫鎮嚴飭將士整搦確偵悉防并

明司馬盧公奏議

卷八

三

宣諭哈夷不許倖功啟釁欽此欽遵備咨到臣該臣看得邊事至今日難言之矣然非言之難任之難也年來

日強且狡我則餉匱兵單其來也既不能迎頭截

殺其去也又不能逐北追亡恣肆憑陵伊誰啟釁即就

宣雲而論前此三年三入禍且滔天燎原邊臣相繼罹

法總之無濟於封疆徒滋決裂爾以夷攻夷九邊止剩

此一著頃者相機用哈屢奉明綸且亦曾經部議者臣

是以每接撫鎮塘報刻不敢停一面愆防一面達部此

等情形講求不嫌過慎操縱饒有機宜若概以倖功二

字抹殺邊臣任事之苦心誰復敢爲朝廷決大計當大

事者乎且恐哈夷聞此必將謂中國猜疑反生他釁蓋
哈衆不少於陰陽向背之間所爭只在睂睫不爲我
用必與合如然井市馬亦終可慮不如及早閉關謝
之疆臣於此但付之無可柰何而已樞臣老成謀國臣
方謬附同心一切奉教惟謹獨此一事大有關於邊計
不得不聲說明白臣亦斷斷不敢扶同也統惟皇上照
察施行謹題

崇禎十年十一月初七

敘興屯有功官員疏

謹照屯政廢而不講百年於茲矣邊方較之腹裏措手
尤難臣仰體明綸會同撫監按諸臣董率道廳將備除
一面將崇禎十一年屯政悉心經理務臻實效外所有
本年分興屯各官勞績茂著謹遵一體論敘之旨據實
陳之分守口北道右叅議賀鼎所屬共得屯田息穀一
萬九千一十七石五斗二升零陽和兵備道按察使竇
可進所屬共得屯田息穀一萬二千九十六石八升零
兩道屯息爲最多應聽部覆從優論敘者也分巡口北
道僉事李仙風所屬共得屯田息穀二千石一斗零分
明大司馬盧公奏議 卷八
巡冀北道僉事樊師孔所屬共得屯田息穀二千二百
二石二斗零分守冀北道右叅議朱家仕所屬共得屯
田息穀二千九百八十二石三斗零大同左衛道副使
聶明楷所屬共得屯田息穀二千七百四十八石五斗
零四道屯息每道俱各在二千以外三千以內應聽部
覆一體論敘者也以各廳言之大同東路同知今陞監
軍屯牧道僉事鄭獨復該路所屬除標營及陽和道委
官分屯得屯息七千六百六十八石四斗零亦係本官
承行經理外本官又自行借種具法共得屯息四千四
百二十七石六斗零宣府下西路通判綦廷陳該路所

屬共得屯息三千八百二十七石八斗零宣府上西路同知屈必昌該路所屬共得屯息三千一百七十八石五斗零宣府南路通判王文誥該路所屬共得屯息二千七百二十八石四斗零大同南路通判牛光斗該路所屬共得屯息二千九百八十二石三斗零大同西路同知魏知微該路所屬共得屯息二千二百四十四石六斗零大同中路陞任通判陰德顯現任通判趙邦彥該路所屬共得屯息二千二百二石二斗零宣府上北路同知阮維岳該路所屬共得屯息七百九十八石零宣府下北路通判趙世爵該路所屬共得屯息九百五

明史馬盧公義議

卷八

早

十石七斗零宣府中路通判劉光該路所屬共得屯息一百五十一石四斗零宣府在城同知胡士棟該路所屬共得屯息一百八十二石七斗零原任通判柯仲岡本官自募開墾共得屯息九千一百石在路廳各官分任各道之事今年初試屯息踰三千石以上即可言功二千石內外者次之一千石內外者又次之并須參酌於軍屯借種募墾之間以課勞績鄭獨復棊廷陳屈必昌宜在優敘之列王文誥宜在并敘之列魏知微牛光斗陰德顯趙邦彥阮維岳趙世爵宜在紀錄之列胡士棟劉光記名在案係來歲與屯有功前後類敘柯仲岡

非現任之官乃口北道臣賀鼎請詳臣等特為聘用者以募開墾而得息九千餘亦足多也似當查復其原銜使終屯事另行敘用以各路將言之每路將官自行開墾屯息踰二千石以上者即可言功一千石內外者次之五百石內外者又次之各將急公勤事寥寥其人惟大同西協副將董朝儀得屯息五百三石八斗零宣府西城路叅將姜名武并其坐營張夢極得屯息六百二石二斗零以上三官應各紀錄論敘至若邊方州縣如大同縣行取知縣馬剛中得屯息八百四十一石九斗零山陰縣現任知縣張奇蘊得屯息八百五十八石六

明史馬盧公義議

卷八

早

斗零應州現任知州變為棟得屯息八百二十九石六斗零渾源州現任知州熊山得屯息五百四十四石俱宜紀敘又如馬邑縣知縣賀奎光得屯息二百五十六石九斗零懷仁縣被論知縣張獻捷得屯息三百四石零朔州被論知州潘應賓得屯息一百八十五石一斗零雖各為數無多謹并表而出之用備查考至於守備操防衛官等員屯息最多者如懷安城現任守備楊道亨洗馬林現任守備李元芝皆在九百石以上夫以一守備而胼胝經營得穀近於千石非破格優敘不足以勵將來此外則新河口守備今陞任甘肅臣西陽河

守備今陞任康四維張家口現任守備周洪猷新開口
現任守備竇維韓柴溝堡現任守備甯承芳李信屯現
任操守程憲渡口堡現任操守侯大符朔州衛現任掌
印指揮周文浩以上八員各得穀五百石內外勤勞可
嘉均應并敘又如宣府西城守備胡陞宣府膳房堡守
備姚永芳接管守備高捷大同左衛指揮蔣三奇劉學
淵各得穀四百石以上應各紀錄獎勵至陽和標兵屯
田費本不過一千三百得穀五千八百零統率者為中
軍副將周元儒前營遊擊朱尙義後營遊擊李昌齡三
官應各并敘承管者為坐營守備孫芳蔣正秀委官都

明奇馬盧公奏議

卷八

呈

司僉書劉承惠委官加銜守備俞化龍梁仁鄭問奇內
梁仁因事犯已經究革其孫芳蔣正秀劉承惠俞化龍
鄭問奇五員應紀錄任用候十一年屯政有功一并優
敘陽和道委官陞任中軍守備申鼎鑑把總張乾巡捕
張一魁各應紀錄分守口北道委官原任典史楊國柱
同吳春等七員并上西路同知屈必昌下委官指揮李
進忠臣皆量給以守備千把總職銜酌付俟來歲興屯
有功題敘實授其餘得屯息一二百石者俱經分別獎
勵錄名在案不敢瑣陳謹照是役也興屯創始人情消
沮畏難但能力任經營便是賢能之遠故列名則各官

拮据之苦無細而或遺論敘則朝廷鼓舞之恩一毫不
敢濫所有在事宣勞文武多官通計不下八十餘員而
僅擬從優論敘破格優敘者共七員僅擬并敘酌敘者
共十六員其餘不過紀錄給劄及量行獎勵而已擬優
敘者似當加陞實授職級擬并敘酌敘者文官似當量
加服俸武官似當量加署銜擬應紀錄給劄者紀錄各
官似聽日後類敘給劄各官俟當候有功再題如此則
人人沾被各得其平矣至於宣大撫按諸臣及總分監
內臣一時同心體國董率興屯共臻成效所當一并題
知者也伏乞皇上勅下該部覆加奪覈將興屯有功各

明奇馬盧公奏議

卷八

呈

官分別議敘紀錄鼓既往以勸將來庶羣情知奮邊計
永賴之矣再照分守口北道臣賀鼎除用屯軍之外其
自募開墾者幾五百頃復開水田二十餘頃為百世之
利且左衛軍民城堡崇禎七年遭大劫殘掠本官不避
勞怨為此創舉功尤足多不可泯也臣等特另為表彰
仰祈聖明照察謹題

崇禎十年十一月十六日

請帑濟軍疏

臣西閱晉邊自十一月初十日從陽和起行十七日至平虜路經行五百餘里尙未抵山西邊界而大同各堡所歷者已十之五六矣他不暇論目前最有最苦最危最迫之情形則協路邊堡軍兵經年缺餉是也以臣所過如得勝路助馬路右衛路威遠路平虜路各路將所統之兵其餉銀自本年正二月到今分毫未領也如守口堡靖虜堡鎮邊堡鎮川堡宏賜堡得勝堡鎮羌堡拒牆堡拒門堡助馬堡保安堡威虜堡寧虜堡破胡堡馬堡殘胡堡殺胡堡右衛城鐵山堡雲石堡威胡堡威遠城

明大司馬藎義疏

卷八

四

威平堡敗胡堡平虜城各守備所轄之軍其餉銀自去年十一月到今分毫未領也各軍兵雖復擺牆立隊乘馬荷戈而但有人形全無生趣往時見臣督臨猶跪路跪門紛紛告討此番則皆垂首喪氣而已彼其心豈不甚苦勢豈不甚危情豈不甚迫蓋知臣無以應之討亦如是不討亦如是故付之含淚不言耳微臣於此亦不覺淚從心底出也况時值隆冬地居極塞胡風朔雪刺骨寒心微臣馬上重裘猶然色戰難忍隨巡員役且有僵而墮馬者此輩經年戍守身無掛體之裳日鮮一餐之飽夫

聖明宇下蒼生臣等懷中赤子乎鋌而

走險所不忍言立而視死亦不忍見一鎮如此三鎮可知臣自受任巖疆以來因民運積逋前後疏凡十上於各省直巡撫則咨催於司府州縣則檄催又繼以守催差官絡繹於途何啻穎枯舌敝而今年積欠更甚往年臣力窮矣臣心亦窮矣通計三鎮戰守軍兵約該二十一萬零除臣督標及撫鎮標兵餉銀壓欠尙自不多未敢願請外此時計無復之惟有仰望天恩借發帑金十六萬分給三鎮協路邊堡各軍兵每兵量借給銀一兩以延生命臣一面分發令嚴守催各省直民運錢糧輸解稍充卽照數補還內帑仍將積欠最多抗違最甚州縣印官先行摘叅十數員從重究處以警其後該管司府官一并叅處庶邊事尙可爲也臣拜疏於老營堡之關聖廟中一字一血懇祈皇上立賜俞允倘俟部議則不及待矣微臣象昇與三鎮文武將吏及數十萬生靈不勝哀切叩頭翹首待命之至

崇禎十年十一月十九日

明大司馬藎義疏

卷八

四

西閱晉邊摘陳切要事宜

竊念晉中連年防寇兵分備單疲於奔命今歲河水早合豫楚流氛眈眈西渡兼之套虜遺孽時復東窺倘弗戒嚴必有漏舟之患臣頃歷大同邊堡西巡從偏頭關至樓子營河保諸處見隔河對岸向係吉囊駐牧之場衣帶河流平昔一葦可渡况今冰堅之際乎惟是套虜久已彫零所存遺孽不過五七百人舉無能零竊宜備臣幸輕騎數百同守嵐道臣盧友竹介馬踏冰而過直臨草地望彼中消息寂無其人而我之防兵分布東岸者北自樓子營南至唐家會等處主客官兵棲宿河干者七千餘人當此朔風摧顏胡霜墮指三軍枕戈暴露苦不可言臣一一撫摩而犒勞之申明軍律刁斗肅然堪慰聖懷者一也西路事畢臣隨閱八角神池利民等處各城堡以達寧武關寧兵素悍善譁年來援豫之役械馬損失過半新帥虎大威寧武道臣張毓泰多方整捫漸已就緒可觀該鎮健鎮標三營為數九千餘若使糧餉充足濟以恩威則此九千人何難練成勁旅臣逐營閱視犒賞仍與鎮道約加意簡練來年三月臣再親行覆閱定功罪以昭勸懲此時豫賊窺渡甚急虎帥已奉部文選銳千五百人同猛如虎和應詔等

明大司馬盧公奏議

卷八

聖

明大司馬盧公奏議

卷八

聖

赴河南陝靈截賊伐其狡謀此著甚善臣於二十九日犒師隨據總兵官虎大威呈報初二日即率兵起行矣且撫臣宋賢已於十一月十五日在會城受事新撫精敏詳練識略過人向來與臣共事畿南素稱同志定有一番調度布置保三晉內地之安堪慰聖懷者二也乃臣更有深慮於封疆者焉從來戰兵守兵無不訓不練而可用之兵今日練戰練守亦無無餉而可訓可練之兵臣督宣踰歲一切戰守機宜訓練款項類皆嘔心籌度頒布規條與撫監鎮道諸臣實實殫精從事焉繇夏及秋自秋徂冬到處詳加體察方幸漸有可觀迄今通餉愈多饑寒迫體向之那錢借債勉製弓矢鎗刀依然典且賣矣多兵擺列武場金風如箭餒而病僵而仆者且紛紛見告矣每點一兵有單衣者有無袴者有少鞋襪者臣見之不覺潸然淚下如此光景何以責成有煩廟算者一也別鎮邊牆鞏固天險堪依地面不寬收拾亦易獨宣大山西舉步有千里百里之遙一望平坡何處不可長驅直入臣昨冬受事即請旨申飭特嚴入口之誅近日中樞又申前請此於功令則然而實則防邊宜計萬全事到不可支吾處非徒日討將吏而誅之遂可了局也一切墩臺斥堠壕塹墻垣尚宜因地因時隨

方增築而軍無蔽體之衣日鮮一餐之食縱欲子來趨事其可得乎有煩廟算者二也至若邊方所少首需本苞米糧彼二三窮黎荷鋤力作者薄收止足供租大有僅堪餬口安得再存餘粒濟我永戎征夫臣謂果欲裕邊必處處興屯人人耕牧使軍民皆自食其力別無游惰之流則三五年間生聚富強可望臣於此道刻刻留心不啻視爲家計今年罄力拮据僅得穀四萬有奇卽預計來歲屯功多不得過數十餘萬止耳此項經營聊備公家急用豈足飽如林如總荷戈枵腹之多軍夫欲盡軍而屯之三鎮非得牛騾三萬餘頭隻屯本三十餘

明大司馬盧公奏議

卷八

哭

崇禎十年十二月初三日

詳籌用哈疏

本年十一月二十五日臣在寧武關准兵部咨該本部覆臣題爲馭夷當求遠略部議未免失平據實題明以祈聖鑒事奉旨用哈圖原屬兵機內外諸臣俱當詳籌酌行不得偏諉互執欽此欽遵備咨到臣除移咨三鎮撫臣及總分監臣并行鎖道將領一體欽遵外該臣竊思九邊皆有邊患而頻年中於宣大山西者獨甚則以日強督屬乃其長驅熟犯之路邊牆無可恃天險無可依物力兵威無可憑藉也今年鷲伏未動三鎮幸而少安邊臣其何力之有惟上賴聖天子威靈及樞部諸臣勛勳廟算耳來歲傾巢大舉事勢必然既休息一年其鋒必銳向臣莊誦明旨曰武備貴在自強大哉王言真可振九邊之氣而操制勝之方臣與在事諸臣刻刻圖維一息豈容少懈今茲用哈雖思借力於夷政求操勝在我何以明之蓋宣大山西等鎮餉匱兵單地平路遠與他邊原有不同如其大舉必須戰守兼施而言守不如言戰更須奇正互用而用正不若用奇中國禦

明大司馬盧公奏議

卷八

哭

進退之間有機焉有勢焉是故戰於既入口之日不若戰於未入口之先而我兵斷斷不能出口何

也芻糧難運也道理難周也人心難固也守邊多兵猶且照應不及離邊數舍必將回顧不來也然一入口如洪濤之潰豈易障百川之狂瀾幸而勝所損已多若其不勝不可言矣故言守不若言戰而戰於口內不若戰於邊外此所謂先發制人非用奇不可而用我之奇不若以夷攻夷之更奇今九邊惟哈可與抗且屢輸效順之心事勢固所宜行機緣亦不可失欽奉詳籌酌行之旨臣敢再畢其愚說者曰彼之來陰陽順逆殊不可信臣竊籌之矣西哈連年擁馬數萬赴邊就市倘思犯順誰其禁之况我開誠布公宣示朝廷恩信至誠動物

明大司馬盧公奏議

卷八

至

雖蠻貊之邦行矣古來不有豢龍馴虎者乎亦在駕馭何如耳說者又曰哈非敵用之不效反起兵端臣又籌之矣久輕中國三入宣雲屢駐薊門何嘗一矢相加而逆我顏行如此其邊鋒而入正不必有人導之亦不必他端激之也此則彰明昭著者也說者又曰哈與相去遠甚圖之而勝與不勝終必還巢我則近櫻其鋒何能遠借哈力臣又籌之矣夷人與漢人不同居止原無定處打牲獵獸時逐水草爲生可遠可近者也况彼既戒心於哈即深入內地終懷卻顧之心夫金白諸酋并而後陷遼瀋卜插諸酋并而後犯宣雲往事不可

鑿歟說者又曰塞外之事毫無可問其或混殺他部希旨首功將何所區別臣又籌之矣薊遼宣雲邊外除卻明款卜孽別無他夷此二夷一受賞於薊一納款於雲哈若殺之難掩中外耳目且臣與撫監鎮道亦曾宣諭哈夷必殺真正強壯方准給賞并須縛頭目擒活口獻俘闕下以便朝廷質審若用哈而反爲所愚無此理也說者又曰哈部衆多其來市馬於雲者有限圖之說今將使哈久駐宣雲邊外以待之乎抑能驅而遠赴遼瀋以與之爭也臣又籌之矣哈苟無效順中國之心自願殺之舉則已果其有之草地連天何方非駐

明大司馬盧公奏議

卷八

至

牧之所其或懷我好音抑或食我厚賞皆不必問但示之賞約以與離鼓其銳心以樹之敵無事則借其往來偵哨悉彼情形以作我耳目有警則資其截殺聲援使牽制以增我藩籬此亦頭頭是道也說者又曰哈貪賞設或叩關陳乞源源而來饑附飽颺掉臂以往否則不遂所欲輒起戎心且奈何臣又籌之矣哈既有要挾之心當其未與東爲難正可陰陽反覆恣所需求乃納款邊庭願圖報效止云事後請賞並無他言謹迫之而然歟即我之言賞乃賒帳也果其一級方與五十金之賞萬級方與五十萬金之賞視類

年以來鐵騎長驅而入費我百萬金錢殘我百萬生命孰得孰失也究而論之天下事宜活做不宜死做宜實做不宜虛做所謂活做者我雖用哈勿輕恃哈戎緜謹握可也所謂實做者我既用哈勿過疑哈信賞必行可也至哈與■倘闕於遠地我則遙探以防之隨宜以操縱之若闕於近邊我則嚴兵以待之乘勢以截擊之若兩勢相持按兵不動我則乘間修我內備策我戰守鼓我人心■一日不敢內犯我即一日休養我物力臥薪嘗膽仍如■在目前於是興屯練兵標本兼治不時收取哈馬毋使歸■鼓勵哈心毋使他向數年之間屯務

明大司馬虞奏議

卷八

聖

崇禎十年十二月初八日

遵旨覆奏雜流武職冗濫疏
臣細閱樞臣原疏其所覆職方條議如邊形大勢修防工作議復主兵總兵名實守營為驛水陸並防南兵北將等項皆薊遼山海事宜與宣大山西無涉今奉旨通行查奏者蓋雜流太濫武職太冗二款也除三鎮撫鎮所統標健正奇等營各聽自行回奏仍各報臣類奏外先將微臣標下節制五營官兵照款詳列伏候聖裁一樞臣原覆職方所議雜流太濫一款內云雜流太濫營中大弊然非但營將私為之也督監撫鎮部道衙門聽用之官主文之吏紛紛寄糧於營伍者有之矣其權重者其寄多其力強者其糧厚營將借之為耳自以通線索結之為腹心以微榮寵從來已然近日為甚舉朝廷責任千城之輩化而為私人之私人營伍安得而清封疆安得而固也不然督監撫鎮等官終日巡邊點兵者坐視雜流之濫一至此極是豈不知其然抑亦明知而故縱之耶為今之計當明定差役量給薪水而一切冗濫斯可除也前件該臣看得營中雜流即所謂占役是也營將雖有大小而書識軍件等役勢不能無但須從簡查九邊事例千兵而雜流居百類皆相率以為常至如職方司官所議一千之中有雜流二百此則冒濫極

明大司馬虞奏議

卷八

聖

矣臣標節制五營則不然每營官兵額定經制一千九百員名止坐定書識軍件等役六十二名通營之將領中千把總皆取給焉是營兵千人雜役不過三十減之又減如此且每營衝鋒漢夷丁食餉一兩八錢馬步戰兵食餉一兩五六錢而此六十二名之雜役止食一兩二錢是不惟無冗兵兼無冗餉也臣前者奏用標營經制疏內業已條分縷析言之半年以來不時點查親為訓練營官即欲借名影占寄頓私人自不可得至於聽用等官家人跟伴掛名食餉此端杜絕久矣一樞臣原覆職方武職太多一款內云武職冗濫銜品頡頏節制明奇馬盧奏議卷八 五

最為不便如關外各營遇有調遣宜照營將聽令施行所當畫一申飭者也團練總兵之設前曾奉旨請裁該撫奏畱不已似宜仍舊但遠將銜高者多地位相逼參一西將號令不行雖設與不設等斯為可議至中千把總領兵而外不宜多設近聞督撫以此充賞私人朝更夕改殊近兒戲所謂倚牆靠壁莫可誰何不獨將官不敢問也三協督撫各分信地功罪賞罰屢請明旨昭如日星各該撫鎮自宜精選真材裁汰冗濫仰為朝廷封疆俯為自己身命無容濫賞充數有不堪而強用者指實奏聞毋容隱忍誤事等因前件該臣看得官方貴簡貴肅兵政宜靜宜專謹按營規將官之下有千總千總之下有把總名位必須截然千總所統士卒以近千為率把總所統士卒以五百為率分數亦須截然是以臣標節制五營額定經制每營官兵一千九百員名止用副參遊將領一員坐營守備一員領兵千總二員塘撥千總一員領兵把總四員如身之使臂臂之使指簡便直截呼吸相聯此外有所謂督陣遊都者有所謂衝鋒守備者有所謂紅旗千把總者業已一概禁革總期於清肅靜專臣前者奏明標營經制疏內不惟將領題明在案并各中千把總選定職名亦皆一一陳之御前及明奇馬盧奏議卷八 五

請給部劄正以見所用無私人也但臣標如此不能必各鎮皆然要之職要職詳法行自近向來即通行宣大山西等鎮嚴飭遵依又將營制及練兵諸款咨送兵部與中外共聞而共見之今奉查奏明繪謹先將臣標事宜登答回奏倘或行之未當尚有應裁是在樞臣確議定奪至三鎮標健正奇等營相沿規制并所設官役已咨催撫鎮諸臣各自回奏待其會報到臣臣亦為之覆覈類奏耳統惟勅部議覆施行

崇禎十年十二月十三日

謝發帑金疏

微臣泣懇聖恩借發帑金以全數十萬生命仍望嚴勅
守催民運補還事奉旨暫借四萬兩欽此該微臣隨恭
設香案望闕叩頭謝恩又飛行二鎮協路邊堡將皇上
天恩宣諭各該將備操防軍兵人等訖臣又思帑金齎
發須歲暮方可抵邊而部借之銀聞外解斷絕司農新
舊餉庫銖兩無存更非旦夕可到恭體聖明軫恤貧軍
至意移文撫監飛檄道廳如餉庫路庫都司庫沿邊府
州縣庫不拘何項盡數那移臣又行陽和道廳於各行
商人設法暫借務足各邊堡一月之餉分頭給散一面
明大司馬盧公奏議

卷八

五

候帑金與部借銀兩至日照數發還仍守催省直民運
積運補還內庫及部銀數目總之是役也借帑之明綸
一沛數十萬奄奄垂盡荷戈骨立之征夫無不感同挾
鑿而臣等因得就近轉移早延三軍一刻之生命何莫
非聖明浩蕩之宏仁也至於缺餉經年措給一月點點
滴滴實皆續命之膏將備操防賢愚不等從來影冒科
派扣除等弊雖禁革屢番恐有未能洗滌者倘一夫不
獲即負聖恩仍委守巡兵備道臣各親赴邊堡包封唱
名驗散且以問軍疾苦宣示皇仁一時歡聲載道向移
京民二運若得源源而來邊廷當有起色矣此則微臣

所日夕引領而未敢必者也統惟照察施行謹奏
崇禎十年十二月十六日

明大司馬盧公奏議

卷八

五

夷情疏

謹照薊宣邊外明敖原係一種乃受賞於薊作歹於宣前屢奉嚴行諭警之旨除移會昌宣撫監并聽薊遼督監遵行外向因拉我宣邊哨丁剝我衣物乞討舊賞兵部曾有密遣乖覺兵丁出口埋伏山林計拉放夷聲罪致討隨機駕馭之說而協路將備等官未能辨此也近日龍門路滴水崖口外哨丁李甫等三名又報奪衣搶米非敖目而何此會逼處陵後巢居深險出沒無常終當為我之患在我惟有剿撫兩著薊昌宜合做不宜分做者也如用剿則薊宜助宣之力兩鎮各遣銳師五千

明大司馬盧公奏議

卷八

五

將謀大舉三四月間便當以全副精神待之而明敖近居肘腋鼠器相依斷宜早為之計者顧臣又熟思之矣敖眾不滿三千而依山負險我師未易深入抗我兵威則不足阻我兵力則有餘為爪牙則不足作耳目則有餘我欲以不治治之非權示糜不可故目前事勢用剿不如用撫之說長但邊臣未敢自主仍當聽之部議取自聖裁至所需額賞大約多則五千金上下少則三千金有奇或宣鎮搜處以充之或量發朝廷公帑總之所費無多也統惟皇上勅部確覆行令臣等遵奉施行謹奏

明大司馬盧公奏議

卷八

五

崇禎十年十二月二十四日



明大司馬盧公奏議卷九目錄

宜興盧象昇建斗著

襄平蔣攸銛礪堂鑒定

宣雲奏議

請宥刑部尙書鄭三俊疏

奏明秋防甄別違限及緊急邊情撫鎮逕報兵部

疏

■情疏

乞賞叵測疏

布置大略疏

明大司馬盧公奏議

卷九 目次

密報邊情籌控禦三著疏

諭警機宜疏

決策待戰疏

議設口外塘撥疏

撤兵回鎮疏

懇辭服俸疏

遵旨覈議督屬總兵官疏

恭陳備禦確實情形疏

請敘三鎮有功文武官員疏

雲兵不宜再調疏

再懇留雲兵疏

聞訃乞奔喪第一疏

乞奔喪第二疏

乞奔喪第三疏

乞奔喪第四疏

乞奔喪第五疏

明大司馬盧公奏議

卷九 目次

二

明大司馬盧公奏議卷之九

宜興盧象昇建斗著

襄平蔣攸銛礪堂鑒定

宣雲奏議

請宥刑部尚書鄭三俊疏

臣象昇封疆之臣也身任封疆惟當循職自效不應出位有言願蒙皇上知遇踰涯洗心圖報夢寐矢之伏睹聖明御極以來銳意中興太平殫精民生吏治痛懲貪墨敦尚清廉海內大小臣工胥視皇衷以為象指臣生平孤梗絕鮮知交未嘗依傍一人求全賈譽若刑部尚

明大司馬盧公奏議

卷九

一

書鄭三俊臣起家戶部曾為其屬官品格操持素所佩服三俊歷仕四朝其居官也一介不取清矣夙夜在公忠矣輿情推重聖鑒昭然今為司寇大臣因讞鑄局屯豆等案致干聖怒厥罪何辭微臣恭讀明旨鑄局弊孔原叅有據屯豆多開弊竇發露乃屢旨駁訊竟不恪遵爰云事屬可疑毫無虧溢徇私輕擬該部職司問刑每以別衙門推委鄭三俊能經法官執法駁駁方璽委曲庇姦如此朋謀蒙蔽巧行欺罔殊可痛恨俱著革了職法司提問具奏欽此在三俊方蒞藁以待斧鑕臣何人斯輒敢籲天請宥自干出位之譴乎所恃聖恩浩蕩雷霆



原不終朝三俊即有應得之罪乞皇上俯念清忠老臣節概久著特開一面俾全骸骨以歸使中外知為臣如三俊者平時砥礪過人即偶有罪愆猶獲邀聖恩於格外世道人心夫亦愈知勸矣天下幸甚謹奏

崇禎十一年二月十三日

明大司馬盧公奏議

卷九

二

奏明秋防甄別違限及緊急邊情撫鎮巡報兵部

疏

照得報時聞邊防孔亟臣欽遵勅諭赴各口各邊查閱料理所有崇禎十年秋防甄別前該兵部具題定限在於正二等月謹查舊例俱係宣大山西三鎮撫臣會稿到日臣衙門方行會奏臣今單騎巡邊吏書未便多隨沿途亦難繕疏有違限期恐屬後時竊用凜凜臣督標將領及軍門隨征聽用將材等官往歲秋防附入大同一鎮蓋以陽和地方乃大同境內也今臣標添設五營并中軍旗鼓大小將領幾千五十餘員加以隨征聽

明大司馬盧公奏議

卷九

三

用將材等員官不啻百且向來承平無事標下官兵止供轅門擁護而已邇年邊警頻仍防援殆無虛日其苦視各鎮倍之但有微勞均宜敘列必須專疏始免漏遺而題稿則仍會大同撫臣以無乖往例此不敢不預陳之皇上請旨允行者也此外喫緊之事則有三鎮探報夷情不拘遠近撫鎮飛報到臣臣即立時奏報今臣既赴各邊各鎮查飭並不遺牌知會各屬亦不多帶從人介馬而馳忽東忽西或行或止正欲使鎮將軍民意料不及若處處有臣身在焉如此巡行地方之耳目不驚遠近之人心可振但恐各邊塘報一時不得到臣軍前

未免稽誤已移會撫鎮遇有緊急夷情一面報臣一面徑報兵部應題奏者撫鎮即先題奏庶幾軍機無誤也以上二事俱有關係臣謹聲明白統惟皇上鑒察施行謹題

崇禎十一年二月十八日

明大司馬盧公奏議

卷九

四

情疏

謹照宜鎖獨石口外瞭見營火光業有窺邊警息已
經飛報達部又復具疏上聞矣臣將關寧屢次塘報情
形及兵部疏題申飭事理靜言思之勢既強謀復
狡聲東擊西乃其故智從來突犯之迅速不在先之
有無以大勢策之自遼瀋達宜雲急走僅逾十日經
行不過兼旬如其養銳蓄謀沿途駐紮紆回遠道使我
莫知又非可時日計者古之女直兵滿萬則不可敵凡
音東兵數十萬恐未必然近據關寧之報謂東兵
約有二萬西兵約有一萬四親率以來止留三箇王

明大司馬盧公奏議

卷九

五

子保守瀋陽果如是也若得銳師直搗呼吸制勝
必且事半功倍焉不止牽其東顧壯西塞之聲援已
也至哈與向來惟恐其相合臣遂思所以分之復因
其叩關自效臣更思所以用之招徠哈馬固始於樞臣
楊嗣昌督宣之時用哈圖實出於微臣愚揣之見茲
謂以搶馬來以讐哈來情亦近是而畢竟其志不在
哈亦不在馬也垂涎內地耳平居無事之時當撫四夷
以馭遠狡啟疆之日當策羣力以自強今年正二月
間哈因尋示遇移營而西其或遠來難以持久抑或
意中尙自怯俱未可知彼時議欲羈縻哈衆樹之敵

以牽而數萬哈夷棲遲近地我無金錢奈彼宜防觀

望生心是以用哈之說止可因勢利導未便使其必留
臣與撫監鎮道諸臣亦常再四籌之矣此外則功罪當
明賞罰當遠蓋有功不卽賞有罪不立誅忠志日益灰
心愚頑未免偷息迨事後而推敲之徐徐刑賞之封疆
其曷有濟也臣昨年疏請飭法一款已經題奉欽依文
武各官除鎮道而下不用命者軍前立斬臣當一意奉
行卽大帥監司違臣調度亦先斬其中軍仍一面察逮
處以重典其有功官兵容臣隨時驗明功級不拘何項
錢糧軍前立行給賞若功多且大者應超陞應加級亦

明大司馬盧公奏議

卷九

六

先給以臣衙門印信執照一聽兵部事平題授此又激
勸人心之要著也統惟皇上勅部速議施行謹題

崇禎十一年三月初三日

乞賞回謝疏

照得臣等西行窺伺宣雲一帶自三月初二日至初五日臣已三具塘報兩拜疏章近據分監臣魏邦典內中軍盧志德并道將等官賀鼎姜名武等各塘報到臣謂以數百騎至張家口乞賞其說頗長行間繕疏不及已詳列塘報中達部轉奏矣臣思頻年入犯皆倏忽深入滿志而歸何求不得今乃作叩關之態效卜插諸酋所為乎此必探知宣雲稍稍有備故來嘗我疑我懈我其情叵測也不然則姑示陰陽順逆縱我宣雲之師而分其精銳直闖山西掠食於三韓內地其情更叵測也臣雖身捍宣疆敢不慮周雲晉業將此等情形飛會大同山西撫監及鎮道將領等官一味以堅壁清野嚴師堵剿為主庶幾不墮彼狡謀况宣邊雲邊之外俱瞭有火光益知騎非止一營來非止一處臣此時但親督標旅隨方應援其三鎮戰兵未敢輕調蓋邊長無險恐其此驚彼遺也倘關入某地便當厚集兵力出奇用計思大創之此臣夙夜枕戈以待者統惟聖明鑒察施行謹題

崇禎十一年三月初二日

明大司馬盧象昇議

卷九

七

布置大略疏

謹照三月初二日至初六日邊情臣已節次塘報兵部今初十日辰時又據新平路有兵近邊牆形屬大舉等報六七日之內宣鎮自獨石以至張家口并及大同之新平得勝皆有騎營處處將思狡突不過以開市講賞等言為懈緩兵心之計耳臣今親督標下前左兩營駐師右衛又發中右兩營分駐懷安又飛檄宣府總兵官楊國柱急移師靖邊羊房等堡東西數百里之內俱聯絡分布以便呼吸應援其大同戰兵尙未輕調蓋其苗頭亦浸浸西向各鎮先宜自固然後可以分馳夫兵以靜勝臣不能保其不突宣雲惟有盡力當之圖一勝著使不敢東窺陵京一步以罄此報國血腸耳况宣雲窮塞昨樞臣條議收堡堅壁頓銳擊惰等法臣已指授將吏悉心為之此時聖衷不必焦勞中外亦勿震恐但當嚴控居庸龍固紫荆倒馬諸關在內既可以守則在外益可以戰庶幾兩得之也統惟聖慈垂察施行

崇禎十一年三月初七日

明大司馬盧象昇議

卷九

八

密報邊情籌控禦三著疏

崇禎十一年三月初九日辰時據宣府右衛路叅將姜

名武塘報云到臣看得數千里走來遷延塞外

未即奔突者蓋知內地收保斂藏進無所掠又恐哈夷

潛伏他處退為所乘兼之宣雲一帶戰守官兵稍稍有

備即闖入亦無大利耳臣連日集諸將吏籌之卻願者

欲就撫以安邊奮發者思出口而與戰夫他夷可撫

斷斷不宜輕撫何也順逆之形真偽之故應權也犯

我可戰出塞斷斷不可輕戰何也主客之勢強弱之數

不敵也但據今初八日情形止言開市不言索賞及臣

朝大司馬盧公奏議

卷九

密遣官丁伺彼動靜其大營尙劄於馬肺山駱駝山諸

處正與宜之中西二協相對哨馬游騎則分頭四出時

近邊牆又偵營穿紉綠蟒甲者不下數千且言四

親在向日關寧塘報真確無疑大寇既迫於邊垣籌畫

須求其萬當微臣審時度勢終夜以思有三著焉激厲

將士插血誓師臣標與宜鎮挑選騎兵五千搗其中雲

鎮挑選騎兵四千扼其前薊昌挑選騎兵七千襲其後

直薄營合力奮擊得手則進不得手則退是為奇者

閉關謝之明諭諸夷連歲逆天肆惡與恭順部落不同

賞固不從所乞市亦不准其開彼若悔過而還我不勤

兵于遠如狡馬啟疆即勵兵剿殺是為正著陽示羈

縻許以叛討服舍使叩關夷人聞刀說誓如若眾東

回止畱散夷在此姑准開市因而密察虛實鈞索其情

大修內備且就中施我智術離羣散黨攻心伐交以成

制安邊之長算是為穩著究之奇著乃險著也正著

乃常著也穩著乃高著也統惟聖明密勅該部確議定

奪施行

崇禎十一年三月初九

明大司馬盧公奏議

卷九

十

諭警機宜疏

崇禎十一年三月十五日酉時准宣府撫臣劉永祚塘報據右衛路叅將姜名武報稱據張家口堡守備周洪猷稟稱本日辰時有騎馬夷人二三百餘名往南行走又據本堡橫哨健丁同本路哨丁董一伏等報稱有騎馬夷人陸續到於壕北本職隨同路將并甄都司傳令赤食等到牆下問他你前日說送進我的人馬都來了麼赤食說前日叫歹青恰去認他的物件你們又說沒在這裡我王子查得搶去物件少你家長哨又說的多我王子昨日差人來將八箇頭目拏去查問待查明與

明大司馬盧公奏議

卷九

七

你送來赤食又說講過話這幾日了不見示下想是你們不稟上司又不上本奏知天朝定要誤了大事甄祥說前兩番據你講過的下情都稟知各上司已替你上本奏知朝廷蒙聖旨說連年犯搶壞我城池傷我人民得罪天朝他來口上就該將調到兵馬新製火器剿殺他一場爲何與他講市極是惱怒後又說據稱內有插漢家并卜什兔家的達子這兩家部落先年原是恭順守邊的屬夷不忍殺你姑此寬恕赤食說我王子也說這邊原沒我東的賞只爲我們插卜兩家達子舊日守邊吃賞故此要來開市甄祥又說若只是你舊

夷討市就該將東兵馬都回原巢去畱的插卜幾箇頭目在此還要你關刀說誓永久恭順我再與你稟知各上司再替你奏知朝廷聽候定奪赤食說既是這等我們還去與王子說將東兵都叫去我們畱幾箇頭目情願關刀守邊還要上司與我們上本討些賞賜說畢竟往北去說今將講過夷情稟報到路塘報到職轉報等因到臣看得東西插一時擁衆窺伺宣邊且以市賞爲名洵洵叵測欽奉明旨一則曰相機操縱一則曰設法密行連日會同撫監令撫夷都司甄祥等設詞盤詰鈎索其情卜插舊夷其歸命投誠之意近實似當因

明大司馬盧公奏議

卷九

三

勢而利導之即臣前疏所謂離羣渙黨攻心伐交也此番諭警務在奉揚天威持正國體忻服夷心如或逆我顏行即便嚴兵剿殺臣督標旅駐防右衛控扼衝邊撫監及內中軍盧志德各集其戰守兵丁戒嚴市口封疆事大必求制勝萬全待另有情形再行馳奏兵機呼吸異宜未敢預定也謹題

崇禎十一年三月十六日

決策待戰疏

照得宜鎮張家口外講市講賞雖係卜插等部舊撫屬夷而擁眾臨邊陰為主使者實東也連日講舊機宜業已節經奏報謹查兵部咨文欽奉聖諭謂插部可賞東斷不可賞大哉王言邊臣業已凜奉令強插弱插即有二心於未便明明作難須令開市守邊之後徐作攻心伐交之謀計目下夷情插部懷天朝舊德投款近真恃彼眾跳梁設謀仍狡明旨命邊臣覘料情形從長布置倘不深知彼不能制勝萬全歷觀塘報并營逸出哨丁所供插連營實有數萬關寧宜

明詞馬盧公奏議 卷九

大異地同詞其遷延塞外不即闖邊者豈臣等封疆之吏果有遠略鴻猷能令相戒勿犯實皇上神武布昭威靈遐暢有以威之也就裏機關如能設謀用間使插部就款眾遁回是為上策其次則莫如令速犯速戰何以言之擁眾遠來遲早必有一犯今塞外馬草方青內地黍禾未長我兵堅壁鼓銳以待倘易殲除延至四五月間則馬飽騰因糧於地制之益難况防兵日久費多糧料不繼非算也夫馭以機略為先臣今謹一論檄傳示營內開欽命總督部院軍門檄諭東西插等各家頭目并部落散夷知悉你等夷人連年逆

天行事屢次犯邊罪惡多端神人共憤今又無故稱兵借市賞為名窺探中華虛實包藏禍心天地神明豈肯佑汝本部院雖白面書生頗閑武略三邊戰守將勇兵強况受朝廷大任奉朝廷大法專一撫順勦逆如果真心悔罪情願恭順天朝須著東先撤回并將侵占遼土歸還中國再議市賞止畱插漢兒卜失兔等舊部落頭目散夷在此姑准奏明開市待守邊有效量給賞銀承遠恭順若恃強擁眾觀望遷延指東話西朝三暮四即當調集多兵一意勦殺并卜插諸夷市賞亦斷不容輕開各夷仔細尋思及早自決特諭此臣發諭之全文也彼中亦多通文識字者彼怯我而邊巡以去則已若憤我而突如其來即選奇兵出塞指授機宜張疑暗擊其餘強兵壯馬深藏若虛不露情形待窺逞奔突然後雕斲於白晝闖劫於夜分若天心效順雖四亦可擒也但兵機貴密兵謀尚陰兵事最活願中外相體勿以尋常文墨議論責臣臣乃得竭愚忠以圖一當耳

崇禎十一年三月十八日

議設口外塘撥疏

臣見各邊哨法雖日日申嚴緩急終於難恃邇來宣鎮總兵楊國柱所遣標下官丁康有德徐有功等哨報情最真最早臣得親提標旅馳控衝邊爲先發制人之計今已東歸矣似可解嚴而臣竊謂不然也二十年來大舉大利小舉小利今四運營擁衆遠薄宜雲輒垂首不得志以去蓋有忿心焉疆臣制安邊實宜深思熟計夫安邊不出戰守兩著制不外勤撫二端微臣回鎮之後尙有十疏次第上請聖裁今目前吃緊者則哨探是也謹列款奏聞

明大司馬盧公奏議

卷九

五

一各邊分信偵防原係將備專責但步兵出哨驟然遇多有損傷况望其入口馳報哉問發長馬以去亦疲困莫支鮮不誤事者今議除守備操防照常哨外各該路將不必再用步丁專撥有馬健兵每路六十名分作循環兩班加給錢糧出口坐撥瞭哨一每路出哨馬兵六十名既分循環兩班上半月用循字班下半月用環字班每班三十名俱以本路口外北面三百里爲信地安設頭撥在彼二撥三撥以次安至邊口每二十里爲一撥每撥二人爲之坐塘撥馬有警以次飛傳

一每路頭撥塘馬給白心紅邊報事旗三面若夷人衆過萬人爲大舉用急字號旗一二千爲游騎用火字號旗數百爲零犯用風字號旗頭撥飛送二撥二撥飛送三撥以次飛送至邊口本處路將飛送臣衙門及各撫監鎮道仍將各塘兵每人給三眼鎗一杆有警一面傳旗一面先行放炮遇大舉放三炮遇游騎放二炮遇零犯放一炮各撥以次接放三百里地面一二刻可通如此則塘馬傳旗未到而炮聲先達邊口又多一番耳目矣

明大司馬盧公奏議

卷九

六

一各路馬匹爲數不多然路將之兵能守不能戰馬匹雖有若無今擇其壯者設撥口外遠哨夷情是化無用爲有用也但人馬安塘塞外宜稍厚其芻糧該班馬兵除本路額支糧料每班每名連馬料應加銀八錢於三鎮庫餉歲餘節曠內搜給一各路旗號既定風火急三等仍須每樣各製兩面分註循環字樣照班發行其三眼鎗亦然責成各道臣製造分給一塘馬塞外棲身暴露風日中宜恤其苦每撥二名議給帳房一頂臣已行東路同知動撫賞庫貯粗白布製造完日奏銷再給鑼鍋一口使眠食有資

一塘兵仍各給年貌籍貫及馬匹毛齒牌上書某路循字號或環字號第幾撥塘兵於某口迤北某地方坐撥仍用該道關防如有脫逃嚴拏正法病故倒損者即時選補并責成該道時刻稽查

一將領統轄一路偵防戰守責任非輕未有不能偵而能防不能守而能戰者今塘撥既設每月大哨小哨會哨之舉皆可不行以休兵力但功罪不定鮮知勸懲如哨探明速有裨戰守機宜路將即從優敘哨丁照例給賞其或玩誤將官兵丁俱以軍法從事

明大司馬盧公奏議

卷九

七

另行選補該將仍不時查問各方疾苦加意撫摩其應支坐餉及加給糧銀俱另具冊領聽該道核明先期給發以便出口該餉司若有違延以失誤軍機論一口外坐撥其差最苦米糧豆料尚可攜帶惟馬草必須就食塞外若隆冬水凍草枯勢難出口每歲三月初一日起至九月終止塞外有草此七箇月內俱夷人犯搶之時務要按月坐撥十月至二月塞草乾枯事勢稍緩姑免塘撥馬兵各將備仍照常偵哨

以上哨探事宜列款凡十似乎簡便直捷可行或謂夷人猝至恐有疎虞不知安塘瞭哨必於崇嶺

高岡一眼可觀數十里地面之處又且二十里一塘彼此相望若大至即飛馬進邊比之長馬長哨人困馬疲十常損其四五即有脫回者哨報仍是稽遲孰利而孰害孰得而孰失乎於加給餉銀尙宜從厚而宣雲匱乏每班半月一人一馬止加八錢外加犒賞二錢以足一兩之數查宣大山西三鎮共二十四路除腹地免設外在宣鎮則永安路獨石路龍門路葛峪路右衛路柴溝路皆極衝在大同則新平路天城路得勝路助馬路右衛路威遠路井坪路平寇路皆極衝在山西則偏關西

明大司馬盧公奏議

卷九

六

路水泉營路皆極

下關

撤兵回鎮疏

照得東歸聲息漸遠右衛等處城堡既窄糧料無多兵馬久聚一隅難於供億訓練臣擬行道將於二十五日統兵回信以便操練以節芻糧若宣之大營鎮標仍暫留葛峪等處稍俟數日次第撤回庶幾緩急得宜兵食無冗至邊堡哨丁防兵臣覆加嚴飭務令時時戒備日日遠偵又照另疏派設塘兵出口瞭哨蓋此番大臨邊幸而匹馬不入若邊人狃以為常狎視邊地從今悠悠則非封疆之福矣聞聚族而謀將於今秋再圖大舉此時急練戰兵多辦火器講究深謀枕戈戢以

明大司馬盧公奏議

卷九

无

待之務得安邊長算乃臣夙心也統惟皇上睿照施行

崇禎十一年三月二十二日

懇辭服俸疏

崇禎十一年三月十九日准吏部咨文為欽遵明旨確覆興屯有功在事文武官員以昭激勸事奉旨盧象昇加從二品服俸職銜欽此欽遵備咨到臣臣愚不勝感悚踴躡竊念屯田固足裕邊昨歲僅能經始息穀四萬所入幾何此不過疆臣效職之一端耳且合道聽將備羣心羣力以為之臣非有胼手胝足之勞也更賴撫監按臣同心同力以為之臣非有運掌巧炊之術也况乎官叨九列能鮮一籌遽荷聖恩加之崇秩固是朝廷典豈臣夢寐所安數日以來拮据邊庭枕戈禦一番

明大司馬盧公奏議

卷九

干

崇禎十一年三月二十二日

循省背輒負芒再四思維終難忝竊伏望聖明鑒臣愚悃俯將從二品服俸准臣辭免待今秋屯務視昔有加或堪稍佐京坻之積夫然後程勞受賞祇承皇上鼓舞隆恩庶幾臣狗馬血忱少抒萬一也統惟睿鑒准行臣臨疏不勝頂戴悚惶激切待命之至謹奏

遵旨覆議督屬總兵官疏

臣看得闔外師中之事首問元戎是以各鎮總兵得人則壁壘改觀金湯增固誠重之也樞臣有見於此詩旨覆議去畱足破相蒙之習臣思前代名將如李郭諸人邈乎遠矣今日亦維因世論人因人論事以求不負朝廷任使堪為巖塞宣勞而已督屬宣大山西三鎮宣府總兵官則楊國柱是也國柱遼人敢戰習知中情事年方壯盛心更篤誠受任一年有餘當前帥積頽之後一切軍容器仗馬匹夷丁本官極意經營不遺餘力且每叩以軍旅皆能實言實做毫無飾詞近時大臨邊

明大司馬盧公奏議

卷九

三

遣發偵哨隨方備禦卒收匹馬不入之功蓋謀勇並備者大同總兵官則王樸是也樸榆林將種年少登壇習中洞然筆下了然其智略固是不凡而更切吞胡壯氣捐貲鼓舞將吏最得士心設法鞭駕屬夷復饒遠略歷任三年勞深功茂識力調度迥出尋常雲疆實倚賴焉山西總兵官則虎大威是也大威剿賊有年素饒勇略去秋方推晉帥受事三關該鎮兵丁援豫哨逃大費收拾本官與寧武道臣張毓泰悉心整擗兩月而就緒焉臣見其方壯之年赴桓之貌奮發之忠不愧當關虎豹且能截賊靈陝鞏固河防猷望方新維圖可卜以上皆

三帥實錄並無隱護於其間夫宜大山西乃今日危疆要地非人所樂就者當世或有奇才異能越在三帥之上方當急起而更之奈海內將材政如晨星落落倘或後人不若前人又未敢以封疆嘗試矣統惟聖明敕下兵部再加詳覆定奪施行再照覆議鎮守奉旨文到卽行緣臣親率標兵馳赴宣邊禦是以稍稍時日并祈睿照俯原謹題

崇禎十一年三月二十八日

明大司馬盧公奏議

卷九

三

恭陳備禦確實情形疏

臣惟邊計戰謀所關最大必須以有事處無事而夙昔之綢繆始豫尤須以無事處。事而當機之調度方周近據宣邊鎮道塘報。卷甲東回其去已遠再合之。薊遼關寧所報度四月中旬。且回至其部矣方其連營西出窺伺宣雲也大隊剽馬肺山哨馬直抵牆下而遠近相傳有以爲敖者有以爲插者有以爲東西哈者又有以爲東。零騎者獨關寧塘報探其起行日期發兵數目及所攜乾糧頭畜種種逼真無臣方一藻復馳羽書走急足相示故宣雲諸鎮得聞信於經月之前早

明大司馬盧公奏議

卷九

三

爲布置樞部復先期指授甚飭請旨通行如審思兵勢再審兵勢等疏部議深合機宜明旨屢嚴戒備又宜鎮總兵官楊國柱設法遠偵於三四百里之外凡遇苗頭所向卽先飛報內部及臣衙門此皆備禦最先之著也及。馳縱橫於塞外人心洵脊於風聞臣會同撫監諸臣董率鎮道將領牆以內所在嚴兵待戰牆以外隨時遣哨張疑仍如部議佯令哨丁被縛而探其虛實焉彼列九營確有三四萬我合督撫監鎮標旅不過萬餘其時未敢請一兵呼一餉者蓋備。應計全局徵調難免張皇况兵動卽費芻糧宣雲積貯有幾故大。臨門而

微臣前疏乃以用客不如用主用寡勝於用多之說進臣非得已也自初六以至十七相持旬日有奇臣借內外文武諸臣奉揚天威凜持國體直折其謀未假一遷就之詞而官兵擐甲枕戈亦無分於宵且至十七日午餘始拔營東去其所投書不敢復爲。臣等仰體

皇衷頒發諭檄蓋有我武維揚之意焉今封疆宴然耕鑿如故塞上軍民數十萬咸歌聖德於萬年此實皇上赫濯威靈暨在廷當事諸臣助勦廟算故曲徙勝於焦爛如此倘其控制失宜士馬弗戒再一馳突邊臣固不惜焦爛以禦之而所傷多矣寧惟亾矢遺鏃之患哉但

明大司馬盧公奏議

卷九

三

此來既以市賞窺我再至必以兵力脅我自古帝王御極滋中國而撫四夷夷何嘗不可撫不宜撫待非所論於今日之。彼果悔禍輸情必須論以修復義州歸還遼土照祖宗朝舊例以待之若樞臣所謂講市賞於遼不應講市賞於宣斯得之也臣惟簡練戰兵收拾戰具率勵將士專意待。仍體明綸除。而外他如卜插諸夷東西二哈或輸誠而市馬投款以守邊一皆陽示羈縻陰施操縱來者不拒去者不追使知各自爲部則天朝予以覆冒之恩趨勢附。則中國絕其歸依之路伐交用間於此先寓其端然後次第施行未晚再以

臣前疏所陳口外設塘事理論警赦卜機宜特請明旨
行薊昌宣雲四鎮督監撫鎮諸臣與臣一意同心隨方
料理仍查今歲二月間關軍報西馳彼中偵哨得情
有功文武一體論敘鼓既往以勵將來則宜遼聲息更
靈固圍伸威有賴矣統惟皇上敕部速覆行令臣等遵
奉施行

崇禎十一年四月初三日

明大司馬盧公奏議

卷九

五

請敘三鎮有功文武官員疏

惟兵部咨該本部具題前事奉旨所議賞罰六事三等
及一切事宜深於邊政有裨俱著依議續准兵部咨覆
昌宣分守太監魏邦典題前事奉旨宣大山西內外文
武各官能拒口外比薊門匹馬不入加一等升敘其
擒斬多級登時逐之出口者亦准勘敘欽此遵依在案
臣督屬三鎮秋防甄別原擬於二月中旬拜發因急警
稽延微臣前疏業已題明矣茲有三事仍當聽之部議
恭請聖裁其一則宣邊備禦是也二十年來屢番大
舉勢極披猖而其禍中於宣大山西特甚朝廷按失事
之律正疆吏之辜逮者斥者幾無虛歲至使官其
地者有如蹈火赴湯嗣今兩歲封疆晏如百廢頗舉近
日擁眾窺逞在事文武諸臣戒備枕戈無分宵旦卒
之匹馬不入仰合明綸夫大臨邊連列九營數踰三
萬眾耳眾目共睹共聞安危呼吸之間關係良非細故
乃竟講市不得斂眾宵奔不費多兵多餉而國體以正
生靈以安諸臣稟廟算而折狡謀詰戎兵而固疆圉撻
伐之猷似難泯也其二則雲疆款市是也凡議款未
有不需金繒者遐考先年卜插諸酋歲糜數十萬以弭
之僅保無事然且時而稱兵要挾時而零竊為非不勝

明大司馬盧公奏議

卷九

五

洵洵眷眷之象雲中自樞臣楊嗣昌督宣之日招來哈馬迄今三四年間在事內外文武諸臣多方備禦操縱前後共買過市馬幾五六萬騎方之腹地俵解及西寧遠市可省公帑四五十萬金雪雖獨當其勞京邊實共受其利至十夷部落自十年秋冬叩關納款迄今兩載未動邊垣寸草一木亦未費朝廷寸絲分文衆臨宣其哨騎時近雲邊而無瑕可伺偵防撫馭之效亦昭然也其三則晉省防河備是也晉兵最單其地復廣西界秦川河套零夷出沒東連豫雜流寇窺渡其間北控三關時而蠢動在事內外文武諸臣三面力圖捍禦蓋明大司馬盧公奏議

卷九

三

不勝其勞而三方並睹戢寧皆克著其效一時同心共濟之力皆不可誣也總而計之三鎮綢繆兩年拮据危疆漸有起色人事足挽天時一皆聖武布昭廟謨周徹以有今日而大小文武諸臣竭智殫忠宣勞巖塞似當於六事甄敘之外另有一番區別庶羣情知奮後效彌殷或即在防河疏中或另本查覆論敘臣不敢不一請於聖明敕部覆定以昭激勸以便遵行也若夫閩部科司惟幄宣猷奏功安攘自有宸衷鑒察非疆臣所得而擬議矣謹題

崇禎十一年四月十五日

雲兵不宜再調疏

臣頃接邸報兵部一本爲塘報秦寇東突等事內言晉撫仍發猛如虎馬兵二千入秦再令王樸選二千遣將南征等因臣思勦賊禦中邊共急樞臣以一身調度邊腹原是千難萬難今議再調邊兵靖彼腹寇微臣於此敢不誼切同仇顧宣大山西實非他鎮比通計宣府鎮戰兵五千大同鎮戰兵一萬山西鎮戰兵六千臣標戰兵七千合之止二萬八千人而其中有馬者尙不及半以控二千三百里長邊山川之險旣無可依低薄土垣又全不足恃來即數萬成羣隨處可入宣晉兩鎮標健等兵總兵官楊國柱虎大威收拾鼓練纔覺改觀僅成一旅而以半萬之兵應援全鎮實苦不支惟大同鎮居東西兩鎮之中該營士馬總兵王樸整理已及三年爲數幾於一萬稍堪固圉有此一枝騎兵再合以臣標步騎脫有緩急可壯聲援倘再選銳南征三鎮空虛益甚若秋來大舉何以待之蓋臣所慮極危所當極苦所任極難縱日日呼兵呼餉猶非過計私憂止因目擊時艱中懷體國一切疆場之事率皆勉力支持樞臣向任宣督就裏情形知之必悉料無不亮臣此番爭執者且臣標騎兵三千去年已挑發一千出勦頃兵迫

明大司馬盧公奏議

卷九

三

門庭倉卒請撤因部覆未允不敢再陳今晉中猛如虎
既行大同標健勢難再發比之龍固登通緩急實大有
分也統惟皇上敕下該部立賜裁決施行

崇禎十一年四月二十三日

明大司馬盧公奏議

卷九

完

再懇雷雲兵疏

該臣於四月二十三日接見邸抄兵部議調鞏固登島
通州雲晉五鎮官兵一萬協勦流寇此戡亂極思疆臣
所急宜奉行者止因宜大山西兵力最薄事勢甚危轉
眼秋防宜萬分戒備臣於本日得報之後隨具戰兵萬
難再調一疏議將猛如虎之兵如數遣發而大同標健
雷以備其迫切情形已略盡於前疏矣四月二十六
日在兵部咨為塘報秦寇東突等事奉旨秦賊東突亟
宜乘時扼勦這選調山西眞保登萊通雲兵馬數目依
議欽此欽遵備咨到臣除飛行大同撫鎮一面整擱以
申尙馬盧公奏議 卷九 三

待外謹照大同戰兵方之宜晉其馬匹軍容似為稍勝
然該鎮處宣晉之中而八路又極衝之地微臣通盤打
算刻刻圖維得此一旅合以臣標節制營兵庶幾三鎮
應援差有可恃但臣標騎兵三千有奇勦賊已去一千
雲鎮騎兵五千有奇今復去二千總計止存五千有奇
以當勦禦衝鋒實見單弱宣大山西乃陵京第一重門
限倘士馬弗戒致騎長驅呼吸安危所關不小樞臣
明而熟於計此請原出於萬不得已之苦衷猛如虎之
兵稍近腹裏今與鞏固通登一時並發以供勦賊急圖
猶可也若雲兵再調則空虛與宣晉同軍情叵測臨期

卽大聲疾呼望援他處得客兵萬不如得主兵千得客兵千不如得主兵百况非旦暮可至者乎臣用是終夕躊躇不能已於再控望聖明垂鑒冀樞部熟商且今續調勦賊之兵數取一萬縱少此二千或亦無虧大計而去雷之際緩急輕重攸分臣今日不言他日卽爲封疆受罪於事機何補焉統惟皇上勅部速覆施行謹題

崇禎十一年四月二十八日

明大司馬盧公奏議

卷九

至

聞計乞奔喪第一疏

奏爲孤臣罪孽多端以致父亾旅次寸腸已裂萬死難回泣懇天恩速敕部推新臣刻期受事仍允微臣所請先敕就近撫臣署篆以便交代奔喪事臣象昇於五月初一日痛接臣父訃音卽時馳報大同撫按并總分監諸臣具題矣念臣父享年止五十有八去歲迎養至臣衙門因水土失調今年二月十九日自通灣水道歸里起行後臣督兵禦於宣邊定省旣違音信復遯嗣聞臣父於途中多恙飲食漸稀手足時時麻冷臣日夜憂之猶冀得支撐到家就醫調理不意舟次濟寧竟舍臣

明大司馬盧公奏議 卷九 至

長逝矣臨終之日含視無一親人止三四家僮相隨答應衣衾棺槨百事不周去臣家鄉尙千七百餘里淒其旅櫬情景難堪行道間之亦皆淚下傷心哉臣此時卽立就死地以幽魂隨父於九原猶恨其晚乃尙苟延性命視息人間止以亾靈待殯寡母在堂耳徒跣奔喪萬難姑待封疆大事竚望新臣一切昏迷未能披瀝惟乞皇上速勅廷推使新臣蚤奉簡書戴星受事仍冀天心照鑒念臣父旅亾堪憫臣心血苦非常度日如年方寸瀆亂先於就近各撫臣中欽命一員署理總督事務俾臣得早一日奔赴父喪臣子子孫孫均戴聖恩罔極矣

案查往例總督員缺多用巡撫暫署謹照崇禎元年陝西三邊缺員曾命巡撫岳和聲署理崇禎二年宣大王象乾謝事曾命宣撫郭之琮署理近事昭然今宣大山西撫臣皆稱賢能卓越往來甚便兼攝非難倘蒙聖俞臣死不朽臣臨疏不勝哀切叩頭倉皇待命之至
崇禎十一年五月初三日

明大司馬盧公奏議

卷九

三

乞奔喪第二疏

奏為孤臣情迫心摧泣懇天恩鑒察事臣父自任所回家中途一疾長逝臣之不孝萬死難辭計自五月初一日午刻聞報迄今又七日矣去臣父計期已十九日矣頃哀迷潰亂中具疏願懇聖明早簡新臣任事并祈允勅就近撫臣暫署以便臣徒跣奔喪臣言一字一血不意宣雲撫監既代臣馳報丁艱反以奪情為請臣聞之驚駭欲絕不覺仰天捶胸而泣且歎也臣今草土之身強雷視息魂依父度日如年天地間有父死而不奔喪者乎三綱於此乎絕矣我皇上新頒孝經小學首重明大司馬盧公奏議

卷九

三

崇禎十一年五月初七日

乞奔喪第三疏

奏為綱常名教宜存天理良心難泯羣言可駭臣罪當
誅哀懇聖明垂憐獨斷以全為人臣為人子之大義事
臣草土之身兩疏顛天屈指又經數日矣雖苟延殘喘
實與死為鄰飲血含悲引領候代不意連日撫監諸臣
復紛紛為畱任奪情之請也嗟夫有人心然後有世界
有世界然後有封疆三綱五常首斥亂臣賊子乃欲使
聖明之世有無父之臣哉至引樞臣為例尤迥不相侔
夫樞臣間計奔喪生事死葬雖抱終天之恨猶伸烏鳥
之私以視微臣今日殆何如也且臣一宦十五年忍苦

明司馬盧公奏議

卷九

美

間關驅馳戎馬白雲親舍未嘗一日瞻依枉生之兒莫
此為甚今日父故於途區靈待殯母號於室風燭堪憂
凡有血氣心知誰不悲傷憐憫臣逆天不孝之辜從前
既已莫贖徒跣奔喪之役此際安忍少延今共事諸臣
多一番議論則廟堂之上多一番遲回此何事何時也
從來不忠不孝其罪當誅微臣何故而致有人言生不
如死惟有望闕叩頭仰冀天心特鑒使臣早一日奔赴
豈但臣父銜結九原微臣狗馬之軀感荷皇仁覆載矣
將四海九州之民亦於是乎知有父子有君臣矣臣象
昇無任哀號呼籲席蒿待命之至

崇禎十一年五月十一日

明司馬盧公奏

卷九

美

乞奔喪第四疏

奏為微臣一病垂危四懇天恩速勅推用新臣以安嚴
塞并祈欽允就近撫臣暫署以延殘喘以便徒跣奔喪
事臣自痛接臣父訃音腸斷血枯神魂潰亂杜門謝事
半月於茲本月初三日泣拜孤臣罪孽多端一疏初七
日泣拜孤臣情迫心摧一疏十一日泣拜綱常名教宜
存一疏計在廷俱為動念而聖主尤切垂憐矣顧臣狗
馬之軀荷恩高厚中邊任使未報涓埃今日大故在身
含悲飲血忽於二十二兩日發暈三番昏迷不省人
事日夜怔忡更思臣父旅櫬河干未卜何時抵里臣母
哀年驚悼尤虞旦夕難支臣此際情形生不如死所不
即死者惟冀及早歸奔身依亡父憑棺一慟俾先靈入
土為安兼且護持臣母於風燭之年免再災生意外是
以奄奄殘息勉自支撐雖在草土之中負逆天之罪尚
復延醫調治苟且生全乃十四十五兩日飲食難進腹
脹氣衝胃膈之間如石如火醫官僕從歎息謂無人形
臣之命且暮末可知矣宣雲何地今日何時一切邊防
即窮日窮年料理猶恐弗備弗周若以苦出病夫就延
其際脫有疎虞臣萬死不足贖也目下惟速推新督此
馭星馳庶危疆有恃而微臣前疏願請乞以宣大撫臣

明大司馬盧象昇奏議

卷九

三

就近先行署理尤事勢所不得不然者伏惟聖斷速賜
施行

崇禎十一年五月十五日

明大司馬盧象昇奏議

卷九

三

乞奔喪第五疏

奏為五懇天恩察臣萬苦至情欽允就近撫臣暫署以飭邊政以遂血忱事臣父中途奄逝旅櫬河干聞訃迄今已經匝月向屢疏瀆陳獲蒙允放微臣父子沒存均戴聖恩矣疆事需人秋防已迫臣雖勉遵明旨料理候代而神形非昔病憤日加於本年五月十五日具有微臣一病垂危四懇天恩速勅推用新臣以安巖塞并祈欽允就近撫臣暫署以延殘喘以便徒跣奔喪事奉聖旨已有旨了員缺不拘現任在籍守制等項著速推幾員來看該部知道欽此仰見聖明注意巖疆如此其切

明大司馬盧象昇議

卷九

美

懸盼新臣交代度日如年屈指經旬未見廷推之報其或旦暮啟事而計程遠近未可知也入境遲速未可知也 謀叵測廟算孔殷塞草正肥秋笳將動倘一旦邊烽告警臣狗馬之軀即欲奮身當 而奄奄殘喘舉足難前况乎父父停棺以待殯悲腸一日而九迴百感在胸方寸憤亂其不至於誤封疆干斧鑕者鮮矣日來再四思惟迴環顧慮必須就近撫臣先行署理整搦將吏竭力防秋庶幾固圉伸威有恃無恐臣草土之身亦得早旋里閭歸安先靈一惟聖明之再造也宣雲二撫密邇陽和實皆沉練明敏之才遠過於臣者特在我皇上

一欽命之耳臣臨疏曷勝迫切屏營悚惶待命之至
崇禎十一年五月二十八日

明大司馬盧象昇議

卷九

四



明大司馬盧公奏議卷之十

宣雲奏議目錄

再申口外塘撥疏

請飭秋防疏

飭防援明戰守疏

辭尚書職銜疏

預策兵機並薦邊才馮元慶疏

參處路將疏

請催新臣受事疏

請飭召買事宜以裕邊計疏

明大司馬盧公奏議卷十 目次

回奏興屯疏

謝加尚書職銜疏

陳請新銜誥封疏

題請撫臣葉廷桂給由疏

參豪奸孫光鼎抗屯疏

報明屯田牛具以備覈銷疏

覆議卜夷市馬護塘疏

循例乞賜祭葬卹典疏

再請署官疏

附

尺牘五首

湄隱園記

楊文正公紀實

賈庄建祠紀畧

明大司馬盧公奏議卷十 目次

二

明大司馬盧公奏議卷之十

宜興盧象昇建斗著

襄平蔣攸鈺礪堂鑒定

宣雲奏議

再申口外塘撥疏


案呈崇禎十一年四月內准兵部咨該臣具題前事奉旨該部看議速奏欽此該本部看得坐塘哨撥一事該督條爲十款業已奉旨勅行矣惟是出口三百里外爲頭撥而四撥以外皆出口一二百里永寧獨石二路則有明敖助馬右衛威遠三路則有卜部卜部與通者

明大司馬盧公奏議

卷十

一

也明敖不但通而且作歹於宣者也使我五路之撥或遭二酋之梗委屬不便相應如議飭行薊雲兩鎮論警明卜以永獨二路哨撥責成於明助右威三路哨撥責成於卜如有疎虞革賞絕市果能遠哨情佐我耳目不及俟其確實有驗之後量給不時之賞且不必著爲定例蓋明酋例賞以其認定坐門不犯西協四路原非止於探報此不可不愼者也等因奉旨是這薊雲哨撥分路責成二酋事宜依議著嚴飭行欽此欽遵備咨到臣隨會行撫監諸臣又牌行大同總兵官遵旨悉心講求去後據大同總兵官王樸詳稱行據撫夷副將張



致雍呈稱遵奉憲行卽傳卜目朝庫兒等至牆下諭令撥夷護衛三路哨丁仍同住同哨立寫領狀誓約永保無虞初各夷驚疑乞免本職多方諭警始應立約照管且稟稱還有我們引賣哈馬看邊的賞物併俘夷乞恩討出我們就遵信上司不哄我們不論發多少兵馬出來要長住就撥夷同著長住要哨到那裏就撥哨馬哨到那裏我們一一照管不敢誤事本職論以如今正謂你們看守邊疆引賣哈馬恭順有年各上司纔照邊約請旨犒賞你們其發兵出哨不過謂你們哨探信必先報你家官兒宰生知纔差夷人轉報往返遲延我裏

明大司馬盧公奏議

卷十

二

邊自己差人出去卽哨卽報比你們來報早些今年於五月終你們先領犒賞以後年年到秋防畢燒過荒領賞資你們如哨探確有實效導引哈馬每年有十萬匹分外加賞若哨探不實哈馬不來酌量罰處如馬一騎近邊哨丁少有疎虞卽閉市停賞仍發兵征剿備細警諭各夷一一遵依訖本職又約齊三路哨丁頭次俱從殺胡出口所有人馬若干數并帳房器械等物俱一一面交與各頭目寫一衛護誓約領哨夷目并同哨散夷寫一不致疏虞甘結本職差家丁同夷目前去分發三路頭撥二撥信地底撥在各路邊底安置妥當

同回嗣後各從該路出口各自俱照派叩首聽從不敢違誤大約卜部年賞每歲或當以三千金爲率卽取給於市稅先備貨物二千餘兩犒賞前功以三百六十兩備同我哨丁駐哨夷人三十名日費餘銀存留以備卜夷報信各日來邊引導哈馬及哈夷頭目喇麻市馬至邊一應賞賚茶棧羊酒飯食鼓舞之用登入循環冊查考每歲奏報此乃馬稅所收卽供市馬犒夷之用不費別項措處所關鼓舞各夷者多矣等因具呈到職看得禦■安邊全在哨法嚴明預整我備以伐其謀今議設塘撥於口外以明遠哨又慮助馬右衛威遠三路爲市口屬夷所在故用夷以護哨撥用哨撥以示羈縻此誠操縱鴻畧迴出尋常者矣屬夷雖陰陽反覆叵測多端在我時刻嚴防儻有竊犯卽加兵剿殺如畏威懷德守約導馬自宜量加賞賚乃今日馭卜不易之法也今該將議賞市稅責其守邊護哨每歲其費三千金據議冊所列復加參酌似在不豐不啻之間且取給於市稅是以市馬之所出還以供市馬之用不費公帑有濟邊隅事半功倍未有便於此者相應詳請會題庶便遵守等因又准總監大同山西太監陳貴手本回稱爲照卜夷既責其護哨貴量示懷柔不可無賞茲議動市稅銀每

明大司馬盧公奏議

卷十

三

歲三千兩誠豐蓄得宜最爲安便但虞每歲市稅無幾儻嗣後夷馬來邊稀少稅銀不能如數又將何法處此本監重以公移不敢草率回復更爲善後之著復行會商於撫鎮及准回文成云彼時稅銀或縮不妨於地方搜措別項堪動佐用允屬通便之計准此本日又准大同巡撫葉廷桂咨復爲照卜夷護塘歲賞一項卽取之市稅每年動支三千兩亟應舉行各等因回復到臣該臣會看得卜部諸夷於崇禎九年十二月內叩關納款自願守邊引賣哈馬以明恭順迄今蓋兩年於此矣初議守邊一年無事酌量給賞兩年無事酌量加賞向經奉旨遵依在案年來概未與之以賞我非失信於夷人也誠恐其狡詐不常陰陽向背有若宣東敖酋之閃爍非惟不宜賞之且當剿之操縱之道或當如是今口外設塘乃明哨第一義而助馬右衛威遠三路皆卜夷住牧之區非善於用夷卽不能遣哨哨阻而■情緩急其何賴焉茲據大同總兵所議責成卜部護哨安塘饒有機畧至應給非時之賞取之市稅其有不足仍設處於地方不動公帑且歲用三千金以視先年卜插款貢之日動需數十萬者何啻太倉一粒乎馭夷安邊莫善於此向後如少有疎虞卽當閉市停賞加兵剿殺勝筭庶

明大司馬盧公奏議

卷十

四

幾在我矣臣與監撫諸臣往來商確詢謀僉同謹再覆
請統惟皇上勅部確覆行令臣等遵奉施行

崇禎十一年六月初六日

明大司馬盧公奏議

卷十

五

請飭秋防疏

臣狗馬之軀久歸皇上一旦身遭大故痛苦非常連疏
泣陳淚盡而繼之以血既奉料理候代之明旨乃猶請
署不休蹇因臣父旅櫬問關停棺行殯臣身草土餘息
病極難支早歸一日得早慰先靈免誤廢疆重地也今
皇上未允署官又值秋防孔棘國恩深重臣將何所逃
於天地之間用是感惕於中奮其凌喘防秋大事勉力
任之臣督宣二載應行諸務刻刻嘔心將吏兵民頗亦
信從習服雖寢苦處由誓當嘗膽卧薪倡率羣工鼓勵
將卒務令戰則大挫鋒守則匹馬不入報國恩於萬

明大司馬盧公奏議

卷十

六

一慰亡父於九原此微臣哀迷病憤中一惟龜勉圖之
者也若夫兵家要畧運籌帷幄終是迂談臨陣決機乃
爲實用蓋閫外師中非身到眼到心到口到不可臣今
衰經臨戎夫豈吉祥善事果有犯邊聲息卽當扶病
奮身以出披堅介馬而馳至巡邊閱武向來所在親行
於今勢有不能體亦未便不敢不明白告之聖明者日
來頻見關寧塘報謂於七月間大舉西行枕戈以待
此其時矣昨年兵部有口外燒荒千里之疏今歲微臣
有口外安塘設撥之疏俱蒙皇上嘉納飭行蓋塞上一
牆便是華夷之界人情畏如虎株守邊垣掩至門庭

猶然不覺從前失事屢番大率皆由於此今口外塘馬各路俱已報設矣保無虛應故事者乎燒荒宜在八月目前塞草茂深而多雨尚非其時然須先事再一申嚴庶臨事奉行得力其有不遵原行實資料理者鎮道將領隨時指參照失誤軍機論治則人情爲之一振矣統惟皇上勅下兵部一體嚴飭施行再祈天語諄諭新督臣陳新甲星馳受事封疆幸甚

崇禎十一年六月十二日

飭防援明戰守疏

恭照秋防屆期新督臣道遠難以卽至臣雖病憤遵旨候代於巖疆此何地何時放悞頂踵頃已兩疏上聞矣自十四迄今五日之內三接部咨據關寧塘報上緊喂馬其爲大舉無疑又宣遼獨石口外接獲降夷王狗兒牛希科察其口供諸口多在西河西捨喇毛力一帶又據大同道將塘報威遠邊外紅山見地方瞭見人哨馬十餘騎總之秋來草茂易於長驅臣晝夜僉發檄文指授將吏整擗土馬專待防援惟是五體多災寸腸如割連旬伏枕眩怔忡誠恐一時籌畫不詳一

事思維不到致遺疎隙有負聖恩下情慄慄無已每日延醫調治電勉支持萬一窺邊卽當扶病枕戈以往相機戰守務保無虞向來鎮道將領等官頗悉臣愚忠遵臣調度今日諒不以去住久暫易心也若夫戰守二字遙揣則易言當機則難辦如其恃強攻牆或竟入口臣卽率標旅與各鎮戰兵隨方堵剿挫彼軍鋒以戰爲守其或擁衆臨邊設詞嘗我窺虛實而後進辦王容之微機在我正當審固謀猷靜專制勝以守待戰若今春在宣故事方爲萬全臣雖草土餘生不敢易慮於挑釁速禍之談自同於好大喜功之輩以封疆嘗試也統

惟聖明特賜照察并祈勅下兵部一體申飭施行

崇禎十一年六月二十一日

辭尚書職銜疏

本年七月初一日准吏部咨文為給由事該本部題前
事奉聖旨盧象昇著加兵部尚書職銜照舊總督候代
欽此欽遵備咨到臣仰對新綸俯慚積戾前此荷恩
高厚方圖報稱未能於今再冒崇銜更覺悚惶無地竊
臣三年任內撫楚五月總理平期入衛七旬督宣二載
所至毫無建樹考成宜在黜幽況乎惡逆不祥之身原
因福過災生致臣父有旅亡慘變此際淒愴病苦已成
草土廢人荷蒙皇上特允給由行且邀錫類之封章榮
其祖父天恩浩蕩於斯極矣乃復以苦由餘生遽忝上
卿崇秩撫躬踴躍魂夢猶驚微臣消受之難名位蹶躄
之驟所不覺迴環怵傷交道於衷者也用披誠悃上控
天總伏望聖明察臣引分至情收回成命俾臣照舊以
左侍郎原秩候代奔喪庶臣狗馬之念得以少安矣臣
象昇無任感悚屏營懇切俟命之至謹奏

崇禎十一年七月初一日

預策兵機並薦邊才馮元颺疏

案照先該大同鎮盤獲奸細張光紳供叛子鮑韜同東
數萬驚伏大青山後又該薊鎮塘報謂有兵數萬在
捨喇慈地方近見密雲小報獲有奸細亦稱有有五
王子者復領馬上精兵二千步下精兵一千在遼陽起
身西行欲從宣府一帶闖口查大青山去獨石邊外不
過三百餘里正與馬營松樹堡等處相對雖未哨有實
形而獨石路叅將頻報口外石北力戶地方哨丁屢遇
零騎且瞭見數處火光種種情形皆露啟疆之漸
明教導引之端今七月初一日臣又見關寧小報稱

明大司馬盧公奏議

卷十

十一

於本月初旬傾衆大舉分四路入犯事勢莫此時為
急矣臨事講張不若先機審括况臣憂苦病劇委頓難
支敢無說處此夫督撫鎮之兵此戰兵也路叅守操之
兵此守兵也新舊各協之兵此亦戰亦守隨機策應之
兵也憑城登陴惟守兵為然至於督撫鎮標兵不論馬
步皆宜視所向連營合力剿禦應援若處處分則處
處薄是為下策斷不可行而戰兵調遣尤忌彼此觀望
意見橫生責任不專猜嫌互起究竟封疆受其大害為
邊臣者以官以身以性命殉之而已臣先以大勢論各
道臣宜與路將守操專意言守各撫臣宜與其標將協

將兼顧戰守臣宜與三鎮總兵專意言戰倘一路有警

各道須聯絡本信將備弁其守兵呼吸照應以保萬全
一協有警各撫臣須聯絡閩鎮協路將領弁其標旅呼
吸照應以保萬全一鎮有警臣即聯絡三鎮總兵戰旅
弁督標步騎呼吸照應以保萬全總戎戰兵應照從前
認定數目聽臣調度援剿如少一人一騎及征調刻延
臨期違誤者據實奏恭聽皇上憲典處分協路將備
以下則有屢次請明之軍法在謹三令五申之矣大同
一鎮其戰兵視宣晉為強前曾奉旨選銳南征徵臣懇
留至再非止為大同弁以為三鎮此尤宜呼吸應臣之

明大司馬盧公奏議

卷十

十一

手乃見該鎮急公協助之心而臣標騎兵除馮舉剿賊
外現在中左二馬營前後兩步營皆堪禦侮惟是計口
授餐月餉全仰京運乃太倉告匱夏季全未發者六萬
九千五百餘金事急矣臣不得不疾呼以望救濟也抑
臣更有請焉督撫係提綱絜領之官所賴將伯為助者
守巡兵備等道耳臣叨督西陲一時其事道臣臂指相
應是以連年飭備綱舉目張宣力封疆原非一手一足
之事今各道多奉旨優陞者邊才本是難宣雲尤不易
適見邸報原任蘇松道叅議馮元颺以聽降到本官係
臣鄉兵備向未相識而其擔當幹濟頗習聞之將來實

可大用者臣已具咨達部議緩其銓補俟宣大山西有相應員缺補蓋百年之計樹人宣雲第一危疆監司宜選擇而任多一賢能卽多一保障臣不敢以將去之身輒忘弁州也伏乞聖明勅下兵部將臣所議援剿機宜嚴加申飭併勅吏戶兩部將臣所請速發標餉銓補道臣事理查照施行封疆幸甚謹題

崇禎十一年七月初三日

明大司馬盧公奏議

卷十

三

參處路將疏

七月初八日見宣府鎮獨石路參將薛光允投臣一揭乃參計本領總兵官楊國柱者據其滿紙不平謂國柱將其偵探微勞削名以爲己功所獲級馬誣捏以爲殺降也夫宣邊禦有勞各官自當候旨分別議叙安見卽遣光允而預肆咆哮光允果屬有功又豈國柱一人所能掩抑其中蓋有故焉本弁勇悍精爽才足有爲微臣昨歲行邊至獨石路心亦壯之今年五月撫臣劉永祚以十年秋防甄別會稿咨送到臣臣見叙薦各官未列光允姓名於內因致撫臣一札詢本弁近狀若何撫臣報臣曰其操守可議總戎頗亦爲言是則該鎮將開釁之漸乎總兵統轄全鎮諸凡協路將備操防官詳優劣原得與聞卽或言之未當以上司而推敲屬官者有之若使屬吏懷疑蓄忿徑肆訐奏之章所謂下犯上小加大此亂徵也況各邊惟宣鎮最要宣邊惟獨石最衝今楊帥率師現駐該路而鎮將構此大嫌萬一有警上下乖違封疆實實可慮待其債事而言之晚矣微臣據理案法酌議處分之宜似當請旨嚴勅總兵官楊國柱一意料理防秋勿因路將有言輒生端委卸薛光允犯上二等恣肆咆哮急應解任查勘其哨探東斬級奪

明大司馬盧公奏議

卷十

四

馬等事候從公勘明若果有功無罪另行定奪所遺獨
石路將員缺立刻推補庶於巖疆有濟也統惟皇上勅
部速覆施行

崇禎十一年七月十一日

請催新臣受事疏

臣象昇陳心於候代之明旨竭蹶於多事之危疆兩月
以來身羈遠塞血灑終天遙盼新臣消息望眼徒穿更
當劇病侵尋慘情欲絕雖復感荷天恩勉遵功令拮据
防秋顧此支離苦由之身寧復如昔堪以躬歷戎行緩
急猶能自奮乎新督陳新甲遠在蜀川往來萬里向於
六月初三日午時聞報初四日黎明臣立遣官役星馳
往迎六月二十五日又復專官續請去訖竊念宣雲何
地今日何時草土孤臣且不敢不凜承屢旨忍悲延喘
以事撐持爲新臣計之前日會推之際尙在制中於今

叱馭之時已將服滿自當畏此簡書兼程而至卽九月
初旬入境亦逾卽吉之期矣中外恐未盡知臣愚特爲
拈出此時惟有戴星叱馭宣力巖疆仰報聖恩殫其忠
赤是臣所切切望於新臣者耳但非天語特頒部差馳
促則長途荏苒蜀道艱難倘或奉簡命者卻顧不前徒
令遭大喪者歸奔無日廟謨邊計名教倫常胥失之矣
臣情苦至極安得不呼天而控籲哉伏乞我皇上速勅
吏兵二部各遣專官馳催新督臣陳新甲兼程赴邊務
於九月初旬入境料理疆事幸甚孤臣幸甚臣病苦日
增所食不能數合當胸氣膈腹背交疼兩目艱於向日

迎燈四肢時復麻軟發顛一切軍務邊情類皆伏枕標
發雖未敢誤實不能支今喫緊關頭全在七八兩月過
此而新穀既登嚴霜滂至我師騰飽衆無資收保更
便於行堵防未易爲力請署乞歸之血惻臣當另疏哀
懇於聖明也統惟皇上慈照立賜施行

崇禎十一年七月十六日

請飭召買事宜以裕邊計疏

昭得宣大山西三鎮年例召買銀兩額該二十萬有奇
主客戰守官兵馬贏所需本色米豆草束皆取給焉遠
不具論臣將崇禎八九十三年召買則例合三鎮二十
二路一百八十三城堡通盤查算歷年時估米則每銀
一兩僅買市斗三斗四五升以至五斗而止豆則每銀
一兩僅買市斗四斗二三升以至五斗七八升而止草
則每束價廉者一分八九厘其貴者至三分二二厘而
止該餉司道廳所報詳冊歷歷可稽其出入雖不經臣
而職在兼理糧餉兩年來凡遇召買事宜多方覈查駁

議並不容絲毫浮言也今年雨澤應期加以連年興屯
地方安堵窮邊覺有起色物價亦且漸平就陽和近地
言之每銀一兩可買市斗米六斗上下若新穀盡登其
價仍當少減卽一米價而豆草可類推也卽一陽和而
各鎮可類推也趁時糴買每銀一兩視往年實得一兩
二二錢之用則此二十萬召買銀兩計其盈縮可比往
年多買米豆二三萬石有裨軍儲不少但餉庫缺銀朝
不謀夕而各城堡糧料草束相去一舍卽有不同等地
土也業農多則價廉業農少則價貴等收成也食指少
則價廉食指多則價貴等業農等收成等食指也糴買

少則價廉糴買多則價貴至於百里內外地方肥磽天時豐歉又迴分之矣故召買不可一律齊時估不可一概定在鎮城則商人糴納在路堡則守操承買估價太浮未免有虧國計估價太濇亦恐貽累官商其中不肖守操又或派之民買發銀短少斛面高收塞上子遺因而愈困凡此情弊皆當逐一清釐及時料理臣已飛檄守巡兵備道臣行令各路糧官務將糧料價值據實從公估報嚴催餉司速發銀兩以十月爲初限十一月爲二限十二月爲三限務各依期報完如過此而至來春青黃不接價且漸高矣節省無術浮沉可虞良非細故

明大司馬盧公奏議

卷十

九

崇禎十一年七月二十日

回奏與屯疏

本年七月十八日准兵部咨開屯以宣大爲式奉有屢旨各邊會否舉行著該督監撫回奏等因准此謹照興屯一事奉旨責成臣象昇前此實冒昧創陳敢不悉其心力查昨歲經營伊始通計用軍屯募開墾借種具三法還本之外得穀四萬三千零今年除去募開墾一款專用軍屯督屬三鎮并十邊道共屯三十萬畝零而借種具不與焉此皆冊報在案取有將吏甘結并地方坐落四至並不容虛開抵塞者但邊地瘠磽又相去零星寫遠雨暘不一分數難齊且亦有被傷於冰雹者截長補短約畧計之秋成得穀當在十萬以外而今歲所用之屯本卽昨年所收之屯息其或屯本不敷暫借別項類皆多方搜括總於正餉不動秋毫目前刈穫非遙八月收成九月奏報當滿盤覈以清數而顆粒歸之公家此際牛驢仔種器具人工散之各屯難以縷悉臣特舉其大端耳抑臣草土之身數月來伏苦淒楚劇病侵尋久已不能履畝躬行爲查邊課屯之舉惟有檄文手扎朝夕馳行各屬指授叮嚀而已顧屯有十利有十梗有五易有五難向來厯疏敷陳尙未之及敢再畢其愚何謂十利廣種薄收愈於不種利一邊無棄土卽非窮邊

明大司馬盧公奏議

卷十

二十

利二伍鮮遊軍漸免逃伍利三粟日以增則價日以減利四屯中草束可資戰馬耕牛利五官民各有所入可佐召買之所不敷利六邊吏時行阡陌習知農疇智慧日生筋骸日壯利七軍與民相習得寸則寸得尺則尺衆志可以成城利八因屯而牧廣事栽植多畜牛羊犬鹿雞鳴狗吠之聲達乎四境使人忘塞上之苦利九路堡窮軍經年缺餉非逃則斃無計生全若屯務舉行與之行糧以活其命教之力作以堅其心利十何謂十梗人情畏難有得不償失之說一梗也庸吏自便未肯以乘軒策肥親田畷之業二梗也貪弁役軍彼方事事科

明大司馬盧公奏議

卷十

三

派安有餘力助耕公田三梗也猾軍患胥胥非其所習必出怨言四梗也豪右侵種納糧則指爲拋荒官墾又認爲已業五梗也劣生把持將備等官多不能與之爲難六梗也衛所官工於影射指東話西四至難明未免匿肥而報瘠七梗也各路各堡文武多官有一人不願做一處不能行者未免生出浮言轉滋築舍入梗也塞土砂磧百里之內難得一綫河流惟水地三倍旱田卽不與民爭田勢必至與民爭水九梗也屯軍專事耕鋤難以分身他顧而功令所在差操聽點之際宜加體恤未必人有同心十梗也臣更言其所易軍有戰守操練

之責成而十抽其二則易於使屯有牛驢種具之多費而官爲措辦則易於行地有遠近高下之不同而酌以時宜則易於力將吏有明昧貪廉之別久暫勞逸之殊而嚴董率勤課成則易於集事人情有淳頑勤惰之分虛實誠僞之異而慎稽查明賞罰則易於勸懲乃若所難亦有之邊方十年九旱一經災祲籽種全拋此天時之難塞上五穀非宜多係雜糧布種苟違其性終鮮刈獲此地利之難農歷三時總以收成爲主秋高風勁若胡馬窺邊宜防收保不及此人事之難大凡任事者必有利害是非得失毀譽隱伏於其內交伺於其旁此任

明大司馬盧公奏議

卷十

三

勞任怨之難任事而期於有成當局猶堪展布乃從前疑畏易起日後風波易生此事前事後之難惟勘破其難且梗者然後力圖其易且利者天下事不止屯務爲然也恭繹明旨以興屯責九邊臣伏而思之宣雲昨歲經理一年故今年稍稍就緒若各邊屯政方在講求似當以崇禎十二年爲始少寬其限庶便責成不則冒昧創始者以首事獵名而繼起經營者以後時蒙罰臣滋懼矣懇惟皇上勅下該部從長確議施行

崇禎十一年七月二十日



謝加尚書職銜疏

臣象昇頃以給由考滿忝冒加銜恭具隆秩
 滋悚懇恩辭免俯遂下情疏今七月二十三日惟吏部
 咨文該臣具奏前事奉旨卿巖疆著勞朝廷自有獎典
 著遵旨祇受不必遜辭該部知道欽此欽遵備咨到臣
 臣恭捧溫綸彌增悚息雖分誼萬難祇受不敢再瀆宸
 聰謹於本月二十五日恭設香案望闕叩頭謝恩訖竊
 思從來養士恩深莫若我朝為渥然而名位爵賞總以
 勸善作忠課績考成尤在循名責實微臣叨任撫治督
 理尸素有年邊腹驅馳全無寸效他不具論即就督宣
 明大司馬盧公奏議 卷十 三

數載言之終朝拮据兵單餉匱如初逐事支吾廟弄邊
 籌何補況已寢苦處塊猶然被命叨銜官階沔歷之時
 乃在臣父告終之後前此進而論忠既臣心之多疚今
 日退而言孝又子道之全虧血淚灑於終天愧汗流而
 浹踵異數旋膺思酬報其何地孤臣去國戴殊眷以難
 勝臣用是益凜於心孜孜於念效職深慚此日致身願
 矢他年區區狗馬之忱所望聖明俯垂鑒察者也臣臨
 疏無任瞻依感激惶恐屏營之至為此具本謹奏

崇禎十一年七月二十三日

陳請新銜誥封疏

臣象昇荷聖恩以考滿給由特加崇秩撫躬循分承受
 萬難緣上命不敢瀆辭已經另本叩頭恭謝從此戴恩
 高厚自知頂踵難酬顧念臣父遠涉邊庭期年往返衝
 寒冒暑奄逝長途臣今加秩進階而臣父不得見也臣
 身叨榮席寵而臣父未及受也重泉杳邈生事既已無
 年遠塞棲遲死葬猶羈時日絰革徒淒夜月伏苦永泣
 秋風惟有仰希浩蕩皇仁賜給新銜誥命庶臣父旅亡
 之愧未泯之靈尚得銜恩入地而臣祖及臣祖母雖已
 悠悠謝世此日綸函之沛行將與臣父含笑相見於九
 明大司馬盧公奏議 卷十 三

泉且使臣母衰年風燭并邀新命崇綸是則死死生
 頂祝仁恩於罔極者也微臣歷任邊腹雖無寸補於封
 疆而剿寇入援禦區區狗馬心力不敢不盡此聖明
 所照鑒者懇祈勅下該部查例具覆微臣舉家奕世永
 戴如天之恩德矣臣象昇臨疏曷勝激切悚惶祈願之
 至

崇禎十一年七月二十九日

題請撫臣葉廷桂給由疏

竊維居官之苦莫苦於身任巖疆居官之榮亦莫榮於恩及祖父以臣象昇至謫劣無狀歷任總理總督深慚有罪無功叨蒙聖恩俯准給由考滿一旦忝加崇秩行且邀寵命以及先人感聖明浩蕩之仁所謂生生世世以之者也因念大同撫臣葉廷桂於崇禎八年五月二十三日到任扣至崇禎十一年四月二十二日三年任滿久應給由其任內三歷秋防邊陲寧謐一切練兵製器設備馭工儲餉拮据不遺餘力綱繆迥出尋常且招徠哈馬以五六萬計京邊胥賴焉封疆勞臣亦足稱最矣年來患病實真是以連章請告惟其有請告之疏遂不復具給由之疏然因病請告情也俸滿給由例也豈可以臣子私情廢朝廷大典乎撫臣應於本年四月內考滿今滿後又不止三月也臣叨督三鎮舉凡三鎮之事應言者不敢不言初非敢越俎代陳妄干天聽統惟皇上俯賜照察勅下大同撫臣葉廷桂一面遵旨悉力防秋一面遵例給由聽考庶於封疆有賴且於功令無違矣謹題

崇禎十一年八月初八日

明大司馬盧公奏議

卷十

五

叅豪奸孫光鼎抗屯疏

竊惟屯田為務邊本計此古今定論也宣大山西屯務連年經理得宜地方漸有起色然是役也非惟不便於庸懶之將吏尤大不便於奸貪之士豪何以言之塞上民田少而軍地多因循日久俱為豪右所佔是以屯日益窘軍日益貧甚至當軍者無地種地者非軍豪強侵霸以肥家公私因是而交困官府纔一為之清理輒多方影射捏造浮言百計害成終於論罷各邊所以頻頻奉旨而類皆低徊慎重未見施行良有以哉十梗五難之說臣前疏畧指大端乃今偶閱邸報見鴻臚寺序班孫光鼎者藉口條陳邊務而於屯田一款混淆黑白變亂是非必欲害成乃已查孫光鼎係宣府柴溝堡人居鄉霸詐異常姦惡無比諸凡不法之事款項甚多佔種軍屯其一節耳據光鼎之言曰將小民故土招四方遊食以屯之又曰奪小民牛犢代為耕種又曰戰守官兵有胼手胝足之苦恐至軍逃民散即此便知其支離說謊假公濟私矣何也柴溝一堡路當孔道臣向與撫監鎮道繹絡巡邊屯軍果奪民牛犢實有口誰其容之若拋荒地畝小民既不承種無人認糧自當招來四方之人耕牧其地徒遊民而實塞下獨非祖制乎至於戰

明大司馬盧公奏議

卷十

五

守官軍有事荷戈無事業農正古寓兵於農之意從來軍屯乃謂之屯有軍有屯此政祖制無屯卽爲失業之軍不免流離轉徙臣前言屯政廢而軍貧者是也今反謂軍有駢胝之苦恐其逃散抑何敢於信口支飾顛倒是非至此且光鼎之奸欺恣肆不止於是崇禎九年十月臣初抵陽和光鼎忽來求見臣心訝之及進謁姑待以一茶隨出其昔年條陳章奏又自言京中有要人托彼赴殺胡等口訪查地方事臣於斯時卽窺破其奸詭之概矣正色弗與多言而去至崇禎十年春月臣巡閱至柴溝邊堡將抵近城忽使人邀於路曰孫鄉宦親會

明大司馬盧公奏議

卷十

三

話臣叱其稟事者始遂巡退去隨行官役罔不驚訝蓋臣軍門體統凡行邊所至惟巡撫可與臣會話其次則總兵邊道或以公事迎謁進見者有之從未聞鄉紳而可突來會話也況麼磨如光鼎者哉無何臣至公署旋又踵門臣惡而弗許其見少頃臣閱視城守光鼎復逆臣於城頭居然欲相晉接臣差官諭之曰此非體可速迴避於是乃廢然而返焉異哉光鼎何人輒妄思結納若此揣其意以土豪而變作銅臭謬託衣冠之倫將以是號於人曰吾鄉官也吾鄉官也督撫大吏與吾懇懇接見可操地方官之短長其他何敢不任吾把持也更

以是號於人曰吾京官也吾京官也地方利弊不難矢口條陳可弁操督撫官之短長其他何敢不惟吾吞聲也於是辯言亂政利口欺君官雖卑微而罪則加少正卯三等揆諸國法應肆市朝但臣寢苦處由之身不宜復問除奸剪惡之事且此么磨小輩奚足污霜簡瀆天聽姑將其纍纍惡蹟立案未行倘再不悛聽撫道從公究處今止就屯田一說少明光鼎之豪惡奸欺仰祈聖明鑒察使地方官可畢力經營不至聞言蓄縮而已若夫屯政之行不兩年而窮邊色起水枯石爛是法終不可移況臣身在地方安敢不終其局此尤望天語嚴加

明大司馬盧公奏議

卷十

三

申飭者也統惟聖明照察施行謹題

崇禎十一年八月

日

報明屯田牛具以備覈銷疏

照得崇禎十一年臣標營及三鎮興屯共三十萬畝已遵旨具奏矣塞上屯地砂磧居多日久拋荒其土堅硬耕鋤之力視熟田幾兩倍焉而覓買耕牛之難更甚於戰馬臣去冬措發銀兩檄委監軍屯牧道僉事鄭獨復赴北直山東買牛又行文三鎮守巡兵備各道一照屯地多寡搜措錢糧分頭市買計開屯一百畝需牛一隻否則以兩驢抵一牛權宜濟急通計買過牛一千四百餘隻買過驢二千二百餘頭牛價高低不等大者十餘金小者六七金驢價亦高低不等大者四五金小者三

明大司馬盧公奏議

卷十

三

四金約畧言之通其用價銀一萬九千零或搜括設處或暫那庫銀俱責成各道廳逐項查明統俟秋成銷筭至臣標營牛驢除足用外尙多買牛一百一十隻驢二百二十頭行委陽和東路同知劉昌同標下中軍副將周元儒分發民間助其耕種蓋邊塞少牛貧民自行顧覓每牛二隻爲一具每日需銀一錢五六分驢亦如之若租用本方富戶之牛每具歲納租糧三石五斗是以貧窶無資者愈難力作日不聊生粟少價昂哀鴻滿野臣給民牛具而不取其租蓋於興屯之際兼行勸農助耕之法遠不具論陽和近地四望幾無曠土一時罕有

饑民此於地方或不無少補也然此等作用大不便於豪富奸徒何也屯廢則粟少粟少則價昂田連阡陌者乃出其如京如坻之藏射利無筭因是貧者日益貧富者日益富大約貧民之體富民實吸之又不止占種軍屯蠹軍而虧國也故微臣一報丁報卽有狐狸晝嘯如孫光鼎者從此壞法亂紀恐不但光鼎一人明旨卽欲以宣大爲式各邊終不免以宣大爲戒自崇禎十二年以後屯政應行應止又在新督臣與監撫諸臣早計之耳統惟聖明垂察施行

崇禎十一年八月十一日

明大司馬盧公奏議

卷十

三

覆議卜夷市馬護塘疏

本年七月二十五日准兵部咨覆臣題前事奉聖旨是著該督監撫從長酌妥具奏欽此欽遵備咨到臣隨經移會去後八月初六日准大同撫臣葉廷桂回咨內稱准總兵官王樸手本回稱謹照部議所致愼於再商者蓋以三千之定數恐有年例之名以市稅之所入難繼案時之索耳然而馭夷原有活法操縱貴乎因時故我之所以約於卜者必導馬源來護哨無虞每歲秋防寧謐燒荒畢始有此賞總在三千之數以爲低昂況馬來則有賞亦謂馬來則有稅耳其原議市稅不繼設處補

明大司馬盧公奏議

卷十

三

足正恐哈馬或有中斷而護哨則不容有中斷也此本鎮初議確而且活是否妥便在貴院所裁酌矣等因到職准此看得市口量賞之議原爲導引哈馬防護哨撥此蓋因彼有所効而後施之者也該鎮所據邊約無非哈馬源來護哨無虞秋防事畢程其所効之勞始有此賞馬來則有賞馬來亦有稅若萬一哈馬未至而護哨無度量有賞犒不妨別爲措處此亦操縱圓通之著也擬合咨覆等因本月初七日又准總監臣陳貴手本內稱雲鎮口外塘報如助馬右衛威遠三路責成卜部護哨業經取有該酋認結在案無容再議惟是量賞一節

部議恐有年例之名及市稅所入難繼之虞爲請奉有從長酌妥具奏之旨本監敢不詳籌確商務求至當乎但雲市卜夷導馬護哨既欲程其効順之勞自不得不議量賞以示撫馭之恩此三千市稅之賞斷不能少靳然所以議動賞銀於稅者正謂護哨則邊安邊安則市可永開而不閉又謂導馬則哈馬來馬來則市稅常裕而不缺是導馬護哨相資並利者也況給賞於秋防既畢之後則一歲之中卜夷會否導馬果否護哨可一一按其實績而給其賞倘若導馬無功護哨有誤則操縱在我又何年例之賞有無厭之求乎且必明諭卜夷欲

明大司馬盧公奏議

卷十

三

各夷咸知此賞乃導馬護哨而給又何虞他夷生觀望之心乎卽或馬來中斷市稅不足護哨諸夷勢難絕賞則酌量權變臨時應有通達措處機宜在也又准分監臣牛文炳手本內稱爲照口外設撥所以明偵探也責成護哨所以防不測也議給賞銀所以權羈縻也今日我之哨丁出入無恙夷之市馬導賣不絕則量賞加賞照常給與一有不遵我令則議罰議停斷難少貸如本酋眞誠恭順則每歲給賞三千亦所不吝如陰陽向背借端要挾則惟有閉市立威加兵剿殺耳今雖市馬不絕護哨依然能保其不中變乎服舍叛討操縱在我樞

部所謂馭夷原是活法難以目前之誠款忘日後之戒備也然而歸順則當量賞馬多則當加賞總不出市稅之外可耳等因備移在案該臣象昇會看得卜部投誠而導馬口外設塘以哨此皆馭夷安邊喫緊之著也但夷情向背無常朝廷金錢不可輕與今於市馬取稅卽以市稅賞夷我中國每年買哈馬二三萬比之表解及西寧遠市可省公帑二三十餘萬金夫中國得二三十餘萬金之利而以不費之惠三千金量賞卜部借此少示羈縻且是賞也不唯導引哈馬更欲責成護哨安塘若其哈馬不來及我哨丁有失我卽有辭於卜議罰

明大司馬盧公奏議

卷十

三

崇禎十一年八月

議停我能與之我能奪之操縱機宜莫善於此明目所謂從長酌安庶幾其有合矣既經會議前來相應具奏伏乞勅下該部議覆施行

循例乞賜祭葬卹典疏

奏爲循例乞恩俯賜卹典以光泉壤以廣孝治事臣頃爲新銜誥命仰乞天恩已奉旨下部矣轉思臣父之沒也不於署舍不於邱園而於旅次微臣兄弟四人視舍無一鵲鴿南北飲血終天十七載封疆下走痛生事之未能三月來草土餘生悲死葬以有待幸荷聖慈允臣回藉守制轉盼秋防竣事徒跣歸奔今日者臣身將入里門臣父永歸泉下徒嗟風木曷報劬勞一刻一思衷腸寸裂惟冀朝廷卹典以爲臣父身後寵榮此烏鳥私情不禁籲天而哀懇者也臣今已經考滿旣與未考滿者不同而叨冒二品職銜又與在京一品二品父母妻照品級造墳安葬及在京二品三品父母照例祭葬之典相合用是泣血陳情仰干天聽伏望聖明憐察允加浩蕩之宏恩奕世頂祝皇仁勿替矣統惟皇上勅部查例具覆施行臣下情無任瞻戀悚惶哀乞待命之至謹奏

明大司馬盧公奏議

卷十

三

崇禎十一年二月日

再請署官疏

頃因秋防孔棘邊事戒嚴臣苦出之身枕戈塞上恪遵
候代明旨一切軍機情扶病料理凡四月於茲矣今
時過中秋邊人刈獲農事告終清野堅壁可以守士馬
飽騰可以戰越二千里冒霜雪忍饑寒以入我窮塞
攻我邊城此不得之數也臣伏苦淒惻轉眼半年父穉
久停母問日倚兼之病軀狼狽手軟足麻兩目羞明胸
膈膨脹傷哉遇也前此情叵測敢惜狗馬微軀目下
秋防竣事有期新督臣入境尚無消息蓋蜀道之難聞
關萬里加以流氛徧地驛路多虞二鎮文武各官遣連

明大司馬盧公奏議

卷十

三

新督臣員役半遭流賊或傷亡道路或狼狽奔回微臣
前後所差官吏未知曾否得到彼中安能必其受事之
遲早乎因思臣父長途奄逝慘動路人臣身委頓邊庭
親喪遠隔皇上倘不憐臣救臣則十七載封疆牛馬之
吏終於就斃而已烏之將死其鳴也哀臣草土餘生與
死無二謹瀝血忱旨陳三議仰請聖裁一則宣大撫臣
就近署理是也從來總督員缺皆係撫臣署事如臣前
疏所引岳和聲郭之琮等近例昭然今宣大兩撫臣如
以地論大同去陽和一百二十里宣府去陽和二百四
十里如以銜論宣府巡撫劉永祚係右侍郎職銜大同

撫臣葉廷桂係副都御史職銜二臣皆沈練卓越之全
才而又在開府建牙之近地一惟皇上所命耳一則廷
遣大臣行邊暫署是也查督宣一席祖宗朝時遣時撤
且亦不拘吏部兵部尚書侍郎等官蓋地方事原有各
撫臣料理總督不過提其大綱遇剿撫機宜統司調度
是以先年事急則遣事緩則撤今春秋兩防需次已過
邊庭漸且解嚴各都侍郎及官詹等官多具文武壯猷
誰非有志當世者皇上選擇一員行邊攝事出則可以
塞門光景資其見聞入則可以邊地情形告於我后是
一舉而兩得焉一則同城道臣防護勅印是也臣衙門

明大司馬盧公奏議

卷十

三

職掌謂之總督軍務兼理糧餉三鎮兵馬錢糧各有撫
鎮道廳以次分理況年來欽遣總分監臣星羅棋布濟
濟多賢過九月霜降之期嚴寒洊至兵馬需次歌操本
年召買草料事宜此時業已分派嚴飭冬二月無甚喫
緊軍情即無署官勅印旗牌陽和道臣亦堪就近護守
以待新臣之至凡此三議上之無違功令下之可遂烏
私且臣病日深情危勢迫及今早控起行猶在九月下
旬再遲則伏枕奄奄不能待也伏懇聖慈勅下吏兵二
部速議定奪俾臣早得生還故里安臣父亡靈見臣母
一面我皇上孝治深恩無異起白骨而肉之矣臣曷任

悲哀戰慄迫切籲天之至謹題

明大司馬盧公奏議

卷十

羊

尺牘五首

寄吳葵菴

弟兩月來奔馳於汝宛河雒之間萬分忙苦賊多而且橫俘斬雖有數千尚非蕩平勝著必於正二三月內先剿盡闖王一股餘賊方可次第殲散闖王之賊大約有七萬餘婦女可二三萬丁壯可一二萬精騎可一二萬刻本作三四萬此賊不讓插也廟堂或未之深知耳頃自秦中洪亨老與之大戰三次近入豫地弟與之大戰兩次計擒斬死傷逃散可二萬計現今尚有五萬依然勍敵也又他賊五六股見剿兵漸集皆與闖賊合羣是以勢

尺牘

卷十

羊

益衆多今奔東南一帶楚黃鳳泗淮揚俱大可慮弟故星馳南行至葉裕間忽接邸報弟已得釋楚擔更可專力討賊弟辭疏發於十一月之二十八日彼時未知此消息也早知朝論如此則前疏可以不上今亦追之無及矣弟所為極難而言路責備乃爾為公平為私乎弟今而後總不閱邸報省此一番形迹於心老年臺以為何如三疏揭謹呈台覽如請上還宮及辭新秩皆臣謹臣心所不容自己者至三大切要事宜實為不識忌諱不諳時務多言多事自取愆尤耳雖然重擔在身即欲不如此不可得也長安諸老向來蒙愛頗多乃年來竭

歷疆場人禮俱廢弟本心不敢自外於君子苦爲時勢所迫且奈何蒙老年臺多方庇植何異起白骨而肉之感不盡報亦不盡也比來公論如何望乞合慈詳教有則改之無則加勉昇斷不敢文過也衙門員役以及俸薪公費一無所出弟又無餘貲不知當上告聖明否短疏不度臨函依切

尺牘

卷十

五

又

弟自去年十月二十四日抵陽和今屈指又將五閱月矣太平督撫安享尊榮誰不樂就者時至今日到處皆以封疆爲陷奔而宣雲諸鎮更復何地何時記當日入援督兵東迫自眞保以達良泳由近郊而馳建冷一月之內行三千六百餘里前後接銓樞諸老手書皆以本兵相屬僉謂廷議已定促弟早抵都城弟答太宰司馬書凡五力言弟非其人難以旨味從事願終討賊否則任邊事之危難者以報皇上因是片紙隻字不與長安當軸往來後得宣雲中外皆爲弟稱苦曾幾何時而忽有爲不情之語者此不足有無重輕但世道人心至此豈不太歎險哉弟故明目張膽而言之駁疏以見弟居官始末請討賊疏以見弟報主本懷蓋弟於封疆軍旅之事閱歷有年雖係駑駘猶然識途老馬急則趨而當寇急則趨而當寇生乎今之世斷斷不免者與其中原之事再加六壞極敝如人病體已至十分又使庸醫妄投藥劑嗜慾沒其元神虛扁望而卻走然後再從後往治之其能幾倖萬一乎是以及今請討此疏出之於弟萬非得已之言廟堂或信或疑皇上或允或否弟總不敢肅心於其間也小疏初一日進呈茲初八

尺牘

卷十

五

之晚尙未見報差官姚剛姑令起行嗣後得旨再容商
權至若邊事之危且難更無有出宣雲之上者喜此中
在事文武諸公以及軍民士庶無不傾心信從比來百
事皆有頭緒若料理一兩年即來斷非向年光景
此弟所可自信者但身輕似葉擔重如山安能自主哉
茫茫宦海無處付量老年臺何以教我弟昇頓首

尺牘

卷十

聖

與豫撫書

戎馬倥傯之場屢荷老年翁臺訓誨指提五內銜戢至
驚駭下質負乘多端流寇一事苦無結局之期而翁臺
乃以實心任事謬獎象昇汗且淫淫下矣畿南晉豫會
剿之局雖同而籌兵之局各異晉不必論矣豫不患兵
少患兵多更患將兵之人多尤患將將之人多如翁臺
所謂聚訟者是也若畿南則不然事權未始不一兵力
亦可支持獨是上焉者威不能克愛而下焉者力不從
從心今南北之賊爲重兵所驅俱聚於遼順樂平諸處
邢河一帶到處可憂不肖昇止率標兵步騎千餘身探
輿牘

卷十

聖

虎穴年翁台翰使到日正在啟行匆冗萬分情形不能
縷悉所拜雙幣眞不啻解衣衣我如此至愛何敢不好
但鐵馬金戈中弗遑莊勒尤望翁台之鑒耳台駕想且
晚可暫回省城乎然未知仍至河北否俟西山剿賊而
旋尙馳役恭候興居也短奏未罄謝悰臨函可勝依戴
營官冊領教矣尙有防守涉縣之黃袍其人不知何如
舊在臬臺劉袁老門下曾識之故相問耳

寄某

時事多艱聖明宵旰不謂綿力乃當重任鄖楚封疆未靖中原決裂日開昇以一身肩荷七省何異挾山超海之難年來鞠旅陳師血誠可對天日是以身家弗問人禮并捐問問久疎惟勤企想荷高情之遠注釋重擔以何期恃皇上仁如天智如日躬理萬幾芻蕘必采以氣數卜之戡亂中興可奏于襄之績昇今日亦惟肝腦塗地以自附於純臣之末而已成敗利鈍毀譽是非久已置之度外冬春來豫楚江淮屢戰克捷掃蕩有期然大寇強而且多動以數千萬計釀之十載今欲除之一朝

尺牘

卷十

聖

卽有孫吳數十輩未易言也日事戎行心血已竭諸凡應酬交際概不能修獨於臺翁迹遠神親每以疎闊爲歉附將一縷專叩起居

與樞臣楊嗣昌書

自被兵之後徑奔鞏華近地劄營此其爲忿鬪誘戰無疑彼中去陵不遠去京亦近急須備禦周密厚集兵力以圖萬全仍相機出奇再挫彼一二陣不惟鞏固陵京亦且大張撻伐矣昇卽夜出土城與鍾將密計看明早情形再當馳報台諭老營南向或者非一股分合難定此時權緩急以用兵不敢不惟力自視也早蒙台顧旨味披陳激烈忠懷些子俱盡亦恃老年臺聖賢之品不罪狂愚故不覺剖心以告耳倘獲濟朝廷封疆大事卽曾中有如許怪異事始終不復向君父一言如其

尺牘

卷十

聖

閃爍姦欺到底誓當瀝血丹堦無言不盡仍乞老年臺力持大法除國家之大害也更希電照臨楮悚然

涓隱園記 園未構而誌先之明吾志也

陽羨桃溪在邑西七十里萬山環匝林壑幽深溪水漣
淪其中復有平疇墟落映帶左右真習靜奧區也出城
舟行雪簑烟寺閒凡數百曲乃至溪涓余家讀書園在
焉千柳垂垣清流繞坻蒼巒繡壁當其前遠岫烟邨遶
其後籬落雞犬景色翳翳衡門數尺不容車馬今將鑿
石爲額曰涓隱園門以內松徑桐蹊花棚竹塢及所謂
雙桂軒斑衣亭豹隱齋聽鶴山房皆創自家君年來稍
廓旁址得曠地十餘畝余思築室而歸休焉擬構書樓
五楹卽顏曰讀書樓列架滿其四隅懸籤萬餘爲朝夕
自課地樓須高厥周以複道逶以迴欄丹堊不施綺繡
不入虛其中前後洞達令溪山烟月據吾座上時時遣
我岑寂啟樓後望作露臺與複道平寬廣可十餘丈列
怪石盆卉磁墩石几之屬夜深人靜月冷風清瑤琴數
彈洞簫一弄此亦吾之丹邱也臺名傲居鐫片石識之
去臺一丈許高垣圭竇別爲院宇曲室數區宛委而入
東西莫辨巖壑同幽爲避暑室三楹日月窟爲煖室三
楹曰旭塢大寒暑則入而盤礴焉過此開隙地植女桑
弱柘菜畦稻壠其閒值山雨乍晴吟誦餘息荷鋤戴笠
親執其役以察物理攸宜四時亭毒曰明農逸墅此樓

卷一

四

記

卷十

異

以後之大概也樓前三丈許鑿藕池半畝引流以入星
布怪石於蓮芡閒可據坐以釣壘石爲島嶼峙乎中流
荷香馥時或一披襟其上亦不減登華頂看玉女洗頭
盆也池旁垂柳瘦石短草欹花掩映蕭疎俾有遠致再
前丈許編柏爲蒼屏作高軒五楹名之曰石友堂堂與
雙桂軒近矣客過予者當止於是勝日偶逢良朋適至
汲清溪以煮茗採園果而開尊藉草飛觴蔭桐點筆搜
討疑義則代塵以松枝嘲弄風月則取茵於花片樂不
取乎絲竹禮無拘於送迎堂前寬平令有餘地石丈可
呼故所以名吾堂者於石於友有取焉花須茂密樹欲
蕭森松檜竹柏棕櫚高杉有不瘁之顏後彫之操吾愛
其貞牡丹芍藥桃梅海棠有歡悅之色吾尚其不寒儉
蘭桂臘梅茉莉有激烈之香吾忻其不柔媚而臭味佳
芙蓉垂柳梧桐蓮菊以及水仙秋海棠之屬並以韻勝
石菖蒲薜荔芭蕉以及古槐老藤之屬並以幽冷勝橘
柚葡萄香椽佛手銀杏之屬枝柯已極可玩果實復具
珍珠咸當博求佳種多植遠移夫吾園之富有至於此
視古人三徑松菊蓬蒿一室不太奢乎然木石烟霞造
物不忌吾將奢取之平生無他嗜好林泉圖史之癖苦
不可醫一行作吏與山靈別且十五年隔溪長松再剪

再茂今有丈餘能作怒濤聲聞於兩岸矣長髮從里中來話其崖畧尊鱸之思寧待秋風而後起乎家有藏書千卷久東高閣日事馬足車塵今謀歸逸方當覓綠醕紅歌縱情歡樂顧以讀書名樓作老博士生活又遠去城郭索居荒寂想聞者當爲捧腹然亦各從其志不可強也猶憶少時每讀書至生於憂患未嘗不低回三復斯言年餘二十筮仕得司農卽持籌窮日夜如是凡三載出守天雄值軍興徵發如雨訟獄錢穀之苦視爲郎時十倍如是復四載尋備兵畿南鎮撫鄖楚再拜簡命督七省將士與大司馬洪公同任討賊躬冒矢石凡數十戰不宿署舍歲且三周無云家矣今年東西兵闖入上谷奄至近畿倉皇奉詔入衛介馬而馳三千里敵旋遁去再佩賜劔督諸路勤王之師遠出塞外登木葉山周視邊地振旅西回及灤陽宣雲之命又下矣時勢孔艱天語亟趣受事因馳觀邊隘督嚴風朔雪束馬渡飛狐之塞屈指前後在兵間八年每追奔逐北波血馬前深入窮搜分餐劔首軍吏林立煎迫所求疊疊殘書紛紛奏檄唇焦腕脫無間晨宵褊衷歆腸之輩復環伺而思刺刃嗟乎予之歷經憂患至矣獨蒙聖明生全以有今日豈非幸乎然深悔服官太早未及多讀古人書所

卷十

記

在蹈危履險觸忌招尤先哲所云濟變戡亂之道未之聞也國恩深重報稱無期今年三十有七馬齒漸長心血已罄夙興夜寐效一割於鉛刀倘窮邊稍有起色卽當仰控天聰亟遊賢路角巾竹杖歸釣溪澗盡發藏書流覽今昔究養生之秘典窺述作之籀籀致甘旨以奉二親討義理以訓子姓昔日溪中魚鳥應有狎予者山靈豈終相笑乎或問盧子今桃溪之上君家廬舍數椽而已未有改也紙上園林得毋爲烏有先生之論耶予曰不然蘭亭梓澤轉瞬邱墟何物不等空花豈必長堪把玩向者邯鄲一枕睡熟畢四十年貴賤苦樂此吾家故事吾園又何必不作如是觀客首肯揖予而去

卷十

記



弁言

傳忠烈者數家矣麟較詳詳之者何也曰留
遺也後之作史者將微顯而敷幽必有據乎其言
之庶以實傳也忠烈之必傳者何也曰懷忠死烈夫人
而知之矣言其温温有道容或議之曰儒拘及其躪陣
而雄呼萬騎辟易雖古名將不是過又疑之曰一時矜
氣然耳公未知兵嗟乎以宵人之心測忠烈忠烈迂以
蕙人之心測忠烈忠烈怯迂與怯自生於其人之心耳
於忠烈之實蹟無當也忠烈之忠孝文武蓋性生矣子
必極哀毀之報臣必瀝盡瘁之忱儒生讓其英雄武人

弁言

難其道義即如治兵一事其屯牧如營平敢戰類衛尉
出師紀律似忠武王悲憤沉鬱亦與之埒特恨不得借
長平冠軍汾陽西平爭一日之封嗚呼惜哉然但曩時
不知忠烈今之日有識者已知之千百世而下當無不
知之也敵至而不驚臨戰而不怯敢鬪而不浪關待時
而不失時如忠烈在安有孽賊厘皇心哉忠烈存天下
安忠烈亡天下危忠烈死生天運通復之一大會也浩
浩子驅乘氣變化不亦如龍如鱗如嶽如星也耶要其
故非他亦曰誠而已矣誠孝則孝著誠忠則忠形誠文
則文颺誠武則武競非詳忠烈之先後本末不能識純

臣之心非詳忠烈之先後本末不能道純臣之事載一

漏萬良足憎也公介弟幼哲一編嘗述公生平無事實
許子德士公邑人從行在軍者著戎車日記載公死及
許揚事甚詳然征寇則未之悉也公之姻張君緒吉以
薦舉授官臨戎從公楚豫遊最久詳錄流氛事多人未
曉者金沙進士曹汝珍著公傳行於世未獲見弗能評
騁之也予以軍中昕夕話言叅之諸家紀載并公貽樞
部書及黃石齋諸先生集錄及繁葺漏以備草野藝言
公在天之靈其不憾乎尚有遺者踵而增之無難也或
少之曰子文似忠烈家傳余亦任之憶髫時讀聽鶴山

弁言

房藁稱忠烈文見貽朝士手札及訓家人箋面諸書稔
忠烈翰墨忠烈之神韻飛動飛穢予指端千載欲生矣
會參知政行若吳君督學粵東過豫樟謂將以愚編授
劄劄示多士仍命摭肯凡尊其端
崇禎十五年壬午季夏江右楊廷麟拜識

跋

公爲吾鄉第一人物前明開國諸勳而外惟王文成于忠肅二公堪爲鼎足公駁給諫陳啟新疏使知三代以下亦自有純臣諒哉公眞純臣也公之知兵當時頗有知之者至其溫恭仁惠虛公委蛇非全讀公之奏議則有見有不見幸際

聖代寬宏不令勝國遺編概行燬棄斯誠自古未有之盛典乃公曾孫豪然所刻已罕見全書嘉慶間邑人朱麟徵等用聚珍字印止百部耳秦痛公生不逢時而幸公身後之遇所著可不湮沒較其訛誤寫成

跋

一帙欲鏤之板而未有有力也適座主蔣相國節制兩江呈本請刊吾師印可並加鑒定捐俸屬之秦而以其板還之其祠以垂永久於其成謹志年月時道光九年歲次己丑後學任泰跋

宮保大司馬忠烈盧公事實俟傳

贊畫軍事江右楊廷麟伯祥

督學使者荆水吳貞啟行若

大司馬忠烈盧公宜興人也公諱象昇字建斗別號九台唐玉川先生之後世居西南山中桃谿南茗嶺下宜邑多名溪山萬峯巉巖間嶺尤爲之崛起草秀而木芳居人稱靈傑焉大父荆玉公令浚儀南康兩地以循績稱尊人崑石先生有文名籍籍邑諸生中娶李夫人以萬曆二十八年庚子三月四日生公公幼有大志與羣兒作狎輒以才畧雄長之其折斷事情皆中理法荆玉

紀實

卷十

公戲擲以錢卽棄去曰牧兒買餅資耳安用爲長博貫經史爲文章頃刻百千言時治平久不貴武公特學騎射同輩哂之公不輟年十九補弟子員天啟元年辛酉公年二十三舉南畿二年壬戌成進士釋褐歸值大父喪色不見齒公年少高科美風儀維揚一冶姿慕公願委身事公曰吾豈以精神銷粉黛耶卻之識者已知公之端栗概矣三年癸亥筮仕授計曹從大司農閱鑑庫見主庫者局脊狀公喟然曰羶途折氣爾乎後以屬公堅弗受值魏璫熾欲脫之求外地出視清源倉時積粟百萬歲耗糜亦萬餘公曰盍以惠吾民而飢雀鼠爲也

因奏中州積旱缺穀五年民間鬻婦賣兒不足以應石
壕之怒請許納價上從之豫民趨納積逋皆清所活之
口數萬又播朽積中得穀數千皆奸胥虐取糧戶而沒
之者悉作正供入之廩民呼盧父三藩初赴邸時參從
噪途等諸暴客公豫列囊貯米水次舟至即遣之弗令
停燒蒲艘亦服公能不復肆屢舉卓異三載秩滿擢守
大名巨室兒馬翩翩性任俠齊豫燕晉盜歸之稱九省
通家白晝掠人都邑莫有問者公計擒之常服縱轡獨
行道遇一騎露刃衝公前曰翩翩作何狀公給之曰已
擒就戮矣騎即飛去遂縛翩翩歸立棄市未幾請贖案

紀實

卷十

三

積奸尼鑿隧僧室中誘名家子入室與羣少年通觀燈
之節九劇公摘治之火其盧淫俗以戢尤善清冤獄崇
禎元年戊辰入都大計日有老婦自盧中出大呼曰天
下那得好官如大名盧太守者詢之其子爲刁民誣久
繫獄公特白之也二年己巳薄都城公拔劍斫案呼
曰大丈夫獨行取胡馬耳遂募鄉勇萬人持十日糧兼
程進天子壯之退詔還郡以副使階行守事六年癸
酉流寇興公檄諸屬邑繕城葺甲鄉民及與吏訓練之
人能持杖逐賊時號知兵治四載遷大名道備兵三郡
號天雄軍後賊勢益熾過臨洺三郡人驚棄家遷公星

夜赴援賊即遁馳騎逐之至危崖一賊自巔下偏甚公
額中一矢再發僕夫斃馬下公卒力戰晚之時時躡賊
後使不得食賊患之分隊迎公潛引大伍旁掠公偵知
之戒城守勿動身引精騎疾驅抄其前賊至突撲之斬
數千級賊大蹙日此盧拚命也遇之即死相戒盧公境
勿復犯寄語公亦無越境逐我公聞而笑曰我豈以鄰
爲壑者公第三子塲車騎離署舍十里弗顧也賊經廣
平民趨城郡守慮賊湏急局城後至者不得入哀號動
天公逐賊至廣急呼守告之曰此夫妻父子離失者非
吾民耶而忍棄諸急納之寇來吾爲爾扞公自策馬行

紀實

卷十

三

城徹旦賊已夜遁閱半載加公按察使秩仍治兵畿南
民以安堵者數歲賊窘思他逞遂南渡河之南所過
殘燹七年甲戌破鄆勢尤獗廷陟公僉都御史命撫鄆
畿南之民相向慟哭曰賊來誰禦吾輩生無幾時矣公
行日萬衆擁勒呼天騎不得前諭之曰事已若此奈何
民各出一錢製萬人帳獻公匍送五百里外歌頌且泣
臨河迺返公蒞鄆六城陷而復民猶晝夜遷毋安居公
增葺城郭採銅鼓鑄出息糶穀患漢江商舶不通迺造
兵船數千西抵商雒南距荆襄轉輸貿易物力始足賊
又羣犯鄆屬公引兵窮逐雖懸崖絕磧之地必覆裹繩

縱而渡振旆一呼軍士雷諾賊避之至晝不敢餐慮因炊煙逼之其墮篋塹死者萬數鄖以復安成鉅鎮云嘗乏食兵有謀逆者公銷盛帶得金夫人王亦脫并珥括衣幣椎牛作餅飲食之衆博穎謝公呼告之曰朝廷餉暫缺不日至爾曹背義作賊耶今後有二心者不爾貫皆惕息受約帥鄖某尅餉致噪兵自關門下公單騎往諭之衆匍伏泣懇公呼帥至數厥讐斬之羣帥屬伏自後兵民翕然鄖大治鄖鄰楚地賊氛熾遷公副都御史亟撫楚公至賊大懼突奔中州日殘十數城邑豫人伏闕下言求盧公楚人爭之廷議非公不能全豫晉公紀實

卷十

四

兵部侍郎兼五省尋益二省凡賊到處皆需公公握尙方劍於馬上草七省行移嶺關崑峨輒吟句題壁賊驚相告謂皇纛下面眉炯朗儼一神人自此聞聲即遁公過穆陵關有揮戈欲洗山河色仗策思援饑溺人之句蓋夙懷也八年乙亥賊趨東南環攻滁滁城守頗力賊掩民間婦女倒置之深坑露其牝飛礮厭而不發城中亦斂陰溺桶掛堞相向礮乃震忽登城見曠野無隻輪疑其伴退公則疾趨五晝夜至矣麾兵急擊命祖寬前茅躬率麾下從之戰城東五里橋賊大潰逐北五十里斬獲者百萬滁水赤流數里公之至也貫出滁人不意

命偏將入州求糧州吏疑爲賊斬之罕其首繼遣又將斬之公馳諭滁以礮石擬公行大僕李覺斯識公迺免公入滁滁守劉大鞏股慄伏地分必死劉母年八旬號哭軍門求代公宥之施剗刑因築壇酌亡將既殮始行三日後墮淚不輟時公急逐賊且殄以滁羈半日行又先檄淮撫朱大典堵賊去路朱不應賊收散卒率七騎奔又集諸饑民還楚豫復熾公策兵窮追至南陽以百餘騎陷伏中幾兩日公約其騎曰食盡必死不如擊之騎曰如命大呼突陣賊皆靡大軍亦後至遂大破賊殺萬人自後數戰皆捷賊困因而向關中入老營自公之紀實

卷十一

五

受討賊命也歷三歲賊未嘗破一城郭公分部下苦甘行囊中惟糜屑餅二饑則嚙之嘗乏三日糧公亦水漿不涉口夜則同戰士露宿一夕公右臂挽馬繮曲左肱而卜夢中忽聽馬蹄踐蹀聲公卽大呼躍馬行衆將士亦吶聲上馬初莫測其故也時則賊統大隊夜行聞呼躍反疑中伏死奔百里達旦公追擊三百餘里擒斬無算公曰幸也酣卧不覺吾一軍醢矣又一日大雨宿蠅廬晨起則三五腐屍橫地遇諸危苦衆不堪公適然耳九年丙子夏海暑休兵公趨秦關詣洪承疇策兵事時承疇三被詔責奪五階罪且不測公曰若任西北吾任

東南左右手也脫以法罷奈何已而師次潼關賊騎正野掠偵之闖王大隊也公卽急呼部帥祖寬迎擊之寬受命躍馬大呼摧賊鋒一戰斬其首闖王者驍賊高迎祥也賊衆號百萬闖最强稱王李自成爲之奴呼闖將殘殺特甚朝購其首急懸上賞寬下馬持賊級獻公公喜勞寬軍士喝采呼賀公命酒壽寬三觴握寬手謂之曰若誠曠世功矣吾尙有膈言告汝汝能聽我否寬曰惟命公曰汝聞洪總制屢戰不利乎旦夕且獲罪吾欲救之不能關門制臺轄地以今日功讓之可保全也寬大驚曰以恩命之靈寬不才倖此倚捷何敢輕讓人公紀實

卷十

六

慰之曰汝關門夙將豈靳尺寸倘因此右壁免朝廷西顧憂拜功不小矣寬尙不欲公曰再不從吾行拜汝公下拜寬急掖公公不起寬曰惟命公乃起捷間上大悅復承疇階加恩諭仍還尙方劍自後遂寵眷焉時賊求撫甚切公將引兵入關會秦師貽書訓家人題其端曰烽火三月家書萬金維昔之言不我欺也人生於情余豈異類然性躁而懶軍事旁午知交謝絕殆非斯人之徒矣兩親在堂定省越三千里音塵偶及潦畧數行至室人以及子弟卽平安二字不暇問亦不暇書自乙亥仲秋歷丙子季夏長鬚僅一往還無可爲家計者於是

效老書生作訓誥語持之以歸不審於義方於閭則奚似也其訓子弟者曰古人仕學兼資吾獨馳驅軍旅君恩旣重臣誼安辭委七尺於行間違二親之定省掃蕩廓清未效艱難困苦備嘗此於忠孝何居也吾願子弟思其父兄勿事交游勿圖安飽勿干戈而狙豆勿弧矢而鼎羹名須立而戒浮志欲高而毋妄殖貨矜愚乃怨尤之咎府酣歌恒舞斯造物之僇民庭以內悃悃無華庭以外卑謙自牧非惟可久抑亦省愆凡我子弟其佩老生之常談惟吾一身自聽彼蒼之禍福訓室人曰余爲官一十三年自部郎歷郡守監司以及治鄆撫楚惟紀實

卷十

七

國事蒼生在念不敢私其妻子未嘗有負軍民室鮮冶容家無長物今任討賊艱苦萬端成敗利鈍付之天毀譽是非聽之人頂踵髮膚歸之君父惟願作吾匹者體吾心以媳代子篤其婦規以母代父敦其家訓務使兩親娛於堂四穉習於學吾願足矣他何計焉時大寇西遁督旅入關寄此相勉公是時謂兩督協心殘寇尅日蕩也八月騎復逼都城詔天下師入援再賜公尙方劍命爲督時良固已破惟涿未下公趨涿知公來已去公時兩足裹瘡嚙牙耐痛率諸路兵出冷口收回難民萬餘延命給烘炒食公又傾橐錢助之歸公遂歷塞

外登木葉山周視邊地振旅南回及灤陽宣雲之命又
下矣廷議晉公中樞上念三鎮地重因屬公初授尚書
階益宮保公之命宣雲也人謂危邊三載三入公賢
勞久不當以是苦公公愾然曰我爲其難急趣事出居
庸關二十里未莅宣署即策馬閱東界舊日大督行塞
分馬蘇左右翼傳呼飛旆蔽空十里外行人即匿避禪
帥而下箛矢插躬兜鍪掛鎧伏道路公盡撤之控騎行
六百里日呼堡上老兵詢疾苦漸及人輕入之故老
兵意公爲偏禪也狎公言狀甚悉車過問之則大督也
自是宣東情勢熟公心目間時邊粟匱斗易千錢公憂

紀實

卷十

八

之力請行屯牧公日行畛道間辨穀土呼老農量課晴
雨督其耕播之候牛羊墜瘁之糞各以規行兩年沙磧
之地皆沃土歲大熟軍民熙熙積粟二十餘萬關亭備
兵陳懋德日遣使求其法天子喜爵資文武有差諭尤
邊皆式宣大在公左右者見公勤勞倍下吏夜刻燭雞
鳴盥櫛思獲一機要霍索披衣行之稍暇即詣射圃角
射以箭啣花五十步外公發必中常自云較獵塞外親
逐魏克將吏擊狐伐麇耳畔生弦勁筈聲支支脫去如
鷲羣饑叫不絕以爲樂遇平岡呼酒坐地與諸大帥論
兵法恍惚及時事不覺鬚髮樹眶裂諸帥聞言畢皆起舞

還復與較射發百數十矢跨生駒潑刺而還公之意蓋
欲左至遼右恢套北屯大寧後托溪山遊終其年也十
年丁丑二月崑石先生視公至白登一客與偕謂公曰
塞外縱獵可觀乎公曰可引萬騎登高歷峻縱觀荒外
諸山遙望插卜板升弁三十六家諸巢歷歷在目公謂
客曰卜請備邊吾欲借卜以通哈馬哈來市馬吾即因
哈以綏邊事可大定也是時獵騎嘶解鞍放牧
之下草色連天雲錦地列殆絕塞壯觀云已聞宣邊警
赴之警息閱兵陵後歲臘公履水渡河入套行兩晝夜
將窮其穴值嚴寒從者指墮膚裂引兵還十一年戊寅

紀實

卷十

九

三月四日公生朝上尊人觴間宣警公躍馬夜馳六十
里至天城道上矢檄交進言二百里外即見烟塵聞馬
蹄澗踏四十里公曰此大舉非零竊也問入口乎曰
未公曰殆欲右窺雲晉令我兵集宣則彼乘虛入耳因
檄雲晉兵勿動自率師次右衛時數騎臨牆自云某
某皆舊日受撫夷官名也細詰之實挾之來公夜
馳入衛戒撫夷使曰若輕言賞斷汝舌因上疏言人
伺覈久矣來聞邊耳求款非實情且卜爲之用不可信
內有撫卜不撫許市不許賞之語下令通市果不
狹一貨議十餘日樞臣楊嗣昌手遺書日撫之便不見

下哈往事作熟眠卧犬耶公乃榜示復我侵地還我叛人後議款嗣昌又札曰宣邊係彼口子議撫事當在義州蓋謂公不主撫可向他督不悟彌留匝月公謂諸將曰懈矣可擊哨知三十六營離營六十里密召雲帥西來宣帥東來自率兵直于午出羊房堡計日鏖戰先二日去既卻崑石公欲南歸公括囊中僅四十金出以佐行李誠夫人曰避地苦寒實非迎養地且吾日事行間定省不時汝其歸今而後甘旨色養屬於汝夫人亦毅然就道宣之爲疆也視他隘甚坦平無雄壘可拒向被詔匹馬隻輪不入者倍薪門爵賞是役也嗣昌

紀實

卷十

十

謂無血戰勞闕不行將士憤憤告曰入則論罪十萬騎臨牆匝月一矢不加而遁豈得無功何云血戰公折之曰爾等荷戈甲卧霜露不謂無勞第三入時何不早作長城拒勉之秋防寧謐當爲若輩請也初嗣昌懼關入將坐法幸撫成以免既不就憾公然未有以傷也自謀大拜脫樞局及命下以閣兼部竟不得釋樞權公之禍從此烈矣嗣昌向居內憂猶墨衰視事至是服緋袍上政府都人爭恥笑之石齋黃公折諸廷嗣昌忿爭亦甚力石齋竟議遠戍尋擣他事杖之幾斃公迺移書嗣昌曰變禮易制誠非易事但使相業特盛無媿

救時亦一道也惟公好爲之嗣昌書答曰某知不讓南陽李也公笑曰羅倫復官應在何日蓋指石齋言也嗣昌希以部務諉公一日貽書砥公曰某以病行矣此座可惜惟公念之公笑曰楊公給我是成四月十八日白虹午貫日占主大兵公憂之未幾崑石先生終濟上五月朔計聞公哭踴仆地垂絕而甦曰生身辱極昇不得躬視含殮罪也疏歸亟營吾父塋虛其側日掃荆蒿慰吾父之靈耳令雲撫葉廷桂爲之請諸將士咸哭泣曰議罪三年方得頭在頸上奈何奪公去臺諫兩疏議留公聞之慟曰吾死矣疏十上情辭哀慘天子惻然改容

紀實

卷十

十一

曰父死在途如何叫他不夫因令料理候代公望闕百叩謝曰聖恩成我嗣昌計秋深必來議代公者以蜀撫陳新甲上謂蜀距宣里八千須四月至秋防乃責公也公念朝好之才徧諷之客以蘇松道馮元颺對疏請改邊道馮適以事議鐫秩嗣昌書曰昌之得有今日從未於意表行事公爲之一晒馮亦不通一刺公益喜曰此叔向之不謝祁奚也大司寇鄭三俊清節立廷適下理公以參苓貽之曰國家不可無此人立疏救之得免公雖草土中薦賢之念不忘時嗣昌益力議撫密囑戎政尙書某授意葡遼督監葡督吳阿衡嗜酒常在醉中

鄧監希詔主之以雙臂賣卞周元忠者熟東私使北行詰之曰事大無尊官使汝侮我耶將斬之元忠哀乞曰事未成耳來來又告兵不臨城不卽撫然其言釋之元忠歸人咎嗣昌辱國大宗伯顧錫疇疏糾之嗣昌大恚中以他事奪其爵八月既望兵臨宣求撫公力疾赴右衛禦之九月中遁去公秋防告竣是時薊鎮弛防關警報至薊值鄧監生朝召諸將縱飲幕中從犒子嶺入口督不知謀被其肢解二十五日警報達宣邊公憤甚適兵部下翎檄召宣雲晉三帥入援保定公曰誤矣逼漁陽不速衛陵畿紆道赴保定耶矯紀實

卷十

十一

部檄徑命各兵入居庸自促新督代任二十八日陳撫出制馬關公於子夜命標官賁符返代自勒兵入都勤王二十九日午刻道中接上諭令督天下援師印一顆尙方劍一口已達行署矣公拜命畢捧印劍入內廳事視座後屏大書文文山正氣歌公爲憫然進臥室旁懸漢關公像公點頭曰天數也揜泣草疏曰臣聞憂五月望代眼穿今當離任歸奔忽值內犯同仇赴愬臣誼安辭草畢仰天大號曰吾父之骨朽矣奈何奈何先是二日前上傳諭贈公會祖及祖父尙書官公泣曰九原亦拜澤乎不靖塞氛志不酬也輕騎勒限及郊馳疏

報曰臣非軍旅長才愚心任事諠不避難但自臣父奄逝長途慘傷潰亂五官非復昔時兼以草土之身踞三軍上豈惟觀瞻不聳尤虞金鼓不靈蓋欲亟簡賢能代已也是時朝臣交牘薦公李臨淮尤切嗣昌遺公札曰攜男婦老少來定係西人移家非大舉也公可取便封侯公得書抵之地曰懷此心者犬豕不食吾餘矣吾以君國難前來耳蔑親思侯豈理哉今日凶吉三尺童子知之而誰誑也時觀軍高監亦衰絰臨戎公謂所親曰吾三人皆不祥之身也人臣無親安有君樞輔奪情亦欲子變禮以分警耶處心若此安可與其事君退紀實

卷十

十一

必面責之公雖戎服麻絰草履著體不脫嗣昌聞之益忤行五日入居庸步謁陵園祝曰仗聖祖列宗之靈殲境外謁蹶以應微臣職也進昌城呼援師無先集者閱本標宣鎮二師選其勁帥之醜酒對天誓曰藉若力先摧鋒不奮法無赦時十月三日申刻也漏二下天子命見平臺策馬及都黎明入上曰煩卿遠來入衛忠勤可嘉賜花銀蟒緞畢次及方畧對曰命臣督兵臣意主戰上色變良久曰朝廷原未言撫這都是外廷議論公因奏曰聞本兵以兩階于羽爲言上曰此不同二苗自負固耳未嘗戮我重臣又誠公非寇比慎之移時

命與樞戎提協商推乃出入對諸臣皆賜茗餌特益公酒餘上見日旁抱珥下復雜氣一股曲如弓而影上背令一瑞趨問公公曰此必尅兆也司天家語公珥暈猶光明象弓影上背主不臣之臣戾於謀國者耳公嘆息久之是時樞璫密議輦金幣出邊已有事大事小之疏長安競嗤唾謂我有樂天之言無畏天之意公哀莫不聞也入對時已迂廷議矣日曛詣安定門會議先是嗣昌媚大璫座必居下公就首座不辭嗣昌及羣璫皆銜之言戰皆嘿獨司禮曹化淳曰畢竟盧老先生說的是正夜分迺散詰日上發帑金萬犒公軍公銜孟口

紀實

卷十

十四

吟一聯宵藏武庫遊戎馬手鑄金甌藉聖朝云即日陞辭嗣昌送公屏左右欲有言咬咬不能出口逾數時僅可擘勿浪戰三字公遂就道時諸帥怯間樞言皆色喜曰無怖矣公則策戰益力夜半及昌城上昇帑金三萬大小銀葉三千幣五千遣內臣來犒師日又賜御馬百同馬千銀鐵鞭五百公慨念曰皇靈果壯撫之局出自外廷無疑也決策議戰適初三日所發間道師戰捷獻級公喜動眉睫勞畢即誓諸大帥以初旬後集城下各簡勁騎三百於十五夜分四面十路團逼營直衝而過刀必濡血人必被傷馬必喘汗俾驚潰自

殺若彼移動我分頭子截殺轉其用不轉其體始終用是法疾戰一場違者處斬令方下十二日酉刻監軍監高起潛遺公手書謂十五夜皎月通宵不便扼襲昔人雪夜下蔡城不聞以月且我師遠駐通昌若果移營徒勞往返又有奇兵用寡四面十路仍是張皇堂正等語亥刻三屯營陳鎮又捧監檄稱南下調彼旅東行急辭去公頓足曰若輩撓我至此哉擁數萬騎入內地固非十面楚之不能殲偏師無當也彼從生路衝突日行不過百十里營之移否可哨而知豈足慮哉月夜宵行亦謂揜其不意耳豈蔡州豎子可不殺一人手

紀實

卷十

十五

攜而得者耶驅滅之責在我事覆將誰諉因疏請分兵嗣昌定議旨雲晉三鎮屬公關寧各路皆令高監統之公名督天下兵實不及二萬十四日誓師鞏華公淋漓慷慨泣雨下衆皆嗚咽露襟漏三下嗣昌疏揭至謂南逞何得復趨牛欄速赴通與高監議公嘆曰復云然耶吾寧矯令矣十五日兵次順義將夜襲牛欄京營二帥至軍請日駐兵孫墩距牛欄不過三十里資策應可乎公曰諾命騎行至孫墩忽遇公謂此零騎或前撥呼即砍之京兵遁公控騎僅十餘人相從計卻避無一生還且慮後有大隊相逼當陳兵疑之拔刀趨行約勿

返顧京兵望見亦漸來■避走京兵遂營於大馬房是日襲劫之兵以高監泄其謀於牛欄秀地晝即遇■堵截鏖戰連斬數十級馳獻公大喜飛騎凱聞日晡將歸老營行數十里間喊殺聲敗卒即零落下公疑是■呼軍士引滿待之至則京兵被劫者耳詢之■分兩翼渡河稱高監麾下不虞其欺左右夾發疾不及禦故也京兵孫瑛之敗與公牛欄之捷兩軍不相蒙嗣昌言於上喪多獲少不論賞十七日嗣昌赴軍中公抗聲責其阻師養寇之罪曰城下之盟春秋不恥之耶長安口舌如風耳若唯唯從事袁崇煥之禍立見公何以處我語逼

紀實

卷十

十六

嗣昌嗣昌頰赤曰公直以尚方劍加我矣公曰既不奔喪又不殺■不忠不孝尚方劍須從自己項下過正未易以加人如舍戰言撫養禍辱國非昇所知也嗣昌赧甚良久曰從無撫說毋以長安飛語陷人公曰周元忠赴彼講撫往返數月始事於薊門督監受成於樞部京營通國其聞復將誰諱楊語塞拂衣而去公復手書斥之曰■自被挫之後徑奔鞏華近地劄營其挾忿誘鬪無疑也彼地去陵京不遠昇當夜出土城關與鎮將計相機出奇再挫■一二陣■便回頭不惟鞏固陵京亦且大張捷伐矣來諭老營南向或■非一股分合難定

權緩急用兵昇惟力是視耳倘能回心協力以濟國家即宵中有如許怪事終不向君王一言若仍閃爍奸欺到底自當瀝血丹墀無言不盡也先是嗣昌嘗與密撫趙某言曰秦會之見宋室忠臣趙應之曰能忠足矣何必殺盡賢良而自爲忠嗣昌無以答故公札及之初嗣昌令公赴通欲推撫字自高監口中出公既不赴嗣昌遂具疏云■若南下督趨通就監未動監趨京就督十九日高監詣安定門兵過京營仍疑爲■礙發騎士斃者數十公亦後先至會衆議公大言受命禦■非血戰無以盡臣子之心高詭云戰不難恐野戰■之所長耳

紀實

卷十

十七

待相其可而後擊之是時督監各持一議嗣昌遂疏言督出險著監持穩著格公議不行論者謂■駐內地二旬非無懈可擊後至破省會掠名藩卒未聞可擊而擊之也公見樞璫一轍必害成新督陳新甲方閑駐昌平薦以自代嗣昌久蓄是謀許之須臾警報踵至公不敢旁諉復移書嗣昌云向擬薦賢爲國今勢迫誼不敢復言矣遂分前後左三標隸新甲自將馬步兵分布德勝安定東西直諸門外衛京師日諭將士須殺■酬國恩不幸寧捐軀決脰決不令賊臣袖中捏成宋室故事因大呼日高皇帝廓開世界不三百年復翳耶決計挑戰

日斬壯級報部■久畏公善用兵遂不敢攻掠約待撫
二十五日議不成兵從順義開營南向公夜選兵四十
從壩上等處進發二十六日■大營精騎自壩上大馬
房直衝東直門相距二十里諸兵奮力擊■吹簫築
收兵被傷者衆是後日有斬獲公所坐馬稱神駿深愛
之公方披甲冒陣忽長鳴斃十一月朔宣帥射獲蟒甲
銀盛大將首大如斗初二兵分三股來攻中伏石矢齊
發■紛紛落馬復分五股來我兵格五陣彼皆重傷乃
退初三日■徑撲土城關公自出陣率諸將擊之自己
至未■衝數次皆爲礮石所傷負屍馬上號泣還營聲

紀實

卷十

六

聞數里呼砲爲骨冬輒嚙指又問是盧那顏兵馬亦輒
嚙指是夜遂移營土城北公乘其營未固潛移大礮往
劫之■不及炊南奔斬獲無筭及曉尾尚在西直門公
料大隊前驅勢不及顧復躡其後擊之大捷獲巨炮數
十驗之皆京營字號云是日公從德勝門移營于子門
勒輕騎出■前會高監夾擊部議督監二人一追■一
守京通次午尚未得旨公慮■去遠追襲益難馳請申
刻始奉合心驅剿之命■於是日已抵良涿矣公卽申
論標鎮於初六日五鼓兼程進因高監在通遂趨固安
會師整備謂■攻良涿便可抄前逆擊不意■騎畏公

奔突五百里分三路攻掠一從涿水攻易州一從新城
攻雄縣一從定興攻安肅公聞之初九日從涿進兵先
據保定召諸將插血矢誓各挑精兵分路掩擊十一日
戌時雲帥王樸捷於涇陽斬級二十公謂■懈可擊督
全師蹙之十二日合戰於慶都大捷獲級百五十高監
亦並奏捷麟見事勢迫疏斥嗣昌中有南仲在內李綱
無功潛善秉成宗澤殞恨等語時密撫趙某公所舉也
趙獲奸細梁內供稱鄧高祖三人合謀通■鄧卽希詔
高卽起濟祖卽遼帥大壽事聞長安哄然嗣昌意二人
皆爲公地計殺之麟以編修改兵部主事命赴行營贊

紀實

卷十

九

畫趙卽下理公嘆曰兩公危予從此益殆矣然非此亦
殆十七日進次完縣清苑令左其人以饋餉不前公檄
責之左年少負氣投瑞爲援不受督責遂激方監怒移
書讓公旋飛章中之公次真定真撫張其平見濟公者
衆閉關絕餉軍中缺糧五日領糧官歷未及酉自東圍
趙趨至南皆扇鑰不納軍士二人向村居覓草料公揮
淚立斬之移文兵部告急有戰士立而就死七尺微軀
不敢自保之語嗣昌不答公拜將士各四勵其以死報
國忍饑衝鋒其地撫按守臣任疾呼竟不餽升糧猶計
卸罪疏揭日五六上皆誣公擁兵不救狀十二月輔臣

劉宇亮覲 將去出收其成特搗擠公公被嚴譴虜爵
候訊劉則欣然代公行矣其客告中翰周尙友曰臨敵
易將兵家所忌此聲一播將士驚疑事且不測劉懼因
復謀之嗣昌僅奪公尙書官以侍郎視事非客言公被
逮下理矣公將饑兵分援樂城東鹿趙州等處皆多斬
獲俄報 走雲晉嗣昌移露檄促出關公嘆曰將在外
君命且不受於千里外制人奈何軍置糧久檄至雲帥
王樸徑引兵去公餘殘卒皆饑疲奉命不敢近城次宿
三宮野外時畿南三郡父老悉勸公曰公移廣順召義
師贏糧從者可十萬三郡子弟昔非公死賊今非公死

紀實

卷十

二十

同心尅滅事尙未可知也鳩鴿之衆隻臂無援孫吳
能措手哉況權奸急據晉中報迫挾出關知鍾兵久切
懷歸耳又下不得近城之命駐兵絕野勢必脫巾狂噪
雲帥已見告矣公其圖之公泣謂曰予統兵十年歷數
百戰未常劬今分疲卒五千 西衝援旅東隔事事
牽制食盡力疲旦夕死矣無徒累爾父老爲也衆號泣
雷動各攜床頭斗粒餉軍或遺棗一升日公煮爲糧十
二月十一日進軍鉅鹿縣之賈庄時高監擁關寧兵相
距五十里公屢飛檄召援不應反移走臨清公自分必
死告麟曰兵勢甚盛不迫山陵卽迫京師我兵寡食乏

急需糧授君真定檄發行後公卽赴 搏戰都司袁應
奎泣請曰今往必死蓋少卻公怒命斬之三軍泣伏代
求免公按劍叱之去髮上指兩眦盡裂曰予受國恩恨
不得死所今與諸君共之不用命者斬行十里餘至高
水橋與 遇公督標居中虎大威帥左楊國柱帥右激
發勇鬪 遂奔半落馬脫帽走村人爭持白挺擊之擒
一目還營公方草疏告俘忽齎策四起俘囚泣語譯使
曰我大衆將至那顏必殺我矣夜三鼓 騎數萬圍賈
庄十二日卯刻別一隊自正南來衆萬餘匝圍三重公
躍馬周視整兵虎楊兩將當西東別二將西北列中架

紀實

卷十

三十

大礮公授礮役意聞呼某某卽發 亦用鉅礮來攻相
擊四百餘辰及未礮盡矢窮軍中對面不相見虎帥猶
能認公挽公馬泣請出圍公不肯以刀剗其手曰我不
死疆場死西市耶因奮策突入公左乳中一流矢拔出
鏃復撲殺貫腰後及左右股矢各一公猶震呼力戰手
格殺數十人 憤鏖鬪公公遂被重創死年三十九家
丁顧顯殉焉掌牧楊陸凱慮兵殘公屍伏之體被二十
四矢遂歿一軍皆覆獨虎大威見公死潰圍出尋以重
創號踊亦殞是日天霾日無光傍暈兩小日卯大白
猶月公向察乾象大將星囚指示客公竟當之也初嗣

昌分督監兵偵苗頭西向因命督任西南監任東南
公一赴西嗣昌即言西南兵勢獨盛致下嚴詔詰責高
監東行嗣昌以援內名檄之還遂退師百里公死後兵
竟不敢逼三郡遂趨東山左諸疆殺掠慘毒嗣昌庇起
潛竟弗問實則陵寢之安京畿之鞏戰士肅然紀律皆
公力也公雖歿憾者不釋蜚語達朝端謂公快醉歌樓
火焚自斃使一別駕踪之至旅店見一席微焦抵掌曰
是矣其家答曰火發高樓焚大帥區區焦一席孔已耶
別駕廢然返然言公東降及遁尚不一十五日副將劉
欽驪積屍見一血污赤體僅麻褲刻督兵殊篆紋故知
紀實 卷十 注
為公也昇至新樂縣間聞於麟迎入真定東關盟面剖
髮視之尚凜凜生氣辨其刀痕左腦上一右腮一面門
一自鼻至耳界破額骨麟撫屍慟絕其地守臣素識公
者佯不辨麟憤甚因集兵民視之一卒踊起哭曰我盧
爺也率羅拜哭已卯二月二十八日始克大殮距死之
日七十五日矣三郡之民間之無不號慟者爭攜酒醴
獻柩前哀失聲遠者設位以哭甚有痛公之亡發狂即
死者公行師日嗣昌嘗遣東廠總旗官俞振龍偵公事
公死歸報備言公忠勇殉節狀嗣昌怒甚垂楚三日勒
令吐實振龍曰何偽乎實言死証言亦死嗣昌詰之振

龍曰言實公殺龍証則鬼神殛龍耳十二年己卯正月
初六日廷鞠龍對如故將置之死忽仰天若有所見大
呼公來耶公不負朝廷龍亦不負公氣絕而甦昂首呼
衆告之曰天道昭昭毋枉善良善也竟死龍甫弱冠家
千金死後立散妻年僅及笄抱幼子乞食長安見者皆
嘆之楊陸凱臨洛人也死後其父聞之曰從公遊吾兒
可含笑地下矣洛人藉公得餘生十年今以死報何憾
後騎蹂臨洛洛關比屋死傷楊之戶以內獨無恙不
逾年王樸以失機伏法鄧希詔亦誅廷議挑邊速釁罪
嗣昌僅革銜仍冠服辦閣事俄借剿賊功復其官十四
紀實 卷十 三
年辛巳二月初五日賊破襄陽執襄藩坐之旗下曰汝
本無罪我借汝頭殺楊嗣昌耳時嗣昌在荆慙憤縊死
十五年公事始白子祭葬贈太子太師兵部尚書諡忠
烈賜建頤祠蔭子以載世襲錦衣衛千戶
瀟湘逸史曰公之死於嗣昌手也有二焉公孝則昌
不子一大憾也公忠則昌不臣一大憾也使公易吉
臨戎口以封侯食祿為快則昌可冒為顯親之人矣
公於上前道一撫字使昌軒眉握樞掩其縮朒無能
之狀則昌可溷於謀臣之列矣子昌以尋常臣子之
名昌又何羞何忌而殺公哉惟公性不樂與不子之

子不臣之臣同心竊位必欲力挽天河哀伸毛裏而後慊忠孝大義矢吻凜然是以寧攢頰界顛蒙三刀四簇於賈庄砂血之上而不顧也嗚呼痛矣然見人呼觥浮白間談及公事不免風簾雨淒鬚根颯颯欲動公則令人怒又於夜闌人寂之戶燈穗垂垂時披公貽家人書如見其天性孝慈之樂公又令人懼可謂公死戰殲乎哉人氣絕者則謂之死公之氣雖千百載不絕也楊陸凱圍夫耳父子皆忠於公人不及以死證公之死若俞振龍者棄家捐妻子何其烈也公之忠肝烈血生氣磅礴六字間三賢實其之矣獨

紀實

卷十

五

是聖明之心皇皇求治若不及均一督臣也洪生則謂之死盧死則謂之生是何故哉曰氣數之見滿朝孽賊使然也公進不結內援嗣昌而外高方二豎無刻不思射公聞公未死前數日達京僞塘報節節短公激朝廷之怒公死後輒謗公不死未必不謂萬騎臨城及後來畿南山左之阨皆一戰字激來一樞兩璫內唱外和而又繼以愚輔庸督賊撫猶令該地碌碌卸罪諸撫按臣語必誣公之執事必譏公之輕蔽奸人分調絕援之謀律督師以擁兵不救之罪以致聖聰營營內不自保公之死忠孝而不憐也宜矣壬

午事始白欲賊熾於西陲舉廷張皇求一雄畧之臣不得募一敢死之士不得檢夫遁鑽怒臂頰征貽慘毒於親藩冒篋勞之主睠獨公忠魂烈魄赫奕九邊綱繆五夜時出入於腎腸心腹之間而晨睡若接君則堯舜之君也臣則臯龍之臣也明君良臣志同道合一爭常變耳有異心哉嗟乎戊寅而後公死壬午而後公生嗣昌白骨竟誰屬也學爲子臣者可以思矣麟爲經筵講官憤國事日非特疏忤當事謫兵部主事軍前贊畫始得與公共事公詳道其歷履自主政訖督撫歷歷不遺一事風雨晦明之夜卽與麟恍惚

紀實

卷十

五

道艱苦因得憶其詳爲公記其事使天下後世知公之忠勤爲不可及且哀公之死復爲哭鉅鹿一草以志之

紀實一書吾邑故家藏本皆係手鈔類多魯魚亥豕之訛惟先曾祖南宮公語古堂中珍有明時刊印本藏之且百餘年矣紙墨雖敝古香猶留後之人其慎寶諸乾隆四十二年夏四月荆溪潘兆熊跋

賈莊建祠紀畧

六世從孫秉鉞謹按 國朝乾隆八年先祖傑
夫公諱豪然令威縣時曾經鉅鹿之賈庄見有
先忠肅公專祠詢知兩年前有孀婦姚郭氏同
伊侄孫姚成追念公當日屯兵保護之恩致命
遂志之烈捐宅基三畝建祠以祀在地居民爭
勸金置田十餘畝作春秋祭費至今報賽不輟
非公忠孝大節彪炳寰區烏能令人百年後繫
念若此謹附志其事於奏議之後

〔清〕趙良棟撰

奏疏存藁六卷

清康熙刻本

欽賜勇畧將軍兵部尚書兼
都察院右副都御史雲貴
總督一等精奇尼哈番諡
襄忠趙良棟碑文

御製碑文

朕惟靖亂宣威者奉公之顯
績褒勲眷舊者逮下之弘仁
若夫忠勇丕彰膚功屢奏恩
能馭衆貞以行師雄名久重

於巖疆勁節彌堅于篤老積
勤旣茂寵錫宜崇爾趙良棟
剛鯁性成果毅間出奮身裨
佐從我宗藩分扼潼關別征

御製碑文

鞏寇旋弭亂羗於湟水嗣擒
僞將於肅州尋赴滇黔狗馬
乃平隴納拓水西咸與有功
及代郡秉麾津門移節惠威

並用軍悅民懷迨逆臣干紀
煽動邊隅兵叛惠安戕其主
帥簡爾提督綏靖朔方首惡
受誅餘黨悉定會王師進討

御製碑文

三

首倡入川密符朕算獨率所
部乘間擣虛奪密樹關拔徽
州克畧陽威懾秦隴用是授
爾爲勇畧將軍旣而麀陽平

破青川取龍安轉戰千里未
及浹旬遂復成都聲震巴蜀
用是擢爾爲雲貴總督當大
兵圍滇爾至則決議急攻潛

御製碑文

四

渡新橋摧鋒三市醜徒大潰
立下省城實茲戰之力用是
論定酬庸累畀爾以世職朕
于行間功伐素篤不忝矧爾

所在征討大小數十餘戰厥績茂著而部伍森嚴秋毫不犯軍資悉以餉士幕府曾無私財潔廉自矢尤堪嘉美以故自勞還以至予告恩禮所加始終優厚邇歲北征有事兩預戎韜白首籌邊丹心益勵洎聞衰病藥膳頻頒遺疏

籲恩悉從所請比朕追滅噶爾旦道由靈武經紀爾家特命皇子視奠宰臣致祭以昭異數茲復舉易名鉅典賜爾諡曰襄忠嗚呼矢誠蓋於一生樹勲猷於萬里爲國良將垂五十年事久而乃績逾彰人往而朕心長眷生則寵光

倍至沒則軫恤加深用以優
爾勞臣亦且風於有位勒諸
貞石永眎豐功

御製碑文

七

御製祭文

康熙三十六年閏三月初
六日

御製祭文

一

皇帝勅諭遣文華殿大學士
兼吏部尚書伊桑阿致祭
於故勇畧將軍總督雲貴
兵部尚書兼都察院右副
都御史世襲一等精奇尼

哈番趙良棟之靈曰朕於
國家宣力之臣無不恩篤
始終誼周存歿矧其爲老
成宿將績著封疆方眷倚
之是殷期榮休于有永遠
聞溘逝能無盡傷爾趙良
棟剛鯁賦資精強勵職粵
從蚤歲克展壯猷嗣歷戎

行洵膺重寄屬當逆氛煽
虐禁旅交馳惟爾首倡入
蜀之謀提孤軍以進取力
奮克滇之勇激諸將以爭
先公論歷久逾明朕心深
嘉乃績詔崇世秩懋獎成
勞比者來覲闕廷時攄忱
悃倏以抱疴邸舍遂乞旋

歸自臥林泉遙頒藥物每
陳章䟽輒答褒綸尚冀調
攝漸痊何意哀音驟至茲
朕躬臨朔方籌畫軍務經

御製祭文

四

爾里第惜黃髮之乍凋念
爾音容憶丹心之未燼特
命皇子親視几筵爰沛宸
章用申諭祭嗚呼禮隆異

數示朝廷非常卹賚之仁
光溢闔門彰勞臣畢世忠
勤之報爾靈不昧尚克欽
承

御製祭文

五

敘

予生長邊方少攻咕嗶之暇留心
武備遭逢

聖世蒙

世祖章皇帝今

敘

皇上隆恩異數三膺重鎮後以三逆交
訖寧夏兵譁荷我

皇上特達之知簡任提督予凜承

廟謨百騎遄征令止郊外單身入城宣

布

聖天子德威反側自安流離漸集於是

宥脇從以廣

皇仁殲渠魁而申

國法封章所上蒙

恩報可為之清糧餉足兵食劾貪殘汰

敘

老弱日操月練士飽馬騰數千甲

胄皆成勁旅因創復陝入川之議

蒙

皇上遣發滿漢大兵將軍協同前進攻
克徽州畧陽直抵寧羗振旅疾行

且戰且追十日而克成都矣於時
奉到勇略將軍之

敕印未幾復拜總督雲貴之

恩綸控辭未許而蜀道險遠巉巖密箐

最易藏奸官兵或攀藤越山或浮

敕

三

江涉河俱皆協力同心効死無二

因滇南為賊之巢穴而川省又滇

之門戶賊眾猖狂蜂屯螳聚狼奔

豕突以圖竊踞而同行者互相觀

望阻隔聲援遂使瀘州再陷永寧

繼失予初不以分行岐視命將分

兵心力為瘁枕戈草檄食少事煩

愁心存報

國志切捐軀力疾誓師奮勇長驅而川

賊始遁遂從建昌直達雲南逼城

敕

四

鏖戰八年之賊已倒戈於一旦矣

然所到之地方所克之城池皆仰

遵

皇上仁慈訓誡秋毫無犯撫恤招徠已

降之官兵特疏請

旨寬其誅戮其如性情迂直學問粗疎
惟思散金錢而酬士死佩一劍以

答

君恩不知附衆詭隨孤踪子立絕無黨

援所恃者

敘

五

聖明之知遇所藉者三軍之用命歷宦

一生家無長物召忌招尤非止一

時一事孰意事定謗起幾蹈不測

賴

聖天子弘恩洞燭幽微曲賜矜全特昭

曠典

綸音屢下

優賚頻加

天翰詩字匾額龍袍袞褂天冠寶刀上

駟撒袋

敘

六

御用等件

錫以世職俾子孫奕世永沐

殊恩又加以忠臣純臣老臣之

天語而五十餘年竭力疆場之一身與

忠勤自矢仰答

君父之寸衷悉蒙

睿鑒然已老病難支矣叨荷

俞旨准歸田里當漠北多事奉

命遠出邊庭時年已七十有四後乞就

醫江南更蒙

敘

俞允屢邀

存問再蒙

召見面聆西征方畧優賚頻加誠千古

人臣未易得之榮寵鏤心刻骨圖

報無極於卧病呻吟之日檢點從

七

前章奏當戎馬倥偬之際十存二

三然其間行軍用兵克賊制勝疆

域之險易兵法之奇正伸紙直書

祇期達意而不旁詔一人絕未假

手一字言之不文行烏能遠然直

敘

抒胸臆之言荷

聖天子優容嘉納得以少盡寸長展其

報效予才不逮古人而

皇上聖神文武遠過三代比之都俞一

堂直唐虞再見耳願吾子孫目覩

八

是編當思

國恩罔極圖報難盡予景逼崦嵫報

國之日短矣爾等人盡竭忠世知効力

以繼予未竟之志則雖死之日猶

生之年爾尚其勉旃毋忽

敘

九

康熙三十五年歲在丙子孟春上

元前二日關中趙良棟識



勇略將軍總督雲貴大司馬襄忠趙

公疏藁序

天命聖人除奸靖亂必薦生名世

大賢以左右之使肩其變伐之任

救民於水火而天下享仁人之福

詩曰保茲天子生仲山甫又曰王

樊序

一

于出征以匡王國君臣相得之盛

自古為昭我

老夫子大將軍襄忠公是已

公資兼文武久承

寵眷當朔方兵變害延提督

上命公提督寧夏公以不殺為心盡留

從騎獨入城中宣布

皇上威德請

旨斬倡亂四人餘皆勿問反側遂安隨

密奏取蜀兵宜兩道取滇兵宜四

合上契

聖主神謨遂

樊序

二

勅公由陽平取龍安親冒矢石越險設

竒浮江涉水扳木緣崖轉戰千里

連克徽州畧陽寧羗不十日而成

都底定敵以為神公號令嚴明所

破城邑列隊女牆不許下城騷擾

人民安戢雞犬不驚吾蜀久陷逆

境荼毒最深至是父老爭奉牛酒

曰不圖復見太平未幾全蜀悉定

公復得由成都走黎雅渡金沙出

武定尅期力戰不血及而滇城降

公之力也平昔慕公勲猷至今日

捧公章奏古來名將相無以加焉

樊序

三

單騎諭賊則郭子儀之出見回紇

也綏集流離則鄧禹之按節勞來

也寬大慈惠則曹彬之下江南也

策滇計蜀碩畫膚功是又與盛彥

師之破李密李愬之平吳元濟今

古一轍矣伏讀

御製碑文眷注特殷生則嘉其勲歿則
隆其報所謂有非常之君能用非
常之人有非常之人能成非常之
功信矣昔于公治獄高大其門曰
吾多陰德子孫必有興者至定國
為丞相累世賢盛况公解倒懸而

樊序

四

存數十萬生靈宜乎

嗣公制府撫軍以及方面循良侍
衛諸先生大業鴻猷炳耀天壤仁
人有後信不誣矣達視學嶺南幸
得追隨兩廣幕府制府以先公有
大造於蜀達蜀人知之最悉且曾

侍公門出公疏藁屬達為序嗚呼
讀公遺文益思公舊德受仁人之
德於廿年以前叙仁人之文於廿
年以後是公卵翼之貽也是余羹
牆之願也夫

肯

樊序

五

康熙己丑秋七月既望舊治門人
宜賓樊澤達頓首拜撰



趙襄忠公奏疏存藁序

我

皇上御極以來海寓乂安四民樂業而
神功廟算反側蕩平固已軼唐虞而駕
軒昊矣方滇逆之不靖也蹂躪天

南川黔楚粵之間囂然煽動我

李序

一

皇上知人善任握筭廟堂之上決勝萬
里之外

天威所震醜類悉平洱海風恬錦江浪

靜則

襄忠公之所以報

主知者厥功偉也公之功在社稷黃童

白叟歷歷能道之而濤讀公之疏
稿益知

皇上之於公寄之心膂委之方召
湛恩異數勿替頰頌古君臣一德之隆
獲以加茲則公之智勇兼備而

皇上之所以眷倚公者千載一時也逆

李序

二

以滇為巢穴川黔實其門戶而成
都為省會沃野千里人民財賦之
鄉白水壩距成都一千餘里為川
江上流關隘緊要與昭化唇齒蜀
不破則滇不搖白水壩不得則成
都未易猝拔也中間若青川若石

峽溝若明月江皆賊聚兵之所亦
賊必防之地蜂屯螳聚踞水營山
公旣破密榭關復徽州決之於心
請之於

朝提一旅之師星馳電激於元日浮水

渡江奪白水壩不計山險長驅深

李序

三

入破青川奪石峽溝渡明月江披

其門戶搗其腹心僅十日而成都

底定矣夫李愬之雪夜鷲池狄青

之上元燈火平吳蔡下崑崙史冊

榮之後世稱焉然機乘一戰而功

烈已號崇隆公則於十日之內五

破關隘晝夜轉戰馳驅千有餘里

所向披靡勝獲無算高山密箐履

若坦途惡石大江視猶平地兵機

迅速敵號為神是公之功較之管

賢而有進也乎若夫籌取滇之機

宜離逆氛之羽翼燭照數計歷歷

李序

四

奏功而矢志報

國閱遲暮而不衰讒謗沕乘

君恩昭雪

皇上知公之深任公之重

擢之節鉞晉之大司馬

錫賚駢蕃

恩榮奕襪猗歟

聖德雖堯舜于臯夔而文武于周召不

過是矣然則

皇上之所以優渥公而眷倚公者寧獨

公之感且泣也哉寧獨公之後人

之感且泣也哉濤曩在西清熟聞

李序

五

公於軍旅擾攘之際皆手自削稿

以故章疏陳奏披對剴切質直不

支有西漢董賈之風焉今

制府大司馬公念

君恩之深重凜嚴訓之勤拳壽之梨棗

昭示來今且命濤序之濤也受讀

之下咏歎公之功烈文章而尤咏

嘆我

皇上之所以眷倚公而優渥公也附名

篇末以垂不朽與有榮施已謹序

濟南後學李濤頓首拜撰

李序

六



趙襄忠公奏疏存稿序

竊惟試功之代敷奏為先懋賞之朝聽聞自遠是以賡歌喜起用志協贊於盈廷錫命對揚聿昭交孚於一德蓋本祇承以達意豈曰無文必兼忠愛以立言斯堪不朽曾稽諸古益驗於今如我

趙襄忠公望重平淮功隆分陝畧傳黃石冲齡讀丹笈之書才擅雕龍壯歲著青箱之學五

丁序

百年而生名世代有傳人十八侯而論元勳

公其雅匹特膺

簡畀轉厯憂危維時三孽方苞

九重震怒南戎徧蒼黃之色滋恐難圖西陲抱艱

砲之驚問誰可討

公則奉

命而出

錫鸞書翠軸於掌中

帝乃推轂而前

授玉節金符於天上由是登陴慷慨先申大義於三軍畫策周詳迂贊奇兵於兩道險踰雪棧方追諭蜀之弘勳直抵寧山竟掃逆吳之穢跡然或疆場蹂躪頻加撫恤之仁偏當戎馬倥傯禁絕繹騷之擾師行尤嚴教令掣叙取筮之必誅民業不改樵蕪望兩瞻靈之倍切于斯論德德莫加焉以此叙功其偉矣宜

丁序

乎歌鏡奏凱疊承

三命之褒崇舞羽脩文屢被

一人之眷顧寵渥出雲霄之上命世其官都俞在殿陛之間廣揚乃績迨夫情陳休沐何須顧盼自

雄猶且

詔下溫綸益勉鞠躬盡瘁乃就還轅之歲月輒思報國之忠貞或運籌進帷幄之謀或因時陳治安之策或飛芻輓粟乞支內帑之金或執

誠獻俘請給上方之劍或懲汚而糾不職或
格偽以勉自新威德遠聞道是仲淹經略功
勲不伐何殊馮異謙恭四憶千萬里而遙一
念惟圖傾藿閱歷五十年之久此心常欲瞻
雲允以仰荅

聖聽靡不形為辰告用探囊以集錦遂輯簡以成
編謂血忱鑒在

天心寧忘示後而手澤留為世業貽以光前此

丁序

三

公之自叙疏稿所為與功德不磨者也迄於今

河魁星隕光韜返日之戈策府雲升謚顯凌

烟之閣靖共彌著垂裕安窮惟我

大樞憲公克承鴻烈載建高牙開府南邦當

藩垣之委任承恩

壯關統文武之權衡易才同樗櫟敢云職忝繩糾

列在旂幟因得奉披章奏研礪字裏尚巖斧

鉞之聲蹠蹕行間如驟風雲之氣試請宣諸

黼黻洵哉盛世嘉謨行看壽自棠梨允矣賢
臣令範謬侍校讎之末敢揚作述之休云爾
太丘後學丁易頓首拜謨



丁序

四

趙襄忠公奏疏存藁叙

維今

上甲寅乙卯之間湛恩頻濡鮪鮑胆張此唱彼和敢於操戈狂妄無知儼然以唐世河北三鎮自擬皇上赫然震怒乾綱獨斷鞠師陳旅用討弗庭維時心膂股肱之臣彪虎熊羆之士宣力邊疆多有其人而收川滇於既覆擒梟獍於深巢舉半壁之天下携而歸之

廟堂之上則不得不為襄忠公屈第一指焉其在當

李序

日戰功赫濯遠邇震懾婦人女子走卒下隸亦無不嘖嘖稱歎以為神勇絕倫銜鋒陷堅叱咤風雲渠瘡浴血如古名將之所為而至於謙卓見蚤謀深計長方略籌畫婉於漢之諸葛武鄉侯者則際未之悉也已丑未章奉節檄調取入京過端江調辭制府大司馬公函犬之下從容論文語次因及襄忠先公奏疏遂出存稿俾來章讀而序之大司馬襄忠公之家君也藁計六本為襄忠公所手定前列自序原以傳家庭訓

子孫大司馬取

御製碑文

諭祭文冠於簡端表特達之知深存歿之感計諸刻廟珍同瓊瑛意至深遠矣未章再拜展讀見藁中所藁寧夏河東撫叛卒穢渠克相機籌畫隨地建績謀無不中功已奇矣姑不具論至如預陳入川之策親破白水壩直搗成都定取滇之計奪得勝橋敵寇因生內變尤為得算者臨滇之日首陳三事離其黨羽團結人心成敗得失

李序

如指諸掌識者比之金鑑石畫以故能掃蛟蚪之窟奏蕩平之勲玉斧所界金甌無缺西平汾陽蓋稱鼎足焉嗚呼偉矣公生平尤以廉潔忠貞自矢忘軀報國不避嫌怨滇城岳破駐軍郭沐子女玉帛一無所私以視諸葛公鞠躬盡瘁死而後已不別治生以長尺寸清風高節亦約畧相似未章擬公於武鄉識者以為知言蓋以此也來章嘗聞公於大小奏章皆手自削剗不假捉刀今讀存稿明白洞達如話家常皆從肝

膺流出絕無文士書生經營粉飾之習殆亦出
師二表之流亞歟雖然建榭本於謀猷功業則
成於遭際公之忠

上能知之公之策

上能行之公之被讒招謫

上能昭雪而洗濯之意向非

上之廟算周詳洞見萬里公雖長才偉略亦烏能奏

奇勳而享高爵哉讀斯編者又當知都俞吁咈

之風見於干戈擾攘之際公之所遇蓋有可慶

李序

三

幸者已謹序中州後學李來章頓首拜謨



奏疏存藁總目

卷之一

籌兵慮餉疏

坐名題帶將備疏

密陳地方情形疏

招撫河東地方疏

糾叅貪婪營將疏

恭謝銀米疏

審度進勦機宜疏

奏疏存藁

總目

一

帑餉交明道庫疏

題留兵馬并請軍需疏

招撫河南一帶地方疏

設法擒縛元兇疏

題請會審貪官疏

亟請戰馬盛甲疏

題報擒斬元兇疏

特叅貪劣營弁疏

特叅浮冒行糧疏

捐造盔甲器械疏

白陳進兵獨當一路疏

攻克密樹關恢復徽州報捷疏

用奇破險渡江疏

卷之二

恢復畧陽縣城克捷疏

恭報偽鎮官兵歸誠疏

請敘投誠以廣招徠疏

恢復陽平關報捷疏

奏疏存彙

總目

二

條陳收川方畧疏

恭謝扁額手卷疏

備陳調遣官兵情形疏

題報得獲賊糧接濟軍需疏

題請投誠官兵俸餉疏

報明畧陽起行日期疏

題報會師入川進勦疏

密陳悖 旨并報分兵進勦疏

恭報入川進勦日期疏

白水壩浮水過江敗賊報捷疏

青川石峽溝大敗逆賊報捷疏

克取成都報捷疏

題請安插投誠官兵疏

恭謝將軍 勅印疏

續報招撫偽鎮官兵疏

續報招撫并請土司號紙印信疏

請設蜀省經制官兵疏

遣員招撫逆渠疏

奏疏存彙

總目

三

題報恢川清出賊遺糧餉疏

招撫建昌敘州馬湖文武疏

卷之三

控辭雲貴總督疏

報明破執滿漢官兵疏

題補松潘建昌兩鎮疏

題請川蜀司道疏

恭謝 欽賜弓馬疏

預籌進滇機宜疏

招撫建昌五衛地方疏

招撫永寧一帶地方疏

題報官兵守禦永寧情形疏

會議進勦機宜疏

建昌官兵堅守城池疏

查獲賊遺馬騾補給分賞疏

官兵應援永寧飛報大捷疏

獎薦偽員以勵後効疏

接任雲貴總督謝 恩疏

奏疏存彙

總目

四

密陳統馭官兵情節疏

永寧復敗逆賊大破勁敵疏

遵 諭再遣官兵堵勦疏

卷之四

葉繼投誠偽勅印劄疏

再題川省文職疏

亟言秦糧當運敘府疏

請給征兵家口坐糧疏

恭謝 聖恩寵眷疏

恭謝 欽賜弓矢詩文圖說疏

恭謝 欽頒四書解義疏

題報偽將軍通款並請速備軍需疏

偽將軍歸誠差人齎繳印劄疏

遣發鎮將聲援建昌疏

投誠文官降等授銜疏

投誠鎮將出首逆書疏

請 勅嚴催各路進兵疏

題報偽將軍已抵禮州疏

奏疏存彙

總目

五

初報庸鎮退兵疏

特叅庸鎮輕棄汛守疏

題報敘府危急疏

卷之五

題報投誠川弁復首偽諭疏

建昌官兵堅志守城疏

遵奉 上諭回奏情由疏

報明收集官兵疏

請寬營弁以收後効疏

題請實授要鎮疏

成都起行進勦日期疏

報明統兵前赴嘉眉先滅重賊疏

報明三路進兵夾勦逆賊疏

奉遣官兵疑畏不前擒拏正法疏

題報建昌官兵自行撤出疏

協勦官兵屢敗逆賊克捷疏

報明官兵無糧撤出銅河疏

攻克關山象嶺捷報疏

奏疏存彙

總目

六

報明官兵渡江前進疏

督率渡河官兵先行進勦疏

再復建昌捷報疏

懇請另簡督臣疏

題報身到建昌遣發官兵疏

親身督兵先進大衆候糧疏

報明入滇日期疏

卷之六

備陳官兵偏苦情形疏

報明量帶官兵赴省疏

報明已抵雲南省會疏

備陳三事蚤期蕩平疏

恭謝 欽賜書經解義疏

恭報得獲滇省外護情形疏

恭報克復雲南省城疏

南服已靖再請休致疏

題報發回秦省官兵疏

報明前赴曲靖疏

奏疏存彙

總目

七

題報起程進京日期疏

請明先後進京日期疏

指叅不救永寧疏

請敘入川官兵功績疏

請敘平滇官兵功績疏

竭効愚忠疏

恭謝世 恩疏

欽召赴京恭陳下州疏

奏疏存彙卷之一

目次

籌兵慮餉疏

坐名題帶將備疏

密陳地方情形疏

招撫河東地方疏

糾叅貪婪營將疏

恭謝銀米疏

審度進勦機宜疏

奏疏存彙

卷之一 目次

帑餉交明道庫疏

題留兵馬弁請軍需疏

招撫河南一帶地方疏

設法擒縛元兇疏

題請會審貪官疏

亟請戰馬盛甲疏

題報擒斬元兇疏

特叅貪劣營弁疏

特叅浮冒行糧疏

捐造盛甲器械疏

自陳進兵獨當一路疏

攻克密樹關恢復徽州報捷疏

用奇破險渡江疏

奏疏存彙

卷之一 目次

二

奏疏存彙卷之一

籌兵慮餉疏

密奏為直陳愚忠以期萬全以重封疆事臣思寧

夏官兵兩番失利人心渙散可慮兵膽摧挫難收若不善加安撫其心志從容訓練其膽氣終難為用臣自聞

新命以來圖報之志固堅而訓練若輩恐驟難收心得力於是拳拳不安於寢食者切以封疆為重也伏乞

奏疏存彙

卷之一

皇上鑒臣愚忠容臣身到地方相機撫循然撫心練

膽之要首在月餉及時查寧夏兵餉領自西安復由鞏昌今平涼逆賊負固漢南川賊出沒餉道不無阻梗臣懇發

內帑十萬兩隨臣前去到彼交付寧夏道收庫如

寧夏經制官兵俸餉屢欠准印按月補給如無歷欠該道報明督撫收貯以備軍餉作正開銷俟放完之日仍於西安鞏昌照舊撥領至臣行任勦撫全憑兵將應手臣請於大同鎮屬營路

挑選馬兵二百名就令叅將王明池統領天津鎮屬四協各營挑選馬兵二百名就令守備高雲統領押護

內帑隨後起行臣先帶官丁一百名懇給驛馬一百匹以便兼程前往俟抵任後再將兩鎮官兵應留不應留之處另疏題

請其兩鎮官兵隨臣遠行准放本兵餉銀三箇月沿途賞給糧單家口懇准坐糧使無內顧各兵既肯踴躍前去而臣亦免顧後之計庶得一意料

奏疏存彙

卷之一

理地方以上情節臣不得不冒昧仰懇總為封疆起見伏乞

皇上睿鑒勅議仍祈不拘常例

允賜施行康熙十五年二月初四日奉

旨戶兵二部速議具奏

坐名題帶將備疏

密奏為破敵衝鋒必需勇將臂指得力全在親旅
臣懇准帶親信將弁以期滅賊蚤奏蕩平事臣
思逆賊王輔臣素有梟名今計窮負固知不能
生必下死力

皇上不以臣為不才

簡用提督雖軍機緩急有大將軍等調度然寧夏切

近平慶且官兵兩經事故臣敢不竭盡心力籌

思萬全仰紓我

奏疏存藁

卷之一

三

皇上西顧耶臣查大同鎮標叅將管遊擊事王明池

久經戰陣諳練戎行直隸提標叅將管遊擊事

裁缺候補趙彝鼎年富力強堪資親信霸州營

中軍守備高雲才識明敏善知火攻實抵營守

備呂自魁膽勇素著足備禦侮天津鎮屬經制

千總師帝賓把總王朝幹楊大孝張汝青大同

鎮標經制把總王隆暨部劄功加都司謝應魁

千總馬武李世勳密自強隨征官楊魁春李坤

韓正魁等或經臣熟試可寄心膂或隨臣多年

會著戰功皆堪克膺指之用臣請帶赴軍前報
効遇有相當員缺具

題補用今各官既合現缺前往與尋常隨征不同

伏乞

皇上不拘常格不靳優賞各准實陞一級照銜給俸

在諸弁頂戴

天恩自是奮力爭前殺賊臣亦藉以鼓舞得收蕩平

之効矣至趙彝鼎係臣族姪例應迴避但值多

事之時臣身孤子左右必須親信查前經畧臣

奏疏存藁

卷之一

四

洪承疇曾將前標總兵南一魁之胞弟南一才

題補南一魁標將行間用人惟期才力堪以衝

鋒似不當以常例論也合併敘明仰祈

睿鑒勅部議覆施行康熙十五年二月初四日奉

旨兵部速議具奏

密陳地方情形疏

題爲密奏滿漢官兵并報地方情形仰祈

睿鑒事竊思臣本庸質散材原無寸長可紀蒙我

皇上非常寵遇委以嚴疆重任一切地方軍務以及

邊外蒙古聽臣相機而行臣敢不竭盡心力期

出萬全以少答

聖明之隆遇耶微臣前此

陛見慮及寧夏人心渙散官兵疑懼驟難爲用孰期

逆賊猖獗竟敢長驅直犯寧夏而河東一帶屯

奏疏存彙

卷之一

五

堡蹂躪不堪地方震動人心洵洵臣於三月十

一日抵定邊副將柯彩同士民留臣候兵不可

輕進十二日到花馬池接副將賴塔稟報內稱

有賊兵二千僞總兵二員從甜水河前來劫臣

劫餉等語惟是寧夏旣知有賊前來竟不發兵

臣若疑畏不前示之以怯勢必誤事今臣已疾

趨抵任矣人心粗定地方稍安是皆仰仗我

皇上天威但逆賊雖遁尚未解散兵民雖定尚有疑

懼臣思逆賊一日不滅臣心一日不安細繹

天語有臣不便離寧夏選責勇幹副將一員帶兵一

二千名同滿洲兵丁令副都統摺塔統領進剿

固原之

旨值此逆賊奔遁使之尾追固亦用兵之機但滿洲

蒙古馬匹瘦弱之甚隨據員外郎拉都虎口稱

蒙古馬匹不獨瘦損其十分中無馬者竟有八

九副都統摺塔口稱滿洲兵丁十分中無馬者

亦有一二臣查自提督臣陳福進兵以來民間

轉運糧草於花馬池定邊等處甚是苦累而固

奏疏存彙

卷之一

六

原兵潰不獨車牛糧草棄失無存民夫亦多被

害及至惠安之變人心渙散催徵不前以致滿

洲蒙古馬匹瘦斃良有由也今寧夏道臣黃宣

泰告病守制新道未至兵糧爲重臣豈敢以非

其職任膜外視之隨曉諭士民嚴責衛官急急

催車官兵糧米已按日供給料豆亦在催辦惟

是所需草束地方業已用盡除招買三十萬之

外再難搜刮查據滿洲蒙古各章京口稱日用

草一萬五千束計之則此三十萬招買之草止

足二十日之用臣再四思維滿洲蒙古兵若必須入城休息馬瘦必須上槽喂養今不獨草束無出而疑懼之兵民甫定又恐生變且滿洲蒙古馬匹臣未到之先業已放青矣趁此青草漸茂馬匹於沿河東西兩岸就場牧放而臣亦在急急鼓勵將士操練兵馬至下馬關係寧固交壤要地自惠安變後亦被賊脅從并同心城等處臣俱差人發示招撫觀其向背再為相機行止此寧夏滿漢官兵并地方情形臣謹據實入

奏疏存藁

卷之一

七

告伏乞

皇上睿鑒勅諭微臣遵奉施行康熙十五年四月十

一日奉

旨覽卿奏已抵寧夏到任并鼓勵將士料理地方情形知道了該部知道

招撫河東地方疏

題為密奏報明逆賊蹂躪地方潛遁情形并安撫過屯堡仰祈

睿鑒事臣查自提督臣陳福遭變之後逆賊直犯寧夏而河東上八堡下八堡以及韋州惠安等堡俱被賊脅從止有靈州一城固守賊勢猖獗民命不堪臣於三月十二日到花馬池入境十五日抵鎮任事據署花馬池副將事叅將高忠報稱於本月十五日午時有韋州把總張大合帶

奏疏存藁

卷之一

八

領家人一名騎馬三匹從賊營盤逃回口報賊於本月十二日先發步賊十三日馬賊俱已起營往南去訖又據靈州叅將楊三虎報稱本月十五日據本營原差管隊倪友回報探得十三日賊自靈州起營至漢伯忠營金子山下營十四日從金子山起營往南張恩鳴沙等堡去訖又據玉泉營遊擊柳生甲報稱據防河鎮標前營守備周鼎玉泉營千總閻成龍報稱捉拿浮水人口稱逆賊李黃鷹十八日統領馬步賊起

身往南去訖又據叅將楊三虎報稱本月二十日據兵丁郭萬忠回報探至威武堡地方賊於十八日自威武堡由四口子香山去訖各等情到臣臣一面批行再加偵探一面備查地方情形隨據吳忠堡民馮卜俊馬從儒赴臣處討示安民臣念驚魂未定之民急須安撫准發告示安撫去後而鳴沙張恩宣和常樂新舊寧安永康威武吳忠棗園新接金積秦壩忠營漢伯鹽池紅寺隰寧惠安鞏州二十餘堡堡民田產鳳

奏疏存藁

卷之一

九

等相繼投首討示安撫又田產鳳何友才楊茂春等前後共繳到偽劄四十八張臣俱一一仰體

皇仁給示安撫訖除偽劄咨送督臣看明酌量焚燬各堡人民令其各安農業外惟是地方蹂躪民生不堪耕牛俱失秋成無望應俟督撫查明具題臣謹將逆賊侵犯并遁去月日以及安撫過地方人民據實入

告至河東堡小民稀又處星散孤子小民原非強賊

之敵一時被脅情可矜原臣叩懇

聖明俯賜

鑒宥大開

寬赦使驚魂甫定之民頌我

皇上如天之仁將頂戴於生生世世矣康熙十五年

四月十一日奉

旨覽卿奏逆賊潛遁并安撫過地方情形知道了餘着議奏該部知道

奏疏存藁

卷之一

十

糾叅貪婪營將疏

題為貪官違禁扣餉已干

功令律載不賈當此地方有事仍敢恣肆剝兵猶為法所難容臣謹據實糾叅仰祈

聖明亟賜

乾斷立加處分以安兵心以奠封疆事臣查提督臣

陳福遭變遇害原因營將滕蔽任用匪人以致

兵餉不清兵心生變且中軍一官為六營八路

首領如遊擊李目提臣在日不能善為輔佐道

奏疏存彙

卷之一

十一

之以正提臣竣後不念封疆為重撫安地方輒

敢大肆作姦竟將遊擊陳氏實領到餉銀五萬

兩毛盛生領到餉銀六萬二千兩不送道入庫

照例領放亦不由營鎮主持乃私派每兩扣銀

一錢查放過餉銀八萬三千餘兩計扣過餉銀

八千餘兩及其事發乃李目猶言尚有未扣管

帳五千三百餘兩公然造冊用印呈臣及閱冊

開內多各衙門禮節暨諸私取私用等項竊思

督撫提鎮交際應出已資原無尅扣兵餉之理

况當多事之時各衙門未必尚踵陋習再後營

遊擊毛盛生赴省領餉敢開各衙門使費并盤

纏銀二千一百餘兩又擅將領出餉銀私動三

千兩買布在省每疋價銀二錢二分至寧散兵

每疋作銀四錢字識施尚志開報與臣訪聞無

異至各營除總扣八千三百餘兩之外又有私

扣馬兵一名每月扣銀一錢二分步兵一名每

月扣銀八分中後兩營字識顧進義袁朝弼開

報與臣訪無異臣思是時賊寇臨門兵心洶洶

奏疏存彙

卷之一

十二

二弁不念

朝廷封疆為重

功令國法可畏尚敢恣意扣餉剝削窮兵其心可誅

其罪亦斷難貸矣相應請

旨革職拿問究擬懲一警百為天下貪弁之戒臣再

有請者副將賴塔叅遊彭案等均有失查扣餉

之咎理應指叅但念地方多事正在用兵弁守

備千把卑員叩懇

聖明俯賜

寬有至闔鎮武弁既均在扣餉之列李目毛盛生自不便循例批審及逐一開欸牽累多人合併敘明伏乞

皇上睿鑒勅議施行康熙十五年四月二十五日奉旨這所叅遊擊李目毛盛生等侵扣餉銀等項情弊大干法紀俱着革了職該提督嚴提究擬具奏餘着議奏該部知道

奏疏存彙

卷之一

十三

恭謝銀米疏

奏爲恭謝

天恩事竊臣欽奉

簡命兼程履任因家眷不便攜帶奏

請移住在京仰邀

皇恩撥給房屋隆施望外已倍尋常今於本年五月

初一日接臣子廕生趙弘燦等家書內云蒙

皇上仁慈在京家口每年准給米三百一十五石銀

三百兩應支銀米照官員例兩季給發等情臣

奏疏存彙

卷之一

十四

披覽之下感極涕零雖

皇上不靳

殊恩寵賚稠疊然以微臣當之中懷慚愧寢食難安

惟有盡瘁疆場勉圖報稱於萬一已耳謹具奏

聞康熙十五年六月初四日奉

旨覽卿奏謝知道了該部知道

審度進勦機宜疏

密題為進勦之機宜不可失官兵之得用與否尤須審謹報明目前情形仰慰

聖懷并請

睿裁事竊臣奉

命兼程星抵寧夏逆賊潛遁情形并撫安過大小城堡繳報過偽劄業經具

題知蒙

皇上睿覽臣又於四月內陸續撫安過香山等堡暨

奏疏存彙

卷之一

五

堡民文士龍秦緒周馬邦選等繳到偽劄十九

張又從賊營搜出原任鎮標右營千總那爾賓

繳到原領部劄一張前領委牌一張賊營搜出

偽都司房顯志繳到偽劄二張偽票諭帖二紙

白刻木關防一箇容臣另疏彙

題查同心城下馬關尚係賊踞臣思固原一帶地

方多係獮民而叛將單繼唐原是銅籍臣惟廣

皇仁先示招撫今繼唐雖以朱龍授順見殺為辭未

回臣字然不敢據守同心城退回固鎮紅古地

方似有悔罪畏怯之心隨有同心城民周大朝

遣子周泰求撫臣已經發示安撫外其下馬關

李訓雖不敢明顯差人亦暗行具字與靈州叅

將楊三虎訴其被脅情由該叅將將原字稟報

到臣臣隨於原稟中批賊勢猖獗下馬關孤城

自不能支理勢必然查李訓方正馬翰如宋計

斗等擒獻陳江功績不小

朝廷嘉其忠義俱照銜授職部覆通行在案歷歷可

考今委牌雖失情出勢迫然始終不開城門保

奏疏存彙

卷之一

六

全百姓尤為有識有見仰該將即與回字令其

安心固守城池仍將逆賊向往情形不時具報

俟本提督提兵會勦之日再為接見等語去後

而李訓方正等復即具稟備陳受

朝廷養之恩不敢背國等語臣亦即發諭令其安

心守城將固原平涼情形密探馳報在案今於

五月十五十六等日李訓周大朝遣人具稟到

臣內大畧云探得逆賊前去通渭已大敗一陣

中傷擡回者甚多固原無多賊蔡元去救秦州

平涼賊不比昔日近來劫掠客商民心慌懼甚
怨盼望我兵等語臣思逆賊王輔臣負固日久
目前雖下死力然以孤城坐困終屬釜底遊魂
臣恨不能滅此朝食仰釋

皇上西顧而臣亦得稍展愚忠無奈寧夏人情雖已
粗定然疑畏之心臣終不敢謂其盡釋而地方
之安危又寧敢置之悠悠至於營伍大壞已極
不獨無用之兵甚驕無能之將偏悍抑且盔甲
馬匹火器什物無一應手如臣自入城以來兩

奏疏存彙

卷之一

七

月於茲無一日不操點兵丁更調可用無一日
不督造器械務期實濟更無一時不申嚴將弁
告誡地方臣之心力於此竭盡無餘矣而釐剔
整頓尚須時日况敗績之弱旅未盡撫練起事
之元兇未仰殲除四境尚有餘氛兩河不無伏
莽臣若輕出萬一有變所取者小所失者大是
臣鯁鯁焉慮此而不能徑情直遂於進兵者誠
有所大不得已於今日者也夫進兵速則於根
本之重地有關進兵遲則於勦賊之機宜有礙

臣再四籌之務使計畫慎重謀出萬全臣何敢
徑情直遂徒用不得力之官兵而以封疆大事
輕爲嘗試耶今撫遠大將軍已到平涼各路兵
馬齊集將軍臣畢力克圖以蒙古兵馬計日可
到期於六月中旬即便前進臣於綠旗官兵中
酌其可隨將軍先去者至期挑選遣發另疏
題報臣暫守寧夏保護地方一面整練兵馬修繕
器具宜進不宜進臣當審時相機以定行止或
別蒙

奏疏存彙

卷之一

六

皇上睿裁臣未敢擅便謹將目前情形理合先爲奏
聞伏乞
睿鑒勅議行臣遵奉施行康熙十五年六月初四日
奉

旨議政王貝勒大臣會議具奏

帑餉交明道庫疏

題為報明事竊臣前赴寧夏慮及餉道阻梗疏請
內帑十萬兩隨臣携帶到時交付寧夏道收庫如
寧夏經制官兵俸餉歷欠即准按月補給如無
歷欠該道報明督撫收貯以備軍餉作正開銷
俱蒙

俞允奉

旨欽遵在案臣於本年三月十五日抵任受事所有
押護帑餉十萬兩於四月十一日到寧當令副
奏疏存彙

卷之一

元

將王明池都司高雲眼同寧夏道副使黎士弘
兌足十萬兩之數收貯道庫旋從庫支領出官
兵俸餉三箇月已經給散訖其支過數目應聽
寧夏道衙門報銷外今將交付過餉銀緣由理
合

報明仰祈

睿鑒施行康熙十五年六月二十一日奉
旨該部知道

題留兵馬并請軍需疏

密題為請留現在之兵馬勦賊懇討緩地之軍需
破敵仰祈

睿鑒俯允勅議事竊臣前疏題

請隨帶天津大同馬兵四百名俟抵寧夏之日將應

留不應留之處容臣另疏題

請業經部覆奉

旨欽遵在案今平涼固川賊出犯陝西正在用兵
而天津大同兩處咸屬承平無事之地合無將

奏疏存彙

卷之一

三

此隨帶現在之兵暫留軍前隨征勦賊糧餉仍
食原舊之糧餉兵馬仍為兩鎮之兵馬俟平涼
固原克復之後再議發回如此則餉不用增添
兵不煩更調可為兩便再臣前因馳驛兼程倉
卒啓行所請官兵俱存於後押餉徐進而官兵
竟未隨帶盛甲今臣在寧雖刻日督催打造每
日止成三頂副尚不足補寧夏官兵之用時日
既已急迫製造實屬艱難若將各兵現成之盛
甲請討前來以應急需更出省便至於破強敵

備戰守得力全恃火攻今寧夏全無儲備之火藥又復缺乏硫磺憶臣昔在雲鎮時備知大同陽和兩處庫貯硝磺甚多今請討一萬觔在彼庫貯多年久置無用當此克城破敵之時深屬有益倘蒙

俞允伏祈

勅部行知抑臣更有請者查二鎮各營有年遠之舊

盛甲有繼造之新盛甲當此用兵需甲合無於

全鎮盛甲中挑選新甲各二百頂副差撥經制

奏疏存彙

卷之一

三

千把一員并硫磺一同押送沿途更懇准撥車

夫庶便攸往臣從封疆起見不得不一疏再疏

激切懇請仰祈我

皇上睿鑒勅議施行康熙十五年六月十五日奉

旨該部速議具奏

招撫河南一帶地方疏

題為報明撫安過地方并投誠偽官繳到偽劄謹彙敘情由仰祈

睿鑒勅議事竊臣撫安過河東河南一帶屯堡以及堡民繳到偽劄業經

題明在案臣續於四五兩月通行出示曉諭并申

嚴告誠地方官不得指借從賊搜求已安之民

不得差人下鄉追問既往之事各宜宣布

皇仁廣示招徠而香山民人文士龍秦緒周馬邦選

奏疏存彙

卷之一

三

王滿倉等前後就撫共計招安過村庄堡寨五

十餘水頭文士龍等計繳過偽劄一十九張又

自固原奔回香山民何一秋等二十二名原係

逆賊陳彭煽惑招去者計繳到偽劄二十一張

又原任同心城守備董蕃被賊迫脅今携子三

人奔出投誠計繳到偽劄六張又同心城民周

大朝率子周泰周春并掌教鄉約周自禮楊瑞

赴鎮投誠又從單繼唐賊營內奔出兵民周欽

等五名投誠繳到偽劄二張臣俱已分賞花紅

銀牌一一撫安訖今將前由并前報過逃回右
營千總邢國賓繳到原領部劄一張前鎮委牌
一張賊營交出偽都司房顯志繳到偽劄二張
偽票諭帖二紙自刻木關防一箇相應敘明彙
題及查守備董蕃係偽叅將劄付鄉民何一秋係
偽遊擊劄付文士龍陳起策朱進誠房顯志係
偽都司劄付秦緒周鄭英任得貴高宗智梁自
熊朱自耀魏憲章係偽守備劄付孔一通杜三
貴張友倉俞海芮量何大時姬見友祁伏友景
奏疏存彙 卷之一

誠備訴被脅情由仍不時密報逆賊虛實實有
保全百姓之功應否量行加恩以示激勸至守
備董蕃印劄雖失然未隨賊去今奔回投誠并
千總邢國賓未失部劄均應作何議覆統聽部
奪除偽劄五十張偽票諭帖二紙木關防一箇
咨送總督查照銷毀邢國賓原領部劄一張呈
繳兵部外理合具
題伏乞
睿鑒勅部議覆施行康熙十五年七月初七日奉
奏疏存彙 卷之一

應舉梁奉義周欽馬世禹張玘係偽千總劄付
張洪朱印陳國敏高應魁周君相李文學陳弘
友黃奉胡進榮朱自雄係偽把總劄付劉鸞葉
貴張信道劉生榮周浩金榜魁池中奎李尚智
陳良貴張含玉王萬雄馬邦選係偽百總劄付
臣思兵民被賊脅從隻身投誠繳劄原無議敘
之例惟是平涼回原逆賊尚爾負回應否並授
微銜隨標効用以廣招徠再同心城民周大朝
當賊踞城之時能暗行遣子生員周泰前來投

設法擒縛元兇疏

密題為請

旨事竊照寧夏自惠安之變官兵驕縱地方疑畏逆賊乘機直犯以至河東河南各堡俱被脅從花馬池興武營及橫城一帶為賊梗塞一時人心洶洶咸謂不可收拾臣以君恩深重何暇計及此身故不避危險輕騎入城除撫安過地方暨羣賊遠遁情形臣屢疏題報在案總皆仰賴我

奏疏存彙

卷之一

壹

皇上威靈

國家洪福所致惟是提督陳福乃係

朝廷封疆大臣雖因激變兵心為眾所害誅之不可

勝誅然起事必有首倡不誅何以申其

國法又慮事出闔鎮官兵舉動大有關礙速圖則

恐輕率易致債事緩圖則恐遲久懷疑生變况

寧固接壤賊近門庭保無姦宄暗相串通者乎

臣念封疆為重期於萬全不得不先用撫安之

策以慰其心繼用抽練之法以分其勢想頒

勅筆帖式金圖回京復

命自仰邀我

皇上洞鑒矣臣查起事首倡者則平羅營外委把總彭昌年糧名劉得也打倒提督割取其首者則平羅營兵閻國賢陳進忠也知情不行舉首明係主使者則平羅營叅將熊虎也臣接臣子家信雖奉有遲拏蚤拏聽臣酌行之

密旨然無令臣就近擒斬元兇赦其餘黨之

天語臣思事機貴密且不宜遲原擬設法將元兇誘

奏疏存彙

卷之一

貳

至鎮城會同將軍臣畢力克圖一面擒斬四賊

一面出示安眾然後再請

寬赦而熊虎於六月初四日進城正在安頓舉行間

乃於初七日准撫遠大將軍移文內云王輔臣

請降納款已經具題請

旨本月二十日又准大將軍移稱王輔臣已降固原

地方俱撫大將軍正在撫安人心於是微臣又

不得不將前後情節據實奏明請

旨定奪至提督陳福原係激變兵心為眾所害若論

知情則五營八路隨去官兵孰免其咎若論起
事則十三營皆變是夜火把如晝直到天亮動
手豈止四人臣叩懇

聖明允臣所請惟將元兇四人就近處斬傳首

京師以儆天下其餘官兵槩請

寬赦以廣我

皇上好生之仁倘蒙

俞允懇請近臣一員并頒

赦旨星馳赴寧會同微臣一面擒斬四賊一面宣明

奏疏存藁

卷之一

三

赦旨以安衆心地方幸甚封疆幸甚再叅將熊虎寶

爲罪魁疑懼特甚此番入城大費周折再難輕

放遂引以他事於六月十二日摘其印信派撥

官兵看守於公所訖合併敘明伏乞

皇上亟賜

睿裁行臣遵奉施行康熙十五年七月初九日奉

旨議政王貝勒大臣會議具奏

題請會審貪官疏

題爲貪官違禁扣餉已干

功令律載不贖當此地方有事仍敢恣肆剝兵尤爲

法所難容臣謹據實糾叅仰祈

聖明亟賜

乾斷立加處分以安兵心以奠封疆事康熙十五年

六月二十九日蒙兵部劄付內開職方清吏司

案呈奉本部送兵科抄出該本部覆寧夏提督

趙良棟題前事等因康熙十五年四月初六日

奏疏存藁

卷之一

天

題本月二十五日奉

旨這所叅遊擊李目毛盛生等侵扣餉銀等項情弊

大千法紀俱着革了職該提督嚴提究擬具奏餘

着議奏該部知道欽此將遊擊李目毛盛生等侵

扣餉銀情弊應行該提督嚴提究擬其員缺應

聽靖逆將軍侯張勇提督趙良棟遴選題補再

失察扣餉賴塔等弁守備千把等官均應議處

但該提督既稱地方多事正在用兵俯賜寬宥

等語均免議處奉

旨依議欽此臣思糾劾貪弁爲

國家除害乃臣子應行之事從公究擬爲

朝廷執法尤職分所不當辭臣伏讀

俞旨仰測

聖明蓋以寧夏地方甫定陝西寇氛未靖既不循例

批發督撫令臣就近究擬總皆

皇仁之恤下可謂無微不至臣亦謂此案株連人衆

若去鞏昌西安往返數千里不獨道路遙遠提

審不便而貪官自是支吾破調承讞自是按事

奏疏存藁

卷之一

完

提人今日調官明日調兵勢必經年不了臣以

糾叅扣餉之貪官原爲整練營伍鼓勵士卒若

牽混多人挨延時日是整練營伍而營伍反不

清鼓勵士卒而士卒反受累今蒙我

皇上勅令微臣嚴提究擬臣恨不能蚤結此案速申

國法以儆貪殘以安兵心又何敢辭但臣自叅自

審不無嫌疑是臣又不得不據實

奏明仰候

聖裁伏乞

皇上俯鑒微臣下情或

勅差部員赴寧鞫審或令微臣會同寧夏道官究擬

務使此案蚤結臣未敢擅便謹題請

旨康熙十五年七月二十三日奉

旨該部議奏

奏疏存藁

卷之一

辛

亟請戰馬盛甲疏

密題為亟請戰馬盛甲整飭營伍以重巖疆以備
征防事竊照強兵必資馬力制勝全憑盛甲二
者三軍之急需缺一不可臣查寧夏一鎮制設
五營八路自經畧臣莫洛用兵以來計抽調過
官兵十四次繼提督臣陳福進兵於花馬池定
邊以及固原惠安兩番失利而闔鎮官兵馬匹
盛甲竟有不可言不可問者矣容臣徐為查明
逐一另疏奏

奏疏存藁

卷之一

三

請如現在存營官自馬匹經臣點閱不獨中多碎小
不堪抑且齒過病廢甚至兒馬騾馬克數無事
徒糜餉乾草料有事全不得用因查陝西既中
茶馬寧夏亦應領中何不請領茶馬以實營伍
而反將無用之私畜虛糜
朝廷有用之金錢耶臣請將寧夏缺額馬一千九百
五十二匹中先准撥給茶馬一千匹將五百匹
補額將五百匹汰更不堪兒騾自馬至闔鎮盛
甲自鎮臣桑格於康熙八年內打造過鐵甲一

千七百二十五副以及多年舊盛甲內有經畧
抽調者提督遺失者今現在存營盛甲不獨多
係有甲無盛甲袖甲裙不全抑且俱皆破爛不
堪披戴臣思盛甲尤為喫緊勢難緩待請准造
鐵甲一千副先為分發各營路以備征防伏乞
皇上俯念寧夏巖疆為三邊要害且地方初定營伍
廢弛已極

允臣所請

勅下撫臣將茶馬准於莊浪西寧二處就近領中仍
奏疏存藁

卷之一

三

懇比照甘肅提鎮領中事例選中上號戰馬或
將已中之馬撥給或俟臣差官到彼選中務期
身大齒嫩堪以騎征其打造盛甲錢糧准動官
兵扣存朋合銀兩在於寧夏道庫就便支領務
期應時製造臣從整練營伍巖疆至計起見仰
祈
睿裁勅部議覆施行康熙十五年八月十三日奉
旨該部議奏

題報擒斬元兇疏

題為飛報遵

旨擒斬元兇赦其餘黨地方安堵人心帖服仰慰

聖懷事竊惟提督陳福惠安之變為眾所害備載前

疏不敢復贅今於康熙十五年七月二十四日

臣差官密自功先到備傳奉

旨遣官前來臣接部文隨傳集五營及効用領兵各

官於後堂宣明

皇上好生之德凡屬脅從無論知情不知情一槩

奏疏存藁

卷之一

三

寬赦不究爾在事各官當思

朝廷兩番赦宥之恩可將元兇從實指報以分首從

而各官亦指平羅營首先倡亂臣遂將元兇前

後設法擒拿熊虎亦復加鎖二十七日筆帖式

色爾圖齎捧

勅諭到寧臣率闔鎮文武官員於郊外跪迎入城至

公所開讀

聖旨曉諭官兵畢臣仰同筆帖式色爾圖寧夏道黎

士弘并文武各官將梟弁熊虎兇兵劉得闔國

賢陳進忠斬首訖隨出示通行曉諭仍賡黃頒

發各路大小城堡兵民通知外今將擒斬過元

兇日期理合飛報仰慰

聖懷至地方幸獲安堵元兇不致漏網雖臣百計籌

畫實皆仰賴我

皇上天威遠播所致而其間効忠人員隨臣同心盡

力共襄成事者臣何敢泯相應一併

題明應否議敘以鼓後効伏乞

皇上睿鑒勅議施行康熙十五年八月十四日奉

奏疏存藁

卷之一

三

旨覽卿奏察拏首惡正法安靖地方具見籌畫周詳

知道了餘着議奏該部知道

特叅貪劣營弁疏

題爲特叅貪劣營弁以儆官邪以重封疆事臣查
寧夏一鎮自固原惠安失利變故後官兵驕縱
人心渙散營伍廢弛大費整頓使營官人人洗
心滌慮盡改前非急急補救尚恐不逮豈堪仍
然泄泄從事如左營遊擊彭案原係靈州營中
軍守備乃前提臣拔於卑員中可謂有恩之知
遇矣而惠安之變不聞有忠言死力以報反隨
衆爲亂及至回鎮猶敢通同大肆扣餉此固仰
奏疏存藁

卷之一

美

邀我

皇上弘仁允臣所請三頒

寬赦豈劣弁全不以

君恩國法爲重猶然不改且本官旣無衝鋒禦侮之
才却有欺公藐法之膽事事作姦營伍仍不整
頓以致民誚兵怨穢蹟貼於街市應照不謹例
革職興武營遊擊李登相無才無膽難勝邊將
之任且存心不正性復貪污竟將該營兵丁十
五年六月分月糧米石暗行私折大膽侵吞又

邊汛不嚴縱令蒙古偷掠民駝旣經追獲却暗
令兵丁挑選好者寄藏於近邊蒙古之家把總
陳應武字識徐成儒管隊喬什七通事薛科兵
丁楊玉周德可審證此一官者當照貪例革職
提問後營守備龍繡縱兵窩隱姦細旣知馬如
松係毛盛生家人事未發不能覺察事已發匿
而不言且敢虛兵冒餉亦應革職提問花馬池
營中軍守備杜呈澤自知無才屢以病辭營伍
廢弛興武營中軍守備鍾秉宸平羅營中軍守

奏疏存藁

卷之一

美

備黃榜弓馬不嫻戰陣罔識三員衛所催徵之
儔原非衝邊營備之才應作何議處統聽部奪
至千把總雖係微弁然皆有領兵之責若中有
弓馬不堪才力不及容臣逐一呈送兵部照例
斥逐相應一併

乞
題明臣因整練營伍收拾人心鞏固封疆起見伏

皇上睿鑒勅議施行康熙十五年九月二十七日奉
旨這所叅彭案等着分別議處具奏兵部知道

特叅浮冒行糧疏

題爲焚弁通同浮冒行糧料草臣謹遵

旨據實糾叅仰祈

睿鑒亟賜處分以申國法事臣伏讀

上諭諭吏戶兵三部邇年以來各處大兵征勦軍需浩繁一切供應皆出民力凡領兵將軍將弁及地方督撫文武大小各官俱當以國計民生爲念潔已奉公加意樽節表率屬員恪遵法紀以副朕戡亂救民之意乃有不思勦寇安民平定地方專營

奏疏存藁

卷之一

七

私射利糜費錢糧軍前所用米豆草束等項自將軍以下有以自行販買囑託地方官多取價值地方官徇其情面浮冒開銷者亦有地方官販買支放多行開銷者有已備本色不行收納折價入已者有民間運到米豆草束地方官故意遲延措勦及至軍前又將解官多方刁難恣意需索方肯收納者至於購買馬匹不開實價以少爲多濫行銷算種種情弊難以枚舉皆由大小各員互相徇庇惟知貪利圖便已私大不合理應嚴加禁飭處分

以清積弊以後此等事情發覺者照貪官例治罪

有能舉首者從優議敘着議政王貝勒大臣會同

逐一詳確定議具奏特諭欽此該諸王會議營私

射利浮冒開銷錢糧等項情弊販買米豆草束

囑託地方官收買等項情弊督撫提鎮如有射

利徇私者均照貪官例處分戶部劄行臣衙門

刊刻告示通行曉諭在案臣查署中營叅將事

隨征副將王明池呈送驗冊三本據右營守備

黃夢龍經造康熙十四年官兵出征支過行糧

奏疏存藁

卷之一

美

料草報銷數目一本內開自十四年三月二十三日起到本年十月二十五日止官五十四員兵六千三百四十一名馬三千四百六十五匹共支過行糧米豆草束五十五萬一千四百有零冊尾登答以上糧料草束奉文免行扣還一本自十二月十三日起至本月二十二日止官五十四員兵六千三百四十一名共支過行糧米豆草束一萬七千有零冊尾登答十四年分糧米各兵支訖應於十五年估計糧米內扣除

草豆已在十四年料草內照數扣抵訖一本開
係設防官兵支過糧料草束又在六千三百四
十一名之外冊頭不列總數冊尾不開登答臣
以報銷之數與各兵實支之數不對訪得婪弁
通同朦蔽虛冒多端遂發叅將趙彝鼎遊擊柳
生甲都司高雲呂自魁周鳳翔審明據營路字
識王建鼎等供出浮冒各欸而黃夢龍始稱原
有前提臣用過米豆一千七百三十五石九斗
四升草三萬五千一百八十五束無處開銷有

奏疏存彙

卷之一

堯

中營王副將說寧夏道教灑派在各兵名下故
與原支數目不符及問王明池亦以寧夏道爲
辭又稱原不曾呈請本提督自己錯了等語竊
思倉糧升合爲重設使前提臣果有用過行糧
料草營官據實開明題

請備念勞臣盡瘁疆場准其開銷

皇仁浩蕩恩施自出

聖裁臣下豈可擅私臣細閱審詳各役供招內開提
督臣陳福於軍前行糧內原用過料豆八百四

十九石九斗四升草二萬五千八百八十五束
婪弁將中左右三營不曾出兵時在鎮城各倉
私借自用過豆八百八十六石草九千三百束
彭案劉伯玉沈鶴混入行糧內開銷又將十月
二十六日起至十二月十二日止四十五日原
係餉銀已到之後月日所有支過行糧料草應
行扣除還官婪弁串通倉場抽換原領俱那造
入餉銀未到之前報銷數內計虛冒米豆九千
五百九十二石五斗三升草一十三萬九千九

奏疏存彙

卷之一

卑

百六十七束又三月內去花馬池定邊官兵不
滿三千七月內去下馬關固原官兵不滿四千
竟一槩混造六千三百名字識雖報加兵九百
七十名加馬四百七十三匹尚屬支飾又黃夢
龍串通已親生員高乾昇私折私兌雖報折米
四百石草二千束未必止於此數又黃夢龍彭
案劉伯玉沈鶴周鼎等通同將各兵十四年正
二三八九十一十二各月馬匹草豆乾銀暗
行抵兌扣除不放又抽換原領改造冊籍種種

弊竇頭緒多端今該將等呈請必俟刑訊方得確實等情到臣該臣看得人臣事君以忠分宜廉潔况當

國家多事之秋軍需浩繁之際

煌煌天語尤宜省惕乃貪官婪弁全無警戒猶然大

膽可謂不法極矣黃夢龍應照貪官例革職弁

主筆之高乾昇亦應革去生員提問劉伯玉沈

鶴周鼎應行解任同已叅之彭家龍繡均當聽

審至王明池通同作奸情罪尤甚臣不敢以臣

奏疏存彙

卷之一

聖

請討隨征之員姑寬曲庇合併指叅應作何處

分統聽部奪緣係貪官婪弁朋比虛冒行糧草

豆事關重大臣謹據實糾叅伏乞

皇上亟賜處分勅議施行康熙十五年十月十四日

奉

旨這所叅黃夢龍等通同浮冒行糧料草大干法紀

着嚴察分別議處具奏該部知道

捐造盛甲器械疏

題爲微臣督率將弁捐造軍器以資征防急用仰

祈

睿鑒勅議事竊臣前奉

特旨撫安寧夏爾時人心渙散營伍廢弛經臣兩疏

題明奉

旨在家臣思收拾人心急救廢弛首在清餉練兵整

頓利器而馬匹盛甲尤屬急需如缺額馬匹仰

邀

奏疏存彙

卷之一

聖

俞允准給茶馬現在陸續牽領盛甲全不堪披戴先

請准造一千副缺數尚多至各兵兩經變故後

軍器什物不獨不全抑且多不堪用臣遂督率

將弁捐造過緞蟒甲一百副梭蟒甲二百副破

陣長杷刀四百把鑱鎗鈎鎗長鎗挑刀四百桿

弓二百張戰箭一萬枝烏鎗線鎗四百桿行營

砲十位過山鳥機十桿綿簾四十床馱騾二十

頭通共用過銀五千五百三十兩內叅將趙彝

鼎捐銀五百兩遊擊高雲呂自魁李尚翠胡攀

桂各捐銀四百兩都司周鳳翔捐銀三百兩守備師帝賓龔玉柱李鎮鼎顧隆王洪仁各捐銀二百兩臣捐銀二千一百三十兩除備造清冊呈送兵部外相應

題明請

勅部議至臣前抵鎮時人心各懷疑懼雖臣宣布

皇仁概邀

赦免然元兇未擒是非未定終有疑二是臣不得不設法鼓舞安其心選拔更調分其勢又不得不

奏疏存藁

卷之一

聖

藉以選拔加以賞賚以示親信查賞過鞍馬什物綉緞袍帽銀牌等項共計費過銀一千七百餘兩又起發奉調湖廣官兵賞過鞍馬什物銀兩共計六百餘兩以上皆臣捐資鼓勵兵將計安反側仰報

國恩於萬一者不敢開冊惟謹敘明伏乞

皇上睿鑒施行康熙十八年二月十一日奉

旨據奏督率各官捐資製造盛甲器械等項并賞過

銀兩具見急公可嘉著議敘具奏該部知道

自陳進兵獨當一路疏

密奏爲微臣年歲漸老報効日短願竭愚忠仰答君恩事竊臣邊鄙武夫韜鈴罔諳仰荷

國恩歷官總兵自分庸愚每懷覆餗我

皇上不擯菲材復

簡任提督在京家口又蒙

恩給養養臣之感激

高深捐糜愈切今湖南既定漢興應復在

皇上救民水火蚤有深籌大將軍已抵寶鷄現在調

奏疏存藁

卷之一

聖

度臣則惟有靜聽不當冒陳但臣行年五十九歲素多疾病自知報効日短若不乘時努力更待何時臣請於本標所屬挑選馬步官兵五千員各統領軍前隨師進勦倘蒙

俞允臣願當一路竭効愚忠仰答

君恩再查寧夏官兵自固原惠安兩經變故後不獨

膽氣不振抑且驕縱成風動舉乖張驟難爲用

而臣三年訓練首先清餉繼嚴紀律似覺漸次

知法咸有思奮之心合并

奏明伏乞

皇上睿鑒施行康熙十八年五月初八日奉
旨議政王貝勒大臣會議具奏

奏疏存彙

卷之一

皇

攻克密樹關恢復徽州報捷疏

題爲報明官兵奮勇大破賊險恢復州城仰懇

聖懷事竊臣另進一路仰荷

俞允欽遵在案繼准撫遠大將軍公臣圖海咨分派

臣取徽州進八堵山一路亦經大將軍總疏

題明又准大將軍咨開內云貴提督前取徽州當

與平逆將軍畢涼提孫協力共取得城之後約

定日期一同起身平逆將軍等往畧陽一路貴

提督往八堵山一路各自前進等因又准平逆

奏疏存彙

卷之一

吳

將軍臣畢力克圖咨云貴提督進取徽州成縣

之時着滿洲大兵分派一股協取等因臣至秦

州二十里舖副都統臣俄克濟哈護軍統領臣

傑印副都統臣覺和托提督臣孫思克會臣面

議進取臣以秦州入山進取徽州成縣其路東

則密樹關現有偽左鎮總兵把守西則黃渚關

現有偽中鎮總兵把守又偽杜將軍屯扎大小

焦山往來接應若我兵分兩路前進則賊自不

能首尾相顧副都統俄克濟哈等議隨大兵俱

至小川子再爲分取成縣查臣一路官兵無多勢難再分兩路故從密樹關一路單取徽州以正兵攻其險要設遊兵於黃渚關以牽賊勢臣於初九日抵密樹關逆賊恃其山險打臣招撫之牌竟敢出關迎敵我兵奮勇攻擊逆賊力不能支敗遁柞內猶然架使鎗砲臣督兵親至柞口見壕塹柞木層疊難以用力卽挑選精健兵丁身背烏銃從兩山林木中攀援而上抄出險隘之後逆賊始不能敵我兵破開關柞填其壕

奏疏存彙

卷之一

是

塹毀其木椿步步攻進至魚洞兒關口逆賊復行拒守仍敢於林木中伏兵以待俱被架梁官兵躡出殺敗奪其關口查自初九初十兩日連破關口五道拆毀柞木椿簽填平壕塹三十餘處臣謂兵貴神速卽山險崎嶇陰雨泥濘未敢少停十一日抵江落壩據鄉民稟稱有僞王總兵帶兵於今日蚤逃奔守關的余副將馬守備於飯時敗出未由大路從南山走了又稱紅川現有僞杜將軍王總兵雷總兵屈副將下營紅

川係往成縣去的大路離此五十里徽州離此九十里臣慮敗遁逆兵若盡入徽州拒守攻城不易而紅川現有逆賊扎營豈可不勦臣遂分兵兩股令叅將胡攀桂等帶兵從徽州大路前進臣帶兵由紅川前進俱於二更起行於十二日黎明據前探回報離此十里對面大山寨子上傳砲有賊等語臣卽督率官兵急行間又據前探引到投出僞遊擊高士英等四名稟稱紅川原係僞將軍杜學僞總兵王福臣雷豐僞副

奏疏存彙

卷之一

是

將屈大伸帶兵三千在此扎營原要前去堵口子聽的說官兵打開口子進來了昨夜已將大營起行了留下的係收後精兵此大山後修了一條小路可通畧陽白水江步人走得馬兵走不得他修下這條小路也備人趕他此路已修下一月了等語及臣到賊俱遁去臣見其山形勢壁立林木重重賊旣去遠難以窮追又慮胡攀桂等前去兵單此賊有詐遂留兵一千防備逆賊令兵稍緩片時臣連夜復去徽州十三日

已時接胡攀桂等飛報有偽總兵王進才姜蔭
祿帶賊兵二千在徽州城外山頂列隊卑職等
掌三股頭子直前將賊殺敗徽州已得令兵把
守除陣斬逆賊不開外生擒偽遊擊守備徐成
龍等八名偽兵三十一名其得獲馬匹盔甲交
鎗器械甚多查明另報等情到臣該臣看得是
後也以臣一身力敵衆賊官兵數千敗賊計萬
攻破賊險恢復州城實皆仰仗我

皇上威靈

奏疏存藁

卷之一

晃

國家洪福所致也除一面招撫百姓宣布

皇仁外所有首先登山破險官兵奮勇殺賊官兵及

陣斬逆賊得獲馬匹盔甲器械及生擒偽官校

誠偽官以及偽劄等項并傷亾官兵臣一時不

能備敘容查明另

奏謹將破險殺賊恢復州城情節先爲

題報仰慰

聖懷至大將軍進兵舊縣關距臣甚遠臣旣另進一

路理宜先爲

題報合併聲明伏乞

睿鑒施行康熙十八年十月二十九日奉

旨覽卿奏親率官兵首先進取四川於密樹關等處

地方擊敗賊衆恢復徽州城具見籌畫周詳調度

有方官兵奮勇深爲可嘉在事有功人員着議敘

具奏該部知道

奏疏存藁

卷之一

辛

用奇破險渡江疏

題爲恭報官兵復敗逆賊用奇破險渡江追勦情形事竊臣自敗逆賊克復徽州之後因念地方爲賊盤踞六載而新復人民須當加意安輯敗遁餘孽潛入山林尤宜速靖根株又慮賊旣大敗兵貴神速事機不可緩待遂一面遣發官兵尾追勦殺一面推廣

皇仁遍示招徠仍嚴禁官兵不許搶掠卽雞犬不許驚動止限三日盡皆剃髮歸正招撫安輯間十

奏疏存藁

卷之一

三

八日接據前發官兵呂自魁王洪仁等塘報內云一敗逆賊於打火店再敗逆賊於王家臺連奪兩處關柵斬殺甚多得獲盔甲交鎗馬綿大刀鳥機等件并生擒逆賊解驗到臣又續報追賊已抵白水江賊於對岸扎五箇營盤沿江一帶俱下石圍木椿木柵設備甚堅江水浩大據生擒逆兵及交出僞兵稱說畧陽先來一箇僞張將軍帶兵三千後來一箇僞譚五將軍帶兵五千等情請示前來臣隨留副將石福守備陳

陞會同知州李夢白招撫百姓嚴謹地方臣卽

於十九日率兵起行二十日抵白水江見賊對岸營盤河下設備果屬嚴密在賊不過恃其山險憑其水勢而我官兵委難馳馬卽步兵直前攻取亦恐無益臣遂遍詢鄉民於沿江上下一帶躡水於稍可過渡之處伏兵逆賊處處拒守於二十一日起至二十五日夜官兵方始破險得渡過江其間攻戰敗賊語句繁多不及備敘再詢投誠僞知縣李扈言稱僞張將軍名雖帶

奏疏存藁

卷之一

五

兵三千支糧實有一千七百僞譚五將軍者卽譚侯第五箇兒子兵名雖五千支糧實係三千三箇將軍俱皆不大和睦况畧陽倉糧止有大麥七百石豌豆四百石此外並無餘糧不過數日支持臣思逆賊屢敗已屬喪膽若畧陽乏糧愈無戰心兵多易亂不足爲慮惟是三路官兵不知遠近而臣一路官兵尾追前進似覺深入然機會不可錯倘遲疑少停萬一川糧一到賊心一堅復出守險再言進兵甚非容易臣遂不

計山險不計深入只得督兵前進總欲蚤期蕩
平仰副我

皇上救民於水火之至意也除破險立戰官兵奮勇
過江官兵并擒斬逆賊得獲盛甲器械馬匹容

臣查明另為

題敘今將渡江追勦前進情形先為

題明伏乞

皇上睿鑒施行康熙十八年十一月初九日奉

旨議政王貝勒大臣會議具奏

奏疏存彙

卷之一

五三

奏疏存彙卷之一終



奏疏存彙卷之二

目次

恢復畧陽縣城克捷疏

恭報偽鎮官兵歸誠疏

請敘投誠以廣招徠疏

恢復陽平關報捷疏

條陳收川方畧疏

恭謝扁額手卷疏

備陳調遣官兵情形疏

奏疏存彙

卷之二 目次

一

題報得獲賊糧接濟軍需疏

題請投誠官兵俸餉疏

報明畧陽起行日期疏

題報會師入川進勦疏

密陳悖旨并報分兵進勦疏

恭報入川進勦日期疏

白水壩浮水過江敗賊報捷疏

青川石峽溝大敗逆賊報捷疏

克取成都報捷疏

題請安插投誠官兵疏

恭謝將軍 勅印疏

續報招撫偽鎮官兵疏

續報招撫弁請土司號紙印信疏

請設蜀省經制官兵疏

遣員招撫逆渠疏

題報恢川清出賊遺糧餉疏

招撫建昌敘州馬湖文武疏

奏疏存彙

卷之二 目次

二

奏疏存彙卷之二

恢復畧陽縣城克捷疏

題為官兵大敗逆賊直抵畧陽恢復縣城恭報克捷情形事竊臣督兵破險渡江追賊前進業經

題報在案查自十月二十五日夜渡江二十六日

黎明追賊抵八堵山入箐臣見地勢險要將官

兵分為三敵仍嚴諭整肅前進步防備逆賊

果於八堵山大梁一帶排列陣勢以待臣慮山

高陡險逆賊全憑火器隨傳令後哨官兵於兩

山及溝箐攀樹而上逆賊雖大砲齊發官兵以

綿簾遮當直攻近前賊恃檔木為牆堅守不退

我兵用火礮噴筒方始克敵賊遂大敗陣斬滾

崖不計其數生擒及倒戈投降者三百餘名得

獲盛甲馬匹鳥機副刀等項甚多餘孽滾崖而

逃隨據陣擒逆兵供稱杜將軍敗回原不敢迎

戰因吳將軍發來譚五將軍下交鎗手一千前

來於八堵山接應廝殺又聽得說從九股三川

發兵要抄大兵之後等語臣以勝兵直下

一

奏疏存彙

卷之二

一

他顧遂於二十七日戌時抵畧陽見城內大燭天隨據投誠偽副叅李作相等迎臣馬前供稱吳將軍同張譚二將軍都在城外山上扎營聽得大兵已過八堵山殺敗接應之兵各自撥營逃奔等情臣卽發遊擊呂自魁李尚翠守備龔玉柱隨征叅將周世通等帶兵追勦仍令官兵入城救火於二十八日出示撫安百姓遍招四山落草偽兵查原任畧陽偽知縣李冠官兵未到能假催糧之便渡江繳印繳劄投誠順義

奏疏存彙

卷之二

二

可嘉臣以地方新復急須能員料理遂委署知縣撫安百姓至投到偽總兵副叅遊都守千把等官約計百員偽兵二千餘名并得獲馬匹盔甲器械印劄等項以及生擒偽官偽兵傷亡官兵跌死馬匹有功官兵均俟臣查明另疏

題報臣謹將恢復克捷情形先爲

題報伏乞

皇上睿鑒施行康熙十八年十一月十三日奉

旨覽卿奏率領官兵追勦逆賊直抵八堵山斬殺甚

多賊寇敗遁恢復畧陽縣城得獲馬匹器械印劄等項具見調度有方將士奮勇深爲可嘉在事有功人員着議敘具奏兵部知道

奏疏存彙

卷之二

三

恭報偽鎮官兵歸誠疏

題爲恭報偽弁率領全鎮官兵投誠順義可嘉微

臣仰遵

勅諭照銜給牌招撫謹具疏

題明伏懇從優敘錄以廣招徠以利收川實効事

竊臣督兵大敗逆賊於十月二十七日抵畧陽

恢復縣城卽遣官兵追賊并遍示招撫情形業

經

題報在案十一月初一日據臣原差招撫千總王

奏疏存藁

卷之二

四

國興隨征都司江澤長領到逆賊王屏藩下偽

中鎮改戎旗左鎮總兵官王進才差人并接到

偽官兵冊一本稟一件傾心投誠臣卽遵照

勅諭騰黃宣布我

皇上寬仁回札卽令前來去後於初三日該總兵到

畧陽隨帶左右二營領兵偽遊擊二員偽守備

三員偽千總三員偽所千總一員偽隨征都守

千把通判知縣等官二十三員馬步兵丁一千

二百三十五名繳到偽鎮銅關防一顆偽中軍

遊擊銅關防一顆偽所官銅方印一顆偽劄四

十八張到臣該臣看得叛賊變亂之後凡貪名

圖利亡命之輩希僥倖於一時者有之被脅煽

惑雖悔而不能自由者有之如偽總兵王進才

者前據投誠偽副將屈大伸偽守備馬一心皆

言久有向化之心爲賊衆防範甚嚴而徽州士

民咸稱爲人忠實不縱兵擾民及臣面見材質

雄壯談吐老成且備陳川蜀虛實大有可用臣

叩懇

奏疏存藁

卷之二

五

聖明勅部從優議敘以廣招徠以收實効所有繳到

偽印三顆偽劄四十八張送部外至于該總兵

所帶之兵與臣陸續招到之兵約計三千餘名

欲全留在營苦畧陽無糧欲盡令解散深爲可

惜臣遂挑選堪以克戰者留營應解散者盡皆

給照令其回籍爲民其陸續招撫接到偽總兵

副叅遊都守千把以及知府知縣雜職等官均

俟招撫完日移送大將軍總爲彙

題合併聲明伏乞

皇上睿鑒勅部議覆施行康熙十八年十二月初二

日奉

旨議政王貝勒大臣會議具奏

奏疏存藁

卷之二

六

請敘投誠以廣招徠疏

題為恭報投誠文武官員仰懇從優議敘以廣

皇仁以信招徠事竊臣仰仗

天威克復徽州畧陽已經

題報在案所有投誠官員臣遵奉

勅諭宣布

皇仁遍示招撫凡有翻然悔悟爭先來歸者許以原

官仍按功敘錄查逆賊偽將軍吳之茂下領兵

副將屈大伸帶子偽遊擊屈匡并偽守備千把

奏疏存藁

卷之二

七

王星等六員兵三百名於十月十四日首先投

誠繳到偽劄一十二張徽州偽知州蔡廓於十

五日率領偽州判張贊偽吏目張起鳳投誠繳

到偽銅印一顆偽劄三張鳳縣偽城守副將管

叅將事郝俊龍帶兵八十名於二十一日前來

投誠繳到偽銅關防一顆偽劄四張畧陽營偽

守備馬一心帶兵二十三名於二十二日軍前

投誠繳到偽劄一張畧陽縣偽知縣李扈於二

十三日前來投誠繳到偽銅印一顆偽劄二張

偽牌三張各等情到臣該臣看得偽知州蔡廓
偽州判張贊偽吏目張起鳳偽副將郝俊龍不
隨賊去傾心投誠理當遵照

勅諭題敘嘉其效順至於偽副將屈大伸久有向化
之心礙於牽制今帶兵來歸實為首先倡義而
偽知縣李扈官兵尚未到畧陽假以催糧之便
捐棄妻子過江迎臣投誠暨偽守備馬一心與
我兵對岸拒敵乘夜帶兵來歸均宜優加恩賚
以獎其誠臣叩懇

奏疏存藁

卷之二

八

聖明勅部不必拘其常例在外量給劄付卽准從優
敘錄給以原銜部劄以信招徠如此則從逆官
員仰望

皇恩靡不奔馳恐後矣緣係文武傾心首先歸誠事
理本應咨呈大將軍彙

題但大將軍隔遠而臣急在平定地方鼓勵人心
合并敘明其陸續招撫到偽遊擊都司守備千
把知縣教官五十七員并偽兵二千三百餘名
多係徽秦土著之人俱經查明應留營者留營

應解散者當卽剃髮令其回籍為民再前後生
擒偽官逆兵二百六十七名臣亦皆仰體

皇上好生之德俱令剃髮存營以示招徠所有繳到
偽劄牌票八十八張統俟平定漢興之日總報
大將軍彙

題聽候部議至臣捐資賞過袍褂靴帽鞍馬銀牌
等項另為

題報今將繳到偽印三顆偽劄一十二張偽牌三
張具文送部外相應具

奏疏存藁

卷之一

九

題伏乞

皇上睿鑒勅部議覆施行康熙十八年十二月初五

日奉

旨該部議奏

恢復陽平關報捷疏

題爲恭報續遣官兵分路追勦恢復過地方并敘明前後敗賊情形事竊臣大敗逆賊恢復畧陽暨分遣官兵追勦情形已經

題報在案臣思沔縣陽平寧羗爲川蜀水陸咽喉而畧陽四面皆山敗散逆賊潛伏自多尤宜速靖根株臣隨於續到官兵內挑選稍堪前行馬匹兵丁令遊擊吳志王洪仁隨征遊都馬成虎許洪德等統領于三路繼發接應前發官兵并

奏疏存彙

卷之二

十

偵探漢中逆賊情形以及棧道官兵遠近再分遣步兵于四山搜勦去後于十一月初二日據遊擊呂自魁等塘報卑職等二十八日離縣追勦八十里無賊二十九日前進聞忽聽東山砲聲據橫塘探馬報稱東山有賊卑職等隨撤兵入山追勦果見步賊約有二千率多揚子交鋒倚山恃林扎站抵敵官兵卑職等見山勢陡險馬匹不能直前遂督率官兵并馬分路攻殺逆賊大敗當陣斬殺及滾崖跌死二三百名生擒

奏疏存彙

卷之二

十一

三十餘名餘賊鑽林滾崖而逃因天晚收兵據生擒逆賊供稱我們俱是四川人係譚將軍下兵發來畧陽應援的原是三千十五日漢中起身十八日到畧陽二十二日發我們一千去八堵山一千從九股三川小路上出去許家壩過河要在徽州來的路上抄大兵之後邀截斷糧二十六日到河上聞得說大兵二十五日從乾溝過江我們遂不敢前去奔回半路上又遇着八堵山敗遁的兵合夥大家不敢往畧陽去亦不敢上大路走要從山裏逃回入川等語卑職等因山大林深且馬匹難行仍撤兵由大路前行三十日於沮水地方離沔縣四十里與棧道一路前探官兵相抵有下馬關叅將郝善隨征副將徐大仁云稱奮威將軍於十月二十七日到漢中進城他們二十八日起身到沔縣查漢中府到沔縣一百里平路畧陽到沔縣一百八十里山路一併報明卑職等今暫扎營於沮水候示等情初三日又據前遣遊擊李尚翠等塘

報卑職等自接官亭分路除沿途追勦零賊不計於三十日抵陽平關逆賊正在過江望見我兵分頭迎敵卑職等奮勇直入殺敗逆賊擁過江去當陣斬殺及水滄約計千餘生擒八十餘名卑職等隨督兵過江追殺二十里天晚收兵往前係四川龍安地方據生擒逆兵供稱吳之茂於二十九日蚤已過江往白水壩奔龍安去了此係後隊弁八堵山敗回之兵張譚二將軍未從此路來等語其生擒逆賊得獲馬匹盔甲

奏疏存藁

卷之二

三

器械并陣亡帶傷兵丁卑職等查明另爲具報等情臣隨飭令遊擊呂自魁等統兵亦赴陽平關協同遊擊李尚翠吳志等把守關口偵探逆賊安撫百姓又初四初五等日節據搜勦官兵所報斬殺過逆賊招撫到僞官僞兵總敘不開外該臣看得逆賊屢敗勢如破竹者究以財盡力窮兵民離怨我

皇上命師征討救民水火正其時也今漢南旣復陽平畧陽又爲川蜀水陸咽喉而敗遁餘孽不過

釜底遊魂旦夕可滅太平之兆於此可見總皆我

皇上洪福齊天念切生民之所致耳至臣自十月初九日攻克密樹關破險殺賊恢城前後各案生擒逆賊五百餘名陣斬水滄滾崖六千餘名得獲馬騾七百餘匹頭鐵盔一千餘頂鐵甲三百餘副皮盔八百餘頂綿甲馬綿一千四百餘件交鎗鳥鎗八百餘桿長鎗刷刀撒袋弓刀二千餘件鳥機三十餘桿大砲六位火藥四千餘斤

奏疏存藁

卷之二

三

招撫到僞官除總兵王進才等副將屈大伸等另疏題

請外未經

題報總兵副將叅遊都守千把潘九蘭海自文趙邦祿趙芳李作相丁麒郭永泰魏驊等僞知府同知通判知縣雜職田大有鄭文元張研芳尹先聲周文郁等三百餘員僞兵五千餘名并各案破險恢城殺賊有功官兵及傷亡官兵滾崖跌死馬匹臣均行令各將弁備查明確造冊詳

細呈報去後俟呈報到日容臣核明另爲繕疏
題

請臣今分兵駐劄陽平兩處聽候大將軍示下
先將分遣官兵追勦恢復陽平關地方緣由暨
前後敗賊克復情形合再一併

題明伏乞

皇上睿鑒施行康熙十八年十一月二十四日奉

旨覽卿奏遣發官兵屢次擊敗逆賊擒斬甚多得獲

馬匹器械等項恢復陽平關招撫到僞官兵丁人

奏疏存藁

卷之二

西

等具見籌畫周詳調度有方將士奮勇深爲可嘉
在事有功人員着議敘具奏兵部知道

條陳收川方畧疏

密題爲欽奉

勅諭事康熙十八年十一月二十一日內閣學士兼
禮部侍郎臣希福等同臣子廕生趙弘燦到畧
陽齋捧

欽頒勅諭一道臣郊迎至署開讀并學士臣等口傳
密旨臣一一跪聽謝

恩訖我

皇上不以臣爲不才而臣敢不竭盡愚忠仰答

奏疏存藁

卷之二

五

聖明戡亂救民之至意耶今漢南旣復四川急宜進
勦機會正不可失查陝西綠旗經制官兵八萬
四路進征現在軍前暨各口接應約畧四萬五
六千名應於此四萬五六千名中挑選四萬分
爲兩路進取四川一路由廣元取保寧下重慶
收川東一路由陽平取龍安下成都收川西其
間小徑抄道出奇制勝又在統帥者臨時酌宜
而進勦之兵自不爲單在汛之兵或亦可守滿

洲

禁旅國家根本自逆賊叛亂以來南征西討可謂久
苦於外理宜休養今收川多用步卒地勢相宜
况其馬匹數多需用糧草過倍於漢兵若駐劄
漢中興安沔縣接應兩路彈壓地方深為兩便
至於進川漢兵行糧須當實切預備不可緩視
臣請

皇上勅令督撫嚴飭司道將西安撫臣所屬州縣糧
草供給進勦川東一路官兵將鞏昌撫臣所屬
州縣糧草供給川西一路官兵且兵行糧隨勢

奏疏存藁

卷之二

六

不可缺轉輸糧草全藉民力自古至今不易之
理如前進取漢南令兵自行裹帶一月之糧甚
非善計卽如漢兵一馬豈能馱載三斗口糧披
甲馳驅而步兵背負三斗又可登山涉水遇賊
對敵者乎今不免仍復運送前來在民未減運
糧之苦在兵已抱裹糧之怨况連年三邊換班
之兵調鳳翔調寶雞調秦州調清水以及西和
禮縣通關沙窩香泉等處會無止息所用糧草
何往而非小民之力與其經年苦累無休何如

一勞永逸譚弘曾受

國恩世爵不小前之反叛料出逼脅聞譚詣之子
原任花馬池副將譚天敘現在西安羈候臣未
見其人未識其面既係譚弘之姪

皇上開天地好生之仁赦其已往召至京師備問詳
細發

勅諭一道令之招撫伊叔使其來歸則川東不煩大
兵可傳檄而定卽或愚梗不化留此一人何益
去此一人何損吳之茂巢穴既在松潘勢窮自

奏疏存藁

卷之二

七

必竊踞然彼地番民土司久為所苦我

皇上亦發

勅諭一道赦其番族土司擒賊獻首亦未可定是川
西一路又省分兵攻勦矣此臣淺見俟在陝諸
臣回奏

廟謨自有灼見而命師遣將尤出

聖明睿裁再四川處萬山之中地險人愚首要得其
民心禁其搶掠我

皇上屢有

嚴旨臣不當重爲奏

請然尚恐奉行未善紀律未明有失嘉惠元元之意

臣又不得不懇懇爲慮總之餘孽不難撲滅而

民心一失大費人力我

皇上勅諭密旨令臣殫心詳議具奏臣不揣謏陋亦

惟有矢此血誠急圖滅賊以報

聖明殊遇之隆恩於萬一耳除學士臣希福看明外

緣係備陳進勦機宜貼黃難盡伏乞

皇上睿鑒全覽施行康熙十八年十二月初八日奉

奏疏存彙

卷之十一

六

旨議政王貝勒大臣會議具奏

恭謝扁額手卷疏

奏爲

聖眷有加無已微臣自分難安謹具疏恭謝

天恩事康熙十八年十一月二十一日內閣學士兼

禮部侍郎臣希福兵部職方司郎中臣吳黑等

齋到

欽頒勅諭一道暨臣子蔭生趙弘燦齋到

御筆扁額手卷并口傳

密旨臣於郊外叩迎入署恭設香案跪聽宣讀祇領

奏疏存彙

卷之二

九

當卽望

闕叩頭謝

恩除

勅諭開載事宜容臣另疏回

奏仰達

天聽外伏念臣一介武人才疎識淺荷

國厚恩畀以邊庭重任雖夙夜冰兢恒慮不逮有

負我

皇上知人之明當此南服未靖而臣以衰朽餘生卽

勉承一路竭蹶駑鈍尤慮心長力短委任罔效
乃蒙我

皇上不遺謫劣破格褒嘉榮逾望外從古帝王隆遇
武臣未有如我

皇上今日之盛者也臣拜瞻

聖翰伏聽

溫綸感痛由中涕零哽咽莫知所以惟有益加砥礪

殫竭愚忠期以此身盡瘁疆場而

隆恩優賜傳之子孫圖報於生生世世耳臣謹奏

奏疏存藁

卷之二

三

謝以

聞康熙十九年正月十五日奉

旨覽卿奏謝知道了該部知道

備陳調遣官兵情形疏

密題爲欽奉

上諭事康熙十八年十二月初五日准建威將軍臣

吳丹咨康熙十八年十二月初三日准兵部密

咨前事內開康熙十八年十一月二十三日奉

上諭陽平關逼近寧羗係入川之路沔縣與漢中相

近觀提督趙良棟恢復徽州直取畧陽陽平關意

欲進定四川亦不可定若進定四川則滿洲大兵

不可不隨繼其後此事關係重大着議政王貝勒

奏疏存藁

卷之二

三

大臣會議具奏欽此欽遵該臣等會議得近經臣

等遵奉

上諭會議請

勅將軍王進寶提督趙良棟等將已入漢中等處各

鎮官兵作何遣調恢復取保寧平定四川事宜詳

加商定知會大將軍公圖海等酌量而行令大

將軍公圖海遵

旨統兵一半駐劄鳳翔鎮守陝西全省將護軍統領

吳丹授爲將軍統領大兵一半爲將軍王進寶

提督趙良棟等後應接濟糧餉務期不致斷絕
與總督哈占等相商而行令提督孫思克止領
伊屬兵馬遵

旨駐劄原汛防守地方等因具題奉

旨欽遵行文在案提督趙良棟仰副

皇上擢用親統官兵恢復徽州繼取畧陽今又取陽
平關遣兵往取沔縣觀趙良棟由徽州路直入
大殺逆賊平定地方似欲相機進定四川倘若
不及與將軍王進寶等相商即乘機進定四川

奏疏存彙

卷之二

三

則滿洲大兵當尾隨殿後輓運糧餉源源接濟

此事所關最爲重大

上諭允當相應遵行請

勅將軍吳丹總督哈占等速統大兵爲進定四川兵
馬後應運送糧餉源源相繼毋誤軍機可也等

因康熙十八年十一月二十三日題本日奉

旨依議速行欽此爲此合咨貴將軍欽遵施行等因
准此擬合咨商爲此合咨貴提督煩爲查照作
何相機而行的於何日起程希速咨覆前來以

便即發接濟貴提督後應官兵而行等因到臣
臣查畧陽乃大將軍原派四路所指之地而陽
平又爲川蜀門戶且係大江緊要關口理當急
取至逆賊敗遁尤宜乘時進勦蚤定四川仰副
我

皇上戡亂救民之意故臣於恢復畧陽之後即分遣
官兵直抵陽平關追殺逆賊過河并發往沔縣
官兵亦檄調俱守陽平關以備入川此臣急欲
恢疆滅賊愚忠業蒙我

奏疏存彙

卷之二

三

皇上聖明蚤已洞鑒矣且欽奉

上諭勅令將軍臣王進寶暨臣將已入漢中等處各

鎮官兵作何遣調恢取保寧平定四川事宜詳

加商定知會大將軍公圖海等酌量而行臣仰

承

天語益當努力如大將軍前題進勦漢南綠旗官兵
除接應不計外原進興安一路一萬小川子一
路一萬棧道一路一萬二千而臣進入塔山一
路五千四路共計三萬七千提臣孫思克遵

旨帶回原汛五千尚該三萬二千無論何標何鎮盡數派出通融分撥令臣兩人統領前進後繼滿洲大兵可以平川如再從此三萬二千中減畧不獨四川一省九府地方遼闊山險人愚抑且緊鄰雲貴不可不防不可不重今准將軍臣王進寶回臣咨覆內云本將軍轄屬官兵因彼時軍機緊急無論衝緩概爲檄調業經酌將衝要地方官兵量行發爲汛防并重傷病弱者亦卽令其各歸原營矣所有標路止有五千有餘并

奏疏存藁

卷之二

五

延綏鎮屬一千四百名又調後應延綏漢中興安官兵二千六百名以資進勦外其貴提督一路官兵應聽貴提督酌裁調遣等語是將軍臣將棧道一路已入漢南官兵發回原汛原營者五千六百名矣又文敘移准大將軍暨總督皆稱不便懸定越議應請貴將軍暨寧提趙裁酌而行却皆不言原進興安一路官兵又秦州副將楊三虎呈稱原帶西寧鎮官兵五千員名內遊擊趙元輔帶兵一千五百名奉提督孫遣發

去階文不知遠近遊擊趙光榮帶兵一千名奉提督孫留防小川子一帶防護糧路又撥兵二百五十名貼防成縣卑職止帶馬兵五百名步兵一千七百五十名今奉總督部院牌行令卑職打造船隻料理糧運等語以此觀之是臣通無可以調遣之兵矣臣欲止帶本屬官兵取路前進而臣五千官兵中又豈無傷亡病弱者不獨兵單不敢輕忽抑恐有辜

上諭欲備陳請

奏疏存藁

卷之二

五

旨而進勦機宜不可再緩臣只得將興安一路官兵指出再文請調四千并申飭楊三虎速速飛調官兵聽候挑選入川不得推阻除咨呈大將軍移文總督暨將軍臣吳丹王進寶請速發去後俟調撥官兵到日臣卽起行先赴大安驛會齊

旨進取保寧平定四川應如何破險殺賊分取地方均俟將軍臣吳丹王進寶暨臣確議另爲題報臣因進取四川事關重大且兩奉

上諭嚴切謹將在外調撥官兵前後情形一併

題明緣係兩奉

上諭調撥官兵事理貼黃難盡伏乞

皇上睿鑒全覽施行康熙十八年十二月二十一日

奉

旨議政王貝勒大臣會議具奏

奏疏存彙

卷之二

三

題報得獲賊糧接濟軍需疏

題為欽奉

上諭事康熙十八年十一月二十六日奉兵部劄付

前事康熙十八年十一月十四日奉

上諭諭戶兵二部前據大將軍等疏內會稱王屏藩

等於漢中興安等處率賊數萬堅守抗拒等語以

此觀之必有數年儲備糧餉今我大兵驟入殺敗

賊眾恢復地方糧餉諒多得獲當逆賊已敗彼中

猜疑人心渙散之際破滅賊寇恢復地方尚似不

奏疏存彙

卷之二

三

難惟川路運糧所關最為緊要於恢復城池村落

遍訪賊積米糧查收節用是為緊要進川官兵不

誤支給則於國家大事裨益非淺各將軍大臣等

各宜盡心聚糧將漢中等處所獲錢糧節省支用

副朕滅寇安民至意以後所至地方惟以收賊糧

餉為急務爾二部即遵諭速行欽此合劄該提督

欽遵施行等因臣隨行臣標中軍參將胡攀桂

等查報去後據稱自十月初九日攻克密樹關

起至三十日恢復陽平關止凡攻破逆賊營盤

恢復城池有賊放火燒燬者有原無積貯餘糧者查紅川營盤內得獲麥豆八十七石打火店廟內得獲小麥一百八十六石畧陽得獲火燒灰土大麥雜糧一百三十石陽平關遊擊李尚翠守備龔玉柱續報得獲火米京斗一千一百二石四起共糧米一千五百零五石因前行糧米未到有支給進勦官兵者有支給投誠官兵者至追賊駐劄陽平官兵行糧不及運送前去全支此項糧米已行遊擊呂自魁李尚翠開報

奏疏存彙

卷之二

完

細數到日另爲呈報等情到臣臣查前在白水江與賊對壘攻戰時因兵糧不接已將打火店小麥按兵給散接濟訖其陽平關糧米亦因行糧料豆不接准其動支所有進勦官兵支過糧米自於各官兵應支行糧米內扣除而投誠官兵臣因見其窮苦除當卽解散者不計外應留於軍前以備入川者每名每日准米一升糊口如此項投誠官兵支過糧米應否

恩准開銷或仍於各官兵俸餉起支之日照數扣除

統聽部議伏乞

皇上睿鑒勅部議覆施行康熙十九年正月二十五

日奉

旨將軍趙良棟擊敗賊寇撫定地方將賊各處所有糧米盡行收取支給兵丁星速前進有裨進勦機宜深爲可嘉該部議奏

奏疏存彙

卷之二

完

題請投誠官兵俸餉疏

題為請明投誠官兵隨師入川懇照例議覆以資
進勦以期克効事竊臣自敗逆賊克復徽州畧
陽陽平以來前後招撫投誠官兵如偽總兵王
進才率領全鎮官兵來歸副將屈大伸叅將郝
俊龍守備馬一心等首先投誠經臣

題疏并繳印劄仰懇

從優敘錄迄今未奉部文今奉

上諭急在進兵臣思入川必須量用投誠官兵不獨

奏疏存藁

卷之二

三

熟悉道路抑且推廣

皇仁以示招徠查王進才為王屏藩下內標中鎮改

戎旗左鎮其人老成練達素有膽勇備知川中

虛實臣請照漢中興安投誠總兵事例准帶兵

入川以期克効其副叅遊都守郝俊龍賈明經

趙邦祿馬登仕魏驊席宗林李守春等均堪領

兵臣因兵餉浩繁亦不敢過為請留止選得勇

壯烏鎗手兵丁五百名以備入川亦懇照漢中

興安事例令王進才等如何統領並如何准給

俸餉均俟部議定奪伏乞

皇上睿鑒勅部議覆速為行臣遵奉施行康熙十九

年正月初四日奉

旨該部議奏

奏疏存藁

卷之二

三

報明畧陽起行日期疏

題爲報明微臣起行日期事竊臣欽奉

上諭酌量遣調入漢官兵暨在外官兵情形并求於
原進興安一路官兵一萬中派撥四千檄調楊
三虎所統官兵到日卽便起行先赴大安驛會
齊遵

旨進取保寧平定四川等緣由已經具疏

題明續准撫遠大將軍公臣圖海咨覆內開除移
文總督將伊標并興安鎮標官兵酌量調遣外

奏疏存藁

卷之二

三

今將隨本大將軍靖寇將軍并隨征總兵王好
文趙名友三標共挑選一千名候文到卽行遣
發前去又准總督臣哈占咨覆內開興安一路
原進官兵一萬之內興安鎮屬官兵興安旣復
俱留本汛固守新復地方希貴提督徑行興安
鎮取調一千員名靖寇將軍標下官兵係隨大
將軍標下之官兵本部院不便擅行挑撥本部
院標下原帶馬兵四千名火器步兵二千名因
運送軍需沿途需用重兵防護且漢興新復地

方解散投誠官兵頗多又須重兵彈壓本部院
每慮兵數不敷但進勦關係重大當爲挑選一
千名俟貴提督起行之日先文卽令馳赴貴提
督軍前跟隨進勦等因到臣臣思進定四川兩
奉

上諭何等嚴切理當乘時急取仰慰

聖懷今督臣以運送軍需沿途需用重兵防護漢興
新復必須重兵彈壓於已入漢中現在就近六
千標兵中止撥一千却令臣遠於興安移調又

奏疏存藁

卷之二

三

必等候階文官兵是以入川進勦逆賊爲緩爲
輕而以防護留守爲急爲重矣時日迫切再難
往返遊擊趙光榮趙元輔守備孫國祥官兵遠
自階文西和催調前來於十五十六等日方始
到畧陽臣卽於十七日起行前赴大安驛會兵
外其所統入川官兵數目臣先到大安驛候各
處官兵到齊見數另爲酌定具
題謹將微臣自畧陽起行日期先爲
題報伏乞

皇上睿鑒施行

題報會師入川進勦疏

密題為恭報微臣已抵大安會師入川進勦事竊照進取保寧平定四川兩奉

上諭而臣調集官兵於十二月十七日自畧陽起行已經具疏

題報在案今於本月二十日抵大安驛二十一日會同將軍臣王進寶吳丹佛尼勒叅贊臣傑印副都統臣覺和托面議進勦機宜臣以川路狹隘且逆賊吳之茂杜學汪文元等現屯扎於白

奏疏存藁

卷之二

三

奏疏存藁

卷之二

三

水壩青川一帶在我肘腋之下自踵昔年故轍於陽平朝天廣元昭化斷我糧路此川西之患不可不防而寧羗通巴州又川東要隘不可不慮故臣前於欽奉

勅諭一疏有從兩路收川之條奏如一路由廣元取保寧下重慶收川東一路由陽平取龍安下成都收川西兩路聽奮威將軍臣王進寶任擇進一路臣進一路不獨使狡賊首尾不能相顧抑且收功迅速而將軍臣等以兩路並進相去太

遠又稱糧運接應不前况聞王屏藩現在金屏山下營應從一路先取保寧白水壩止可撥兵二千於對江扎營俟兵到廣元昭化再議分勦至臣請於原進興安一路官兵一萬中派撥四千屢文移催今到大安驛止有靖寇將軍標兵一千名總督標兵一千名臣只得於臣原進入堵山一路寧屬官兵五千名中盡力挑選四千名又於續調寧屬後應守兵一千中挑選五百名畧陽營挑選四百名陽平營挑選二百名并

奏疏存藁

卷之二

美

甘寧撫標四百名副將楊三虎遊擊趙光榮趙元輔等所統西寧鎮官兵挑選三千五百名共一萬一千名臣統領於十二月二十一日自大安驛同將軍臣王進寶起行前進其一切後應以及接濟糧餉聽建威將軍臣吳丹等分佈外相應具

題伏乞

皇上睿鑒施行康熙十九年正月初五日奉

旨議政王貝勒大臣會議具奏

密陳悖 旨并報分兵進勦疏

題為密陳悖

旨并報明微臣分兵進勦事竊臣前奉

勅諭條奏平定四川由兩路進兵業經議政王大臣

會議奉有

勅下將軍臣王進寶同臣會議具題到日再議之

旨查兵部與將軍臣王進寶咨係由鳳翔棧道漢中

御塘撥什庫於十二月二十日午後在大安驛送到

之文臣等會議在二十一日乃將軍臣等竟不

奏疏存藁

卷之二

丑

將奉

旨部文掣出會議亦不通臣知道而兵部與臣之文

係由秦州西和畧陽

御塘承差於十二月二十三日酉時在寧羗方始送

到臣隨差官將部文送與將軍臣王進寶看并

詢兵部與伊之文在於何日雖將軍臣王進寶

推查不能即應後改稱二十一日方到然

御塘底簿可查撥什庫可問即使二十一日文到亦

當通臣知同臣議豈有將奉

旨會議之事竟置不問乃以無容議三字自行題覆
不獨欺臣無臣抑且目無

聖旨更可奇者本後自定取保寧取成都將臣及一
路官兵不言一字臣思朝天廣元賊自不守若
白水壩青川賊退兵下龍安則保寧之賊自無
能爲矣而成都係平坦川面城池不堅從來難
守重慶依山環水譚逆土兵熟習火器水戰白
水壩爲全蜀之頭有大江之險且逆賊現有三
箇將軍十數總兵把守是取川西先難後易取

奏疏存彙

卷之二

奏

川東先易後難顯而易見前在大安議話時臣
當同將軍臣吳丹等而言川東川西兩路憑將
軍臣王進寶揀擇一路臣取一路而將軍臣王
進寶不肯分取是不走川西不任川東今題本
內云自取保寧自取成都是止擇其易者而爲
之矣不識置臣一路官兵當於何地臣若不言
則師出無名所向何地况將軍臣吳丹等原議
明兩路官兵先鋒營俱在前走臣與將軍臣王
進寶一第一日前行臣隨言將軍自是前行提

督在後惟是山大地狹官兵歇頭下營處所必
須通融妥便原議大安驛起行將軍臣王進寶
先行至列金壩下營次日臣至寬川舖下營又
次日將軍臣於寧羗下營又次日臣於黃壩驛
下營今將軍臣王進寶俱違前約推以兵丁占
歇致臣一路官兵不分晝夜至二十五日尚未
到齊查大安至寧羗止九十里五日四夜馬未
去鞍人未停脚而官兵咸以人不能住歇馬匹
不能喂養爲苦爲怨至寧羗到黃壩驛應臣一

奏疏存彙

卷之二

奏

路官兵起行下營之地而將軍臣王進寶又復
發兵起行占歇矣臣之官兵只得擁擠守候且
本內不言臣一字行走又復違越成約先鋒又
不用臣一路官兵臣窺厥乃心全無公念如前
遇城池賊守則自候兵到不守則自爲報功在
臣之心惟有仰報

兵皆係

聖明照臣前疏必期實踐原無望功之心但所統官
朝廷官兵豈盡無功名之念肯甘心尾隨人後徒自

受苦耶更慮將軍臣王進寶報功本到我

皇上豈不問臣所統官兵竟在何處是臣認咎不是

不認咎不是將欲住守請

旨不獨軍機不可緩而部文現有若進定四川必分

兩路則趙良棟亦給與將軍

勅印臣雖至愚豈不慮自涉欲爲將軍之譏乎但將

軍臣王進寶將奉

旨會議事理可以不通臣知可以不同臣議是心可

忍孰不可忍如此之事可行何事不可行此臣

奏疏存彙

卷之二

罕

甚可寒心者倘不急急分路仍在一處與之爭

論不獨貽誤軍機抑恐大負

皇上倚任之重況勢敗之賊所當分頭勦殺一路滿

漢三萬多兵實實擁擠不開今臣只得遵奉議

政王大臣會覆

上諭觀趙良棟由徽州路大殺逆賊平定地方似欲

相機進定四川倘若不及與將軍王進寶等相

商卽相機進定四川又諸王會議現今如有進

定四川之機卽一面酌行一面奏

聞臣遂於十二月二十六日自寧羗起行分路於陽

平關過江勦殺白水壩青川之賊相機平定地

方恢復城池外所有微臣分兵前進及前後情

形不得不備陳於我

皇上聖明之前也總之臣前以微臣年歲漸老報効

日短願竭愚忠仰答

君恩事一疏獲罪於衆迄今羣起而爲難臣一忍再

忍因進征爲重封疆爲大今將軍臣王進寶悖

旨行私一至於此使臣不得不言不得不避緣係陳

奏疏存彙

卷之二

罕

明悖

旨并分兵進勦前後情節貼黃難盡伏乞

皇上睿鑒全覽施行

恭報入川進勦日期疏

密題爲恭報微臣督兵過江入川進勦日期并再

備細陳奏兩路進兵務期萬全仰慰

聖懷事臣查白水壩乃川江上流第一緊要關口與

昭化唇齒相接有白水壩則昭化可守有昭化

則保寧可守是逆賊以重兵屯扎於此者深有

謂也如我兵進取保寧必須昭化過江抄金山

之後如不能過昭化之江直去保寧自是兩持

則白水壩青川之賊踵蹈往昔出陽平寧羌朝

奏疏存藁

卷之二

聖

天昭化廣元沿江一帶抄我兵之後斷我兵之

糧此十三年大兵於盤龍山乏糧受困之明驗

也臣前欽奉

勅諭條奏兩路進兵者正所謂破賊狡謀使其首尾

不能相顧出情勢所必然亦前車之證驗卽在

大安驛會議將軍臣王進寶欺隱部文臣雖未

見奉

旨之行而兩路進兵自屬妥當遂前後譬諭言之至

再至三且兩路任憑將軍臣王進寶揀擇一路

如願取川東則臣取川西如願取川西則臣取

川東此臣公忠之心將軍臣吳丹等可証可問

在將軍臣王進寶不走川東不任川西者窺測

其心旣不舍保寧又不肯下川東欲貪取成都

又不肯走陽平過三道大江蓋彼題疏中自言

臣取保寧臣取成都已見其大意矣而將軍臣

吳丹等亦不欲兩路前進者不過因兵單不便

分開惟是兩路官兵一路前進加以滿洲後應

之兵三萬有餘且馱馬帳房米糧等項實實擁

奏疏存藁

卷之二

聖

擠難行前進之兵旣不照後後隨之兵勢必夜

行不獨兵疲馬斃有傷根本抑恐狡賊於險隘

抄出卽有後應之兵豈能遍處防護是白水壩

應進一路官兵勢不可少臣前分兵時倉卒繕

疏未及備陳謹再詳細

奏明仰慰

聖懷至臣與官兵此行益加激奮務期破險滅賊並

奏蕩平臣於二十七日抵陽平二十八日督兵

過江前發入川進勦倘能仰副我

皇上救民水火之仁則白水壩險關一破昭化之賊
自遁全蜀可指日而定矣貼黃難盡伏乞
皇上睿鑒全覽施行

奏疏存藁

卷之二

蜀

白水壩浮水過江敗賊報捷疏

題爲官兵仰仗

天威奮不顧身浮水過江攻破險要大敗逆賊全蜀
指日可定謹報明克捷情形仰慰

聖懷事竊臣自寧羗分路抵陽平關督兵過江入川
進勦情形業經兩疏

題明在案臣於康熙十八年十二月二十九日率

兵抵白水壩逆賊隔江對岸下四箇營盤渡口

用石圍木柞木簽架使鎗砲我兵綁皮袋筏子

奏疏存藁

卷之二

蜀

隔江攻奪渡口一晝夜奈江水洶湧逆賊死守
火砲重密官兵難以用力臣卽傳諭各官兵爾
我激奮前來原爲仰報

朝廷尚不用命更待何時遂不用筏子不拘渡口挑

選臚壯大馬官兵重披馬綿於十九年正月初

一日黎明派定總兵王進才叅遊都守呂自魁

王洪仁趙元輔劉虎李洪許洪德等各帶所部

官兵分三股頭子直擁過江逆賊大砲齊發出

木柞石圍接戰官兵奮不顧身爭先勇往溺水

砲傷者固有而勇敢之氣喊聲震天滿江皆兵
逆賊膽落不能抵敵大敗奔山連破兩箇營盤
陣斬滾崖水滄約計千餘生擒倒戈者三百餘
名得獲盔甲器械旗幟馬匹等項甚多隨據生
擒偽守備郭景儀等暨繼綁到重傷偽都司朱
文玉等供稱領兵係偽江將軍姜總兵劉總兵
李總兵王總兵徐副將沈副將其青川尚有毛
總兵賀總兵雷總兵下營古城吳之茂下營等
語臣一面催令步兵鄉木筏速速渡江勦殺奔

奏疏存彙

卷之二

吳

山逃遁之賊臣督大隊官兵前進追賊因追賊
緊急不及備敘繕疏已將大槩情形塘報兵部
代爲先行啓

奏訖該臣看得白水壩乃川江上流第一緊要關
口與昭化唇齒原係四川後門俗稱鐵門坎故
賊用重兵把守今旣攻克官兵可以直下成都
是破其腹心矣腹心旣破則全蜀指日可定總
皆仰仗我

皇上天威之所致也其有功官兵傷亡官兵及得獲

盛甲馬匹器械等件容臣查明另爲
題報伏乞

皇上睿鑒施行康熙十九年正月十七日奉

旨覽卿奏率兵進勦四川逆賊直抵白水壩浮水過
江攻破逆賊營寨擒斬甚多得獲器械馬匹等項
具見籌畫周詳調度有方將士奮勇深爲可嘉在
事有功人員着議敘具奏兵部知道

奏疏存彙

卷之二

吳

青川石峽溝大敗逆賊報捷疏

題爲再報官兵追勦直抵青川大破賊衆陣斬僞鎮逆渠喪膽并報龍安文武投誠恢復府城克捷事竊臣前於白水壩督兵過江大敗逆賊追殺情形已經另疏

題報臣因兵旣深入乘賊敗遁驚散之際難容遲緩不計程途遠近盡力追趕如白水壩距青川三百里山路我兵於正月初一日過江勦殺追賊起曉夜奔馳於初三日午時臣抵青川據前

奏疏存藁

卷之二

吳

探官兵報稱逆賊汪文元等自白水壩敗遁至青川毛賀雷三總兵接應共合兵四千有餘不敢守城適成成都大路奔逃卑職等併力追趕離青川二十餘里賊於石峽溝伏兵抵敵卑職等現在攻勦等情傳報前來臣卽嚴督後隊官兵馳至果見兩山夾溝逆賊恃其險要憑其火器甚是鴟張我兵俱屯夾溝難以用力卽令官兵併馬分爲左右上山總兵王進才遊擊黃進忠馬登仕吳志都守李洪許洪德等領兵由左叅

遊都守呂自魁王洪仁龔玉柱孫洪育李世勳

周士通馬成虎等領兵由右俱令攀崖鑽林而

上直拔賊後令叅遊都守胡攀桂鄭罷趙元輔

李尚翠劉虎孫洪謨等從正路夾攻上下相應

逆賊見我兵登山度不能支卽欲敗走我兵堵

截大殺一陣自未至酉殺死約計七八百名生

擒倒戈者五百餘名守備龔玉柱陣斬僞總兵

劉得芳把總李印芳生擒僞副將徐棟逆渠汪

文元隻身滾崖而逃其餘僞鎮各逆陣斬滾崖

奏疏存藁

卷之二

吳

跌死尚未分辨除仍嚴督官兵分爲兩路連夜追勦直下成都不可少緩臣收兵安民繕疏聞龍安僞總兵姜應熊松威道李成棟錢受祺知府宋永祚等文武投誠容臣查明印劄另爲具題有功官兵傷亡官兵及得獲盛甲器械馬匹旗幟劄付等項查明另報又據倒戈僞守備李復業供稱劉得芳係汪將軍下中鎮總兵徐棟係姜總兵下右營副將俱爲經制領兵官今日殺死者尚有領兵官多等語該臣看得青川一城

乃川西四通首要之區南去成都北通階文東接保寧西界松潘爲賊聚兵之所亦賊必防之地而陽平一路官兵於白水壩渡江實出不意今直搗其腹心用之得力成都自不能守是臣前疏全蜀可期蕩平之首驗也惟是保寧距成都八馬站官路不及六百里程途而白水壩距成都一千一百里山路遠近旣殊合併敘明伏乞

皇上睿鑒施行康熙十九年正月十七日奉

奏疏存彙

卷之二

辛

旨覽卿奏率領官兵追勦逆賊直抵青川大破賊衆陣斬僞總兵劉得芳等得獲盔甲器械等項恢復龍安府城具見籌畫周詳調度有方官兵奮勇深爲可嘉在事有功人員着議敘具奏該部知道

克取成都報捷疏

題爲官兵仰仗

天威屢敗逆賊直下成都克取省會文武投降全城底定謹恭報大捷情形事竊臣於正月初一日督兵破白水壩賊險浮水過江初三日大敗青川之賊并龍安文武投降誠緣由臣一面繕疏具題一面催督前探官兵急急尾追直下成都不可

稍緩使賊有備再發二敵官兵接應而龍安僞

總兵姜應熊僞川西道李成棟前任道錢受祺

奏疏存彙

卷之二

壬

僞知府宋永祚僞知縣張雲鳳僞叅將伏應登長官司王鎮土通判王啟睿等文武各官率領兵民番族人等繳印繳劄投降除當卽賞給袍帽鞍馬等項并委副將石福帶兵一千名前去龍安駐防招撫松潘一帶地方又留遊擊馮德昌帶兵一千駐防青川臣卽督兵前進隨接據前鋒總兵王進才叅遊王洪仁呂自魁等塘報卑職等追賊過青箐山不分晝夜不顧深箐險隘冰滑逆賊見我兵追急於深箐林木險隘處

所用鎗砲大刀拚命堵當我兵俱是步步努力
攻進此山上下五十里前後陣斬滾崖跌死逆
賊約計千餘生擒二百餘名初四日申時追至
舊州明月江有逆賊復來應援之兵斷橋守江
架使鎗砲卑職等督兵浮水直擁過江大殺一
陣擒斬四百餘名據生擒偽官王見李應龍等
供稱偽將軍吳之茂於十二月二十四日自古
城起身二十八日到江油縣過年總統王將軍
調了他兩次叫去昭化接應初三日聞的說大

奏疏存彙

卷之二

聖

兵過了白水壩的江打發李總兵帶我們兵一
千來此堵截拆橋等語具報到臣臣以成都爲
逆賊根本首要之地若賊入城攻圍不易遂
傳令總兵王進才叅遊王洪仁趙元輔呂自魁
李尚翠吳志柴英李洪劉虎岳天壽等分兵兩
路直撲成都臣督後隊官兵兼程前進於初八
日至綿竹地方偽勁武將軍汪文元迎臣繳印
投降初十日抵漢州拏獲偽監軍同知楊逢志
執逆渠王屏藩與偽虎牙左將軍韓天福公文

一角據稱奉差成都公幹王屏藩譚弘俱在保
寧設備死守伊於正月初四日離保寧大兵尚
在廣元又稱保寧實不知有此一路官兵從白
水壩過江前來連小的到漢州尚且不知等語
及閱逆渠手札係安慰逃官逃兵之語又據前
探官兵王進才王洪仁等報稱卑職等官兵追
賊不分晝夜偽將軍吳之茂係在先逃走汪文
元追急就降偽總兵王國臣李國華盧景泰雷
豐毛正義等俱各大敗四散入山奔逃初九日

奏疏存彙

卷之二

聖

追了一夜黎明槍門入城已將四門把守官兵
遵令俱在城上列隊候示有偽將軍韓天福在
前奔逃偽巡撫總兵文武兵民現在剃髮伺候
投降等情到臣臣卽督兵連夜前進十一日蚤
偽四川巡撫張文德爲成都鎮總兵王夢楨王
屏藩下偽前鋒總兵藍兆周爲援勦後鎮總兵
林國勝爲坐鎮總兵費培壯爲漢鳳鎮總兵張
友成爲靖蘆鎮總兵牟漢鼎吳之茂下偽前鎮
總兵郭繼祖爲內標中鎮總兵張象華等偽司

道董定國王律南廷鉉黃起廕等偽副叅遊守
陶國相官進俸等文武大小官二百餘員紳士
商賈兵民數千於二十里舖迎臣投誠臣遂一
一宣布我

皇上寬仁各宜安心不得驚慌并痛禁兵丁不許搶
掠入城卽爲出示安民查偽將軍一員偽巡撫
一員偽司道府州縣二十二員偽總兵一十八
員偽副叅遊都守千把一百六十三員各標營
偽兵五千餘名臣俱令各該總兵備細造冊容

奏疏存藁

卷之二

奏

臣查點明白酌定安插而倉庫錢糧卽委偽按
察司董定國署布政司事清查造冊不得欺隱
其文武偽官前後投誠緣由繳到偽勅偽印偽
劄數目得獲盔甲器械砲火馬匹等項倉庫錢
糧撫司冊報容臣查明另疏題

請開報而屢捷殺賊恢城有功官兵沿途追賊遇陣
傷亡水溺官兵十三年旗下被難官兵苦獨力
寶鷄益門鎮帶傷被執靖寇將軍標下官兵亦
俟查明具

題至生擒偽官偽兵臣仰體

皇上好生之德俱令剃髮示以不殺以廣招徠外該
臣看得成都一府乃四川省會爲雲南門戶旣
爲我取則滇黔震動且素稱沃野千里人民財
賦之鄉逆賊失此則無所恃矣官兵不出十日
而下雖曰兵貴神速然實由出其不意總皆仰
仗我

皇上天威

國家洪福所致惟是官兵不分晝夜追賊緊急如

奏疏存藁

卷之二

奏

白水壩至成都一千一百里程途而荒野蠻徑
兼之高山深箐大江惡石實有一千五六百里
寫遠馬匹沿途損傷丟棄者不計卽已到成都
者率皆疲乏已極除遣總兵趙名友遊擊趙光
榮守備于成龍帶兵一千前去中江縣潼川州
收復地方接應保寧遊擊馬登仕守備葉自昌
帶兵五百名前去招撫黎雅通建昌之路又令
守備陳英同投誠副將蘇虎遊擊馬忠帶兵五
百名前去簡州資陽招撫地方偵探重慶之賊

再遍發告示令旗招撫遠近州縣山林之民并
敗賊落草僞兵俟官兵到齊馬匹稍歇再爲分
遣相機進剿臣繕疏間復有吳之茂下僞左鎮
總兵王國臣前來繳印繳劄投誠臣亦撫諭安
插訖相應一併

題明緣係官兵屢敗逆賊恢復四川省會恭報大
捷情形貼黃難盡伏乞

皇上睿鑒全覽施行康熙十九年二月初二日奉

旨覽卿奏率領官兵沿途勦殺逆賊星馳前進直抵

奏疏存彙

卷之二

奏

成都僞將軍汪文元僞巡撫張文德僞總兵王夢
楨等文武官員人等相率投誠恢復省城具見籌
畫周詳調度有方首倡入川長驅克捷將士奮勇
深爲可嘉在事有功人員着議敘具奏兵部知道

題請安插投誠官兵疏

題爲成都既定松潘招撫投誠文武官員理應請
旨安插以奠封疆事竊臣前欽奉

上諭條奏兩路進兵者因十三年大兵於盤龍山乏

糧受困詢諸投誠官兵咸稱逆賊從青川白水

壩出陽平寧羗朝天廣元昭化抄我兵之後斷

我兵之糧故也雖彼時進兵諸臣不然兩路而

臣破白水壩之險大殺青川之賊直下成都不

十日而搗其腹心全川底定豈不爲奇正兼施

奏疏存彙

卷之二

奏

兵貴神速之證驗乎

聖明在上自有洞鑒臣何必頻言再

奏惟是將軍汪文元追急投降降成都文武不及戰

守俱皆投順官兵槍門入城原與傾心投誠者

不同因雲貴尚在負固人心尚懷疑畏此臣又

不得不叩懇

聖明請開

寬典以廣招徠查臣自恢復龍安克取成都招撫松

潘黎雅邛直隸等州投誠過僞將軍一員僞總

兵二十四員偽副叅遊都守千把三百餘員兵
五千餘名偽巡撫一員偽司道府廳州縣雜職
一百餘員土司一十三處臣思此項官兵必須
安插穩妥庶可無慮臣請照漢中投誠事例每
總兵一員留兵五百名下設遊擊一員守備一
員把總二員當選總兵六員挑兵三千名隨臣
征勦爲

國効力其餘兵二千及庸常不堪之官臣給執照
俱令解散爲民其不領兵應隨征者各照偽銜

奏疏存彙

卷之二

庚

削去一級換給劄付隨征効力所有偽文職司
道府廳州縣容臣試其才能察其實績堪任者
另疏請

旨不堪任者旗下官員勒令回旗吳逆藩下之人請
旨安插而各省民籍之人無論科目別途聽其自回
原籍以示我

皇上寬仁至偽巡撫張文德正黃旗廕生旣係旗下
人又爲偽巡撫不便留川理應候

旨回

京而臣復有請者投降隨征武職官員旣不便一
一請領兵部劄付大將軍駐劄隔省路復遠
臣旣爲一路總統應否准臣就近換給劄付合
併敘明總統聽議覆臣未敢擅便伏乞

皇上睿鑒勅議行臣遵奉施行康熙十九年二月十
六日奉

旨議政王貝勒大臣會議具奏

奏疏存彙

卷之二

庚

恭謝將軍 勅印疏

奏為

聖明恩遇過隆臣心愈切難安時以勦逆方殷謹仰

承

寵命恭謝

天恩事康熙十九年正月二十五日准兵部咨文從

御塘

頒發到微臣坐名

勅書一道勇畧將軍銀印一顆臣率行間將弁郊迎

奏疏存彙

卷之二

卒

至署恭設香案望

闕叩頭謝

恩訖念臣邊鄙散才庸碌無長謬任巖疆每懷不逮

卽前此請定漢南今議兩路平蜀實皆由我

皇上念切民生

廟謨正合

天意臣不過竭其心力少盡職分何敢當

勅諭褒嘉

恩綸優渥疊加無已耶理宜引分奏辭祇以時當用

兵正臣下竭忠奮力之會又不得不仰承

寵命益加黽勉除臣祇遵開印任事外謹恭

謝以

聞康熙十九年二月二十日奉

旨覽卿奏謝知道了該部知道

奏疏存彙

卷之二

卒

續報招撫偽鎮官兵疏

題為微臣遣發官兵陸續招撫到偽鎮偽兵解散

餘孽仰慰

聖懷以靖地方事臣查續經招撫到毛正義係吳之
茂下偽前鎮總兵官李應魁係吳之茂下偽後
鎮總兵官雷豐係杜學下中鎮副總兵王之翰
王之後係汪文元下偽中右二鎮副總兵再副
叅沈道通白俊楊福才等暨前陣斬之總兵劉
得芳生擒之副將徐棟投降之總兵王國臣姜

奏疏存藁

卷之二

空

應熊將軍汪文元等皆係前於密樹關徽州白

水江八堵山畧陽白水壩青川舊州等處與臣

一路官兵屢次對敵守險抗拒領兵之偽官也

逆賊自青川大敗後臣思成都為腹心若不急

急追殺使其入城拒守不獨攻圍不易而臣一

路官兵似覺深入於是嚴督官兵不許馱帶鑼

鑼帳房止拏隨身乾糧烘炒不分晝夜尾隨追

殺逆渠有追急投降者有逃遁入山者復慮此

輩潛伏山林蔓延為禍根株不靖終貽後慮遂

遣發官兵多方招撫方始陸續投順前來臣一

一仰體

皇仁發給照牌安插訖又段登仕係王屏藩下偽右
鎮總兵官胡振維係張起鳳下偽中鎮總兵官
劉振傑係張起鳳下偽右鎮總兵官并副叅蘇
虎畢成英龍見翼朱相姚應方馬希旺潘騰熬
任定國李先柱楊玉等各帶兵不等繳有印劄
投誠前來查皆係保寧昭化不戰自回顧家之
官兵臣亦一一安插訖二項官兵雖非首先効

奏疏存藁

卷之二

空

願亦當槩請

寬仁應否照臣前疏奏

請各照偽銜削去一級換給劄付隨征効力以廣招

徠伏候

睿裁至於兵丁亦止選其堪以入伍者留營其不堪

充兵者隨即給照解散為民所有繳到偽印劄

付另疏彙繳外相應具

題伏乞

皇上睿鑒勅議行臣遵奉施行康熙十九年三月初

二日奉
旨該部議奏

奏疏存彙

卷之二

畜

續報招撫并請土司號紙印信疏

題爲恭報微臣遣發官兵陸續招撫過各路地方

文武官員并土司番族人等仰慰

聖懷以奠巖疆事竊照微臣一路官兵十日之內克

取成都文武投降全城底定緣由已經具

題在案而松潘威茂黎雅建昌敘府永寧等處臣

復兩經遣發官兵去後查松潘偽署總兵謝掄

暨標下中左右三營偽遊擊王忠韓可世李士

麒漳臘偽遊擊史鳳平番偽遊擊段成功疊溪

奏疏存彙

卷之二

奎

偽遊擊熊夢芳小河偽遊擊馬守印威茂偽叅

將王成庫黎雅偽遊擊白玉顏松潘衛掌印偽

守備徐永翼大渡河守禦所偽千總姚文蔚茶

馬偽通判馬俊德威州偽知州劉星臨茂州偽

知州張懋德石泉偽知縣熊士章安縣偽知縣

馬希上漢州偽知州杜同春綿竹偽知縣蘇龍

門彭山偽知縣朱偉新繁偽知縣彭如珍金堂

偽知縣王鏞新綿州偽知州何淪崇寧偽知縣

楊兆昕什邡偽知縣蔣玉侯彭縣偽知縣張廷

翰灌縣偽知縣張以成鄆縣偽知縣王鳴瑞崇慶州偽知州尚希堯德陽偽知縣黃彪彰明偽知縣潘驥簡州偽知州裴繼遠并研偽知縣洪灝資陽偽知縣王肅內江偽知縣田鳴鳳仁壽偽知縣涂應詔溫江偽知縣宋應鴻新都偽知縣李湜資縣偽知縣尹嗣陟邛州偽知州游恪大邑偽知縣張蘊保縣偽知縣潘國忠汶川偽知縣張五典洪雅偽知縣何瓊眉州偽知州羅天柱蒲江偽知縣蔡乾夾江偽知縣史紫宸中

奏疏存彙

卷之二

奏

江偽知縣趙景清丹稜偽知縣陳景藩威遠偽知縣毛雲昇榮縣偽知縣蘇景湯雅州偽知州常念茲名山偽知縣周維新榮經偽知縣羅安蘆山偽知縣張學堯等又黎雅天全六番招討司高一柱烏思藏大國師野什着麻靜州長官司董應詔隴木長官司何延禧岳希長官司坤倫長寧安撫司蘇天榮水草坪土巡檢蘇廷賓松溪長官司孫萬受牟托土巡檢溫尚卿寒水土巡檢高元鼎瓦寺安撫司坦朋吉卜雜谷安

撫司桑吉朋永平長官司李聯桂壩底長官司唐國柱等各率所部官兵漢土番民前來成都繳印繳劄投誠臣俱一一頒賞換給執照委牌訖又偽親軍昭勇將軍劉之衛下中鎮偽總兵李芳述前鎮偽總兵鄒九疇右鎮偽總兵蔣榮德偽坐營副將陳元敘馬營偽副將蕭琛各率所屬遊都守千把差人自敘府前來投誠又偽川南道郭友龍率敘州偽知府夏允中偽通判蘭薰宜賓偽知縣王朝聘督糧偽同知王基等

奏疏存彙

卷之二

奏

亦差人前來投誠臣俱頒賞給示令其速行前來外查自破白水壩青川恢復龍安克取成都以來招撫過偽將軍汪文元偽巡撫張文德偽總兵姜應熊王夢楨張友成藍兆周郭繼祖費培壯王國臣毛正義李應魁胡振雄劉振傑段登仕葉桐張象華林國勝牟漢鼎李執中梁凝祺蕭應舉馬進玉王美楊應麟劉光臣陳元孫攀孝劉耀潘彭鄭萬梁優泰王勝等偽副總兵雷豐王之翰王之俊陳賢等偽副將叅遊沈道

通蘇虎費重振仲玉位蕭秉隆買陞泗陳守福
陶國相官進俸楊嘉珍等偽司道董定國李成
棟王律南廷鉉黃起廕張元凱等偽府廳王鼎
宋永祚魏哲王任弼等以及州縣土司等官共
六百八十二員共繳到偽勅三道偽金方印一
顆偽銀方印一顆偽銅印關防條記一百三十
四顆偽劄六百八十二張理應差官填給火牌
另爲齎繳相應

題明至各路土司不比偽授文武官員必俟投誠

奏疏存藁

卷之二

堯

後繳到印劄方始具

題請

旨授銜臣請將川省各路土司應得

勅書號紙印信

勅下該部查照

典例速爲頒發行臣就近一面招撫一面卽行頒給

使遠人蚤覩

聖朝舊制踴躍歡呼則滇黔諸司無不望風響應恐

後矣伏乞

皇上睿鑒勅議施行康熙十九年二月二十八日奉
旨該部速議具奏

奏疏存藁

卷之二

堯

請設蜀省經制官兵疏

題爲川蜀既經恢復經制官兵理當速爲請設急備征防以安人心以固巖疆事竊惟四川一省處萬山之中有大江之險與滇黔秦楚爲鄰得之最難守之不易自古迄今歷歷可考而成都省會尤腹心重地卽我

朝前此進兵言取川省者經年累月糜費錢糧不知凡幾今仰仗我

皇上威靈官兵用命不十日而搗其腹心各處盡皆奏疏存藁

卷之二

七

披靡可謂得之最易矣然滇黔未下戰守之計不可不急爲籌畫如臣所統陝省遠征之兵自白水壩破險渡江兼程追賊旬日之內跋涉一千五六百里馬匹損傷甚多步兵經此長途亦多疲憊除去留守白水壩青川龍安等處并節次遣發於松茂建昌黎雅瀘州敘府各路勦撫在在需兵分佈不周且省會城垣四十里州縣幅幘三十處更有敗散逆兵潛伏山林尤爲可慮臣欲仰遵

勅諭移文大將軍再調陝省兵三五千前來分防不

獨不能應手亦恐跋涉至此驟難爲用臣之淺

見不若急復經制以川省用川兵之爲愈也查

松潘乃極西重地建昌永寧逼近滇黔我

朝舊制松潘建昌永寧原設三鎮後以永寧爲腹裏

裁鎮改協今當請照舊制仍復三鎮速爲設官

立兵以資彈壓所有應設經制武職大小官弁

容臣另疏具

題其經制兵丁臣請將前疏

奏疏存藁

卷之二

三

題留隨征投誠官兵及今陸續招撫到未經具

題官兵分發三鎮入爲經制數目不足者卽於本

地嚴查將逃回落草原日兵丁補足甚爲兩便

惟是新設官兵急需俸餉臣叩懇我

皇上勅諭速爲撥發星夜前來蚤爲安插庶地方人

心自定而新復巖疆得收現成之兵征防大有

裨益矣緣係請設經制官兵急備征防事理貼

黃難盡伏乞

皇上睿鑒全覽

勅議行臣遵奉施行康熙十九年三月初五日奉
旨該部議奏

奏疏存彙

卷之二

奎

遣員招撫逆渠疏

題為欽奉

勅諭事康熙十九年正月二十五日准陝西撫臣杭
愛咨准兵部咨開照得內閣發出招撫譚弘

勅諭一道松潘土司番民人等

勅諭一道應交驛站齎送陝西巡撫杭愛處并譚天
敘送赴將軍管寧夏提督事務趙良棟軍前令
其往撫譚弘松潘土司番民人等

勅諭一道送赴將軍王進寶軍前俱聽伊等酌量設

奏疏存彙

卷之二

奎

法發與番民土司可也等因到院准此所有譚
天敘并

勅諭相應咨送為此合咨貴將軍煩請查收見覆施
行等因到臣該臣查得松潘威茂所屬土司番
民於

勅諭未到之前俱相繼繳印投誠臣一一撫賞換給
執照訖其發到

勅諭自應另疏齎繳而副將譚天敘臣令齎捧

勅諭由重慶一路招撫譚弘復遣投誠總兵牟漢鼎

協同前去俟有就撫情形或就近赴將軍臣吳丹王進寶處具

題或仍赴成都徵臣具

題總論二弁取便蚤爲復

旨外所有起發過緣由相應

報明至郭壯圖胡國柱夏國相吳應期馬寶我

皇上旣沛寬仁特降專

勅許其開導吳世璠投誠臣准陝西督臣哈占送到

刊刷謄黃臣復一一致字交接誠副將張鳳翊

奏疏存藁

卷之二

旨

差家人張得成王友齋執前去貴州招撫於二

月初十日起行訖再查張鳳翊與郭壯圖爲姑

表弟兄曾任黎雅僞遊擊已經辭職現住成都

合併敘明伏乞

皇上睿鑒施行康熙十九年三月初八日奉

旨覽卿奏松潘威茂所屬番民相繼投誠知道了該

部知道

題報恢川清出賊遺糧餉疏

題爲已克之蜀省秋毫未動遠道之秦民輓運爲

艱官兵行糧料草急宜措備謹敘明撫司冊報

仰祈

睿鑒勅議事臣查成都乃四川省會錢糧賦稅總彙

之所且欽奉

上諭以後所至地方必先清查遺糧爲急務臣入城

之日首以倉庫錢糧爲重卽令僞巡撫張文德

仍暫行巡撫事僞按察司董定國暫署布政司

奏疏存藁

卷之二

旨

事清查造冊開報并嚴禁官兵於城上列隊安

民三日後方許下城下城之日嚴禁槍掠卽民

間鷄犬不許驚擾而市肆照常總皆仰遵

功令救民於水火之中惟是官兵日用行糧料草理

當急爲供辦今據撫司報稱我

朝舊制四川一省每年額徵丁糧條銀學租銀鹽茶

稅課魚油井磨雜課并石碓西陽土司糧銀等

項共合銀六萬五千九百兩零本色京斗米九

千四百三十五石零其外兵餉全賴協濟銀兩

於外省至逆賊蹂躪以來節年加派雖多俱係偽將軍王屏藩偽總督王公良偽將軍韓天福經理有差官徑收徑解者有差官徑赴各處提解者有布政司轉解者年終總報撫院銷算布政司各有交代冊可考偽布政魏峻於大兵未到之前逃走庫內存貯止有偽錢五百四十二串絹三疋珊瑚素珠一盤偽廢銅印一十二顆其庫內銀二千三百四十九兩係偽將軍韓天福臨走拏去止有按察司衙門存庫罪贖銀二

奏疏存藁

卷之二

美

百九十八兩并倉內現貯京斗米二千零一石六斗合放兵樣斗實一千三百九十九石一斗所有十九年應徵各項錢糧尚在各州縣催徵未經入庫等情冊報前來臣以錢糧事關重大省會地方何止此數所報是否實情難以遽信令其將已徵未徵在官在民各數目分別欸項造冊咨送戶部查考仍俟新任撫臣布政到日通行查報又據前遣招撫遊擊馬登仕守備葉自昌報稱雅州名山榮經蘆山各偽州縣官常

念茲周維新羅安張學堯等繳印投誠共報收貯錢糧銀一千三百五十七兩礪紫所收稅偽遊擊劉定國王國泰等公報收存稅銀二百一十五兩二項共銀一千五百七十二兩等情又并研偽知縣洪灝稟首未起解米折銀一百七十兩仁壽縣偽知縣涂應詔稟首未起解舊派餉銀三十兩新派餉銀二千八百八十九兩除前後批解五百三十兩外尚餘有陸續徵收過零銀因冊籍在縣未查的數連銀并冊俱交經

奏疏存藁

卷之二

老

承收執請示交代等情臣俱批行布政司查核明白收庫分晰造冊報部作正開銷至川民雖云被賊蹂躪六載橫徵暴斂苦不堪言然臣一路官兵所到地方秋毫無犯農耕於野商安於市廬舍田疇一無侵擾如此其供辦徵臣所統一路入川官兵行糧或亦不難况平慶臨鞏四府之民自用兵以來輓運無休可謂苦極且途長路險又不通舟楫再難令其遠為跋涉臣已行令署布政司事偽按察司董定國署糧道事

同知傅作楫將十九年應納糧米遵照我

朝舊制於各州縣催徵急供軍需不足者俟協餉到日卽爲招買所有協餉銀兩臣移會督臣哈占急爲接濟至官兵十日之內克取成都倍道兼程無分晝夜馬匹率皆瘦損不堪必須急急加料喂養但蜀省向無應徵豆草經制馬匹俱支乾銀欲行招買又無應動銀兩臣只得亦行布政糧道二官於附近州縣善諭百姓催收料豆接濟急需俟協餉到日補發招買銀兩而各民

奏疏存藁

卷之二

矣

感激無擾之恩勉力樂輸接濟目前自難久繼必俟協餉銀兩星馳解運前來庶可有濟緣係題報川省錢糧并請速發協濟銀兩供辦緊急軍需事理貼黃難盡伏乞
皇上睿鑒全覽
勅下速議施行

招撫建昌敘州馬湖文武疏

密題爲恭報微臣遣發官兵招撫到建昌敘府馬湖文武官員并逆孽僞勅僞諭情形仰祈
睿鑒勅議蚤奏蕩平事竊臣恢復成都之後兩次遣發官兵於建昌敘府等處相機勦撫并敘府文武差人通款緣由業經

題報在案茲於二月十四日據臣標左營遊擊龔

玉柱投誠遊擊楊嘉珍等塘報蒙差卑職等統兵招撫敘府等處除李總兵郭道官遵令前赴

奏疏存藁

卷之二

矣

成都投見已經具報訖二月初七日有投誠鄒總兵下把總王得勝從重慶前來卑職查問重慶情形據稱重慶十五日聞得成都失了大家都慌亂起來督標楊總兵逃奔貴州姜總兵李錢二副將出城不知何往民俱逃散城已空了知府文官俱來敘府投誠夔府巫山於正月二十七日差僞官僞兵前來重慶報捷見重慶慌亂來人將旗插在河對面仍奔逃回去把總係正月二十九日自重慶起身前來等語轉報到

奏疏存彙

卷之二

全

臣又據該遊擊等同敘府投誠總兵鄒九疇蔣榮德副將蕭琛等報稱率職等前差人往永寧暗通書信於本月初七日未時分途遇有偽總兵高元烈差偽千總張富廣不敢前來轉差偽兵一名楊二執文二角係與敘馬營蕭將官之文卑職等公同拆視逆賊有三路進兵之語卑職等一面遣發官兵偵探外今將原文二件一併呈驗等語又偽總兵李芳述偽川南道郭友龍前來成都見臣繳驗到逆孽吳世璠偽諭一道內係諭令總兵李芳述等官兵前去保寧會合緣由并偽虎牙將軍韓天福偽布政魏峻與該道郭友龍照會咨文二件內係要脅敘城文武聚兵意圖復舉等語再該鎮道口稟在先止知大兵俱由保寧一路原不期青川一路官兵來得如此迅速一聞成都失了人心慌懼戰不敢戰守不能守卽重慶之賊聞風亦皆膽寒又李芳述復稟彼聞得成都之信卽兩次差人暗去撤調原留守巫山之兵若彼兵一退各家兵

俱不能守湖廣大兵一進可以取得夔府各等情到臣臣卽厚賞并宣布

皇仁令其候

旨從優敘錄外該臣看得四川一省有重山之險有大江之阻實爲滇黔倚恃重地連年逆賊敢於抗衡無恐者賴有此也今成都腹心既失處處已在瓦解當此人心震動之際各路官兵理宜急急攻進如湖廣廣西官兵此時有無進取以及兵抵何處相去寫遠臣不能知而重慶如此

奏疏存彙

卷之二

全

慌亂城竟騰空至正月二十九日保寧大兵尚無消息更不知有何阻隔竊憶逆孽偽諭一云督兵前赴保寧一云婚期尚遠業停返滇之議以及全粵歸正三路發兵之語雖詞涉狂悖然揆情度勢不過勉強聲言借此以安人心如我兵各路爭先而進正逆賊亡魂喪膽之時戰旣不能守亦無措今建昌鎮道差遊擊吳化龍同臣原遣招撫遊擊治國用已將印劄繳到成都而馬湖文武亦皆相繼投到是川南已定矣其

夔府遵義重慶理宜急取而湖南廣西均應努力進攻蚤奏蕩平倘稍遲迴大失機宜在諸臣誰無効力之心豈臣所可遙度惟是南方烟瘴之地江河甚多若過此時天氣炎熱陰雨連綿用兵甚難至敘府文武不奉偽諭偽行拒賊獻城來歸可謂真心向化與尋常投誠者不同臣叩懇我

皇上大沛寬仁仍照總兵王進才事例俱准給以原官以開滇黔招徠之門除繳到偽勅諭偽牌票

奏疏存藁 卷之二

全

另文送部其應否

進呈自聽部臣酌行相應具

題伏乞

皇上睿鑒勅議速覆施行康熙十九年三月初六日

奉

旨覽卿奏招撫到建昌敘州馬湖文武官投誠川南

底定可嘉知道了餘著議政王貝勒大臣

奏該部知道

奏疏存藁卷之二終



奏疏存藁卷之三

目次

控辭雲貴總督疏

報明被執滿漢官兵疏

題補松潘建昌兩鎮疏

題請川蜀司道疏

恭謝 欽賜弓馬疏

預籌進滇機宜疏

招撫建昌五衛地方疏

奏疏存藁

卷之三

目次

一

招撫永寧一帶地方疏

題報官兵守禦永寧情形疏

會議進勦機宜疏

建昌官兵堅守城池疏

查獲賊遺馬騾補給分賞疏

官兵應援永寧飛報大捷疏

獎薦偽員以勵後効疏

接任雲貴總督謝 恩疏

密陳統馭官兵情節疏

永寧復敗逆賊大破勁敵疏
遵諭再遣官兵堵勦疏

奏疏存藁


卷之三 目次

二

奏疏存藁卷之三

奏為

控辭雲貴總督疏



聖明寵命自天微臣措躬無地謹據實引辭以安愚
分以重巖疆事康熙十九年二月十六日准吏
部咨文選清吏司案呈奉本部送吏科抄出本
部題前事康熙十九年正月二十七日奉

旨議政王貝勒大臣九卿詹事科道會議具奏欽此
該臣等公同會推得雲貴總督員缺於康熙十

奏疏存藁

卷之三

一

九年正月二十九日奉

上諭雲貴係邊疆重地苗民雜處總督關係最為緊
要必得才猷超卓之人方克勝任將軍趙良棟謀
勇茂著操守清廉雖係武員通曉文義改為雲貴
總督仍兼將軍必能綏靖地方安輯兵民著議政
王貝勒大臣九卿詹事科道會議具奏欽此將趙
良棟以勇略將軍授為兵部尚書兼都察院右
副都御史總督雲南貴州等處地方軍務兼理
糧餉查雲貴總督舊

勅關防俱係綏遠將軍湖廣總督蔡毓榮收貯俟命下之日其新

勅吏部移揭內閣撰寫發出交與兵部馳驛速行移送其關防移咨綏遠將軍總督蔡毓榮速委能員轉送趙良棟舊

勅繳部可也等因康熙十九年正月三十日奉

旨趙良棟着以勇略將軍授爲兵部尚書兼都察院右副都御史總督雲南貴州等處地方軍務兼理糧餉寫勅與他徐依議欽此欽遵抄部送司相應

奏疏存彙

卷之三

二

行咨案呈到部擬合就行爲此合咨前去煩爲

欽遵查照施行等因到臣臣開讀之餘莫知所

以伏念臣本邊鄙武人未嘗學問蒙我

皇上不以臣爲謏陋三任總兵再昇提督復加將軍而臣每懷蚤負深慮無以報稱有辜我

皇上知人之明如臣前任大同因清兵餉而遭眾忌

更調天津重

畿輔以抑豪強六年之間氣血耗盡再寧夏變故

時當緊急我

皇上方歷西顧之憂正臣子捐軀報効之日臣因馳驛兼程冒危直入其間安反側收人心擒元克正

國典皆行之於賊勢方張之會數月以來心力交盡且臣身歷疆場已四十載從前之傷勞過多方少壯時尚不自覺年過五十百病漸侵比年扶病藥食相半再去歲十月攻克密樹關進取徽州畧陽今春元旦破白水壩之險大敗青川之賊恢復龍安直下成都獨枕戈擐甲履山

奏疏存彙

卷之三

三

過水與賊步步爲敵而追賊緊急日行二百餘里筋力疲憊甚覺難支大非昔日可比及抵成都安插投降解散賊勢遣發官兵分佈勦撫漢土官員安戢兵民接見批答日無寧晷事益繁而食益少矣今則耳聽不聰目視不明肌膚銷爍鬚髮斑白不敢言老言病尚勉強支持者總以川蜀正在收復

君命爲重不知有身也今我

皇上復

特授臣以雲貴總督更荷

天語過分褒嘉即使微臣捐糜頂踵不足仰報安敢

引辭惟是滇黔要地總督重臣實非衰老武人

所可勝任伏乞

皇上鑒臣愚忠收回

成命使臣仍以原官統領原兵相機進勦以竟微臣

仰報未盡之心庶

廟堂之上無濫予之恩榮而邊徼武臣亦得自安愚

分矣臣不勝悚切待

奏疏存彙

卷之三

四

命之至謹具奏

聞伏候

勅旨康熙十九年三月十七日奉

旨卿才品優長久鎮巖疆勞績素著簡任雲貴總督

正資料理着祇遵成命不必控辭該部知道

報明被執滿漢官兵疏

題為報明被難滿漢官兵事臣查張耀先高陞等

二百六十八員名俱係八旗官兵苦獨力乃於

康熙十三年盤龍山乏糧受困暨十四年白土

關事變兩番被難之人也陷身於賊中者六年

雖未見害而其間拘繫防嫌之苦真不啻九死

一生矣今成都既復臣行令各鎮營并布政司

於各該地方遍為清查臣俱日給以口糧暫為

安插查此項官兵自應歸旗但蜀省正在用兵

奏疏存彙

卷之三

五

或俟將軍臣俄克濟哈到日認明旗分統領或

徑令來

京惟候

旨遵行除取具各官兵花名冊咨送兵部外理合具

題再寶鷄益門鎮受傷被執靖寇將軍標下官兵

季魁元等六十一員名哭訴羈禁情由亦皆堪

憫且各去衣驗傷體無完膚臣知俱是堪以戰

陣之人請暫留軍前給以衣甲馬匹什物隨征

為

國効力臣未敢擅便伏乞

皇上睿鑒勅議行臣遵奉施行康熙十九年三月十

八日奉

旨兵部議奏

奏疏存彙

卷之三

木

題補松潘建昌兩鎮疏

題爲請補新復要地重鎮急爲整頓以備征勦以
奠巖疆事查臣以川省新復遵照舊制請將松
潘建昌二鎮速爲設立官兵并永寧仍改總兵
等緣由已經具

題在案除永寧一鎮應否復設總兵候

旨遵行外如松潘乃極西要地建昌逼近雲南總兵
一官必須幹才夙將老成練達之人方克勝任
而總兵員缺例應候部推補請

奏疏存彙

卷之三

七

旨欽定但蜀疆初復需才甚急臣既不敢越分妄

題使偏裨之將驟膺大任然亦不敢緩待有誤軍
機大事臣查新補福建興化總兵官高鼎膽勇
素著廉介持心前署花馬池副將頗見其效及
隨臣征防鳳翔愛恤士卒調度合宜今興化總
兵員缺閩省題

請有人而高鼎正在候補合無改補松潘鎮總兵官
於新復地方大有裨益再鞏昌城守副將馬山
忠誠謹厚沉毅有勇臣於十七年自秦州旋師

路過鞏昌接見之間知非常品且係十三年揀
選陪推過總兵員缺之人臣請補授建昌鎮總
兵官不獨防勦有賴亦可爲心腹之寄以上二
員所當急請用於新復地方以奠巖疆以收實
効者也倘蒙

俞允臣更請將總兵高鼎

勅令馳驛星速前來整頓兵馬料理地方急備征勦

臣未敢擅便伏乞

皇上睿鑒勅議速覆施行康熙十九年三月二十二

奏疏存藁

卷之三

八

日奉

旨兵部議奏

題請川蜀司道疏

題爲特舉所知司道恭請就近補授急備糧芻以
資進勦事竊惟四川乃滇黔門戶秦楚藩籬而
成都省會沃野千里古稱天府之國自明末張
獻忠蹂躪人民殺戮已盡城郭荆棘村社丘墟
迨我

朝定鼎三十餘年以來生聚培養稍有起色然元氣
尚未盡復而又值吳逆構亂荼毒六載橫徵暴
斂百法搜求民之流離不堪言矣雖臣仰體我

奏疏存藁

卷之三

九

皇上好生之德所至地方秋毫無犯然甫出水火必
須加意撫綏况雲貴未下大兵屯集輸將輓運
更藉民力司道知府非得循良素著之人無以
資保釐而辦

國事今布政司雖

題補有人久在保寧尚未抵省任事而按察司署
布政司事董定國係投誠之員尚未授職終覺
呼應不靈不獨臬司一官法紀總司當大變之
後人心澆漓明刑弼教不可乏員而軍興旁午

糧芻供應浩繁勢必多員協同料理查陝西京莊道金星賁才優經濟氣宇老成於去年十月初二日自清水統兵起行以至克復徽州畧陽陽平平慶道龔榮遇推病不前糧料積欠竟至七十餘日該道接代之後甫一月盡行補足及臣由陽平渡白水壩該道親身督運源源接濟可謂急公臣請補授四川按察司協辦軍需又岷州撫民同知傅作楫延安神木同知劉得弘青年英敏皆係旗員督運軍前著有勞績臣請

秦疏存藁

卷之三

十

將傅作楫補授建昌道劉得弘補授永寧道俱令暫駐省城措辦大兵糧料再進定雲南建昌永寧兩路用兵二處急須預備行糧如建昌一路行糧自在成都供給永寧一路行糧當由保寧仍藉秦省輓運庶克有濟若不急設專員恐致貽誤軍機况三員皆現在軍前供辦糧芻勤劬盡職以之就近補授司道非徒取其才能實以酬其前勞而勵後効也至於成都知府乃一郡首領當百務肇興之始必得才智超衆之人

方能振刷查寧夏安定堡守備陳陞老成練達奉職惟謹連年隨臣征防及今進勦經支大兵糧草在在清楚且係科目出身頗諳治體臣請改補成都知府才品相當使其就近供辦大兵糧餉整理地方可稱任使臣以兵糧有關軍機重務起見倘蒙

俞允則新復巖疆可收得人之效而進勦駐防兵糧亦不致於匱乏矣臣未敢擅便伏乞

皇上睿鑒勅議速覆施行

秦疏存藁

卷之三

十一

恭謝 欽賜弓馬疏

奏為

聖明寵錫疊優微臣撫躬慚愧謹具疏恭謝

天恩事康熙十九年二月二十五日蒙

皇上特遣侍臣吳黑暨臣子廕生趙弘燦至蜀口宣

溫旨并

賜臣弓一張馬六匹臣即郊迎入署恭設香案望

闕叩頭謝

恩訖竊念

奏疏存藁

卷之三

三

大內彤弓天閑上駟稽之古典原出

朝廷重有功而錫元勳微臣何能敢邀

異數且

特命臣子就便省視使臣得遂舐犢私情是我

皇上重念邊臣

寵眷愈隆而微臣捐糜益切難報矣謹奏

謝以

聞康熙十九年四月二十一日奉

旨該部知道

預籌進滇機宜疏

密題為微臣謹遵

天語敬陳愚忠仰祈

睿裁事竊臣荷蒙我

皇上格外仁慈恩加無已除另疏叩謝

天恩外而臣子復宣

聖諭如臣有所請准密疏奏

聞仰見我

皇上下體邊臣無所不至念切封疆

奏疏存藁

卷之三

三

睿慮周到臣之愚忠既邀

聖明洞鑒則下情無可陳無可奏矣惟有乘此餘年

竭蹙駑鈍報答

高深當此滇黔未下逆孽未靖人臣分當滅此朝食

敢以淺見為我

皇上一一陳之查滇黔所恃者以四川為捍蔽有四

川則滇黔有所恃無四川則滇黔無所守是滇

黔之得失全在四川今四川既為我得彼逆賊

所處之境地猶人之無肩臂屋之無牆垣焉能

持久且吳三桂死後餘孽中惟有一吳國貴尚
可支撐今國貴復死則彼中無人矣至吳應期
胡國柱輕佻小人素不服衆郭壯圖原未經事
不堪大任即使老成之將練達之才此時此際
亦難爲之收拾况兵無餉而不戰民懷怨而離
心馬寶王會高啟隆反覆不常事急則自爲身
謀之不暇又何足慮且吳世璠已退回雲南其
心虛膽怯又可槩見矣胡國柱留貴州馬寶等
在辰沅武岡不過勉強支持湖廣大兵一加努

奏疏存藁

卷之三

四

力賊自奔逃是湖廣官兵應請

勅限以立取貴州廣西泗城州於八答河過渡乃昔
年固山招不太進兵之路由安籠出雲南之交
水又廣西思南府走入礙青羊江過渡由廣南
府出雲南之維摩州四川成都府走黎雅天全
招討司過大渡河卽瀘江由建昌會川金沙江
出雲南之武定府又四川保寧府下重慶或走
七星關或走永寧俱適烟方堂堂可渡橋出雲
南之霑益州以上川廣四路官兵限以立取雲

南如成都至建昌二十站建昌至雲南又二十
站官兵於成都起行時可帶二十日口糧至建
昌再支二十日口糧以上糧米應在成都敘府
瀘州預備蚤爲運送其保寧一路兵糧當借順
江之便可下重慶應於保寧各兵按日帶糧至
重慶又於重慶按日支糧此又在統兵將軍等
酌定倘保寧重慶遵義民未流離尚可備糧不
用秦省接濟又在彼處文武酌定如此則兵不
乏食踴躍前進民無驚擾地方安堵惟是逆渠

奏疏存藁

卷之三

五

藩下舊卒皆同休共戚之輩起釁構亂之人當
此退無可退守無可守妻子在滇不降則惟有
拚命死戰猓猓苗蠻得其心爲我用失其心爲
彼助不可不備亦不可不籌今滿洲馬匹甚是
瘦弱內侍臣親見而建昌永寧重慶無糧不問
可知若日養馬轉盼夏初南方烟瘴之地不第
炎熱人馬生疾抑且陰雨連綿江河水大難渡
若日到處尋糧不獨大山深林無糧可尋抑恐
一失蠻彝之心處處皆賊矣况兵貴神速要在

人強馬壯兼以天時地利一發卽到一到成功使賊莫敢當不能敵庶得有濟若不預爲籌定到處假以尋糧放槍託以馬瘦遷延一失軍機究何裨益與其速進不若緩進此又微臣鯁鯁過慮不得不併預爲陳明於我

皇上之前俯賜

睿裁者也倘臣言不謬請

勅諸臣嚴督滿漢官兵上緊喂馬四川陝西督撫司道急急備糧湖廣廣西統兵將軍實切整兵會

奏疏存藁

卷之三

六

定日期於八月終各路一齊進發直搗雲南賊自瓦解庶出萬全至禁止搶掠原以重民生而培元氣懷遠人而服蠻彝不令一夫失所此固人人能言及至實實奉行民已不堪命矣想亦難逃

聖明洞鑒臣又不得不重爲陳

奏仰懇我

皇上嚴綸再加申飭蚤恢疆土者也以上條奏雖出臣之愚昧然皆因時酌宜真知確見之事非敢

以泛言臆說而貽

君父南顧之憂也緣係遵奉

天語密陳進勦機宜事理伏乞

皇上睿鑒全覽施行康熙十九年三月二十三日奉旨這所奏進兵機宜最爲緊要議政王貝勒大臣會

同速議具奏

奏疏存藁

卷之三

七

招撫建昌五衛地方疏

題爲再報微臣屢遣官兵招撫過建昌五衛地方

已抵會川直道金沙江情形仰慰

睿懷事竊臣先遣投誠遊擊冷國用費重振溫光顯

陳世虎續遣遊擊馬登仕守備葉自昌并再發

叅將呂自魁遊擊鄭有榮投誠總兵胡振雄前

後共帶官兵二千前去建昌一路招安地方相

機勦撫去後除節據各官塘報招撫過黎雅天

全漢土官員暨建昌鎮道差員繳印繳劄投誠

奏疏存彙

卷之三

六

緣由俱經前疏

題報外今於三月初二日據投誠總兵孫佳報稱

卑職雖身受僞職心戀

闕廷自大兵臨境已將被脅情由并建昌文武僞印

九顆僞劄二十四張當卽差官齎繳訖所有建

昌鎮屬營汛如峩邊黎雅就近歸誠各官印劄

自行報繳寧越冕山越雋化林四汛亦俱歸正

其僞印十一顆僞劄三十九張移交叅遊冷國

用費重振等彙轉至會川乃滇蜀接界要隘又

探得賊兵有渡金沙江之語卑職星夜催調冕

越寧黎各路官兵並遣發職標三營遊擊劉登

賢何鳳岐宋之蘭等同本將軍發到官兵前去

相機堵禦外理合報明等情三月初四日又據

該總兵孫佳報稱會川僞遊擊楊春明差把總

蔡二前來歸誠齎繳會川營衛所學經歷僞印

五顆僞劄九張一併移交差官轉繳外緣係帶

兵率土投誠五衛悉歸版圖事理理合詳明同

日又據臣原遣遊擊冷國用等報稱卑職等統

奏疏存彙

卷之三

九

領官兵前於二月初九日抵建昌所有招撫到

化林寧越越雋冕山各衛所官員印劄卑職等

卽逐一造冊專差呈繳今於二月十五日兵抵

會川投誠營衛所學經歷等官繳到僞印關防

六顆僞劄十一張卑職等查收彙繳至於金沙

江已會遣官兵前去俟有的確情形另具塘報

等情繕疏聞於三月初六日復據總兵孫佳遊

擊冷國用等公同塘報內稱會川營衛官員投

誠及發兵前去金沙江卑職等已經具報在案

今據自雲南貿易客民稟稱正月二十三日自雲南起身偽線將軍於正月二十日先發一箇將軍四箇總兵領兵萬餘駐劄馬街子聽得建昌已經接順又發一箇將軍姓謝帶四箇總兵不知有多少兵馬的於二十六日起身要過江由建昌入川偽洪化於二月初四日自貴州起馬回滇郭將軍夏將軍隨來胡將軍留守貴州等語卑職等復添撥官兵前去金沙江堵禦俟另有情形再爲馳報各等情到臣臣卽飛檄各

奏疏存彙

卷之三

三

官嚴加把守江口靜候調遣外該臣看得建昌乃全川極南重鎮會川接界雲南爲進定滇省必由之路大渡河象嶺最險最要從來得之不易臣先遣官招安繼發兵勦撫今黎雅諸土司俱降大小象嶺瀘江建昌會川五衛俱爲我有而逆賊所恃所守惟一金沙江耳除進兵機宜臣已另疏

題奏外所有各土司印信號紙蚤請

頒發已經具疏而總兵孫佳不獨首先歸誠抑且調

度官兵招撫地方爲

國効力更不可泯并黎雅會川冕越鹽山等營亦不便遽爲委官臣俱准其照舊管理營汛把守江口堵禦逆賊仰懇

聖明勅下從優議敘一以備進滇鄉導一以開招徠之門則滇黔諸逆聞風來歸恐後矣其繳到偽印偽劄容臣彙齊造冊另繳相應具

題伏乞

皇上睿鑒勅議施行康熙十九年四月初二日奉

奏疏存彙

卷之三

三

旨覽卿奏遣發官兵招撫到黎雅諸土司建昌等五衛俱繳印劄歸誠可嘉着議奏該部知道

招撫永寧一帶地方疏

密題爲再報微臣遣官招撫永寧一帶地方以及鎮雄土府納款并報逆賊出犯情形仰祈

睿鑒嚴勅事竊臣前於克復成都之後卽遣遊擊閻

成虎宋明賢楊啓龍等前去敘永一帶招安續

遣臣標左營遊擊龔玉柱投誠遊擊楊嘉珍等

帶領官兵隨後相機勦撫又遣蘭州營守備陳

英投誠叅將蘇虎帶兵撒塘接應查白敘府文

武歸正後卽行投誠總兵李芳述副將王之俊

奏疏存藁

卷之三

三

并遊擊龔玉柱等前去永寧招撫去後除節據

各官塘報招撫敘府馬湖所屬地方州縣營汛

各官繳印投誠緣由俱經前疏

題報外今於本年三月初八日據遊擊龔玉柱等

稟報蒙遣卑職等帶領官兵勦撫地方所有招

撫到敘州馬湖二府屬僞鎮道文武并重慶僞

知府王化賢巴縣僞知縣王尚義僞川北道何

呈秀等共繳到僞印關防條記二十一顆僞劄

一百五十九張已經差官齎繳訖今永寧文武

投誠繳到僞印七顆九姓土司僞印一顆瀘州

僞印一顆僞劄一百零六張公同遊擊閻成虎

查收責差親丁閻定國永寧把總楊成美亦於

二十六日齎繳在案等情復據遊擊閻成虎稟

報冊造僉同本日又據永寧投誠僞總兵汪時

瀕報稱卑職一介庸儒原係僞將軍汪文元之

姪不受僞職心懷

聖恩久欲歸誠中多牽制有僞總兵高元烈自本將

軍大兵克復成都之後心恐膽怯常慮人心有

奏疏存藁

卷之三

三

變又聞敘府文武投誠大兵臨境遂於二月初

六日同僞左營遊擊趙邦英僞虎牙將軍韓天

福四川僞布政魏峻逃奔卑職亦被拘禁若非

三標官兵站隊卑職幾遭陷害兵民以高逆奔

逃地方無主人驚慌懇請卑職暫攝永鎮事

務卑職不得已而暫從所請以安衆心隨公議

差副將郭騏遠迎大師出民水火初七日恭值

本將軍差官閻成虎宋明賢楊起龍齎捧

勅諭告示臨永卑職率領闔屬官紳士庶跪聽

皇仁無不歡忻感悅卽於本日諭令軍民剃髮除偽
永寧鎮總兵高元烈印劄携以逃去卑職劄付
辭不受職當卽具繳外今呈繳永鎮中營遊擊
偽關防一顆敘永管糧同知偽關防一顆敘永
儒學偽條記一顆建武儒學偽條記一顆貴州
永寧衛偽印一顆經歷司偽印一顆儒學偽印
一顆總管勁武永鎮勇勝四標各官劄付共一
百零六張交給本將軍差官閻成虎同本標把
總楊成美呈繳外其永鎮各路文武印劄俟繳

奏疏存藁

卷之三

五

到之日另文差繳再卑職於十三日令右營遊
擊段尚秀帶兵五百名齎捧

膽黃三道本將軍告示三道前去招撫貴州赤水畢
節等處據赤水衛偽守備吳邦欽畢赤營守備
周化龍平大黔威道偽中軍守備高定邦赤水
衛教授范宗鎬等繳到偽印二顆偽劄三張亦
交差官閻成虎轉繳外其官士軍民俱皆剃髮
歸正等情又據遊擊龔玉柱報稱二月二十四
日據貴州畢節衛士民章炳宋蓋臣等四人前

來敘府請討招安卑職一一安慰再抄發告示
前去靜候大兵到日率衆歸誠俟有繳到印劄
另具稟報等情初十日又據各官差人引到鎮
雄土知府隴天成古蔭長官司隴氏差目把人
等前來成都納欵臣卽頒賞并發給劄諭告示
令其速爲呈繳偽印號紙前來外本月十一日
復據該總兵汪時瀨飛報內稱前招撫到赤水
衛守備吳邦欽周化龍平威道守備高定邦儒
學教授范宗鎬等到永投誠繳劄卑職隨令回

奏疏存藁

卷之三

五

衛安撫百姓催辦糧草去後復於二十六日據
守備吳邦欽等回永報稱卑職等途至普市據
赤水衛來人張二報稱有貴州偽將軍發兵撤
塘徑抵赤水卑職等是以不敢前回伏乞發兵
堵禦等情又於二十七日據防瀘把總郭勳報
稱有偽黑將軍帶兵扎生界壩遵義府有陶將
軍同城守營劉總兵扎城內有胡將軍尤將軍
扎城外等情到職據此卑職卽挑撥官兵一面
偵探一面分防要隘俟有確情另具稟報等情

同日又據該總兵汪時瀨報稱本年二月二十七日據龍場營都司管把總事黃尚賓報稱卑職於二月十二日差兵吳啓等前赴生界地方探聽僞兵情形去後本月二十五日據吳啓等回稱探聽得夏額駙遣牌上云發兵三萬聽其百姓探說止有一萬六七千有餘現駐遵義府又發僞兵三百餘名現駐生界壩又探得僞總管吳將軍之子在遵義一帶地方招集散兵等情該卑職一面復差兵丁夏連前往遵義府地

奏疏存藁

卷之三

奏

方探聽去訖俟探兵回營另爲具報同日又據黃尚賓報稱本年二月二十五日亥時據屯目任望龍報稱於本日未時據莫得管事人到龍處供稱我民運糧至大定府偶遇王將軍發兵三千到畢節將運糧百姓十三名拉去擡大砲到畢節口云要打永寧城後有蔡將軍大兵陸續進發等語理合具報等情該卑職亦卽遣發官兵探聽堵禦倘有情形立爲飛報方敢請發大兵等情各報到臣除臣飛檄該總兵嚴守地

方并行遊擊龔玉柱校誠總兵李芳述等速統官兵前去接應十三日又據該總兵汪時瀨塘報據原差官何兆圖稟稱探得威寧一路存城賊兵約有萬餘又有畢節逃難鄉親云僞鎮高元烈接雲南送來重襲將軍印狼心不悛欲練兵復取永寧已遣逆兵至赤水南關安塘聚糧等情又據仁懷營校誠都司管千總事馬雲稟報據差兵吳啓貴報稱有僞總兵毛友貴領兵一千已抵土城一來搶掠瀘合仁懷等處又僞

奏疏存藁

卷之三

奏

楊將軍領兵由重慶一路出犯永寧等語十四日復據該總兵汪時瀨飛報內稱本年三月初九日據副將郭騏遊擊陳應先偵探回永報稱逆賊塘馬百餘撤至滴水離永二十里老營下在落窩離城三十里至申時又據偵探兵丁報稱逆賊已到乾溪正南橋扎營離永城止有二十里卑職卽分撥官兵上城守門嚴加隄備本日晚有僞勁武將軍標下校誠副將王之俊到永口稱奉勇畧將軍牌行令李總兵龔將官等

帶兵前來永寧已於本月初八日自敘府起身除俟李總兵龔將官官兵到日卑職等協同守城堵禦但逆賊勢重懇乞本將軍再發官兵救應等情又據總兵李芳述等稟報內稱卑職等帶領官兵於本月初八日自敘府起行途遇前差去與偽侍衛劉將軍投書兵丁稟稱有偽毛總兵領馬步逆兵千餘前來永寧又有偽尤將軍領裸倮兵三千餘名從樂用寨出仁懷由瀘州亦來永寧各等情到臣臣一面飛檄該總兵

奏疏存彙

卷之三

完

李芳述遊擊龔玉柱等到永之日併力固守城池相機堵勦一面復遣遊擊屠存義守備孫國祥復帶領馬兵一千星馳前往應援又慮永寧無糧隨遣署永寧道事劉德弘速去瀘州催運外該臣看得永寧乃黔蜀接界漢土雜居過畢節由水西烏撒出烟方可以直下雲南爲兩省最要之地是臣前遣官招安繼發兵勦撫原以備兩路進征如偽總兵汪時瀆以偽將軍汪文元之姪不受僞職保全城池雖無劄印率眾投

誠順義可嘉且逆賊出犯努力支持尤見才幹臣叩懇

皇仁將汪時瀆從優議敘以示激勸而偽川北道何呈秀重慶偽知府王化賢巴縣偽知縣王尚義等官兵未到重慶帶印越境來歸尤爲順義容臣另疏

題敘所有前後繳到偽印偽劄查明彙繳至臣前遣總兵李芳述遊擊龔玉柱帶兵勦撫繼發遊擊屠存義守備孫國祥帶兵接應俟另有情形

奏疏存彙

卷之三

完

再爲

題報惟是遵義乃財賦之鄉一府錢糧等於八府既接連重慶爲進征川東官兵所指之地豈可竟置不問反資貴州餘孽之糧仰祈

聖明嚴勅諸臣就近急取遵義湖廣統兵將軍速進貴州臣等兩路官兵廣西兩路官兵直下雲南各當努力蚤奏蕩平緣係再報招撫永寧一帶地方鎮雄土府納款并請急取遵義暨逆賊出犯情形事理貼黃難盡伏乞

皇上睿鑒全覽

勅議施行康熙十九年四月初七日奉

旨議政王貝勒大臣會議具奏

奏疏存藁

卷之三

三

題報官兵守禦永寧情形疏

題為逆賊窺犯永寧官兵奮勇擊敗謹恭報守禦情形并繳逆書偽文仰祈

睿鑒勅議事案查前據校誠總兵汪時瀆塘報逆賊窺伺永寧已至正南橋扎營臣飛檄總兵李芳述遊擊龔玉柱等速速前去併力固守堵勦并遣遊擊屠存義守備孫國祥等帶兵一千星馳應援緣由經臣前疏

奏疏存藁

卷之三

三

題報在案三月十八日據總兵李芳述遊擊龔玉柱等塘報內稱卑職等遵本將軍令牌於初八日統領官兵自敘府起行途遇永寧汪總兵差官報稱永寧有賊出犯緊急請兵救應等語卑職等聞報即晝夜兼程於初十日四更進城正與汪總兵計議戰守事宜據塘馬飛報逆賊大隊前來離城不遠卑職等於黎明統率官兵出城迎敵見逆賊馬步約有三四千俱打黃旗一股從真武山梁站隊一股由準提庵站隊左右并出一股在真武山對門尖山頂上憑高視低

窺我城內出入卑職等原議留汪總兵并管糧同知王存肅帶領兵民守城卑職總兵李芳述遊擊龔玉柱親帶馬步官兵亦分三路對敵自卯至午鏖戰多時各官兵奮勇直前并鳥機百子砲齊發逆賊不能抵敵大敗陣斬甚多活擒一十三名帶傷不計其數我兵追至乾溪因天氣炎熱又兼人馬連夜前來隨到隨戰甚覺疲乏只得收兵回城休息得獲馬二十二匹鐵甲十四副并鳥鎗旗幟所有生擒逆賊一十三名

奏疏存藁

卷之三

三

專差押解今將克捷情由理合塘報等情二十一日復據總兵李芳述等報稱本月初十日撲勦逆賊克捷情形已經塘報在案十一日據偵探兵丁回報敗遁逆賊仍在滴水下營賊兵漸漸增添十二日又據投誠僞兵徐成張義供稱逆賊在滴水扎下等畢節各處兵到欲要復來攻取永城其陝西各處退回之兵僞黑將軍僞楊總兵收集帶領在永寧地方大村駐劄又說僞洪化因永寧乃雲南貴州要路必定教尤將

軍們取了永寧把守纔好等語卑職等查得永寧一隅之地城分川黔河水當中城垣地勢落低城外週圍山勢高聳且城池傾頽兼之道路又多四通八達今逆賊如此狂逞我兵單弱又永寧糧米倉廩通無積貯卑職等一面分佈官兵嚴加提備一面請兵之間於十三日午時逆賊復來城外三面下營馬步逆兵較前過倍係僞將軍尤廷玉高元烈等統兵卑職等因眾寡不敵不便迎戰卽令官兵上城總兵李芳述守

奏疏存藁

卷之三

三

貴州城遊擊龔玉柱守四川城一應兵民分把兩城堞口至十四日五更時分逆賊擡雲梯二十餘架四面攻城我兵鎗砲交加至天明賊兵稍退卑職等惟固守城池俟接應兵到卽便出城大戰懇祈迅發大兵以便撲勦今有故僞將軍劉之復長子劉沛武於三月十一日與蔣鄒二總兵及職述三人書一封內中所言愚惑人心合將原書呈覽等情到臣臣復遣副將楊三虎遊擊吳志等統兵二千兼程前去應援本月

二十五日據該總兵李芳述遊擊龔玉柱差玉泉營千總李見龍永寧千總李旺押解到陣擒逆兵李長壽鄭國清等一十三名臣卽會同建威將軍臣吳丹振武將軍臣俄克濟哈等齊至公會之所審訊逆賊情由據各逆供稱伊等俱係僞廖將軍營兵原在巫山逃了至遵義被僞胡將軍陶將軍攔住每人與了四錢八分銀子着跟僞尤將軍前來攻取永寧三月初十日被大兵殺敗領兵的是尤將軍并毛徐二總兵兵

奏疏存藁

卷之三

壹

有三千餘名馬有五六百匹後頭來的兵我們就不知道了遵義有僞胡將軍僞吳三將軍僞趙將軍共有兵四五千象六隻生界壩係黑將軍領兵駐劄等語臣等仰體

皇上好生之德摘取口供一槩免死令其剃髮以示寬仁二十七日又據該總兵李芳述等稟稱本月十四日有永寧僞總兵高元烈今授僞永寧將軍送文書一封插在南門外卑職請龔將官共同取來拆看高元烈與卑職書札俱係狂言

且稱與卑職齋有顯武左將軍印信令卑職就中內應等語同日僞將軍尤廷玉着人又來大東門外射箭二枝亦同龔將官取看一係尤廷玉與李鄒二總兵之書一係僞兵部之文意在煽惑卑職誓圖歸正一點愚誠斷難搖動今將原書原文共三件一併呈覽等情到臣該臣看得永寧接界滇黔最屬緊要在我之所必守在賊亦所必爭而原進川東官兵將遵義一府未取以致逆孽敢於侵犯雖被我兵殺敗大挫其

奏疏存藁

卷之三

壹

鋒然尚未退應俟援兵捷報前來另爲

題報仰慰

聖懷至總兵李芳述前拒僞命不奉僞勅率衆投誠順義可嘉今復回守孤城不惑餌誘堅貞不渝臣叩懇我

皇上破格加恩以示激勸而進定雲貴該總兵可爲前導矣除前後出首僞書三紙僞文一紙詞語狂悖咨送兵部外相應具

題伏乞

皇上睿鑒勅議施行康熙十九年四月二十六日奉
旨兵部議奏

奏疏存彙

卷之三

美

會議進剿機宜疏

密題爲乘機三路進兵以滅賊寇事案准兵部密
咨前事內開該議政王等會覆建威將軍吳丹
題前事康熙十九年正月二十五日題二月初
七日奉

奏疏存彙

卷之三

美

旨議政王貝勒大臣會議具奏欽此該臣等會議得
建威將軍吳丹疏稱臣等整齊大兵平定雲貴
一路由遵義府一路由敘府進取雲貴一路由
建昌進取雲南若令綠旗將軍四川提督等進
兩路臣吳丹統領滿洲大兵亦由一路進取雲
南是賊寇敗滅皆關此三路進兵再令將軍噶
爾漢親身并官兵調赴漢中京城每佐領或發
四名或五名亦赴漢中再將在陝兵馬於臣同
進滿兵增足每佐領護軍及披甲驍騎兵八名
餘剩官兵以每佐領五名令一將軍鎮守成都
又蒙古兵丁缺乏馬匹應撤回亦令鎮守漢中
此進剿之三路兵馬令其自成都裹糧於所到
地方覓食民糧俟將同臣進取雲貴之兵調齊

令其喂馬而行又將軍王輔臣親身并伊標兵
陝西總督哈占本身并標兵似應令其同臣一
路於四月內進取雲南請

勅進川綠旗將軍大臣四川提督等以一大臣防守
地方令二大臣各由一路進取雲貴此進兵之
時將總兵官朱衣客費雅達高孟於伊等所進
二路各聽酌帶一員尚有總兵官一員令守保
寧可否前進令伊等議明若可進則三路進兵
以何大臣由何路前進之處伏候

奏疏存藁

卷之三

美

欽定等因查近奉

上諭成都保寧俱已恢復乘此機會卽宜速定雲貴
宜令順承王準達貝子都統范達禮盡統伊屬兵
馬逆江而入恢復重慶順承王等卽駐鎮重慶令
將軍吳丹俄克濟哈與將軍總督趙良棟等公同
進取雲貴其進取雲貴之時聽將軍吳丹俄克濟
哈將順承王準達貝子范達禮等兵內揀選精銳
有馬者帶去令總督楊茂勳提督王之鼎駐守成
都令將軍王進寶駐鎮四川地方將徐治都撤回

彝陵鎮守彝陵荊州等處令大將軍公圖海鎮守
漢中欽此通行在案

上諭俱已周到其請將鎮安將軍噶爾漢本身並官
兵調赴漢中自京遣發每佐領兵四五名及將
在陝滿兵增入伊等進川兵內餘兵交一將軍
鎮守成都之處均無庸議至總督哈占經理漢
中四川大兵糧餉將軍王輔臣兵馬近又撤回
漢中同大將軍公圖海鎮守地方其哈占王輔
臣之處亦無庸議蒙古兵丁應如所題發回漢

奏疏存藁

卷之三

美

中其總督哈占標下官兵及費雅達等各總兵
官等親身并伊等標下官兵作何調往以及作
何留守地方之處聽將軍總督趙良棟與將軍
吳丹俄克濟哈等公同確商而行其進定雲貴
兵馬關係最要應令巡撫杭愛布政司劉顯第
等作速前去料理供應今將軍王進寶吳丹等
兵馬又已恢復四川順慶府四川總督楊茂勳
兵馬已入川境恢復巫山應行大將軍順承王
貝子準達都統范達禮等文到之日卽迅速四

川遵奉前

旨作速恢取重慶酌量平定地方撫綏黎民駐劄鎮守至於三路進取雲貴及以何大臣由何路前進事宜將軍總督趙良棟將軍吳丹俄克濟哈等身在地方所知最確應聽公同確議一面酌行一面奏

聞可也等因康熙十九年二月初七日題本日奉

旨依議速行今川省底定楊茂勳等坐去船隻俱屬無用運糧事務關係最爲重要着郎中蘇赫臣員

奏疏存藁

卷之三

早

外郎噶爾薩將運糧事務親身專管以此船隻裝載楚糧逆江運至順承王軍前不得斷絕致誤軍中急需欽此欽遵密咨到臣今臣與將軍臣吳丹俄克濟哈公同確議得雲南乃逆渠巢穴理宜兵分兩路急急進取查建昌永寧直達雲南率皆苗蠻彝徠之鄉素稱不毛之地而進征官兵行糧須當籌備自帶庶不致有失蠻彝之心且程途寫遠滿洲馬匹甚是瘦損勢必加料喂養且轉盼仲夏南方烟瘴之地酷熱難當更兼陰

雨連綿江河泛漲過渡甚非容易理勢應在仲秋方可進取如成都雖係省會然地方殘破有年州縣民稀現今供應日支糧料不敷若進征行糧斷難令其供應兩路今擬建昌一路官兵行糧應成都所屬并邛雅嘉眉等州運送永寧一路官兵行糧應藉保寧川江直達敘府之便仍用秦省之糧船隻運送永寧一路原進川東漢兵在保寧順慶二處就糧養馬惟是遵義一府未取以致遵義之賊侵犯永寧臣已三遣原

奏疏存藁

卷之三

早

進川西一路漢兵撲勦矣而雲南之賊出犯建昌臣亦已三遣原進川西一路漢兵星馳前去堵禦矣臣等復議得四川總督已抵重慶而原進川東一路漢兵亦有分駐重慶者乘滿洲喂馬之間應令督臣楊茂勳官兵并駐重慶副將楊宗道官兵合力就近相機勦撫遵義而提督臣王之鼎帶領本標官兵去永寧接應前發川西官兵協力撲勦俟交秋後行糧備辦馬匹廐壯如遵義已取湖廣官兵已入貴州臣等兩路

官兵仍照前議直搗雲南倘遵義不能取湖廣官兵不能進貴州臣等兩路官兵中或分一股取遵義下貴州再議進定雲南或分爲三路一時并進軍機難以預定至期另爲奏

請至破賊全藉兵力陝西綠旗官兵八萬應留四萬守汛進定雲貴應須秦省綠旗官兵四萬方克有濟此雖臣前疏奏

請而陝省綠旗官兵聽臣等調遣又奉有大將軍以身任之萬勿稽誤之

奏疏存藁

卷之三

聖

旨合再

奏明懇

請緣係題報會議進勦機宜事理貼黃難盡伏乞皇上睿鑒全覽

勅議施行康熙十九年四月二十一日奉

旨議政王貝勒大臣會議具奏

建昌官兵堅守城池疏

題爲建昌官兵戮力堅守城池謹恭報擊賊情形仰祈

睿鑒事竊臣自克取成都之後遣發官兵招撫過建昌鎮道以及五衛地方官員繳印繳劄投誠并逆賊巨萬欲渡江窺伺建昌飭令各官堵禦等緣由經臣前疏

題報在案本年三月二十日據叅將呂自魁遊擊鄭有榮總兵胡振雄孫佳等塘報內稱卑職等

奏疏存藁

卷之三

聖

自抵建昌招撫會川卽議副將冶國用費重振等帶領官兵前去會川并令會川投誠遊擊楊春明就近撥兵協同堵禦江口卑職等一面安撫各土司一面整頓兵馬會商前進三月初十日辰時有副將冶國用費重振星夜到建口稱三月初七日行至地名五里坡有會川守江兵丁奔回隨後逆賊塘馬五百餘騎前來遇我兵廝殺陣斬逆賊數名得獲大旗一桿會川兵丁竟不出力各自四散隨後拏獲逆兵一名搜出

公文一角拆閱乃偽將軍劉起龍與會川遊擊楊春明之逆書並招集散兵偽勅諭牌票又詢逆兵供稱領兵的是偽將軍劉起龍帶五個總兵兵有萬餘江上是楊將官暗約放過來的等語我等見賊勢猖獗會川官兵不戰而退會川必有變故是以卽回會川將遊擊楊春明父子一同牽伴前來請速發兵堵禦等情除將遊擊楊春明撥兵看守訖卑職等公看得建昌乃緊要重地存城不過留守之兵千餘業已分發各

奏疏存藁

卷之三

器

路堵禦甚是空虛議留副將呂自魁帶領官兵守城總兵胡振雄統領官兵星馳前去堵禦總兵孫佳副將鄭有榮繼後接應但賊勢甚重實爲衆寡不敵又迷易所通德昌北勝州由鹽井兩路之賊俱可適建昌我兵自是首尾不能相顧更慮建昌兵少城垣傾塌難以固守不若收集官兵共守建昌爲妥今專差遊擊吳化龍馳報惟候大兵到日以便奮力勦殺等情又據遊擊吳化龍口稟僞將軍劉起龍原在建昌做過

總兵不得人心與孫總兵胡總兵安土官俱不相和好各官有誓守孤城之心只是兵少又城中無糧可慮只望速發大兵等語臣卽遣發總兵王好文遊擊趙光榮等帶領官兵二千星馳應援并預發投誠官兵兩個月餉銀暨委官帶銀前去召買米糧接濟軍需三月二十四日臣前遣招撫副將冶國用等至省稟稱逆賊萬餘將近建昌城中各官兵民與土司副將安泰寧心切滅賊合力共守城池但城中無糧恐不能

奏疏存藁

卷之三

聖

持久故令卑職星馳前來請發大兵再懇設備糧餉等語二十五日又據叅將呂自魁等飛報內稱本月十八日逆賊萬餘帶火器數千侵犯建昌四面攻圍又逆賊詭謀多端用赦書黃旗招誘建兵令拏卑職并孫總兵以作內應伏乞迅發大兵則建城軍民或可生全等情臣於本日卽復遣總兵王進才副將柴英遊擊趙元輔等統領精健前鋒馬兵二千名兼程前去撲勦并頒發衣帽緞疋銀牌等項仍令冶國用前去

傳諭各官兵加意固守并撫賞土司官兵以鼓其心去後四月初一日復據叅將呂自魁遊擊鄭有榮總兵胡振雄孫佳等塘報內稱三月十八日逆賊萬餘侵犯建昌前經稟報在案本月二十二日逆賊用雲梯五六十架四面爬城分四股頭子一股攻東門一股攻南門一股攻西門一股攻西北角蜂擁齊來卑職等預爲籌佈先議副將呂自魁領本標官兵固守東門一帶遊擊鄭有榮建昌總兵孫佳同建昌道孫振元

奏疏存藁

卷之三

吳

各領本標官兵固守西門一帶隨征總兵胡振雄領本標官兵固守北門一帶建昌鎮標遊擊穆應奎王進忠各領官兵固守南門一帶冕山營遊擊孫炳煥黎雅營中軍守備王一豹各領該營官兵固守西北一帶建昌鎮標中左右三營官兵分撥四面協防今逆賊臨城四面齊攻官兵奮力堵禦鎗砲弓箭齊發木石交加自二十二日寅時戰至二十三日未時打死逆賊官兵在城下者約有二三百名帶傷者不計其數

賊始退敗卑職等卽發馬兵出城奮勇追殺活擒逆賊三名奪獲大旗二桿小旗四桿九子砲六位鳥鎗二百餘桿賊雖大敗然營盤尚在窰山離城止五里賊衆我寡不便遠追又據生擒逆賊供稱僞線將軍統領賊兵前來接應蚤晚就到卑職等卽飭令官兵晝夜小心隄防其前拘禁遊擊楊春明父子因通逆請兵縱賊渡江雖經拏獲誠恐變生不測卑職等已審明口供當同各官兵斬首以鎮地方訖懇乞速發大兵

奏疏存藁

卷之三

吳

接應爲此理合塘報等情到臣該臣看得成都取滇南由建昌一路有大小象嶺之險有瀘河金江之阻又蠻彝雜處之地得之最難者如四川有建昌可下雲南而雲南有建昌可窺四川實爲必爭之區此臣克取成都之後進取不敢少緩旣取之後又慮兵多一時無糧兵少久則難守皆因川東未取遵義湖廣之兵未入貴州以致遵義之賊敢於鴟張來犯永寧而永寧乃滇黔門戶四川緊要關口一有差失則瀘州敘

府馬湖不保成都震動矣臣又何敢岐視且成都省會新經克復實為根本重地尤難輕忽除永寧遣發官兵擊賊餘孽尚未退散經臣

題報在案今建昌官兵復仰仗我

皇上天威擊敗攻城之賊雖逆勢尚在狂逞而叛弁既誅人心已定援兵一到不難撲滅所有建昌官兵堅守城池逆賊攻城退敗情形理合先為題報伏乞

皇上睿鑒施行康熙十九年五月初二日奉

奏疏存彙

卷之三

吳

旨兵部議奏

查獲賊遺馬騾補給分賞疏

題為官兵倍道追賊浮水過江馬匹損傷數多謹報明各案得獲馬匹就便補給以節

國用以收速效事竊臣自十八年十月初九日督率官兵攻克密樹關十三日大敗逆賊恢復徽州未敢久停十七日發兵復敗賊於打火店王家臺等處二十五日破白水江之險浮水過渡二十六日大殺逆賊於八堵山二十七日恢復畧陽并遣遊擊李尚翠等追殺逆賊克取陽平

奏疏存彙

卷之三

吳

關叅將呂自魁等於沔縣一路東山擊敗逆賊其間山險冰滑與賊步步攻戰據各官查明前後當陣傷斃及滾崖跌死水溺馬共計四百三十八匹又自十二月二十六日寧羌分路二十八日渡陽平關江十九年正月初一日於白水壩大江鏖戰奪險浮水過渡初三日大敗青川之賊初四日追殺於青箐山初五日又復敗逆賊於舊州明月江初十日克取成都十日之內跋涉二千里山險徑仄無分晝夜倍道兼程馬

匹陣折水溺滾崖擦掌癩跛損傷丟棄者今據各營官兵開報共計六百四十四匹臣思官兵馬匹倒斃例應開報請領茶馬然官兵現在征勦急須馬匹非平日無事營伍可比臣又何敢拘執定例請討官馬而誤進勦機宜若令各兵賠補不但窮卒無力抑且現在責以用命正當加意鼓勵斷難勒令購補臣只得將前後得獲馬匹行令各官不許私匿着令盡數查出某營得獲馬匹若干就准補該營傷折馬匹又漢兵

奏疏存藁

卷之三

五

素無馱馬今既欲令其迅速追賊凡帳房鑼鍋食米等項難以自帶臣又不得不將先鋒以及挑選頭敵破陣官兵量給馱馬以期速効查自恢復徽州畧陽陽平等處得獲馬七百一十四匹於畧陽起行時補給缺馬兵丁餘者分散各營作為馱馬并騾三十七頭撥給火器官兵馱載大砲鳥機今查自破白水壩青川龍安舊州等處以及克取成都沿途得獲并查出共騾馬二千一百八十三匹頭內補給各兵六百

四十四匹再成都接誠兵丁前因地方初復所騎馬匹一併清查今奉

旨留三千名隨臣進勦照漢中事例馬二步八應設馬六百匹亦應照數撥存以備征勦至建昌永寧兩路正在用兵往來緊急差報地方甫定全無驛馬若俟題

請安設安能濟急臣亦量撥馬一百二十匹酌量安設又補給各官兵馱馬二百匹其餘剩馬騾六百一十九匹頭并投誠官兵暨民間自首以及

奏疏存藁

卷之三

五

查出逆賊男婦人口共二百一十五名口臣因痛禁官兵不許搶掠而奮勇破險直前官兵宜當鼓勵除臣給鞍馬什物銀牌外將此項馬匹人口按隊分賞有功官兵訖此臣心切滅賊急在鼓勵兵將相應一併

題明伏乞

皇上睿鑒施行康熙十九年四月二十八日奉旨覽卿奏進勦川賊以來得獲馬騾二千餘匹撥給兵丁驛遞有裨軍務可嘉知道了該部知道

官兵應援永寧飛報大捷疏

題爲飛報大捷事案照逆賊侵犯永寧官兵兩經擊敗堅守孤城併微臣續遣官兵星馳應援緣由業經

題報在案今於康熙十九年四月十五日據臣標左營遊擊龔玉柱秦州營副將楊三虎與武營遊擊吳志西寧鎮標遊擊屠存義隨征總兵李芳述鄒九疇王夢楨張友成劉魁汪時瀆塘報竊照僞將軍尤廷玉王邦圖高元烈等聚真武

奏疏存藁

卷之三

五

山連營五座屢次狂逞情形業經塘報在案今於四月初八日寅時分逆賊尤廷玉等統領馬步官兵約共五千有餘過正南橋蜂擁遶路而上復過清水河直登永城南山轉沙灘子藍家橋南壇寺北壇分股站隊卑職等會同公議以貴州城與賊營相近議總兵鄒九疇帶領官兵固守其四川城議副將楊三虎帶領官兵防禦大西門總兵汪時瀆帶領官兵把守南門署敎永管糧同知顧耀祖永寧衛守備蕭鳳原任永

寧衛守備馮加官帶領軍民把守小西門上下

北門卑職等會議各鎮將率領馬步精兵出城撲勦賊兵分作六股齊進三股由會家營而出據團山一座妄意欲攻西南二門三股由南壇寺北壇之左右欲抄我官兵之脇又觀音閣夏家灣一路逆兵分作三股至大東門欲攻貴州一城卑職遊擊龔玉柱帶領馬步官兵由大西門直抵團山之前總兵劉魁帶領馬步官兵從小西門直抵團山之左遊擊吳志帶領馬步官

奏疏存藁

卷之三

五

兵出小西門直抵團山之右遊擊屠存義帶領馬步官兵出南門直抵北壇之左總兵王夢楨帶領馬步官兵出南門直抵北壇之右總兵李芳述張友成各帶領馬步官兵出南門直抵南壇寺賊兵三股而上卑職總兵李芳述王夢楨張友成遊擊屠存義帶領官兵當頭迎敵從寅至巳連衝三陣卑職等勉勵官兵均矢肝腦塗地之心協力奮戰由是賊兵三股直敗下河斬殺及過河落水死亡無數賊營真武山又新到

偽張將軍統領賊兵合夏家灣觀音閣之逆兵
三股喊聲震地直攻貴州城東總兵鄒九疇嚴
督官兵鎗砲齊發賊不能支退至營前惟團山
之賊兵三股卑職遊擊龔玉柱吳志總兵劉魁
率領官兵三面攻打連衝七次自寅鏖戰至未
逆賊居高恃險死守不退卑職等隨即下馬親
督步兵齊擁前進復催馬兵從旁一躍而上矢
石交加賊遂披靡大敗倒戈奔潰馬兵飛逐下
河步兵從旁截殺當陣斬傷溺水者共有千餘

奏疏存藁

卷之三

奏

卑職總兵鄒九疇即發遊擊李勝鳳陳應先千
總郝承恩永寧鎮右營遊擊段尚秀守備段虎
等帶領官兵打綠旗八桿開大東門一擁而出
直踰真武山左之磨盤山奪其小營順梁而下
遊擊龔玉柱屠存義帶三桿旗馬兵轉入南門
復出貴州城大東門即從中路而進直逼真武
山總兵李芳述張友成王夢楨劉魁遊擊吳志
尾追過河徑攻真武山右路而上總兵鄒九疇
復率步兵從磨盤山下左脇而入漫山遍野直

搗賊營官兵奮勇無不以一當百連踏賊營五
座勢如拉朽摧枯職等追殺十里至地名乾溪
見天色已晚遂收兵回城是役也官兵戮力將
士齊心三戰三捷遂獲全勝實皆

皇上恩施本將軍德威遠播之所致也從此振旅長
驅逆賊成擒在邇除所獲各逆劫掠民間妻女
隨出示俱令百姓認領外至於得獲大纛小旗
令箭鎗砲盔甲腰刀馬匹活擒逆賊俟容差官
解驗其在事有功人員以及傷亡官兵另冊申

奏疏存藁

卷之三

奏

報今將大捷情形理合飛報等情到臣該臣看
得四川係滇黔之半壁永寧爲三省之咽喉逆
賊効死復來鴟張狂逞者其意在圖川蜀其勢
在固滇黔也今仰仗我

皇上天威諸將士戮力大敗賊衆而堅守孤城首在
遊擊龔玉柱才智勇敢總兵李芳述忠心不二
繼則遊擊屠存義吳志副將楊三虎總兵鄒九
疇王夢楨張友成等統率官兵星馳應援合力
撲勦克奏大捷除臣差員前去獎賞官兵令其

益加奮勉外其殺賊有功人員併傷亡官兵得
獲盛甲馬匹器械等項以及生擒逆賊俟解到
查明另爲

題報所有官兵大敗賊衆克捷情形相應
題報伏乞

皇上睿鑒施行康熙十九年五月初七日奉

旨據奏遣發官兵於永寧地方殺敗逆賊可嘉着議
奏兵部知道

奏疏存彙

卷之三

奏

獎薦僞員以勵後効疏

密題爲歸誠僞員電勉圖功已見成效懇請
聖明特沛

殊恩以酬忠順以示激勸事竊照逆賊侵犯永寧官
兵前後擊敗情形并總兵李芳述不受僞勅僞
印舉首逆書等緣由俱經微臣

題報在案今復據總兵李芳述稟報內稱本年四
月初三日申時分僞營差人將竹桿夾文書一
封插於大東門外卑職以逆賊屢次書文無非

奏疏存彙

卷之三

奏

引誘煽惑隨即請各官齊集大東門城上開門
令人取來公看係僞上諭二道僞將軍尤廷玉
王邦圖高元烈與卑職書一封內有僞威遠大
將軍胡國柱與卑職密書二紙胡國柱又與總
兵鄒九疇蔣榮德僞密諭一紙卑職誓圖歸正
以報

國恩豈聽狂悖誘惑謹此首報其僞上諭未敢開
拆今將原封同尤胡各逆等僞書一併回封呈
覽等情到臣該臣看得總兵李芳述久歷戎行

才識俱備膽勇兼優前偽諭催往保寧能不受命獻城來歸可謂見幾今統率官兵應援永寧身先士卒戰守得宜至於偽諭逆書或妄陳利害以悚其心或餌以將軍事權以奪其志該總兵誓切滅賊出首逆書不獨才識超羣忠義可嘉而堅貞果敢不爲搖奪之心志與奮勇勦賊克奏捷功之勤勞雖臣前疏兩經奏

請誠恐未竟所長臣叩懇

聖明俯念新復疆土首在得人將李芳述

奏疏存藁

卷之三

五

特加殊恩准以總兵實銜

勅部給劄食俸隨征使其統領原管之兵爲

國効力庶人人皆知勉勵圖功將効順之恐後矣
所有送到偽諭臣會同將軍臣吳丹俄克濟哈
拆閱并逆書總出餌誘煽惑狂悖不遜之語除
咨送兵部外相應具

題伏乞

皇上睿鑒勅議速覆行臣遵奉施行康熙十九年五月初十日奉

旨兵部議奏

奏疏存藁

卷之三

五

接任雲貴總督謝 恩疏

奏為謹報明微臣遵

旨受事日期恭謝

天恩事康熙十九年四月二十五日准吏部咨文選

清吏司案呈奉本部送吏科抄出勇畧將軍趙

良棟奏前事康熙十九年三月十七日奉

旨卿才品優長夙鎮巖疆勞績素著簡任雲貴總督

正資料理着祇遵成命不必控辭該部知道欽此

欽遵抄部送司案呈到部移咨到臣念臣老病

奏疏存藁

卷之三

卒

情真總督任重理當據實再為陳請叩懇

俞允以安愚分今復蒙

恩諭臣思逆孽現在負固雲貴尚未開復正臣子恢

疆滅賊之秋敢不黽勉受

命竭盡駑駘以仰副我

皇上宵旰未釋之心於萬一也耶謹於二十六日祇

遵受事外所有

御塘齋到微臣坐名

勅書一道臣郊迎至署因具疏控辭未敢開讀今祇

遵

成命恭設香案望

闕叩頭謝

恩開讀訖相應一併

奏明伏乞

皇上睿鑒施行謹具奏

謝以

聞康熙十九年五月二十七日奉

旨覽卿奏謝知道了該部知道

奏疏存藁

卷之三

卒

密陳統馭官兵情節疏

密題爲

君命不當固辭兵心難容渙散謹陳明統馭情節仰
祈

睿裁事竊思恢疆滅賊雖在將謀而摧鋒陷陣一惟
士氣查寧夏邊地素號強兵之所苟駕馭失宜
不獨不能爲用抑且驕悍難馴稽之前代不百
年間叛亂四次卽我

朝順治三年殺巡撫繼而惠安害提督亦已兩經變

奏疏存藁

卷之三

奎

故矣再如固原不過門庭之寇不戰而走豈可
驅之遠征臣三年訓練痛禁扣餉中嚴紀律恩
威教養費盡心力始成一旅勁兵實非容易故
臣敢有微臣年歲漸老願當一路進勦之請在
所恃者此兵也及至清水日切切於喂養馬匹
日切切於繕治器具當諸路尚在觀望惟寧夏
官兵實心言進此又學士內臣所日擊諒亦啓
奏已在

聖明洞照中矣至於蜀道險阻自古稱難去冬攻克

密樹關恢復徽州畧陽陽平不再旬而全秦底
定今春長驅入川倍道兼程其間披重鎧以渡
狂瀾穿荆棘而歷鳥道步步與賊攻戰不十日
克取成都所恃亦惟寧夏官兵在前是寧夏官
兵樂爲臣用已有成效而臣非寧夏官兵無以
克捷奏功確有明驗所以臣之前疏願以原官
仍統原兵隨師進勦者意出真誠非敢以浮泛
之詞欺

君父而自欺也今重荷

奏疏存藁

卷之三

奎

皇恩溫綸疊煥臣又不得不黽勉受
命但寧夏官兵未經議及臣萬里遠征無所適從如
謂雲貴尚未開復督標營制未經預設雖有隨
征總兵官兵不過暫爲改克又遠在湖南令臣
仍統寧夏官兵進勦則寧夏員缺暫停不推庶
兵心歸一而臣有此相信之兵隨師遠征可收
臂指之用倘以臣旣受雲貴之
命督標官兵令臣另爲

題設或謂已有湖廣隨征總兵官兵其寧夏員缺

或提督或總兵另行推人不獨微臣

題設改撥爲難而新經推補之人使統寧夏官兵

遠道進征亦恐兵將驟難孚合卽或再奉

綸音使新推提鎮隨臣進征聽臣指揮而官兵多一

層管轄隔一層親切增一番內顧惑一番人心

事權不一心志難齊况前進四川誰不懼其深

入今言雲貴誰不畏其路遙臣之愚見今此進

征首在寧夏官兵爲最重爲切要萬一渙散其

心臣雖有枕戈待旦滅賊朝食之血誠其如呼

奏疏存藁

卷之三

奎

應不靈指揮莫措又何以奏蕩平之效耶此臣

所以輾轉思維不得不亟爲請

命以一兵心者也仰懇我

皇上俯念進征爲重時方用兵或准臣前疏懇辭仍

以原官統領原兵力圖進勦將雲貴總督另

簡賢能或蒙

特旨官兵仍聽微臣統領進勦而寧夏員缺暫停不

行推補俟雲貴恢復之日官兵再議回汛提鎮

員缺再議補人另爲請

旨或別蒙

聖裁臣未敢擅便總之臣以滅賊恢疆爲重兵將得

心得力爲要也伏乞

皇上俯賜電鑿勅議速覆行臣遵奉施行康熙十九

年五月二十一日奉

旨已有旨了兵部知道

奏疏存藁

卷之三

奎

永寧復敗逆賊大破勁敵疏

題爲官兵奮勇大破勁敵謹再報明斬獲情形仰
祈

睿裁俯鑒加恩以勵將士以期後効事竊照本年四

月初八日永寧官兵殺敗逆賊飛報大捷前來

臣接據塘報業經繕疏題

聞在案嗣於四月二十四日復據遊擊龔玉柱總兵

李芳述等報稱本月初八日大敗逆賊彼時因

官兵分頭追勦擒獲賊衆尚未到齊又陣斬逆

奏疏存藁

卷之三

奎

賊屍橫遍野一時不及細查止將大畧情形先

爲具報外查此案逆賊陣勢勇猛較前大不相

同竟日鏖戰拚命死敵連衝數十餘次不離山

頭卑職等見賊占高又且逼近城門若一天晚

難以收兵遂傳官兵各下死力惡戰卑職等領

兵官在前各認一面不顧身命總兵李芳述副

將蘇虎王之俊郭騏蘭州營守備陳英撫標千

總張憲載奮勇先登逆賊方始大敗當陣斬殺

實有千餘生擒七十二名我之官兵傷亡亦多

今審據逆賊李環張鳳鳴楊泗等供認陣前斬

殺總兵一員毛友貴副將三員劉瓊許三虎蕭

從福叅將涂瀚遊守千把百十餘員尤廷玉王

邦圖高元烈身俱帶傷大散奔逃又審問陣獲

大旗小旗多係銀頂紅纓金蟒據供黃旗金蟒

原係藩下右固山後改前將軍的旗號因吳國

貴死了將小的們遼東舊人一半分與胡將軍

去遵義一半王邦圖領着在貴州因尤將軍請

兵將小的們纔發來二月十一日自貴州起身

奏疏存藁

卷之三

奎

三月十三日到永寧又問原是多少舊人據供

小的們在右固山下原是四千甲改了五鎮後

又各處抽拔了一千共五千六鎮遵義去了三

鎮王邦圖領來永寧也是三鎮二千五百甲又

問此來賊兵多不止二千五百供稱尤將軍領

的是三千自遵義來的并高將軍有七八百人

都是各鎮上的兵不係藩下舊人還有箇撫標

王將軍在畢節領的安順來的兵黑將軍在生

界壩領的是檔下的逃兵還有黔西大定威寧

兵未到等語除陣獲九子砲二十七位拐子鎗
交鎗二百九十八門存營給兵應用所有當陣
得獲大旗二十八桿小旗二百五十三面紅藍
旗二面令箭九枝偽劄九十七張偽勅諭火牌
勘合糧單本章文移通共四十一件玉帶二條
并生擒逆賊七十二名相應押解其劓刀腰刀
弓箭鐵綿盔甲馬匹尚未查明收齊俟查明收
齊另爲冊報至於傷亡官兵容卑職等逐一查
明分別輕重另冊呈報等情到臣臣卽會同建

奏疏存彙

卷之三

充

威將軍臣吳丹振武將軍臣俄克濟哈等四川
督臣楊茂勳撫臣杭愛齊集公所審問李環宋
希堯王可俸等二十名供稱皆係遼東人原在
吳國貴下披甲吳國貴死了一半分去遵義一
半王邦圖領來永寧二月十一日自貴州起身
三月十三日到永寧等語隨發布按兩司逐一
細敘口供據稱審得李環等二十名俱係遼東
舊人先在右固山吳國貴跟前因吳國貴在湖
廣武岡州被砲打死了而今在偽將軍王邦圖

跟前又問前日永寧打仗有幾箇將軍帶領多
少兵馬供一箇尤將軍一箇高將軍一箇王將
軍連喻黃楊毛八九箇總兵共有七千多人二
千多馬問這一陣殺了賊兵多少供陣上殺了
我們見過的有七八百不止還有河裏淹死的
山上跌死的我們眼裏未見不敢說又問爾們
打的甚麼旗號供是黃旗白旗現有解來大小
旗幟可驗問賊兵共有幾座營盤供有五座營
盤俱被大兵躐了又問楊泗盧進忠王國相等

奏疏存彙

卷之三

充

五十二名據供皆係偽將軍尤廷玉高元烈下
的兵俱是各鎮上的不是藩下舊人當陣被擒
是實等語兩司審單口供俱同臣等仰體
皇上好生之德將擒獲賊兵槩行免死剃頭發營安
插外該臣看得逆渠構亂於茲七年竊踞我疆
土蹂躪我生民處處稱兵致煩
天討如自去冬以至今春漢南川蜀捷報頻頻斬殺
俘馘極多可謂大挫其鋒然未似永寧一捷生
擒斬殺若此之多且李環等皆遼東舊人而旗

幟製造不同其爲勁旅也明矣再逆渠僞勅十道諄言永寧爲重觀其詞語勢窮力盡危在至極從此一敗益見心寒膽落所有官兵仰仗

皇上天威十分用命戰功不可泯沒亟宜請旨加恩以勵後効以示鼓勵至總兵李芳述歸誠後

功勞尤著合併敘明叩懇
皇上勅下從優議敘使行間將士暨投誠各官人人奮勇爭先効力者也在事有功人員及傷亡官兵俟冊報到日另疏題

奏疏存藁

卷之三

七

請得獲逆賊僞勅火牌文移等件送部外臣謹會同將軍臣吳丹俄克濟哈督臣楊茂勳撫臣杭愛合詞具

題伏乞

皇上睿鑒勅議施行康熙十九年六月初十日奉旨官兵於永寧地方殺敗逆賊可嘉及李芳述授爲隨征總兵官俱已有旨了兵部知道

遵 諭再遣官兵堵剿疏

密題爲報明遵奉

上諭再遣官兵堵剿暨逆賊兩路出犯情形并陳進滇兵數糧運仰副

聖懷以期克効事四月十七日接准兵部密咨奉上諭川省與雲貴接壤通路甚多逆賊必來侵犯關係重大昨據總督將軍趙良棟報我官兵已抵金沙江宜行總督將軍趙良棟將軍吳丹俄克濟哈等在各處要路俱令立營挖壕砌壘堞口於此進

奏疏存藁

卷之三

三

取之間令其固守所守官兵糧餉運送勿誤欽此仰見我

皇上重念封疆

睿慮周到查滿洲馬匹尚瘦原進川東漢兵俱在保寧而臣敢不以滅賊恢疆戰守爲重耶如該鎮將前報因降弁復萌叛念放賊過江已經擒斬繼報殺敗攻城之賊業經

題報在案臣復慮建昌切近雲南爲賊必爭之地已四次遣發過官兵五千旣奉

上諭復發兵三千計前後五次遣發過叅將呂自魁
遊擊鄭有榮總兵胡振雄王好文王進才藍兆
周遊擊柴英趙光榮馬登仕趙元輔馮德昌趙
魁英王洪仁等帶領官兵八千員名矣又永寧
逆賊出犯臣不敢以兩路岐視亦遣遊擊龔玉
柱總兵李芳述鄒九疇張友成王夢楨副將楊
三虎王之後遊擊屠存義吳志等前後三次計
發過官兵四千員名矣今永寧逆賊惡戰死敵
已被官兵殺敗而建昌逆賊檣櫓木驅象隻雖

奏疏存藁

卷之三

七

我兵奮勇屢有擒斬尚未大破其衆而臣原進
川西一路漢兵一萬三千除去兩路遣發一萬
二千加之防隘塘撥不獨成都無官無兵抑且
滿漢官兵俱沾奉

旨養馬之實而臣之官兵當此酷暑炎熱總未停歇
永寧逆渠王邦圖尤廷玉高元烈等賊既經殺
敗遠遁地方係將軍臣吳丹統領原進川東漢
兵應進之路臣已會明將軍臣吳丹俄克濟哈
遣發總兵費雅達帶領所部官兵并嚴催提督

臣王之鼎帶兵速赴永寧接防所有臣遣勦賊
官兵四千應行撤調回成都暫喂馬匹聽候續
發建昌進勦相應一併

題明至於進取滇黔以臣所計賊勢雖敗然其餘
孽舊人尚多即使不顧其主而伊之父母妻子
豈有槩置不顧者乎若我兵而厚用之得當彼
衆不降更何所往若我輕忽視之用之不當則
彼衆必拚命死戰不第雲南原係賊巢不可輕
忽即進建昌永寧兩路地方率皆苗蠻彝獍到

奏疏存藁

卷之三

七

處關隘要路須當留兵防守而留防之兵又非
三二百人可以扎站且廣西進兵隔遠不敢必
其前後而四川兩路亦甚寫遠難以接應一路
有事止可顧得一路遇有險阻各須自爲努力
先到更須獨當一面此臣諄切言之者總欲克
捷迅速計出萬全每路二萬漢兵實不爲過也
且如前進漢南由興安一路除滿洲之外綠旗
漢兵一萬復有總兵程福亮帶兵二千接應棧
道一路綠旗漢兵一萬二千復有總兵高孟帶

兵二千接應小川子一路除滿洲之外綠旗漢兵一萬復有總兵朱衣客帶兵二千接應微臣進八堵山一路綠旗漢兵五千二千接應是通計綠旗漢兵四萬五千員名矣漢南尚用綠旗兵四萬五千而進取雲貴用兵四萬又豈爲多况係已用之兵數大將軍

題報可查倘臣言不謬仰祈

容裁勅下大將軍陝督照數撥派速發軍前以重進勦以期速効者也臣復有請者建昌一路大兵

奏疏存藁

卷之三

七

行糧應在成都嘉眉邛雅瀘等州運送不獨苗蠻烟瘴之地且有大小象嶺瀘江之險其間輓運須步步防護庶保無虞又川民刀玩疲敝素稱難治必須能員率兵押送今川糧交與四川總督巡撫運送勿誤已經奉
旨如撫臣杭愛標下尚無招兵督臣楊茂勳既抵成都帶有現成標兵應遵

嚴綸協同撫臣督運川糧星赴建昌勿使有誤如臣等前議督臣在重慶者原以遵義未復督臣現

在重慶今湖廣官兵已取辰沅可以直下貴州而遵義之賊不戰自遁况順承王既駐重慶督臣可以停其復去以免往返當遵

旨就近料理川糧以專責成統聽
勅議緣係報明遵奉

上諭再造官兵堵剿暨逆賊兩路出犯情形并陳進定雲南兵數糧運以期萬全事理貼黃難盡伏
乞

皇上睿鑒全覽

奏疏存藁

卷之三

七

勅部施行康熙十九年六月初六日奉
旨議政王貝勒大臣會議具奏

奏疏存藁卷之三終



奏疏存藁卷之四

目次

彙繳投誠偽勅印劄疏

再題川省文職疏

亟言秦糧當運敘府疏

請給征兵家口坐糧疏

恭謝 聖恩寵眷疏

恭謝 欽賜弓矢詩文圖說疏

恭謝 欽頒四書解義疏

奏疏存藁

卷之四 目次

題報偽將軍通款並請速備軍需疏

偽將軍歸誠差人齎繳印劄疏

遣發鎮將聲援建昌疏

投誠文官降等授銜疏

投誠鎮將出首逆書疏

請 勅嚴催各路進兵疏

題報偽將軍已抵禮州疏

初報庸鎮退兵疏

特叅庸鎮輕棄汛守疏

題報敘府危急疏

奏疏存藁

卷之四 目次

奏疏存彙卷之四

彙繳投誠偽勅印劄疏

題為彙繳投誠文武官員土司人等偽勅印劄事

竊臣自本年正月初一日督兵破白水壩險浮

水渡江初三日大敗青川之賊恢復龍安復敗

賊於青箐山舊州明月江初十日克取成都招

撫到偽將軍巡撫總兵司道府州縣副叅遊都

守千把等官并嘉眉邛雅瀘州敘府馬湖建昌

永寧各路漢土官員相繼歸誠俱經臣具疏題

奏疏存彙

卷之四

聞而繳到偽印偽劄查明彙繳亦於各案聲明今查

偽將軍巡撫總兵副叅遊守司道府州縣衛所

土司等官有首先投誠者有事急就撫者有保

全城池拒賊效順者有敗散之後相繼奔投者

通計一千三百九十五員武職各官堪以隨征

為

國効力者臣遵

旨俱照伊等偽銜降一等填給印劄文職選其才能

亦遵

旨酌用另為題

請所有前後繳到偽勅四道偽鍍金方印一顆偽銀

方印二顆銅方印關防條記二百六十三顆偽

劄一千三百八十四張造冊移送兵部又白水

壩青川舊州陣斬逆賊得獲偽劄一百四十六

張永寧陣斬逆賊得獲偽劄九十七張一併入

冊彙繳外臣謹恭造簡明一冊

進呈

御覽理合具

奏疏存彙

卷之四

題伏乞

皇上睿鑒勅部查明銷燬官員註冊施行康熙十九

年七月初三日奉

旨該部知道

再題川省文職疏

題為報明委署新復地方官員仰懇

聖明俯允以竟前勞以勵後効事康熙十九年六月

十三日准吏部咨文選清吏司案呈奉本部送

吏科抄出勇略將軍趙良棟題前事等因康熙

十九年四月二十日奉

旨該部議奏欽此欽遵抄出到部該臣等議得勇略

將軍趙良棟疏稱隨征候補都司馮天惠等委

署龍安府知府等缺以示激勸等語查川省各

奏疏存彙

卷之四

三

缺臣部於本年三月內奉

上諭將應陞應選補官員挨次籤補給憑在案應將

該將軍趙良棟所題之處無庸議等因康熙十

九年五月初二日奉

旨依議欽此欽遵抄部送司相應行咨案呈到部移

咨到臣臣思名器至重不輕以畀人者昭爵賞

之無私而酬庸

大典有功必錄者信予奪之不爽當臣奉

命天討不浹月而川西川南底定原非一手一足之

力其間出奇制勝所至全城收功一旦以慰我

皇上數年西顧之憂實資文武將士力也臣所恢復

成都等地方上自司道下及府廳州縣并雜職

等員共計二百八十二缺如臣前止

題委三十五員者原自慎重不敢一槩濫用廢員

查爾時敗賊或於經過地方搶掠或於山林聚

結害民赤貧百姓畏怯遠避者有之苗蠻彝獯

心持兩端觀望者亦復不少臣孤軍深入地方

遼闊全藉隨征各官招撫百姓安慰人心清查

奏疏存彙

卷之四

四

殘賊催辦軍需無非為

朝廷地方起見但知人則哲自古為難臣之所以用

此數十員者蓋不知幾費籌度於此矣除馮天

惠張仁敏顧耀祖楊三鳳朱常惠江九鼎陳名

英趙助鼎狄世特陳天祥齊人鳳陳經濟楊凌

雲諸秉鉞武不改文并遲照羅安不敢槩請外

如原任徽州偽知州蔡廓臣前克取州城不隨

敗賊逃遁率民首先繳印投誠忠誠可嘉繼則

隨征畧陽進勦入川不辭危險隨臣騎馬渡江

不離左右臣以成都初復同知專司兵糧必得
不苦兵不害民出入公平持心端正之人不阿
上不凌下支持有法品行兼優之才方克勝任
查本官署事以來不獨錢糧清楚事事不誤而
且不收加耗民之頌聲載道現今供應滿洲大
兵糧草投誠總兵潘九蘭雖以武弁實係文士
自投誠隨征効力頗有才智查自委任成都通
判以來協辦軍需極力供職現在建昌軍前料
理兵糧投誠副將屈大伸原係禮縣生員久有

奏疏存藁

卷之四

五

歸正之心如前紅川僞將軍杜學占山寨屯糧
草原欲抗衡復疑本官恐爲內應因而不戰奔
逃本官差人納款可謂臣進勦一路首先倡順
之武弁也臣因嘉其效順又以吏才可借隨委
任綿州知州查自署事以來招民復業安輯地
方克稱厥職投誠原任徽州僞州判張贊臣前
克取畧陽之後兵馬乏糧本官於徽州兩次催
督銀買糧料接濟兵食頗著勤勞而大兵入川
本官亦冒險隨營前來查自委署平武縣知縣

以來民安無擾可稱百里之才投誠原任雅州
僞知州常念茲不獨率民繳印首先投誠抑且
保全倉庫報出收存銀兩投誠原任石泉僞典
史李瓊瑤當成都未下敵賊在前民皆觀望本
官能倡先效順於臣馬首之前徒步前導呼叫
山林之民雖克城畧地有方民懷民歸有素然
究本官之心忠而念尤切也查自委任新都以
來不獨路當孔道能理劇治繁抑且民懷頌德
候補同知楊大威准將軍臣畢力克圖咨送原

奏疏存藁

卷之四

六

於延綏有功候補查自委任簡州衝繁大路頗
見其才成縣典史卜延廷督運軍糧入川可謂
冒險深入備歷勞苦查自委署蘆山以來平易
近民無忝乃職隨征守備金琦陳正試馬際伯
趙雲龍原係儒士志切滅賊自備鞍馬隨師進
勦不獨軍功可紀辦事可錄查自委任以來留
心閭閻民稱其便隨征生員李應璧趙名鼎宣
翰盧士哲馬承先高任隆原任知縣貢生徐起
鵬當新復之初人心風鶴之際或冒險深入山

林招出民人或督兵勦除聚結之賊至治政寬和敷宣教化而民心悅服輸將恐後軍需無誤又今日之所最急以上各員數千里隨征滅賊忠績茂著今若一槩擯棄不錄不獨可文可武之才甚爲可惜抑且正在進定滇黔何以激勸人心而收後効此臣再四思維不得不仰懇

聖明允臣所請倘邀

恩格外則已委各官展布有地必不敢負

國以負民卽未委諸人觀感思奮自能奏績戡亂

奏疏存藁

卷之四

七

蚤奏蕩平臣從軍前用人起見伏乞

皇上睿鑒勅部議覆施行

亟言秦糧當運敘府疏

密題爲進征期迫急請秦糧速運敘府以重軍機事查臣等前議兩路進取雲南建昌一路應用川糧永寧一路應用秦糧川糧運建昌秦糧運敘府諸王議覆官兵糧米關係亦屬最要建昌預備糧米交與四川總督楊茂勳巡撫杭愛將四川省糧米運送毋誤敘府預備糧米陝西河路已通交與陝西總督哈占巡撫鄂愷甘肅巡撫巴錫由陝西運送毋誤仰荷

奏疏存藁

卷之四

八

俞旨依議速行部文咨移到臣欽遵有日在陝諸臣

當念川西一路官兵不曾搶掠而成都之民能

應建昌一路兵糧減秦民全運十分之半將永

寧一路秦糧急督運於敘府共圖滅賊蚤期

蕩平乃督臣哈占非不知雲南爲賊老家四川

爲賊門戶進勦事關重大兵糧已經奉

旨反阻撓其間巧言推卸是誠何心臣秦人也深知

秦地重深知秦民苦殊不知川地更重川民更

苦始不遠舉僅就耳目之所及者爲我

皇上一一陳之如四川環山阻水有天生之險人民
強悍歷代稱雄自張獻忠殺戮殆盡州縣俱成
荒丘保寧至成都八百里烟火斷絕可爲慘極
逮我

朝定鼎順治三年肅王入川張獻忠授首孫可望南
奔總兵李國英栢永馥馬化豹盧光祖等分守
四川或乏糧失宜羣盜四起僞伯王祥李占春
袁韜楊展僞藩朱榕等竊犯川南川東川西皆
失李國英等退守保寧督臣孟喬芳督運川糧

奏疏存藁

卷之四

九

調撥邊兵平西王吳三桂墨勒根蝦駐劄漢中
府秦民之苦有自來矣順治九年吳三桂墨勒
根蝦入川三邊之兵調撥無休總兵南一魁於
敘府全軍失陷陳德於川東失利吳三桂墨勒
根蝦自嘉定退保寧是時劉文秀雖敗而全川
復陷於賊手矣李國英馬寧沈應時嚴自明等
招撫坐鎮戰守並行五六年間止得一保寧與
龍安耳延至順治十五年孫可望李定國內變
大兵三路進取雲南後十六年由建昌而適成

都全川始定其間數十年不知費

朝廷幾千百萬金錢幾千百萬民力及至吳三桂反
叛全川降賊在陝諸臣議戰議守者又經六載
收復川疆之難非其明證乎何諸臣頓忘入川
之難不以雲貴爲重調兵則言陝西爲重無兵
可發請糧則言保寧有船巧爲推卸若曰爲民
苦請命臣知秦民苦矣民苦且徹骨矣督臣急
宜痛禁司道府廳州縣絕其私派私折留民脂
膏單爲

奏疏存藁

卷之四

十

朝廷公家出力民雖苦無怨若曰以四川各有督撫
岐視推卸當此奉
旨進兵何等緊急重大豈容督臣以一己之私心弄
巧成拙貽誤大事再查保寧幅幘數百里捨掠
一空順慶重慶亦然督臣又豈不知民苦且不
聊生安得尚有船隻乎夔州依山近水久不覩
王化之民且與賊爲鄰臣愚姑待以寬遵義爲賊
所據患在肘腋是川東川北不可問矣雖川西
川南不曾搶掠然除去生番苗獮以及不毛之

奏疏存藁

卷之四

十一

心如焚敢不據實入

告急請歸正伏乞

皇上乾斷仍照諸王前議勒令陝督將秦糧速運敘
府勿致有誤至臣生長於秦有不爲桑梓請寬
民力而反爲川民切慮者因四川人民實實無
多且心性強悍素稱頑梗是臣前疏懇

請痛禁搶掠收川首要得其民心今克復成都六月
矣而近山之民或與苗獮雜處或與賊境不遠
尚有觀望之心撫綏得宜則近我稍加督責則

從賊此臣一言再言原與川民無親無故總爲
恢疆滅賊

軍國重計起見也貼黃難盡叩懇

皇上睿鑒全覽

嚴勅速議施行康熙十九年七月二十五日奉

旨該部確議具奏

奏疏存藁

卷之四

十一

請給征兵家口坐糧疏

題為兵丁遠道從征懇請照例准給家口坐糧以
免內顧以勵進勦事竊惟國之所重者惟兵而
兵之所賴者惟食兵食兩足斯稱勁旅今官兵
遠道從征衝鋒破敵履險蹈危使外有所依內
無所養嗷嗷待哺非所以下安兵心上濟
國事也查各兵正餉之外隔省尚有鹽菜銀兩我
皇上浩蕩之隆恩豢養官兵可為至極至盡矣而官
兵感

奏疏存藁

卷之四

三

恩思奮鼓勇爭前亦可謂克濟征討以期滅賊矣惟
是數千里遠征離家一載誰無父母妻子之情
且臣痛禁搶掠匹馬不許出城各兵亦自恪守
法紀凡修整器具衣帽鞋脚并其食用俱取足
於餉實無餘藁以贍養家口即或間有一二減
用者而進征漸遠亦難稍帶及時顧濟今各兵
比例陳情臣敢據實入

告再查定例隔省遠征之兵原有家口坐糧米三斗
而各省有行者有未行者即陝西一省有造支

者有未造支者臣叩懇

聖明勅下陝西督撫將寧夏入川官兵於十九年正
月初一日破險入川起每兵遵照定例准給坐
糧米三斗俾其家口無饑餒之虞則各兵得釋
內顧之憂益感
皇恩無盡其奮勇爭先齊心圖報自不難於刻期奏
蕩平之效矣至於各鎮營入川征勦官兵自應
一視同仁合併敘明以昭畫一臣以進勦全藉
兵心起見伏乞

奏疏存藁

卷之四

四

皇上睿鑒勅議施行康熙十九年八月十七日奉
旨該部議奏

恭謝 聖恩寵眷疏

奏為恭謝

天恩事竊惟義重

君臣情親父子然未有如我

皇上恩慈廣逮曲體下情使臣之一門遭此

隆遇者也臣家世邊鄙碌碌無長忻逢

盛世仰戴

國恩蒙我

皇上不次拔擢畀以將軍之權寄以總督之任臣長

奏疏存藁

卷之四

五

子趙弘燦文雖章句粗通武則戰陣少練復蒙

寵眷授為總兵繼臣之後領師軍前聽臣驅策季子

趙弘煜同赴軍中宣力左右總之

聖明忘

君臣之分察父子之情

皇恩浩蕩

帝德難名而臣父子何幸何修邀

恩若是耶捐竭頂踵期諸身世至復傳

密旨

聖懷切重生民臣雖不敏敢不益體

皇仁蓋率領師徒於行間無事之日時切仰遵

聖訓况躬擐甲冑於救民水火之會敢不愈凜

天威

廟謨神武臣祇承以不殺為威

聖德遐宣臣誓眾而秋毫無犯惟願

君臣一德克紹沕穆之休父子同

天永祝靈長之祚耳謹奏

謝以

奏疏存藁

卷之四

六

聞康熙十九年八月三十日奉

旨該部知道

恭謝 欽賜弓矢詩文圖說疏

奏為恭謝

天恩事康熙十九年七月二十九日臣子趙弘燦齋

捧

欽賜臣

御製詩

御筆太極圖說并

御佩腰刀撒袋到蜀臣即率大小將領郊迎至署恭

設香案望

奏疏存藁

卷之四

七

闕叩頭謝

恩祇領訖伏思我

皇上聰明天縱聖學淵深文德武功超越前代迺

萬幾餘暇究羲氏之心傳自太極以邇無極發唐

虞未傳之秘旨昭示來茲念戎馬之遠征由歌

風而及肆雅製漢唐正始之元音慰勞將吏龍

翔鳳翥頌自

皇朝玉振金聲傳諸閩外耀德觀兵同乎一理行仁

討罪悉秉

睿謨更且

彤弓羽矢

利刃昆吾解自

聖躬賜之臣下捧

天府之奇珍寶人臣所希觀

輝煌彩珮早增壁壘之光輝

赫奕

龍章永壯河山之氣色臣邊鄙庸流戎行下質識踈

學易理未晰乎天人才愧敦詩任濫叨夫節鉞

奏疏存藁

卷之四

六

振旅提軍願致身於此日投戈講藝待休沐於

他年自顧何人邀斯

寵錫至於

宸翰所頒慰將士於數言感深肺腑動歡聲於萬里

志切馳驅臣惟有益勵匪躬之節少酬

高厚於涓埃迅整滅賊之師冀盡臣心於萬一已

耳謹奏

謝以

聞康熙十九年八月三十日奉

旨覽卿奏謝知道了該部知道

奏疏存彙

卷之四

九

恭謝 欽頒四書解義疏

奏為恭謝

天恩事康熙十九年七月二十九日臣男趙弘燦至

蜀捧到

皇上欽頒日講四書解義一部到臣臣恭設香案望

闕叩頭謝

恩祇領訖恭惟我

皇上

光被四表

奏疏存彙

卷之四

三

協和萬邦

闡千百聖道學之源大成斯集

開十六字傳心之要

帝德丕昭臣嘗讀大德之詔凡有天下者無不法則

先王道遵往聖以開萬世無疆之業我

皇上

神明天亶

聖學日新謂百王治平之理非孔氏無以發明而

一貫忠恕之微藉

宸衷爲之鑒定窮洙泗之淵深纂朱程之奧義臣雖
不敏敢不奉爲

典訓惟有傳之子孫世守勿替以仰體我
皇上正心誠意格物致知之實學耳謹奏

謝以

聞康熙十九年八月三十日奉
旨覽卿奏謝知道了該部知道

奏疏存彙

卷之四

三

題報僞將軍通欵並請速備軍需疏

題爲僞將軍差人通欵謹報明疑似情形仰祈

睿鑒事竊臣以建昌爲進取雲南第一緊要之區遵
照

俞旨屢次遣發官兵嚴加固守并擊敗攻城之賊現
在對壘情形經臣前疏

題報在案此後數報逆賊添兵或互相斷糧或擡
檔木迎敵大肆鴟張官兵奮勇屢有擒斬臣因
未經大敗賊衆不敢輕爲入

奏疏存彙

卷之四

三

告所有各官塘報俱俟破賊後方行彙敘止嚴飭官
兵固守以待秋深糧足大兵一齊進勦今於本
年七月二十六日據建昌軍前臣標前鋒遊擊
王洪仁西寧遊擊趙元輔隨征總兵王好文建
昌總兵王進才等差隨征都司劉成領來僞鴻
麗將軍下隨征遊擊關繼忠至成都接到僞將
軍海潮龍與臣印書一封內云伊等官兵駐劄
鹽井欲爲應天順人之舉與各標副將李鍾秀
張虎劉友功程應貴會議妥確聯絡迤西一帶

并通親軍鐵騎前將軍田進學內應引大兵由北勝賓川直取會城僞泰和侯張國柱亦有歸正之心惟希致字彼自來歸而敝標中軍總兵官辛敬從中抗阻於本月十三日業經臬首追出關防劄付專差齎繳惟望迅發大兵策應或先發告示曉諭官員兵民收服人心等語復訊關繼忠口供無異又稱海將軍原係

朝廷舊人久有此心小的原係鑲藍旗下人於十三年保寧被截海將軍養爲兒子等語各等情到

奏疏存藁

卷之四

五

臣臣隨請將軍臣吳丹俄克濟哈叅贊佛尼勒副都統覺和托督臣楊茂勳撫臣杭愛於臣署公同閱畢來書復一一細問口供訖該臣查看得用兵之道詐術多端而謀用在人豈可不備今閱其來字察其來人情似可信然繳到僞印劄不過一塊銅一張紙有何確憑實據况劉起龍現在建昌窰山統七千賊衆扎營死拒會川有僞將軍張國勳金沙江有僞將軍王屏翰僞總督王公良又復新到續報於會川過河犯德

昌已與我兵對敵而海潮龍在鹽井距建昌尚有五日程途田進學在永昌更遠且查鹽井出賓川州二十餘日無人烟無糧米又二日適洱海迤西地方復回走雲南府十二站不獨須防狡賊詭計抑且枉道深入又豈不慮是臣不敢信其必真輕舉妄動亦不敢盡以爲假塞其向化之門除厚賞關繼忠卽與海潮龍田進學張國柱修書三封并齎騰黃

勅諭以及告示差官治國用梁輔唐同去以禮回答

奏疏存藁

卷之四

五

觀其動靜再於成都續發官兵星馳前去暨密授軍前鎮將方畧相機而行外俟另有情形再爲題報至於臣應進建昌一路前後共發過綠旗官兵一萬有零日支之糧尚報緊急裹帶之糧通未運到川東之賊又在蠢動而運敘之秦糧尚託空言軍機重大蚤晚難期兵糧切要尤宜上緊謹一併報明伏乞

皇上睿鑒施行康熙十九年八月二十四日奉
旨戶兵二部會同速議具奏

奏疏存藁

卷之四

三

偽將軍歸誠差人齎繳印劄疏

密題爲偽將軍投誠已有可據謹再報明情形仰
祈

睿鑒事竊照偽將軍海潮龍差人通欵臣卽一面遣

發官兵前去諭令軍前鎮將相機而行仍致書

并齎贍黃

勅諭告示差官前去鹽井觀其動靜以辨真假緣由

業經具疏

題報在案今於八月初九日復據軍前鎮將差官

奏疏存藁

卷之四

美

王通領到偽將軍海潮龍下偽隨征遊擊殷朝

陽繳到偽雲南路鶴麗將軍銀方印一顆偽親

軍鐵騎前將軍標偽中軍副將銅關防一顆偽

永北鎮中軍副將銅關防一顆總副叅遊等官

偽劄八十一張臣俱一一查驗訖而海潮龍復

與臣印書一封內云自癸丑之變謀逆稱戈生

靈塗炭迄今七載幸

天心厭亂殄滅元兇猶有餘孽尚恣螳臂今龍上順

天意下應人情統領兵馬聯絡鎮將由迤西進

取拯救黎民况龍乃

世祖章皇帝舊臣渥德懷恩已非一日茲當大舉之會

應宜竭盡忠忱以報

皇恩於萬一也但兵貴神速不可久延倘泄其機未

免又多一番爭戰惟祈大將軍老勲臺碩畫奇

謀遣兵迅發先以萬騎前驅隨後陸續接應如

兵蚤至一日則民蚤解一日之倒懸矣所有龍

原授將軍印篆以及各官印信劄付差官理合

呈繳仰冀代為轉

奏疏存藁

卷之四

毛

奏其有兵冊應宜卽投因事在迅速未及清理俟

展限方行造報伏惟大將軍老勲臺俯鑒愚忱

臨楮曷勝瞻切等語復訊殷朝陽口供備道投

誠真確緣由以及滇中虛實情形又稱各標官

兵俱已剃頭惟有海將軍只候我

朝官到卽便剃頭惟祈速發大兵各等情到臣該臣

查看得逆賊負固征勦雖貴乎蚤圖而審時度

勢事機必察夫至當今海潮龍率領全軍於官

兵未入境之前納款繼而齎繳印劄又復聯絡

迤西地方自任前驅滇省動搖正在此舉况與

臣前疏條奏八月終一齊進發之期不遠臣理

當親赴建昌相機調度出洱海取金江兵分兩

路直搗雲南機會誠不可失但逆渠胡國柱馬

寶王會王緒諸逆出犯仁懷合江兩縣已失永

寧瀘州兩處緊急川西川南之民以及松潘等

處番彝苗蠻不免又是一番搖惑成都為根本

重地臣若輕易一動萬有不測關係不輕臣只

得再遣官兵星馳建昌諭令軍前鎮將一面破

奏疏存藁

卷之四

天

德昌之賊退窰山之衆一面分兵應海潮龍相

機前行俟兩處再有情形臣會同將軍臣俄克

濟哈商酌前進斷不敢有誤根本之地亦不敢

坐失進取之機惟是事多阻滯力不從心臣又

不得不據實

奏明仰祈我

皇上聖明乾斷如應進永寧一路滿漢官兵係將軍

臣吳丹所主臣既任建昌一路原不當越俎而

言然雲南為賊老家四川為賊門戶勢在必爭

永寧建昌自須重兵川江瀘州尤當防備臣擬將原進川東今駐保寧漢兵速調赴永寧瀘州防守二處統兵者亦須練達之將蚤爲責成一則彈壓地方以壯聲勢以備進勦再則破逆之狡謀喪賊之心膽以開招徠之門臣善言理講公所會議十餘次不啻舌敝將軍臣吳丹不聽此猶五六兩月內之言也迨至七月初六日投誠僞舉人李天成言馬寶封蜀王來遵義臣又請衆至公所言之至再論之至三衆議調王用

奏疏存藁

卷之四

无

予赴瀘州次日又復中止今逆賊果來出犯仁懷合江已失永寧瀘州緊急原在川東投誠僞官何良柱袁縉復叛從賊僞授將軍總兵惑亂人心運敘之秦糧出自公議奏請奉

旨已以乃大家使巧推卸不運茲合江旣失河路阻梗竟置耽閣兩路進取雲南應用陝西綠旗漢兵四萬亦出公議乃奏請各別以致推阻於今續調之兵尚未到川不能應急建昌官兵日支之糧不敷裹帶之糧尚未運到成都滿漢官兵

糧餉歷欠裹帶之糧亦在未備十九年正糧有限蚤已完納而召買屢派屢催未見照數發銀與民而民稱苦累布政司又言庫內無銀恟恟不到至湖廣官兵旣過楓木嶺辰龍關取辰沅坦坦大道可以直抵貴陽何馬寶王會王緒等逆舍鎮遠而來四川臣所無法臣所不解惟有仰懇

聖明嚴飭諸臣統兵者務令蚤至所指之地司糧者務令極力督催湖廣滿漢官兵立限速速進取

奏疏存藁

卷之四

三

貴州將軍臣吳丹應卽去瀘州調度滿漢官兵恢復合江先通糧道遵照

題明兩路進取雲南運敘之秦糧陝西督撫速爲催督務使刻期入川成都建昌兩處滿漢官兵裹帶之糧四川督撫急急備辦不可有誤陝西續調官兵請

勅下大將軍速爲調撥秦省應解協餉督臣不拘何項銀兩先儘督運四川接濟進兵倘臣言不謬我

皇上准遣部臣各一員分頭催督庶克有濟而臣亦
得一心一力前進又可慮者時已八月半矣往
返請

旨以及差官到地方九月初旬而海潮龍投降之機
會可待九月初旬耶抑逆賊出犯又可待我之
兵齊糧足於九月初旬耶臣言念及此疾首痛
心徒深扼腕而已事既至此臣惟有仰仗我

皇上天威相機前進勉力支持所有繳到偽印偽劄
臣當另爲差官齎繳大小各官因急在鼓勵臣

奏疏存藁

卷之四

三

照銜暫行換給劄付兵丁俟其造報到日預借
餉銀安慰向化仍差官齎送袍帽花紅銀牌前
去分賞并遣官兵與之連合均俟微臣一一佈
置至僞將軍海潮龍傾心戀

主當逆賊分路出犯狂逞之時能率領全軍獻地投
誠先機效順是滇省蕩平在此一人首倡矣想
我

皇上嘉與維新自不靳其酬庸之典然臣思優異一
人卽可以激勸千萬人又不得不代爲請

命也臣叩懇

皇仁將海潮龍仍畀以將軍之任令其統領原兵以

爲前導其應給

勅印由

御塘飛遞軍前俾其身佩符節取信遐荒則在滇諸

人無不聞風響應之恐後矣臣復有請者張國

柱李本深王會高啓隆俱係

皇上舊臣或爲一時迫脅應否照馬寶吳應期一例

頒發恩赦以廣招徠合併奏

奏疏存藁

卷之四

三

請貼黃難盡伏乞

皇上睿鑒全覽

勅議速覆施行康熙十九年八月三十日奉

旨議政王貝勒大臣會議具奏

遣發鎮將聲援建昌疏

密題爲再報軍機緊急并陳分佈情形仰祈

睿鑒事竊臣以僞將軍海潮龍繳印投誠須兵接應而仁懷合江失守瀘州永寧緊急并諸臣緩視貽誤情節業於前疏

題明在案今建昌軍前鎮將差官費重振治國用夏騰龍先後至成都請兵報稱逃易所又出賊一股約有萬餘并王公良合力犯德昌於河西斷鹽井之路劉起龍窰山之賊又添六箇營盤

奏疏存藁

卷之四

重

於八月十二日檣檔木方營六座欲占北山一帶下營邀截我兵後路雖被我兵奮勇躡了方營一座殺死逆賊數百然賊衆我寡火器又多晝夜攻戰無休須速發萬餘大兵前去方可破得賊衆遲恐誤事又遣去鹽井衛官兵不能兼顧禮州防守官兵糧米缺乏天王廟營盤現在受敵等情臣思建昌如此緊急臣理宜會同將軍臣俄克濟哈親統滿漢官兵星馳前去力圖滅賊進取雲南但永寧一路續報瀘州又復失

陷逆賊已過大江則嘉眉邛雅等州縣之民逃

避山箐隆昌富順等州縣之民多變而爲賊將軍督撫以全川震動咸謂臣不宜去建昌留臣守成都彈壓地方以定人心而臣亦以患在肘腋合當先爲撲滅是將兩路滿洲大兵俱撥去瀘州將軍臣吳丹調王用予官兵協勦將軍臣俄克濟哈亦督兵前去如敘府爲瀘州上流總兵李芳述等官兵并其家口住彼臣於聞仁懷合江之信時遣都司潘士龍帶兵五百名前去

奏疏存藁

卷之四

重

防範今已入城協防又李芳述等鄉解逆賊出首逆書臣復遣遊擊顧隆帶兵一千前去固守仍諭該鎮將俟大兵至隆昌留兵一半守敘府帶兵一半從上流直下協取瀘州臣旣不便輕離成都去建昌而建昌深入之官兵屢屢告急甚爲堪慮無奈續調官兵未到滿洲大兵俱去瀘州不獨成都爲重抑且無兵可遣然事出緊急臣又不得不於萬難處置中勉爲調劑急救燃眉今擬遣鎮臣朱衣客帶伊標兵一千名隨

征總兵段登仕帶領鎗砲手兵丁五百名再於大渡河防隘兵丁中挑選五百名令總兵趙名友統領共合二千名前去建昌以爲聲援以安兵心并嚴飭官兵暫爲固守不可輕敵臣惟候續調之兵到并瀘州克捷後臣統漢兵自成都前赴建昌將軍臣俄克濟哈統領原進建昌一路滿兵自瀘州由敘府適雅州前赴建昌勦滅逆賊接應海潮龍進取雲南所有成都省會須兵彈壓查巡撫尙無標兵提督標兵俱去永寧

奏疏存藁

卷之四

三

總督標兵多半在重慶帶來兵一千已發去救援納溪未回而臣一路官兵除去遣發以及傷病尙不足二千暨臣暫留勉爲支撐合併敘明貼黃難盡伏乞

皇上睿鑒全覽施行

授誠文官降等授銜疏

題爲授誠文官事同一體應照武職降等授銜以廣招徠以收實効仰祈

睿鑒勅議事案查本年三月十一日准兵部咨該議政王等會覆微臣成都既定等事一疏內開查將軍趙良棟旣身在地方具題應如所題准補授總兵官六員共設官兵三千名此總兵等官卽隨該將軍進定雲貴其餘不堪任使官員兵丁俱解散爲民堪以隨征人員俱照伊等僞銜

奏疏存藁

卷之四

三

降一等聽將軍趙良棟換給印劄隨征効力文職官員選其堪用者暫行委署其不堪用之內如有旗下官員令其回旗至逆賊吳三桂藩下之人查明暫留成都府如係各省民人俱令發回伊等原籍僞巡撫張文德亦令回京可也奉旨依議速行等因到臣該臣欽遵會覆奉旨事理卽於授誠各總兵中選其老成歷練膽勇過人并有身家忠實者六員遊守等官俱照漢中事例選拔兵丁三千名合馬二步八之例於奉

文之日起支俸餉已行令將官員職名兵丁數目備造花名清冊完日并降一等給劄隨征人員清冊另文送部爲巡撫張文德亦卽起發回京所有授誠文職官員內道府州縣有願回原籍及不堪用者陸續給照回籍堪用人員有現隨臣標効力者有尚委署州縣聽候交代者均俟臣起行進勦之時查明造冊咨報吏部存案今查僞按察司董定國僞督糧道黃起廕原係旗下人當全川被陷嘗懷歸正報

奏疏存藁

卷之四

七

國之心自投誠後爾時兵馬雲屯督撫未到新補布政久駐保寧二官極力催督軍需料理諸事不獨才幹可取抑且忠誠可嘉原任建昌道僞授太僕寺少卿張元凱率子遠越千里前來投誠忠順之心昭然練達之才已見且熟悉川蜀滇黔地理以上三員應同大兵進勦隨征辦事并令招撫至僞驛鹽道王律僞川北道何呈秀僞成都知府王鼎僞馬湖知府王弘性僞重慶知府王化賢皆逆渠藩下之人理應遵

旨安插成都但伊等父子兄弟多係賊中領兵之人

應擇其可使者一二隨臣前進則招撫一着更爲親切今擬將王鼎王弘性王化賢交送撫臣成都安插王律何呈秀隨臣軍前招撫再授誠武職官員既荷

皇仁准降一等令臣給劄隨征而文職事同一體亦應降等授銜臣叩懇

聖明俯將董定國黃起廕張元凱王律何呈秀無論司道槩准降以僉事道職銜隨征前進一以廣

奏疏存藁

卷之四

八

其招徠一以鼓勵投誠臣因滅賊恢疆蚤期蕩平起見伏乞
皇上睿鑒勅議行臣遵奉施行

投誠鎮將出首逆書疏

題爲報明投誠鎮將出首逆書終始堅貞仰祈
勅議加恩以彰獎勵事康熙十九年八月二十二日
據投誠總兵李芳述鄒九疇蔣榮德瞿洪陞任
夔道等差遊擊陳應先同臣前差領兵都司潘
士龍齋稟前來內稱逆賊僞閣部將軍胡國柱
差逆兵雙兒等二名到敘乃劉沛武奉胡國柱
發與各官僞諭僞書七張餌誘各官竊思卑職
等前因大勢迫陷賊中今既歸誠始見天日况

奏疏存彙

卷之四

奏

皇恩浩蕩官不失原職兵厚給糧餉惟有誓死以報
朝廷斷不爲逆賊愚惑但卑職等所統官兵原係僞
昭勇將軍劉之復標下者今劉沛武令人前來
聳動人心若發兵稍遲有誤大事除將姦細二
人綁拏候示外今將逆渠胡國柱與總兵鄒九
疇蔣榮德瞿洪陞任夔道等密諭專差遊擊陳
應先齋投出首又據潘士龍密稟李芳述言胡
國柱論中言一二小人者卽指李芳述而言因
我前在永寧不受他的僞書殺了王邦圖等的

官兵以爲讎恨劉沛武係劉之復長子敘府官
兵多係他家官兵其意有搖惑衆人殺害李芳
述的光景必懇將軍部院加恩與衆方保無虞
各等情到臣該臣查得李芳述鄒九疇係投誠
後遵

旨設立領兵之總兵也前遣於永寧破賊身先士卒
屢戰有功且出首僞勅逆書

題明在案今仁懷合江失守瀘州復陷賊正鴟張
勢在危急逆孽狡謀乘隙搖惑該總兵等矢心

奏疏存彙

卷之四

報

報

國不爲餌誘擒鄉逆差鎮定人心可謂能知
君臣大義忠貞不二者矣蔣榮德亦係遵

旨給以副將劄付隨征之員瞿洪陞任夔道原在川
東督臣楊茂勳軍前投誠僞總兵未經授職二
弁因其家口俱在敘府感臣保全其妻子遂同
心協力保守孤城除諭令各官益加勉勵憤志
滅賊并飭續遣遊擊顧隆等官兵嚴加固守臣
叩懇

聖明俯准加恩大施獎勵不獨五員爲川將中之翹楚熟悉滇中虛實可爲前導而歸誠之衆無不傾心戮力効命恐後矣所有偽諭書帖另文咨送兵部外相應具

題伏乞

皇上睿鑒勅議施行

奏疏存藁

卷之四

聖

請 勅嚴催各路進兵疏

密題爲微臣謹遵

天語等事准兵部密咨該議政王等會覆定遠平寇大將軍固山貝子章泰等題前事等因康熙十九年七月二十四日題八月初六日奉

旨議政王貝勒大臣會議具奏欽此該臣等會議得大將軍貝子章泰等疏稱臣等兵馬於閏八月盡從沅州進取貴州將軍吳丹等兵馬恢復遵義府卽進取貴州則貴州地狹民稀兩路大兵

奏疏存藁

卷之四

聖

會合一處糧米艱難如將軍吳丹等兵馬恢復遵義府仍應進取雲南大將軍簡親王將軍莽吉圖等兵馬從廣西進取雲南則大兵恢復地方有益行令將軍吳丹俄克濟哈趙良棟大將軍簡親王約定日期並進臣等請撥兵馬馬匹具題准兵部咨到卽便通行今已一月軍前並無捐送馬匹今臣等兵馬或竟無馬匹期月將盡仍進取雲貴等因查先經將軍吳丹等疏稱雲南地方係賊根本宜於建昌永寧二路厚集

滿漢官兵進征大兵馬匹瘦損應照十五年例
喂養一月過雨水時進取雲南湖廣兵馬如不
得貴州臣等統領滿洲綠旗官兵共取遵義前
往夾取貴州臣等會覆俱應如所題具題奉
旨欽遵行文在案今大將軍貝子章泰等疏內既稱
臣等兵馬進取貴州將軍吳丹俄克濟哈趙良
棟等兵馬恢取四川遵義府仍應進取雲南應
請

勅下將軍吳丹俄克濟哈趙良棟等恢取遵義府即
奏疏存彙

卷之四

聖

行定雲南擬定大兵進定日期速行奏聞具題
到日行文湖廣廣西大將軍將軍等約期一同
進定雲貴至鎮南將軍莽吉圖統領大兵回南
寧遵照前

旨進定雲南大將軍貝子所請廣西大兵進取雲南
之處無容另議再疏內稱通行捐馬將及一月
軍前並無捐送馬匹臣等兵馬或竟無馬匹等
語今大兵進取貴州馬匹係大兵急需應請
勅下湖廣巡撫偏沅巡撫鼓勵通省官員捐馬一千

匹務於閏八月內送至大將軍貝子軍前無誤
進勦軍機事務捐助各官職名馬匹數目造冊
送到之日聽該部照長沙捐馬之例議敘可也
等因康熙十九年八月初八日題本日奉
旨依議速行欽此爲此合咨貴將軍煩爲欽遵施行
等因到臣該臣看得逆賊構亂竊踞疆土荼毒
生靈經今七載我

皇上命師征討原爲出民水火蚤登衽席在外統兵
諸臣皆受

奏疏存彙

卷之四

聖

朝廷參養之恩復膺

聖主委任之重理當盡心効力各照分進之路蚤至
所指之地則勢窮之殘賊何難一鼓而下况雲
南爲賊老家退無可退四川乃其門戶勢在必
爭必守逆渠不降惟有死戰其手下兵丁總不
爲渠効死出力誰無父母妻子豈肯束手待斃
要在我之官兵同心合力一路勇往於一路一
處爭先於一處逆賊總欲人人拚死又焉能遍
爲支持若夫推諉緩視仍蹈陝西湖廣故轍今

日議不妥又在明日今年進不成以待明年滇黔川蜀不比秦楚亦大謬矣湖廣滿漢官兵爲數不少當全川恢復辰沅之賊奔退若肯一加努力沅州之抵貴陽坦坦大道並無險隘可以長驅直取而貴陽城池環繞皆山四面受敵賊自不守爾時遵義之賊逃遁尚恐不暇又敢拒守耶原進川東滿漢官兵於恢復保寧之後順慶重慶之賊俱逃人心風鶴若肯直下何患遵義不得此皆已往之誤言之亦屬無益至於永

奏疏存藁

卷之四

巽

寧瀘州亦爲重地將軍臣吳丹若不偏執蚤聽臣言預爲佈置焉有此番之失此又近事之乖謬以致人心搖動大費收拾事旣如此言亦何補然臣仍不敢緘口結舌於此時者切今時已深秋重賊俱來四川湖廣官兵尚不急急進取貴陽又請

勅下在川陝西官兵進取遵義如必欲在川陝西官兵取遵義湖廣官兵方取貴陽查建昌距成都一千五百餘里最險最難之山路成都又去遵

義亦有一千五六百里之程途不獨建昌官兵與賊對壘且屢報逆賊添兵大肆鳴張敢來攻城攻營理勢不當退兵抑且不能退兵總使可退想此三千里程途用多少日子方到遵義又用多少日子復回建昌方進雲南卽永寧現有重賊官兵敗賊之後自當乘勝追賊直進雲南豈可舍賊不追又去遵義况湖廣官兵果能直取貴陽亦止可抵安順前則鷄公背盤江河天險賊自拒守甚難用力旣不能進雲南豈有靜

奏疏存藁

卷之四

巽

坐於貴陽之理遵義相距四小站平路急行三日可以到得湖廣應進滿漢官兵多似陝西入川官兵無論有賊無賊理當分兵兼取一以就近破賊收功一以接應重慶以鎮川東又可爲永寧一路進勦官兵後應聲勢總爲

朝廷封疆出力再查遵義之賊出犯仁合瀘州多去永寧將軍臣吳丹統領總兵王用子等滿漢大兵二萬有餘理宜急急渡江前去救援永寧賊若一敗尾追前進不可稍停容賊守險不必以

遵義在後遲疑誤事蓋前之慮遵義者彼時湖廣官兵尚未見過辰龍關楓木嶺故耳今既已到沅州則永寧一路官兵自當直進雲南不必仍復拉扯遵義曠日持久以長賊勢以失機宜蓋臣前疏曾爲軍機不可預定陳明在案將軍臣俄克濟哈所統

題明原進建昌一路滿洲大兵瀘州賊退不必再去永寧可由敘府適雅州同臣前去破建昌出犯之賊應海潮龍進取雲南廣西官兵或兩路

奏疏存藁

卷之四

吳

或一路更懇

聖明再加

嚴勅速進以分賊勢倘如湖廣官兵不進永寧官兵遲疑廣西官兵寫遠則建昌一路官兵既已深入進則不能退復不可大爲可慮卽使仰仗

天威到得雲南亦恐一路官兵勢單氣弱無益於事此臣一言再言慮深而計遠者總欲急於滅賊蚤奏蕩平事出萬全也今將軍臣吳丹兵行將近一月尚未渡江恐永寧不能持久萬一不保

賊勢愈大民心愈亂且臣一路官兵俱遣發去建昌禮州盧沽大渡河一帶并兼顧敘府在省之兵無幾而嘉眉邛雅之民多有逃避富順隆昌江安之民多變爲賊烏蒙鎮雄等土司爲賊運糧松潘天全等土司苗蠻番猓不無觀望川東尤爲急切可慮此又臣焦心如焚寢食所不安者也臣以事在緊急

皇上恩深封疆爲重不得不言否則臣何人斯敢與王爵近臣較論短長自招嫌怨耶我

奏疏存藁

卷之四

吳

皇上聖明洞照萬里倘以臣言爲公忠激切或下嚴旨或遣內臣催督令湖廣官兵先進立取貴陽分兵遵義將軍臣吳丹急速敗永寧之賊乘勝進取雲南况水西祿氏土官安勝祖暨阿烏等諸頭目現與逆賊讎殺前已差人至成都納款移降請兵將軍臣吳丹會閱其字會賞其人又威寧僞副將王嘉祿大定僞副將蕭鳴鳳俱有投誠之稟大兵一到彼自內應又姚安土知府僞授川東兵備道高翰映亦已差人具稟納款前

來請示以爲內應逆賊雖在鴟張雖在狂逞然
內勢已虛人心已散機不可誤時不可失如在
外統兵諸臣遲疑等待各路官兵推諉不前則
亡命之賊日漸鴟張狂逞而觀望之民漸致流
離變亂不獨雲貴不能進抑且四川不易守封
疆爲重關係匪輕伏乞

皇上鑒臣激切愚忠

俯賜全覽

勅議速覆施行康熙十九年九月初七日奉

奏疏存彙

卷之四

旨議政王貝勒大臣會議具奏

晃

題報僞將軍已抵禮州疏

密題爲僞將軍傾心來歸謹再報明遣發官兵接
護已抵禮州情形仰慰

睿懷事竊照僞將軍海潮龍始則差人通款繼而繳
印投誠經臣前後兩疏

題報并請仍

畀將軍名色以廣招徠以勵忠順當蒙會覆

俞允行文欽遵在案查臣於該將軍繳印之初卽飭

建昌鎮將挑撥官兵前去鹽井一以會合一以

奏疏存彙

卷之四

辛

探聽虛實嗣逆渠王公良擁衆萬餘於逃易所
出犯德昌鹽井之路已爲中斷而天王廟營盤
現在受敵禮州官兵人不去甲馬不離鞍日夜
廛戰救援守護糧道與水路臣因請兵緊急復
發鎮臣朱衣客等官兵前去接應相機勦殺并
飛檄建昌鎮將於僻道探聽接應海潮龍去後
今據建昌軍前鎮將王進才王洪仁等塘報僞
將軍海潮龍差人從小路至建昌口稱海將軍
欲量帶精兵前來只慮打冲河逆賊阻截不能

急渡須速發大兵於沿河一帶往來接應以作聲勢等語卑職等以天王廟緊急建昌城守當嚴議定禮州防勦官兵除現在救應天王廟以牽賊勢量撥精健官兵由拖浪小路適打冲河探聽接應今海將軍帶兵四百名并卑職等前遣遊擊穆應魁等所帶兩次接應官兵於本年閏八月十四日已到禮州下營理合塘報等情又據該鎮將差官周德才引到投誠僞守備楊蘭等齋到僞將軍海潮龍與臣手書內開龍傾

奏疏存藁

卷之四

五

心戀

主自繳印淨髮之後日望

綸音不意逆渠猶自狂逞從中阻梗龍欲靜坐鹽井恐屬下官兵以及迤西一帶从而生變欲急赴建昌而打冲河水深流急賊於沿河把守甚嚴今同副將李鍾秀等量帶官兵藉大兵威力於六馬六槽紮筏過渡仍從間道前來已抵禮州鹽井衛留官兵一千守城其餘官兵俱令副將張虎程應貴劉友功叅將閻四知等統領回北

勝州同大將軍老勳臺差來領兵官李元勳前去安慰人心以防不測其永北鎮僞總兵葛鳴鸞永寧府僞同知韓文宗并北勝文武官員土司高斗光等亦皆差官齋繳印信劄付前來惟希大將軍老勳臺轉為奏

請臨啓不勝顛望各等情到臣該臣看得逆賊大勢已去雖曰釜底游魂而負固憑險在在拒守若我官兵稍有遲廻稍有踈懈卽大肆鴟張如近日瀘州之失永寧之危豈非明鑒耶且建昌為

奏疏存藁

卷之四

五

雲南後背止隔金沙一江最切最要理勢必爭故劉起龍於崑山相持死守王公良又復出犯德昌倘鹽井一路再來逆兵則禮州瀘沽松林一帶俱為賊有而建昌自是不保川疆尚慮危急何以進取雲南今海潮龍不肯

國恩傾心戀

主於逆賊尚在狂逞之際乃能勇敢忠誠率一路全軍先機效順非大有謀猷大有膽畧者不能如是

皇上恩施柔遠不斬剛患

特畀將軍

勅印統領原管官兵以為前導更出一時

曠典臣復何言惟是演黔告變以來投誠頗多或為

時勢所迫勉強就降或為官兵追急希逃一死

即間有一二懷忠歸正者又為機洩事敗僅存

狼狽一身以此較之不大相徑庭乎臣為

國家舉薦勇敢忠誠之將不自知其言之煩而詞

之切也合再

奏疏存藁

卷之四

五

奏明統祈

聖鑒除臣遣員致書慰勞復齋袍褂靴帽鞍馬什物

盤費以及各官衣帽花紅分賞兵丁銀兩暫為

安插其官員職名兵丁數目行令備造清冊前

來以便預支糧餉再為撫安而副將李鍾秀程

應貴劉友功張虎等皆係迤西各路實缺之官

現為領兵之人能同心一力奮斬違抗之幸敬

倡眾歸誠忠勇可嘉功難泯沒至各標大小官

員以及復繳印劄投誠文武土司均俟備細查

明造冊至日另為題

請合併敘明伏乞

皇上睿鑒施行康熙十九年九月十七日奉

旨據奏將軍海潮龍率領官員兵丁前來投誠已抵

禮州感戴國恩先機效順傾心向化忠悃深為可

嘉着從優議敘具奏餘着議奏兵部知道

奏疏存藁

卷之四

五

初報庸鎮退兵疏

密題爲報明緊急軍情事康熙十九年九月十一日據西寧鎮臣朱衣客塘報內稱竊照建昌告急奉憲臺遣發本職統領官兵前來合勦本職於閏八月二十九日到馬打滾見各營將弁言天王廟駐防我兵被賊圍困至緊數日絕糧本職未曾停息卽赴李家庄逆賊下營之處觀看賊勢情形見天王廟週圍連有賊營一十六座俱係水旱重壕梅花椿木柞土牆疊疊堅守賊

奏疏存彙

卷之四

奏

數甚多天王廟對面北梁有賊營三座本職與各鎮將密議若奪得此梁逆營一座則天王廟之官兵糧路可通而建昌城之門戶亦可無阻矣隨會同建昌城內官兵於九月初二日分開營頭一齊奮勇攻殺令彼彼此不能救援因僞將軍劉起龍營盤離建昌較近令憲標副將王洪仁等官兵對敵甘寧撫標右營遊擊趙魁英帶領馬步官兵攻殺一營寧夏靈州叅將呂白魁帶領馬步官兵攻殺一營建昌鎮標左營遊

奏疏存彙

卷之四

奏

擊黃進忠帶領馬步官兵攻殺一營隨征副將郝俊龍帶領馬步官兵攻殺一營本職標下前營遊擊楚名俊隨征副將陳世虎領馬步官兵攻殺一營以分賊勢令撫遠大將軍公標下隨征總兵趙名友帶所領官兵隨征總兵段登仕帶所領官兵新投誠副將李鍾秀帶該營官兵本職標下中營遊擊米之順右營遊擊趙元輔領標屬馬步官兵攻殺北梁期其必取議令四更起行黎明各抵分定賊營一齊奮勇攻克其餘賊營六座我兵單薄不及分攻令興安鎮標右營遊擊鄭有榮陝西督標前營守備王功名憲標後營守備李洪各帶所領官兵堵截本職親冒矢石馳援督陣跡至壕邊自黎明攻起直至未時各官兵努力鏖戰跳壕拔椿雖殺死逆賊甚多無奈重壘高厚火炮如雨攻取不開而我之官兵傷亡難支職標中軍遊擊米之順身先士卒拚死攻戰被重傷當陣落馬殞命方始收兵本職急欲整餉次日再戰送糧不期王總

兵見賊勢猖狂受困絕食當日晚暗撤官兵離
天王廟而出也米之順戰死疆場情實可憐伏
乞憲臺立賜

題卹以勵將士以慰忠魂至各標營傷亡官兵容
查明另冊呈報外所有殺賊情形及陣亡營將
相應飛報其天王廟糧路久斷在事各營官兵
因開路運送屢次傷亡甚多不惟糧不能送官
兵漸漸虧折今天王廟既已不守建昌堪慮更
祈憲臺迅發大兵急來防勦等情臣據報正在

奏疏存藁

卷之四

奏

嚴飭固守禮州盧沽并查總兵王好文因何擅
棄天王廟營盤及建昌城內官兵情形間十六
日復據該鎮塘報內稱自失天王廟賊勢重大
在馬打滾禮州松林一帶與我兵屢次廝殺情
由業經差官飛報憲臺訖初八日黎明逆賊從
河西一帶各山口俱到盧沽對面本職督率官
兵堵禦鏖戰自寅至午賊勢愈重我兵鉛藥連
日用盡無以應敵只得分佈官兵極力堵殺賊
兵未退再觀賊人形勢有留兵在此誘敵暗發

精兵抄出我後之意除撥官兵偵探外查盧沽
無糧恐兵馬不能久屯本職酌量緩急隨後堵
勦事在萬分緊急合行飛報等情同日又據該
鎮塘報內稱案照九月初八日與賊在盧沽對
敵間見賊勢愈重隨即一面塘報請兵一面會
兵堵殺至午後賊兵益增從大路東山各糧方
營來攻我營本職分兵堵殺戰至日晡我兵鎗
砲無幾鉛藥用盡力不能支本職急不欲生親
帶將弁三面衝殺勝被鉛傷勝被箭傷甘寧撫
標右營遊擊趙魁英腿被鉛傷其千把等官帶
傷甚多正與各官誓死鏖戰被差探本標右營
千總吳大康報稱賊從西山發動欲抄我後本
職卽同各官出峽而賊兵已到峽北山梁復整
兵攻擊天色已晚賊入深林本職與各將計議
逆賊狡計若乘夜抄過小象嶺則越嵩不保我
數千官兵皆困於此官則有死無二兵心散亂
必爲賊有是誤

奏疏存藁

卷之四

奏

朝廷更誤官兵也隨當夜撤兵至象嶺堵截要口初

九日至越嵩衛然賊人全仗火砲我兵火器原
少且師从疲累連連攻戰傷亡數多一遇對敵
心膽俱寒全無鬪志如賊人逞狂再至恐越嵩
亦難固守等情臣復飛檄遊擊孫國祥協同岳
天壽嚴加把守河口差官前去阻攔退兵於十
七日據遊擊岳天壽稟報海將軍標下領戎旗
將官海現瑞副將李鍾秀帶兵四百名於本月
十三日過大渡河總兵王好文下中軍傳副將
官兵亦於十四日過河又有撫標右營遊擊趙

奏疏存彙

卷之四

堯

魁英一同過河北岸下營等情今於本月十九
日復據鎮臣朱衣客塘報內稱竊照退回越嵩
及撥防小象嶺緣由業已呈報外今於九月十
二日據差探河州營把總林時貞報稱逆賊塘
馬三百有零步賊滿山遍野不知其數已經下
山等情到職本職會同各鎮將備等官挑選精
壯馬兵烏鎗手出城站隊候本鎮親督迎敵其
餘步戰守兵上城嚴防垛口把守門禁去後不
意各營兵丁不遵法律不但不戰不守抑且聞

風遠奔差官執令攔阻置若罔聞本職雖有原
帶馬步一千之兵內除陣亡帶傷病故及沿途
患病未到之外僅有七百餘名令其守門上城
本職意欲死守忽有總兵王好文等將職強擡
上馬擁扶出城隨訊各官爾各營兵不遵紀律
各自竟散意欲何為隨據各官稟稱兵丁原屢
次對敵傷亡甚多各兵膽寒且五六箇月無餉
身上無衣脚下無鞋疲累堪憐他不過趕過大
渡河去休息整頓他往那裏去本職沿途目擊

奏疏存彙

卷之四

卒

各營兵丁有弓無箭有箭而無弓者有鎗而無
鉛藥者且馬匹羸瘦不堪騎征實難遇敵本職
所帶之兵無幾戰守不能不得不過河暫駐大
渡拒守要隘再為整頓等情到臣該臣看得建
昌永寧為賊必爭之地自
題明分進之後臣惟恐一路有失兩路牽制是以
於諸臣之前一言再言
天聽之下一奏再奏總以雲南為賊老家四川為賊
門戶勢在死守勢在必爭且進勦之期不遠豈

可輕視緩怠在臣不過慎重其事期以合力同心恢疆滅賊蚤奏蕩平耳無奈將軍臣吳丹使巧偏執將分定應進之路竟不調兵選將委任以專而未及進勦期前縱賊出犯以致仁懷合江失守瀘州復陷因患在肘腋遂將兩路滿洲大兵俱發往永寧一路將軍督撫又以事在緊急人心洶洶成都關係兩路進勦官兵之重咸謂臣不可輕離留臣暫駐鎮定人心建昌一路發鎮臣朱衣客帶領漢兵前去接應且將軍臣

奏疏存藁

卷之四

奎

吳丹擁兵二萬自成都去永寧不過七八百里程途十二三日可到况瀘州賊既騰空不守以空城餌我明係緩兵南溪過渡敘府備有船隻理當急爲前去解救乃挨延六十餘日必至永寧再陷是誠何心至建昌官兵與賊對壘鏖戰半載兵鋒未嘗少挫僞將軍海潮龍來降迤西北勝等處鎮道土司兵民剃髮繳印投誠及一聞仁合瀘州之失兵心自危此陝西督標遊擊馮德昌從建昌來成都請兵口稟之言振武將

軍臣俄克濟哈督臣楊茂勳撫臣杭愛曾經面問今譚弘彭時亨何良柱袁縉羣起川東變亂松潘可慮在在危急此番變動因何而起此臣一腔忠赤有所不甘者臣之罪責自不敢辭惟候我

皇上嚴加處分而貽誤封疆之由仰懇

聖明電照其退兵情由天王廟營盤因何不守建昌

城內官兵又何形狀容臣一一查明具

題另爲請

奏疏存藁

卷之四

奎

旨除臣卽遣隨征總兵馬山帶兵星馳大渡河監督西寧鎮暨各領兵鎮將等官於北岸下營固守并飭令防河遊擊岳天壽孫國祥於南岸矚經關下營拒守仍行催該管衙門速備糧餉以安兵心外臣謹據報先爲

題明貼黃難盡伏乞

皇上睿鑒全覽

勅議處分施行康熙十九年十月初七日奉

旨議政王貝勒大臣會議具奏

特叅庸鎮輕棄汛守疏

密題爲庸鎮怯懦退縮輕棄汛守不顧建昌不顧官兵謹據實指叅仰祈

睿鑒卽賜處分以重軍紀以申

國法事竊照天王廟失守官兵退回大渡河卽遣總兵馬山帶領官兵星馳前去河口分佈防守并行查退兵情由及建昌城內官兵形狀業已具疏

題報在案今於本年九月二十七日復據西寧鎮

奏疏存藁

卷之四

奎

臣朱衣客咨呈內稱竊照各營兵馬退扎瀘河緣由已經具報外該本職看得各營兵馬出征日久弓箭器械衣衫盡皆損壞馬匹陣斃及倒斃者十存一二所存者俱皆瘦損脫蹄不堪騎征其步兵有鎗而無火藥鉛子俱係棍棒形如乞丐似此之兵不但不能戰卽守亦無用况陣亡病故患病帶傷者大半雖有其數而無其實總責之營將整頓不惟無銀卽或有銀在此深山窮谷之中亦無處覓買徒費糧餉終不濟事

本職再四籌度逆賊勢重火砲甚多不來則已

若來務取瀘河如此疲憊之兵勢難堵禦倘有踈虞貽誤不小合無帶回成都休養整頓聽隨大兵進勦另發能練總統帶精銳兵四千多帶火器砲位急速前來庶保無虞等情臣據報一面申嚴各該鎮將加意防守河口南岸曬經關最要須安兵挑壕打梅花椿固守以通建昌聲息去後次日又據該鎮咨呈內稱九月二十二日二更時分有副將郝俊龍等帶領原撥駐防

奏疏存藁

卷之四

奎

官兵到河南岸稟稱逆賊已抵平彝堡離河南站二十里恐船隻水手缺少臨時遽難過渡等情到鎮據此查各營官兵孤立河南有事隔河難以接濟旣已撤回隨令過河在於河北下營堵禦外相應報明等情十月初二日又據該鎮咨呈內稱竊照逆賊已到河南岸立營議欲率領官兵過河撲殺奈我兵雖有鳥鎗而無火藥鉛子砲藥砲子弓箭俱皆損壞且是疲憊之兵更兼數日絕食全無鬪志深屬可慮本職雖加

意撫馭努力固守恐不濟事瀘河渡口甚多稍有踈虞關係不小合再急請伏祈憲臺垂念封疆爲重迅發大兵多帶火器砲位火藥鉛子兼程前來并祈檄催糧道速將糧米輓運軍前以資糊口倘若遲緩恐各兵不能久待矣事在至緊至急今差寧越營守備王朝幹請示施行等情本日據投誠叅將郝俊龍蘇虎稟報內開九月初二日王總兵自天王廟撤出在馬打滾下營於初三日奉朱總兵令段總兵同卑職等官

奏疏存彙

卷之四

奎

兵赴馬黃下營以應諸處營盤於初六日逆賊倡狂擡方營數座前來攻敵馬打滾各營卑職等同段總兵領兵下山救應與賊迎敵時各營官兵已撤至禮州卑職等欲踞山梁堅守不無兵單而勢孤難處於卽日撤兵赴禮州同守待候添兵再圖撲勦及至禮州但見朱總兵同各營官兵已退松林盧沽一帶卑職等官兵進退無門屢陣衝殺我兵已隔兩處不得已當夜從小路撤至銅槽時朱總兵已令各兵過象嶺抵

越雋卑職等官兵只得隨後於十一日亦至越雋十四日塘馬探報賊下象嶺至小哨下營各兵不能聽令直奔前途段總兵同卑職等斷後徐徐而撤但各兵俱過大渡河於十八日調回段總兵止留卑職同遊擊劉清都司魏驊帶領本標鎗手及王總兵官兵二百員名曬經關把守蒙朱總兵令諭河下船隻無多尚有隔江之阻堵關兵單現報賊兵已抵河南站相離咫尺倘有警息恐過江不及將所部官兵於二十四

奏疏存彙

卷之四

奎

日撤回分佈河隘等情又據隨征食俸千總委署寧越營守備王朝幹口稟九月十六日朱總兵領兵退過大渡河有段總兵郝叅將蘇叅將領兵收後至河南站曬經關駐劄守禦朱總兵差人持令箭調各官兵俱着過河下營段總兵遂領兵遵令過河郝叅將不肯過河仍扎曬經關堵禦至二十四日朱總兵又復差人持令箭催調說我們通過了河爾們幾箇兵住在那邊是何意思郝叅將不敢違拘領兵卽於二十四

日過河北岸下營二十五日賊至河邊下營不
過數百之衆段總兵郝副將等請稟朱總兵發
兵過河撲勦朱總兵阻攔不肯叫去各等情到
臣該臣查看得建昌官兵與賊對壘鏖戰半載
曾未少挫其鋒屢有擒斬堅守孤城可謂心雄
氣壯者矣嗣因瀘州之失人心搖動天王廟受
困建昌緊急臣等因患在肘腋故將兩路滿洲
大兵俱先遣去恢復瀘州救援永寧遂令鎮臣
朱衣客統漢兵去建昌解天王廟之圍嚴令固

奏疏存彙

卷之四

奏

守豈料該總兵以專閫重鎮握八千官兵戰則
力不爲單守則兵不爲少理當慎重其事自不
難破賊乃才庸計拙不用挨牌攻具憑馬以當
鎗砲致令損兵折將遊擊米之順陣亡人遂膽
寒天王廟於是夜棄而不守及至馬打滾下營
又不挑挖壕壘粗心膽大全不知用兵况建昌
官兵正在守城逆賊斷無舍建昌而敢來遠追
之理即使來追賊係步人擡一木柞追及馬兵
未有如此之勇如此之速者且盧沽銅槽象嶺

一帶皆一人一馬細路處處可以拒險守要又
退回官兵中西寧鎮屬有六千餘衆何難督令
堵截拒守再越嵩衛有城池有糧米儘可屯扎
復託言兵不遵法衆官強擡上馬此又該鎮庸
怯退縮之狀欲蓋而彌彰也既經退過大渡河
將南岸之曬經關最緊最要之地不守又將段
登仕郝俊龍等奮力守險官兵差人持令箭屢
次催調過河却捏以郝俊龍等隔河稟稱賊抵
河南站恐無船隻水手不能急渡等語此又該

奏疏存彙

卷之四

奏

鎮之捏情欺妄誣罪他人一一自露也至該鎮
無才無膽平日不知養人馭兵臨時惟知倉皇
遠走竟置建昌一鎮一道各營數千官兵於不
議不論之列猶稱大渡河亦難固守此更不知
該鎮何所見聞而膽怯心虛一至於此也且據
該鎮節次塘報有稱塘馬探報有賊者有稱賊
來抄後者不來則已來則必取瀘河者查總兵
段登仕叅將郝俊龍蘇虎等收後隔該鎮兩日
方到是該鎮之後無賊更可知矣該鎮又何所

畏懼而奔忙若此也該鎮身受

朝廷封疆重任且係旗下舊人擁數千官兵不能克敵制勝既退過河尚無悔罪之心必欲推卸於兵不守河口輒請撤回成都休養設或人皆效尤則

國家征勦大事尚可問乎臣本欲候建昌官兵消息統俟查明再為

題叅請

旨處分今該鎮故違軍紀目中全無

奏疏存藁

卷之四

堯

國法尚敢虛詞欺飾此何等時可以容其惑亂兵心臣謹據實

題叅伏乞

皇上睿鑒全覽

勅議嚴加處分至該鎮庸怯退縮情形具載塘報臣知其不能守河隨遣寧夏總兵趙弘燦隨征總兵偏圖等帶兵二千前去會同總兵馬山設防河口相機奪取曬經關接應建昌外合併敘明
康熙十九年十月二十二日奉

旨據奏朱衣客庸怯輕棄汛守退回大千軍紀著嚴加議處具奏兵部知道

奏疏存藁

卷之四

辛

題報敘府危急疏

密題爲再報緊急軍情事康熙十九年十月初三日據總兵李芳述鄒九疇遊擊顧隆呂錦從敘府差官馳稟報稱本年九月二十九日據督標呂將官下把總瞿得勝職營隨征把總劉芳貴差押船隻下南溪隨帶渡河兵丁回敘稟稱滿洲各位將軍率領官兵仍回南溪過江於十八日起渡二十七日夜盡一更時分盡已渡回南溪據此竊思瀘州官兵五六千永寧官兵六七

奏疏存彙

卷之四

圭

千尚不能支持而滿洲將軍統兵二萬去安寧一帶尚且不能敗賊今又復退回過江遙聽南溪猶不扎營並不言及敘府則敘府之官兵多寡難逃憲鑒須迅發大兵星馳來敘防禦庶保萬全等情又據李芳述鄒九疇稟稱職等一介武人庸愚未弁仰蒙洪慈授之泥塗之中置之犬馬之列雖捐頂踵以報國恩亦難仰酬於萬一也惟今永寧失守援師北渡敘府疆土孤危在邇有不得不披心瀝血冒

陳於憲前者職等原係

本朝舊弁迫脅數年情非得已亦無容瑣陳惟是本年投誠之初曾接偽諭令職救援保寧職等志堅歸正力抗僞命故駐劄重慶以待大師欣逢本將軍部院恢復全川職等卽倡率官兵挽舟上遊望風歸命並收拾沿江一帶人心率領重慶道府以及敘馬瀘州等處文武官員無不傾心向義荷沐洪恩憐職等之投誠原不與臨陣逼迫勢不得已者可比得蒙從優

奏疏存彙

卷之四

圭

題敘俯加擢用隨奉憲檄前赴永寧職遵示起行於三月初十日抵永卽遇僞將軍尤廷玉王邦圖高元烈等擁衆萬餘窺犯永寧此時職同龔副將所領官兵僅及一千永寧官兵未及一千值賊衆猖狂日夜攻圍歷初十三十五三日大戰職率衆効命力保孤城枕戈擐甲晝夜奔馳固守二十餘日蒙發屠副將帶馬兵一千八日卽至永寧後發張王二總兵同楊吳兩副將陸續抵永於四月初八日復遇大戰職同各

鎮將等奮勇先登極力衝殺賊兵敗斃死亡無數所獲鎗砲旗幟等項已蒙洞鑿隨奉行調前進建昌暫休敘府方期領兵就道不意瀘納失守永寧被困而江安一帶悉爲賊有職等修城築堡日夜憂勤急請大兵赴救永寧卽南溪擺渡一事其船隻悉係職營原所買備者尤苦敘府人民悉已久逃而職等只得將營中餘丁幼子勸諭前去裝渡大兵一月此職自歸命以後矢勤矢慎真不啻血盡心枯者無非委身封疆

奏疏存彙

卷之四

七

報知遇以報

朝廷也詎意永寧失守滿洲各將軍中途而回職等猶望退守敘城共相堵禦豈料滿漢官兵渡回南溪尚不留心敘府而賊兵狂逞相去咫尺職等官兵家口不無慮心昨雖具文請搬乃各兵中有兒女累墜者有身處貧窘者行動亦屬艱難又况船隻稀少陰雨連綿苦情萬狀亦難悉稟萬一敘府被圍漫云誤官兵之家口負職等前此之忠勤而

國家疆土寧不足致念耶今滿兵業已若此職等處至緊至急之際故不覺言之瑣褻伏懇鑒照等情據此查未據稟報之前臣恐敘府緊急已遣守備王國興帶兵於嘉定一路偵探聲援今復嚴飭各鎮將勉力固守城池仍曉以大義令其一心滅賊去後初五日又據各鎮將稟報內稱滿洲衆將軍旋渡南溪不扎盡往瀘州其一路塘兵已回本月初一日據百姓報稱有幾箇僞將軍帶兵已抵沙河驛扎營之語據此竊照

奏疏存彙

卷之四

七

沙河驛離敘城不過六十里職等擬料各逆到彼扎營自是窺犯敘府敘府不保嘉定一路無人難以撐持恐有不可言者本將軍部院神明洞察或不待職等瑣瑣竚望本將軍部院蚤賜主裁等情同日又據遊擊顧隆密稟內稱逆賊於沙河驛扎營業經公具塘報外竊思沙河驛離敘府不過六十里若不窺犯敘府再無他往然一遇有警指望成都聲援往返必須半月况且各官各兵家口俱要出城於北岸搭棚駐劄

卑職現今再三勸住恐將來終不能留無事尚且如此臨事不料可知若賊果蜂擁突至則瀘州之不戰可鑒於前永寧之失守可虞於後懇乞本將軍部院速賜裁示各等情臣繕疏問於初六日准建威將軍臣吳丹咨爲知會事內開據提標隨征總兵邵一仁奔赴本將軍軍前稟稱永寧城池已於本年九月初九日逆賊奸計用火藥炸破攻開情由到本將軍據此本將軍意欲復取永寧但各官兵口糧斷絕已久連被

奏疏存藁

卷之四

七

綿雨泥濘道路難行馬匹瘦損不堪難以前進而又准蕩寇將軍貝子清字移咨內開譚弘彭時亨等叛亂內地再查瀘州逆賊屢添比先甚多防守之夸蘭大等屢次請兵本將軍撤師轉回於本月二十七日回渡南溪大江前赴瀘州擬合咨會等因到臣該臣看得敘州一府處大江之南居瀘州上流切近永寧三城犄角猶如唇齒乃將軍臣吳丹應進之路屯糧之所業已公疏

題明在案前以仁懷合江失守瀘州告急臣因投誠總兵李芳述等官兵家口住彼恐賊餌誘遂遣署遊擊顧隆等帶兵星馳前去防護實爲牽絆投誠官兵之心起見原非微臣應進之路應防之汛也如將軍臣吳丹擁滿漢大兵二萬逗遛不前揆延六十餘日必待永寧復陷而後已卽川東譚弘川北彭時亨復叛皆由吳丹逡巡所致瀘州賊旣騰空不守明以空城餌我併力去取永寧豈可爲賊所愚及至渡江又不合力

奏疏存藁

卷之四

美

破賊反觀望於後况退兵理當守敘府控其上流遏賊之勢抄賊之後斷賊之糧接連瀘州賊自不敢過渡一道大江可爲天塹再大渡河嚴加固守北有成都保寧以應兵糧不缺局勢在我而徐圖滅賊尙可佈置如王用予一旅全軍并兩路滿洲大兵勢不爲輕兵不爲少何難破賊急救永寧乃吳丹始終私心始終弄巧故延撥制以致如此今棄敘府不守過渡遠走揆李芳述等稟詞激切勢在不保不獨成都再無如

此一二萬大兵可遣卽有兵亦恐途遙無濟於事且保寧緊急松潘可慮成都人心愈加洶洶投誠官兵以及土司其設心俱難度料若敘府再一失陷大渡河隔絕於後嘉眉邛雅之民不可保全川之事不可問臣竟不知吳丹所存者何心所執者何見欺

君誤

國莫此爲甚至前將軍督撫諸臣公議以患在肘腋兩路滿洲大兵俱去瀘州永寧慮成都爲重

奏疏存藁

卷之四

七

留臣彈壓以定人心臣敢不以

朝廷封疆爲重全川局勢爲念思成都爲兩路官兵根本民心兵糧爲要臣之不能急去建昌專力永寧豈無謂耶何期庸鎮退兵竟置建昌於不問雖由朱衣客庸怯無膽實由吳丹始終所誤此則臣心所不甘者然尚在調遣招集徐圖進勦今吳丹再棄敘府不守是局勢大壞矣臣一腔忠赤兼程入川盡瘁苦心實不能無遺恨於此時此事也今臣心竭力盡矣惟有捐此身命

仰答

君恩然思

聖明在上凡於擬定機宜重煩

睿慮逆賊如此鴟張統兵大臣如此乖謬臣再諱而

不言恐

九重萬里終成朦蔽則全川土地數萬官兵關係誠

非溲小臣謹據實題

聞統祈

皇上睿鑒全覽

奏疏存藁


卷之四

七

嚴勅急救施行康熙十九年十月二十一日奉

旨議政王貝勒大臣會議具奏

奏疏存藁卷之四終



奏疏存藁卷之五

目次

題報技誠川弁復首偽諭疏

建昌官兵堅志守城疏

遵奉 上諭回奏情由疏

報明收集官兵疏

請寬營弁以收後効疏

題請實授要鎮疏

成都起行進勦日期疏

奏疏存藁

卷之五 目次

一

報明統兵前赴嘉眉先滅重賊疏

報明三路進兵夾勦逆賊疏

奉遣官兵疑畏不前擒拏正法疏

題報建昌官兵自行撤出疏

協勦官兵屢敗逆賊克捷疏

報明官兵無糧撤出銅河疏

攻克關山象嶺捷報疏

報明官兵渡江前進疏

督率渡河官兵先行進勦疏

再復建昌捷報疏

懇請另簡督臣疏

題報身到建昌遣發官兵疏

親身督兵先進大衆候糧疏

報明入滇日期疏

奏疏存藁

卷之五 目次

二

奏疏存彙卷之五

題報投誠川弁復首偽諭

題為再報投誠川弁復首偽諭始終堅貞仰祈

睿鑒勅議加恩鼓勵人心事康熙十九年十月十三

日據領兵總兵官李芳述鄒九疇等稟報內稱

有原偽昭勇將軍標戎旗遊擊補偽夔州援勦

副將沈明龍前於川東投誠在合江為民今復

投入胡國柱下於本月初七日已時分帶領塘

馬數百撒至城下對河大聲喊叫有文書在此

奏疏存彙

卷之五

就放在河邊石上轉去職等與同城文武眼同

差人過河取來係逆渠胡國柱與職等偽諭一

紙其間詞語狂悖無非陳其利害計圖聳動官

兵職等既經歸正身受

國恩又蒙本將軍部院推心置腹多方體恤惟有

誓死以報

朝廷敢存異念是以職等前具稟懇將眾官兵家口

移往嘉定崇慶州安插一以就食一以斷絕官

兵兩持之心即今逆賊蜂擁聚滿洲大兵自

南溪退回竟去瀘州不顧敘府職等所統官兵

并顧副將所統官兵無不人人極力願守孤城

但賊勢日重職等兵單仍懇本將軍部院移文

眾位滿洲將軍就近迅發大兵前來庶救危急

所有偽諭理合封投電覽等情又據署左營遊

擊事前營守備顧隆密稟內稱滿漢大兵自南

溪過渡退往瀘州而敘府投誠官兵與前大不

相同人人俱懷疑懼似有兩持之心所有前議

起發官兵家口赴嘉定崇慶州今竟有不肯動

奏疏存彙

卷之五

移之情若非總兵李芳述堅心立意暗令卑職

等官兵披甲并彼督率親信官兵傳諭若有遲

疑不令家口出城拏來斬首幾有不可言問之

變即今於城頭嚴加設備復於城外山上修築

營盤打梅花椿挑挖壕塹以期內外固守且逆

賊臨城隔河或持逆書或執將軍印劄百般引

誘李總兵即大聲叫罵架使鎗砲擊打於是人

心方定等語十五日又據嘉定偵探守備王國

興報稱有敘府投誠總兵李芳述等官兵家口

陸續到嘉定婦女多係步行人衆甚是苦累必須急爲安插等情到臣該臣看得總兵李芳述自率衆歸誠之後抗拒僞命舉首逆書且前遣發永寧大破勁敵殺敗王邦圖等逆宣力國家可謂投誠川弁中之矯矯者臣屢疏奏

請已荷

皇仁授爲總兵頒給部劄嗣因瀘州失守逆渠胡國柱差人餌誘又復擒綁奸細出首僞諭逆書亦經臣具疏

奏疏存藁

卷之五

三

題報請

旨議敘再永寧復陷滿漢大兵俱退仍復過江竟去瀘州不顧敘府而敘府又在大江之南該總兵不獨堅貞不渝矢志効忠抑且才智膽勇可嘉如請移家口以杜官兵疑二之心賊臨城下不爲利害衆寡搖惑臣再四思維蜀地依山環水人民强悍素稱難治平川首在得人之心如李芳述者乃川將中之翹楚投誠中之傑出者也臣叩懇

聖明授以實缺總兵隨臣平定川蜀進征雲南可期克効查黔省各鎮已奉

俞旨推補有人而滇省舊有永順蒙景廣羅曲尋四鎮合無將李芳述准補一鎮一以嘉其忠貞以收實効一以大示激勸用勵將來至鄒九疇已遵

旨擬爲領兵總兵官然尚未授給部劄而蔣榮德瞿洪陞俱出一事同心之人亦當加

恩使其合力報効均當授以總兵官准給兵部劄付

奏疏存藁

卷之五

四

隨征進勦至各官兵家口徒步跋涉前來深爲可憫臣

請照順治十七年滇省投誠官兵事例無論家口多寡每一兵准家口糧一分每月給米三斗以示皇仁以便安插除送到僞諭咨移兵部外臣因急在收拾人心恢疆滅賊起見相應具

題伏乞

皇上睿鑒全覽

勅議施行

建昌官兵堅志守城疏

密題爲報明建昌官兵情形仰慰

聖懷事竊照鎮臣朱衣客退兵狼狽以致兵心渙散險要不守縱賊竟渡瀘河直過大象嶺小關山幾薄雅州臣遣總兵偏圖趙弘燦等統兵前去堵禦前疏具

題報明在案矣而大路險要俱爲逆賊所踞建昌阻隔千里聲息不通雖遙度守城官兵五千中多係寧夏標營前鋒勁旅必不肯輕易棄城料

奏疏存藁

卷之五

五

在堅守然恐日久未知成都之信人心搖動事又難期臣一面遍發密諭重其賞賚令附近苗蠻地方邊汛官兵及土官等前去通信令其堅心固守以待大兵一面整頓官兵正擬破賊接應間於本年十一月初十日建昌鎮將公差鎮標中軍遊擊劉登賢等至成都稟稱自九月初六日朱總兵退兵之後建昌官兵堅守孤城四十餘日逆賊屢來攻圍我兵出戰尚有擒斬卽逆字僞書屢來煽惑各官兵心志愈堅皆齊集

神前鳴誓効死以報

朝廷凡有奸細及差來之人當卽擒斬一切逆書一槩不看盡皆投火焚燬以絕小人猜疑之心惟是馬打滾禮州兵退四下苗蠻俱叛爲賊處處把截道路不通各鎮將復赴神前誓心議令卑職帶各鎮營挑選善走膽勇步兵鎗手三百名舍死忘生從野蠻地方尋路而來自十月十八日自建昌起身沿途多係大山懸崖冰雪難行林木深厚官兵俱是步走攀藤附葛砍伐樹木

奏疏存藁

卷之五

六

而行到處苗蠻截路卑職等官兵總不敢稍停無分晝夜艱辛前來行至馬邊地方已屬內地兵丁疲乏已極俱緩行休息在後卑職自峩眉縣騎驛馬來等語再閱該鎮將等印文內開建昌鎮道副叅遊都守千把并在建領兵各官王進才傅作楫藍兆周胡振雄呂自魁馮德昌鄭有榮溫光顯陳世虎俞之江馬聲雷李洪李一虎馬進務杜呈源倪進朝王進忠穆應魁李見龍王標魏慶等連名稟報爲孤城被困日久

萬分危急速請援兵飛救事竊自九月初六日自馬打滾朱總兵退兵竟回賊勢漸狂止遣建昌一城官兵死守其危急困守情形屢具塘報僱覓苗蠻從蠻地轉送成都不知中途被賊阻梗抑有別情不會投到經今四十餘日未見成都信息城中官兵心志雖堅但強敵在外訛言難聽誠恐久而生變惟望大兵蚤渡瀘江庶孤城不致危陷不盡情形俱囑遊擊劉登賢稟等情到臣該臣看得建昌逼近雲南爲賊所必

秦疏存彙

卷之五

七

爭自恢復之後逆賊旋即出犯臣陸續遣發官兵申嚴再四與賊對壘鏖戰七箇月兵鋒曾未少挫逮瀘州失守人心疑二而庸鎮接踵退兵又復狼狽之甚竟置數千官兵隔別於不可問之地臣心如焚寢食俱廢今仰仗我

皇上天威官兵矢志堅守孤城而救援之兵難容緩待但胡國柱等賊扎乾溪七星山等處距敘府二十里劉起龍等賊踞大象嶺小關山一帶守險現在會兵破肘腋之賊朱衣客奔散之兵數

多已遣員分頭堵截現在收集安插除內顧之患均俟微臣會同將軍臣俄克濟哈極力佈置另疏題

請而建昌望信緊急臣選差隨征總兵毛正義都司劉成千總毛成虎王朝幹王恩榮等帶精壯步兵五百名同劉登賢原帶之兵仍從原路前去建昌諭令官兵安心固守以待大兵又慮生苗野蠻不覩

王化中途作梗臣宣布

秦疏存彙

卷之五

八

皇仁傳牌撫諭更備紬布銀牌令其隨處賞賚以通道路并重賞劉登賢前來官兵暨毛正義再遣官兵訖所有建昌官兵守城情形相應具題

上聞仰慰

聖懷伏乞

皇上睿鑒全覽施行康熙十九年十一月二十九日

奉
旨兵部議奏

遵奉 上諭回奏情由疏

密奏爲微臣欽奉

上諭謹敘明回奏情由仰祈

睿鑒事康熙十九年十一月初二日科臣摩羅部臣

陶莫和口傳

上諭諭將軍趙良棟凡爲將者同心合意爲國勤勞而不離間方可平定地方勦滅賊寇矣朕近聞得爾等皆爲彼此意不相從俱是不和若各持其意不但於事無益而朕篤賴之意皆虛矣自此以後

奏疏存藁

卷之五

九

應當同心合意平定地方勦滅賊寇可也欽此臣

跪聽之下不勝惶悚當卽叩頭謝

恩訖念臣庸愚武夫孤子漢人不能規正將軍臣吳

丹瀘州失守永寧復陷皆出臣之才力不逮庸

鎮朱衣客接踵退兵建昌隔別此又臣之任使

不明我

皇上不卽加處分

溫綸戒飭仰見

聖明浩蕩寬仁臣復何言然封疆事大

上命爲重臣又不容不言謹簡畧

奏明仰懇

睿照查進取漢南克平川蜀乃臣首倡具疏急急滅

賊蚤定雲南以終其事出臣切願滿洲勳舊

朝廷心膂近臣而臣豈不自揣豈不敬畏又豈不樂

與和衷而臣不得已之苦心忠勤自矢孤掌難

鳴諒我

皇上蚤已洞照矣至湖廣緩兵不進以致重賊俱來

四川吳丹係

奏疏存藁

卷之五

十

題定一路將軍私心弄巧不肯嚴防汛守不待進

兵之期失陷應進之路所指之地難逃

聖明電察如雲南爲賊老家四川爲賊門戶出必爭

必守之地我當須重兵嚴防川人强悍土司苗

蠻以及投誠人等依山恃水心難期料而且地

方荒殘州縣無城不比陝西首在收拾民心建

昌恢復之後逆賊劉起龍等旋即出犯與官兵

對壘惡戰死守且離雲南爲近距成都甚遠深

爲可慮必須重兵扼守永寧出犯之賊雖經殺

敗然退去畢節尚在窺伺是二處最爲緊要副都統覺和托官兵自重慶就近留瀘州養馬不必又來成都原進川東一路官兵惟奮威將軍標五千官兵中有二三千勁卒應調王用予永寧駐防四川雲貴非山卽水前導必須漢兵步人多用鎗砲興安總兵程福亮在南山征勦日久深明步戰以及山水道路可調來用爲永寧一路前部湖廣官兵旣到沅州直進貴陽坦坦大道請

奏疏存彙

卷之五

十一

勅湖廣官兵急急進取貴陽而貴陽相距遵義四小站平路賊自奔退我們兩路只要嚴防汛守以待進兵不必拉扯遵義否則未有舍對壘窺伺之賊撤要汛之兵遠去他圖之理况水西祿氏安勝祖阿烏等與逆賊讎殺兩年今旣差人前來投誠願爲內應大定威寧僞副將王嘉祿蕭鳴鳳亦已具稟投誠機會可乘鹽井僞將軍海潮龍亦在投誠迤西俱應兩路俱有機會
朝廷洪福事期八九惟是逆賊退無可退之地勢必

拚命死戰我之進兵在八月終恐狡賊之乘間出犯未必靜待至八月終也若我嚴謹汛守賊來何害倘偷安踈懈一有不利事關不小且漢兵不比滿洲要好官操練要緊慎鈐束猶如玩鷹鷄一般用的當應心應手稍有差錯只是飛走叫不回頭將軍不要厭聽四川不比陝西不可兒戲此臣自三月會議言起不啻吾做將軍臣吳丹不聽後馬寶封蜀王來遵義永寧瀘州更覺緊要復請調王用予官兵赴瀘州直至破

奏疏存彙

卷之五

十二

面不聽及仁懷合江已失瀘州告急請兵之文報於七月二十九日到成都臣等正在郊外接旨衆議說調王用予官兵已是遲了恐不濟事滿洲馬匹已肥請速發一千限以時日星馳瀘州防護又不聽查瀘州失守在八月初十日若肯八月初一日發兵初七初八可到則瀘州無事矣及瀘州失陷全川震動人心洵洵臣何敢以吳丹偏執誤事不以封疆爲重置而不管臣卽言賊勢愈重賊膽愈大不便輕敵當急急調王用

予官兵二兩位滿洲將軍留一位同督撫守成都
我亦前去並力破賊只是吳將軍將瀘州官兵
不守速速

題明又王用予無權難以東兵我們大家上本公
保他行提督事總爲鈐東漢兵鼓勵他破賊吉
孫畧老練夙將膽勇過人我知之最切大家公
題他永寧總兵着他星馳前去協同守城將軍
督撫咸稱臣公心公論極是我們心服而將軍
臣吳丹半吞半吐仍不聽不用至瀘州賊既騰

奏疏存藁

卷之五

三

空不守以空城餌我明係分兵之計不必爲賊
所愚請速去急救永寧破重賊爲上策臣又復
差人持書并文前去不但不聽反厲叱其差回
文大有不然再永寧一路用秦糧出公議
題明之後又復弄巧兩路漢兵用四萬出公議乃
題疏參差以致誤事奉

旨着去重慶不去重慶而來成都情願認走永寧一
路及其

題明奉

旨又不切實防汛東拉西扯以致誤事進兵日行十
餘里現有王用予通詳竊思臣與將軍臣吳丹
同一將軍各分一路滿漢官兵分定有數應進
之路應防之汛各有所指調遣分佈各有專責
原不當言然

朝廷封疆爲重且恐一路失利兩路掣肘是臣又不
得不言之不聽亦處於無奈何已若夫微臣
敢有兩視之心必不肯舍建昌緊急不救將臣
一路滿洲大兵俱發去瀘州又分漢兵顧敘府

奏疏存藁

卷之五

西

守成都爲兩路聲勢設懷心不睦又豈肯苦口
盡言招忌招怨此臣一腔忠赤入川以來之苦
心苦口或諸臣忌臣恨臣者有之而臣未有不
敬吳丹不親吳丹不願與其和好者原委冗長
始末語繁不敢備敘入疏俱面陳於科臣摩羅
等代臣啟

奏再思科臣等以

密旨諭臣而臣以密奏單入科臣之耳恐科臣等難
以微臣一面之言爲至公是臣又不得不將始

末情節當同將軍臣俄克濟哈督臣楊茂勳撫
臣杭愛叅贊臣佛尼勒等跪

奏於科臣部臣之前指爲証據想二臣還

闕復

命代臣面奏之下自是仰邀

聖明睿察而臣孤忠報

國召忌招怨之魂夢始安矣所有兩路官兵渙散

兩路逆賊鳩張大費心力大費振刷臣敢不勉

竭駑鈍盡瘁効忠容臣會同將軍臣俄克濟哈

奏疏存藁

卷之五

五

極力佈置另疏請

旨外緣係敘明回奏情由貼黃難盡伏乞

皇上聖慈原鑒臣不勝悚切待

命之至謹密具奏

聞康熙十九年十二月初五日奉

旨議政王貝勒大臣會議具奏

報明收集官兵疏

密題爲報明收集過奔散官兵現在缺額數目急

爲整練并請開除以肅軍紀以利進勦事竊照

西寧總兵朱衣客官兵大散據報由小路適青

川奔逃臣遣發官兵分頭堵截收集業已

題明在案今據臣標中軍叅將胡攀桂西寧鎮標

遊擊署成都副將事屠存義暨分遣各官王國

臣等報稱共收集過西寧鎮馬步官兵四千四

百二十九名遵照憲牌將上堪克兵者二千三

奏疏存藁

卷之五

六

百五十名交遊擊趙元輔孫國祥管領留在雅

州協同各鎮營官兵堵勦卑職等帶回兵二千

七十九名內傷病者六百五十名全無器械不

堪者一千四百二十九名等情到臣臣查原在

天王廟馬打滾禮州盧沽峽四處官兵八千九

百九十名內除撫遠大將軍標總兵王好文官

兵五百五十名趙名友官兵二百四十五名靖

寇將軍標遊擊柴英官兵三百名陝西督撫把

總杜勲官兵二百名畧陽營守備葉自昌官兵

四百名畧陽投誠叅將郝俊龍等官兵三百一
十名成都投誠總兵段登仕等官兵五百名七
營共官兵二千五百零五名其六千四百八十
五名俱係西寧鎮總兵朱衣客管轄之兵也茲
據回報收集過西寧鎮官兵四千四百二十九
名尙少西寧鎮官兵二千零五十六名或係傷
亡或係奔逃或係別有差遣應聽朱衣客并原
領將弁細開報部并報陝西總督衙門核查但
原調入川進勦建昌一路西寧鎮官兵八千名

奏疏存藁

卷之五

七

今報少兵二千名帶回傷病不堪二千名又原
在成都患病八百名楊三虎帶去永寧署事二
百名是不獨九千官兵退回渙散驟難爲用而
西寧一鎮官兵八千缺數以及不堪用者卽有
五千矣當此逆賊拒險守要進勦急須兵力豈
堪若是踈悞此臣不得不勉竭心力急爲振刷
以利前驅除留雅州尙堪克兵者申明紀律責
令該管急急領餉收拾裝什物速爲整頓以
備進勦而帶回成都者嚴限官弁極力整練其

狼狽不堪以及傷病殘廢共計六百名在川徒
糜糧餉應發回陝西另爲招募并缺數請其撥
補但臣急在攻險破賊此項撥補官兵遠不應
急除臣行令各官分晰造冊移咨陝西督臣哈
占并報撫遠大將軍查照兵數撥補前來繼臣
兵後以爲接應再咨明四川撫臣杭愛清查糧
餉外所有微臣分遣官兵收集過奔散之衆分
派嚴限整練并請發回不堪及缺數急爲撥補
相應據實

奏疏存藁

卷之五

六

題報貼黃難盡伏乞
皇上睿鑒全覽
勅議施行

請寬營弁以收後効疏

密題為庸鎮已蒙

勅究營弁百員現在進勦不便槩為質審仰懇

聖明法外施仁以安眾心以收後効事竊照總兵朱

衣客於馬打滾禮州退兵竟不守險其間將弁

按以軍律均應指叅但爾時官兵大散逆賊已

過大渡河臣若不稍寬安慰如許將弁必人人

自危不獨不能滅此外賊竊恐內患有不可問

者矣今則事雖稍緩人心稍定然各官弁俱領

奏疏存藁

卷之五

九

兵勦賊出力疆場似不便一槩提審內除王好

文有無強行扶掖朱衣客上馬應聽質審楚明

俊庸怯無膽現在推病另疏指叅外其餘將弁

念在天王廟馬打滾禮州與賊對壘七箇月身

經百戰有屢帶重傷尚在奮力者有膽勇破陣

擒斬獲功者有退兵殿後保全傷重官兵者有

官卑職微兵不多而不能自主者臣叩懇

皇仁槩准

寬赦以期後効至總兵朱衣客身膺封疆重任且提

本鎮本屬官兵六千不能破賊取勝反退兵直

奔千里又兼大渡河不守自言自報皆稱不能

管兵請回成都等語卽此一端可定其庸怯無

能貽悞封疆之罪矣臣因急在進兵首要收拾

人心起見應否

寬免伏候

皇上睿裁勅議施行

奏疏存藁

卷之五

十

題請實授要鎮疏

題爲庸鎮怯懦等事康熙十九年十一月十六日
准四川督臣楊茂勳咨開康熙十九年十一月
十三日准兵部密咨內開職方清吏司案呈奉
本部送密封內該本部覆勇畧將軍總督趙良
棟題前事等因康熙十九年十月初六日題本
月二十二日奉

旨據奏朱衣客庸怯輕棄汛守退回大千軍紀着嚴
加議處具奏兵部知道欽此密封到部查定例臨

奏疏存藁

卷之五

三

陣敗遁按以罪之輕重照律治罪等語該臣等
議得將軍總督趙良棟疏稱總兵朱衣客身受
朝廷封疆重任且係旗下舊人擁數千官兵不能克
敵制勝既退過河推藉於兵不守河口請撤回
成都目中全無

國法伏乞

勅議嚴加處分等因查總兵官朱衣客統領八千官
兵前赴建昌救援不能破賊救援建昌反在天
王廟地方失利不守越雋衛緊要地方卽過河

退回殊大千軍紀應將總兵官朱衣客革職請

勅四川總督楊茂勳嚴提究擬具題俟

命下之日將西寧總兵官員缺臣部另行具題請

旨可也等因康熙十九年十月二十四日題本月二

十七日奉

旨朱衣客着革職嚴提究擬具奏餘依議欽此爲此

合咨貴部院煩爲欽遵查照施行等因備咨到

部院准此爲照總兵朱衣客乃進勦之員現在

領兵駐守雅州必須遴委能員前去署理該鎮

奏疏存藁

卷之五

三

事務將兵馬等項交代接管方可提審擬合移
咨爲此合咨貴將軍部院煩請查照希卽委員
接管朱衣客原領兵馬營務庶便行提審擬并
希示覆施行等因到臣臣隨檄行候補總兵官
偏圖前赴雅州署理西寧鎮事接管兵馬外查
朱衣客官兵大散逆賊已過大渡河現在拒險
守要臣等急在進攻而西寧總兵員缺若候部
推自非旦夕可到况值官兵退奔之候渙散難
用雖經收集整頓然必須膽勇戰將爲之統率

方可振刷查偏圖勇敢之將禦侮之才且係
皇上特拔揀選遇川省雲貴總兵缺出補用之員合
無准其實授西寧鎮總兵官統領所屬官兵隨
臣進勦以收速効實出兩全但應否

允從

聖明自有

睿裁非臣所敢擅必也伏乞

皇上俯鑒勅議施行

奏疏存藁

卷之五

三

成都起行進勦日期疏

題爲報明臣等會商統兵進勦起行日期事竊照
建昌孤城自總兵朱衣客退兵之後已在隔別
而該鎮所統官兵又在大散奔逃臣雖遣發官
兵分頭堵截收集不獨人心渙散驟難爲用抑
且西寧一鎮原調入川八千官兵中缺少以及
傷病卽有大半矣當此急在攻險破賊之際再
請調撥官兵自是遠不應急是臣又不得不整
頓收集之兵設法鼓勵再謁愚忠以期破賊恢

奏疏存藁

卷之五

四

疆仰答

君恩而總兵李芳逆等節報胡國柱等逆俱過馬湖
河西來欲與劉起龍等賊會合臣與將軍臣俄
克濟哈將成都所有滿漢官兵統領於十二月
初四日起行前進撲勦俟滅賊之後如何救應
建昌恢取雲南另疏

題報至於省會重地交明撫臣杭愛臣等亦並撥
官兵留守外所有臣等統兵起行日期相應
報明伏乞

皇上睿鑒施行康熙十九年十二月二十日奉
旨兵部知道

奏疏存藁

卷之五

蓋

報明統兵前赴嘉眉先滅重賊疏

密題爲報明建昌官兵等事康熙十九年十二月
十六日准兵部密咨職方清吏司案呈奉本部
送密封內該本部覆勇畧將軍雲貴總督趙良
棟題前事等因康熙十九年十一月十五日題
本月二十九日奉

旨兵部議奏欽此密封到部該臣等議得勇畧將軍
雲貴總督趙良棟疏稱建昌官兵矢志堅守孤
城而救援之兵難容緩待臣選隨征總兵毛正

奏疏存藁

卷之五

美

義等帶兵五百名前去建昌諭令官兵安心固
守以待大兵等因查大將軍貝子等滿洲綠旗
大兵恢復貴州鎮遠貴陽等府進定雲南貴州
雲南係侵犯四川賊寇後路今逆賊必然振潰
應請

勅下在川將軍俄克濟哈佛尼勒趙良棟等乘逆賊
振動之際勦滅逆賊速救建昌危困之處會商
毋失機會而行至將軍趙良棟將貴州大兵進
取雲南四川大兵勦賊前赴建昌救援緣由差

人曉諭建昌所有官兵令其固守地方至將建昌危困救援之日該將軍將建昌文武各官保全城池之處查明具題可也等因康熙十九年十二月初二日題本日奉

旨依議速行欽此爲此合咨貴將軍煩爲欽遵查照施行等因到臣查臣與將軍臣俄克濟哈統領滿漢官兵自成都起行原當前赴邛雅相機攻取關山象嶺賊由大渡河急救建昌不期途次新津准將軍臣佛尼勒咨移并總兵李芳述

奏疏存藁

卷之五

七

等塘報暨嘉眉州縣之文屢次報稱胡國柱王緒等逆擁衆二萬有餘驅象六隻下營一十七座從馬湖渡江欲從沐川司出犍爲侵犯嘉定抄敘府之後出銅河犯峩眉通榮經敘府兵單甚爲緊急又峩眉縣稟報沐川司土官已經從賊胡國柱遣賊兵抄截新鎮之路馬邊地方已爲阻梗有本將軍部院遣發毛總兵等官兵現駐青龍場不能前進賊欲出沐川司適銅河來峩眉各等情臣思逆渠胡國柱等以勢窮之殘

寇初乘隙於瀘州再僥倖於永寧遂使逆焰熾而兩路之賊會合西來必蓄妄念是臣前疏奏明者今狡賊果有此謀臣等若以永寧一路之賊自有永寧一路將軍聽其調遣官兵撲勦防遏臣等各任建昌一路竟去邛雅則恐嘉定犍爲峩眉夾江不保不獨敘府隔絕而成都大有可慮且峩眉直達榮經以通關山象嶺大渡河之賊若兩路狡賊接連於一處賊勢愈重更難剪除臣等再四思維切慮地方總屬

奏疏存藁

卷之五

天

朝廷封疆敢不於緊急中先爲策應耶除臣嚴飭總兵偏圖固守雅州并更調總兵趙弘燦參將康調元等官兵前來會合共期先破重賊臣等統領滿漢官兵於十二月十二日抵夾江爾時犍爲嘉定峩眉夾江之民俱皆逃遁犍爲道路竟爲阻梗而沐川銅河一帶處處皆賊有報逆賊一股由沐川司出犍爲犯嘉定一股由鳳凰村出銅河來峩眉又報自馬湖適新鎮通建昌又報由中鎮適大渡河臣會同將軍臣俄克濟哈

分遣滿漢官兵於犍爲嘉定峩眉銅河新鎮一帶迎賊遇要接連敘府勦殺沐川司出犯之賊控制馬湖再於洪雅遣發官兵把守使榮經關山之賊不敢東窺一而知會將軍臣佛尼勒調瀘州官兵來敘府協力破賊至於建昌官兵堅守孤城求援甚切臣等既不敢輕視出犯之賊置嘉眉重地於膜外然亦不敢少緩接應之兵以失衆望如前遣總兵毛正義等官兵旣爲賊阻慮恐兵單復添發總兵王國臣李應魁等共

奏疏存藁

卷之五

完

合漢兵一千員各於太平墩適涼山從巒地前進再造漢兵五百尾後撤塘以通聲息并行總兵偏圖馬山整頓印雅滿漢官兵相機於高楊二土司地方抄小路奪取象嶺大渡河曬經關今新鎮銅河之賊俱退又報棄馬湖去豆腐總之逆賊歸無可歸恃山憑水忽東忽西竟成流寇雖曰釜底遊魂滅在旦夕而希圖僥倖之殘賊勢尚猖狂臣等旣不敢自分彼此只得分頭發兵先滅重賊兼顧兩路謹將分佈遇要勦賊

情形臣會同將軍臣俄克濟哈合先
題報伏乞

皇上睿鑒全覽施行康熙二十年正月二十日奉
旨兵部知道

奏疏存藁

卷之五

完

報明三路進兵夾勦逆賊疏

密題爲臣等親督官兵破險勦賊救援建昌并留
守犍爲嘉定官兵聲援敘府謹報明情形事竊
臣前與振武將軍臣俄克濟哈統領滿漢官兵
自成都起行至新津因准建威將軍臣佛尼勒
咨移暨總兵李芳述等塘報并各州縣文稟俱
言胡國柱等逆從馬湖渡江欲由沐川司出犍
爲銅河侵犯嘉定峩眉抄敘府後連榮經之賊
等情臣等聞報卽抵夾江分遣官兵於犍爲嘉

奏疏存彙

卷之五

三

定峩眉洪雅銅河新鎮一帶先遏重賊緣由業
經

題報在案矣今節據臣前遣去銅河鳳凰村一路
總兵副叅段登仕李鍾秀李弘鑿蘇虎仲玉位
等前報於鳳凰村稍箕坡兩敗逆賊追至榮經
斬殺甚多據生擒逆兵朱維吉等稟稱新鎮有
僞沈總兵并冷遊擊有兵三千又供建昌劉將
軍差人來在胡將軍這裏請兵等語繼報抵新
鎮逆賊果有數千於對河排陣用鎗砲固守官

兵奮勇躡水過河大破逆賊俱各奔入箐林殺

死三百餘名生擒六十餘名得獲大砲器械俟
查明另報已得新鎮惟是雪山馬匹不能行走
請示等情又據總兵李芳述等塘報職等奉文
扎犍爲遏賊隨遣發官兵於沐川司而逆賊又
復退回今王緒扎豆壩胡國柱過江扎對岸等
語又前遣赴建昌總兵毛正義等初稟新鎮守
備冷攀龍投誠又報官兵無糧退回等情再據
續遣總兵王國臣李應魁及毛正義又報中鎮

奏疏存彙

卷之五

三

殺馬溪難行不能前進又據天全土官高一柱
差人王天培赴建昌引出隨征把總馬應祥稟
稱逆賊又於姜坡添兩座營盤斷左右二所糧
路官兵望大兵救應等語各等情到臣該臣等
看得出犯永寧一路逆賊於瀘州敘府一帶對
江扎營而胡國柱等雖忽出忽退出犯建昌一
路逆賊尚在鴟張又復斷我官兵糧道今賊旣
不敢犯嘉眉又銅河沐川司兩路之賊已退而
河水漸長轉盼陰雨則建昌官兵焉能久待是

奏疏存藁

卷之五

三

臣等不得不親身統領官兵破險勦賊救應建昌緊要除再遣總兵趙名友遊擊吳志帶兵接應新鎮并飭段登仕等新鎮太平墩兩路官兵挑選步兵星速前進與建昌通信而李芳述等官兵不動復撥遊擊屠存義等官兵一千名共合三千名令李芳述總統扎健爲以遏賊勢接應敘府振武將軍量撥滿兵扎嘉定接應健爲互相聲援又將邛州官兵俱調至雅州公議振武將軍臣俄克濟哈統領滿兵走洪雅適榮經督同總兵偏圖攻取正關又將綠旗漢兵挑選二千名責令副將柴英等走紫眼越關山大象嶺抄出黎州臣同懷忠將軍海潮龍率寧夏總兵趙弘燦自峩眉入山走金口越過關山大象嶺抄出大渡河三路夾攻勦殺出犯之賊奪取象嶺大渡河接應建昌俱於正月二十八日自夾江起行前進外理合

報明伏乞

睿鑒施行康熙二十年二月十七日奉

旨兵部知道

奏疏存藁

卷之五

三

奉遣官兵疑畏不前擒拏正法疏

密題爲奉遣官兵疑畏不前難容驕縱謹報明正法以振兵心事竊臣自克復徽州畧陽成都以來官兵勇往投誠効力無不爭先乃自朱衣客退兵之後人心疑畏投誠觀望臣申嚴訓戒不啻舌敝慮內防外心血爲盡如建昌隔別數月相離一千四五百里處處險要俱爲賊踞因遊擊劉登賢從蠻地前來臣且喜且痛急在遣發官兵先爲通信臣以投誠總兵給劄副將毛正

奏疏存彙

卷之五

五

義在川日夙素有膽勇之名臣不惜厚賞隨給快騾壯馬各一匹頭銀一百兩復將臣身着袷綸孫皮褂一件解以付與仍面許如到建昌送信後卽題實缺更有重賞諄言切囑至再至三豈期梟弁狼心不改野性難馴不念

朝廷不殺之恩微臣保全之德敢於觀望不前搖惑兵心如前遣去新鎮乃劉登賢原來之路况又添兵五百名該弁竟以冷攀龍降賊恐賊尾追託故不進及臣令走中鎮復添王國臣李應魁

葉自昌張攀鰲王朝幹等官兵共合一千五百

名毛正義仍前逗遛初報路險繼言無糧及至有糧又言兵丁紛紛亂言大有不妥等語及劉登賢王朝幹張攀鰲等已經前去而毛正義王國臣李應魁等竟自撤回又報亂言之兵俱已脫逃欺公藐玩大干軍紀查係微臣

題明准給副將劄付之員理應請

旨處分但正值進兵而毛正義等如此不前如此惑衆若不急急正法何以鎮定人心除王國臣李

奏疏存彙

卷之五

五

應魁係後遣毛成虎等末弁外毛正義當卽擒拏正法訖相應

報明伏乞

睿鑒施行康熙二十年二月二十九日奉

旨兵部知道

題報建昌官兵自行撤出疏

密題爲報明建昌官兵情形事竊臣等前以出犯永寧一路逆賊占踞馬湖侵犯嘉定峩眉聞報統兵卽抵夾江分遣官兵於犍爲嘉定峩眉洪雅銅河新鎮一帶先遏重賊繼據臣前遣去新鎮一路總兵副叅段登仕等塘報兩敗逆賊又據總兵李芳述塘報沐川司之賊復退胡國柱過江扎對岸而建昌鎮將差員前來報稱逆賊添兵斷糧新鎮一路官兵報雪山馬匹難進太

奏疏存藁

卷之五

七

平墩一路官兵復以路險不前是以臣等公同商酌於犍爲嘉定添撥滿漢官兵以遏賊勢接應敘府并嚴飭段登仕等新鎮太平兩路官兵挑選步兵星速前去與建昌通信臣與將軍臣俄克濟哈親督官兵分道入山由巒地前進約期攻取象嶺大渡河接應建昌各緣由俱經題報在案今於本年二月初四日師次黑龍場地方據原遣接應建昌遊擊張攀鰲守備葉自昌王朝幹王恩榮暨劉登賢等報稱卑職等督率

官兵將窄狹處所并殺馬溪偏橋獨石俱已修理前進至雪山地方有建昌撤出先到官兵說稱因城內無糧於正月十九日官兵撤出王總兵等各官兵離殺馬溪尚隔兩天路程後邊逆賊尾追等情到臣臣一面知會將軍臣俄克濟哈一面飭令臣前探官兵適太平墩先撲出犯之賊接濟建昌撤出官兵俟官兵到日訊明如何撤退緣由方敢入

奏疏存藁

卷之五

美

告今據建昌鎮道王進才傅作楫領兵總兵藍兆周胡振雄叅遊都守呂自魁馮德昌鄭有榮黃進忠哈蛟龍任定國李一虎李洪王功名等稟稱自總兵朱衣客退兵之後建昌官兵矢志苦守不期逆賊攻圍日甚城內無糧兵心不堅且四下蠻傑俱變又不知援兵遠近遂於本年正月十九日督率全軍突圍而出逆賊尾隨野蠻於險要高山巖石邀截日在接戰行至雪山幸遇接應官兵等語該臣看得建昌守城官兵自朱衣客退兵千里險要俱爲賊踞隔別四月能同

心合力可謂矢志今全師前來尤稱雄健惟是不待援兵自行撤回有棄城不守之罪然皆出微臣力不從心不能急急救應則臣之罪甚於守城官兵矣伏乞

皇上嚴加處分至兩遣通信官兵疑畏不前藐玩已極難容寬貸除將毛正義正法另疏

題明外今建昌官兵既出逆賊全勢前來應如何遇要如何破賊臣當與振武將軍臣俄克濟哈會商題

奏疏存藁

卷之五

完

請遵行謹將建昌官兵自行撤回情形合先

題報伏乞

皇上睿鑒施行康熙二十年二月二十九日奉
旨兵部議奏

協勦官兵屢敗逆賊克捷疏

題為報明分遣截勦官兵殺敗逆賊克捷情形事

竊照建昌官兵以無糧撤出臣據報當即入

告其官兵如何退法逆賊如何尾出查明另報及建

昌官兵到齊復據遊擊張攀鰲蘇虎守備葉自

昌王朝幹等稟稱建昌鎮道官兵至雪山前為

熱水一帶生蠻於險要處所將路挖斷於高山

巖石逆賊隨後尾出見接應官兵生蠻入山逆

賊亦皆退去卑職等即為收後前來等情臣與

奏疏存藁

卷之五

罕

振武將軍會明正在分佈官兵間接准兵部密

咨內開總兵官王用子仍遵前

旨統伊屬官兵速行恢取遵義應請

勅下將軍俄克濟哈佛尼勒趙良棟勦滅侵犯紉府

等處逆賊進定雲南之處公同商酌毋失機會

而行等因臣以龍場為太平墩中鎮一路總要

撥留官兵以遏出犯之賊而銅河不獨可出峩

眉夾江且通沐川司并適中鎮出大渡河不可

不防飭令總兵段登仕等官兵移兵防守要險

接連犄角互相聲援其建昌撤出官兵行令總兵王進才於夾江峩眉兩處分扎一以就糧防守一以休息兵銳整頓器械而關山象嶺有賊雅州最爲緊要准振武將軍咨覆督率滿漢官兵挑挖壕塹立營嚴加固守臣遂親統官兵由茶天岡適嘉定州會勦再查逆渠胡國柱等賊旣踞馬湖豆壩又出沐川司扎莽通壩暨十丈空一帶而我之官兵應如何分頭勦殺以滅重賊隨差員會商建威將軍臣佛尼勒再咨振武

奏疏存彙

卷之五

聖

將軍臣俄克濟哈去後隨據總兵李芳述等稟報職等奉遣前去當同漢中副將王化行前往天池探至豆壩見河那邊營盤雖在賊衆似覺無多職等觀看之間有賊營跑來一人名喚曹守太係陝西華州鐵匠隨費總兵營盤做活永寧被據供稱有王緒黑邦後在各營拔了六千精兵於二月二十二日從河那邊往馬湖去了說是離馬湖兩天路我兵下有四箇營盤前去堵口子又說去接建昌出來的賊兵要犯嘉定

消息等語職等詳其口供逆賊王緒等來馬湖窺視我兵四箇營盤者料係犍爲四營不可不慮况莽通壩逆賊已扎有營盤又云去接建昌逆賊要犯嘉定俱不可定先將曹守太口供飛具稟聞等情臣隨遣寧夏總兵趙弘燦暨隨征領兵總兵張友成瞿洪陞并副將康調元胡攀桂遊擊顧隆等星馳前去協同原駐犍爲總兵李芳述鄒九疇遊擊屠存義署遊擊陳英等會同協力夾勦又飭現駐銅河總兵段登仕趙名

奏疏存彙

卷之五

聖

友副將李鍾秀遊擊李弘鑒吳志蘇虎仲玉位等小心汛守偵探逆賊向往會兵合勦去後隨准建威將軍臣佛尼勒咨開僞將軍胡國柱王緒尤廷玉黑邦後等於本年二月二十九日夜三更時分上馬湖之路去了本將軍親統官兵於三月初一日清晨自敘府起行酌量追殺賊寇等因臣復飛檄各官兵遵照前行星馳進勦初八日復准將軍臣佛尼勒咨開我親統官兵追賊離馬湖三十里僞將軍胡國柱等親統賊

寇收後與我兵對面站立等語及臣再檄行催總兵李芳述副將康調元遊擊陳英等官兵徑適馬湖協勦總兵趙弘燦張友成鄒九疇瞿洪陞副將胡攀桂遊擊顧隆等官兵抄賊之後夾勦去後而兩准將軍臣佛尼勒咨云我追趕逆賊過馬湖二十五里餘因路甚險窄樹林深大俱是土司地方不便深追撤兵回敘府前去永寧等語又據總兵李芳述等塘報亦稱職等遵奉憲檄由沐川司進莽通壩逆賊下營二座官

奏疏存彙

卷之五

聖

兵一到不敢抵敵退去馬湖一帶逆賊俱去中都建威將軍不曾跟賊前來撤兵去永寧職等官兵雖尾後追勦實實兵力單薄等情臣思胡國柱等一起重賊全勢西來而分發協勦官兵既經深入滿洲大兵又東去永寧臣只得親身前去接應仍飛檄該鎮不可以兵單少停况總兵趙弘燦段登仕等兩路官兵俱進本將軍部院亦已前進接應飭行去後三月十八日至西壩據總兵趙弘燦等塘報內稱逆賊由中都走

十丈空俱西行據投出永寧被擄兵丁口供賊內有說要出銅河峩嶺去榮經有說到新鎮接應建昌賊兵等語職等已行文段總兵接應夾勦惟是山大路狹狡賊叵測處處險要必須重兵防備職等前進之兵似覺力單預為報明等情臣亦於馬上飛飭嚴加偵探急急前進十九日至象鼻嶺又據總兵趙弘燦鄒九疇副將胡攀桂等差人馳報逆賊大眾已到新鎮發兵出觀音崖三倒拐兩處前來塘馬撤到銅槽子虎

奏疏存彙

卷之五

器

皮岡據鄉民報稱逆賊要出銅河取峩眉夾江又據校出被擄兵丁供稱逆賊的實要出銅河走榮經奔象嶺前來係徐李沈三箇總兵後係王尤二將軍等語祈請發兵前來接應等情臣一面兼程前進一面飛飭前續遣接應官兵張攀鰲葉自昌等挑選精健步兵不分晝夜前去接應二十日又接據總兵趙弘燦段登仕趙名友鄒九疇瞿洪陞副遊胡攀桂李鍾秀李弘鑿顧隆吳志蘇虎仲玉位等塘報職等兩路於鳳

鳳村會合正議分兵前進聞據前探官兵飛報兩路逆賊擁出職等卽分佈官兵迎敵逆賊果敢架山梁而來職等亦將步兵并大砲鳥機分遣於兩山迎戰馬兵居中衝殺步兵連奪兩箇山頭馬兵直出抄賊之後而逆賊不及停脚且戰且退職等商議若不乘機追殺恐於險要安營攻取不易卽嚴督官兵合力攻勦逆賊不能抵敵仍從兩路退奔職等官兵亦分兩路追進但前進山勢愈大不知逆賊是何狡謀合將敗

奏疏存彙

卷之五

聖

賊情形先爲馳報等情本日亥時又據該鎮將趙弘燦等塘報職等前合兵敗賊於鳳凰村暨後分兵追賊情形已經塘報在案職一路官兵於十四日追賊直抵觀音崖逆賊恃險守要將關口把守官兵難以用力覓鄉民引兵於箐林小路鑽林攀崖而出抄賊之後大敗逆賊除陣斬滾崖三百餘名生擒八十二名內有遵義兵劉元等三十八名倒戈者免死外其餘斬首訖逆賊胡國柱等扎分水嶺止離五里合將官兵

斬關直入情形塘報等情二十一日寅時接據該鎮將段登仕等塘報職等自鳳凰村敗賊尾追於三倒拐連奪險要二處至三道關口兩山壁立箐林深密逆賊於正關蚤已下竹圍砌牆拒守職等因見三倒拐地險路狹又係深箐陷泥官兵一退有死無生各官遂身先兵丁自行掌頭子分三股鑽箐攀崖而上大敗逆賊奪取險要斬殺逆賊并滾崖跌死不計其數生擒六十五名斬首訖投出僞都司一員梁天章僞守

奏疏存彙

卷之五

異

備一員趙勝兵三百二十名剃頭安插隨營外除有功官兵以及傷亡官兵并得獲器械查明另報所有殺敗逆賊奪取險要情形理合報聞等情二十二日至燕子坎接據總兵李芳述等塘報內稱逆賊由中都遁去職等一面報聞一面統兵前進探得十丈空有賊營三座查十丈空去中都三十里山路崎嶇兩邊俱是懸崖深箐職等挑弓箭交鎗手步兵一千名砲十位遣發前行職與副將康調元遊擊陳英督率官兵

隨後俱至十丈空連夜砌起土城二座安定營盤十六日攻取但十丈空係一連兩層石崖逆賊居高恃險火器又重我兵難於直上職等卽選精健官兵從箐林抄出逆賊顧後我兵奮勇追上一層其二層逆賊亦不敢守披靡大敗然前路步步皆是險要恐不能刻期攻進有投誠馬邊營提調王承恩引路從石角營翻山可出新鎮俟職等會兵之日另具塘報謹一併報聞等情二十三日稍箕坡接據總兵李芳述趙

奏疏存藁

卷之五

聖

弘燦段登仕趙名友張友成瞿洪陞副將胡攀桂康調元李鍾秀遊擊顧隆吳志陳英暨隨征僉事道張元凱等塘報職等官兵分路攻險破賊情形前已具報外今三路官兵於本月十九日俱出清水河會齊職等公議賊衆兵寡且山險地狹我等旣已深入必須分佈周詳大家努力方可破賊遂於二十日各統官兵前用換牌馬綿火砲一齊前進而逆賊離新鎮十里地名黃茅岡箐口倚山下營職等於對面排陣賊兵

不動職等亦以官兵遠涉未去攻賊之營遂整隊以待之二十一日黎明逆賊僞將軍王緒廷廷玉王邦圖黑邦俊等掌三箇頭子每一頭子用三敵直出前來誘戰職等將官兵亦分三股迎敵兩陣鎗砲如雨互相傷亡甚多賊係拚命官兵力敵彼此衝殺十餘次直至未時官兵逆賊俱皆疲乏未分勝負職等遂傳令官兵十分努力若不努力我等已是深入要想善退萬萬不能都是該死而官兵一躍奮起精神百倍遂

奏疏存藁

卷之五

聖

將逆賊殺敗直追三十里至兩河口天晚逆賊將橋砍斷查陣斬僞總兵一員沈明僞副叅遊守張文祥等三十餘員殺死賊兵以及水溺滾崖約計二千餘名生擒僞叅遊一十一員僞兵二百八十二名俱係拚命死戰之賊當卽問明斬首內冷攀龍原係新鎮復叛守備留候發落得獲馬騾八十五匹賞給當陣傷斃及跌死馬匹兵丁補額外僞印關防三十七顆僞劄一十三張另文齋繳其盛甲器械查明再報投出僞

副總兵一員張文學偽副將一員羅應申偽遊擊一員夏昇偽同知二員王希禹程世培帶兵五百名又救出湖廣江西陝西遵義各處偽兵并瀘永失陷提鎮營兵通共一千三百六十一名瀘永仁合長寧各處難民男婦五百四十二名口遊擊李弘鑿頭中鉛子當陣身亡吳志右腿被箭傷重陳應先左手鉛子打透其餘守千把總以及隨征官員兵丁傷亡甚多并有功人員均俟查明另爲冊報是役也將弁戮力士卒

奏疏存藁

卷之五

兇

用命皆賴

朝廷洪福本將軍部院用人養兵所致合將克捷情形先爲飛報至於敗賊奔烟峯雪山我兵裹帶之糧已盡且係生蠻地方不便窮追相應報明等情到臣該臣查看得胡國柱王緒等逆乃出犯瀘州永寧之重賊也前建威將軍臣吳丹失於佈置致兩城被陷全川震動逆賊自此鴟張官兵自此渙散臣憂心切慮不暇他顧者總爲此一股重賊爲患不小故不敢以兩路岐視不

敢以彼此懈心今官兵勇往直前屢敗逆賊追入蠻地而逆賊計窮無路敗遁於自絕之鄉旦夕遊魂自此誅滅總皆仰仗我

皇上洪福

國家威靈所致既據該鎮將塘報前來相應

題報仰慰

聖懷至逆賊潰奔遠近情形暨官兵無糧咨臣查明

另爲奏

聞謹將分發協勦官兵屢敗逆賊克捷情形合先

奏疏存藁

卷之五

辛

題報伏乞

皇上睿鑒施行康熙二十年四月十九日奉

旨覽卿奏遣發官兵進勦逆賊擒斬甚多逆賊胡國柱等逃遁知道了該部知道

報明官兵無糧撤出銅河疏

題爲窮寇無路已入蠻地協勦官兵無糧難進謹

報明情形仰祈

睿鑒事竊照胡國柱等逆全勢西來臣分遣官兵截

殺屢敗逆賊斬獲情形已經具疏

題報外臣於三月二十五日抵新鎮據總兵李芳

述趙弘燦段登仕趙名友張友成鄒九疇瞿洪

陞副叅遊康調元胡攀桂李鍾秀顧隆陳英等

稟稱職等統領官兵會同敘府滿漢官兵協勦

奏疏存藁

卷之五

五

逆賊初接建威將軍照會令職等來馬湖及職
等官兵深入而建威將軍又撤兵東去永寧職
等總以

朝廷封疆爲重繼奉本將軍部院屢檄行催且官兵

旣已深入敢不努力除殺賊情形前已塘報在

案今逆賊已入生蠻地方山勢愈大險要愈多

拚命之賊人人俱下死力又與建昌逆賊會合

一處難以輕敵又官兵前在嘉定懋爲有支十

天五天之糧者有支半月之糧者今追賊將近

一月糧米全無多係尋野菜剝竹芽糊口此一

片荒山無田地無人民懇乞本將軍部院目擊

請乞速裁職等不敢擅便等語臣查官兵委實

無糧所過地方果係一片荒山及再詢前進雪

山更出生蠻不毛之地全不種田竊思兵糧乃

三軍命脉爲第一首重之事邇來地方官以民

逃催呼不應糧米漸次不能接濟如前嘉定發

兵時求支二十日裹帶之糧屢催不敷今若再

望其肩挑背負遠運於蠻地以供兵食知其斷

奏疏存藁

卷之五

五

斷不能而狡賊斷路拒險處處把守官兵攻取

難期時日臣差人於各營暗加查訪不獨無裹

帶前進之糧卽目前乏食斷餐甚是緊急臣是

以不得不暫令移出銅河就糧一面移商滿洲

兩將軍如何主裁一面咨催督撫如何備糧急

爲進勦另疏題

請臣先將逆賊已入蠻地官兵乏食就糧情形

報明伏乞

皇上睿鑒施行康熙二十年四月二十一日奉

攻克關山象嶺捷報疏

題為官兵仰仗

天威攻克險關奪取象嶺連破逆渠追殺百里直抵
大渡河覆賊全軍謹報明大獲全勝事竊臣前
會同振武將軍紀哈禮遣發滿漢官兵三路進
剿暨臣親身督率緣由已經

題明在案本年五月初八日據前鋒總兵鄒九疇
張友成等報稱初七日兵抵榮經縣逆賊棄城
不守退入箐口站拒險等情又據總兵李芳述

等稟稱洪雅縣無糧等候二日及入山道路狹
隘陡險馬匹難行滿兵存後職率兵前來若分
路走野鴉池出黎州路徑更細問明土著之人
稱說須行十四五日恐不能如約如從黃泥嶺
下土地橋先破正關或再相機不得不稟明請
乞裁奪等情又據總兵王進才等報稱抵秦家
街山路崎嶇官兵俱係步行五姓蠻地似覺兵
單再請添兵接應等情臣見兩路奇兵已遲正
關又不可稍緩除遣副將石福守備葉自昌挑

選強壯步兵五百名前去秦家街尾隨王進才
接應遣總兵李芳述過山適黃泥嶺下黃泥舖
抄出箐口之後令總兵張友成鄒九疇等帶火
器步兵由大路爲前隊副將康調元李九疇呂
自魁等帶馬兵弓箭手爲二隊臣親身督率前
進而山勢狹隘箐林深密一線鳥道官兵俱令
下馬步行將軍臣海潮龍總兵臣偏圖趙弘燦
接續而進逆賊果於箐口站周公橋八方黃泥
舖偏崖連營五處斷橋守險總兵副叅遊守李

奏疏存藁

卷之五

五

芳述鄒九疇張友成瞿洪陞康調元李九疇呂
自魁柴英趙名友吳志蘇虎仲玉位郝俊龍張
攀鰲陳應先李勝鳳劉清劉承富唐希順陳英
李洪孫洪育李一虎等率兵直前其間有正兵
奮勇直入攻進者有奇兵抄後破險者有自山
鑽林直下壓頂者并擒斬逆賊出奇破險次序
情形語繁不敢冗敘有賣

天聽及抵土地橋見正關三層逆賊密佈鎗砲橋口
兩岸重用柞木竹牌石圍伏賊於後臣親督官

兵重披馬綿再用竹挨牌綿簾分左右兩翼派
頭二兩敵仍教以進退接應步法前用鳥機百
子砲步步攻進逆賊伏兵率皆纏頭皮盔馬綿
大刀官兵奮勇直前兩陣鎗砲如雨衝殺數次
將賊殺敗連奪柞木石圍重墻三道直至橋口
臣見橋下陡險大水洶湧我兵所站兩山俱係
深溝大壑不接關山象嶺輾轉思維若不速攻
大衆官兵屯聚於窄溝山峪中自非久扎對壘
之地若單攻正關不用奇兵不獨地勢險隘難

奏疏存藁

卷之五

五

以用力抑且傷兵損威遂於李芳述鄒九疇兩
營川兵中查出引路長毛民供有黃泥舖走山
之民劉應素深知山勢隨供從八方後山鑽林
砍箐爬崖兩日可出長老坪抄關山之後各鎮
將遂舉善走步將遊擊陳應先唐希順陳英挑
選便利步兵一千名約定十三日透出長老坪
如上路留兵一半預備堵禦象嶺接應之賊帶
兵一半從頂直下舉雙砲放起火爲號橋口官
兵首尾夾攻十二日攻打竟日賊尚鳴張十三

日再督官兵努力兩山烏機百子砲齊發逆勢漸挫午時擁過橋口直上攻奪頭層得逆賊西洋紅衣銅砲一位烏機數門逆賊退上關口豁然死拒申時奪取二層投出偽守備汪才供稱守關係于總兵滿曾楊三副將象嶺頂係戴總兵黎州係蔡總兵楊總兵于總兵係遼東人他說正關如此險要又有紅衣大砲怕甚麼叫他只管來攻實不知大兵如此惡上等語審問間復有跑來投誠偽兵韓文選等四名吐供山上

奏疏存彙

卷之五

五

坐堆子兵傳下跑來賊甚驚慌等語臣卽令官兵努力攻上追殺戍時上頂而陳應先唐希順等官兵透出兩軍截殺逆賊大敗陣斬滾崖無數臣傳令官兵無分晝夜追殺不可少停容賊拆橋守險十四日黎明大敗逆賊於黎州恢城再敗逆賊於漢陽街破其狡謀十五日連戰於大渡河奪其渡口三道而逆賊無路偽副叅遊蘇友直等七十四員偽兵一千六百餘名盡皆倒戈分兵順河復追十里於火場壩山峪中偽

總兵蔡國明戴聖恩于登明事急而降查大象嶺上下六十里偏橋二十餘處逆賊斷橋守險復於黎州合兵排陣惡戰漢陽街伏兵排陣用計大渡河背水排陣拚命餘孽無路死戰官兵深入倍加努力屢戰屢捷大破全軍賊人膽落總皆仰仗我

皇上天威

國家洪福各鎮將奮勇所致也如自箐口站起至大渡河一百四十里大戰四次攻險奪隘九次

奏疏存彙

卷之五

五

共陣斬生擒逆賊四千餘名滾崖落水不計其數得獲馬騾八百餘匹七尺西洋紅衣銅砲二位烏機百子砲四十餘門綿甲皮盔交鎗大刀器械甚多所有攻險破陣有功官兵傷亡官兵及偽官印劄容臣查明另疏

題報又象嶺六十里陡險山路官兵馬匹損傷四五得獲逆賊馬騾俱令補額倒戈偽官偽兵原騎馬騾仍給本人以安其心合併敘明偽總兵蔡國明戴聖恩于登明事急而降原非真心投

誠理當正法惟是雲南未下建昌現有兩路重
賊臣仰體

皇上好生寬仁暫令剃髮安插并陣擒未弁偽兵俱
行寬釋伏乞

皇上允臣所請以廣招徠再雅州榮經至黎州皆大
山深箐羊腸鳥道不能施馬原議綠旗步兵火
器在前滿洲隨後接應而臣長驅直入者所賴
滿洲官兵大振軍聲也今先鋒官兵明甲官兵
副都統叅贊臣希福將軍臣紀哈禮挨次接應
奏疏存藁
卷之五
堯
俱到臣叩懇

聖明准照滿洲例議敘應聽將軍臣紀哈禮開報至
大渡河水勢洶湧如何過渡前進現在佈置兵
食爲重裹帶之糧已盡繼運之糧不到而黎州
所一線之地百姓寥寥田地無幾素不產糧且
經逆賊蹂躪日久率皆逃避兩山苗蠻不毛之
地不但無糧可尋抑且不便入山尋糧臣焦心
如焚急等星火又不得不據實

奏明仰懇

電照緣係恭報官兵大獲全勝事理相應統敘
題明貼黃難盡伏乞

皇上睿鑒全覽施行康熙二十年六月十二日奉
旨據奏率領官兵擊敗賊衆已抵大渡河知道了餘
着速議具奏該部知道

奏疏存藁

卷之五

卒

報明官兵渡江前進疏

密題爲官兵渡江守要急催前進裹帶乏糧謹報
明情形仰慰

聖懷事竊臣督率官兵攻取關山象嶺克復黎州直
抵大渡河立破賊衆盡皆倒戈克捷情形已經
題報在案而臣以奪取渡口守躡經關爲要是以
追賊緊急不容過渡守險官兵仰仗我

皇上天威

國家洪福覆賊全軍匹馬不能免脫此從來罕有

奏疏存藁

卷之五

空

之事罕聞之捷也查渡船三隻一隻損壞二隻
可渡然每船止可渡馬十餘匹若渡步人可渡
兵三十名河水洶湧兩岸陡險每日止兩渡便
晚自二十一日得船渡起官兵十渡其三躡經
關已經挑壕安營固守是渡口無慮矣又海棠
已經恢復再遣官兵前去越嵩衛偵探聞賊於
象嶺銅槽盧沽寧番一帶守險據僞總兵蔡國
明于登明戴聖恩等稟說逆賊僞將軍胡國柱
尤廷玉王邦圖黑邦俊劉沛武王公良王屏翰

統兩路賊兵尚有二萬俱在建昌餘丁家口尚

多地方饑饉米賣二兩一斗其王緒李匡帶兵
四千去金沙江聞金沙江無船復回等語臣思
兩路重賊會合一處勢力自大不可不備然我
兵直入覆賊全軍聲勢不小俟官兵過渡一半
臣卽當督兵前進惟是前報雅州無糧官兵裹
帶之糧不多今已斷糧過期數日再如黎州較
關山象嶺箐林漸減山勢漸闊然仍在深山窮
谷之中苗蠻不毛之地無多民無多田實實無
糧官兵待食甚急繼運之糧不到臣焦心如焚
除遣營官守催外謹將官兵渡江守要暨發兵
前探情形并候糧緣由先爲

報明仰慰

聖懷伏乞

皇上睿鑒施行康熙二十年六月十八日奉

旨該部議奏

奏疏存藁

卷之五

空

督率渡河官兵先行進勦疏

題爲再報官兵前進恢城逆賊狡情叵測臣等督兵繼進仰慰

聖懷事竊照官兵直抵大渡河覆賊全軍奪其渡口船隻過江守疆經關并恢取海棠偵探越雋衛情形經臣題

報在案嗣據前探官兵初報逆渠胡國柱統兵前來

堵江尤廷玉已扎盧沽再報僞總兵安民賀逢泰守越雋堵小象嶺臣飛檄總兵李芳述鄒九

奏疏存藁

卷之五

奎

疇張友成瞿洪陞副叅遊守康調元李九疇呂

自魁趙元輔柴英吳志張攀鰲郝俊龍蘇虎仲

玉位劉承富唐希順李洪孫洪育陳英等統領

先鋒頭敵官兵前進再遣總兵偏圖等會同滿

洲先鋒接應仍申嚴須要步步爲家得一處守

一處不可輕忽不可遲疑不時馳報臣會同將

軍臣紀哈禮將渡船二隻滿漢各分一隻督兵

急急渡江奈兵多船少水勢洶湧在前每日止

過兩渡卽便天晚今加兵設法一日可過五六

渡或七八渡不等然終以船少每一日渡馬則

不過二三百匹渡人則不過七八百名今據總

兵李芳述等塘報逆賊安民賀逢泰已經敗遁

恢復越雋衛城尤廷玉尙在盧沽胡國柱出建

昌王緒李匡不會渡金沙江仍復轉回雖守備

田國鳳前來投誠請兵云賊已出建昌然狡情

叵測不敢深信職等已議令總兵瞿洪陞守備

李洪挑選精健馬步官兵一千前往偵探職等

固守越雋衛又分兵於寧番一路徠徠溝小道

奏疏存藁

卷之五

畜

一路聲勢謹將情形報明并送投誠僞叅遊柴

飛虎姚思文黃錫雲等同僞改衛爲州改所爲

縣各官及僞印僞劄呈繳請示遵行等情到臣

臣思官兵旣抵越雋衛理宜前進而瞿洪陞一

千官兵深入似覺兵單卽再飛檄各官留一鎮

守越雋衛其餘官兵當速速接續瞿洪陞等官

兵前進不可遲緩臣復會將軍臣紀哈禮副都

統叅贊臣西布公議若候大兵過完一齊前進

尙須二十餘日恐難等待臣等遂將已經過江

滿漢官兵督率先行前進接應而未經過江滿
漢官兵尚多責令該管章京將弁挨次過江隨
過隨行至臣等前進逆渠或戰或守或奔逃容
臣等相機調度務期破賊所有前發官兵恢城
前進情形暨臣等督率過江官兵先行緣由理
合先爲

題報伏乞

皇上睿鑒施行康熙二十年六月二十九日奉

旨兵部知道

奏疏存藁

卷之五

奎

再復建昌捷報疏

題爲官兵仰仗

天威立破險關覆賊全軍逆渠聞風喪膽奔潰謹報
明復取建昌再定全川仰慰

聖懷事案照前據總兵李芳述等塘報恢復越嵩守
城公議總兵瞿洪陞守備李洪等帶兵一千名
偵探臣飛檄李芳述等留一鎮守城其餘官兵
速速接續前進不得遲緩再會同將軍臣紀哈
禮將已經過江官兵臣等督率先行接應務期

奏疏存藁

卷之五

奎

破賊緣由業經

題明今於本月十一日抵平壩接據總兵李芳述
等塘報據總兵瞿洪陞守備李洪報稱職等帶
兵於本月初四日抵禮州地方有建昌差來投
誠官劉大貴金相龍等迎接稟稱逆賊於十九
日聞得大兵攻開關山將蔡于戴三箇總兵并
賊兵數千俱行殺散投降一箇不能跑脫甚是
驚懼尤廷玉卽來禮州尙國柱初傳統兵去大
渡河堵小象嶺後見兵抵越嵩衛賀總兵敗回

將賀總兵絞死於盧沽殺楊總兵在禮州胡國柱二十二日先走王公良王屏翰二十四日後走尤廷玉收後將建昌槍掠從會川而去聞說金沙江不能過渡王緒李匡尚在江邊賊兵到處槍掠總因前自新鎮敗回走蠻地賊兵十分狠狽什物盈甲大半皆丟棄恐過金沙江自必各自逃散等語又云各山苗蠻四起擾亂地方建昌兵民望大兵急救職等於初五日已抵建昌城外扎營請稟將軍部院示下等情到職擬

奏疏存藁

卷之五

奎

合轉報等情十四日又據總兵李芳述鄒九疇張友成副叅遊守呂自魁李九疇趙元輔唐希順孫洪育等塘報職等同瞿總兵前後追賊恢復越嵩冕山二營禮州各所建昌地方得獲紅衣大砲三位大砲八位九子砲六十五位鳥機四十二門以及砲車火藥火罐鉛子等項并投降跟砲叅將王琰守備高應秋池顯名李應召林果動祁安邦等帶護砲兵六百餘名暨追獲皮盈綿甲副刀交鎗什物甚多俱俟查明另爲

冊報職等於初十日抵建昌官兵士民吐供逆賊奔逃與前報無異總兵瞿洪陞等遣兵至金川橋逆賊將橋用火燒燬據本地官民供稱此橋須用人夫千名以及物料必須一月方能搭造等語又據自會川奔回建昌營千總魯之彥稟稱王緒李匡於二十一日方自紅布所迤子小渡過江胡國柱二十七日自會川起行王公良尤廷玉於六月初一日起行俱奔紅布所迤子渡聞要去姚安之信羽林將軍王邦圖已死

奏疏存藁

卷之五

奎

兵皆大亂人心不一又問金川橋既燒汝從何來據供我從下首用四兩銀子僱蠻子的筏子方渡我前來等語職等伏思官兵前自雅州馬兵裹帶糧米二十日步兵裹帶糧米十五日自攻取關山象嶺克復黎州進取建昌已逾一月有餘食米全無甚是緊急似此一片荒山無糧可尋懇乞蚤爲佈置接濟今官兵仰遵本將軍部院入川之令不敢進城止量派官兵守城守門外其餘大衆官兵同職等俱扎營於呂俊坡

城外聽候示下遵行合先塘報等情該臣看得官兵仰仗我

皇上洪福

國家威靈飛渡三江直下成都永寧賊遁建昌就撫而偽將軍撫鎮司道大小文武千有餘員遠近響應獻地獻城又雲南偽將軍海潮龍來歸迤西北勝州一帶剃髮偽總兵葛鳴鸞等偽道府高喬映夏長庚等繳印繳劄田進學張國柱等納款貴州水西土司安勝祖阿烏等兩次差

奏疏存藁

卷之五

完

人請兵不獨四川底定而且雲貴事機可乘八九乃爲悍臣要挾惑亂接事者又復私心弄巧再加庸鎮退兵奔遁將千里之險盡棄與賊以致雲南已降者又復中變四川已定者幾不可問而臣一身一心安內防外期以身殉東奔西馳兼顧兩路數月以來心血已枯人力用盡今幸兩敗逆賊於鴟張之際復土恢疆於萬險之中總皆我

皇上洪福齊天滿漢官兵倍加努力今各官報稱逆

賊大潰奔逃料難復行糾合狂逞是四川兩路重賊不復慮矣惟是兵貴神速理當急進但兵糧爲要馬力當先又不可不備容臣到建之日會同將軍臣紀哈禮查其地方酌其馬力并候繼運之糧另疏題

請所有各官報到恢復建昌等城并賊潰奔逃情形合當先爲報明今臣會同將軍臣紀哈禮叅贊臣西布具

題緣係報明進勦恢城事理貼黃難盡伏乞

奏疏存藁

卷之五

完

皇上睿鑒全覽施行康熙二十年七月十四日奉旨據奏官兵進勦逆賊胡國柱等潰奔恢復建昌城池知道了該部知道

懇請另簡督臣疏

題為敬陳愚忠仰祈

睿鑒以重巖疆久安長治事臣查雲南極邊重地萬里遐荒猥伸苗蠻輕生好殺古稱難治且界連交緬若非重臣假以權便不能警服歷代創制可考也如總督統轄兩省節制文武權重任重尤須才望勳舊方克勝任臣本西鄙漢人不學武夫不獨望輕才淺抑且年衰有病臣謹據實敬陳伏候

奏疏存藁

卷之五

圭

聖明睿裁或將邊遠重地專

命勳臣世守或仍用總督叩懇別

簡才望有素之人令其赴任會同大將軍撫安地方

蚤定人心至臣不敢辭領兵之責仍以將軍帶

領原統一路漢兵進定雲南事平撤回准照年

老例休致庶巖疆可期久安長治而臣一腔報

國之惻忱得以彰明身安而心亦安矣伏乞

皇上鑒臣愚忠出自至誠俯

允採納施行

題報身到建昌遣發官兵疏

題為恭報微臣到建日期遣發官兵前進并陳糧

餉馬匹地方情形仰祈

睿鑒事竊照臣等渡江統兵先行暨接據總兵李芳

述等塘報兵抵建昌恢復城池經臣兩疏

題明在案今臣於六月二十二日到建昌二十四

日會同振武將軍臣紀哈禮進城安民訖如逆

賊奔潰及燒燬金川橋備述前疏不敢再為冗

陳而臣於途次飛檄各官分遣官兵偵探并修

奏疏存藁

卷之五

圭

搭橋梁再行總兵備圖接續前進據報已遣隨

征領兵遊擊李勝鳳仲玉位帶兵偵探并修搭

浮橋尚未報到而官兵無糧乏食十分緊急等

情臣查建昌處萬山蠻彝之中兩省邊遠不接

之地承平無事之時尚須強兵良將方可控制

况孤城為逆賊蹂躪臨行又復搶掠苗蠻附

合作亂不獨拉扯子女燒拷有家即糧米牲畜

搜刮殆盡而田地荒蕪十無一二成熟即一二

成熟中又值天災生蟲秋成無望臣見老幼扶

奏疏存藁

卷之五

七

病鶉衣菜色實不堪命是建昌無糧不能應急可知矣而繼運之糧不接再查各官兵前自雅州裹帶二十日之糧今已逾四十餘日是三軍乏食又大可慮矣又兵餉歷欠六箇月馬匹自攻取關山直進建昌損傷滿兵過於漢兵除官兵糧餉馬匹形狀苗蠻觀望俟容臣等另疏備述指陳今以進定雲南爲急要先於前到官兵中挑選漢兵三千名滿兵三百名各帶那奏糧十日責令總兵偏圖統領會同先鋒章京前進

臣等立候繼運之糧并行建昌道於寧番德昌打冲鹽井各處勸民那奏召買再查建昌去雲南尚有十八站行兵須一月原

題定裹帶米二十日今不敢望二十日若得十餘日之糧隨得隨行陸續起發所有臣等到建日期及地方情形并遣發官兵無糧緣由臣會同將軍臣紀哈禮副都統叅贊臣西布先爲

題報再將軍臣海潮龍請願前導已令會同總兵偏圖進發統爲敘明貼黃難盡仰祈

睿鑒全覽施行康熙二十年七月二十三日奉
旨該部議奏

奏疏存藁

卷之五

七

親身督兵先進大衆候糧疏

題爲官兵無糧難以前進事關緊急臣量帶官兵
先行謹報明情形仰祈

睿鑒事竊照官兵抵建無糧先遣三千員名那奏裏
帶糧十日前進臣等立候繼運及召買陸續發
兵前進緣由具題

報明在案臣原期繼運之糧接續前來并建昌道勸
諭召買之糧幫協每日期收四五百石半放日
糧半積裏帶孰料繼運遲滯召買艱難今據該

奏疏存藁

卷之五

壹

道開報繼運之米日收或二三十石或四五十
石不等召買亦不過五六十石查滿漢官兵日
支須糧五百石除去前遣以及在後未到官兵
卽在建滿漢官兵亦日須口糧三百餘石而每
日所收糧米通計不過百石日給不敷安能望
有裹帶臣若候糧等兵期於萬全而進又似雅
州之榜樣終不能進兵矣臣輾轉思維雲南未
下今胡國柱王公良又復前去雖胡國柱屢經
敗遁狼狽竄逃王公良全軍覆沒於大渡河亦

喪膽奔遁火砲什物盡棄決難再整料其自不
敢向雲南省城矣然餘孽尚多在我川省兩路
進勦官兵理勢難緩臣日夕焦心如焚如灼刻
圖前進實難候糧以致稽延只得量帶官兵親
身先行今於七月初六日自建昌起行進發其
各鎮營官兵留後等候裹帶之糧陸續前來所
有微臣自建起行日期并官兵乏糧緣由理合
報明伏乞

睿鑒施行康熙二十年八月初一日奉

奏疏存藁

卷之五

貳

旨該部知道

報明入滇日期疏

題為恭報微臣抵江入滇日期并陳河水暴發逆渠敗遁情形仰祈

睿鑒事竊照臣前遣發官兵及臣繼進并胡國柱王

公良等逆敗遁緣由兩經

題明在案不期七月一月大雨如注山河水發過

渡甚難今臣於七月二十一日抵江邑已入滇

境二十二日至金沙江見河水洶湧前遣官兵

尚在江岸扎營河下止有舊損松木板船二隻

奏疏存彙

卷之五

七

一隻已被暴水打壞一隻止可渡馬七八匹又

官兵自建昌裹帶糧米十日今已二十餘日兵

食尤出緊急今雖急在催糧催船恐緩不及事

即欲設法過渡而江水暴發筏子皮袋俱不能

用臣焦心如焚只得稍候天晴另為躡渡過江

先行赴省所有應行事宜俟臣抵省之日另疏

題

請軍機聽大將軍指示至胡國柱王公良等逆奔散

已經瓦解雲南孤城焉能久持逆孽吳世璠郭

壯圖釜底之魚滅在旦夕指日可奏蕩平矣今

將微臣入滇日期先為

題報伏乞

睿鑒施行

奏疏存彙

卷之五

七

奏疏存彙卷之五終



奏疏存藁卷之六

目次

備陳官兵偏苦情形疏

報明量帶官兵赴省疏

報明已抵雲南省會疏

備陳三事蚤期蕩平疏

恭謝 欽賜書經解義疏

恭報得獲滇省外護情形疏

恭報克復雲南省城疏

奏疏存藁

卷之六 目次

南服已靖再請休致疏

題報發回秦省官兵疏

報明前赴曲靖疏

題報起程進京日期疏

請明先後進京日期疏

指叅不救永寧疏

請敘入川官兵功績疏

請敘平滇官兵功績疏

竭効愚忠疏

恭謝世 恩疏

欽召赴京恭陳下悃疏

奏疏存藁

卷之六 目次

二

奏疏存藁卷之六

備陳官兵偏苦情形疏

密題為官兵萬分苦難臣心痛如焚割謹報明情

形仰祈

睿鑒事康熙二十年七月二十八日奉定遠平寇大

將軍固山貝子等諭帖內開欽命定遠平寇大

將軍固山貝子欽命征南大將軍都統賴諭勇

畧將軍總督趙良棟知悉為遵

旨事准兵部清字咨稱議政王等會覆疏稱康熙二

奏疏存藁

卷之六

十年三月十六日奉

上諭據建威將軍佛尼勒報稱瀘州江對岸所扎之

賊已經敗遁總兵王用予將官兵分為兩路已經

追勦等語今大將軍貝子章泰大將軍賴塔等大

兵已抵雲南省城大敗逆賊不久即恢取會城所

有敘府汛地逆賊胡國柱王緒黑邦俊等必致逃

遁如胡國柱等逃遁將軍佛尼勒趙良棟等即行

統領大兵追殺逆賊毋失機會其將軍噶爾漢總

兵官王用予等亦統領官兵速赴敘府乘勢勦滅

逆賊至於敗遁之賊若不速行追殺致失機會應

以違誤軍機治罪着議政王貝勒大臣會議具奏

等因欽此欽遵該臣等會議得今敘府等處逆

賊勢已甚迫驚潰顯然

上諭最為允當應宜遵行限文到將軍佛尼勒趙良

棟等將潰敗逆賊定行窮追務宜勦滅若示以

怯懦退縮不行窮追勦襲照以坐失軍機例從

重治罪其將軍噶爾漢總兵官王用予等亦以

文到之日作速前赴敘府毋失機會窮追勦滅

奏疏存藁

卷之六

可也倘若遲滯觀望有誤機會亦照違誤軍機

例從重治罪其將軍紀哈禮作速趕赴將軍趙

良棟協同前進等因於康熙二十年三月十六

日題本日奉

旨依議速行等因到本大將軍等但本大將軍等兩

路大兵已會一處圍困雲南省城可無虞矣今

據投誠鶴麗將軍李發美報稱逆賊胡國柱等

統領殘逆離麗江三十里扎營等因照得麗江

鶴慶俱已歸誠爾等大兵奉有窮追逆賊胡國

柱之

俞旨應宜尾隨追勦可也特諭八月十一日又奉諭帖內開欽命定遠平寇大將軍固山貝子欽命征南大將軍都統賴諭勇畧將軍雲貴總督趙良棟知悉爲陳明情形仰乞

睿裁事查得先據各處陸續啟報內開原在貴州僞將軍高啟龍回雲南開化府僞將軍夏國相儂鵬僞李將軍王將軍二楊將軍已往雲南廣南府僞將軍張足法扎在山內有四川瀘州僞將

奏疏存彙

卷之六

三

軍李思敬僞趙將軍亦回李思敬赴雲南阿迷州僞將軍馬寶已至黃龍洞僞將軍胡國柱王三將軍黑將軍王將軍尤將軍等俱領兵回烏蒙路上僞將軍劉魁李芳春已出雲南蒙自縣現扎馬遼河等情除將臣等現在之兵圍困城池及四面征勦逆賊誠恐分兵兩處勢力單薄故題請貴州大兵今貴州大兵已至後因馬寶率領各僞將軍等逆賊竊據楚雄而投誠之將軍陳廣祿

已迎降逆賊臣等會議卽令都統希福提督桑格等率領滿洲綠旗大兵前往擊敗逆賊殺者殺擒者擒僞將軍馬寶巴養元趙國佐鄭旺李繼業等俱已投降今夏國相等殘逆已不成隊遊散廣南府有胡國柱等雖統逆衆前奔鶴慶麗江一帶未及勦滅而都統希福提督桑格統領滿洲綠旗大兵躡踪追勦其四川調來之將軍紀哈禮總督趙良棟等大兵亦應遵

奏疏存彙

卷之六

四

旨尾隨窮追撲勦等因已經移文其餘僞將軍等已一二陸續投誠將完今僞逆情形不同前局而臣等軍前現在所有滿洲綠旗兵力似亦克足今據報稱將軍噶爾漢總督哈占等兵於七月二十五日已至貴州威寧等因復據總理大兵糧餉學士佛倫侍郎金鉉雲南巡撫王繼文等口稱此項大兵若俱至雲南需用糧餉甚多但雲南並無水路可通肩負米糧僅足供現在滿洲綠旗大兵如四川滿洲綠旗大兵俱到恐拒敵日久米糧不接前後大兵俱致懸釜關係最

大等情臣等會議得陝西總督哈占統來綠旗大兵俱令仍回四川陝西其將軍噶爾漢等滿洲大兵到滇之日臣等及將軍噶爾漢等大兵內將苦獨力頂補缺額甲兵酌量查汰其數另疏具

題如此則糧餉不致多費而困城之兵似亦充足矣故臣等一面行文陝西總督哈占止其前進之兵伏祈

睿裁卽

奏疏存藁

卷之六

五

勅下總督哈占遵行爲此密

題謹題請

旨合行諭知特諭於八月十四日又奉諭帖內開欽命定遠平寇大將軍固山貝子欽命征南大將軍都統賴諭勇畧將軍趙良棟知悉據振武將軍覺羅紀哈禮啓稱前在建昌因官兵乏糧甚急馬匹倒斃三分之二俱係步走疾病者甚多已經具

題又因進勦雲南關係緊要不論官兵有馬無馬

將建昌所有之米支領十日口糧隨帶起身前進至金沙江一百二十里離溪站地名扎營看得官兵自雅州深入進勦山路崎嶇每日淋雨官兵馬匹倒斃甚多現今步行疾病者亦復不少今欲過江止有船一隻令將軍總督趙良棟綠旗兵丁先渡官兵已經絕糧十有餘日不曾得米現在饑餓未奉貝子等令諭之先官兵離

金沙江一百二十里扎營其官兵絕糧十有餘日之處請貝子等查照或將金沙江附近府州

奏疏存藁

卷之六

六

縣給糧或有召買之米運過江岸接濟官兵前已具啓但本都統等官兵深入進勦未曾休息兵丁馬匹已完且兼病者甚多俱係步行勞苦已極萬不能躡踪胡國柱尾隨追勦前赴麗江鶴慶等情到本大將軍等據此查得前奉有該都統官兵尾隨逆賊胡國柱之

旨前已行諭躡踪追勦在案四月初八日准部咨內開具報逆賊胡國柱等已經敗遁窺此大兵圍困雲南省城逆賊胡國柱等回雲南救援是實

其在四川將軍等所行統領滿洲綠旗大兵窮追逆賊無使奔至雲南勦除可也等情又據都統希福等啓稱逆賊胡國柱等不得渡江在白汝葡萄酒灣下營勢急或復回鶴慶或復往劍川此必由之路等情據此照得逆賊胡國柱等勢不能往蒙古矣回來乘釁竊據府州縣城池亦未可知若此則逆賊復致緩延騷擾地方該都統等大兵馬匹如甚不堪挑選堪用者仍遵前旨躡踪窮追其馬匹不堪兵丁酌量留在一處稍爲

奏疏存彙

卷之六

七

休息亦令隨該都統兵後進勦乃合軍機本大將軍已行令都統希福提督桑格等必尾隨窮追逆賊矣該都統等彼此相通聲息兩下夾勦務宜盡除根株事關軍機慎毋違

旨至於啓稱將金沙江附近州縣給糧運過江岸接濟官兵但雲南並無水路現今圍困大兵缺乏米糧如此項官兵若至雲南恐前後大兵盡皆懸釜等因已行諭總督哈占帶領綠旗官兵酌量駐劄候

旨外合行諭知特諭等因到臣查臣原統一路官兵於康熙十八年十月初二日自清水縣起行進勦十日而取徽州十日而取成都可謂迅速四川爲雲貴門戶四川一得則雲貴不能守而湖南之賊自不敢立兩粵反覆不定皆定矣理勢所在難掩

奏疏存彙

卷之六

八

聖明雖首倡在臣分當竭力然浮江破賊勇往先登直取省會者實出官兵之力也及瀘州失守永寧再陷賊自何來誤從何起爾時逆渠鷓張全川震動叛賊蜂起人心洶洶勢在不保臣期以身殉誓以死守矢保四川否則幸災樂禍以應其口者誰不願四川之不保以快其心又誰思及不顧敎府者自有其人棄川不守者自有其人痛臣孤忠子立爲衆所忌泣血仰告者惟天日恃以保全者惟

君父同心合力奮不顧身助臣滅賊者官兵也至臣若不去夾江峩眉嘉定犍爲沐川司一帶追賊大敗渠魁於觀音崖三倒拐新鎮等處殺入蠻

地則敘府不能保而胡國柱等逆自在四川若不急攻關山象嶺克取黎州直抵大渡河覆賊全軍而蔡國明于登明戴聖恩等六千賊衆尚在黎州胡國柱尤廷玉王公良等據守建昌賊兵如何得散且王緒李匡過江扎姚安取武定馬寶拒楚雄連洱海逆賊犄角爲勢自是堅心拒敵土司觀望迤西反覆雲南安能無慮耶臣抵建昌接准部文係大將軍貝子等言楚雄復叛雲南圍城兵單四川大兵並無到來之信賊

奏疏存藁

卷之六

九

寇俱專力雲南奉

旨行催速進臣遂不敢等候繼運之糧督兵起行不但官兵斷糧乏食忍饑跋涉更際霖雨連綿江河暴雨不能急渡又上山則惡石陡險下山則泥深數尺人病馬倒死亾枕藉慘不忍言及抵金沙江又無船隻又無糧米官兵惶懼人情緊急臣正在沿江尋船過渡間而大將軍等文到令去迤西跟尋胡國柱在各兵將忍饑勉力徒跣跋涉所盼者過江所望者雲南一聞此信紛

紛不安竊思官兵者皆係

朝廷之官兵地方者皆係

朝廷之疆土逆賊者總爲叛

國之逆賊到何地方自應何地方官兵追勦安有等待之理原無疆界之分况胡國柱來自湖廣非起於四川既到雲南大將軍貝子等已遣將軍臣希福提督臣桑格躡踪追勦官兵不少勢窮之賊可以成擒不必又令遠來極疲久饑之兵驅之跋涉且隔越日久自是遠不及問如賊

奏疏存藁

卷之六

十

勢尚在或據有城池二臣請兵亦當分遣先到之兵已喂之馬將遠涉甫到之疲兵弱馬分派圍城少示休養總是爲

國出力其病兵癘馬亦得少就醫藥若舍已經休息之兵已經喂養之馬不遣而遣疲兵弱馬不獨情理不順抑且徒延時日究無實濟再如奉旨追賊乃係在川槩行嚴飭在三月內之事也非言一人非指一路奉

旨進定雲南係大將軍等以雲南兵單請兵速進新

奉

旨 在六月內之事也

旨有前後事有輕重吳世璠僭號稱帝省城未下自是重大而胡國柱不過一奔逃窮寇耳不足輕重三路官兵急宜合力共取雲南吳世璠就擒人心自定則胡國柱又將焉往至臣等一路滿漢官兵山川入滇蜀道之難不毛之地而關山象嶺大渡河金沙江瘴癘正發淫雨不止更苦無糧戰爭勤苦顛危備嘗卽今過江而衣甲馬

奏疏存藁

卷之六

二

匹什物帳房鞋脚不全者多半漢兵如此滿洲之苦更甚人人可見處處可問已到者如此未到者尚不知是何景狀委果疲苦實難再去遠征且胡國柱可擒則希福桑格二臣在前已擒報功矣如其去遠則前躡踪尾隨官兵尚不能追賊而疲兵弱馬相隔一月之期又安能及時追賊耶官兵先到後到總是奉旨道路不同時事有異且賊來自何方去由何地勝敗有因豈可不論三路滿漢總爲

皇上奉養之人進定雲南總爲

皇上特命之

旨豈可兩視但大將軍等接踵三文又稱前後大兵俱到必致懸釜關係最大等語是立意不容前去矣臣係何人豈不自揣敢於與大將軍貝子等爭論只得將官兵疲苦已極之情形馬匹狼狽之形狀雲南果否的係不用官兵之處一備敘再請大將軍等確示如必欲令去迤西切慮疲極之兵再難勉勵勞弱之馬再難馳逐抑

奏疏存藁

卷之六

三

恐偏苦之衆怨尤易生而什物帳房衣裝鞋脚尤須急急置備方可禦敵馬匹必須喂養方可遠征請將官兵歷過之月壓欠之餉補給令各兵自行置備抑在何府州縣收拾至總督無才自揣不能勝任業已具疏懇辭然尚未奉有俞旨今旣入滇應否赴省有無責任并請裁酌尚不知大將軍等是何主見作何示下今將軍臣紀哈禮統領滿兵赴省郎中臣額爾克圖亦已隨兵前去查武定係赴省去迤西適中之地臣暫

扎候示所有前後緣由臣不得不統敘備陳仰懇

聖明乾斷臣固知雲南功罪爲大胡國柱得失事小在臣勉勵官兵進定雲南至武定者遵

旨報効而相距百里不敢遽然抵省者又因不敢有違大將軍貝子命令總是尊

君敬

主切重封疆也伏乞

皇上電鑒孤忠慈憐下情而臣老病日劇勞怨日深

奏疏存藁

卷之六

三

實難支持准臣前疏之請放臣生還官兵偏若

與在陝入川未來雲南者稍加分別

恩准休養微臣幸甚官兵幸甚緣係備陳官兵疲極

情形貼黃難盡伏乞

皇上睿鑒全覽

勅議施行康熙二十年九月十八日奉

旨議政王貝勒大臣會議具奏

報明量帶官兵赴省疏

密題爲微臣遵行量帶官兵赴省謹報明緣由并

起行日期仰祈

睿鑒事竊照臣等於本年七月二十二日師抵金沙

江三奉大將軍貝子等諭帖令臣等一路滿漢

官兵前去迤西跟尋胡國柱除滿洲官兵先行

赴省而臣暫扎武定將漢兵情形備敘具文差

官赴大將軍等軍前報明請示業經

題明在案今於九月初十日據原差總兵馬山筆

奏疏存藁

卷之六

四

帖式福保等同營并帶大將軍等回文着將官

兵安插於武定就糧令臣量帶官兵赴省將糧

餉機宜公同會商酌奪等語臣謹將大衆官兵

安插於武定祿勸羅次三處責令總兵李芳述

趙弘燦副將雷繼宗等統領就糧臣量帶官兵

同總兵馬山偏圖等於九月十一日自武定起

身赴省外所有官兵安插情形并臣起行日期

相應先爲

題明伏乞

皇上睿鑒施行康熙二十年十月初六日奉
旨該部知道

奏疏存藁

卷之六

五

報明已抵雲南省會疏

密題爲恭報微臣量帶官兵到省日期事查臣前
遵照大將軍貝子等文行量帶官兵赴省緣由
及起行日期并留兵武定安插情形俱經
題報在案今臣於本月十六日抵省其一應軍機
并武定等處暫留就糧大衆官兵應作何遣發
均候大將軍貝子等酌定另疏具
題外所有微臣到省日期理合

報明伏乞

奏疏存藁

卷之六

六

睿鑒施行康熙二十年十月十三日奉
旨兵部知道

備陳三事蚤期蕩平疏

密題爲報明官兵并請大沛

寬仁蚤奏蕩平事案照將臣原帶進滇一路漢兵止留五千其餘盡數發回陝西出大將軍貝子等暨諸叅贊公議又令臣一面具

題一面徑自發回不必候

旨而臣遵照衆議業已繕疏

報明矣至所留官兵五千名於九月二十二日已認

壕牆汛守訖查臣於九月十六日抵省十九日

奏疏存藁

卷之六

七

會議臣曾備言三事於大將軍貝子等暨諸叅贊之前而督糧學士侍郎內院諸臣俱在坐聽一自新之路宜開也臣謂投出之人當善爲安插不當分散爲奴如其分散爲奴稍有廉耻血氣者必不肯自辱其身是我塞其向化之門絕其擒渠獻城之路反爲逆賊助力矣一急請近城扼要爲切務也臣謂圍圍太遠不獨容賊於寬地採海菜捕魚蝦收草籽可以延生卽有思歸反正內變者以我兵旣遠自不敢舉動矣一

壕牆當嚴當慎也臣謂每日四面出入壕牆尋

柴割草者何止萬人查米價隔一壕牆一倍十

倍小人止知獲利旣無稽查焉保其無弊若今

歲不速取城明春勢必無糧并譬論遲速利鈍

等語爾時大將軍等深然其說諸叅贊亦皆首

肯及其實行議論人多疑信不一我

皇上神明高遠自有

天聽臣亦不敢繁

瀆逮至十月初六日大將軍等復集會議宣讀清字

奏疏存藁

卷之六

六

部文又令院臣漢語譯說欽奉

上諭急取城池仰見我

皇上聖明洞照萬里而臣請再留陝西兵五千合爲

一萬情願前進効力大將軍等依允遂議定俟

調到武定之兵留四千守壕牆六千臣親身帶

領進取重關不期不待調兵次日又復更議今

於十九日又議定臣之官兵去南壩取土橋進

攻東寺三市街雖大將軍言定而臣與官兵實

出情願不當瑣陳惟是臣之一路漢兵前

題明發回今復留用均未請

旨大將軍貝子等既未具

題臣不得不再為聲明也至分人一節或係奉

旨應分或有定例應分臣均不得而知今圍城既久

可謂師老糧匱且地方殘壞已極今歲藉秋成

之半尚可支持若至明春兵糧勢必艱難民食

勢必無出以雲南有限之地有限之民為逆賊

蹂躪七八年其間橫徵暴斂民不堪命者久矣

今四路滿漢大兵苦獨力以及在營婦女幼小

奏疏存藁

卷之六

九

并各省生理貿易之人何止四五十萬日費何

止四五千石糧米出自滇南一隅之地恐搜刮

殆盡來春不免饑荒再查順治十五年三路大

兵進滇李定國未敢拒守城池大兵旋撤一半

回

京次年米價三兩七八錢一斗三十七八兩一石

楊林易隆馬龍曲靖一帶人自相食彼時臣在

進兵身親目觀者可謂前鑒不遠臣固知圍困

已經八箇月城內無糧逆賊勢餒自不能久或

不出冬月前後在大將軍等深籌預料自能周

祕且官兵征戰七八年挑壕之後人自應分而

臣淺見謂若不開向化之路逆黨勢必拚命并

力死守倘攻城急切不下不但米糧未絕馬匹

尚有數千卽人自相食猶然拒守順治六年大

同有之矣萬一涉此賊可食馬食人而我之官

兵來春無糧又當何如况迤西地方已不堪問

此臣憶前慮後疾首痛心不能自己者又不得

不備陳於我

奏疏存藁

卷之六

十

皇上之前仰懇

聖明乾斷立賜拯救也臣愚以吳世璠郭壯圖罪在

不

赦其餘黨類及被脅頭領槩准免罪有能擒渠獻城

者遵照前

旨尚可論功而一應交出之人無論兵民不許分散

為奴

聖恩既寬人人得其所自新之路使城蚤開一日活無

限之生靈省無限之民力且吳世璠郭壯圖完

全就擒我

皇上詔告天下通傳外國何等寬仁何等正大倘必待事極生變水盡鵝飛或於灰燼處尋尸無對證處問信究有何益且毀面垢形偷生替死隱姓埋名者稽古不少深切慮之至逆賊既敢叛國則羽翼何難脅從而赤身百姓尤出不敢抗橫者又理所必至要當原諒况

朝廷命師討逆原為救民水火今若不分百姓妻女一槩入營即使城開無民

奏疏存藁

卷之六

主

國家要此空地何用此又微臣以封疆切重責任攸關又不得不再為請

旨者臣愚以為如係攻開之城所得之人或不論兵民男婦一槩分散為奴可也如係投出之人係民或當發有司安插係兵或當候

旨發落至已前入營婦女幼小大將軍等雖在嚴禁然四路大兵雲集迤西追兵遠寫臣請再加

天語再下

嚴勅如的係賊兵之妻女幼小准其在營如係民人

之妻女幼小查明來歷當發還民間使其完聚不獨起目前之瘡痍固將來之邦本而萬里遐荒百蠻重地首要得民之心庶邊徼巖疆從此奠安於無事矣臣鯁鯁過慮無非欲安全黎庶蚤奏蕩平然愚昧淺見是否可行伏候

皇上仁明乾斷

勅下大將軍等暨諸叅贊從長再議非臣所敢擅必也緣係

報明官兵留用地方糧餉重民生以固邦本貼黃難

奏疏存藁

卷之六

主

盡伏乞

睿鑒全覽

勅議施行

恭謝 欽賜書經解義疏

奏為恭謝

天恩事據提塘官張承禧領出

欽頒書經解義一部交臣子趙弘燮附順差齋到成

都因臣進兵於新鎮復取關山象嶺再抵建昌

差官往返於九月初三日始到武定臣當即望

闕叩頭謝

恩祇領訖念臣邊鄙武人碌碌戎馬雖學古有懷不

過粗識章句而於二帝三王之要旨平章協和

奏疏存藁

卷之六

三

之盛化未能窺測今莊誦

聖製大義燦著修齊治平之規模聖神文武之全體

言雖博而理則一道相承而統在中臣自顧何

人幸逢

曠典敢不永佩

典訓靖共臣職用以教子傳家竭忠

帝室宣力

皇朝以少答

隆恩於萬一耳謹具奏

謝以

聞

奏疏存藁

卷之六

四

恭報得獲滇省外護情形疏

題為恭報微臣親統官兵克取滇城外護情形事
案照臣前遵大將軍貝子等衆議令臣統兵進
取南壩新橋一帶地方并臣與官兵情願効力
緣由已經

題明外今臣於本月二十二日夜親身督兵敗賊
進占玉皇閣將軍叅贊臣穆占統兵兼督而新
橋止隔一箭之地逆賊於沿堤一帶修砌牆垣
高築砲臺自得勝橋拖船舖新橋土橋小寨口

奏疏存彙

卷之六

三

起至西海子止沿長十餘里重佈鎗砲嚴加設
備又河堤係條石砌成齊崖水深丈餘橋口實
砌堵塞官兵直攻兩日無可入手臣見火砲果
多遂傳令官兵預備釘板長梯以及草網暗行
躡水度崖寬窄而用於二十五日夜二鼓時總
兵鄒九疇瞿洪陞等得渡而過兵分兩路一出
其左一攻其右大破逆賊奪取新橋土橋兩要
關口催兵前進并取雙塔東寺西寺直追至三
市街連敗逆賊追殺入城兵抵城下臣再思得

勝橋在我兵之後難容逆賊據守復遣總兵藍
兆周張友成等東擊亦已敗賊克取而南關一
帶地方俱為我有外護既得內城自危滅賊不
遠臣已督兵於東寺西寺挑修壕牆梅花椿安
營二座於三市街安堆緊逼南門惟候四面官
兵齊集近城應作何克取攻戰自候大將軍調
度所有傷亾官兵以及擒斬逆賊并得獲大砲
交鎗軍器等件查明另為彙報謹將官兵克取
外護情形理合

奏疏存彙

卷之六

三

題報伏乞
睿鑒施行

恭報克復雲南省城疏

題爲題明事竊臣於十月二十五日夜連破逆賊奪取新橋土橋追殺過雙塔東寺西寺直至三市街復取得勝橋逼城安營緣由已經具題

報明矣查二十六二十七二十八等日逆賊城頭砲火與官兵尚在互相擊打二十八日夜二鼓城內火起而守城賊兵猶然照常不亂四鼓南門城頭弔下一人名喚陳起龍報稱內府左將軍糾衆擒拏郭壯圖而郭壯圖見事急自刎而死

奏疏存藁

卷之六

三

各官請討免死牌獻城投降等語又云不及寫文用印書名綾子爲信查印文一係內府左將軍書名吳國柱一係金吾龍威右將軍書名吳世基不多時又從南門城樓傳出云洪化差卞侍衛前來請西寧李總兵說話卽傳總兵李芳述同隨征遊擊姚思文前去而李芳述姚思文到彼又似有人着去東門講話之說及李芳述回稟見過林天擎吳國柱何進忠線絨等請將軍同蔡將軍講話又問洪化亦死郭壯圖父子

自刎各官請降與差官陳起龍前話相同又得勝橋爲東門正路且出臨近而東門人多爭講不一等語臣思郭壯圖洪化旣死諸人不過獻城投降旣彼如此若與爭講萬一債事關係不小臣遂止李芳述不必再去止將陳起龍所報并印文送大將軍貝子驗看說明訖午後將軍總督蔡毓榮引林天擎吳國柱何進忠線絨黃明等赴大將軍貝子營盤來見當衆剃髮頒賞袍帽謝

奏疏存藁

卷之六

三

恩訖大將軍貝子六門安兵凡城內一應清查事宜着線絨等造冊令蔡毓榮料理臣等各散今開東門北門出入單將南門緊閉漢兵俱令撤回而臣亦將東寺西寺之營撤回原守壕牆汛地訖再查二十六日晚大將軍貝子差叅贊臣穆占巡撫臣王繼文赴臣營言說貝子說得勝橋原派與蔡將軍官兵取他的官兵多日不能取將軍取了是將軍的功但他的兵多將軍的兵少將得勝橋與他守罷等語臣以大將軍貝

子吩咐敢不遵奉遂將臣下總兵藍兆周張友成官兵當卽撤回將地方交與將軍蔡毓榮官兵訖在臣前讓得勝橋今不與東門爭說總是公心公念以

國事爲重也而郭壯圖見兵臨城下事在緊急遂發火燒家父子自刎而洪化隨之至林天擎吳國柱何進忠線緘等量力不能支自出投降八年巨寇今日滅亡總皆我

皇上洪福齊天

奏疏存藁

卷之六

无

國家威靈所致四海臣民咸頌蕩平之功百蠻重地永享枚寧之福臣惟有稱慶歡忻而已夫復何言獨是吳三桂有敵

國之富有款

天之罪其財產一應以及人口官兵理應入官須當切實查明請

旨定奪而蔡毓榮旣力圖其事自難委卸於人伏乞皇上嚴勅蔡毓榮着落林天擎吳國柱何進忠線緘等徹底清查一一報出不許欺隱不許朦混在

大將軍貝子等自有酌定無待臣言多贅但臣旣係雲貴總督若不預爲

題明分割其事恐滋將來之咎是以不避嫌怨急爲陳請緣係題明克復省城併一應事宜貼黃難盡伏乞

皇上睿鑒全覽

勅議施行

奏疏存藁

卷之六

手

南服已靖再請休致疏

奏為南服已經蕩平臣年已經衰老勞怨日深疾病日重實難勝任謹援例乞休仰祈

睿鑒俯允以重巖疆以安餘生事案照臣前以滇黔極邊重地素稱難治臣之才淺望輕年老有病緣由繕疏備陳控辭尚未奉有

俞旨迄今悚惶待

命念臣一介武夫碌碌庸才荷

國厚恩捐軀難報是前首倡具疏期在滅賊朝食

奏疏存藁

卷之六

三

上慰我

皇上宵旰之憂下盡微臣犬馬之報卽今甫到雲省急言三事蚤期取城而親身深入逼賊城下奪其外護扼其喉吭賊知勢不能支而元兇伏誅餘孽請降一腔報

國之愚忠仰仗

天威全始全終耳今天下自此太平矣人心自此大定矣而臣首倡之一念亦已盡矣獨是總督責任重大巖疆地方緊要臣實年老臣實才疎况

疾病時發勞怨日增精神恍惚脾胃不寧兼以

腰腿疼痛步履維艱眼目昏花耳復重聽伏乞

皇上念臣因公招忌鑒臣情出至切准照年老例休

致放歸田里以終餘年俾臣得與田野齊民含

哺鼓腹謳誦

聖恩共享太平而衰病之身或不致卽填溝壑皆出皇恩之所賜至於

君恩深重罔極未酬臣當勉教三子竭力効忠繼臣

圖報未竟之心耳臣謹迫切再爲

奏疏存藁

卷之六

三

上陳仰祈

睿鑒俯允施行謹具奏

聞

題報發回秦省官兵疏

密題爲報明公同會議等事康熙二十年十一月十一日准兵部密咨前事內開該議政王等會覆勇略將軍雲貴總督趙良棟題前事等因康熙二十年九月二十四日題十月十三日奉

旨議政王貝勒大臣會議具奏欽此該臣等會議得勇略將軍雲貴總督趙良棟疏稱今大將軍貝子章泰等公同會議得雲南圍城官兵已足糧米不敷如前後官兵俱集省會恐致枵腹將臣

奏疏存彙

卷之六

三

所統進定雲南一路漢兵量留五千分派圍城其餘盡數發回陝西臣行調領兵鎮將等官查明已到雲南兵數填給糧單補給月餉并議遣發回陝應由其路而原留四川守隘以及沿途患病未到官兵又應如何撤回均俟各官議明另爲題報等因查現在雲南滿洲綠旗大兵需餉甚是浩繁今各處逆賊盡行勦滅地方俱已平定相應將將軍總督趙良棟統領進勦陝西兵丁暫留將軍總督趙良棟處五千員名俟雲

南省會一得卽行發回陝西防守汛地其餘官兵應如所題速行發回陝西固守各汛地方將軍趙良棟既稱伊帶留川守隘以及沿途患病未到官兵作何撤回之處酌妥另疏題報等語應毋庸議等因康熙二十年十月十六日題本月十九日奉

旨趙良棟自有該督標經制官兵其原帶陝西征勦雲南官兵勞苦已久應盡行發回陝西着再議具奏欽此該臣等再會議得先經臣等會議將軍總

奏疏存彙

卷之六

三

督趙良棟統領進勦陝西兵丁暫留將軍總督趙良棟處五千員名俟雲南省會一得卽行發回陝西其餘官兵速行發回陝西將軍趙良棟既稱伊帶留川守隘官兵作何撤回之處另題等語應毋庸議等因具題奉旨趙良棟自有該督標經制官兵其原帶陝西征勦雲南官兵勞苦已久應盡行發回陝西着再議具奏欽此查將軍總督趙良棟標下自有經制官兵其原帶陝西征勦雲南官兵勞苦已久應盡行

發回陝西

上諭甚爲允當應欽遵而行其將軍總督趙良棟原帶陝西進勦雲南綠旗官兵作速盡行發回陝西固守各汛地方將軍總督趙良棟標下官兵照原額補設此補設兵丁將前任雲貴總督標下隨征進勦兵丁補入如有不敷將雲南投誠食餉兵丁補入兵丁既經補入其官員應令將軍總督趙良棟遴選能員具題補授至陝西省切近邊疆關係最爲緊要趙良棟所帶進勦留

奏疏存彙

卷之六

奏

川鎮守要隘官兵總督哈占派撥四川官兵防守將此陝西官兵亦速行發回陝西固守地方可也等因康熙二十年十月二十一日題本月二十五日奉

旨依議欽此爲此合咨貴將軍煩爲欽遵施行等因到臣該臣查看得前大將軍暨諸叅贊公同會議將臣原統自川進滇一路陝西漢兵發回止留五千名分定壕牆汛守圍城聽臣具題而臣正在查議遣調間適接部文欽奉

上諭嚴切攻城而臣與官兵情願効力大將軍等公

議再挑兵五千名合前兵五千名共一萬之數令臣先進重關下營攻取得勝橋不期未待調兵到省次日遂改前議令將軍總督蔡毓榮官兵前去及臣兵到先取南壩敗賊復取玉皇閣再破壕牆取新橋土橋并雙塔直至三市街又取得勝橋連破逆賊緊逼城下安營而吳世璠郭壯圖自盡全城悉降已經

題報在案今准部文欽奉

奏疏存彙

卷之六

奏

上諭陝西官兵勞苦已久盡數發回臣查明實到雲南武定一帶官兵數目填給糧單於本年十一月二十等日仍由原路挨營起發前行回秦外其成都黎州越嶲冕山建昌各處留防官兵以及沿途染病并死各數目嚴行各官清查撤調實在開除故徑報四川司餉衙門及川陝督臣清楚糧餉外至臣前疏

題明在川歷過之日於川省支領入滇之日在滇支領今准學士臣佛倫等言稱大兵雲集兵餉

不接又將在滇之十月十一月兵餉鹽菜等銀不能全給臣只得將支過欸項與未支欸項一開明咨送戶兵二部暨四川巡撫訖再查原調靖寇標食半俸副叅遊都楊正剛劉昌時卜大雄易尚德等二十七員原係隨兵數前來征川入滇者今各官情願報効於雲貴督標軍前臣謹

報明留用合并敘明爲此今將起發回秦官兵緣由并支領糧餉情形相應

奏疏存藁

卷之六

三

題明伏乞

睿鑒施行康熙二十年十二月二十七日奉
旨該部知道

報明前赴曲靖疏

題爲題明事竊照雲南克復大將軍令投誠線緘造冊總督蔡毓榮料理撥派滿兵把守六門專人清查叛產臣等官兵撤回壕牆原守之地靜聽已經具疏

題明在案迄今多日城內一應臣皆不知既不敢過問亦不敢妄

奏今奉部文陝西漢兵盡數發回是臣無所事矣竊思臣前堅請赴雲南省城者原爲忠

奏疏存藁

卷之六

三

君報

國滅賊朝食是以不避忌怨不惜身命督兵破賊親逼城下扼其喉吭不三日而郭壯圖父子自盡吳世璠自誅省城克復是臣之心已盡矣臣事已畢矣查曲靖原係總督駐劄之地現有衙門臣遵照舊例前赴曲靖一面料理候

旨一面據實

題明伏乞

皇上查臣前疏

鑒臣老病實真

允臣所請蚤

簡賢能任事以安地方臣民幸甚伏乞

睿鑒施行

奏疏存藁

卷之六

禿

題報起程進京日期疏

題為欽奉

上諭事康熙二十年十二月初九日准兵部密咨前

事內開康熙二十年十一月二十三日奉

上諭將軍總督趙良棟同大將軍等來京陛見欽此

為此合咨貴將軍煩為查照

上諭內事理欽遵而行等因到臣念臣自丙辰叩辭

闕廷不覲

天顏於今數載雖謁蹶愚忠滅賊以報

奏疏存藁

卷之六

罕

國而瞻

天仰

聖之思時切於懷今奉

恩召入京犬馬依戀之心得遂而臣一腔愚悻或亦

可以自陳於我

皇上聖明之前矣既奉

君命應卽星馳就道臣隨擇於本月十五日起行發

文後接准大將軍等文在康熙二十一年正月

初十日自雲南起行臣思又不便相去太遠遂

改期擬於本月二十七日臣自曲靖量帶人丁
起身赴

京理合先爲

題明伏乞

睿鑒施行

奏疏存藁

卷之六

聖

請明先後進京日期疏

題爲請

旨事竊臣欽奉

上諭同大將軍等來京

陛見大將軍等與臣文擬於康熙二十一年正月初

十日自雲南起行臣以

君命爲重不敢遲緩又且不帶官兵自難一處下營

遂擬於康熙二十年十二月二十七日自曲靖

府先行業經具疏

奏疏存藁

卷之六

聖

題明並文報知大將軍等在案今臣於本年二月

十二日抵鎮遠府已出雲貴之境而大將軍等

尚在雲南未曾起身又聞貴陽養馬二十日襄

陽養馬二十日如臣既不帶兵又不養馬自不

便於長途久住等候或念臣既已前行准臣先

爲進

京或臣應於途次地方等候一同進

京臣未敢擅便相應請

旨伏乞

皇上睿鑒施行康熙二十一年二月十七日奉
旨兵部議奏

奏疏存藁

卷之六

聖

指叅不救永寧疏

題爲永寧不救責有攸歸援兵不到情弊顯然奸
佞計謀意在脫卸罪臣不明反受其愚臣謹據
文指叅仰祈

聖明電鑒

嚴勅審究以昭信案以申

國法事案照康熙十九年十月十五日據總兵官
王用予呈稱爲報明撤兵緣由日期事內開竊
照本職於九月初四日留兵駐瀘並同建威將

奏疏存藁

卷之六

聖

軍赴永緣由業經報明在案嗣於初九日師次
南溪縣面請建威將軍分船渡江間於本日接
振武將軍俄咨爲軍務事內開本將軍兵自初
二日渡江起今已經渡完陸續急速前行或貴
鎮帶領所屬官兵急速前來協力勦殺逆賊救
援永寧或欲由別路勦殺逆賊救援永寧則貴
鎮帶領所屬官兵急速前來本將軍一身擔任
等因到職准此本職於十五日始將官兵陸續
渡完卽於本日由別路赴永隨咨呈建威將軍

奏疏存藁

卷之六

呈

吳內云竊照本職同本將軍分船渡江官兵陸續前進卽欲兼程赴永緣道路崎嶇泥濘異常加以滿漢官兵同行一路擁阻甚難跋涉必分路前進方克有濟是以師次岱觀寺卽候本將軍到彼面請分路機宜本將軍以必到長寧縣與振武將軍面商方可再作定議本職敢不恪遵隨於本將軍師過之後再四思維今將軍統滿洲大兵以及副將王化行所領綠旗官兵俱由長寧縣梅嶺一路前進今聞僞逆黑邦俊等率領逆賊在於他船埡瀘衛一帶拒守今本職所統官兵若復會聚一處萬一他船埡逆賊堅守則議攻議勦恐於永寧救援之事不無遲滯莫若本職官兵由羅家壩普賢堂同樹巢抵瀘衛大路可以夾勦逆賊便於救援僞逆黑邦俊等必聞風驚懼可不事撲勦而自退矣况擁集一路何如分路夾勦之爲便也今本將軍所云與振武將軍會師長寧面商定議但今振武將軍已過長寧而長寧以前再無赴永別路且查

奏疏存藁

卷之六

呈

昨准振武將軍咨文內云有本職或欲由別路勦殺逆賊救援永寧本將軍一身擔任之語是振武將軍蚤已計及於此可無俟覲面而決也今本職暫扎岱觀寺整齊陸續過江兵馬畢已由羅家壩一路前赴永寧仍抄路程一紙附呈以備本將軍區畫接應本擬候示遵行恐往返行文有誤機宜伏乞本將軍查照等因并咨呈振武將軍俄去後於十六日准建威將軍吳咨移爲緊急軍情事爲照佛將軍已與逆賊對壘振武將軍作速前去復催本將軍與貴鎮不分晝夜統兵前來兼且差人又至所有軍機事宜必當面商俟無容贅等因到職准此本職隨於本日咨呈回覆前事內云本職分路由羅家壩前赴永寧除另行咨明外今接大咨理應恪遵但本職已經分路不便遠道復赴本將軍軍前况適接四川提督王印信手書永寧望援不啻倒懸本職若赴本將軍軍前恐各持一見難以速決貽誤

朝廷封疆關係匪輕今本職孤軍分路前進正爲

國家大事非敢故違將軍之令而有所逡巡退縮也今仍由別路前進俟前途有可會師之地再咨請明示遵行等因去後於本日准振武將軍俄咨爲軍務事內開查得前本將軍之行原欲貴鎮速帶兵前來與本將軍或一處同行或分兩路面商議定要行之意今貴鎮已由羅家壩前行則兩路官兵阻隔遙遠不相接濟爲此移咨貴鎮文到卽便統領官兵仍由本將軍來路

奏疏存彙

卷之六

吳

前來等因到職准此於本日隨具咨呈回覆內云本職前接本將軍大咨原未有面商定議之言是以本職以救援爲急遂分路前進今本職師行已經就道難以迂迴遠赴本將軍軍前且適接四川提督王印信手書永寧望援不啻倒懸若再至將軍一處恐議論不一耽延時日貽誤

朝廷封疆關係匪輕再承本將軍以兩路官兵阻隔遙遠不相接濟爲慮固屬萬全之算但今本將

軍一路滿漢官兵前後聯絡不乏接濟至惟本職另行一路雖係孤軍深入但

國家大事萬分緊急勢有不得不然者非敢故違將軍之令而有所逡巡退縮也今仍由別路前進俟前途有可會師之處再咨請明示遵行等因去後於十七日有藍旗披甲二人口傳建威將軍吳令本職將營扎駐不必前行隨經咨請明以賜示去後於十八日准建威將軍咨移內開永寧業於本月初九日已失隨征總兵邵義

奏疏存彙

卷之六

吳

仁奔赴本將軍軍前今本將軍與振武將軍撤師亦回佛將軍與副將王化行收後貴鎮亦統兵而回在南溪渡口江這岸貴鎮渡江頭一日下營之處扎三營至於下剩官兵貴鎮統領在於本將軍十二日渡江扎營之山頭上下營仍撥步兵三百馬兵二百名過山鳥八桿行營砲四位留在貴鎮現今下營之處準備本將軍一到令其收後等因於本日復接建威將軍咨開本將軍與振武將軍目今撤師亦回今貴鎮不

必前進且分道進勦關係重大希卽領兵撤回毋得前進等因一併到職准此本職於本日隨具咨呈回覆建威將軍吳內云永寧已失則逆賊必益肆猖獗今現據土民報稱僞趙將軍於十二日已到納溪僞李將軍復向瀘州若我滿漢大兵俱行撤回恐逆賊盤踞益固逆焰益彰矣以本職愚見本將軍旣欲同各將軍撤回本職自不敢阻本職今欲從別路逕由達州驛抄趙李二僞逆後尾分頭撲勦使窺犯瀘州之賊

奏疏存彙

卷之六

吳

速得殄滅然後與本將軍恢復永寧庶逆鋒可挫而我軍聲勢始振今仍在別路照舊扎營聽候本將軍明示遵行等因去後於本日准振武將軍俄咨移內開永寧已被逆賊攻破貴鎮不必前去卽帶領官兵仍回原扎營岱觀寺等處扎營本將軍與貴鎮有所商軍機等因到職本職以欲從別路逕由達州驛抄趙李二僞逆後尾分頭撲勦仍照前咨回覆外本日午時准建威將軍吳咨移內開貴鎮並未准本將軍印信

文咨分道字樣何貴鎮擅行分道殊爲不合但分道進勦關係重大希卽領兵撤回至於下營之處另咨外當照速行等因同日又准建威將軍吳移咨內開貴鎮官兵不必前來希卽統兵撤回南溪渡口江這岸貴鎮渡江頭一日下營之處扎三營至於下剩官兵貴鎮統領在於本將軍十二日渡江扎營之山頂上下營可也等因到職卽具咨呈回覆建威將軍吳內云爲照本職所統官兵原係奉

奏疏存彙

卷之六

平

旨駐劄保寧俟進取雲貴之時隨征前進之師也並未令本職居中應援聽本將軍調度而行後因逆賊侵犯本職以朝廷封疆爲重是以一接本將軍之咨卽領兵前赴瀘州此非本職之擅行不合也明矣後至瀘州見逆賊對江盤踞卽面咨本將軍欲統原領官兵過江勦殺逆賊就近救援永寧此滿漢官兵所共見共聞者乃本將軍堅執不從令本職分兵駐瀘統下剩官兵隨本將軍由南溪赴援本

奏疏存藁

卷之六

五

職亦已遵行非本職之擅行不合也亦明矣後自南溪分船渡江以來本將軍必令尾隨其後一路前進本職以道路泥濘異常擁擠一路日行不過十有餘里是以本職面詢本將軍分路情形本將軍云與俄將軍商議後行本職因已接有將軍俄或欲由別路勦殺逆賊救援永寧本將軍一身擔任之咨是以具文報明由羅家壩一路前赴永寧亦非本職之擅行不合也明矣且師行之次接四川提督王印信手書望援

急如星火本職正欲迅速赴永適本將軍差兵阻止次接永寧失陷之咨本職方自恨勢孤力薄未能保朝廷封疆於不保全提鎮官兵於將危乃本將軍猶帶與帶責以本職爲擅行不合夫以本將軍係朝廷股肱近臣權位赫赫非本職敢抗敢違但本職亦係

朝廷重臣一得之見亦時望採納非一味唯唯聽命者可比今如大咨所云是使本職置

國家重地於膜外

朝廷官兵於不救惟以將軍之命是從而專意承奉將軍也今既蹈擅行之罪亦不敢瑣贅惟有如本職前咨所云將軍等欲撤師而回本職不敢擅阻本職統原領下剩官兵由別路抵達州驛抄趙李二逆之後分頭撲勦以免瀘州官兵再遭失陷此又本職擅行不合之舉統候本將軍處分等因去後於十九日准建威將軍吳等咨移內開永寧既失逆賊必益肆猖獗等因准此

奏疏存藁

卷之六

五

貴鎮所言雖是現今逆賊出來隨我大兵後尾本將軍等面諭差來李遊擊着貴鎮撥兵并鎗手共一千名速遣發西安將軍佛處協力收後李遊擊去後又准西安將軍佛咨稱逆賊出口跟隨大兵後尾着貴鎮量帶所屬官兵急速前來協力收後等因本將軍等公議令貴鎮親領官兵三千名星速前赴西安將軍佛等處一同協力在大兵尾收後其餘所剩官兵速發南溪縣在這邊江岸扎營等因准此又差披甲二名

關東正白旗巴勒德西安府鑲藍旗麻爾代令本職不必前行務統兵收後等語本職無已於十九日遣發標下後營遊擊李日榮蘆塘營遊擊張銓等帶領官兵一千餘員名前赴西安將軍佛處協力收後並陸續遣發官兵接應外本職統領下剩官兵撤回建威將軍吳十二日扎營之山頂上扎營並岱觀寺亦聯絡下營再遣發右營遊擊劉廷傑帶領官兵二千餘員名前回南溪江這岸扎營三座前後接應候各將軍

奏疏存彙

卷之六

五

大兵過後收後訖爲此今將撤兵緣由日期除呈報撫遠大將軍公圖奮威將軍王暨咨呈總督陝西部院哈總督四川部院楊並咨四川巡撫杭外理合咨呈須至咨呈者又於本年十月二十八日復據總兵官王用予呈稱爲勦撫事內開竊照進雲貴一應滿漢官兵派撥永寧一路者自應聽本將軍指示而行今征期已過封疆屢遭失陷甚非

朝廷期望底定之意茲本職與本將軍連營駐瀘徒

糜糧餉勞我師而長逆燄非計之得也以本職愚見莫若滿漢官兵分頭齊力過江恢復仁懷合江二邑不特瀘水逆孽可以分其勢而挫其鋒卽川東一帶譚弘等逆復叛者亦可絕其聲息而斷其聯絡之路矣况蕩寇將軍貝子現駐重慶若我兵不蚤爲接應恐逆勢猖獗一有隔絕關係匪淺此亦本職一得之畫也事關勦務不敢擅專惟冀本將軍裁示等因咨呈建威將軍吳去後未見回覆本職卽親詣建威將軍營

奏疏存彙

卷之六

六

內面陳機宜力爲懇懇而將軍吳含糊半聊未決一言但云從容商量本職起身出營之際而筆帖式姓雅者又手持本職原咨付還且言將軍吩咐有事面議勿用文移等語本職以行文旣不見覆面商又無成議不知將軍吳是何主見具何勝籌現今征勦全無寸効糧餉輓運維艱逆孽紛起對壘目前將軍吳畏首畏尾一籌不展本職所統官兵現在一處言則全不採納行則又責擅專若本職默默無言置之靜聽恐

將來封疆貽誤不止瀘州永寧如待再有不測則將軍吳不肯一身擔承而推諉本職歸罪本職此勢之所必有者雖本職之功名身命俱不足惜而關係

朝廷封疆則甚可慮也爲此合先報明除呈報撫遠大將軍公圖奮威將軍王暨咨呈總督陝西都院哈總督四川部院楊并咨四川巡撫杭外理合咨呈須至咨呈者等情到臣該臣查看得王進寶要

奏疏存藁

卷之六

奏

君挾賞欺

天悖

旨大逆無道直回固原罪固不能辭其子王用予接統其兵理宜努力圖功以贖其過易日幹父之蠱人子之情也豈其父子濟惡接踵藏奸始終藐抗貽誤封疆卽就其文內前則言奉

旨着駐保寧俟進兵雲南時進兵並未令聽吳丹統束後則又言分在永寧一路官兵自聽吳丹統束指示是王用予前後兩文自相矛盾矣又言

總兵亦係

朝廷重臣非一味唯唯聽命者可比使置國家重地於膜外

朝廷官兵於不問唯以將軍之命是從而專意承奉將軍又接准提督王之鼎求救之文危若倒懸急如星火是王用予所言所見者似矣以伊所統漢兵一萬二千名爲數不爲不多其勢不爲不重若肯急急前去再加永寧守城兵七千名合力可以破賊可以解圍况兩路滿兵在後王

奏疏存藁

卷之六

奏

用予前去誰敢不去卽使吳丹猶豫不前而將軍俄克濟哈屢屢催調現有一力擔任前去之語又可爲憑又可爲恃何得不行前進却於羅家壩似前非前似後非後似進不進弄巧躲閃將謂王用予遵吳丹耶文中詞語不遜動以封疆挾制吳丹又自行分路於羅家壩將謂王用予不遵吳丹耶以朝廷封疆爲重永寧緊急爲要却又勒兵不動以文支調試難吳丹而占地步奸狡備極且漢兵在

前滿兵在後

上諭開載甚明卽前進漢興畧陽復進四川皆係漢兵在前何救援永寧漢兵反在其後王用予所統之兵皆王進寶之兵卽永寧一路應進之兵而永寧爲其所指之地王用予又是王進寶素所誇伐之人案案敘功居首王用予挾制吳丹譏刺吳丹又非受制之人因何不行身先急救永寧如王化行所領之兵千餘不過西安屯丁非食餉經制官兵可比原無盔甲披戴而王化行與赤身百姓在前王用予與精健官兵在後有此理乎况與吳丹互相使計互相弄巧必致城破而後已是臣前疏所言王用予奸狡過於其父蓋有由也如王進寶前在陝西隨衆碌碌將進兵機宜並不言及一字及勅下條奏又不條奏如進兵得利則思邀功冒賞不利便欲譏罪他人且素懷幸災樂禍之心忌功自便之念卽前四路進兵處處觀望處處因人武關退回留壩已見其槩寧羗去保寧五百餘

奏疏存藁

卷之六

奏

奏疏存藁

卷之六

奏

里較去成都一千四百餘里纔三分之一而成都克取在正月初十日保寧却在正月十三日卽此究論伊父子藏奸弄巧何處不是如此倘王化行與佛尼勒殺敗他船塹之賊吳丹敢於前去則王用予必在其先又照王進寶賴功刀口矣瀘州賊旣騰空不守分明並力去取永寧餌我愚我分我兵勢不獨久在行間統兵大人不可爲賊所愚卽鄉民百姓亦不肯爲賊所惑在吳丹以瀘州爲功守空城不去永寧而王用予亦不去永寧果同此心耶抑別有所爲耶且官兵旣已渡江滿漢爲數不少吳丹旣言賊隨大兵之後而王用予正當出力之時督率王進寶之精健急急前去賊可破城可恢官兵尚可救何接吳丹之文竟爾退回是王用予進兵不遵吳丹不聽將軍之令而不專意承奉將軍矣何以退兵不前却又遵吳丹聽將軍令而專意承奉將軍耶此王用予不救永寧逗遛觀望之罪百喙難辭者矣至於吳丹差甲兵阻當不必

前進永寧已失又文內稱希卽領兵撤回毋得
前進又令撥鎗手前來收後再撥官兵於原下
營之處下營收後又王用予與吳丹文內稱封
疆屢遭失陷連營瀘州徒糜糧餉勞我師而長
逆燄欲過江勦賊吳丹不答回文及其面陳機
宜吳丹含糊半晌未決一言又令筆帖式姓雅
者付還原文且言將軍吩咐有事面議勿用文
移言則全不採納行則又責擅專并揭吳丹日
行十里畏首畏尾一籌莫展是吳丹爲永寧一

奏疏存藁

卷之六

无

路滿漢總統將軍滿漢兵有三萬漢兵均停滿
兵均停

題明數月舉國皆知何不蚤爲佈置何不蚤爲隄
防旣日不聽吳丹自已所司何事及至瀘州失
後永寧告急仍然悠悠忽忽膜不相關守定瀘
州空城曠間多日坐視永寧危困至於失陷揆
之事勢反之本心是耶非耶將軍俄克濟哈原
係

題明應進建昌一路滿洲將軍因吳丹不聽人言

失守地方全川震動將兩路滿兵發去急救永
寧不過協力幫助之人旣未奉

旨自不便行永寧一路滿漢總統將軍之事即使可
行人亦未必肯聽如王用予可爲眼前榜樣何
吳丹不前反令俄克濟哈在前伊之一路亦有
叅贊覺和托何不在前反令佛尼勒在前漢兵
不令王用予精健在前反令王化行帶民在前
伊旣不去又將王用予阻留必待城破方始動
身而佛尼勒王化行於他船堦遇敵若吳丹緊

奏疏存藁

卷之六

卒

隨接應自不致退回况官兵旣已渡江爲數不
少吳丹尚不督率王用予等努力更待何時且
勝敗兵家常事因危致勝轉禍爲福又在智能
之將吳丹前疏條奏三路進兵取雲南是胷中
蚤有成算矣旣條奏尚欲進兵於雲南破賊而
賊來永寧却又狼狽若是委靡若是不但不能
身先殺賊抑且退兵慌張又令他人與伊收後
畏賊怕死至於如此無怪乎王用予之巧言譏
刺描寫殆盡也凡此又吳丹不預佈置汛防救

援又復使巧不救永寧與畏怯退兵之罪百喙難辭者矣王用予通詳中既列王進寶之銜是王進寶蚤已知之矣果係吳丹之罪或係王用予之罪抑二人均難辭罪王進寶又蚤已了然矣乃敢於前奏疏中欺心文飾言相去甚遠不及救已失既言相去甚遠不及救却又令王用予揭吳丹日行十里一籌莫展以及牽制誤事此又王進寶如鬼如蜮前後矛盾藏奸使巧之處業已敗露所當察究者矣王用予既揭吳丹

奏疏存彙

卷之六

奎

差兵阻止不能前去吳丹豈有不知而王用予現統漢兵一萬二千名不上正道於僻路躲閃如吳丹理正因何不行

題叅反甘受王用予一揭再揭如理不正自當引咎乃既不行引咎又受王進寶之愚欲脫已罪并脫王用予父子之罪知法犯法而賣

朝廷之法在吳丹德其父不暇讎其子止爲目前附和排陷孤忠巧圖脫罪殊不知王用予之文揭既已通詳大將軍暨各將軍督撫衙門通國皆

知是非邪正判然有別誰無耳目誰無筆舌甘心默默耶此又吳丹之不明反被奸佞愚弄者矣至如成都去永寧九百里前逆賊王邦圖等出犯臣遣官兵屠存義等九日卽到殺敗逆賊解圍如四川與他省不同委果雨多爾時臣遣發官兵正值陰雨連綿本官等現在可證如吳丹於前八月二十四日統兵自成都起行前去王用予係閏八月初三日統兵自成都起行前去而永寧失陷在九月初九日計日則吳丹已去四十五日王用予已去三十六日若以屠存義等官兵前去日期而論則吳丹應在閏八月初三四可到永寧王用予應在閏八月十二三可到永寧卽使不然再寬緩十餘日是吳丹於閏八月十三四可到矣王用予於閏八月二十二三可到矣永寧之賊可破永寧之圍可解矣况瀘州賊已騰空不守江北一帶並無一賊並無阻滯而南溪無賊督撫差官備有船隻敘府防官李芳述等協濟船隻在彼伺候多日而吳

奏疏存彙

卷之六

奎

丹王用予在何處躲避將八九日可到之地一月有餘竟不到去是何心事豈前屠存義等所統之兵馬與王用予所統之兵馬有異耶如皆起自陝西皆來自陝西均係勝兵不曾少挫果係兵馬不肯前進耶抑王用予吳丹不肯前進耶此又可質可問而又當深究者矣王用予王進寶不特情出父子且又隸在統轄凡所舉動自出王進寶主持前揭吳丹日行十里阻止王用予不容前去救解永寧既是則後不當又言

奏疏存藁

卷之六

查

相去甚遠不及救前言是則後言非後言是則前言非矣王進寶所言是則王用予所言非王用予所言是則王進寶所言非矣此又王進寶王用予當自相質問自相供招者矣王用予吳丹同去救援永寧領兵之人王用予既揭吳丹脫罪是王用予爲吳丹真正對頭是非自當力辯自要分明何吳丹爾時甘心忍受竟置不言今事平尚復隱諱不發却串通奸佞捏造妄言拉扯無辜此吳丹顛倒是非紊亂

國法當行究問者矣王進寶前以永寧不救令王用予揭吳丹先占地步脫子之罪後見臣指參悍賊大逆無道知罪犯不輕又以詭計愚弄吳丹朋比作奸王用予僨轅之贖貽誤

朝廷封疆與吳丹均出有罪而反恃惡逞刁文揭吳丹多此一番弄巧愈增一番駁竇自攻自訐是又

天地鬼神默默有以主之使其自相敗露者也總之王進寶一犯再犯全不知改逆

奏疏存藁

卷之六

查

天悖理任意妄行孰知藏奸用奸究爲使奸所敗吳丹旣爲一路滿漢總統將軍功則自居罪當自認豈可越理喪心此吳丹使巧弄巧終爲使巧所誤者矣王用予撫心自問或悖其父始終與吳丹爲仇以揭爲是耶抑遵其父而改却前言自行認罪耶此又在王用予自思自決耳今當逆賊旣平正在賞功罰罪之時再難容悍賊刁口邪佞藏奸伏乞

皇上聖明乾斷

勅下嚴審正法庶奸臣賊子知儆而忠

君愛

國之士益知所勸勉矣再查此案緣係永寧失守
事理而王用予既揭吳丹業已通詳理應吳丹
據實指叅并陳情剖辯自為引咎原無微臣具
疏之理但吳丹舍王用予而附和王進寶藏奸
弄巧欺

君賣法竟匿而不問反捏造妄言朋害無辜是臣又
不得不查其原文據實入

奏疏存藁

卷之六

奎

告合併敘明統祈

睿鑒施行

請敘入川官兵功績疏

題為官兵首倡入川獨當一路先取成都省會既

下全蜀始定功苦已蒙

聖鑒至今尚未邀

恩仰祈

勅部議敘以彰

大典以敷

皇仁事案查臣首倡進兵在康熙十八年四月二十

二日寧夏所拜之疏也爾時在陝諸臣皆不願

奏疏存藁

卷之六

奎

進兵難逃

聖明洞鑒至取興漢畧陽之後欽奉

上諭特遣學士臣希福下問收川之策而臣條奏兩

路進兵又在康熙十八年十一月二十二日畧

陽所拜之疏也是臣前後兩次首倡一力擔當

者雖出臣忠

君報

國不惜身命而其間得心應手者實藉官兵之力

也如臣於康熙十八年十月初二日自清水縣

進兵以五千官兵獨當一路奮勇直入不十日而取徽州又浮水渡白水江敗入堵山賊衆取畧陽在諸路之先再取陽平關奉有

陽平關逼近寧羗係入川之路沔縣與漢中相近觀提督趙良棟恢復徽州直取畧陽陽平關意欲進定四川亦不可定若進定四川則滿洲大兵不可不隨繼其後之

上諭是官兵之勇往直前期在滅賊我

皇上蚤已洞照矣又寧羗至成都一千四百餘里臣

奏疏存彙

卷之六

奎

於康熙十八年十二月二十六日分兵十九年

正月初一日於白水壩浮水渡江大破賊衆直

追前進初十日克取成都不但青川敗賊石峽

溝敗賊青善山敗賊明月江敗賊綿竹敗賊僞

將軍總兵追急就降抑且十日而至成功可謂

深入可謂神速况奉有

趙良棟若不克取成都保寧如何而得若不攻取

保寧成都如何能守之

上諭是成都保寧兩路官兵功苦我

皇上明照萬里又蚤已洞鑒矣而部議保寧一路官

兵功加十等成都一路官兵功加一等豈成都

爲省會又係先取反不如保寧而十等一等若

是之懸殊耶不獨官兵難安亦非

皇上聖意且保寧一路官兵議敘業經兩年照銜食

俸照銜陞官沾

恩亦經兩年而成都一路官兵同時同事竟不獲一

例沾

恩是臣又不得不據實代爲請

奏疏存彙

卷之六

交

命也伏乞

皇上軫念首倡官兵深入取川拚命守川又復進定

雲南効力實深於諸路功苦實倍於諸路

聖恩准照諸路一例優敘激勵人心以收後効官兵

幸甚康熙二十二年四月十五日奉

旨議政王貝勒大臣會議具奏

請敘平滇官兵功績疏

題爲官兵奮勇大破逆賊奪取外護直逼城下拏門扼吭逆衆勢窮人心始亂渠魁事急自盡城開有據事實難掩臣謹遵

旨備敘前情指明證據并繪圖本具

題伏乞

睿鑒勅下議敘以重賞罰以勵後効事案查臣於康

熙二十年九月十六日抵雲南歸化寺下營見我兵圍城太遠已經九箇月恐成師老糧匱之

奏疏存藁

卷之六

充

勢十九日同在大將軍貝子營內議話臣卽言城當速取不可遲从从則明歲勢必無糧大爲可慮并陳進壕近城奪取外護險要及嚴禁兵丁出入三事學士臣佛倫侍郎臣金鉉內院臣薩海顧巴代將軍叅贊臣噶爾漢等可證可問十月初三日接准部文欽奉

上諭令急急攻城仰見我

皇上廟算無遺明鑒萬里於本月初六日在督臣金光祖營內會議進壕取險派定臣下現在營盤

奏疏存藁

卷之六

充

內兵五千再去武定調兵五千共合一萬之數留四千守壕牆臣親統六千前進在重關下營進取得勝橋調兵往返限五日到營十一日兵至十二日四面一齊進取此初六日大將軍臣賴塔親口分派亦大將軍貝子暨叅贊諸臣公同會議又臣再三請問說明衆口一詞者也至初七日大將軍貝子更改前議令督臣蔡毓榮下官兵進重關下營取得勝橋各營滿漢官兵俱往重關幫助挖壕卽臣下官兵亦分有丈尺挖過壕牆而督臣蔡毓榮官兵自初七日在重關安營起至二十日止計一十四日未取得勝橋二十一日又公議令臣統原議兵數進壕破南壩之賊取雙塔二十二日二鼓臣親統臣下官兵并雲南撫標兩營官兵先進四鼓將軍臣穆占統領滿兵後進臣親督官兵殺敗南壩玉皇閣一帶賊衆奪玉皇閣安營緊逼新橋相離賊壘一箭之地逆賊郭壯圖不容我兵扎站親督賊衆過橋迎敵與我兵互相衝打砲火如雨

竟日不退臣親身同穆占督兵而穆占眼見至穆占於酉時分統領滿兵仍回大營而臣新安營盤壕牆未及挑挖完備逆賊明攻暗襲突犯數次臣與官兵擐甲以待力敵鏖戰交鋒一夜次日大將軍令先鋒沙哈納帶八旗官兵苦獨力將臣營未及挑完壕塹協同挑挖而大將軍暨各叅贊督撫諸臣俱來看過查雲南省城正北西北係銀錠山正西西南係海子卽昆明池也逆賊自東北起至西南沿長一帶藉得勝橋

奏疏存藁

卷之六

三

新橋土橋一道大河一道大渠將海子水引入築壩聚水爲護城外勢復於彼岸築牆砌堞安設砲臺拒守在得勝橋新橋土橋一帶安營臣見逆賊設備嚴密鎗砲重加而城頭之砲更準更密我兵白晝明攻數次傷亾甚多實難用力因賊夜來襲我營盤臣將計就計於二十五日夜用兵明攻正橋上流稍空之處以釘板令兵暗渡而暗渡官兵一過賊遂驚潰我兵奪橋追殺至雙塔逆賊聚衆接戰至三市街又聚死戰

俱被官兵奮勇殺敗追入南門再分兵東向攻取得勝橋將賊殺入東門臣遂在東西二塔得勝橋安大營三處又於三市街西南角東南角俱各安兵守要離城一箭之地當卽報明兩大將軍暨學士侍郎臣在案先鋒噶喇昂邦沙哈納署副都統達漢太等帶領滿洲大兵前來安營協力二十六二十七二十八三日城頭砲火如雨逆賊情勢猶欲出城拚命死戰見我官兵晝夜嚴防用大木將街口截斷旋卽挑壕知勢

奏疏存藁

卷之六

三

不能爲而人心始亂郭壯圖始於二十八日夜放火燒家自縊吳世璠隨亦自誅二十九日城開此皆我

皇上天威遠播廟謨制勝

國家洪福所致而兩大將軍調度暨在滇三路滿漢官兵之力臣何敢獨言其功但取險破要不三日而致城開實臣下官兵之力也况臣力言於先而臣下官兵復奮力於後是三軍之奮勇用命臣又不便於默默者矣至得勝橋係將軍

臣穆占巡撫臣王繼文要去與督臣蔡毓榮者
穆占現在撤回臣下總兵張友成藍兆周現在
而差去撤兵守備高登科現在卽大將軍亦可
問可對查得勝橋爲東南二門總路如不取得
勝橋東面官兵必不能近城此臣親統官兵敗
賊奪險開城始末情由學士臣佛倫侍郎臣金
鉉內院臣薩海顧巴代將軍臣噶爾漢先鋒臣
沙哈納察漢把虎兒撫臣王繼文副都統臣達
漢太等諸臣可問可證竊思官兵者皆係

奏疏存藁

卷之六

七

皇上之官兵賞罰者皆係

皇上之賞罰

聖明之前理難欺掩今湖廣官兵從優議敘加十三
等矣而臣下官兵直入取城竟未議敘因官兵
屢屢訴功臣只得指實面

奏巴蒙我

皇上洞鑒微臣之愚悃官兵之勞瘁令臣具疏陳明
臣謹備敘前情指明證據并繪圖遵

旨具

題伏乞

皇上睿鑒勅下議敘施行康熙二十二年四月十五

日奉

旨議政王貝勒大臣會議具奏

奏疏存藁

卷之六

七

竭効愚忠疏

題爲密陳愚忠仰報

恩遇萬一事竊思方今天下昇平

聖主當陽萬國咸服惟噶爾丹狡妄跳梁侵占鄰藩

蕞爾小醜覓食野賊不過以殺搶爲強全無信

義其糾合之衆總是挾從之徒原非根本之旅

得勢隨而爲用失勢轉而爲讎易於離散兵旣

無根糧尤無繼而其舉動不過六七八月馬匹

壯牛羊肥利於速戰在我之爲將者要當先思

奏疏存藁

卷之六

亥

破賊之法先製破賊之具審其地勢過其要隘

挫其鋒銳不容施展加以臨事而懼好謀而成

可戰則戰可守則守發縱在我期於必勝至於

以逸待勞兵家所貴總在神於運用也如我

皇上念天時寒冷將兵撤回歸化城探聽信息休兵

養馬以逸待勞深得用兵取長之法再如四十

八家爲我之藩籬而喀爾喀又爲四十八家之

唇齒不可不顧但緩急進止主客先後破賊當

用智取又如湖灘河所建立倉廩蓄備餼糧歸

化城訓練蒙古用內大臣爲將軍右衛駐鎮滿
兵專設將軍仰見

聖明籌畫弘遠從此兵省往返之勞民免運送之苦

神機一發可懾賊人之膽而宣大山西漢兵更

當整練兵須名各切實馬須一一臚壯戰則協

同大兵出力守則固其邊汛不可不重至於陝

西爲天下之形勝陝西之重要在三邊而防邊

備邊全在官兵查陝西六鎮經制兵八萬如果

足數實切訓練兵將合心儘可爲用今處處空

奏疏存藁

卷之六

亥

糧處處扣餉卽有一二公忠者又被衆相形不

能自持如此則是兵不實餉不清焉望其實切

訓練耶且每見諸臣初任卽請巡歷地方不知

所巡者曾何補於

國所言者曾何益於公竟未見糾一貪官言一扣

餉及言某處兵不訓練某處馬匹缺少不過到

一地方添一番使費增一番攤扣累千盈萬皆

出兵餉而言衝言要請添設官兵總是私心若

肯清補空糧自不用添兵矣嚴禁扣餉亦奚用

巡查爲哉總是上下彌縫一味婪貨欺飾深負
皇上特用之隆恩無事之日仰仗

朝廷威靈朦混取利偶有警息則邊地空虛戰守無
賴此臣不顧忌諱鯁鯁過慮之愚忠欲陳明於
我

皇上之前非一日矣倘蒙

天鑒不以臣言爲謬立除積弊蚤爲補救必使空糧
嚴切清出從實開報叩懇

皇仁赦其已往開其自新急急召募一一補足兵旣

奏疏存藁

卷之六

七

補足而馬尤當實備如遇倒馬隨報隨開牽領
茶馬卽或兵丁恐開除加糧情願賠補准於本
兵買備好馬驗准差操不許總兵買不堪之馬
發兵藉以扣餉其兵丁每月應得之餉亦不許
指稱逢迎禮節公然攤扣而營伍不扣兵餉不
發官馬兵自強馬自壯官自清而法自行其營
中老弱庸懦應名不見餉之兵自難容留而居
閒精壯好漢自必踴躍投兵如此則營伍兵威
自振人心自服加以智勇之將三軍合力何敵

不克何地不到何功不成不獨撲滅噶爾丹一
人卽極西之蒙古有二三其念者皆可收攝其
心則三邊永固全陝奠安可免
聖主西顧之憂

禁旅大兵不致往返過勞邊民得免供應之繁卽
天下通傳而虛兵冒餉之弊亦知儆惕矣緣係
密陳愚忠事理貼黃難盡叩懇
睿鑒全覽施行

奏疏存藁

卷之六

七

恭謝世 恩疏

奏為恭謝

天恩事康熙三十四年五月初二日准兵部咨為懇

辭

恩榮等事職方清吏司案呈奉本部送兵科抄出該

本部覆勇畧將軍趙良棟奏稱臣前以讒謗不

得不將巔末臚列陳明原不敢望功今蒙加三

等精奇尼哈番終涉矜功受賞伏乞收回

成命等因具奏奉

奏疏存藁

卷之六

堯

旨大兵征取雲南時大將軍賴塔等自廣西進擊於

黃草壩石門坎地方大敗賊眾直抵雲南省城大

將軍貝子章泰等自貴州統兵前進沿途擊敗賊

眾亦抵雲南省城所有城內悉力出禦之賊於歸

化寺地方鏖戰大敗之遂將省城圍困趙良棟雖

後到而首先倡議克取得勝橋着一併再行議敘

具奏該部知道欽此查將軍趙良棟先經具奏奉

旨恢復四川時趙良棟首倡前進着察原案議敘具

奏欽此臣部議趙良棟率領官兵首倡進取四川

累次殺賊恢復地方直抵雲南勞績顯著酌量
於趙良棟從前所給拜他喇布勒哈番之上再
加頭等阿思哈尼哈番授為三等精奇尼哈番
等因具題奉

旨趙良棟着授為三等精奇尼哈番餘依議欽遵在

案今查大兵征取雲南時趙良棟雖後到而首

先倡議克取得勝橋應將趙良棟於從前所給

三等精奇尼哈番之上再加一拖沙喇哈番授

為二等精奇尼哈番俟

奏疏存藁

卷之六

午

命下之日移咨吏部轉揭內閣撰給

勅書可也等因康熙三十四年四月二十六日題本

月二十九日奉

旨趙良棟着授為一等精奇尼哈番餘依議欽此欽

遵抄部送司案呈到部擬合就行為此咨咨前

去煩為欽遵查照施行等因到臣伏念臣前以

剖明心跡荷蒙

聖主授臣世職涉有矜功受賞之愆其實懇辭更蒙

我

皇上以雲南之功加臣而下首先倡議之
旨是

皇上之恩有加無已微臣之感戴至極難言而兵部
以一拖沙喇哈番議加我

皇上再予一等精奇尼哈番使臣一段辭功之念不
敢再控矣謹祇遵領受惟有感頌兩下倡先之
溫旨銘於終身傳於後世完臣五十餘年之孤忠節
操而已理合奏謝

天恩伏乞

奏疏存葉

卷之六

全

睿鑒施行康熙三十四年五月初十日奉

旨覽卿奏謝知道了該部知道

欽召赴京恭陳下悃疏

密奏為恭謝

天恩并陳下悃仰懇

聖懷事竊臣欽奉

特旨准假就醫江南初抵揚州再移居江寧業經兩
疏

奏明康熙三十五年正月十七日

欽差侍衛臣張文煥馳驛至江寧臣因動履不能令

人昇擡於臣寓門側俯伏叩迎侍衛臣日傳

奏疏存葉

卷之六

全

聖旨問臣病問臣好并付臣

欽賜密諭暨人參黃包匣一箇捧至室內跪啓

密封

上諭內開

諭勇畧將軍趙良棟朕因噶爾丹比年以來怙惡跳
梁侵凌喀爾喀諸部落朕視遠邇中外為一體不
忍聽其擾害藩服今聞其竄伏於巴顏吳闌地方
去京師二千里去四十八固山邊境七百餘里自
秋徂冬馬蓄疲瘦形跡狼狽正宜及此時剪滅之

以承弭邊患爾久著績行間性秉忠義練達機宜
故茲馳驛與爾商畧爾體中稍可勉力支持卽趨
赴闕廷以共悉心籌畫爾宜深體朕意并賜長日
山上用人參以資頤養特諭欽此伏念微臣卽違
天顏以來將及半載日在遍訪名醫冀圖蚤痊仰答
聖眷無奈臣衰年朽質氣血兩虧目前浮腫雖消而
左腿拘攣不能伸展兼之脾胃虛弱飲食難調
以致肌膚消瘦皮骨僅存侍衛臣官撥什庫親
見臣之病勢如此實實方不從心但

奏疏存彙

卷之六

金

皇上如此

密諭下臣而臣獨何心敢再言病卽肝腦塗地赴湯
蹈火有所不辭遑恤身命耶惟是陸路遙遠不
獨不能騎馬卽行輿亦恐途長不及臣擬仍由
水路趨赴

闕廷仰聽

聖訓除囑侍衛臣代爲口奏并望

闕叩頭謝

恩外謹先恭疏

奏明謹具奏

謝以

聞

奏疏存彙

卷之六

金

奏疏存彙卷之六終

勇畧將軍總督雲南貴州等處地方軍務兼理糧餉兵部尚書兼都察院右副都御史世襲一等精奇尼哈番襄忠公奏疏存藁後序

先襄忠公身親戎馬五十餘年弘燦弘燮弘煜等自出就外傳而後

叙

趨庭之訓最為嚴切及少長勉以忠孝大節期以實踐躬行自壯至老每飯不忘

君國然性秉剛直志切捐糜遭逢

聖明屢膺節鉞一切軍務機宜與敷陳章奏謀之於心而書之於手也媿

媿不倦絕不旁諮假手即年逾七十當疾病呻吟之際凡有封事皆口授書錄重加檢視方始繕

聞其敬謹蓋如此荷蒙聖主優容事事嘉納

錫賚頻加

叙

恩榮備至昇以世職及弘燦叨鎮黃巖弘燮觀察津門忽聞

先襄忠公凶問徒跣奔歸苦咄之

餘見有手定奏疏存藁六卷劄劄於江南就醫之日蓋亦檢點行笥錄其携存者耳嗣沐

皇上殊恩舉易名之盛典

御製碑文疊頌

諭祭

寵錫莖金微勞寸績脩荷

嘉揚鑄之貞珉垂示不朽恩流泉壤榮

及子孫而弘燦等兄弟菲材陋質

叙

三

悉蒙

聖恩弘燦五叨重鎮兩任提軍復拜總

督兩廣之

寵命弘燦由邑令而歷觀察方伯巡撫

天中復調畿輔重地弘燦越格超

遷

命守維揚弘燦年未及壯

許侍禁廷此皆

皇上垂念舊臣

隆恩異數施於一門者有加無已然弘

燦等兄弟撫心慙媿竭頂至踵圖

報難盡者矣伏讀先襄忠公自製

叙

四

序文原以留之弘燦等兄弟子孫

勉以忠

君報

國不啻朝程而夕督也爰敬裝成集

日夕莊誦儼承嚴父之訓誨以報

高天厚地之

國恩子孫奕世其時時警惕於寤寐
庶幾繼緒承先以毋忝忠孝貽謀
之志願也夫

叙

五

男弘

燧 燦 燮 燁

敬識并書



〔清〕怡良撰

兩江總督怡良
奏稿不分卷

清鈔本

奏稿

奏為恭摺奏

開事竊^等於四月十二日據蘇松太道吳健彰稟稱

初五日有花旗國即喇啞又名亞美理駕國

公使麥連坐火輪兵船來至上海邀談道及吉

爾杭河往見據稱各國蒙

督怡 跪

大皇帝天恩得在中華海口通商俾有利益實深感

戴現在賊匪擄擾滬城有礙貿易稅務各國官

商未能助勦以致物議沸騰深為慚恨而該國

實無助賊之心諒酋欲往鎮江等處察官如可

為力可以商量並敬整頓商務使中華稅務有

盈無絀必須與總督面見以表其心且有許多

要事面商皆有益中國斷無要求倘不能會祇

好前赴天津呈遞奏章以整頓忱等情^等以鎮

江現在用兵本非外夷通商口岸各國兵船不

應前往檢查條約亦無准外國公使徑赴天津

遞摺之條至各國通商事務向歸廣東

欽差大臣管理上年馬沙利赴粵因

欽差大臣督師出省擣稱守候數月下獲晤面是以

從權代見奏奉

諭旨飭令回粵聽候

欽差大臣查辦本年廣東

欽差大臣並未公出如有公事自應赴粵面陳批飭

吳健彰明白開導去後隨於十六日攜吳健彰

送到該酋照會副稿一件內稱該酋祇領國書

賚呈

大皇帝謹按條約應將國書送貴督代進所以必託

貴督者因初抵粵省照會督憲以公忙支吾守

候光陰不少今訂於四月二十一左右親到焦

山地方賚公文投遞望貴大人早臨俾得會晤

以顯尊敬

大皇帝與合衆國之事並將邇來兩國為難諸情詳

細互酌等語雖詞不明晰而意尚恭順並據吳

健彰稟報該酋欲赴鎮江及求見之意甚切再

四晚諭堅執不允現已坐船先赴甯波後赴鎮

江再回上海等由擊查該酋雖賚有國書而條

約內並無與兩江總督議事之說上年馬沙利

呈遞國書曾將副稿呈出現在有無副稿未據

聲明批飭吳健彰探查俟該酋由甯郡回帆若

由上海經過即令在滬守候毋庸前赴鎮江一

面由該道稟報以便發給回文仍密飭該道設

法羈縻體察情形據實稟報并知會焦山水營

一辭鎮靜防範容隨時相機酌辦另行具奏理

合恭摺由驛馳陳伏乞

皇上聖鑒謹

奏

咸豐四年四月十八日由驛馳

奏 五月初八日奉

硃批知道了欽此

等
怡 跪

奏再上年馬沙利呈遞國書案內欽奉

諭旨飭令迅速回粵往見欽差大臣此次自應遵照

辦理惟粵酋以葉名琛公忙支吾為詞其言原

不足信^等若絕之已甚轉使談酋得以藉口設

或徑赴天津現當直隸用兵且值海運沙船陸

續赴津之際未免諸多窒礙^等此次批駁之後

諛苗如肯折回廣東應毋庸議倘再四求見仍

不准行彼將謂^等憚於一晤殊竟非體惟有欽

遵上年所奉

硃批示以大方相機辦理若接見後於商稅事宜輕

議更張或別有要求之處^等惟有仗義執言仍

令赴粵聽候葉名琛查辦以免另生枝節合併

附片密陳伏乞

聖鑒謹

奏 咸豐四年四月十八日

奏於五月初八日奉到

硃批所奏是隨時妥為辦理固不必激其另生枝節

尤不准遷就了事萬不能示之以柔露有為禦之

形適足該夷之要求也欽此

奏片稿 奏奉批遊學等語不出洋片

李怡 跪

奏再本年江浙漕白糧米仍辦海運改由剡河受

兌開行 自正月以來節次嚴飭江蘇水師鎮

將管帶師船出洋巡護因蘇松狼山二鎮所轄

洋面遼闊蘇松鎮總兵葉常春署狼山鎮總兵

李德麟及水師將弁兵船並上海捕盜局艇大

牛均在焦山水營堵剿巡洋兵弁無多而奈山以南一帶洋面素為盜船出沒之所尤聞紫雲前經奏明擬調葉常春督同督辦副將琦善咨覆葉常春未能分身等語將蘇松鎮所轄洋面責成該鎮署中軍遊擊施元敏署右營守備馬元麟專司巡緝狼山鎮所轄洋面責成該鎮右營遊擊准陞吳淞營參將黃登第專司巡緝并責成福山鎮總兵葉萬清督同都司孟兆蘭等在所轄及奈山以南各洋面會合巡防均飭添雇民船配齊軍火迅速出洋並奉旨特派正任狼山鎮總兵伯承陞于海運船隻出口時妥為護送嗣黃登第委赴天津辦理沙船狼

山鎮所轄洋面空虛查有該鎮署中軍遊擊劉儒賢雖係內河水師於外洋情形尚稱熟悉派令速往接巡至狼山鎮總兵伯承陞任上海勦賊尚未到任其本標無船可撥等語商撫日許于上海水營內撥出把營船四隻又飭局趕雇船十隻並撥泊承陞咨准浙江撫呂黃先將浙省守備傅際輝等護運來江之兵勇船十隻暫行借留交伯承陞統帶赴洋巡護現在葉萬清泊承陞等均已先後具報出洋惟施元敏馬元麟二員經督專弁持令嚴催至今尚未將出洋日期申報定屬沓沓相應請旨將蘇松鎮署中軍遊擊右營都司施元敏署右營

守條左營于慈馬元麟一併革職留任責令即日赴洋認真防礙保護清軍政如果全洋肅清並無貽誤另行奏請開復如再容延懈弛致悞漕行即行嚴奉治罪所有籌辦水師護漕情形及查奏緣由謹會同江南提臣和附片具奏伏乞

聖鑒訓示謹

奏

咸豐四年四月十八日具

奏咸豐四年五月初八日奉到

殊批施元敏馬元麟均著革職留任如有貽誤之處

另行嚴恭該部知道欽此

奏稿

常州府辦理團練保衛出力官紳先請從優獎勵一摺

奏為辦理團練保衛並訪獲逆犯尤為出力之官紳先請從優獎勵以昭激勸恭摺奏祈

臣怡 跪

聖鑒事竊 臣等欽奉

上諭嚴飭各地方官於團練事宜盡心勸諭實力海求其辦有成效之員即著據實保奏至各紳民中

育捐資練勇保衛地方是在出力者並著隨時保
奏候朕施恩以昭激勸等因欽此仰見我

皇上鼓舞羣材微勞必錄至意伏查常州府下連吳

會工接鎮江襟帶江河屏藩蘇浙為大江以南

第一扼要之地是以上年臣怡 到任後奏明

赴彼駐劄自江甯鎮江相繼失陷逆氛甚熾下

游一帶乃江浙精華所聚該逆垂涎已久屢次

次勾結土匪窺約內應狡馬思逞經前任浙江

布政使汪本銓詹事府左贊善趙振祚揀選知

縣董貽清等首先籌辦團練在各城門水關並

各要隘處所設局練勇嚴密盤查迭次獲解奸

細謝得玉等多名審明正法迄今將及一年經

費不貲該員等任怨任勞勸諭士民竭力捐辦

始終勿懈揀選知縣趙達保募勇五百肆拾餘

名捐製器械認真訓練約未嚴明防堵甚為出

力監生管晏倡議章程勸令按戶出丁分班輪

巡自相保衛並於遠近鄉村一體仿照辦理水

陸巡防報勢聯絡議叙布政司理問杜儀修理

城垣工程堅固領款不敷悉由該員捐墊 臣怡

在常州時均所目睹年當更闌人靜各坊團

練出隊巡查汪本銓趙振祚及各紳士等或佩

刀騎馬或荷戈步行徃往身先督率能使城鄉

士庶協力同心勞而不怨洵足以寒賊胆而固

藩籬九月間該逆勾通土匪謀襲常州有武進

人朱日升探知消息商同詹錦榮周忠佯為入
夥將從逆之丹陽縣奸民姜繼松設法誘至大
營據寔出首經提臣和 訊明商致常郡紳士

禦綏靖地方輿情愛戴係州縣中出色之員著
常州營千總徐龍彪迭獲奸細巡查奮勉亦屬
著有微勞自應遵

密為查辦臣 等聞信飛飭汪本銓等會同署陽
湖縣知縣賈益謙署常州營千總徐龍彪帶同
鄉勇及武進丹陽二縣兵役將同謀之盛金法

旨隨時保奏俾各屬紳民聞風興起眾志成城於守
禦寔有裨益汪本銓趙振祚自以受
恩深重且係奉

等十餘犯先後掣獲朱日升等復赴西橫林鎮
將糾約多人定期內應之要犯姜芳槐誘擒到
案訊認通賊屬寔分別正法傳首示衆民心始
定是時交生呼吸賴朱日升等素懷忠義首發
奸謀汪本銓等布置有方獲犯迅速得以殫患
未萌厥功甚偉署陽湖縣知縣賈益謙寔心防

旨辦理團練之員不敢仰邀議叙但該員等共矢忠
誠賢勞卓著臣等亦不敢壅于工
聞茲據署蘇州布政使何俊著江蘇按察使吉爾杭
阿核明會詳請奏前來臣等細加彙核除出力
較次之官紳俟事竣另行彙案請獎外謹擇其
勞績最著者據寔保舉另繕清單恭呈

御覽可否先行鼓勵以昭激勸並派本銜趙振祥

量予獎勵之處出自

天恩理合恭摺具奏伏乞

皇上聖鑒訓示謹

奏

咸豐四年四月二十六日具

奏六月初五日奉到

休批另有旨欽此四年七月二十三日准

兵部咨內閣抄出五月十五日奉

上諭均照所議該部知道單併發欽此

賞加五品銜

棟遠知縣趙連保專司各局團練事務首先捐

辦軍械多件訓練有方約束廉明辦理設柵

謹將常州府辦理團練保衛出力紳士並軍功
朱日升等誘獲逆犯請獎各員核計功績彙繕
清單恭呈

御覽

計開

棟遠知縣董貽清原名孝貽總司十四局稽查

節次盤獲奸細謝得玉等及買貨濟賊之夏

二等多名又協同各紳辦理團練勸捐過步

出力擬請以知縣本班儘先選用並請

巡防清查保甲團結戶丁各事定心定力不
避嫌怨擬請以知縣不論雙單月選用

議叙布政司理問杜儀獨力承辦修城濬濠躬

親監視核算支銷經費不敷出資捐墊在工

半年不辭勞瘁現在工程完固又于工年春

間帶辦兵勇逆境諸事布置妥協兵民相安

該員已請過五品

封典擬請

賞加四品銜

六品軍功朱日升探知姜繼松糾約平陽武進

匪作為內應謀襲常州將姜繼松誘至鎮江

大營出首經提臣和 訊出各情即令朱日

升會同紳士先後拏獲姜芳槐等十七犯正

法梟示蘇常一帶轉危為安不勞一師不糜

一餉其功甚大前經提臣和 先行賞給六

品功牌應請以府經縣並歸部遇缺即選

七品軍功屠錦榮訪知通逆匪徒姓名與朱日

升協力設法誘拏將姜繼松及同約之土匪

先後弋獲前經提臣和 賞給七品功牌擬

請以千總發營拔補

七品軍功周忠幫同朱日升偵探姜繼松等糾

約奸細情形並作線引路前往橫塘村密約

紳耆多人協同千總徐龍彪拏逆犯送縣

訊辦前經提臣和 賞給七品功牌擬請以

從九品歸部即選

監生管晏首先倡辦按戶出示城鄉仿行著有

成效又聯絡沿江村鎮勸令設立巡船稽查

多名又帶領勇目薛炳煒同朱日升周忠等
親赴丹陽所屬之橫塘村搜拏逆犯荆玉佩
等四名奮勇出力提請

盜賊章程詳備經理有方擬請給予國子監
賞加守備銜

典籍銜

署陽湖縣知縣賈益謙募勇巡防始終勤奮嚴

懲匪類綏靖地方官民一心輿情愛戴寔為

州縣中出色之員該員於道光二十九年災

賑案內奉

旨加通判銜此次擬請免補本班以直隸州知州儘先

升用先換頂帶

署常州中營千總徐龍彪盤獲奸匪楊阿大等

片
奏
稿

服滿副將侯攀鳳仍留江南差遣片

努
怡
跪

奏再江南水師將弁或調在焦山水營或在上海
防剿兩處分派人員業已不少是以分巡洋面
反護送沙船并派赴天津各員均經設法抽調
派往此時努標下竟無水師一員遇有事件無
可差委昨據靖江縣詳稱有前任太湖協副將
侯攀鳳丁憂服闋當即劄調來省詢係道光四
年由武舉效力水師補授千總洊升副將丁憂
回籍守制現已服闋察看該員年力強壯熟習
水師公事明白堪以留省差委查丁憂武職人
員服闋例應給咨赴部候補原不敢奏請留省
但江南現值水師差遣無人之際可否仰懇

天恩俯准將侯璣鳳仍留江南差委候補遇有相當

水師副將缺出酌量請補恭候

命下遵行等為水師三員起見除咨部外謹附片具

奏伏乞

聖鑒謹

奏

奏

稿

青浦縣守備獲謀逆從犯周茂等解首審明正法稟

咸豐四年四月二十六日附片具

奏六月初五日奉到

硃批著照所請留在江南差委遇有相當缺出先行

委署俟軍務完竣引見後再行覈授欽此

聖鑒事竊據代理青浦縣知縣章朝棟署青浦縣知

縣錢德承會同營弁委員及團練紳董先後拏

獲謀逆從犯周茂金阿和錢庭茂即錢仲王勝

楊錦庭即楊曉蔣耀沈芝雲等七名並在周茂

奴才 怡 跪

家起獲新淫巡檢司印信一顆及木戲園記等物一併解省飭發署蘇州府知府喬松年審擬由藩臬兩司詳解前來奴才親提研鞠緣錢庭茂即錢坤玉勝金阿和楊錦庭即楊號蔣耀周茂沈芝澧均籍隸青浦縣楊錦庭曹元該縣地保咸豐二年五月間聽從周立春帶同各箇鄉民王阿辛等進城求緩錢漕閱堂毆官拒捕經官兵查拏避避至三年七月回籍時有陳木金徐耀另因搶奪犯案經嘉定縣拏獲收羈木籠楊錦庭與陳木金等素好即邀已獲正法之嘉定縣人封洪及李章戴研峯往向周立春商量周立春教令糾人進城將陳木金搶出雖時周立

春探知江甯鎮江揚州尚未收復松江太倉官兵均調出防勦本地空虛起意謀逆隨邀錢庭茂蔣耀等向殷戶勒索錢洋如不依允即行殺害又在舊青浦地方設立帳房假以寬免錢漕為名煽惑附近鄉民隨殷附和每人日給飯錢五十文派錢庭茂經管勦收錢洋王勝在帳房照應楊錦庭沈芝澧管理帳目周立春另邀王慎初李少卿杜成齋王小山等及閩廣上海人數千入夥刻立三合會名目封授偽官張貼偽示於八月初間先後攻陷嘉定寶山南匯川沙等處佔踞城池復至新淫巡檢司署內搶得印信衣箱等物運至舊青浦交周茂沈芝澧收管並

兩次撲犯太倉州城俱被官兵擊退八月十五日周立春令錢庭茂為偽先鋒王勝及未獲之張煥等執旗與楊錦庭等帶人攻占青浦縣城王勝把守南門金阿和守北門楊錦庭管理銀錢旋經官兵趕到將各城次第收復掣獲首逆周立春解省審明凌遲處死並擒獲餘党多名就地正法梟示該犯等各自逃走經青浦縣掣獲解省審認不諱業無遁飾查律載謀反叛逆但同謀者不分有從皆凌遲處死等語此案錢庭茂等七犯均聽從周立春謀逆或為先鋒或隨同踞城經營銀錢自應按律問擬錢庭茂即錢坤王勝金阿和楊錦庭即楊統蔣權周茂沈

芝濠均合依謀反大逆不分首從皆凌遲處死律凌遲處死該犯等聽從謀逆罪大惡極未便稍稽顛戮才於審明後恭請

王命飭委署蘇州府知府喬松年蘇州城守營參將慶文將各犯綁赴市曹凌遲處死傳首犯事地方懸竿示衆以昭炯戒楊錦庭先犯隨同闕堂

毆官拒捕情罪較輕應歸此案從重擬結各犯家屬律應緣坐與在逃匪党一併防掣另結起獲巡檢印信給發領用木戳圖記案結銷燬除供招咨部外所有審擬緣由謹會同江蘇撫臣

許 恭摺具

奏伏乞

皇上聖鑒謹

奏

咸豐四年四月二十六日具

奏六月初五日奉到

硃批刑部知道欽此

奏

片

新運司心檢錄某碑被賊搶去印信某某子聞當辦一案

奏
治
跪

奏再新汪司巡檢鍾集祥分防地方雖並無城寨

惟守備不設以致賊匪侵入境內搶去印信例

有罪名相應請

旨將鍾集祥革職掣回一併歸案審辦謹會同江蘇

撫臣許

附片陳明伏乞

聖鑒訓示謹

奏

咸豐四年四月二十六日具

奏六月初五日奉到

硃批依議欽此

奏

稿

泰州遊擊奎喜並非潛逃一案當經

奏為已革遊擊並無潛逃情事當明定擬恭摺具

臣等謹

跪

奏仰祈

聖鑒事竊常州營遊擊熙昌當逆匪肆擾之際帶

印逃避又據泰州知州張之果稟報泰州營遊

擊奎喜深夜潛行出城等情經臣向臣楊

及前署督_臣楊 先後奏參欽奉

上諭熙昌奎喜著一併革職拏問解交向 軍營即

行正法等因欽此嗣據委員將熙昌解到訊明定

係畏賊潛逃當即遵

旨正法旋據奎喜稟稱揚州失陷泰州告警該草員

會同紳董嚴密巡防從未擅離汎地闔州團練

共見共聞並據泰州知州張之果以奎喜因揚

州失陷探得汎內沈家渡有賊船往來該草員

帶同紳董兵勇親往盤查會猝未及知會委無

逃避情事具稟檢舉經_臣向 請將張之果暫

行解任咨會_臣怡 行提人証訊供會核辦理

附片奏明在案隨經行司將奎喜提解來蘇復

據張之果申報密諭沈家渡界溝等處紳董帥

進朝等查得該村路通揚州咸豐三年二月二

十三日揚城失守有難民及湖廣船隻駛至

該村停泊伊等恐有匪船混雜知會營汎二十

四日夜奎遊擊帶同兵勇馳詣稽查彈壓各船

陸續開去奎遊擊在汎教日旋即回城並無捏

飾等情又據前署江甯布政使麟桂以張之果

督辦團練正在吃緊若令帶同各紳董赴蘇恐

於公事有礙且一時乏員接署稟請暫緩投順

張之果旋即因病出缺由代理泰州知州胡海

平查取沈家渡界溝等處紳董事職員帥進朝陳

秉鐸監生徐興嗣張酉山及總局董事國子監

學正前任安東縣訓導陳琬各供結詳送飭據
署蘇州府知府喬松年提同奎喜及隨行兵丁
陳聯魁等訊明解由署蘇州布政使何俊署江
蘇按察使吉爾杭阿會詳前來 臣 怡 親提研
鞠緣奎喜係正紅旗滿洲因始祖何和哩以都
統從征殉難得襲世管佐領咸豐元年四月揀
發江蘇補泰州營遊擊三年正月間該革員因
逆匪肆擾營兵奉調出征存城僅止三十餘名
會同泰州知州張之果延集紳董募勇六百餘
名訓練防守二月二十四日午後有所轄沈家
渡汛兵暨該處紳董報知揚州於二十三日失
守並稱沈家渡界溝汛內有難民及湖廣船多

隻在彼停泊不遵盤詰請從彈壓該革員以來
信繁急傳諭中軍守備常大鵬在城守禦自帶
兵勇倉猝出城未及向泰州知會二十五日黎
明馳抵沈家渡查明各船並無軍械禁物陸續
諭令開行復會同紳董在該處支河汊港一律
盤查至二十九日未船漸少當即回署該州張
之果先未查明即以奎喜深夜出城稟奉奏咨
革審此奎喜當日出城及張之果稟揭之原委
也 臣 怡 以該革員赴沈家渡既將船隻查明
諭令開去即應回城防守何以在汛逗遛五日
之久當時或因倉猝起程未及赴州知會此數
日內何難遣人報知况以用兵機宜而論欲查

外來可疑之船即應預商城中備禦之策亦不容不告而行難保非畏賊潛逃藉詞支飾復向嚴詰據供沈家渡係由揚至泰門戶並通興化東臺水陸要隘皆該革員統轄之地其時揚州避難民船紛紛駛至誠恐賊船混跡不得不督同紳董逐日在彼盤查一以堵賊來路一以安慰民心該處距揚州較泰州城內尤近其毋與賊相迎身處危地何必藉延伊尚有七旬老母迎養在署並無兄弟妻室固不敢棄城不顧亦不忍棄母而逃至同城文武因公出境原應彼此閱會時因軍情緊迫城中幸尚無事沈家渡係本境沉地為一州屏障較州城尤為吃重是

以趕緊前往自以為踪跡甚明知州必有所聞不暇熟思審處至回城後始行條細移知分蒙指詰自知粗率惟求詳察等語質之兵丁陳聯魁等各供無異查核張之棠檢舉各票及紳董帥進朝等供結亦與所供相符合無遁飾等語會查該革員奎喜赴所轄沈家渡扼要地方稽查彈壓係屬分內應辦之事紳董兵丁供証確鑿與熙昌之捏報公出顯然避匿青情節懸殊若概置典刑未免情輕法重第其時逆燄方張該革員黃夜出城既不面商該州預籌接應備禦之計又不告以所往俾安在城士庶之心實屬措置乖方舉止輕忽未便因其所轄之地並

未被匪徒擾稍事姑息相應請

旨伏乞

旨將已革泰州營遊擊奎喜發往軍台効力贖罪以

皇上聖鑒訓示謹

示懲儆據該革員供稱並無兄弟妻室其母那

奏

佳氏現年七十一歲係屬親老丁單可否准其

咸豐四年五月十二日具

留養例無專條臣等未敢擅便聲明恭候

奏六月十九日奉到

欽定如蒙

殊批刑部議奏欽此副於九月初六日准

允准俟

欽差大臣向 咨准

命下之日由該旂確查取結與所遺世職一併照例

刑部咨於咸豐四年六月十七日議奏本日奉

辦理泰州知州張之霖稟報失定旋據兩次查

林批奎喜著准其留養欽此

明檢舉且已病故應毋庸議兵丁陳聯魁等飭

令歸伍當差除供招咨部外所有密擬緣由是

否有當謹合詞具奏請

奏片稿

揀發知府色克通阿委令護理蘇松道

奏并兼護蘇松道署蘇州府知府喬松年已據稟

臣許 跪

報丁屢所有糧道一缺現在辦理海運一切事

宜甚為緊要應即委負接署以專責成查有揀

發知府色克通阿堪以委令護理除會檄飭遵

外謹合詞附片具

奏伏乞

聖鑒謹

奏

咸豐四年五月十二日具

奏六月十九日奉到

硃批知道了欽此

奏稿 准北奏 五新綱請減慈課

奏為淮北引鹽銷路維艱取措拮据請減代納准

南懸課以利新綱仰祈

聖鑒事竊查淮北歷綱票鹽向係預於年前開辦所
有中寅年應徵全以綱新課節經札催海州分
司遵照成案趕緊籌議開局收稅以濟餉需嗣

據魚署運司郭沛霖詳據海州分司運判許惇
詩稟稱淮北近日售價日疲銷市日蹙皖省警
報頻聞淮此一帶節有土匪把持懸派自懷遠
至正陽關尤為匪徒淵藪商販莫不信陽為莊
此暢岸向來每年可行鹽十餘萬引現已片引
不行近聞廬郡失守正陽關居民紛紛遷徙湖
販更加畏沮本年正月三旬西堤並未售鹽更
兼三河堤未堵鹽須陸運上載盤駁費重並開
浮山口三十里河均已全涸以致懷遠以下之
湖販亦復畏累不敢運鹽通計積盈積引多至
一綱有餘即使運道拮据滿清亦不能數月中
銷足一綱之盈票販祇有一副資本且鐵路多

阻借貸無門開辦新網實屬無可措手現在西
堪賣價每色僅售七錢數分核計成本每色虧
銀二錢有奇每引即虧銀八錢有奇新網科則
若仍照舊徵收是難之顧慮之地強令完納人
情不順何以招徠體察情形斷非減輕成本不
可而成本內如正稅雜課未敢擬減其餘經費
先已減去八分賦費先已減去一錢現均不敷
支用實難再減惟有代納准南縣引課銀一數
每引徵銀六錢九分三厘二毫原案曾經聲
明准此稍帶即當議停今准南業已改革本無
難引名目准此疲帶至於此極高難再令代納
即使儘數減免每色輕本銀一錢有奇高處不

敷擬請在於場商應得益價每引六錢內減銀
一錢再減河費一分以符每引減輕八錢有奇
之數等情即經督以准此久逾開網之期自應
亟籌開辦當此庫儲支絀之時未便遞議減課
迭飭運司并運劉海州分司就日前情形會減
課而外有無變通善策趕緊籌議速開新網一
面咨商安徽撫自福 就近查明安徽現在情
形究竟有無窒礙並以後新網事宜是否由督
主稿會核辦理以免臨時往返咨商致稽時日
即日咨覆去後茲據兼署運司郭沛霖詳據海
州分司運判許博詩稟理原甲寅年間辦發且
新網實因益壘資竭此取辦運維艱萬難仍照

上綱科則完納在淮北向有先益後課之案現
在售價不敷即子緩納票販亦不敢領運若官
為保導引數無多且亦無此庫款籌墊水脚若
議展以開綱讓出地步緩謂可以補救然數月
之後若銷市仍滯彼時再議變通更恐遲誤除
減課之外實無別法淮此正雜各課有開造報
無從議減惟代納淮南懸引一款向不入淮北
奏銷上年戶部籌撥淮此並課案內曾奉奏明
現在淮南課款尚未辦有頭緒自可毋庸淮此
協貼且查從前加納懸引之案係奏明試行五
年即行停止今淮此廠歇已極北收實未能再
代南商納無益之課與其引課虛懸而此兩誤

似宜將此項懸引暫停以保全局等情經該
署運司郭沛霖體察情形悉心核議所稟係屬
實情應請將甲寅年間辦發且新綱代納淮南
懸引一款全行停納經費向納四錢庚戌以後
減徵不一本綱減徵八分並另將場商應得益
價六錢內減去一錢仍於原綱外辦徵及之河
費內減徵一分以紓販情而維釐局等情前來
並准安徽撫臣福 咨覆請代納懸引誠恐
該分司意存要挾應俟運司覆到再行定見此
後奏咨一切案件應由督主稿會辦未便往返
咨商致稽時日恐有貽誤等因 咨核該撫署
運司所擬減徵課銀實緣補救廠綱慎重課項

起見無非於時艱法故之餘求高課兩全之策
體察情形實亦未敢拘泥遲延致誤開局事宜

正在繕摺會奏間復准河督楊 函稱據

該分司函稟前情非減納課銀新網實難開辦

察核尚係實情等因理合據詳顯懇

恩施俯念准此銷路較前懸殊敗情十分踴躍准時

代納淮南懸引課銀暫行停納其餘擬咸外辦

各款一律照減以便迅飭海州分司曉諭新舊

各敗照額全認並令實力疏銷堪蓋耗納新課

以濟餉需一俟道路稍通堪償銷市日起仍令

照舊代納或即按引提運當隨時相機咨會辦

理所有准此銷路維艱敗情懇望請減代納准

南懸引課銀緣由謹會同安徽巡撫臣福 江
南河道總督臣楊 合詞恭摺具

奏伏乞

皇上聖鑒勅部速議施行謹

奏

咸豐四年五月十二日具

奏六月十九日奉

硃批戶部速議具奏欽此六月二十五日准

戶部咨懸課未便核准應令嚴督實力妥辦

奏片稿

奏部議御史王崧奏賑濟商民案

奏再案准部議御史王崧奏賑濟商民案
本一節欲濟急需則免稅捐後度支充裕再行
發給等語所陳不為無見應責成各直省督撫
藩司益政等體察情形通盤酌議奏明辦理等
因即經前署督臣楊 札飭運司酌議詳候

奏辦在案今據署鹽運司郭沛霖詳稱查部議原
奏均極籌畫周匝惟各處情形不同未能一律
辦理所有淮南商人承領

帑項為數較多且該銀之本商久已消乏故絕近
數十年均係後商空賠無本之利此時實為無
從追提至

帑利銀兩現在淮南係權辦就場徵課
奏明只徵正課經費兩項至於
帑利並未列徵應統俟江路肅清商人照舊運鹽
再行體察情形通盤籌辦等情具詳請奏前來
等因 覆嚴無異理合附片陳明伏乞

聖鑒謹

奏

咸豐四年五月十二日具

奏六月十九日奉

硃批戶部知道欽此

奴才
怡 跪

奏再江蘇安徽兩省各標營額設軍裝器械船隻
馬匹錢糧等項例應每年於年終委員分往盤
查造具冊結由各藩司彙核詳請保

題一次前屆咸豐三年分應行委盤之期因粵匪
滋擾江甯鎮江等處尚未克復江蘇安徽各營
官兵多有徵調防剿軍裝器械俱經帶往防所
一時未能委盤當經咨部展緩俟軍務告竣再
行察辦茲准部覆以事關具題未便據咨率准
咨令奏明辦理等因移咨前來等為此附片具

陳伏乞

聖鑒勅部查照施行謹

奏

咸豐四年五月十二日具

奏六月十九日奉到

硃批戶部知道欽此

奏稿

江蘇巡撫李鴻章奏請建免刑部

奏為江路梗阻淮南片引不行未能依限如額造

報奏銷仰祈

聖鑒事竊督接准戶部咨淮南鹽務試辦就場徵課

請暫停二八月奏銷一摺奉令依限造報如

額徵收奉

昔依議欽此等因當經飭司運蘇忠履蘇謙忠著運

司郭沛霖詳稱上年粵賊竄陷金陵蘇揚三郡

淮南片引不行當將王于新綱奏銷限期展復

軍務告竣再行開辦詳請奏令

殊批著俟江省軍務稍定即行起辦戶部知道欽此

欽遵在案嗣因三郡久稽克復不得已議行就

場徵課之法繞道浙監引地由溧陽之東垠出

江原望江路可通為得尺則尺之計不過於無

可如何之時極思補救其時淮南展限開網已

奏奉

諭旨無庸辦理奏銷又湖廣江西等省均借倉部並

淮南額引業已離析破碎亦無從辦理奏銷是

以初次具詳之時應否奏銷一層漏未聲請惟

係暫為試行未能確有把握當經據實聲請如

行之不便不難停止

奏明在案乃甫經詳奏之後旋聞蕪湖安慶九江

黃州漢陽等處相繼失陷該費商販開風遠遁

蹙局勢不可為即於奉到部覆時時未能依限

如額造報情形據實詳

奏然猶其賊氛漸遠銷路或可漸通仍一面設法

招徠委員倡導詎意數月以來蕪湖以上江路

仍然梗塞烽烟滿地監市不行委員既不得載

藍出江即無從銷售徘徊東垠日復一日坐倉

耗資大虧成本商販更因之裹足獨有流離僅

存之舊商十餘人難任避匿即經委員傳提認
辦不及額計十分之一而各商復以兵燹餘生
家資罄盡蕪之蕪無銷路課無來源紛紛呈訴
追比數月核計僅止四萬兩有奇以後徵輸更
屬日難一日此辦理就場徵課萬分竭蹶之實
在情形也今奉部議飭即依限如額造報等因
在部中綜理度支原以課額有常造報亦有限
期不容稍違定制顧江路不通磋商總難措手
若猶緘默不言將來短課尤鉅獲答甚重在淮
南二十場雖稱完善第係產蕪之區並非銷蕪
之地况灶丁數十萬專借蕪蕪為生今則場商
無資收蕪灶戶失業正籌撫卹之方實無轉輸

之策至謂揚郡徵收相繼收復引蕪夫可暢行
不知揚儀沿江一帶如瓜洲老河等處盜賊
充斥如改途上更不可問安徽一帶大江中阻
引蕪何由暢售且湖北請食川蕪湖南請食粵
蕪江西請食閩浙之蕪皆奉部准行此款若如
何運銷徵納兩非無從查覈若初將湖北等省
售銷之數統歸淮南造報則上年辦理未能盡
一人全非運司經手難於合算數目若舍此款
者專責淮南如額造報則淮南引地大半分屬
鄰省人何以符造報原額數目所有就場徵課
一案雖經徵收四萬餘兩皆由認運勒限追繳
並非因暢銷而得此時江路仍屬梗阻實在未

能遵照部議依限如額進報惟看據實詳請將
淮南壬子新綱仍遵前奉

諭旨一俟江省軍務稍定即行趕辦至此就場徵

課並非開辦新綱仍舊徵借解免照例奏

銷其東堪運鹽一節現因該處流賊氛久係

浙引地界倡導之鹽既難銷售若不預為防禁

轉恐奸細混跡接濟賊倉應請即行停止查此

次科則之輕為淮南從來未有原與大減成

本指俟商販而江路尚有逆匪賊仍不至實無

辦法其舊商所認之引雖為數無多且實有無

力完繳之商惟業已派認未便中報自應仍照

現行科則源源催進鈔課俟運道稍通時再令

捆運不准以鹽無銷路課無來源藉口仍將完

納之數按兩月一次報部以憑查考等情據此

督復加察核係屬實在情形除仍飭該道署運

司再行博訪查核如有可以補救之策隨時詳

辦並飭將已經具認之各舊商應完銀兩加緊

嚴追如有藉延之商詳請嚴辦外合無仰懇

恩施俯念江路梗阻片引不行准將淮南壬子新綱

就場徵課避免照例奏銷其東堪運鹽即行傳

止至舊商派認之引課仍舊徵借所納之數

按兩月一次報部查考所有淮南未能依限如

額奏銷緣由理合恭摺具

奏伏乞

皇上聖鑒敕部議覆施行謹

奏

咸豐四年五月十二日具

奏六月十九日奉

硃批戶部議其奏欽此六月二十五日准

戶部咨如所奏准其停免奏銷仍按兩月奏報

就湯徵認銀數

奏片稿
奏佛鎮展緩給咨赴部

奏再前准部咨內閣奉

上諭江西九江鎮總兵佛隆著來京交兵部帶領引

見九江鎮總兵著居隆阿補授欽此行文給咨佛

隆赴部引

見等因前來當查九江鎮總兵佛隆經前撫臣張芾

拏怡 跪

訪聞膽氣甚怯近亦患病委員查覆寸其未見
開展於九江地方情形辦理不甚得力

便佛隆交郵給咨赴部理合附片陳明伏乞
聖鑒謹

奏奉

奏

上諭佛隆著來京交兵部帶領引見等因欽此據准

咸豐四年五月十二日具

部咨行令給咨赴部自應飭令交部起程即經

奏六月十九日奉到

咨會江西撫臣就近委員接署去後茲准江西

殊批著兵部迅飭該總兵速赴新任欽此

撫臣陳 咨覆查江西鎮協標營副各員

或因調派他往或因本處防堵緊要未便更易

現在九江鎮一缺寔屬乏員接署所有佛隆應

俟新任若隆阿到任再令交部請咨赴部咨覆

查照等因等覆查無異相應請

旨飭下兵部催令新任九江鎮若隆阿迅速赴任以

奏稿 江蘇學政閣防未能黃顧

怡 跪

奏為學政閣防未能黃顧恭摺奏祈

聖鑒事竊准江蘇學臣何桂清咨開欽奉

上諭補授倉場侍郎應即交卸起程赴任新任學臣

列任需時所有

欽頒江蘇學政閣防現經

奏明暫交兩江督臣怡 接理於五月二十七日

委員咨送前來等因現值軍務倥傯未遑黃顧至

省城司道各員亦有經手軍需倉務及本衙門

事件難以委令代理伏查江蘇學政前因各處

軍務尚未出棚按試公亭甚簡計新任學臣奎

章到任當亦不遠其有應行考驗等事亦可歸

於新學政抵任後再行辦理除飭蘇州藩司將

送列江蘇學政閣防暫行儲庫俟新任學臣到

省再行移送外理合會同江蘇巡撫臣許

恭摺具

奏伏乞

皇上聖鑒謹

奏

咸豐四年六月初四日具

奏七月初十日奉到

硃批知道了欽此

奏

稿

委員會送安徽學政閱附片

臣 怡 跪

奏再安徽太平府城失守隨即收復學臣孫銘恩

尚無下落緣由業經向

奏在案旋據孫銘恩家丁楊瑞等赴向大營稟

稱四月二十八日賊窺入城守主衣冠并坐大

堂賊眾蜂擁入署隨吞金罵賊不屈身受刀傷

被賊眾綑縛同家丁范源一同拖帶上船身等

力薄不能追救潛往江干探聽遙見家主投江

賊眾紛擾不敢上前不識屍身何處所有學政

聞防懷出呈繳等情經向

送來蘇由學臣怡

任安徽學臣沈

將學政聞防委員費送接收並准學臣沈

咨報於五月二十八日在蘇州接印由浙取道

先至徽州府考棚暫駐各等情前來所有前任

安徽學臣孫銘恩據報被擄不屈投江身死應

由安徽撫臣確查另行具奏請即謹會同

欽差大臣向附片陳明伏乞

聖鑒謹

奏

咸豐四年六月初四日具

奏七月初十日奉到

硃批知道了欽此

奏

稿 查明上年運庫收支銀數

奏 怡 跪

奏為查明上年運庫收支銀數日仰祈

聖鑒事竊據蘇省兩淮鹽運使郭沛霖詳稱運查五

子綱准此奏銷應自上年造報後自成豐三年

正月起到至十二月為止截數造報惟查上年

五月初四日著到任以前業據海州分司東

解運庫銀二十四萬三千一百五十九兩七錢

係前運司劉良勳任內經收其解應何項皆據

劉前司覆稱查至子綱北課據海州分司陸續

解到銀二十四萬三千一百五十九兩七錢連

南課積存之四萬餘兩原係留為彙齊造報以

解應撥款之常通上年春間

奏撥揚州軍需籌辦保衛局經費發商捐儀服

揚州兩處防堵並場短鈎獲夫役等嗣刻各州

在在急需不得不權為濟應共借動庫存銀二

十五萬八千四百餘兩截至上年二月二十日

僅存現銀二萬五千餘兩援案移寄泰州分司

衙門收存續經前漕督臣楊 札提軍營用

完所有海關分司解交運庫壬子綱此銀二
計四萬三千餘兩即在前項借動庫存二十五
萬八千四百餘兩數內其中如防堵經費開創
等銀或因賦流過迫遇事籌防或因民灶飢寒
量加撫輯均經詳明前督陸 照案暫行
動墊一俟軍務告竣商販照舊運鹽即可分別
按引扣還不致無著以上計於此銀內動銀二
十四萬一千四百餘銀一千七百五十九兩
七錢係在移寄秦州分司衛州收存二萬五千
餘兩之內等因前來伏查淮北崇課內有化納
淮南總引及協貼課等項並非全應造報
奏銷正課除前司任內墊發南商公捐儀邑防堵

經費銀三萬兩又墊發南商公捐揚州防堵經
費銀四萬兩又借給鹽泰兩局商調劑銀四
萬五千兩又借發秦垣鈞價調劑銀六千兩又
候補大校別汝斌練夏經費銀四百兩共銀十
二萬一千四百兩既經前司查明一時移緩
就急權為濟應一俟軍務告竣商販照舊運鹽
即當按引扣還不致無著應嚴飭該監掣分司
與官等分別籌議擬道將來彙歸淮北協貼淮
南案內核辦實計劃前司任內解過前督督
楊 提用防堵軍需銀十二萬一千七百五
十九兩七錢係屬淮北正款內十二萬兩係專
案解交一千七百五十九兩七錢係在寄存泰

州分司衙門二萬五千餘兩內奉提一萬八千
兩數內查送解軍需銀兩應行作正開銷是以
撥入

奏銷浩報案州書司任內續收續解准此此課分
別造具冊揭另詳

題報等情據此覆核無異所有查明上年運解

收支此課銀數謹會同委辦巡撫福 江南

河道總督楊 合詞恭摺具

奏伏乞

皇上聖鑒敕部查覈施行謹

奏

咸豐四年六月十四日具

奏七月初十日奉到

硃批戶部查覈具奏欽此閏七月初三日准

戶部將收支南課數目查報

奏片稿

清吏正魏場征課並片開辦壬子新綱

拏怡跪

奏片查前奏淮南壬子新綱仍遵前奏

翁旨一俟江省軍務稍定即行趕辦至此就場徵

課並非開辦新綱現因江路梗阻片引不行仍

懇儘徵儘解免照例奏銷東棋運監即行停

止一摺內叙仰懇

恩施俯念江路梗阻片引不行准將淮南壬子新綱

就場徵課邀免照例奏銷等語拏伏查壬子並

未開綱緣由摺內已照案陳明緣署運司郭沛

霖詳以摺尾叙有壬子新綱四字竊恐部臣以

為壬子已開新綱請附奏更正等情理合附片

陳明伏乞

聖鑒敕部查核施行謹

奏

咸豐四年六月初四日具

奏七月初十日奉到

硃批戶部知道欽此

奏

稿

壬子綱淮北引課合額造報

等
怡
晚

奏為壬子綱淮北奏銷藍課合額造報恭摺奏

聞仰祈

聖鑒事竊據兼署兩淮藍運使郭沛霖詳稱遵查淮

北錢糧前於辛卯綱起改行票藍經前督臣陶

澍奏明年底核算造報奏銷嗣因票藍試行有

效又奉

奏明將湖運暢岸一律推廣辦理如有多運即以

融代江運之不足將科則復還舊制每引徵銀

一兩五分零自辛卯至辛亥綱止均於各該年

年底截數造報道光三十年淮南亦改行票前

督臣陸 奏明將留商認運之江運八岸及

天長六縣統歸淮北票販運行各在案茲壬子

綱淮北藍課錢糧於咸豐三年屆應造報奏銷

之期查淮北綱食各岸共額藍二十九萬六千

九百八十二引計額徵入

奏正襟錢糧銀二十九萬四千六百五十八兩一

錢一分三厘又不入

奏經費引費等銀一萬六千四百六十七兩六錢
 一分四厘共該徵完銀三十一萬一千二百二
 十五兩七錢二分七厘業於票蓋引內徵收足
 額至運蓋引數壬子綱綱食各岸額引共該二
 十九萬六千九百八十二引查上年票販請運
 三十三萬五千七百七十引官運二萬四千引
 書院經費一千引皖省借撥十萬引委員相運
 新闢功蓋存堪應販一千一百三十引青口醃
 切食蓋八十引二百斤以上總共請運票蓋四
 十六萬一千九百八十引一百斤內除壬子綱
 應行造報正額二十九萬六千九百八十二引
 外仍溢請蓋十六萬四千九百九十八引一百

斤其溢完銀兩仍遵

奏案同另徵襟課及餘存經費一併歸入協貼准

南案內另案辦理等情據此等覆核無異所有

壬子綱准北蓋課合額造報緣由理合會同安

徽巡撫臣福 江南河道總督臣楊 合詞

恭摺具

奏伏乞

皇上聖鑒敕部查核施行謹

奏

咸豐四年六月初四日具

奏七月初十日奉

硃批戶部查議具奏欽此八月十五日准

戶部會令照例奏銷外將貼補淮南銀六十七萬八千八百餘兩先行造冊報部

片奏稿

蘇州織造應辦大運緞網等項籌款織辦

怡 跪

奏再等前兼署蘇州織造任內具奏大運緞綢等

項應請暫緩俟軍務稍定藩庫有款再為織辦

一摺奉

硃批此項緞綢實為內務府必用之物並非可緩宮

中每歲終用度儘可節減惟外藩賞項所用實多

現已屢將庫存別項抵用數次後必更無所辦汝

等外邊實不能深悉內府用度然藩庫無款亦係

實情又不能暫行緩辦著設法變通先解一半或

少半分以濟急需欽此當經恭錄移咨新任織造

文一體欽遵嗣與文屢次晤面熟商織辦

總以無誤

賞項庶可仰慰

聖懷查此項大運緞綢等件每年織造衙門織辦時

均照案移咨蘇州藩庫提項發辦現在藩庫極

形支絀早在

洞鑒之中而外藩

賞項所需才實未深悉仰荷

宸恩明晰批示何敢稍存推諉致有貽悞缺之虞

每於蘇藩司來見之時令其於庫款內設法抽

提分起移解織造衙門趕緊購料開工織辦其

藩庫未能如額提用之處亦與文商酌即在

濟豐關庫徵存稅銀內隨時提撥兩庫設法變

通辦理以應要需現在詢之文據稱已將

上用緞錦線綉官用緞紗綾綢絲葛布線等件遵照

來文業已開工趕辦約計九十月間可以脩齊

運解赴京斷不遲誤合將遵

旨織辦緣由會同蘇州織造杼文 先行附片覆

奏伏乞

聖鑒至將來辦成後運解赴京及報銷等事仍由文

。辦理合併陳明謹

奏

咸豐四年六月初四日具

奏本年七月初十日奉

硃批知道了欽此

片
奏稿
咨提許豐關稅銀撥用片

奏
怡
跪

奏再江蘇各處軍營需餉甚繁自應預籌協濟當

由蘇州藩司咨明泲墅關將逐月徵存關稅動

撥銀二萬兩解司湊撥茲准該關如數委解並

據該藩司詳報免收儲庫另行撥用呈請具

奏前來除咨戶部查照外理合附片具

奏伏乞

聖鑒謹

奏

咸豐四年六月初四日附片具

奏咸豐四年七月初十日奉到

硃批知道了欽此

奏
稿

奏
怡
跪

奏為味酋赴崑山謁見辦理情形恭摺密奏仰祈

聖鑒事竊前據蘇松太道吳健彰稟報亞美理駕

合眾國即味喇啞酋麥蓮駕坐火輪兵船二

隻乘至上海懇求接見投遞照會後即赴甯波

鎮江查看等情當經咨行防範奏蒙

聖鑒在案嗣據丹徒上元六合江浦當塗等縣稟報

該夷船先後駛赴鎮江江甯和州蕪湖等處江

面回至焦山寄旋由鎮江水營遞來照會請

前往會晤以長江非各國通商海口夷船不

應在彼逗遛該酋如欲面遞國書應照上年馬

沙利之案速回上海聽候吳健彰帶赴崑山進

見照去後該酋旋即遵照折回換坐內地船

隻經吳健彰督同松江府海防同知藍蔚雯於

五月二十五日伴送抵崑帶同在蘇年久熟

悉情形之署蘇州府知府平翰於二十四日自

蘇啓程亦於二十五日到彼次日在崑山公所

會集各官傳該酋進謁該酋執禮尚恭極稱蒙

大皇帝天恩准在五口通商復沾利益近年江路不

通商本虧折擬請奏懇

恩施准其赴洋子江一帶貿易所有入江貨物伊等

自能保護倘不蒙代奏祇得徑赴天津等語

諭以五口通商條約係道光二十四年間欽奉

諭旨批准中外臣民皆應永遠恪遵且條約載明嗣後

各國不得遣員到來另有異議今所請與原約

不符難以入

告至天津地方因粵匪竄至直隸邊界該處民人

眾志成城同仇敵愾團練不下十餘萬人逆匪

屢次覬覦未能得志設募船貿然前往恐民間

懷疑或加傷碍與官府無涉直隸總督無管理

度務之責未必准其謁見該首雖赴天津亦屬
無益近來北路軍情屢獲全勝河北敗寇之賊
業已悉數殲除不難次第蕩平一俟江而肅清
商務自有起色毋庸另議更張該首聲稱亦知
中華軍務未平是以不敢即赴天津致煩

聖慮但條約載十二年後准予酌量變通現在為期

不遠即如上海稅關改設吳淞已與舊章不同
諸多未便伊係該國全權大臣可以便宜行事
若江省因閱碍舊約不能主張即請奏明

欽派重權大臣前來以便面交國書酌定議
以條約內載所有貿易及海面各款恐不無稍
有變通應俟十二年後公平酌辦既云海面各

款則江河陸路斷不在內既云稍有變通則不
過在五口之中因時制宜畧為斟酌必非大有
更改况五口之外不准一船駛入別港如有違
犯禁令者應將船隻貨物俱歸中國入官當時
定有專條極為明晰至吳淞新關因上海軍興
暫行移設並非重徵不日收復城池即可悉仍

舊制如茅商確有為難之處不妨與江海關兼
公安商

天朝制度

君尊臣卑從無全權臣于廣東

欽差大臣管理各國事務即屬

欽派大臣未便另行續請該首固執前說
以信

表再四開導自己至西閱五時之久該商不復
置辯一味懇求旋因日暮辭去二十七日送到
國書副本一件與馬沙利上年所遞國書畧同
並無求赴洋子江貿易之語又交出收會一件
詞句糾纏字義謬舛大致與所言無異惟添出
如蒙奏准自當襄助中華削平反側否則奏明
本國自行設法辦理有不盡已道之處答在華
官亦請將上海新闢林盤等語併伏恩味弟平
日尚稱恭順此次乘間要求雖有助順之言斷
難憑信該商倡議于前喚師諸事恐將致尤于
後長江天塹使他族寔偏處此必致貽患將來
惟近日上海喉舌屢與兵勇尋衅江甯逆匪又

有竄擾東境之誑不能掩人耳目該商所請既
不允為轉奏若併不許為轉咨未免操之過急
倘或徑赴長江逞其詭譎轉覺控取為難等再
四籌思惟有欽遵上年馬沙利案內
諭旨飭令回粵聽候葉名琛查辦假以時日藉作竊
廉仍飭吳健彰速將上海商稅事宜從長計議
妥為辦理勿致各商有所藉口如粵東紅單船
迅速到江鎮江江甯瓜洲上海越期收復則商
賈通行該商自無可置喙矣除備文照覆並面
諭吳健彰等將該商帶赴上海令其赴粵聽候
欽差大臣查辦一面抄錄將會等件同國書副本咨
送葉名琛酌辦外等即于二十九日帶同平翰

回蘇所有辦理情形理合恭摺捷定密奏並照
錄國書副本該書照會及
外照文稿恭呈

御覽伏乞

皇上聖鑒訓示謹

奏

咸豐四年六月初六日具

奏 七月初二日奉

硃批另有旨欽此同日奉到咸豐四年六月二十日奉

上諭前因喫首在上海任意要挾許乃釗辦理軟弱

當降旨交葉 轉諭廣東夷首責成約令各口

夷商不得駛入內地茲據怡 奏味苗來運勒畢

啞在崑山謁見該督呈進國書照會堅執十二年

更通成約之說欲往揚子江貿易並藉口上海稅

關改設吳淞欲請拆毀其照會內所求各情節皆

係伊國夷書所無且有措詞倨傲之處怡 所給

照會被理照夷尚不至如許乃釗之失休惟各國

通商事宜向歸兩廣總督專辦怡 既將該夷國

書照會等件抄錄咨送葉 酌辦即著飭令該

商迅由崑山起程前往廣東不得恣意逗遛致稽

查辦葉 務當堅持成約嚴詞曉諭杜其奸萌

本日據許乃釗奏上海逆匪及英首近日情形辦

理愈形荒謬並稱與該首約期相見果於中華有

益不敢稍存成見是其意中早存一遷就之心該

撫業經革職設或妄應夷首受其愚弄著怡 旨

正言拒絕毋為謬論所惑並著令其前赴

廣東聽候葉

查辦吉

所即督兵進攻

迅圖克復上海勿再遷延紅單般船陸續已抵吳

淞即著吉

飛催前進並知照琦向酌

量調遣至湖南防兵及塔齊布等出境赴剿之兵

需餉孔亟據駱秉章奏稱藩庫支絀地方凋敝情

形亦係寔情鄰近省分惟川廣尚稱完善著葉

於無論何款項下迅速籌撥銀數萬兩妥為解

往勿致遲悞要需怡摺許乃釗片均著抄給閱

看將此由六百里各諭令知之欽此

奏片稿

粵
怡
跪

奏再嘆咭喇夷酋包齡即色珍駕生火輪船於五

月十三日來至上海囑吳健彰向粵道達敬佩

之忱旋據水營鎮將及丹徒等縣稟報有嘆咭

喇火輪船駛赴江甯鎮江停泊現在又據吳健

彰具稟接准嘆夷領事阿利國照會內稱該國

公使色齡欵與^粵相見有事面議等情該酋或

因麥蓮進謁故亦以一見為榮或不知麥蓮與

粵面言何事欵來探聽或竟與麥蓮私相勾串

別有要求均未可定伏思各國夷酋原應一視

同仁無分厚薄惟麥蓮馬沙利均以面遞國書

為詞是以查照條約准令吳健彰帶回進見所

議之事仍咨廣東

欽差大臣查辦以符定制今色齡並未帶國書僅

令領事代為請見不特無此体制且條約內亦

無兩江總督與各國公使議事之說自難准行

除批飭吳健彰妥為開導并飛飭沿江文武及

鎮江水營鎮將一體鎮靜防範外謹附片陳明

伏乞

聖鑒謹

奏

咸豐四年六月初六日具

奏 七月初二日奉

硃批知道了欽此

奏稿

奏奏歷次解過水營火藥銀九數目

臣怡

跪

奏為恭摺奏仰祈

聖鑒事竊臣等於六月十三日承准軍機大臣字寄

咸豐四年六月初二日奉

上諭前因江南焦山水營需用藥鉛令由江蘇總局

豫備接濟據怡等前奏僅於二月間解運七千

斤其餘咨漕河兩標贖買備用嗣因江北地漕各款供撥瑋大營軍餉無款可提該督等復奏請於司庫動項分飭近省各營製造即應趕緊購備隨時起解乃本日瑋奏水師情形有所需火藥礮子為數較多該督撫未能應付等語水師軍餉火藥等項向由江南撥給况目下阻截江面賊匪全賴舟師廣東所調紅單等船亦將次陸續入江更應寬為籌備怡等職任疆圉於江省辦賊事務均有責成乃餉需一項怡等前次奏報既以淮揚徐海各屬地丁錢糧及鹽關課稅銀兩業經撥解該大臣軍營不能分濟師船已屬不顧全局而於應用火藥亦復不肯籌撥豈因瑋有

節制水陸各營之旨有心推諉令其掣肘且屢次陳奏皆以供應金陵鎮江上海等處為詞顯欲以瓜揚一帶專付之該大臣試問藥餉未能湊手萬一舟師潰散致逆賊從下游江口乘間闖入上游陸路官兵豈能於水次逆為堵截據琦奏現在該大臣營內火藥均係自買硝磺派員監造斷不

及再撥水營自係實在情形著怡 許 督飭署藩司何俊查明從前動款購買之硝磺現飭近省各營製造若干已經解局若干即行儘數提撥迅速派委員弁解往應用不得區分畛域有誤急需亦不准局員託故遷延致干罪戾將此由六百里加緊諭令知之欽此當即恭錄咨行一體欽遵

在案伏查上年春間設立焦山水營以來所需火藥鉛丸銃彈由蘇州總局常州分局隨時解往接濟業已不少本年二月以前水師鎮將亦曾屢督舟師艇船進剿未嘗以藥餉缺少為詞迨奉

旨令琦 節制水營之後奏據咨稱水師所需藥彈

必應寬為豫備且等即飭局將存備火藥礮彈鉛丸羣子儘數分批解往茲飭隨造隨解以資接濟自本年二月十五日起至六月初十日止先後由蘇局解道水營火藥一萬五千斤礮彈鉛丸羣子五萬二千餘斤均局中委員解赴水營糧台存儲聽候隨時提用是接到文稟隨即

起解並未稍有耽擱嗣准兩廣督日咨會紅單船五十隻已於二月杪先後放洋亦即飭局趕備藥彈接濟因蘇局尚須接濟各營恐一時趕造不及立飛飭徐州道派員赴河南省採辦淨硝十萬斤以五萬斤飭在徐州趕造火藥解濟焦山水營以五萬斤解蘇發局造藥接濟金陵鎮江上海等營之用旋據徐州道稟報業已造就火藥二萬斤於五月初一日委員自徐州起程解赴水營糧臺應用計本年末及半年已解過水營火藥三萬五千斤與上年九閱月所解之數相等現尚飭令趕造續解以期無誤要需至軍餉一節本年解過水營餉項共八萬兩緣

蘇省現在情形祇有蘇常兩府稍稱完善以十八廳縣有限之菁華供金陵鎮江焦山上海各營之鉅款入不敷出久在

聖明洞鑒之中况徵收不旺捐輸鮮應多方籌畫實已力盡筋疲因此各營均有欠發之款惟其均有欠款是以過有進項不得不均勻分撥俾免

向隅寔因支持一年有餘銀錢末路甚緩支發者應接不暇非有意揆延也且等仰祈

鴻恩再以前所重任無論江南江北皆在統轄之內豈能改視時盼掃蕩賊氛廓清疆宇總期顧全大局為主且琦自二月初間奉

旨節制江南水師五閱月以來已據水營鎮將稟報

於五月二十八日六月初二日兩獲勝仗均生擒逆匪奪獲逆船多隻並斬逆匪攔江木排數次是琦之威望足以威服水師始能如此用命且等接閱稟報方深欣幸斷不敢稍存推諉令其掣肘致有藉口現在廣東紅單船五十隻已據報六月初八日由吳淞口駛入內江不日可達焦山所有火藥彈丸已飭趕緊解濟其由粵稍解紅單船口線經費如道遠未能按時解到亦當飭司設法那款先為墊發豈不致遲誤致原

吳良玉琦 揚州軍餉目怡 前已札飭運司將所收淮南各場折價及運商所繳鹽課解往濟用

本年以來共已解過銀五萬五千三百餘兩現仍飭隨收隨即解交其江北之淮揚徐三府海通二州所屬應徵地漕等款銀兩均由河督臣楊 遵

旨隨時催解揚州軍營濟用合將歷次所解水營火藥數目及現仍趕籌接濟情形恭摺奏伏乞

皇上聖鑒謹

奏 咸豐四年六月十六日四百里具

奏七月初九日奉列

硃批覽欽此

奏稿

六合縣

城隍
大神懇

加封

奏為六合縣

城隍

大神靈異屢昭恭摺奏懇

加封

賜額以答



神麻祈祈

聖鑒事竊據署江甯布政使何俊詳據江甯府轉據

六合縣詳稱城廂內外向立城隍大神廟宇凡

遇水旱火災祈禱無不立驗咸豐三年四月初

八日賊匪大股由浦口直撲縣城該縣官紳竭

力堵禦勇少兵單極形危險是晚遣赴賊驛之

三舖民房甫經縱火眾屋俱焚被燬之賊身雖

焦爛長髮獨存人皆稱異並據逃少難民供稱

夜間但見城上遍豎九江王高燈賊匪不知王

係何人轉相傳聞迨火起後賊眾衣內亦多無

改自燃撲水既生欲逃被獲者不可勝數嗣於

六月十六七等日賊船將乘夜渡江遙見九江

王江燈無數往來江上賊匪扼放鎗砲紅燈愈
聚愈多賊始驚退沿江氏人目擊情形四年二
月十二日二更時賊船駛赴下游路過東海江
面該處團練民勇聞信往剿旋見山上紅燈數
萬羣疑賊已登岸持矛馳至山上並無一人紅
燈亦即隱滅賊船業經逃遁據各堡所報靈異
訊之生擒賊匪供詞愈同且各民勇並不取以
賊逆為己功更屬可信又火神廟一名彤華宮
坐落三舖街內被賊數十人刃矛並下繼撞以
大石欲毀神像竟無所損左右民房燒盡而廟
貌依然尤堪敬畏按邑志內載城隍神為前漢
淮南九江王英姓名布者前明洪武二年封為

監察司民顯佑伯等情經該藩司覆查明確詳
請核辦前來臣等伏查直省各廟例祀之神凡
有功於

國者均蒙

加封或

賜匾額今六合縣地方城隍火神靈爽屢昭兵不為

災火能禦侮既據藩司及該管府縣查明屬實

紳民感戴閭邑同聲合無仰懇

天恩俯准

錫加六合縣城隍神封號並懇

頒發火神

御書匾額用答

神庥而昭靈貺除咨禮部查照外謹合詞恭摺具
奏伏乞

皇上聖鑒勅部核覆施行謹

奏

咸豐五年正月二十二日具

奏二月二十一日奉

硃批禮部議奏欽此

咸豐五年四月二十三日准

禮部咨內閣抄出十五日奉

硃批依議並頒御書扁一方敬謹懸挂火神廟欽此

奏片
一稿
派委福山鎮總兵葉萬清護運出洋

拏怡 跪

奏再江浙兩省工局海運漕白糧米應行巡護事

宜當經欽遵

諭旨派委總兵大員督帶師船護送出口在案本年

起運四年分漕白米石非但江浙兩省同時並

運其蘇省米數又非僅正白糧一項為數寔多

現當上海甬經克復到處搜捕餘逆更值浙省

與余山一帶間有撐篷盜船在洋游奕雖經

等節飭拏辦尚未能一律肅清是巡防護送較

之上屆尤須益加謹慎除應運米數及酌議章

程由漕臣部會摺

奏報所有巡護事宜應請

旨責成福山鎮總兵官葉萬清督帶師船預過余山

洋面以期匪徒斂跡不敢窺伺仍於米船開行

時往來護送妥速出口並派水師候補副將侯

攀鳳駕船酌帶弁兵隨同頭起米船先赴天津

迎護進口一面即飭吳淞營參將黃登第署蘇

松鎮中營遊擊施元敏署狼山鎮中營遊擊劉

儒賢署狼山鎮右營遊擊張鳳翔等先期管駕

本營師船及由滬雇備之拖罾網梢等船酌帶

弁兵砲械親身出洋巡緝搜拏盜匪毋分畛域

肅清洋面以利漕行並仍移行山東直隸二省

暨飭沿海各營督率備弁一體照例防護不得

稍有疎忽謹會同江蘇撫臣吉

附片陳

明伏乞

聖鑒訓示謹

奏咸豐五年正月二十二日具

奏咸豐五年二月二十一日奉列

殊批知道了欽此

奏稿恭謝

欽賞福字

奏為恭謝

天恩仰祈

聖鑒事竊^等駐京提塘官遞到上年十二月

欽賞

御書福字一方當即望

等
怡
跪

闕叩頭跪迎祇頌伏念

聖澤承

冀命簡授兩江總督以來瞬將兩載事繁責重報稱

毫無惟以兢惕自持不敢稍形懈弛兼之賊氛

在境民氣未舒尚厯

聖懷時增愧悚乃荷

隆施逾格

宸翰遙頌仰瞻

寶墨輝煌益覺私悚感激自

天錫祐九江捷報頻來徇地回春上海喜音踵至

賜到吉祥之語果徵莫定之機將見三省肅清咸登

衽席萬民歡躍盡復瘡痍自可仰副

聖主福被東南之至意尤當天勤矢慎迺勉快公

推廣

皇仁英安黎庶以期少酬

高厚生成於萬一所有榮幸下忱理合具摺叩謝

天恩伏乞

皇上聖鑒謹

奏

咸豐五年正月二十二日具

奏二月二十一日奉

硃批知道了欽此

奏

稿

東垣出江岸鹽仍照原奏抽稅

奏為請將東壩出江岸鹽仍照原奏數目就場抽
稅以安窮灶恭摺覆

奏仰祈

聖鑒事竊 前因淮南引地梗阻各場灶丁失業奏
請試辦就場抽稅以卹灶艱一摺奏奉

硃批戶部妥議具奏欽此嗣經戶部將附場食鹽抽

稅議覆准行其出江岸鹽仍令照就場徵課科
則每百斤抽稅銀五錢四分五厘等因具

奏奉

旨依議欽此咨行前來當經行司遵辦去後茲據

署兩淮鹽運司郭沛霖詳稱伏查就場抽稅一

案除附場食鹽一節奉部覆准已分飭場卡各

員遵照外惟思課從鹽出鹽有銷路則課有來

源淮南銷鹽之地以江廣為大宗自逆賊竄擾

長江引地隔絕南鹽大局遂至無可通籌署司

履任後博諮羣議詳辦就場徵課繞道東壩出

江原冀藉可上通江廣乃甫經詳請具奏而無

湖安慶九江又復相繼失守東壩以上江路仍是不通舊商勉納十萬餘兩之課而未能運鹽新販憚於冒險更不肯認運二十場貧灶窮丁有鹽無可銷售有炭炭不可終日之勢是以酌量變通議行設廠抽稅之法專為便小販郵灶艱起見原未敢議及裕課也一面詳咨浙江巡撫借道浙河運鹽江西以求漸復引地乃於未奉部覆之先即經浙省以借道一議窒礙難行咨復今出江稅鹽一節又奉部議令照就場徵課科則徵收如果可以遵行於課項自不無裨益惟是東壩以上江路仍然不通銷鹽無路鹽價低賤異常小販無利可圖照三百文抽納已

屬未見踴躍計截至奉文之日止試辦將屆三月據各場卡摺報稅錢一萬數千餘串而岸鹽稅錢僅居十之三是辦理原無把握之明證若更議加徵竊恐有名無實所有部議出江岸鹽照就場徵課科則核計鹽斤錢價抽稅之處目前竟不能行惟加稅固屬萬難而抽稅亦勢難中止灶戶煎丁忙工人等數逾億萬以鹽為生兩年停運以來困苦顛連不堪言狀今借道浙河運鹽之策既不能行若岸鹽抽稅又復停止僅恃附場食鹽銷售無幾無以為生此等愚蠹庸民平時恐不畏法值此多事之日而又為飢所驅任意透私屢拏不戢設竟絕其生路操切

激變害何可言出江稅鹽雖一時未能有效而
貧灶窮丁有所希冀尚可藉以維繫其心舍此
別無撫灶長策且場鹽停運兩年為從來所未
有引地久懸灶情困苦目覩情形不得不權宜
變通弭患未萌一經江路肅清不難停止於淮
南釐務大局並無違礙請將東壩出江岸鹽仍
照原奏每百斤抽稅錢三百文以二百四十文
作為報部正稅以六十文作為外銷經費以安
窮灶而弭患萌等情詳請復

奏前來等覆核該署司所詳均屬實在情形合無
仰懇

天恩俯准將東壩出江岸鹽仍照前次原奏辦理一

俟江路肅清即行奏明停止是否有當除咨戶
部查照外理合恭摺覆

奏伏乞

皇上聖鑒訓示謹

奏

咸豐五年正月二十二日具

奏二月二十一日奉到

硃批戶部議奏欽此三月十九日准

戶部咨如奏辦理

奏片稿

請以葉林國補授福建福甯鎮中營守備

舒
怡
跪

奏再前由福建調來江蘇防剿弁兵內有福甯鎮
標中營守備曾廷舉在東壩打仗陣亡所遺守
備員缺係行營帶兵有督防守禦之責必須勤
能勇敢之員方資得力例應在於隨征各員內
揀選請補茲查有借補福建福甯鎮標右營千

總之候補守備雲騎尉葉林國年壯操勤訓練
不懈且係候補守備請補守備與例亦屬相符
合無仰懇

天恩俯准以葉林國補授福建福甯鎮標中營守備

庶足以示鼓勵而飭戎行謹附片陳明伏乞

聖鑒訓示謹

奏

咸豐五年正月二十二日具

奏二月二十一日奉到

硃批依議欽此

奏
片
稿
林發道湯雲松委著江甯鹽巡道

奏再江甯鹽巡道事務前經委令常州府知府色
克通阿兼護在案現值辦理新消之際恐難兼
顧應行交卸所遺江甯鹽巡道員缺臣等查有
江蘇採發道湯雲松堪以委令專著除分檄飭
遵外謹合詞附片陳明伏乞

聖鑒謹

奏

咸豐五年正月二十二日具

奏二月二十一日奉到

硃批知道了欽此

臣怡
臣吉

跪

奏

稿

恭報就場徵課數目一年實報

奏為恭報就場徵課一年屆滿統計運銷出納數

目恭摺奏

聞仰祈

聖鑒事案查就場徵課一案前於咸豐三年十二月

內經奉奏明以奉到部文之日為始扣滿一年

截數造報仍遵部議將現辦運銷數目按兩月專報一次嗣於咸豐四年十月接准部咨飭俟年底彙總裁數造冊送部各等因均經先後行司遵照在案茲據兼署兩淮鹽運使郭沛霖詳稱自咸豐三年十一月十八日奉到部文之日起截至四年十二月三十日止統共徵收過商納正課庫平銀十萬三百七十七兩七錢一分九厘又官票折實庫平銀一千九百五十一兩四錢四分又官運倡導委員候補經歷徐杰候補知事孔昭忻白塔河巡檢江敦讓完納官運正課庫平銀五千八百二十八兩二錢五分又官票折實庫平銀二百六十八錢總共徵收過官

商各課共庫平銀十萬八千三百四兩二錢九

奏伏乞

厘內除先後解過江北大營軍需銀十萬三千

皇上聖鑒謹

九百一十一兩八錢九分六厘計實存庫銀四千

奏

三百九十二兩三錢一分三厘內除官票共折

咸豐五年正月二十二日具

實庫平銀二千一百五十八兩二錢四分應彙

奏二月二十一日奉到

案詳請咨部報撥外仍存現課庫平銀二千二

硃批戶部知道片併發欽此

百三十四兩七分三厘應俟案同續收課銀一

併遵

旨解赴江北大營接濟軍食所有已徵各課內已據

請運過鹽一萬二千三十三引六分等情詳請

奏報前來擊覆數無異除冊咨送戶部查核外理

合恭摺具

奏片稿

恭報就場徵課數目兩月專報

奏再前准部咨令將就場徵課運銷數目按兩月
奏報等因即經行司遵照在案茲據兼署兩淮
鹽運使郭沛霖詳稱查就場徵課數目除前已
報至咸豐四年十月十八日止計實存官票銀
一千二百十兩七錢二分外茲自十月十九日
起至十二月三十日止計徵收過商納正課庫
平銀六千六百二十二兩七分八厘又官票折
實庫平銀七百四十兩七錢二分又委員徐杰
孔昭忻倡導引內續繳正課庫平銀八百九十
八兩五錢一厘又官票折實庫平銀二百六兩
八錢共存現課庫平銀七千五百二十兩五錢

七分九厘又連前共存官票折實庫平銀二千一百五十八兩二錢四分除另案彙同折價所收官票詳請咨部報撥外其實存現課庫平銀七千五百二十兩五錢七分九厘內動解過庫平銀五千二百八十六兩五錢六厘先後解赴江北大營糧臺交收仍存現銀二千二百三十四兩七分三厘應俟彙同續收銀兩一併遵旨解赴江北大營接濟軍食再已徵課內據各商請運過監七千引合併聲明等情據此等覆覈無異除咨戶部查照外理合附片具

奏伏乞

聖鑒敕部查核施行謹

奏咸豐五年正月二十二日具

奏二月二十一日奉到

硃批覽欽此

片
奏稿 提用許關稅銀一萬兩

臣怡 跪
臣吉

奏再據署蘇州布政使楊能格詳稱前因金陵等處軍營需用餉銀甚多必須設法撥湊當又咨會許聖關查明現征稅銀內能否再行籌撥銀一二萬兩以資湊濟茲准該關以續征稅銀並各樣款儘數計有一萬兩之數飭令委員解交

司庫於咸豐四年十二月二十三日允收撥用
在案相應詳請

奏咨等情前來除咨戶部查照外理合附片陳明

伏乞

聖鑒謹

奏

咸豐五年正月二十二日具

奏咸豐五年二月二十一日奉到

硃批知道了欽此

奏稿

請以委用知縣王檢心署理銅山縣知縣

奏為沿河要缺知縣揀員署理恭摺奏祈

臣怡

跪

聖鑒事竊照銅山縣知縣周璞於咸豐四年正月初吉賞加同知銜欽此二十七年正月委署儀徵縣是年

六日丁憂開缺業經咨部截缺在案所遺銅山題署鎮洋縣知縣對調儀徵縣知縣二十九年任

縣知縣係衝繁難沿河要缺例應在外揀選調任丁父憂回籍服滿咸豐二年二月回省三年

補該縣民情刁悍政務致繁且係徐州府附郭

三月豐工出力案內奉

保衛捐輸案內奉

到省歷署興化白容高淳縣事二十五年江甯

知縣王檢心年五十一歲河南內鄉縣舉人大挑一等以知縣用簽分江蘇道光二十年十月

時實無合例堪調堪補堪升人員惟查有委用

各員內逐加遴選非現后要缺即人地未宜一

以資治理臣等於通省現任知縣及候補應升

首邑時有發需案件必須精明幹練之員方足

上諭俟補缺後以同知直隸州升用欽此該員明練

有為辦事勤慎現署銅山縣業務辦理裕如尚

堪勝任例載現任調補之缺若該省有候補人

員及曾經題署得缺緣事離任仍赴原省委用

者俱准揀選署理等語該員王檢心係得缺後

丁憂離任仍赴原省委用之員以之請署斯缺

人地相宜與例亦屬符合茲據藩臬兩司會詳

前來臣等往返札商意見相同合無仰懇

聖恩俯准以該員王檢心署理銅山縣知縣定於河

工地方有裨如蒙

俞允該員係委用知縣請署知縣銜缺相當毋庸送

部引

見亦無須查造恭罰仍俟試看期滿如米稱職另請

實授謹會同江南河道總督臣楊 合詞恭

摺具

奏伏乞

皇上聖鑒訓示再江蘇未辦各缺前因軍務未能依

限辦補經臣等咨部展緩在案今此業於正月

二十五日據藩司詳到合併陳明謹

奏

咸豐五年二月二十八日具

奏三月二十九日奉到

硃批吏部議奏欽此五月二十四日准

吏部咨云委用知縣王檢心署理銅山縣沿河

要缺知縣之處核與定例不符應毋庸議等因
咸豐五年四月初八日奉
旨依議欽此

奏

稿

署徐州城守營都司張殿華請獎

李怡 跪

奏為等獲隣省隣境結擒並積年搶劫拒捕首要
各犯出力營員遵照定章懇請獎勵恭摺奏祈
聖鑒事竊現署徐州鎮標城守營都司世襲雲騎尉
張殿華於咸豐元年九月內首先等獲隣省隣
境結擒首要各犯夏三徐四即徐四將軍徐廷

高即徐寅牟小杜奎等多名經前督臣陸

親提訊明供認積年搶劫拒捕不諱將該犯等

正法梟示

奏結聲明首獲協獲職名飭取另咨嗣據前徐州

鎮總兵百勝查明各犯係該署都司張殿華首

先挈獲造冊呈送前來經督咨准部覆以道光

二十八年軍機大臣議覆酌定各營勸懲章程

一摺欽奉

上諭陸路將備挈獲隣境斬梟斬決盜犯四名以上准

各督撫會同提督奏明遇有應升之缺即行并用先

換頂戴毋庸送部引見俟補缺時再行送部等因欽

此今江南署徐州城守營都司世襲雲騎尉張

殿華首先挈獲隣省隣境積年搶劫拒捕擒首

罪應斬梟夏三等五名與遇有應升之缺即行

并用先換頂戴章程相符惟該世職學習尚未

期滿未便越級請升行令將該世職漢仗拔藝

出具切寔考語專摺保奏等因當經轉行去後

茲據代理徐州鎮總兵官事鎮江營叅將興慶

呈稱署徐州城守營都司世襲雲騎尉張殿華

係于道光二十三年十二月初八日經前督臣

耆英考驗收標二十四年九月內奉到部覆准

其承襲應扣至二十六年十二月初八日學習

三年期滿緣奉派委安徽差遣事竣回標後又

奉委署廟灣等營守備各缺緝挈盜犯復又委

署徐州鎮標中營守備派往豐工彈壓大工告
戴後委署今職接辦軍務防勦紫要是以未及
請咨赴部今考驗得該署城守營都司世襲雲
騎尉張殿華漢儀去得年強技可委署二載以
來防勦慎檢練得力迨其履歷呈送核辦等
情前來^等伏查現署徐州鎮標城守營都司世
襲雲騎尉張殿華首先等獲隣省隣境結擒並
積年搶劫拒捕搶首罪惡斬梟夏三等五名緝
捕尚屬認真查得該署都司張殿華年力富強
捕務奮勉惟該世職學習業已三年期滿寔因
派委差遣並委署都守各缺按辦軍務防勦紫
要是以未經請咨赴部係屬寔在情形並非藉

故延延理合聲明循例奏保合無仰懇

天恩俯准賞照定章將署徐州鎮標城守營都司世

襲雲騎尉張殿華遇有應升之缺即行升用先

換項戴以示鼓勵而昭激勸恭候

命下遵行除履歷咨移部科查照外謹會同江南提

督臣和合詞恭摺具

奏伏乞

皇上聖鑒訓示謹

奏

咸豐五年二月二十八日具

奏三月二十九日奉

硃批兵部議奏欽此五月十六日准

奏請添議云查准其先將項帶候補用守備後
再遇有應陞都司之缺即行外用以符定制五
年四月初四日奏本日奉

旨依議欽此

奏稿 片
咸豐四年下半年京控未結案件解審並無遲逾

牙 怡 跪

奏再京控奏交咨交案件每屆半年例應查明有
無承審提解遲延職名分別奏茲屆半年彙
奏之期據署江甯藩司何俊查明開報前來
查上屆奏報半年限內並無奏交咨交之案茲
截至咸豐四年十二月底止有未結江蘇銅山

縣文童彭景文廣東生員鍾聯萼二起均未屆
限應俟下次扣限查叅除嚴飭催提解審趕緊
完結不任稍有延宕外謹附片陳明伏乞

聖鑒謹

奏

咸豐五年二月二十八日具

奏三月二十九日奉

硃批知道了欽此

奏

稿

查明淮北鹽船積弊及私設鹽卡擾害票法

奏為查明淮北鹽船積弊及私設鹽卡擾害票法
恭摺奏祈

聖鑒事竊查北疆之敵總由行銷太滯銷滯則價賤
本虧人人畏縮淮北每年額運一百八十餘萬
色自場到埧後售運出湖全賴正陽關三河尖

兩處為售銷總滙之地按日攤算每日須銷鹽五六千包方可符一綱之額現在三河共每日僅銷數百包至千餘包不等售銷之滯為從來所未有無怪填價有減無增亟須大加整頓以挽頽綱茲據兼署兩淮鹽運使郭沛行隊三河共督銷提課委員稟稱淮北滯銷之由總因各販運鹽到岸歸行承賣鹽價不起資本已虧加以在途船戶盜賣水手挽和砂上短斤少數或虧客本而逃或載回貨而去各販因離縣寫遠稟請究辦往返需時該處為阜陽霍邱固始三縣交界若不力圖整頓實為鹽法之害又信陽羅山二處為行銷最暢之區光山縣係必由之

路聞該境私設鹽卡藉端需索往來客販畏縮不前等情前來查船戶在途盜賣揆砂短斤以及土匪私設鹽卡盤路把持均為業法之害若不嚴行查辦不但鹽運阻滯且恐肆行無忌為害日甚除已會同河臣楊咨明皖豫二省先行飭屬密拏嚴辦以靖地方外應請

勅下河南安徽撫臣從嚴查辦將私設鹽卡為首悉數拏究務使商賈安行引鹽暢售以挽頽綱謹會同江南河道總督臣楊合詞恭摺具

奏伏乞

皇上聖鑒訓示謹

奏

咸豐五年二月二十八日具

奏三月二十九日奉

硃批另有旨欽此四月二十九日准

戶部咨咸豐五年三月十四日奉

上諭怡 奏查明私設賭局積弊並上區私設賭卡擾害

業法一摺准此嗣後行銷號簿二省日形壅滯據

怡 查明各販運私經由阜陽霍邱固始三縣交

界處所有船戶等結行舞弊致與客本又籍陽確

小二處為行銷最暢之區光山係必由之路聞該

境私設賭卡盤踞需索以致往來客商畏葸不前

自應亟加懲頓以肅盜政著英 福 嚴飭各該

地方官凡准私經過處所如船戶人等有敢行監

賞並水手攬和砂上等弊一經查出即行擊究毋
得稍分畛域至土區私設賭卡尤屬大干法紀並
著該撫等密速查拿嚴懲懲辦不得稍涉疎縱以
除積弊而肅國課欽此

奏

稿

欠解圓明園幣利無從籌解

奏為欠解幣利銀兩無從籌解請俟開辦新網通盤核辦恭摺覆

奏仰祈

聖鑒事竊於上年十一月十一日接准部咨欽奉上諭載垣等奏官兵班費銀兩無款接濟請飭兩江

總督籌款解交一摺兩淮例解圓明園官兵銀兩向由生息項下按年如數解京自道光七年起兩淮節年欠解應交利銀共有十八萬六千兩之多疊經降旨飭催概未解到實屬不知緩急此項銀兩關繫官兵日支口食並槍營一切差捺公費要需似此任意延宕年復一年尚復成何事體著怡

迅即嚴催兩淮監運使除積欠銀兩變通帶解外務將本年應解利銀如數趕緊解交以資接濟該督務當設法籌款將如何分起運解情形先行專摺具奏毋得再有延悞欽此當經行司遵照去後茲據兼署兩淮監運使郭沛霖詳稱遵查兩淮運庫欠解

閩明園生息利銀內除積欠道光七九十等年共銀六萬四千兩前已

奏明俟盈引暢銷再行分年帶徵外所有道光二

十七八兩年下半年利銀各一萬二千兩係已酉

以前清查案內欠解之項其三十年利銀二萬四千兩及咸豐元年連閩利銀二萬六千兩係

前運司劉良駒任內因奉撥軍河緊奉准部咨

無論何款移緩就急致將徵存

帑利等款墊估無存自揚城失陷以後並未續收

殘課署司履任未經接收交代並無現銀移交

前經

奏明在案共二三年應交利銀四萬八千兩應

於壬子癸丑兩綱徵完迄今江路不通壬子未經開綱無從徵解至試辦就場徵課

奏明

帑利等項概行停徵祇徵報部正雜課等款為數無多隨時儘解軍營並不存留俱係咨部有案所有前項欠解利銀即奉

奏咨催解均經詳咨應俟江路肅清釐局稍定開

辦新綱通盤核辦在案現在新綱仍未開徵就

場徵課並無存銀實屬無從籌解等情詳請覆

奏前來等覆核無異除照案咨覆戶部外理合恭

摺覆

奏伏乞

皇上聖鑒謹

奏

咸豐五年二月二十八日具

奏三月二十九日奉

硃批戶部再行籌畫妥議具奏欽此五月十六日准

戶部咨令於協貼款內提解銀四萬八千兩

奏稿

奏為江浙海運新漕接續故洋請

旨飭下直隸山東各督撫一體嚴飭水師認真巡護

稍例由驛具奏仰祈

聖鑒事竊照江浙新漕同辦海運未數較多閩粵軍

務尚未一律肅清餘匪被勒窮蹙難保不入海

拏怡 跪

為盜是洋面巡防視歷屆尤關緊要前經^等飭局臣配扼魯網梢各船派委總兵葉萬清恭將黃登第署遊擊張鳳翔施元敏劉儒賢等管帶出洋梭織巡防另派候補水師副將侯攀鳳酌帶弁兵護送頭起漕船先赴天津藉資彈壓並咨直隸山東督撫^臣一體嚴飭巡護奏明在案

近日^等探聞山東省石島洋面有匪船數隻在彼游弋該處為海運必經之地溯查道光二十八年及咸豐二年海運案內蘇省或派兵船或派勇船赴石島帶同巡緝現在江蘇水師鎮將兵勇船隻調赴水營攻勦者十居其七本省巡洋護漕之船不及從前十分之三尚係設法在

募據報蘇省漕白正耗米五十餘萬石業已全數兌竣浙漕亦業兌過半陸續放洋頭起漕船一百六十餘號據侯攀鳳呈報已於三月初二日由該副將押運北上其餘多在十激等處寄候候風開廣盜艇及甯波撐篷盜船出沒無定何處防範稍疎即在何處窺伺蘇省洋面千有

餘里以二三十號現往之師船護千餘號重運之漕船已形單薄勢難分赴東洋帶同防衛誠恐東省水師專望客兵為之護送轉致貽誤相

應請

旨飭下直隸總督山東巡撫責成水師各鎮協親帶將弁兵船小心巡護俾盜匪聞風歛跡海運得

以安行除飛咨各該省督撫臣查照外等既有
所聞不敢不據實陳明謹循例由驛具

奏伏乞

皇上聖鑒訓示再等現已飭飭署游擊張鳳翔一俟
江浙海運漕船全教出口其時蘇省護漕將次
竣事該遊擊可以分身即就洋火的帶得力師

船護送尾幫漕船直至山東石島洋面再行折

回以資協助合併聲明謹

奏

咸豐五年三月二十四日具

奏咸豐五年四月初九日奉到

硃批知道了欽此

奏片稿

署遊擊張鳳翔等在洋護漕訖

擊怡跪

奏再江蘇余山洋面亦為海運必經之處前聞有

匪船在彼游弋當經嚴飭查拏嗣據署遊擊張

鳳翔守備景文春稟報在余山西北洋面擊沉

盜船二隻又拏獲盜船一隻格斃盜匪多名生

擒盜匪九名起獲鎗砲等件解交寶山縣收審

等情等現已批司飭縣研訊詳辦一面仍飭該

鎮將等會合搜拏小心防護不准稍事鬆動理

合附片陳明伏乞

聖鑒謹

奏

咸豐五年三月二十四日具

奏四月初九日奉

硃批覽欽此

部咨奉

上諭江蘇蘇松糧儲道員缺著書齡補授欽此各等

因均經分別咨行欽遵在案伏查現著江甯藩

司之蘇松糧道何俊既經欽奉

諭旨補放運司應即交卸前赴新任惟江甯藩篆現

在無員委署本任藩司文煜奉

臣怡 跪

旨派辦江北糧台未能兼顧臬司現辦秋審亦未能

奏為新放運司懇仍留署藩篆及道員赴任改委

委往署理該司何俊自上秋著任以來辦理各

遞署緣由恭摺奏

事並無貽誤且臬局上忙開征尤須熟手督辦

聞仰祈

俾可征解以濟軍需是現在情勢難以驟行更

聖鑒事竊於三月十九日接准部咨奉

易合無仰懇

上諭兩淮監運使員缺著何俊補授欽此同日又准

聖恩俯准將何俊仍行留署江甯藩篆以資熟手其

奏稿 何運司留署藩篆司及省議書道傳令赴任道缺委誰署

兩淮運使印仍以淮揚道鄧沛霖兼署至補改
硃批著照所請欽此

蘇松糧道書齡前經委署江安糧道今應飭令
前赴新任所有江安糧道員缺查有現署江甯
鹽巡道揀發道湯雲松堪以改委署理其鹽道
之江甯鹽巡道事務較簡查有現署江甯府知
府存葆堪以委令兼攝除分檄飭遵外謹合詞

奏摺具

奏伏乞

皇上聖鑒訓示謹

奏

咸豐五年三月二十八日具

奏四月二十四日奉到

奏
稿

許道才等奏請泰州等缺

臣怡 跪
臣吉

奏再揚州府屬泰州地方逼近場灶兼轄泰壩兩
淮運司現駐該處招商領運事務較繁正需地
方官協同經理現署泰州事實應縣知縣唐守
道吏治尚好惟鹽務不甚諳練應行更換查有
委署甘泉縣事候補直隸州知州許道才熟悉
情形堪以委署泰州印務所遺甘泉縣員缺即
以唐守道調署亦堪勝任似此一轉移間人地
各得其宜從藩臬兩司會詳前來除批飭遵照
外謹會同江南河道總督臣楊 合詞附片
陳明伏乞

聖鑒謹

奏

咸豐五年三月二十八日具

奏四月二十四日奉到

硃批知道了欽此

奏稿

署漢陽縣曾勉禮丁憂請留署任一業

臣怡
臣吉

跪

奏為請將防剿得力之丁憂知縣暫留署事以重

地方恭摺奏祈

聖鑒事竊照江浦縣地方逼近瓜洲與金陵隔江對

峙為北路要衝逆匪窺伺日久竄撲縣城已非

一次現署縣曾勉禮實心團練布置有方每聞

警報會督官紳兵勇以剿為防皆能力挫逆鋒
並無疎失該邑地瘠民貧曾勉禮在任興情愛
戴士民激於忠義捐資練勇拮据從事比及三
年尤為奮勉臣等本擬照六合縣成案分別請
獎因行司詳查尚未具奏該縣旋因攻燬浦口
洲地賊營業內經托 奏奉

諭旨以同知儘先升用現據呈報其母蕭氏於正月
二十日在署病故該員例應丁憂據帶兵官陝
甘督標游擊鄧鳳林等具稟並准托 以該
員防剿得力咨商核辦前來伏查咸豐四年清
河縣知縣吳棠丁憂因防堵緊要經河臣楊
奏請於治喪百日後仍留署事仰邀

恩准在案今江浦戰守兼資較清河尤為喫重不但
一時乏員更替即使接署者才守俱優而信惠
未孚情形不熟即未能措置裕如寔難遽易生
手茲據藩臬兩司會詳前來合無仰懇

天恩准照吳棠之案將曾勉禮暫留江蘇於治喪百
日後仍署江浦縣事俟軍務告竣即令回籍守
制以符定例臣等為地方緊要防剿需人起見
是荷有當謹會同臣托 合詞恭摺具
奏伏乞

皇上聖鑒訓示再該縣印務現在內司暫委正任六
合縣知縣李守誠前往幫辦合併陳明謹
奏

咸豐五年三月二十八日具

奏四月二十四日奉到

硃批著照所請行欽此

奏
稿
片

奏再臣等接准部咨欽奉

臣怡 跪

上諭都察院奏候補道員條陳軍務呈請代奏一摺

江蘇候補道陽金城所呈行軍未議八條均屬空

言無裨實濟惟尚無違悖字句陽金城著仍回江

蘇交怡 吉 察看該員年逾六十如精力

就衰難期振作即着隨時具奏欽此伏查該道陽

金城志切從戎屢向臣等面陳用兵事宜求調

軍營差遣臣等察其議論並無把握誠如

聖諭均屬空言無裨實濟是以未便允准該員復稟

請前學臣何桂清懇求代奏何桂清亦未先行

隨稟具稟因資斧不繼請假回籍當經照例給

咨並咨明吏部在案詎該員潛赴都察院具呈
奏奉

諭旨飭令回蘇臣等正在公同察看間據該道稟報

自京回省沿途患病至今未痊稟請回籍調理

前來除批司委員驗明照例辦理外謹合詞附

片陳明伏乞

聖鑒謹

奏

咸豐五年三月二十八日具

奏四月二十四日奉到

硃批陽金城著勒令休致吏部知道欽此

奏
稿

塔明阿買馬未回奏請革職

牙
怡
跪

奏再據署提標中軍叅將伍定菁稟稱中營守備
塔明阿前經差委赴口購買成豐二年分提標
各營騎搵馬匹因日久不回經前任叅將李廣
金及署叅將等先後將該員在途耽延緣由稟
明批飭迅速押羣回營驗收如贖分不足或有
短缺即行嚴叅等因轉飭節次嚴催在案伏查
塔明阿專派買馬現已經年累月之久任性逗
遛竟無押羣回標之信該差員現任職官似此
疲玩未便姑容稟請俯賜叅辦等情前來牙查
提標中營守備塔明阿已准部咨推陞四川忠
州營都司前經差派購買成豐二年馬匹至今

未見押羣回標實屬有心逗遛自應據實叅辦
相應請

旨將推陞都司之提標中營守備塔明阿暫行革職
以肅營伍除飭該管中軍叅將查明塔明阿究
在何處逗遛有無別故呈覆核辦外謹會同江
南提督臣和合詞附片具奏伏乞

聖鑒訓示謹

奏

咸豐五年三月二十八日附片具

奏四月二十四日奉到

硃批塔明阿著暫行革職欽此

奏

稿

白容縣趙廷銘等團練出力請獎

奏為辦理團練剿賊尤為出力之知縣敦諭恭摺

保奏仰祈

臣怡
臣吉

跪

聖鑒事竊照江甯府屬之白容縣地方介在江甯鎮

江兩府之間西連上元東連丹徒北臨大江自

咸豐三年二月賊踞江甯鎮江之後該縣三面

受敵且為甯蘇往來要道大營糧餉軍需僅止
該縣一路可通設有疎虞關係甚重而大營兵
單無可派撥防守該縣趙廷銘馳諭四鄉認真
團練教諭唐沂幫同勸諭紳耆定力興辦四年
九月金陵鎮城兩處賊匪意圖併窺蘇常金陵
出賊二十餘直奔鎮城會合又以木薛田長江
駛下皆在該縣之龍潭一帶水陸奔竄經該縣
趙廷銘會同教諭唐沂幫董率領團練民勇通
同向 派出兵勇剿斃賊匪十餘名生擒長髮
賊匪七名擒獲偽印刀箭賊書等件將楊宏周
等六名解營訊明正法均據通稟在案本年二
月鎮江賊匪窺赴該縣之高家邊一帶地方又

經該縣帶同該教諭率領練勇會同向 調派
之官兵竭力剿淨批藩臬兩司會詳請

奏前來臣等伏查逆匪窺擾以來該縣趙廷銘自

三年二月至今在任兩載有餘地方麻苦設法

勸辦團練保衛地方紳民悅服魚之糧餉軍火

兵差絡繹無不竭力支應妥協均無貽誤且又

堵剿賊匪殲斃多名該教諭唐沂幫同勸諭四

鄉紳耆踴躍經辦團練亦甚得力又隨同趙廷

銘剿賊擒獲多名該二員均屬辛勤日久勞績

昭著定為文職中難得之員合無仰懇

聖恩賞准將同知銜句容縣知縣趙廷銘開缺以直

隸州知州苗於江蘇儘先補用句容縣教諭唐

沂以知縣歸部儘先選用仍在任候選俾該員
等益加奮勉實於防堵有裨謹合詞恭摺具

奏伏乞

皇上聖鑒訓示謹

奏

咸豐五年三月二十八日具

奏四月二十四日奉到

硃批另有旨欽此六月十一日准

吏部咨咸豐五年四月十四日內閣抄出十一

日奉

上諭怡 等奏請將辦團剿匪人員獎勵一摺江蘇
句容縣地方介居金陵鎮江之間為軍餉往來要

道該縣知縣趙廷銘等辦理團練兩載有餘堵剿
賊匪保衛地方尚屬著有微勞同知銜句容縣知
縣趙廷銘著開缺以直隸州知州留於江蘇儘先
補用句容縣教諭唐沂著以知縣歸部儘先選用
仍在任候選以示鼓勵該部知道欽此

奏片稿
無錫縣舉人孫勳烈請獎

臣 孫 怡 吉

跪

奏再據署蘇州布政使楊能格江蘇按察使吳其
 恭會詳稱無錫縣舉人孫勳烈因逆氛未靖在
 籍辦理團練並于黃埠墩設局稽查咸豐三年
 十一月十七日訪有奸匪陳湯沅等在九龍山
 坳自稱金蘭教收徒造言煽惑謀為不軌即于
 三更時帶勇會同縣管入山孫勳烈在山坳廢
 寺院內首先擊獲張保又帶眾搜獲陳湯沅日
 局帶勇至蘇面稟蘇州府會同文武將趙少平
 等擊獲又函致丹陽縣擊獲柯邦楸解系認
 不諱將陳湯沅先行就地正法其張保等解省
 訊明亦分別正法恭示議擬遺流業經

奏結聲明協獲職名節取另辦奉准部覆在案茲

據該司等查明在事尤為出力委係舉人孫勳

烈並將協獲紳董詳請分別獎勵前來臣等伏

查無錫縣舉人孫勳烈因逆氛未靖在籍辦理

團練設局稽查往來數語晝夜辛勤地方賴以

安堵兼之首先擊獲習教奸匪多名消患難于

未萌之時獲渠魁于潛匿之地委係寔心寔力

爭先搜捕並不洩洩風聲使奸匪悻逃法網若

不予以獎叙寔不足以昭激勸合無仰懇

天恩賞准將舉人孫勳烈以內閣中書儘先選用以

示觀感俾各屬紳民聞風興起衆志成城于防

禦莫有裨益謹合詞附片具

奏伏乞

聖鑒訓示至協獲紳董臣怡由外獎勵另行咨部

註丹合併陳明謹

奏

咸豐五年三月二十八日

奏四月二十四日奉

硃批另有旨欽此

奏片稿

江甯辦團堵勦出力各天員請獎

奏再咸豐四年七月三十日閏七月初一二等日

臣怡 跪
臣吉

賊匪竄擾江甯府屬上坊門等處經該外府趙

德轍親督社民團練並員弁兵勇人等分隊協

剿生擒賊匪多名分別正法業經向

奏明在案所有在事尤為出力員弁紳董准向

咨會核辦奏獎當經行司查詳茲據署江甯布

政使何俊江蘇按察使吳其恭會查得江甯府

淳化司巡檢李質平時訓練團勇甚為認真連

日帶領於上坊門土山排列助賊生擒多匪可

稱有胆有識代理江甯府經歷陳斌帶勇護救

難民乘機殺賊屢於善橋等處擊退賊匪復領

勇奮力究勦擒賊多名莫屬奮勇五品軍功舉
人揀選知縣方錫恩舉人王廷長劉大鏞皆分
領各勇及團練紳士以文舉而臨陣督勇殺賊
洵屬敵愾同仇六品軍功候選縣丞胡恩愛募
勇親歷行間率領勦賊六品軍功從九銜田玉
梅為練勇領隊首先手刃黃馬褂二賊并職傷
餘賊多名亦屬奮勇等情會詳請奏前來

覆核無異合無仰懇

天恩可否賞准將淳化司巡檢已捐外縣丞李寶候

補府經歷陳斌均免補本班仍留江蘇以知縣

外用揀選知縣方錫恩舉人王廷長劉大鏞均

以知縣儘先選用方錫恩救護難民甚多並請

賞戴藍翎候選縣丞胡恩愛以本班縣丞儘先選用

從九品銜田玉梅以從九品過缺即選該二員

並請

賞戴藍翎俾各該員等益加奮勉於防勦實有裨益

恭候

命下遵行謹合詞附片具

奏伏乞

聖鑒訓示謹

奏

咸豐五年三月二十八日

奏四月二十四日奉

硃批另有旨欽此五年六月十一日准

吏部咨咸豐五年四月十三日內閣抄出十一

日奉

上諭均照所議以示鼓勵該部知道欽此

奏稿 未解奉撥甘餉請改撥

奏為兩淮未解歷次奉撥甘肅餉銀無款協解恭摺奏請改撥仰祈

聖鑒事竊查前准部咨兩淮應解協甘兵餉銀兩屢據咨請改撥乃因運道未通課項短絀未行嚴催現在試辦就場徵課完解漸多仍令設法徵

解在案今據覆稱前項奉撥廿餉實屬無從籌
解應請仍行改撥等語本部查所稱雖屬實情
惟兩淮欠解甘餉為數甚鉅即不能如數籌撥
亦當極力徵收陸續解往不得僅以改撥卸責
令仍設法催徵隨數撥解又准部咨原撥江甯
兵餉解歸江北糧臺濟用另撥淮南鹽課銀五

萬兩以充江甯兵餉之用各等因均經行司
遵照去後茲據魚署兩淮鹽運使郭沛霖詳兩
淮鹽課以商課為大宗其餘折價灶課應徵無
幾淮南自賊竄揚城以後江路不通未能開辦
新網雖經試辦就場徵課於無可設法之中為
得尺則尺之計無如甫經試辦東堪以上江路

又復梗阻督飭舊商新販認納課銀一載之中
僅徵有課銀十餘萬兩併同收完折價灶課遵
奉每月協濟揚州大營軍需其淮北鹽課業已
先後奉

旨飭令儘數分解江皖軍需此外並無徵收銀款堪
以協解署司伏查兵餉軍需同關緊要不容顧

此失彼再四思維惟有將現存庫現銀並此後
續徵銀錢官票源源解應奉撥江甯兵餉以濟
急需所有兩淮未解歷次奉撥甘肅餉銀為數
甚鉅仍請照案

奏咨改撥免誤邊餉要需等情前來查係實在
情形除咨戶部外理合恭摺具

奏伏乞

皇上聖鑒謹

奏

咸豐五年三月二十八日恭摺具

奏四月二十四日奉

硃批戶部議奏欽此六月二十日准

戶部治仍令騰鄂接濟

奏
片
續征許關稅銀解司奏撥片

臣怡
臣吉

跪

奏 四月二十四日奉到

奏再金陵大營又添工海撤回鎮江兵勇所需軍

硃批知道了欽此

餉更鉅當茲水陸攻剿吃緊不得不就近設法

接濟前由

欽差大臣向 咨提許墅關應撥銀一萬兩解濟茲

據蘇藩司詳准該關將正二兩月及三月初旬

所收稅銀連各雜款湊撥銀八千兩飭令委員

解交司庫於三月十三日先收儲庫撥用在案

相應詳請

奏咨前來除咨戶部查照外理合附片陳明伏乞

聖鑒謹

奏 咸豐五年三月二十八日具

奏稿

請以李恒清升署泰州營遊擊

匪緝私在在均關緊要必須捕務勤能之員方
克勝任 於通省陸路都司內逐加遴選查有
徐州鎮標蕭營都司李恒清年四十四歲山西
曲縣人由武進士選補督標左營守備咸豐二
年正月內經前督臣陸
奏升是缺都司二月二十八日奉

奏 怡 跪

奏為揀員請升陸路遊擊恭摺奏祈

硃批李恒清着准其補授欽此嗣因江省辦理軍務

聖鑒事竊照泰州營遊擊奎喜茸職所遺員缺係陸

奏明暫緩赴部十一月內到任帶兵彈壓豐工合

路題補之缺接准部咨應用應升應補人員行

龍保奏欽奉

令揀員題補等因遵照在案 查泰州營遊擊

上諭李恒清着以遊擊升用等因欽此先後掣獲隣

駐劄泰州係陸路題補之缺該管地處海濱查

省盜匪多名起獲槍砲刀矛器械火藥等件三

年七月內奉

上諭周天爵保奏江皖兩省徐宿連界地方查拏土

匪出力員弁一摺蕭營都司李恒清着賞戴藍翎

等因欽此四年又於剿辦捻匪業內經會同

河臣楊 奏奉

上諭蕭營都司李恒清著賞換花翎等因欽此該員

年強才裕緝捕奮勇以之請升泰州營遊擊洵

堪勝任惟請升都司之後因本省軍務未竣尚

未赴部引

見接劄起俸與例稍有未符但該員係奉

旨以遊擊升用續經著績

賞換花翎且請升都司已歷三年伏查從前未經接

劄定授之員復請升署應蒙

恩准有案合無仰懇

天恩俯准以李恒清升署泰州營遊擊定於營伍地

方有裨如蒙

俞允俟軍務告竣再行併案給咨送部引

見恭候

欽定除查取履歷咨移部科外謹會同江南提督臣

和 恭摺具

奏伏乞

皇上聖鑒訓示謹

奏

咸豐五年三月二十八日具

奏四月二十四日奉到

硃批兵部議奏欽此六月十一日准

兵部咨議奏咸豐五年四月二十五日奉

硃批李恒清著准其升署欽此

奏稿

江西玉山縣失守催調兵勇赴浙防勦

奏為江西玉山縣失守催調兵勇赴浙防剿恭摺

由驛具奏仰祈


聖鑒事竊於四月初五日聞江西玉山縣有失守

之信正在察飭蘇州藩臬兩司速委妥員赴浙

確探聞旋於初七日酉刻准吉

來咨接

督 怡 跪



何 函稱玉山縣城於三月二十七日失守
有徑犯浙江常山縣之謠請兵應援現與向
酌商派兵星馳赴浙等語 查玉山縣如何被
匪滋擾未據該府縣稟報該縣毘連浙省常山
縣道路平坦與徽嚴地勢夾險迥殊常山縣內
河與杭州一水可通江浙唇齒相依必當互相
策應現在向 吉 酌派將弁抽撥兵勇
自必業經議定 已咨向 等速飭所派官兵
兼程赴浙聽候何 調遣並飭經由各地方
官多備船隻催令星夜趲行玉山距蘇尚遠而
常州逼近逆氛現當江水漲發東壩一帶均關
緊要且金陵鎮江之兵既已抽調赴浙難保該

逆不乘間圖窺尤應加緊嚴防 此時未便遣
行回省惟蘇州民情浮動兵勇較單閩廣游民
甚多當此警報頻聞未可稍事大意 已飭署
藩司楊能格臬司吳其泰率同府縣督飭閩廣
會館董事不動聲色嚴密稽查妥為彈壓並將
團練巡防各事宜相機布置總當未雨綢繆示
以鎮定不得稍事張皇 仍欽遵前奉
諭旨察看情形緩急再行酌量進止所有現辦情形
理合恭摺由驛具

奏伏乞

皇上聖鑒謹

奏

咸豐五年四月初八日具

奏四月二十三日奉到

硃批知道了欽此

奏稿 江浙海運漕糧嚴飭巡防

奏為江浙海運漕船遵

旨嚴飭水師妥為巡護一面查拏盜匪以清洋面恭

摺奏仰祈

聖鑒事竊臣等接奉

諭旨據全慶文彩奏續到米船安穩抵津據押運紳

臣等謹

跪

董稟報余山一帶有破艇船三四隻游駛洋面石島地方有艇船五六隻停泊島外並有官商各船被截島內又聞石島船匪於勒銀後揚帆南下等語現在海運米船源源北上石島艇匪雖經遠颺難保不沿途為害破艇三四隻據稱尚在洋面游駛是余山一帶盜船仍恐未能淨盡著飭令承辦各員諄諭放洋各船務須同幫行走彼此聲勢聯絡俾免疎失其石島地方艇匪截劫官商各船並着一體嚴擊以安行旅等因欽此伏查江浙後批海運糧船已據報於三月十七十九等日全數放洋開赴十激候風臣等前聞山東石島洋面有盜艇在彼遊駛并有沙衛各船被劫銀米勒

去銀兩之事節經咨行加謹巡護欽奉前因又經飛飭水師鎮將就洋次傳諭各船務須同幫開行以期聲勢聯絡一面責成總兵葉萬清恭將黃登第署遊擊施元敏劉儒賢等校織巡防妥為護送并飭署遊擊張鳳翔管帶得力師船隨同尾幫漕船直至山東石島洋面交替以昭

慎重現在風色順利各船自可聯艚北上堪以仰慰

聖懷至巡洋係水師專責雖近年船少兵單亦應設法辦理現屆夏季正福山鎮統巡之期臣怡已飭該鎮督同各營輪巡員弁管帶例巡師船認真出洋巡緝遇有盜船立即會合兜拏痛加

轟擊以期匪徒斂跡前雇拖罾網稍等船經費
較繁籌辦不易一俟護漕事竣應將網稍船撤
回其拖罾船隻飭赴水營併交泊承陞統帶聽
候調遣以資攻剿所有遵

旨辦理情形謹合詞循例由驛具

奏伏乞

皇上聖鑒謹

奏

咸豐五年四月十八日具

奏咸豐五年五月初七日奉到

硃批知道了欽此

奏片稿

候補副將侯攀鳳就道跪

奏再^日等接奉

臣怡
臣吉

跪

諭旨全慶文彩奏海運漕船被劫一摺據稱船戶孫

侯攀鳳因何遲至三月初始行就道現在該副
將計已早抵天津除咨驗米大臣就近傳詢據
寔覆奏外理合附片陳明伏乞

德茂等四船於二月二十五日行至山東黑水洋

聖鑒謹

石島地方先後被盜劫去銀米俟攀鳳係該督等

奏

派令隨同頭起米船赴津何以該船戶等失事之

咸豐五年四月十八日具

時並未見該副將督兵救護併着怡等查明據

奏咸豐五年五月初七日奉到

寔具奏等因欽此伏查署太湖協事候補副將侯

殊批知道了欽此

攀鳳^經臣怡奏委護送頭起海運米船赴津

據報於三月初二日督押漕船一百六十餘號

放洋北上孫德茂等四船於二月二十五日在

山東石島洋面被劫自係二月下旬先經開行

奏
片

稿

玉山縣稟報逆匪竄入縣城當即擊退浙省援兵未符現查情形詳錄由

李
怡
疏

奏再據署玉山縣知縣張鳴岐稟稱三月二十三
 日逆匪竄擾廣信二十七日未刻竄至該邑約
 有三千餘人該縣會營迎敵因賊勢猖獗退守
 縣城施放鎗砲擊斃逆匪七人該逆亦施放鎗
 砲抵禦延燒城外民房數十間殺斃居民五人
 即由浙江開化縣為之華埠地方逃去該縣督
 率兵勇追獲長髮賊八名訊明正法城池無恙
 等情開具生擒各犯供摺稟報前來伏查前准
 吉爾杭阿來咨接何桂清函開玉山縣於三月
 二十七日失守請兵赴浙應援當經^奉奏明飭
 查並准何桂清咨會由驛馳奏在案茲據該縣

具稟前情是否於賊退後捏詞諱飾抑係傳聞
致誤軍務關係至重必重確查辦理至廣信府
城如何被匪竄擾從未據該府縣隻字稟報究
竟曾否失守玉山縣稟內亦未聲明均屬玩誤
竊現已移咨陳啟邁就近確切查明另行具奏
現在浙省解嚴人心已定蘇常一帶均屬安靜

堪以仰紓

宸厯理合附片陳明伏乞

聖鑒謹

奏

咸豐五年四月十八日具

奏五月初七日奉

硃批知道了欽此

奏

稿 揆發委用知縣王際相請旨江都縣知縣

臣 怡 書

跪

奏為揆員署理沿河要缺知縣恭摺奏祈

聖鑒事竊照江都縣知縣許道身捐升遺缺接准部

咨於咸豐四年二月初五日行文照限減半作

為二月二十九日開缺業經咨部載缺在案所

遺江都縣知縣係衝繁疲難四項兼全沿河要

缺例應在外揀選調補該縣係揚州府附郭首

邑政務設繁時有發審案件值此賊氛未靖辦

理固練巡防及將來克復瓜洲一切善後事宜

在在均關緊要非精明幹練之員不足以資治

理臣等於通省現任及候補知縣內逐加遴選

非現居要缺即人地未宜一時定無合例堪調

堪補之員查有揆發委用知縣王際相年三十

三歲山東舉人咸豐三年會試後揀選知縣引

見奉

旨著發往江蘇以知縣差遣委用欽此是年十月初

八日到省該員年富才明辦事勤幹以之請著

江都縣沿河要缺知縣尚堪勝任提藩臬兩司

會詳請

奏前來臣等往返札商意見相同合無仰懇

天恩俯念員缺緊要准以揀發委用知縣王際相署

理江都縣知縣宜於河工地方有裨如蒙

俞允該員係揀發委用知縣請著知縣銜缺相當毋

庸送部引

見亦毋庸查造恭罰仍俟試署期滿如果稱職另請

寬授謹會同江南河道總督臣楊 合詞恭

摺具

奏伏乞

皇上聖鑒訓示再江蘇未辦各款前因軍務未能依

限辦補經臣等咨部展限在案今此案於四月

十六日據江甯藩司詳到合詳陳明謹

奏

咸豐五年四月二十七日具

奏五月二十七日奉到

硃批吏部議奏欽此八月初五日准

吏部咨云揀發委用知縣王際相署理江都縣

沿河要缺知縣之處核與定例不符應毋庸議

等因咸豐五年六月初五日奉

旨依議欽此

奏

稿

邳州知州左仁調署宿遷縣知縣

臣怡
臣吉

跪

奏再署宿遷縣事生補阜甯縣知縣顧思堯現飭

先行赴任以專責成所遺宿遷縣員缺係沿河

最要之區必須明練之員方足以資治理查有

奏留辦理高郵團練局務尚未引

見之准升邳州知州左仁熟悉徐屬情形堪以委署

聖鑒謹

奏

據藩臬兩司會詳前來除批飭遵照外謹會同
江南河道總督臣楊 合詞附片陳明伏乞

咸豐五年四月二十七日具

奏五月二十七日奉到

硃批知道了欽此

奏稿

請以酌補沿河知縣范毓補授甘泉縣

臣怡

跪

奏為沿河要缺知縣揀員請補恭摺奏祈

聖鑒事竊照甘泉縣知縣姚維成於咸豐三年八月

初八日因病開缺業經咨部在案所遺甘泉縣

知縣係衝繁疲難四項兼全沿河要缺例應在

外揀選調補該縣地當衝道政務殷繁係揚州

府附郭首邑時有發審案件且揚城收復未久

一切撫恤善後事宜在在均關緊要必須精明

幹練之員方足以資治理臣等於通省現任知

縣內逐加遴選非現居要缺即人地未宜者有

酌補沿河知縣范毓年五十二歲廣東連平州

監生報捐縣丞投効東河因堵閉祥工委查江

境水勢出力奉

旨留於南河儘先補用道光二十三年委赴湖北採購

鐵船監鑄礮位奉

旨賞加通判銜二十五年咨補東臺縣縣丞調署宿遷

縣縣丞二十九年安瀾出力奉

旨著開缺以沿河知縣補用咸豐三年委署安東縣知

縣四年等獲鄰境拾匪張九高整剿辦土匪出力奉

旨著賞戴藍翎又於等獲鄰境拾匪管六等案內保奏奉

旨賞加同知銜該員才識明辦事勤能現署江甯縣

省會要缺知縣辦理裕如以之請補甘泉縣沿

河要缺知縣實堪勝任與例亦符茲據藩臬兩

司會詳前來臣等往返札商意見相同合無仰

懇

聖恩俯念員缺緊要准以該員范驥補授甘泉縣沿

河要缺知縣定於河工地方有裨如蒙

俞允俟接准部覆照例給咨送部引

見恭候

欽定共一切因公處分逐例毋庸核計謹會同江南

河道總督臣楊 合同恭摺具

奏伏乞

皇上聖鑒訓示再江蘇未補各缺前因軍務未能依

限辦補咨部展限在案此案於四月初三日據

江甯藩司詳到合併陳明謹

奏

咸豐五年四月二十七日具

奏五月二十七日奉到

硃批吏部議奏欽此九月初九日准

吏部咨云候補沿河知縣范驥准其補授甘泉

縣知縣等因咸豐五年六月二十一日奉
旨依議欽此

奏稿 請飭場灣沈禮池回任

奏為查明江甯省城失守案內人員寔係因公先

期離任請

旨飭令回任以專職守恭摺奏祈

聖鑒事竊 臣等接准部咨欽奉

上諭所有失守城池之文武員缺除業經簡放外其

臣 臣
吉 怡

跪

餘各缺未便因該省尚未查奏以致久懸著吏部
兵部分別查明或應請旨或應送補卽行照例辦
理欽此經部查明丞倅故令以下等缺或應留省

題補或應歸部銓送亦未便因該省尚未查報
懸缺久待擬請卽以此次奏明之日作為開缺
日期分別辦理如其中寔有先期調署他缺因

公離任人員應令該督撫據寔奏明令其仍回
本任其選授之員留於各該省另行補用奏奉

諭旨依議欽此行文遵照等因當經轉行查辦去後

茲據署江甯布政使何復詳據江甯府理事同

知錫淳稟稱咸豐二年十二月十一日奉前任

總督陸 札調隨營前赴湖北差委遵卽交

旨以知州不論雙單月在任候選副奉前任總督陸

卽同知事務起程於咸豐三年正月初十日行

抵九江奉飭在大姑塘候差至十三日忽見湖

口驟火起江中船隻紛紛四散急赴大江探望

賊船沿江焚劫勢甚兇猛當在大姑塘停船數

日不見總督船隻旂號而大江皆賊船堵截未

能前進盤費無多不得已前往江西省城設措

回省二月十七日探聞賊匪竄踞江甯省城當

卽統道於三月二十八日抵蘇奉委在蘇城督

門盤查咸豐四年閏七月十三日銷差仍赴江

甯聽候差遣又據江安糧道庫大使沈禮述稟

稱道光二十九年順天捐輸案內奉

札調隨營辦理文案本任印信交候補道庫

大使李廷齡代理於咸豐二年十二月十八日

交卸起程嗣由九江回省在東西梁山冲散間

道歸來省城已隔拔錫巡撫軍營蒙派馮鴻勳

捐所有前捐在任候選知州現已本班項選定

例奉調軍營因公離任向准照常開選稟請據

情詳咨各等情到司查江甯府理事同知一缺

已奉部選富奎經

欽差大臣勝 留營差委咨部展限俟軍務完竣即

行給咨赴任又江安糧道庫大使一缺亦奉部

選王衍杰於咸豐四年四月初五日到省並未

赴任今江甯府理事同知錫溥江安糧道庫大

使沈禮廷奉前任總督陸 札調隨營差委

均係因公先期離任並非失守之員似應仍令

各回本任其選授之富奎王衍杰二員並請留

省另行補用詳請會奏前來 惟 查江甯所

理事同知錫溥經前督 陸 札調隨營差

委應有印札交卸時本任理事同知關防交與

何員署理又江安糧道庫大使沈禮廷據稱奉

調隨營因公離任本任印信交李廷齡代理却

事日期是否據報有案即經分別咨行查農考

後茲據該司查明該同知錫溥奉調隨營差委

所有理事同知員缺經前藩司祁宿藻於咸豐

二年十二月內會同臬司詳委南捕通判程宗

兼署有移還鈴印會稿可先詳送候驗等情其任並非失守之員據稟尚與捏飾自應遵

沈禮迺調赴軍營差遣遺缺 查明 旨據莫奏明合無仰懇

係丁咸豐二年十二月十七日據江藩司呈報 天恩賞准飭令錫溥仍回江甯府理事同知本任沈

飭委試用道庫大使季迺齡代理至任卸日期 禮迺仍回江安糧道庫大使本任以專職守其

並未專摺報院惟查核咸豐三年十月內據江 奉部選之富奎王衍杰二員均請留省另行補

藩司詳沈禮迺拍升知州請咨部照常開選業 用恭候

內聲明季迺齡於咸豐二年十二月十八日接 命下施行此外有無似此先期因公離任之員容俟

印該大使沈禮迺於十二月十八日交卸起程 各屬查庚至日再行辦理合併陳明謹會同署

業經咨部在案 等伏查江甯府理事同知錫 江甯京口將軍 福 合詞恭摺具

溥江安糧道庫大使沈禮迺奉前督 陸 奏伏乞

札調隨營差遣所遺各缺俱已委員接署並交 皇上聖鑒訓示謹

卸日期均有案據可憑是該員等因公先期離 奏

咸豐五年四月二十七日具

奏五月二十七日奉

硃批錫淳等均著飭回本任吏部知道欽此

奏片稿

前著吳焯張禮守被奏一摺

日惟 跪

奏再前因有人叅奏署吳縣知縣張禮用劣役為
心腹婪贓縱盜及上元縣知縣岳崇恕貪污素
著吸食鴉片不理公事等情欽奉

上諭飭令查叅當經 旨等將查辦情形附片奏明在

案蘇松藩臬兩司會詳前署吳縣知縣張禮因

不協輿情先經撤任飭據署蘇州府知府平翰

查明該員在任尚無貪婪殃民寔跡亦無被控

書差詐贓之案祇因辦事遲鈍且有疎防盜案

三起犯未破獲以致輿論未孚其性理詞訟每

差縣役張炳傳訊誠恐有用為心腹婪贓肥己

之事飭提張炳及張禮門丁朱楷嚴加究詰

供該員因張炳入尚勤幹是以過案差其承辦

委無別情至岳崇恕於江甯失守後委令署理

上元縣事早已交卸飭據陞任江甯府知府趙

德轍確查該員並無貪污劣跡及吸食鴉片情

事張禮岳崇恕旋於咸豐四年十月間先後病

故均毋庸議除將濫差之縣役張炳斥革並將被

叅之鄭揚旌一員歸於失守案內另行審擬詳

辦外詳請具

奏前來 旨等復查無異謹合詞附片陳明伏乞

聖鑒謹

奏

咸豐五年四月二十七日具

奏五月二十七日奉
硃批知道了欽此

奏稿

請以張長庚升署提標右營守備

等
怡
跪

奏為揀員升署內河水師守備恭摺奏祈

聖鑒事竊准兵部咨提標右營守備李大鈞殺賊傷

亡所遺守備員缺係內河水師題補之缺應用

應題人員行文兩江總督照例選題等因等查

提標右營守備員缺駐劄上海縣地方係通商

要口華夷交涉五方襟處之區一切巡防彈壓
在在均關緊要必得精明幹練熟悉情形之員
方克勝任江省雖有應升人員於是缺人地不

甚相宜謹查有調補提標右營千總之京口中

營千總張長庚年四十八歲揚州府江都縣人
由京口右營食糧遞拔額外報捐營千總試用

期滿後拔補京口中營千總於咸豐二年十二

月內彙

題議准四年十一月接受補給劄付該弁曾獲梟

犯私鹽多起經前督臣陸 閱兵考驗材技

優嫻操防得力准予記名守備儘先升補續經

調補提標右營千總並兩次委署該營守備事

務辦理裕如於地方情形頗為熟悉且在上海
防剿逆匪年餘以來南北兩營打仗數十次又
於克復上海首先登城追賊出力經撫臣吉

奏請先

賞荷包復經奏請

賞戴藍翎以守備儘先補用現經管帶車輪大礮在

於鎮江防剿該員年富力強剿賊奮勇屢著戰

功以之請升提標右營守備實堪勝任惟該弁

現有母喪扣至咸豐六年八月內始屆服闋與

例稍有未符溯查從前營員持服未滿歷經

奏請升署遊擊都司守備均蒙

恩准有案等因員缺緊要人地實在相需起見合無

仰懇

聖恩俯准以儘先升用守備之千總張長庚升署提

標右營守備實於營伍地方均有裨益如蒙

俞允先請由部給與署劄俟軍務凱撤後扣滿服闋

再行送部引

見恭候

欽定除飭取履歷咨移部科查核外謹會同江南提

督臣和恭摺具

奏伏乞

皇上聖鑒訓示謹

奏

咸豐五年四月二十七日具

奏五月二十七日奉到

硃批兵部議奏欽此十二月二十日准

兵部咨議咸豐五年五月二十七日奉

硃批張長庚著准其升署欽此

奏

稿 籌提課款補修洪湖石工摺

奏為籌提課款作為甲寅年額解河餉補修洪湖
石工以利益運恭摺具

奏仰祈

聖鑒事竊竒接准部咨各省額解南河銀款未能如
數撥給河工購料修防倍形掣肘今於淮南鹽

課項下通融籌畫酌提銀數萬兩以脩春汛需
用等因當經行司籌議去後茲據兼署兩淮鹽
運使郭沛霖詳稱高堰山圩兩廳所屬之洪澤
一湖周遭四百餘里西高東下勢若建瓴東有
長堤一道橫障全湖實為淮揚地方及淮南場
灶保障歷年藉以蓄水濟漕濟運每逢伏秋咸
漲及西北大風全伏臨湖石工以為長堤外護
近年石工大半倒壞是以未能蓄水而該湖為
淮北鹽船必由之路冬春淺涸浮送維艱湖販
未免裹足殊於北疆大有關繫伏思淮北票課
全濟軍需洪湖石工關係運鹽即有關軍餉自
應盡河通籌提款修補以期蓄水利運查前議

淮北壬子綱籌補協貼淮南案內曾令海州分 皇上聖鑒謹

司將江運引內提出四萬引攤派琪販運銷擬 奏

將此項正雜課銀五萬零四十兩一俟售出儘 咸豐五年四月二十七日具

數提解運庫轉解南河作為甲寅年兩淮額解 奏五月二十七日奉

河餉再由河工酌搭大錢官票分派工員乘水 硃批知道了欽此

少之時將高堰山圩石工倒壞段落趕緊補修

完整蓄水濟運庶於益務軍需兩有裨益等情

詳請具

奏前來等覆核該司所議均屬實在情形合此亦

無別款堪以籌提除咨戶部查照外謹會同江

南河督臣楊 合詞恭摺具

奏伏乞

奏稿 乙卯科鄉試請緩

臣 臣 怡 吉

跪

奏為江南省本年乙卯科文武鄉試未能依限舉行援案懇請展緩恭摺奏祈

聖鑒事竊准部咨本年乙卯科鄉試江南等省軍務未竣是否可以依限舉行應即伏察情形由驛奏明辦理等因伏查江南省每屆鄉試之年一切

開務均應先期次第備辦雖江甯賊警日熾指顧蕩平但現已五月初旬即使收復城池善後事宜非數月之間所能竣事貢院號舍均須修葺本年鄉試勢已不及舉行先據蘇州紳士前都察院左副都御史程庭桂等擬請於十月內借浙江貢院考試當經 臣 咨商浙江

撫 臣 何 飭司會議窒礙難行且皖省及江

北士子或幫辦團練巡防或距省較遠軍務未竣勢難跋涉觀光與蘇常等處密爾省垣者不

同所有本年乙卯科江南文武鄉試惟有仰懇天恩俯准援照廣西湖南等省展緩之案展至咸豐八年戊午科得試加倍取中以昭慎重除咨明

禮兵二部查照外謹會同著江甯將軍臣福興

江蘇學政臣奎 安徽學政臣沈 恭摺由

驛具奏伏乞

皇上聖鑒訓示遵行謹

奏咸豐五年五月初十日具

奏五月三十日奉

硃批另有旨欽此同日並奉

上諭怡 等奏請展緩鄉試一摺本年江南省應舉

行乙卯科文武鄉試據稱該省軍務未竣現在試

期已近體察情形不能依限舉行所有本年江南

省乙卯科文武鄉試着照所請准其展至戊午科

歸併舉行按照兩科定額取中以昭慎重該部知

奏稿

派員管帶師船赴山東石島洋面擊盜

臣古怡

跪

奏為遵

旨派員管帶師船前赴山東石島洋面會拏盜匪恭

摺奏仰祈

聖鑒事竊臣等承准軍機大臣字寄欽奉

上諭石島匪船與官兵接仗勢甚猖獗難經擊退難

保不去而復來應厚集兵力以資攻剿署游擊張

鳳翔着令就現有師船管帶前赴石島毋許俟尾

幫開行始行前進仍揀選高大戰船派委得力大

員統帶即日前赴石島協同山東水師將洋面盜

匪設法殲滅倘戰船不敷分撥即令上海米局雇

覓艇船務期高大足以制敵者派員統帶趕日起

程經費由東省照數歸款等因欽此伏查臣等前

因山東石島洋面有盜艇截劫漕船當經奏明

飭派署狼山鎮標右營游擊張鳳翔管帶在洋

之拖帶船督押尾幫漕船送過石島再行折回

焦山協同剿賊旋據浙江定海鎮總兵周士法

等奉托明阿札派委署都司周建勛調取拖帶

船入江助剿并據張鳳翔呈報石崖沙船於四月二十六日前赴東洋護運在案現在石島盜

船胆敢拒敵官兵鴟張殊甚蘇省可用師船均

已調赴水營約計惟周建勛所調之拖罾船尚

在上海臣怡當即函商臣古轉商托

明阿公同酌定將此項拖罾船五隻即派署蘇

松鎮標右營都司周建勛管帶並飛飭蘇松太

道趕緊挑雇高大艇船五隻派署南匯營都司

景又春管帶配齊弁兵器械即日連檣赴東曾

同張鳳翔及東省水師實力剿捕務將洋面盜

船設法殲除倘敢遷延貽誤即當嚴恭示懲並

飭蘇省水師嚴密截擊以防匪船南窺其拖罾

船俟護運事竣仍令周建勛帶赴江面隨同攻

剿所需各船經費飭令蘇松太道先行酌量籌

墊造冊詳咨東省照數歸款所有遵

旨派員管帶師船赴石島會拏盜匪緣由謹分詞恭

摺由驛具

奏伏乞

皇上聖鑒謹

奏

咸豐五年五月二十五日由驛具

奏六月十三日奉

硃批知道了欽此

奏

稿

請以許惇詩升補北掣同知

臣 怡 吉

跪

奏為淮北監掣同知員缺仍請以海州分司運判

許惇詩陞補恭摺奏祈

聖鑒事竊照淮北監掣同知李安中撤任所遺員缺

前經臣等請以海州分司運判許惇詩

題請陞署接准部咨以該員任內尚未銷去試俸

應按照籌餉事例俟捐免後方准陞補所有請

陞之處應毋庸議等因臣等伏查例載兩淮監

掣同知缺出應於通判知州運判等員內揀選

題陞又籌餉捐例內載各省現任人員如未銷

試俸者准其捐免捐免之後方准一體陞調各

等語淮北監掣同知一缺專司驗掣自改引用

票以後又專掣江運八岸商鹽係屬要缺且近

年引地未靖積鹽不銷銀路不通商販累足會

同海州分司整頓招徠均關緊要非精明幹練

熟悉北疆之員實難勝任臣等於應調應陞應

補各員中留心察看非現居要缺即人地未宜

惟海州分司運判許惇詩年六十二歲浙江增

貢生遵例報捐運判分發兩淮道光十年三月
到淮督銷官運出力奉

旨賞加同知銜補缺後以應陞之缺陞用二十一年

題補泰州分司運判因安慶官運報銷成本不敷

革職嗣經賠繳足數開復原官籤掣長蘆親老

告近改掣兩淮丁憂服闋於浙西捐輸案內奉

旨著俟服闋免赴長蘆原省仍留兩淮以運判儘先酌

量補用欽此二十七年

題補泰州分司運判三十年

奏調海州分司運判咸豐元年四月初九日到任

該員才具優長勤於任事現署斯缺辦理裕如

其未銷試俸已於本年四月初四日在南河捐

局遵例捐免以之請陞淮北監掣同知實堪勝
任據署兩淮鹽運使郭沛霖等會詳請

奏前來臣等往返札商意見相同合無仰懇

聖恩俯念員缺緊要仍准以海州分司運判許博詩

升補淮北監掣同知實於鹽務有裨如蒙

俞允俟接准部覆照例給咨送部引

見其所遺海州分司運判員缺兩淮現有應補人員

俟接准部覆裁缺後再行遴員請補謹合詞恭

摺具

奏伏乞

皇上聖鑒訓示謹

奏

咸豐五年六月初四日具

奏六月初三日奉到

味北吏部議奏欽此九月初九日准

吏部咨云海州分司運判許悖詩准其并補北

監掣同知等因咸豐五年七月初二日奉

旨依議欽此

奏片稿

提用許悖詩稅架抄送部

臣怡 跪

奏 七月初三日奉到

奏再金陵大營需餉甚殷當此水陸攻剿吃緊之 硃批知道了欽此

際不得不就近設法接濟臣 前准

欵差大臣向 咨請在于許豐閔稅內撥銀一萬兩

由蘇解營以應急需即經咨行撥解去後茲據

署蘇州藩司楊能格詳在該閔移稱日徵稅銀

未旺現在正稅及各雜款內先後撥銀一萬兩

由閔委員解司先收儲庫撥用詳請

奏咨前來除咨戶部查照外理合附片陳明伏乞

聖鑒謹

奏

咸豐五年六月初四日具

奏

稿

江甯司所屬各員擬捐銀數

開現在軍務未竣應需軍餉自當寬為籌備議請准令一體量力捐助督撫司道祇令捐銀數百兩府州以下自一二百兩至數十兩以官階之大小分銀數之多寡奏奉

諭旨依議欵此等因前來臣等當即分別咨行遵照

趕飭江甯江蘇所屬各員一體捐助去後先經

臣怡 跪

臣與前撫臣許 於上年倡率蘇省司道各

奏為江甯藩司所屬各員量力捐輸稍佐軍餉恭

摺奏

員量力捐助奏蒙

聖恩勅部優叙加級紀錄在案茲江甯藩司所屬府

聞仰祈

州廳縣竭誠報效亦各量力捐輸陸續呈繳裁

聖鑒事竊於咸豐三年十一月內接准

至本年二月底止共計捐銀七千五百二十兩

欽命總理巡防事宜奉命大將軍和碩忠親王等劉

內除借撥四年分徐州府屬賑濟動用銀四千

八百六十六兩四錢二分又徑解江北糧台
收銀八百二十兩又海門同知連山捐輸銀兩
內解存蘇藩司庫一百兩免收外其餘銀一千
七百三十三兩五錢八分寄儲淮安府庫聽候
撥用據署江甯布政使何俊開摺詳報前來謹
合詞繕具清單恭呈

清單

上諭着交部從優議叙及交部議叙等因欽

御覽伏乞

皇上聖鑒勅部查照施行謹

謹將江甯藩司所屬各員已繳捐助軍餉銀兩
數目開單恭呈

奏

御覽

咸豐五年六月初四日具

奏 七月初三日奉到

升任常鎮通海道江甯府知府趙德輶捐銀四
百兩

硃批另有旨欽此六年六月十五日准 戶部咨奉

淮安府知府恒庶捐銀四百兩

前署揚州府事丁憂南河候補知府存葆捐銀二百兩

前任揚州府休致知府福珠朗阿捐銀二百二

十兩

革職暫留徐州府知府趙作賓捐銀四百兩

海門直隸同知連山捐銀二百兩

署溧水縣事大挑知縣周硯銘捐銀二百兩

留署六合縣事補用知府溫紹原捐銀二百兩

前署山陽縣現署高淳縣事分缺先用知縣楊

承忠捐銀二百兩

前任鹽城縣知縣楊維藩捐銀一百五十兩

署鹽城縣事請補清河縣知縣勵綱捐銀一百

五十兩

前署阜甯縣事請調上元縣丁憂知縣龔彤捐

銀一百兩

請升泰州知州阜甯縣知縣白暎元捐銀二百

兩

留署清河縣丁憂知縣吳棠捐銀二百兩

前署安東縣事南河補用知縣范驥捐銀五十

兩

署安東縣事南河酌補知縣黃壽豹捐銀五十

兩

前署桃源縣事請補安東縣知縣郭世昌捐銀

五十兩

署桃源縣事南河大挑知縣王獻琛捐銀五十

兩

署江都縣事委用知縣李輝德捐銀一百兩

署甘泉縣事委用知縣謝乾鄉捐銀一百兩

前署泰州事請調淮南監掣同知徐瀛捐銀一

百兩

署高郵州事分缺先用知縣張鵬展捐銀二百

兩

東臺縣知縣葛起元捐銀一百兩

署泰州事寶應縣知縣唐守道捐銀二百兩

署寶應縣事大挑知縣周子路捐銀一百兩

興化縣知縣汪士俊捐銀二百兩

前署邳州事在補溧陽縣知縣焦肇瀛捐銀一

百兩

署銅山縣事委用知縣王檢心捐銀二百兩

睢甯縣知縣高丙謀捐銀二百兩

署宿遷縣事坐補阜甯縣知縣顧思堯捐銀三

百兩

留署蒲縣事丁憂南河補用知縣楊韞緒捐銀

二百兩

簽升江西九江府同知沛縣知縣景步遠捐銀

一百兩

請升陽山縣知縣崔絕祖捐銀五十兩

署海州直隸州知州事請升高郵州知州于醇

儒捐銀三百兩

署沭陽縣事分缺先用知縣王宗元捐銀一百兩

贛榆縣知縣隋汝齡捐銀三百兩

前署通州直隸州南河候補同知王壽鏡捐銀二百五十兩

通州直隸州知州金成捐銀二百五十兩

如皋縣知縣馬雲鶴捐銀三百兩

前署泰興縣事大挑知縣衛榮簡捐銀一百八十兩

泰興縣知縣施宜泰捐銀一百二十兩

前署豐縣事泰草州同閔廷亨捐銀五十兩

以上共捐銀七千五百二十兩

奏

稿

臨江都司徐承烈摺奏革職摺

怒
怡 跪

奏為特參都司到任遲延察看精力就衰應請照

例革職恭摺奏祈

聖鑒事竊照例載武職赴任違限一年以上者革職

等語茲准江西撫臣陳 咨選補臨江營都

司徐承烈係陝西長安縣人於咸豐二年九月

初十日經部給劄請假一月回籍修墓據報因沿途雨水阻滯及患病繞道於四年十一月二十八日始行到任惟除去假期及例定回籍赴任程限并中途患病阻滯例限外核計違限尚在一年以上當經劄調該員來省復據稟稱寔因沿途雨水阻滯患病耽擱復遇賊匪繞道數千里以致遲延等情當查前准湖廣督臣咨會該員徐承烈於咸豐三年六月十二日行抵襄陽縣境復感風寒是該都司早已到楚斯時道路並無阻梗一經病痊自應迅速赴任乃遲至一年有餘始行來江寔屬有意逗遛驗看該員年已六十三歲精力就衰詢其沿途阻繞槍劫

各情復未報明有案難保非藉詞捏飾自應照

奏七月初三日奉到

例革職咨明會辦等因前來

硃批徐承烈著革職欽此

承烈到任遲延一年以上既經撫臣驗看該員

年已六十三歲精力就衰詢其沿途阻繞搶劫

各情又未報明有案顯係飾詞朦混未便姑容

相應請

旨將臨江營都司徐承烈照例革職以肅營伍除飭

追取該革員原領劄付限票另行咨部查銷外

謹會同江西撫臣陳 合詞恭摺具

奏伏乞

皇上聖鑒訓示謹

奏咸豐五年六月初四日具

奏

稿

袁州協副將蔣益輝履歷引 見冊

奏 怡 跪

奏再江西袁州協副將員缺經前督臣陸 請

以廣信營叅將蔣益輝會疏具

題升補接准部覆准其補授行令給咨赴部當查

蔣益輝先經委令按署是缺副將時因粵省匪

徒滋事南贛地方需員委用復經督臣陸

附片

奏明暫行展緩俟粵匪蕩平給咨赴部嗣值粵匪

四竄處處均應嚴防又經前任江西撫臣張

咨准部覆發給升署劄付俟軍務告竣再行赴

部各在案旋准部咨該員蔣益輝已屆六十六

歲甄別應令考驗給咨送部等因即經移行遵

照去後茲准江西撫臣陳 咨逆匪尚踞潯

郡並擾及饒州都昌等處現在籌辦攻勦正值

吃緊且瀏陽土匪曾於上年歲底攻撲袁州郡

城刻下雖經擊退難保不復萌窺向在在均應

嚴防所有該員蔣益輝應請仍行展緩俟軍務

告竣再行考驗併案給咨赴部咨會核辦前來

覆覈無異謹會同江西巡撫

附片

陳明伏乞

聖鑒謹

奏咸豐五年六月初四日具

奏七月初三日奉到

殊批兵部知道欽此

奏稿

王之敬越升蘇鎮左營遊擊

牙
怡
跪

奏為外海水師員缺緊要揀員升署恭摺奏祈

聖鑒事竊准兵部咨蘇松鎮標左營遊擊張攀龍因

催調帆船不力部議革職嗣聞復原官並未開

復本任其蘇松鎮標左營遊擊員缺仍令照例

揀選題補等因等查蘇松鎮標左營遊擊駐副

太倉州崇明縣地方係外海水師駐紮要缺有
輪巡內外洋面之責巡緝探防在在均關緊要

旨允准於咸豐四年十二月領到現因在浦口等處
攻剿出力經臣托

奏請

非熟習洋面長於緝捕之員不足以收實效江
蘇省外海水師各都司守備雖有俸滿合例人
員或疎防參案未結或並未出兵著績或於是
缺人地未宜均未便請升查有蘇松鎮標左營

賞按花翎該員年力正強遇事勇往屢著戰功於洋
而情形素稱熟習以之請升遊擊實堪勝任惟
核計受劄歷俸日期均在出缺之後准補守備
尚未引

守備王之敬年四十一歲浙江奉化縣人由勇
因拿獲洋盜出力奉

見與例稍有未符查江安兩省軍務未竣多有出缺
在先原俸在後以及其升未經赴部復請升署

上諭以外海水師千把總擬補副經調赴江面增剿

曾蒙

接仗奮勇奏奉

恩准有案該員調赴水營防剿打仗二年有餘勞績

上諭著以守備升用並賞戴藍翎欽此該部知道

較著係屬水師得力之員謹遵人地相需之例

擬連獲勝仗奏補合職奉

專摺奏請合無仰懇

聖恩倚念防剿吃緊人材難得准以守備王之敬越

咸豐五年六月初四日具

缺升署蘇松鎮標左營遊擊既於營伍地方有

奏七月初三日奉到

裨兼可鼓勵軍心如蒙

硃批兵部議奏欽此九月二十一日准

俞允先請由部給與署劉侯凱撤後再行併案給咨

兵部咨議奏咸豐五年七月初三日奉

送部引

硃批王之敬着准其越缺升署欽此

見恭候

欽定仍俟扣滿守備歷俸年限另請定擬除查取履

歷咨移部科外謹會同

欽差大臣托 江南提督臣和 合詞恭摺具

奏伏乞

皇上聖鑒訓示謹

奏

奏

稿 幫丁月糧米石不敷支故循案籌補濟用摺

以
怡 跪

奏為幫丁月糧米石不敷支故循案籌補濟用恭

摺奏祈

聖鑒事據署江安督糧道湯雲松會同署江甯布政

使何俊詳稱江淮興武二衛及鳳陽長淮各幫

應支道倉月糧米石例於各屬徵解南撫米內

動支如有因災緩缺另行籌補核派今查道光

二十七年分蘇松太三屬海運減歇幫船應支

道倉加給米石因和州採買之米尚未解道旋

值軍興無從支領又咸豐元年海運減船奉准

加給道倉米石亦緣省城被陷未經籌補魚之

各幫應支咸豐四年分苦蓋月糧米石除江安

被陷以及蠲減緩征外定征南撫行月無幾短

缺甚鉅應行援案籌補給領但折銀奏放並採

買給丁二層均因逆匪不靖屬解寥寥司道各

庫均無存銀所有各屬應征漕倉銀兩抵放各

幫未領銀款尚慮不敷焉能再加米款折銀採

買再四熟思含裁撥漕報別無良策查有江甯

府屬之句容縣應徵漕糧約一萬四千餘石未

奏

奉部飭變解並在金陵軍營各營婦女孀存儲候

咸豐五年六月初四日具

撥堪以裁撥給領仍俟各屬緩南撫行月等米

奏 七月初三日奉到

帶徵完解至日歸還報撥詳請核

硃批戶部議奏欽此

奏前來 查邗丁月糧等米均閱計口授食要需

今既不敷支放自應循案籌撥相應請

旨將句容縣應徵漕糧一萬四千餘石照數裁撥以

濟丁精除飭將撥用漕糧細數分晰造報外謹

會同漕運總督 臣 邵 江蘇巡撫 臣 吉

恭摺具

奏伏乞

皇上聖鑒訓示謹

奏
怡
跪

奏再
先後接奉

諭旨交審立誠袁甲三呈訴被恭寬抑各案現在立
誠一案已飭提人卷解審袁甲三一榮和春等
原恭該草員冒銷肥己油箋藏銀寄回原籍及
袁甲三訴辯各情已逐條摘出家委徐州道王
夢齡馳赴臨淮確切訪查至袁甲三節次截留
餉銀及收捐助餉銀錢共有若干是否均歸軍
餉支用所稱支放勇糧以贏補絀不及例銷之
數是否屬寔此項兵勇現係署臬司恩錫接管
不能諉為不知已飭查明據寔稟覆一面行提
收支簿據各勇領狀并摘提勇頭散勇及管理

奏
片
稿
查辦立誠恭案

袁甲三報台各委員一併解常廣訊其清單內
牽涉廣州軍需與臨淮不同之處查廣州報台
係藩司單承昭總理如何支銷等衙門未據具
報無案可稽現飭該司明白登覆以期恭覲五
證水落石出等受

恩深重惟有寔事求是秉公認真查辦斷不敢稍涉

偏徇容俟行查覆列人卷提齊分別確核審擬

具奏所有遵

旨查辦緣由理合附片陳明伏乞

聖鑒謹

奏咸豐五年六月初四日具

奏於七月初三日奉到

殊批務期認真嚴訊萬勿稍有含混若將就了結朕
必另派大員查辦需爾疆吏何為耶欽此

奏

稿
戶部師船赴東洋盜

臣
吉
怡

跪

據石島口門並有火輪船二隻在外洋游駛又據
即墨縣報稱初五日有盜艇十七隻駛入該縣金
家口外香島停泊探係上海勦散餘匪著飛飭張
鳳翔等速赴石島一帶會勦再行的撥兵丁船隻
揀派得力將弁統帶赴東會合兜擊等因欽此伏
查前因石島洋面有盜艇伺劫海運漕船與山

東官兵接仗經

臣
等
遵

奏
為
遵

旨另行在配師船前赴山東石島洋面會擊盜匪恭

旨派署都司周建勳管帶拖帶船五隻並飭蘇松太

道挑在高大艇船五隻派署都司景又春管帶

摺
稟
奏
仰
祈

赴東會同署游擊張鳳翔及山東水師合力勦

聖鑒事竊臣等承准軍機大臣字寄欽奉

捕
奏
蒙

上諭崇恩奏六月初三日有南來盜艇三四十隻占

聖鑒在案因上海近日並無高大艇船進口驟難在

覽是以尚未起程嗣於六月初三日接崇恩五

撥并飭存營水師各在河轄洋面嚴密巡防截

月二十二日來咨據登州府稟報江浙尼幫海

勒外理合先行由驛覆

運漕船於五月十一日經張鳳翔押令統出石

奏伏乞

島洋面由登州大洋北上全消業已遊竣前撥

皇上聖鑒謹

蘇首艇師各船咨請停止等因當經轉行知照

奏

被據岡建勳稟報於六月十四日管駕拖帶船

咸豐五年六月二十九日由驛具

入江隨勒并據張鳳翔由洋次折回銷差正在

奏七月二十日奉到

附摺具奏聞欽奉前因日等現已飛飭蘇松太

殊批知道了欽此

道趙紫在寬高大船隻酌撥兵勇軍火器械派

署游擊張鳳翔統帶一面咨商大日托

仍飭周建勳將原帶拖帶船五隻折回上海連

檣赴東會同該省水師設法兜擊毋任肆行窺

奏片稿

海捕盜船改赴北洋捕盜恭摺

臣 怡 跪

奏再正在繕摺間據署蘇松太道趙德輒稟稱六月二十日接喚咭喇領事官囉囉來文風聞山東洋面有廣省賊船攔截搶掠商船不敢南下於本港貿易有礙已商令該國水師將海匪掃蕩救出商船俾海路復新買賣得有生色該道面向阻止據稱商船不通則北路貨物無從販運回國必須速往幫同剿滅反覆開導其意甚堅等語臣等查上海捕盜局前因浙省來咨甯波商人有捐買火輪船出洋捕盜之事亦欲仿照辦理經臣等以火輪究屬夷船未便前赴北洋飭令該道妥為籌議另詳察奪茲喚夷因

盜艇滋擾北貨不能南來欲以兵船赴北雖為殊批所辦甚妥嘆夷之船豈能任其各處遊奕以捕捕盜起見但通商五口之外皆非夷船應到之處石島一帶雖有盜艇業經內地的撥兵船剿辦不日自可肅清批飭該道照會聯响聯查明該夷船隻如果尚未出口即行截留倘已開行亦令迅速撤回毋庸前往並飛咨

盛京將軍直隸山東督撫臣查照鎮靜辦理外謹


合詞附片陳明伏乞

聖鑒謹

奏

咸豐五年六月二十九日由郵具

奏七月二十日奉到



奏稿

揚州紳民委員捐資團練具劄摺

臣怡 臣吉 跪

奏為查明揚州東鄉各路捐資團練投賊保衛地方之尤為出力紳民委員懇請從優獎勵以昭激勸恭摺奏祈

聖鑒事臣等按准部咨欽奉

諭旨旨送匪竄擾以來所過州縣村莊無不慘遭蹂

等因又欽奉

上諭揚州迤東各屬均能練勇自衛現在各首均辦

團練曾經迭降諭旨令各省紳民辦理團練既可保衛身家又可隨同官兵剿賊著各路統兵大臣暨各該督撫等迅速查明送匪經過地方鄉團紳民人等有能奮勇剿賊者隨時分別保奏以加優獎

團練著再剴切曉諭紳民務當合力同心守望相助其捐資出力人等即著查明隨時保奏以昭激勸等因欽此迭經通行欽遵查辦在案據據署江甯布政使何俊憲署兩淮總運使郭沛霖會詳稱咸豐三年二月間揚城失守逆匪四出滋擾搶掠經揚州府屬江都縣東鄉紳民捐資團勇

五打擬救敵隊同仇投誠出力俱錄究情並無
控飾先後詳奉批飭會查詳辦在案今查得五
洲紳董于是年四月初一日見有官騎兵從過
境察其形色慌張語言半係湖廣楚徐新荆且
無令箭公文愈覺可疑該董等細加盤詰賊知
敗露先即舉鬪聲言續來之賊甚多格殺多時

共斃逆匪五十餘名偽官一名遺下馬鎗奪獲
短刀大鎗等件又查得孫綱等鎮並李家洪潘
家伙蕭家灣許家莊東磨村田家巷湯家集等
處或離城僅止十餘里或數十里不等各該紳
民捐資設局置餉器械在蒙壯勇數百名聯絡
村莊共計壯丁一千數百名口逐街禦成豐三

年二月二十七三月初三日賊匪先後竄擾
焚掠磚橋等處均經各該局紳董率勇往救督
同汛兵丁勇抵禦先後格殺賊匪二三十名及
數十名十餘名不等燒燬賊船四隻奪獲抬鎗
炮子鎗衣刀鎗器械黃紅旗中水復民房騾馬
均屬尤為出力理合查明詳請奏獎前來 臣等

伏查揚州府東鄉南瀆大江為裏下河各場門
戶北連高郵寶應為清江淮安一帶鎖鑰專匪
窟窟揚郡屢思東竄無以土匪伺隙蠢動乘機
竄發東踰寔為江北要區幸賴各董等志切同
仇捐資練勇聯絡防禦出力洵屬深明大
義踴躍急公計已兩載有餘該董等仍未撤防

雖終無懈指日瓜分鎮江克復尤望其愈加奮
勉同心協力淨掃妖氛似宜優加鼓勵方足以
激義勇而固民心又查前督奏擬委員補用知
府吳雲經前潛巨楊殿邦私委總辦團練親詣
鄉鎮諄勸舉行先後投賊使逆匪不敢進窺裏
下河得以安堵亦屬著有勞績有應遵
恩施示此項捐資練勇錢文係屬民捐民辦應請毋
庸造冊報銷合併陳明謹合詞恭摺具

奏伏乞
皇上聖鑒訓示謹

御鎮諄勸舉行先後投賊使逆匪不敢進窺裏
下河得以安堵亦屬著有勞績有應遵
咸豐五年九月十一日具

旨一件保奏保各屬委員紳民聞風興起衆志成城
奏十月十四日奉到

于防禦寔有裨益此外尚有宜陵仙女廟等處
殊批另有旨欽此六年四月三十日准

出力各紳民現在飭查尚未詳覆容再另行具
兵部咨內閣抄出六年三月初十日奉

奏謹將已詳到各屬紳民捐資勞績最著者
上諭云著照所議辦理該部知道單併發欽此

議具清單恭呈

御覽可否先行鼓勵以昭激勸之處出自

御覽

謹將揚州府江都縣東鄉五洲集網等鎮捐資

賞加卅銜

練勇殺賊保衛尤為出力紳士委員銜名彙錄

雙月選用布政司理問徐震甲武豐四年候陳

清單恭呈

金綬雷以誠保奏以該員委赴泰州姜堰一

帶勸捐並倡辦江甘地方抽釐出力奉

計開

旨着以布政司理問歸部雙月選用欽此今查該員

督辦團練委員江蘇補用知府吳雲前管泰堪

前于武豐三年粵匪竄踞揚城經前漕臣楊

監掣時于武豐三年三月經前漕臣楊殿邦

殿邦札委督勸東鄉一帶練勇事宜該員勸

以五洲一帶紳民團練殺賊可嘉無官督辦

導各莊鎮團練水陸嚴防是年四月初一日

恐致疎懈委令督同巡防該員親詣鄉鎮詳

偽官兵後過境在局督飭嚴誅殺賊五十餘

勸舉詳先後殺賊使逆匪不敢進窺裏下河

名復往來督勸不辭勞苦寔屬始終出力從

得以安堵督詳有方經理日久寔屬著有勞

請以布政司理問分缺先用

績擬請

九品職銜蕭元吉道光二十一年賑案錄叙九

品銜咸豐三年粵匪竄踞揚城該職勸導各
莊鎮練勇嚴防是年四月初一日偽官兵從
逆境在局督飭盤詰殺賊五十餘名並於張
網鎮局先後捐錢一千串練勇殺賊擬請以
縣丞不論雙單月歸部選用

揚州府學文生楊澍經前署督臣楊文定先賞

六品軍功頂戴

捐職千總楊觀成道光十七年由監生加捐營
千總銜以上二名于咸豐三年粵匪竄踞揚
城捐資團練當偽官兵從逆境時為該生該
職盤詰識破督勇殺賊五十餘名今復兩載
有餘督率防禦晝夜操巡不詳勞瘁揚澍擬

請以復設訓導選用楊觀成擬請以銜千總
儘先選用

文章楊汝弼楊蔭南于偽官兵從逆境隨同督
勇職殺賊均經前署督臣楊文定賞給六品軍
功頂戴仍復相率防禦始終無怠擬請均給
予六品銜

江都縣學文生周文錦設局練勇先後捐錢一

千串聯絡村莊巡防保衛首先殺賊多名並
獲奸細燒燬賊船奪獲器械捐築大圍隨同
擊獲土匪要犯解送大營正法擬請以復設
訓導不論雙單月歸部即選

江都縣學文生吳鴻設局團練先後捐錢六百

串督勇迎敵首先殺賊多名拿獲奸細土匪
燒燬賊船奪獲器械捐築土圍擬請給予營
千總銜

江都縣學文生吳晴江設局團練先後捐錢六
百串首先協同殺賊拿獲奸細土匪燒燬賊
船奪獲器械捐築土圍擬請以復設訓導雙

月先用服閱後歸部即用

捐職州同李兆祿由監生遵善餉新例捐職州
同在局捐錢一千二百串曾協同殺賊現仍
捐資練防始終不懈擬請

賞加二級

俊秀楊壯圖設局團練防禦捐錢四百串協同

殺賊擬請給予府知事職銜

俊秀兵壽源設營亭陳文玉三名捐資練勇殺

賊巡防擬請均給予從九品職銜

揚州府學文生陳學詩設局團練捐錢八百串

首先督勇殺賊十五名擬請以復設訓導不

論雙單月歸部即選

議叙八品頂戴陳大元前于道光十三年賑案

議叙八品頂戴賊匪逼近揚城設局團練捐

錢五百串督率會同殺賊十五名擬請給予

布政司理開職銜

俊秀陳維沂設局團練首倡捐錢二百串督率

殺賊擬請給予從九品職銜

俊秀戴森林首倡捐錢一百六十串

俊秀朱虎卿首倡捐錢一百六十串

俊秀吳香泉首倡捐錢一百八十串

以上三名設局練勇督率殺賊擬請均給予

從九品職銜

監生朱光弼監生朱佩珩設局募勇一百二十

名聯絡村莊集丁一千二百餘名督勇殺賊

三十餘名朱光弼捐錢三百五十串朱佩珩

捐錢三百三十串擬請均給予營千總職銜

俊秀趙選翹設局團練捐錢一百五十串

俊秀王鴻設局團練捐錢一百六十串

以上二名均協同殺賊三十餘名擬請均給

予從九品職銜

監生蕭椿設局練勇先後捐錢三千餘串並給

散貨佃口糧首先督勇殺賊三十餘名現仍

照舊巡防始終無懈擬請以縣丞分缺先期

部即選

軍功七品頂戴戴錫麟于道光二十二年防堵

案中經前督臣賞給七品頂戴上年匪竄九

江設局團練捐錢五百串剿捕賊匪三十餘

名擬請給予六品職銜

俊秀蕭悅設局練勇捐錢一百六十串督率殺

賊現仍照常捐資練防始終如一擬請給予

從九品職銜

俊秀蔣威華設局團練捐錢一百六十串督勇
殺賊擬請給予從九品職銜

甘泉縣學武生許雯上年匪近揚城設局團練
首倡捐錢五百串晝夜巡防獲賊多名擬請
以把總分發本省過缺即拔

監生李輔之設局練勇首倡捐錢六百串晝夜

巡防獲賊多名擬請給予守禦所千總職銜

軍功七品頂戴趙汝霖前于道光二十二年防

堵業內經前督臣賞給七品頂戴上年匪近

揚城在局捐錢五百串接濟助勇巡防擬請

給予六品頂戴

俊秀李祚栢首倡捐錢一百五十串

俊秀鞠新甫首倡捐錢一百七十串

以上二名設局練勇巡防獲賊匪多名擬請均

給予從九品職銜

監生胡振先設局練勇首倡捐錢五百串賑撫

飢民七百餘口率勇殺賊多名奪獲器械多

件擬請給予州同職銜

監生楊懋設局練勇首倡捐錢四百二十串賑

撫飢民率勇殺賊奪獲器械擬請給予州同

職銜

俊秀徐楚珍捐錢一百六十串

俊秀王照捐錢一百六十串

以上二名設局練勇賑撫飢民殺賊獲械擬

請均給予從九品職銜

俊秀朱西輝設局練勇捐錢一百五十串擬請

獲松擬請給予從九品職銜

州同職銜胡程萬由監生于道光十年加捐州

同職銜小年匪竄揚城設局保衛捐錢一千

二百串協同殺賊擬請

賞加二級

俊秀李昌明捐錢一百六十串

俊秀王常祀捐錢一百四十串

俊秀戴楚南捐錢一百五十串

俊秀羅錫捐錢一百六十串

以上四名設局練勇殺賊擬請均給予從九

品職銜

議叙九品職銜楊汝功前於道光二十八年賑

案議叙九品職銜上年賊匪竄擾設局練勇

捐錢五百五十串晝夜巡防邀約各莊一律

團練捐助貧民督勇殺賊數十名搶獲器械

收復民房驛馬現仍照舊捐資巡防擬請給

予布政司經歷職銜

軍功六品頂戴吳桂前於道光二十二年防堵

捐資團練經前督臣賞給六品頂戴上年賊

近揚城設局團練捐錢一千二百串邀約各

莊一律練勇六百餘名並捐助貧民置備器

械晝夜巡防首先督勇殺賊數十名獲械多

件收復民房現仍督勇嚴防擬請以從九品
歸部分缺前先即選

俊秀湯雲程設局練勇捐錢二百串四出巡防
殺賊數十名並獲器械收復民房擬請給予

從九品職銜

俊秀王慕之捐錢二百串

俊秀王國瓚捐錢一百六十串

以上二名設局團練督勇殺賊數十名並獲
器械收復民房擬請均給予從九品職銜

奏稿

知縣潘時敏並無詐匪盜摺

臣怡

跪

奏為匪徒乘機搶奪審明定擬查明該管知縣並

無詐贓諱盜情事恭摺奏祈

聖鑒事竊准部咨欽奉

上諭有人另片奏華亭縣知縣潘時敏于富戶倪少
瑛被劫一案詐贓諱盜六合縣知縣都榮森遇事

妻索辦漕滋事各情着一併查明據寔參奏等因
欽此當經行司查辦去後茲據藩臬兩司詳稱華

亭縣事主倪楷即倪少瑛家被人放火搶奪一

案該縣知縣潘時敏因勘報不符飭傳事主查
訊未到未及通詳卸事移交接署縣姚曾翼獲
犯顧三馮小悌二名訊認各自乘機搶取布米

不諱飭委署婁縣知縣溫奎光查明潘時敏並
無諱盜詐贓情事行提犯証解省飭委蘇州府
審擬由司覆訊具詳前來臣等復加查核緣顧
三馮小悌均籍隸華亭縣係倪楷即倪少瑛佃
戶鄰村居住先未為匪咸豐三年三月初三日
二更時分倪楷家第四進樓屋火起家人驚覺

拾取布米為數無多應各照為首例問擬顧三

馮小悌合依借名救火搶奪財物者照搶奪律

加一等治罪例於搶奪滿徒律上加一等各擬

杖一百流二千里業已在監病故應與訊無凌

虐之刑禁人等均毋庸議地保陸樹春照例飭

責事主倪楷即倪少瑛報詞失寔姑念到案供

明從寬免議前任華亭縣知縣潘時敏據倪楷

供無詐贓情事其不即詳報寔因勘報不符飭

傳事主查訊未到難以定案之故曾於交卸時

專案移交尚非諱匿惟於放火搶奪重案自請

勘至卸事之日已閱三月有餘既未通詳亦未

獲犯咎有應得應請交部議處放火搶奪各犯

開門喊叫保隣練勇均往撲救因火勢猛烈將
第三三進樓房一併延燒惟時救火看火之人
擁擠喧雜隨有匪徒乘機搬搶什物顧三馮小
悌前往救火見有布米在池亦各自拾取攜回
他楷家屬先從夢中驚起匆忙奔避受有磕碰
傷痕迨火救熄僅餘第一進門房未燒次日倪
楷將家眷遷住泗涇地方留管帳之蘇秀山看
守門戶並因牆垣圯毀將所儲米石運出雜賣
尚有剩米次早查照亦已無存倪楷情急隨裝
點土匪劈門放火抄搶拒傷眷屬等詞報經該
縣潘時敏請勘門無損痕且火自內燒出與原
報不符因倪楷未到當向蘇秀山詰問供情游

移飭傳倪楷查訊他楷即照報縣情詞赴松江
府及學政衙門呈控批縣勒緝無獲潘時敏於
是年七月初一日卸事未及通詳移交接署縣
姚曾翼比差拏獲顧三馮小悌到案訊供起贓
詳報旋因有人奏潘時敏詐贓盜奉

旨查參飭委署婁縣知縣溫奎光查稟並無諱詐情
事行提犯証解省飭委蘇州府審明由藩臬兩
司覆審擬解臣怡核恐案情未確駁飭覆訊
顧三馮小悌先後在吳縣監病故據該司等仍
照原擬具詳臣等查倪楷家後樓房既據訊明
貼近河沿無人住宿忽於夜間火起其被人放
火無疑顧三馮小悌因往救火各自起意順便

飭緝務獲究明是僇是盜是否同夥另行分別
辦理應議各職名飭取另參除供招咨部外所
有核擬緣由謹合詞恭摺具

奏伏乞

皇上聖鑒再前署六合縣都察森兩次被參婪索苛

派吸食鴉片烟各款查無其事該員平日官聲

尚好且於署儀徵縣任內勤賊陣亡應毋庸議

合併陳明謹

奏

咸豐五年九月十一日具

奏十月十四日奉到

硃批潘時敏着交部議處欽此六年二月初一日准

吏部咨議覆請將詳報遲延三月以上之華亭

縣知縣潘時敏照例降一級調用係公罪應銷

去議叙加一級抵免降調五年十二月十八日

題本月十九日奉

旨依議欽此

奏
稿
崔繩祖展限赴部

奏再碭山縣知縣崔繩祖於請升案內接准部咨
應行給咨赴部引

臣怡
臣吉

跪

見旋經前清日楊殿邦調赴揚州軍營差委嗣因前

署碭山縣知縣賴以平豐工漫口革任飭令崔

繩祖先赴新任辦事維時南北賊氛正熾該縣

地當衝要防堵綦嚴現在北路雖已肅清但晚

省軍務未完永亮土匪不靖該員在任辦理防

剿事務尚稱得力未便遽易生手應請展限俟

徐州撤防後再行飭令交卸請咨以重地方據

署江甯藩司何俊詳請具

奏前來除批飭遵照外謹會同江南河道總督臣

楊 合詞附片陳明伏乞

聖鑒謹

奏

咸豐五年九月十一日具

奏十月十四日奉到

硃批吏部知道欽此

奏稿

上海勸捐在船捕盜請將捐生給獎摺

奏為籌議勸捐在船募勇出洋捕盜請將捐生照

等餉例給獎恭摺奏祈

聖鑒事竊照上海濱臨大洋民間多藉航海營生週

來洋而不靖商賈咸有成心於海防稅務大有

關係且來歲江浙新漕仍辦海運均由上海受

臣怡 臣吉

跪

免放洋止上尤應未雨綢繆為肅清洋面之計
是巡洋捕盜寔屬刻不容緩惟水師弁兵船隻
大半調赴江面剿匪存營者甚屬寥寥營中所
有師船又因庫款支絀均已失修不堪駕駛必
須多募水勇添雇巡船以補兵力之不逮於緝
捕庶有裨益此項經費浩繁不得不借資商力

查道光二十八九年間海洋不靖曾經勸諭船
號各商捐資雇募勇出洋捕盜頗著成效所
捐經費奏准優獎有案迨咸豐四年勸捐軍餉
係就進口船隻奏准免稅一次按沙船之大小
定捐數之多寡每船自四百元至八十元不等
已于本年三月底截數現在整頓捕務自宜勸

辦船捐但出納自有常經稅餉上聞

國計未敢煩請免徵爰就成案參酌情形擬照上
年捐輸軍餉之案凡吳淞口進口商船按船酌
減一半如前捐四百元者今減為二百元以下
照此遞減其應納關稅仍令照常輸納在正課
既可無虧於商情亦示体卹以本年四月十一

開局之日起至咸豐六年四月十一日止截數
請獎其捐項慎選董事設局收繳印責成該紳
董等多募水勇添雇船隻會同水師官兵出洋
協力巡防查拏盜匪以靖海洋收支數目不涉
官吏之手每於年底造具收放細冊呈送司道
核明詳報查考所有船號各商捐輸請照捐輸

軍餉之案按照舊例並現行常例奏請獎叙凡

咸豐五年九月十一日具

定職虛銜以及

奏十月十四日奉到

封典銜級紀旣准指請其本身原有官職不願獎

殊批戶部核議具奏欽此五年十二月初三日准

叙者准其移獎親族以示激勸如一年後洋面

戶部咨覆擬請如所奏辦理五年十月十八日

肅清即行停止此係氏指氏所並請查照歷冊

具奏本日奉

成案免其造冊報銷茲據著蘇州布政使楊能

否依議欽此

格江蘇按察使吳其泰署蘇松太道趙德楨會

詳請奏前來除咨部查照外謹合詞恭摺具

奏伏乞

皇上聖鑒勅部核覆施行至來年歲漕事宜容臣等

督飭司道另行籌議具奏合併陳明謹

奏

奏
片
咨提許整閱稅銀一萬解濟營餉

奏再金陵大營餉項本多現又奉調撥馬隊官兵

一千名每月連官兵餉銀共需一萬四千餘兩

又新添台勇一千名需餉五千兩支應一切比

前更多銀二萬兩由

欽差大臣向 咨提許整閱稅銀一萬解濟餉據署

蘇州藩司楊能格詳准許整閱咨開續征稅銀

及各糧款共湊撥銀一萬兩委員解交司庫於

八月十八日兌收儲庫撥用呈請會核

奏咨前來除咨戶部查照外理合附片陳明伏乞

聖鑒謹

奏 咸豐五年九月十一日附

臣怡 臣吉

跪

奏咸豐五年十月十四日奉到
硃批知道了欽此

奏稿
癸丑綱淮北奏銷合額造報

奏為癸丑綱淮北奏銷盈課合額造報恭摺奏

聞仰祈

聖鑒事竊據兼署兩淮鹽運使郭沛霖詳稱遵查淮
北錢糧前於辛卯綱起改行票鹽經前督臣陶
澍奏明年底核算造報奏銷嗣因票鹽試行有

欽又奉

奏明將湖運暢岸一律推廣辦理如有多運即以

融代江運之不足將科則復還舊制每引徵銀

一兩五分零自辛卯至壬子綱止均各造報在

案道光三十年淮南亦改行票前督臣陸

奏明將留商認運之江運八岸及天長一縣統

歸淮北票販運行各在案茲癸丑綱淮北藍課

錢糧於咸豐四年八月二十二日啓徵扣至本

年八月一年屆應造報奏銷之期遵照上年十

二月內奏案提前於七月內截數造報查淮北

綱食各岸共額藍二十九萬六千九百八十二

引計額徵入

奏正雜錢糧銀二十九萬四千六百五十八兩二

錢一分三厘又不入

奏經費引費等銀一萬六千四百六十七兩六錢

一分四厘共該徵完銀三十一萬一千一百二

十五兩七錢二分七厘業於票藍引內徵收足

額至運藍引數癸丑綱綱食各岸額引共該二

十九萬六千九百八十二引今癸丑綱票販請

運四十一萬七千七百引又官運四萬二千三

百引以上總共請運票藍四十六萬引內除癸

丑綱應行造報正額二十九萬六千九百八十

二引外仍溢請藍十六萬三千十八引其溢完

銀兩仍遵

奏案同另徵雜課及餘存經費一併歸入協貼准
南案內另案辦理等情據此等覆核無異所有
癸丑綱淮北綱食各岸鹽課錢糧合額造報緣
由理合會同江南河道總督臣楊 合詞恭
摺具

奏伏乞

皇上聖鑒敕部查覈施行謹

奏

咸豐五年九月十一日會

奏十月十四日奉

硃批戶部知道欽此

奏稿 徐鎮海請補奇兵營守備

奏為揀員陞補陸路守備恭摺奏祈

聖鑒事竊准兵部咨咸豐三年十二月十八日奉

上諭琦 奏克復儀徵督兵追勦獲勝一摺所有失
守城池之守備姬祥林本應即寘重典姑念隨同
官兵克復縣城姬祥林已先行革職著從寬免其

治罪等因欽此所遺奇兵營守備係陸路題補之
缺應用應升應請人員行文照例揀選題補等
因查奇兵營守備員缺駐劄沿江儀徵縣地
方管轄城廂內外水陸汛地甚長督緝私梟在
在均關緊要當此賊氛未靖江路巡防尤為吃
緊必須精明熟悉之員方克勝任江省雖有應

升人員於是缺人地不甚相宜謹查有奇兵營
左哨千總徐鎮海年四十五歲阜甯縣人由行
伍遞拔今職道光二十八年正月受劄應獲私
鹽逃兇匪犯多名上年賊擾六合縣地方派往
防勦協同官紳共保危城出力前經會摺保

奏於四年十一月二十一日欽奉

上諭奇兵營千總徐鎮海著以守備儘先升用先換
頂戴等因欽此該員年力富強巡防勤奮曾經委
署本營守備事務辦理裕如以之請升守備實
堪勝任惟核計出缺日期在先奉
旨儘先升用在後與例稍有未符著人地實在相需

合無仰懇

聖恩俯准以徐鎮海升補奇兵營守備俾收駕輕就
熟之效於營伍地方防勦事宜均有裨益如蒙
俞允俟接准部覆另行給咨送部引
見除查取履歷咨移部科查核外謹會同
欽差大臣托 江南提督臣和 合詞恭摺具

奏伏乞

皇上聖鑒訓示謹

奏

咸豐五年九月十一日具

奏本年十月十四日到

硃批兵部議奏欽此本年十二月初八日准

兵部咨獲千總徐鎮海業經由部擬補江南提

標中營守備今請升補奇兵營守備應毋庸議

等因咸豐五年十月十一日奉

旨依議欽此

奏

稿

請以陳發知縣馮樹勳署理南匯縣知縣

奏為揀員署理沿海要缺知縣恭摺奏祈

臣怡
臣吉

跪

聖鑒事竊照南匯縣知縣高長紳革職接准部咨於

咸豐四年三月初五日行文照限減半作為三

月二十九日開缺業經咨部裁缺在案所遺南

匯縣知縣係繁疲難沿海要缺例應在外

揀選調補該縣濱臨大海政務殷繁所轄南匯頭地方為南北海船必經之處海防尤關緊要必須精明幹練之員方足以資治理臣等於通省現任候補知縣內逐加遴選人地均屬未宜一時寬無合例堪調堪補之員惟查有揀發知縣馮樹勳年四十五歲廣東舉人甲辰科大挑

以教職用選授大埔縣訓導調補昌化縣烟瘴教諭邊俸期滿保舉即升遵奉餉例指定應升知縣一項指足不論從前月赴部候選咸豐三年六月十七日揀選引

見奉

旨著發往江蘇以知縣差遣委用欽此是年十月十

二日到省在南河捐輸軍餉案內

奏准給予同知升銜該員年富才優辦事勤奮現署青浦縣要缺知縣經理裕如以之請著南匯縣知縣寬屬人地相宜洵堪勝任擬請臬三司會詳請

奏前來臣等往返札商意見相同合無仰懇

聖恩俯念員缺緊要准以該員馮樹勳著理南匯縣知縣寬於海疆地方有裨如蒙

俞允該員係揀發委用知縣請署知縣銜缺相當毋庸送部引

見亦毋庸查造奏銷仍候試署期滿如果稱職另請

宣授謹合詞恭摺具

奏伏乞

皇上聖鑒訓示再江蘇未補各缺前因軍書旁午浩

部屢限俟事竣再行解補今軍務尚未蒞事要

缺不便久懸是以先行具奏請著合併陳明謹

奏

咸豐五年七月初四日具

奏八月十六日奉到

御批吏部議奏欽此十月十三日准

吏部咨云候補知縣馮樹勳准其補授南匯縣

知縣等因咸豐五年八月十五日奉

旨依議欽此

奏稿

片

請以外任太倉州向新署理川沙撫民同知

臣怡
臣吉

跪

奏再著松江府川沙撫民同知棟發知縣倪寶璜
現經調省差委所遺川沙同知員缺查有准升
太倉直隸州知州向柏齡堪以酌委署理提藩
臬二司會詳前來除批飭遵照外理合附片陳
明伏乞

聖鑒謹

奏

咸豐五年七月初四日具

奏八月十六日奉到

御批知道了欽此

奏

稿

鹽屬各員報捐銀數

奏為兩淮鹽屬各員遵

旨普律捐輸補助軍餉恭摺奏祈

聖鑒事竊^臣等前於咸豐三年十一月內接准

欽命總理巡防事宜奉命大將軍和碩忠親王等劄

開現在軍務未竣應需軍餉自當寬為籌備議

臣怡
臣吉

跪

請在令一體量力捐助督撫司道祇令捐銀數 御覽伏乞

百兩府縣以下且二百兩至數十兩以官階之 皇上聖鑒勅部查照施行再太平局委員候補大使

大小分銀數之多寡奏奉 張邦佺因莊卡委員候補知事湯植名均經病

諭旨依議欽此等因當即分別轉行遵照並經 臣與 故合併陳明謹

前撫 臣許 隨將倡率蘇省司道各員量力 奏

捐助奏蒙 咸豐五年七月初四日具

聖恩勅部優叙加級紀錄嗣復將江甯藩司所屬各 奏八月十六日奉到

員捐數亦即開單奏報在案茲據兼署兩淮鹽 御批另有旨欽此六年七月十一日准 戶部咨奉

運使司郭沛霖率同鹽屬各員量力捐輸共計 上諭均着交部從優議叙等因欽此

捐庫平銀五千四百二十兩均經如數繳存運

庫聽候撥用開冊具詳請奏前來謹合詞恭摺

具奏開列清單敬呈

清單

謹將兩淮鹽屬各員捐輸銜名銀數開具簡明

清單恭呈

御覽

署淮揚道兼署兩淮鹽運使郭沛霖捐銀一千

兩

署淮北監掣同知海州分司運判許博詩捐銀

一千五百兩

前代理淮南監掣同知泰州分司運判洪國柱
捐銀五百兩

署海州分司運判杜文瀾捐銀二百兩

前委管泰壩監掣江蘇候補知府吳雲捐銀二
百兩

板浦場大使周詒樸捐銀三百兩

中正場大使杜廷燮捐銀一百兩

臨興場大使劉文焯捐銀二百兩

呂四場大使高頌未捐銀一百兩

太平局委員候補大使張邦佺捐銀一百兩

大伊山下委員候補知事張德捐銀一百兩

經歷張錦芝捐銀二十兩

知事吳楸捐銀二十兩

庫大使康兆臺捐銀二十兩

白塔河巡檢江敦讓捐銀二十兩

烏沙河巡檢單懋圖捐銀十兩

前著淮北批驗大使候補知事葉德裕捐銀十

兩

拼茶場大使蔡觀熙捐銀二十兩

角斜場大使奎書捐銀二十兩

石港場大使陸嘉興捐銀四十兩

柘港場大使汪元蓉捐銀二十兩

豐利場大使陳紹曾捐銀十兩

金沙場大使崇興捐銀二十兩

餘西場大使閔沛曾捐銀二十兩

餘東場大使馮憲章捐銀二十兩

署富安場大使蔣春霖捐銀二十兩

安豐場大使童譽捐銀四十兩

梁梁場大使史文濤捐銀二十兩

何梁場大使徐銳捐銀二十兩

東臺場大使樊普捐銀二十兩

丁溪場大使沈祖豫捐銀二十兩

草堰場大使秦如霖捐銀四十兩

劉莊場大使陶綬康捐銀二十兩

伍祐場大使孫長安捐銀四十兩

新興場大使崇壽捐銀四十兩

前署廟灣場大使孫德普捐銀二十兩

中富局委員候補大使王培捐銀八十兩

青口局委員候補知事楊鍾琛捐銀八十兩

青口局幫辦委員候補大使彭邦吟捐銀六十兩

兩

西壩卡委員候補知事陳本鎮捐銀六十兩

順清河卡委員候補大使張熊熙捐銀六十兩

臨浦局委員候補知事錢受均捐銀五十兩

淮海總巡委員候補經歷趙循曾捐銀二十兩

西臨局委員候補知事周如瀛捐銀三十兩

海州屬總巡委員候補大使何祖望捐銀三十兩

兩

周莊卡委員候補知事湯植名捐銀十兩

武障河卡委員候補知事馬書斌捐銀十兩

吳家集卡委員候補知事楊師舒捐銀十兩

白塔河卡委員候補經歷文紹祖捐銀二十兩

滕家壩卡委員候補知事陳恩瑞捐銀二十兩

許家壩卡委員候補知事雷植庭捐銀二十兩

江廿五所委員候補知事諸霖捐銀十兩

以上共捐銀五千四百二十兩

奏

稿
提用浙鹽園稅銀抄

奏再江蘇各處軍營需用餉銀繁多節經咨行籌

解接濟以免缺誤在案茲據署蘇州藩司楊能

格詳准浙鹽園咨開請徵商稅及存庫各雜款

銀內堪以湊撥銀一萬兩委員解交司庫於六

月十八日免收另行撥用呈請會核

奏咨前來除咨戶部查照外理合附片陳明伏乞

聖鑒謹

奏

咸豐五年七月初四日具

奏 八月十六日奉到

御批知道了欽此

臣怡
臣吉

跪

奏
片
福

金振玉回守備任留署都司

奏再潯州營左軍守備駐劄蒙城縣城內正任守

備金振玉經前任總督陸 委署平望營都

司於咸豐二年七月初九日到任現在尚未交

卸嗣因蒙城縣失守經兵部將該守備開缺知

照努查蒙城失守之時潯州左軍守備係壽春

鎮標千總趙應試署理已將趙應試開缺查辦

金振玉並未在任例無處分自應查照奏定章

程飭回本任仍留署平望營都司以資熟手當

經咨明兵部在案茲准咨覆行令奏明辦理等

因理合會同安徽巡撫臣 福 附片陳明伏乞

聖鑒謹

怡 跪

奏

咸豐五年七月初四日附片具

奏八月十六日奉到

御批兵部知道欽此

奏稿

請以鄂西平陸署連克營都司

奏
怡
跪

奏為揀員陞署陸路都司恭摺奏祈

聖鑒事竊照江西永新營都司雷調元推陞道缺係

陸路題調之缺前准部咨行令照例題調經

查有建昌營守備白玉璿堪以請陞會疏具

題接准部咨白玉璿已准陞福建泉州城守營都

司所有新改蓮花營都司員缺應令另揀合例人員調補等因伏查永新營都司員缺業經

奏准移駐蓮花廳城該廳緊接楚南邊界為江楚

咽喉要地現值粵氛不清時有匪徒窺伺必須

精明強幹熟悉地方情形之員方克勝任等因

江西道省現任陸路都司及歷俸已滿守備內

詳加遴選非本任緊要印人地未宜寒無堪以

庶詞之員惟查有贛州鎮標左營守備邱西平

年三十八歲山東海豐縣人由武進士選授今

職咸豐二年十二月列任三年泰和等處匪徒

滋事防守贛州府城出力經江西撫臣陳

彙案保奏欽奉

上諭著以應陞之缺陞用該員年壯技優營務著練

曾經委署永新營都司事務辦理裕如以之請

陞斯缺洵堪勝任惟歷俸未滿三年與例稍有

未符但人地實在相需曾與撫臣迭次商意

見相同合無仰懇

聖恩俯念新改員缺緊要准以贛州鎮標左營守備

邱西平陞署蓮花營都司於營伍地方均有裨

益如蒙

俞允該員引

見未滿三年遵例毋庸送部仍俟扣滿守備歷俸另

請寬授除飭取履歷咨移部科外謹會同江西

巡撫臣陳 合詞恭摺具

奏伏乞

皇上聖鑒訓示謹

奏咸豐五年七月初四日具

奏八月十六日奉到

御批兵部議奏欽此咸豐六年二月初一日准

兵部咨云 云賴左營守備邱西平准其升署運

花營都司等因於咸豐五年八月十日奉本日奉

旨依議欽此

奏片稿

酌裁營馬供軍務告竣再辦

努怡跪

奏再前准兵部咨奏催籌議酌裁營馬一案所有

未經辦理之江甯京口駐防暨江蘇安徽江西

等省請

旨飭下將軍督撫等體察現在情形妥速辦理覆奏

等因奉

旨依議欽此抄錄原奏行文遵辦等因准此當經劄

飭三省藩司體察情形議詳請

奏在案今據署江甯布政使何俊安徽布政使畢

承昭著蘇州布政使楊能格會詳稱遵查江蘇

安徽等省軍務未竣現當防剿吃緊之際各營

官兵馬匹或奉調出征或調赴防所存營無幾

差撥不敷實難遽議裁減至江甯鎮江二城尚

未克復駐防馬匹更屬無從議裁應請緩俟軍

務告竣再行酌議裁改又據江西布政使陸元

煥詳覆江西毘連楚粵賊氛未靖防剿吃緊馬

匹一項亦應暫緩裁撤以資軍務詳請核辦各

等情前來查伏查江蘇安徽江西等省現當辦

理軍務吃緊之際各營馬匹礙難遽議裁減自

係實情相應請

旨勅部將江蘇等省應裁馬匹緩俟各省軍務告竣

再行酌量情形妥議裁改除咨明戶兵二部查

照外謹會同署理江甯京口將軍臣福 漕運

總督臣邵 江南河道總督臣楊 江蘇巡

撫臣吉 安徽巡撫臣福 江西巡撫臣
陳 江南提督臣和 合詞附片陳明伏乞
聖鑒謹

奏

咸豐五年七月初四日具
奏八月十六日奉到

御批該部知道欽此

奏片
稿

江南江西省二年半舉劾級供軍務各款再詳

怡 阮

奏再案查江南江西首咸豐二年自當軍政之期

因官兵有調派廣西湖北江西等處防剿經前

督臣陸 懇請展至粵匪蕩平凱撤後再行

考驗核寔具

題奏奉

疏竊未靖防守亦未能稍離均難調驗查辦所
有江南江西首屆辦二半年舉功之案應請緩
俟軍務告竣再行辦理謹附片陳明伏乞

聖鑒訓示謹

奏

咸豐五年七月初四日具

殊批着照所請展限辦理兵部知道欽此欽遵在案

茲准兵部咨扣至本年已屆二半年薦舉之期

各省綠營武職如有應行荐舉及參効之員行

文該督查照定例辦理等因准此 等 伏查江甯

鎮江廬州九江等處尚未克復將備員弁多在

軍營水陸防剿而存營員弁有沉地之責當此

奏八月十六日奉到

御批着照所請兵部知道欽此

奏稿

查明兩淮各場二麥收成分數

奏為恭報查明兩淮各場二麥收成分數仰祈

聖鑒事竊照兩淮各場古熟地畝種植二麥例將收

成分數查明恭報茲查通州分司所屬豐利等

九場坐落通州如皋東臺三州縣境內地勢高

低不一天時雨暘不齊高低牽算約計四分有

餘又泰州分司所屬富安等十一場坐落東臺

興化鹽城阜甯四縣境內古熟地畝本少加以

冬春雨雪愆期夏後風雨權折高低牽算約計

五分有餘又海州分司所屬板浦等三場坐落

海州贛榆二州縣境內向來各該境專以晒掃

為業所有池頭灘角上冬積水今春涸復較遲

補種未能暢茂高低牽算約計三分有餘據魚

署兩淮鹽運使郭沛霖查明具詳前來等後核

無異理合恭摺具

奏伏乞

皇上聖鑒謹

奏咸豐五年七月初四日具

奏八月十六日奉
硃批知道了欽此

奏片稿

南河候補同知馬錦翰補繳銀內

臣 怡 跪

奏再前准戶部咨江蘇上海縣捐輸捕盜經費案

馮錦補繳銀兩既經在部照數繳訖會詳請奏

內分發南河同知馮錦捐銀三千兩前據彙奏

前來等因核無異可否照浙省許上職成案

援照浙省許上職捐米之案請

將南河候補同知馮錦

旨賞戴藍翎經本部議覆以該員所捐銀兩核與許

天恩謹合詞附片具

上職捐米合銀三千一百二兩之數不符擬令

奏伏乞

另核請獎如該員補繳銀一百二兩應由該督

聖鑒訓示謹

專摺具奏請

奏

旨嗣於咸豐二年十二月據該員在部補繳銀一百

咸豐五年七月初四日具

二兩業已照數收訖行文查照辦理等因當經

奏八月十六日奉到

轉行遵照去後茲據署蘇州布政使楊能格江

御批馮錦著賞戴藍翎欽此

蘇按察使吳其泰署蘇松太道趙德輦以該員

奏

稿

黃壽豹補清河縣

奏為沿河要缺知縣缺員請補恭摺奏祈

臣 臣 怡 吉

跪

聖鑒事竊照清河縣知縣屬餉於咸豐五年四月初

六日聞計丁憂開缺另由臣吉 咨部截

缺所遺清河縣知縣係銜煩疲難四項兼全沿河最要之缺例應在外揀選調補該縣地當銜

全政務殷繁且有河工修防之責在在均關緊要必須精明強幹之員方足以資治理臣等於現任簡缺知縣內逐加遴選非現居要缺即人地未宜一時實無堪調之員例准以候補人員請補查有補用沿河知縣黃壽豹年四十九歲山東舉人大批一等引

見以知縣查掣南河咸豐三年十一月初七日到工

因剿辦洋匪出力保奏四年十一月十四日奉

上諭大批知縣黃壽豹着免其試用借補以沿河知

縣酌量補用並賞加升銜欽此該員年富才明辦

事勤慎現署安東縣沿河要缺知縣諸臻妥協

以之請補清河縣沿河要缺知縣堪期勝任與

例亦存據藩臬兩司會詳前來臣等往返札商

意見相同合無仰懇

聖恩俯准以該員黃壽豹補授清河縣知縣寧子河

工地方均有裨益如蒙

俞允該員係由大挑知縣請補知縣銜缺相當毋庸

送部引

見亦無須查造恭罰謹會同江南河道總督臣楊

合詞恭摺具

奏伏乞

皇上聖鑒訓示再江蘇未補各缺前因軍書旁午咨

部展限俟事竣再行辦補今軍務尚未臧事要

缺未便稽懸是以先行揀員請補合併陳明謹

奏

咸豐五年八月初四日具

奏九月初九日奉到

硃批吏部議奏欽此十一月二十五日注

吏部咨云候補沿河知縣黃壽豹請補清河縣

沿河知縣等因咸豐五年十月初八日奉

旨依議欽此

奏
稿
孫豐委署常熟縣

奏再常熟縣知縣黃金韶准升海州直隸州知州

現經飭令前赴新任以專責成所遺常熟縣缺

係屬沿海繁要應即委員著理查有卸著上海

縣事宗明縣知縣孫豐堪以委令接署據藩臬

兩司會詳前來除批飭遵照外理合附片陳明

伏乞

聖鑒謹

奏

咸豐五年八月初四日具

奏九月初九日奉到

硃批知道了欽此

臣
怡
奏
跪

奏

片

稿
儀徵縣丞肇瀛病政清邨

臣怡
臣吉

跪

奏再據署江甯布政使何俊詳稱儀徵縣地方濱臨大江緊接永洲鎮江上通江浦六合時為逆匪窺伺出沒之所防剿最關緊要著儀徵縣焦肇瀛自咸豐四年十二月到任首議招撫倡辦團練手定章程親督演習賊犯縣城督率民勇協同官兵登陣設守極力追剿孤城得保無虞又因水陸練勇經費浩繁縣城曾被賊踞人民逃散地方凋敝該署縣設法勸捐入不敷出口夜焦思加以巡防守禦冒暑衝寒晝夜不息本年六月下旬病勢漸重猶復不辭勞苦力疾從公詎於六月二十九日因病出缺詳請照軍營

病故例從優議卹等情前來臣等查焦肇瀛東

性忠直辦事勇往前晉邳州剿捕擒匪調度有

方寔為收令中不可多得之人迨調署儀徵縣

以來辦理防剿尤屬寔心寔力正資臂助乃因

日夜勞瘁遂致因病出缺情殊可憫合無仰懇

天恩可否准將署儀徵縣事以同知直隸州升用之

深陽縣知縣焦肇瀛照軍營病故例

勅部從優議卹以示獎勵謹會同臣托 合詞附

片陳明伏乞

聖鑒訓示謹

奏

咸豐五年八月初四日具

奏九月初九日奉到

硃批另有旨欽此六年四月二十一日准

吏部咨議請將該故員焦肇瀛照例分別給予

贈銜廕一子入監讀書六月期滿候銓咸豐六

年三月初一日奉

旨依議欽此

奏稿

吳江陸孝中等聚眾抗租審明定擬摺

臣怡
臣吉

跪

奏為棍徒聚眾抗租搶擄拒捕審明定擬將為首

滋事各犯遵

旨即行正法恭摺奏祈

聖鑒事竊照吳江縣棍徒陸孝中等聚眾抗租滋事

勒拿未獲旋因有人叅奏欽奉

諭旨飭令嚴拿懲辦將為首滋事各犯即行正法等

因欽此當即欽遵行司札委候補知縣周沐潤

會同署吳江縣知縣王壽道及該管管員嚴密

緝拿陸孝恒等糾眾至業主舉人蔡傳梅等家

搶擄經委員營縣會拏陸阿二糾人拒捕致傷

勇目李芳華身死由縣驗報先後拏獲陸孝恒

等十四犯解省飭委署蕪州府知府平翰審明

議擬解經署蘇州布政使楊能格江蘇按察使

吳其泰覆訊具詳臣等以陸孝中陸孝恒陸阿

二三犯情節較重批飭遵

旨先行正法餘犯招解來常臣怡親提研鞫綠陸

孝中陸孝恒陸阿二即陸勝發陳尊洪范添受

施大濬沈洪瑞陳四得沈翠如費三沅秦阿二
金潰芳金庭章陳進言均籍隸吳江陸孝恒係
陸孝中堂弟陸阿二係陸孝恒之子陳導洪係
陸孝恒妻父素業罷佃先未為匪咸豐二年九
月間陸孝恒因田畝被旱歉收起意聚眾抗租
與陸孝中陳導洪及在逃之顧慶濬即顧鬍子
龐耀采等商定推陸孝中出名為首糾邀農民
二百餘人在村廟齊集約會抗租令顧慶濬寫
立議單如有人私向業主還租即將其屋燒燬
並派令按畝出錢三四十文不等給陸孝恒充
作公用各村農畏克依允陸孝恒用木橋將港
口釘堵以杜業主租船來往並差役下鄉查掣

之路經業主金宗培等具控該前縣帥宗禁往
拿陸孝恒等逃避各農民悔懼照舊還租帥宗
熱將木橋起除查緝陸孝恒等無獲四年八月
間有人奏奉

旨嚴飭查辦當委候補知縣周沐潤赴縣會拿陸孝
恒疑被業主控告所致心懷忿恨糾同陸孝中

陸阿二陳導洪及在逃之顧慶濬龐耀采李玉
山等至業主舉人蔡傳梅翰林院編修殷壽臻
家吵鬧將蔡傳梅家在婦費姬童僕阿六殿壽
臻家教讀李式園親戚柳慶如一併捉回閩禁
並乘機搶奪禾物蔡傳梅等報縣勘緝陸孝恒
等將費姬等放回五年二月初一日周沐潤會

同該署將陸孝恒等獲陸孝中即于初二日帶同陸阿二陳導洪顧慶濼龐耀采李玉山等至般壽臻家搶取帳船一隻將婦女三人擄捉下船載回閩禁教言俟陸孝恒肯釋方將婦女交還初三日周沐潤等督帶兵勇查拏陸阿二聞知起意糾衆迎拒向陸孝中陳導洪商允糾同范添受施大濼沈洪瑞陳四得沈翠如顧慶濼李玉山龐耀采徐懋詳等相幫陸阿二復逼令費三沅秦阿二金潰芳金庭章陳進言及村民二三十人同行嚇稱如敢不允定先殺害費三沅等被逼勉從陸阿二等各帶刀槍費三沅等徒手分坐船隻開行陳進言畏懼稱病先回

周沐潤等途過唱竿各村民或駕船駛避或擄岸奔避費三沅秦阿二金潰芳金庭章逃走不及躲入艙內陸阿二陸孝中陳導洪范添受施大濼沈洪瑞陳四得沈翠如顧慶濼李玉山龐耀采徐懋詳等上岸抵拒勇目李芳華與鄉勇周四等上前捉拿陸孝中李玉山用刀戳傷李芳華頂心腮朕耳根脰膊手指腿脚等處陸阿二用鎗戳傷其太陽肩甲胸膛臍肚倒地殞命周四亦被陸孝中戳傷頭顱兩腿兵勇等奮力格捕陸阿二等逃遁當獲施大濼沈洪瑞陳四得沈翠如費三沅秦阿二金潰芳金庭章到案驗明李芳華屍傷詳報般壽臻家婦女乘間逃

回未被凌辱被搶帳船亦已查起周沐潤等復
購線拏獲陸孝中陸阿二陳尊洪范添受陳進
言同前獲各犯解省委員審辦訊供不諱陸無
另犯不法此外亦無同夥反在場拒捕之人案
無遁飾查例載刁民假地方公事強行出頭逼
勒平民約會抗糧飲錢聚眾至四五十人照光
棍例為首擬斬立決為從擬絞監候又犯罪事
發官司差人拘捕逞兇拒殺差役為首擬斬立
決為從在場助勢未經幫毆成傷者改發極邊
足四千里充軍各等語此案陸孝恒起意聚眾
抗租推伊堂兄陸孝中出名為首商同陳尊洪
等寫立議單約會農民二百餘人逼勒出錢聽

其指使並與陸孝中先後夥眾至業主蔡傅梅
殿壽臻家槍奪衣物船隻捉人關禁陸孝中復
幫同陸阿二拒捕又傷勇目同惡相濟厥罪惟
均陸孝中陸孝恒除夥眾槍奪捉人關禁及幫
同拒捕各輕罪不議外應照刁民假地方公事
強行出頭逼勒平民約會抗糧飲錢聚眾至四
五十人為首擬斬立決例均擬斬立決陸阿二
聽從搶擄起意拒捕戕傷勇目李芳華身死該
勇目奉差拏犯即與差役無異自應比例問擬
陸阿二即陸勝發除槍奪及捉人關禁為從輕
罪不議外應照犯罪事發官司差人拘捕逞兇
拒殺差役為首擬斬立決例擬斬立決該犯等

動輒聚眾逞兇形同化外情節較重業經批飭
藩臬兩司于審明後遵

旨先行正法陳導洪聽從陸孝中等聚眾斂錢逼勒
村民抗租亦應按例問擬陳導洪除搶奪及抵
人閹禁並拒捕為從各輕罪不議外應照刀民
約會抗糧斂錢聚眾至四五十人為從擬絞監

候例擬絞監候秋後處決范添受沈大濠沈洪
瑞陳四得沈翠如聽從拒捕訊止在場助勢並
未幫毆傷人應照官司差人拘捕拒殺差役為
從在場助勢未經幫毆成傷者改發極邊足四
千里充軍例均改發極邊足四千里充軍沈洪
瑞陳四得沈翠如已在監病故應毋庸議餘俱

照例刺字到配杖一百折責安置費三沅秦阿
二金潰芳金庭章均被逼脅同行于陸阿二等
拒捕時躲避艙內並未在場助勢應于范添受
等軍罪上量減等擬杖一百徒三年費三沅年
逾七十照例收贖餘俱定地發配折責充徒陳
進言被脅同行中途畏懼逃回應照不應重律

杖八十業已在歇病故應毋庸議陸孝中等斂
得錢文訊無確數應請免追議單供已銷燬蔡
傳梅等家被捉婦女僕翁已回歸帳船亦經查
起被搶衣物照追給領勇目李芳華被拒身死
由縣酌予賞卹屍棺飭屬領埋鄉勇周四傷已
平復起獲船隻刀械等件飭縣分別充公發營

配用沈洪瑞等在監在歇病改刑禁保人訊無
凌虐情繁應毋庸議監斃職名飭取另參逸犯
顧慶濬等飭緝獲日另結賀除運姚銳被參各
款另行歸案查辦除供招咨部外所有審擬緣
由謹合詞恭摺具

奏伏乞

皇上聖鑒勅部議覆施行謹

奏

咸豐五年八月初四日具

奏九月初九日奉到

硃批刑部議奏欽此十月二十九日准

刑部咨覆云云應如所奏辦理五年九月十一

旨依議欽此

二日奉本日奉

奏稿

奏為宿遷駱馬湖灘地被淹毫無災熟事

臣怡
臣吉

跪

奏為查明宿遷縣駱馬湖灘地咸豐二年全行被淹並無災熟牽混恭摺覆

奏仰祈

聖鑒事竊照徐州府屬宿遷縣境駱馬湖無糧灘地經前任督臣等定則徵租為淮徐兩屬地方各

欵公用聲明倘遇水旱災傷核實勘諮奏奉

諭旨允准欽遵在案此項灘地前因咸豐二年豐工漫

口黃水由運入湖全被淹浸二麥不能播種委

員及該管道府遞加覆勘將應徵租息錢文全

數請豁並將淮徐地方公用令各州縣籌墊由

藩司核明詳經臣等會摺具奏欽奉

硃批戶部查議具奏欽此嗣准部咨議奏該湖灘地

既分上中下草四則雖遇豐工漫口黃水由運

入湖低窪之地被水淹浸其高阜地畝絕無亦

被水淹之理若一例請豁恐致災熟牽混應分

晰災熟確地查明據實奏報再行核辦等因奉

旨依議欽此咨行到臣轉行確查詳辦去後今據署

江甯布政使何俊詳據署宿遷縣知縣左仁詳查駱馬湖地坐落運河北岸漲落無常水小則多露灘水大則仍為湖該地本係積淤而成高下相去不踰尺寸並無高阜竇無災熟牽混詳由府道覆核經該司確核詳請覆奏前來臣等查宿遷縣境駱馬湖灘地咸豐二年被淹既據查明該地本係積淤而成高下相去不踰尺寸地在湖濱湖有灘而無阜灘由湖積勢本下而非高况上年黃河之水建瓴下注不惟湖地盡成汪洋即近湖民田亦多汎濫房舍並多冲塌佃民困苦已極委係實在情形並無災熟牽混詳由府道核轉自無扶捏情事地既被淹無收

佃民業已失業租息斷難着賠所有應徵咸豐二年該湖上中下草四則地租共錢一萬九千三十一千一百六十五文八毫合無仰懇

聖恩俯照原奏所請准其援照道光六年奏豁之案

全數豁免以紓民困謹會同江南河道總督臣

楊 恭摺覆

奏伏乞

皇上聖鑒訓示謹

奏 咸豐五年八月初四日具

奏九月初九日奉

硃批戶部議奏欽此

奏

稿

未解甘餉仍請改撥

奏為淮南江路未通課款無出仍請改撥甘肅兵

餉恭摺奏

聞仰祈

聖鑒事竊准戶部咨覆前請改撥乙卯等年甘餉銀

兩仍令轉飭設法騰挪接濟等因當即行司悉

心籌畫去後茲據兼署藍運使郭沛霖詳稱遵
 查現在淮南江路仍未通行未經開辦新綱課
 款絲毫無出實無別款可以設法騰挪至就場
 徵課上年止徵銀十萬餘兩業已分解本年因
 未能運藍改辦設廠抽稅所收稅錢僅可協濟
 部撥江甯兵餉五萬兩斷難解應甘肅鉅款淮
 北粟課亦已分解皖揚兩營軍需此外實屬無
 可籌解應請將前撥甘肅兵餉仍請改撥伏查
 甘餉向例部臣按年咨撥均在淮南藍課項下
 撥解今淮南江路不通課款無出嗣後每年甘
 餉請俟江路肅清開辦新綱再行照例撥解刻
 下暫緩指撥另行籌撥完善省分以免空文往

返轉恐貽誤兵糈其原報分批起解之壬子年
甘餉准前司劉良駒咨稱前因迭奉撥解軍河
各緊餉令其無論何款移緩就急以致此項甘
餉未經起解等情據此等覆核無異所有淮南
實無課銀堪以撥解甘餉仍請改撥緣由除咨
戶部外理合恭摺具

奏伏乞

皇上聖鑒敕部查核施行謹

奏

咸豐五年八月初四日具

奏九月初九日奉

硃批戶部知道欽此

奏

稿

查明師船赴北放洋日期

臣怡
臣吉

跪

奏為查明師船赴北捕盜放洋日期恭摺由驛覆

奏仰祈

聖鑒事竊臣等承准軍機大臣字寄咸豐五年八月

初一日奉

上諭奉天山東洋面屢有盜艇往來劫掠致商船不

敢南駛前經諭令怡吉派兵會剿該師

船何日起身並所雇師船共得若干隻為日已久未據續行奏報現在海口盜艇雖據英隆等奏稱業經駛赴外洋仍未知其潛踪何處自應亟籌勦捕以靖洋所有張鳳翔等師船著嚴催前進直抵山東奉天勦捕艇匪並著英隆等探明該師船行

抵各海口時即飭沿海弁兵會同堵擊務期洋面肅清無留餘孽至商船兌運新漕募勇自衛是否可行著遵照前旨悉心妥議來年江浙漕報仍辦海運並著卹燦會同該督撫及早籌畫俾得迅速起運將此由五百里各諭令知之等因欽此伏查前因山東奉天洋面復有盜艇游駛欽奉

諭旨飭派師船會勦經臣等飛飭署蘇松太道趙德

輟在甯高大船隻酌撥兵勇派署游擊張鳳翔管帶一面咨商托明阿仍飭署都司周建勳將原帶拖罾船五隻折回上海連檣赴北會同兜勦奏蒙

聖鑒嗣據趙德輟稟稱近日上海並無大船進口一

時無從查覓且等以東省需兵甚急深為焦灼查上海與浙江甯波均係通商口岸批飭專人航海赴浙趕緊雇募即次嚴札勒催並飭查周建勳如已帶船到滬即令先行前進旋於八月初七日據該道詳稱督同上海縣遵札設法雇得網梢船五隻行駛靈便捕盜可期得力由道

墊給工價咨請蘇松鎮派千把弁委五員撥兵
一百二十名酌配軍火於八月初二日交張鳳
翔管帶起程前赴崇明配齊砲械即由崇明放
洋又據申報周建勳遵奉托明阿札飭於七月
二十七日帶船抵滬八月初六日由上海放洋
與張鳳翔先後北上等情並經臣等先期廉飭
張鳳翔周建勳等督飭所帶弁兵速赴山東奉
天各處洋面偵探盜踪所在會同該管水師翼
力勦辦不准稍事宕延在案至來年獲漕海運
各事宜臣等業已分飭司道確按情形趕籌妥
議容俟詳到會同漕臣卹燦悉心酌核另行分
別具奏務期言必可行事歸實濟以期仰副

聖主綏靖海洋慎重正供至意所有師船放洋日期

理合先行由驛覆

奏伏乞

皇上聖鑒謹

奏

咸豐五年八月十四日由驛具

奏九月初四日奉到

硃批知道了欽此

奏片稿

夷船赴北載回

奏再^臣等承准軍機大臣字寄欽奉

臣怡
臣吉

跪

上諭前據怡等奏喚夷欲令兵船赴北洋帶捕海

盜已飭署蘇松太道諭令該夷毋庸前往本日據

崇恩奏稱七月初二日有三桅火輪船一隻兩桅

夷船二隻無桅火輪船一隻先後駛至之吳淞海

口據船內通事夷目皆稱上海甯波公在火輪船

一隻外借夷船二隻並呈出船照及蘇松太道諭

帖旋即駛往奉天迫阻不及等語喚夷通商船隻

止准在五口往來山東奉天洋面皆非該夷應到

之地火輪船雖由商雇究屬夷船豈可任憑商民

駕駛北行致令夷船混迹怡等既經諭知該夷

領事著即飭令將北駛船隻迅速追回即商雇之
火輪船亦一體撤回不准攙向北洋開駛蘇松太
道諭帖既係給與勇船何以又入夷口之手內洋
盜匪自有師船勇船勒捕何必借助外夷致令將
來藉口著即飭調拖魯各船迅速北上與奉天山
東實力勦辦嚴諭商民不准率行借用夷力一面

將蘇松太道諭帖原委據實查明具奏等因欽此
當即欽遵飭查去後茲據署蘇松太道趙德徽
詳稱倭夷三桅兵船一隻帶同兩桅無桅火輪
船二隻隨船一隻駛赴北洋該道前奉批札即
以快艇往追其無桅火輪船及隨船旋由山東
折回上海該夷仍以兩船北駛於七月二十二

日帶同寶順火輪船一同回抵吳淞查寶順火
輪船即係浙商所購並無另有江浙公雇輪船
該夷自願前往北洋捕盜有兩次照會可憑委
非商民前向借用滬商後前雖有仿照浙商購
買火輪船之議因購價甚昂未能湊集故奉批
駁當即中止至該道所給勇船諭帖係給與捕

盜局所雇綠皮浙艇本與火輪船無涉因捕盜
局商派勇前赴東洋查探盜情該勇以輪船行
駛迅速搭坐該艇前往攜帶諭帖以備盤查致
夷人一併呈送東省查驗寔非給與輪船之件
等情除批飭諭令該夷領事嗣後不得再將火
輪船攙向北洋開駛一面曉諭商民捐資雇募

內地勇船出洋巡緝不准借資盡力如敢政違
即行照例治罪外理合附片陳明伏乞

聖鑒謹

奏

咸豐五年八月十四日具

奏九月初四日奉到

硃批知道了欽此

奏稿

奏為


欽差大臣因病出缺等馳赴丹陽立聞情形恭摺由

驛奏祈

聖鑒事竊於本月初四日接到向 函稱自四月間

足腫舊疾復發勉強支持移平丹陽以後病憤

等怡 跪



交迫勢漸增別近又著熱本從氣喘不靖醫藥亦覺無效軍務正當喫緊何暇因局不顧等語當卽覆函囑其靜心醫治不可過於焦急方冀調養後元正深盼望急於初十日接到署江甯將軍臣福興總司報台臣彭玉雯先後來函云向已於初九日未刻因病出缺接閱之下實

深痛悼伏查向自統兵至金陵扼截逆賊內犯之路業已四年民間莫不視為長成之倚而逆賊亦不敢造行內窺迨本年五月十八十九等日該逆傾巢出撲因兵單賊衆力難抵禦退守丹陽速集兵勇趕緊營分派防堵連毀逆壘擒斬甚多民心仰覺安定茲因積勞病剋

致不起在軍民亦為惋惜等接信後當卽乘坐小舟馳赴丹陽時因元晴日久屢次設壇祈雨未沛甘霖農民望澤甚殷逐日車斥淮田并官河之水亦形淺竭以致舟行不能迅速十一日已到始抵丹陽與福彭張國樑等接晤知向出缺緣由業已馳奏據稱前經向派

張國樑總統諸軍事繁責重必當盡心報效一切均照向平時布置調度斷不敢稍形鬆勁致有疎虞等往來城廂內外見遠近營盤共有四十二座形勢均屬扼要星羅甚布甚為嚴密隨又至向處展奠其長孫向恩在側尚恙身後各事均經福等料理周妥並不草率察看

民情皆甚安帖貿易如常而飭該縣及委員等
不時稽查團練激勵民心務期衆志成城足資
捍衛萬不可日久生懈是為切要等因於十二
日仍回常州沿途見高田禾種低田雖已插秧
無雨未能透發現擬率僑丹行祈禱合將親赴
丹陽查閱情形謹會同署理巡撫臣趙 恭

摺由驛具

奏伏乞

皇上聖鑒謹

奏 咸豐六年七月十三日具

奏七月二十九日奉

硃批知道了欽此

奏稿

奏為上海商捐船勇出洋捕盜現已屆滿請再推

臣怡 臣趙

跪

展續捐以資經費恭摺奏祈

聖鑒事竊照前因江蘇上海洋面不靖籌議勸捐雇

船募勇出洋捕盜扣足一年截數奏請獎叙一

次經臣怡 會同前撫臣吉 恭摺具

奏接准部覆奉

旨依議欽此當經轉飭欽遵在案茲據蘇州藩臬兩

司蘇松太道會詳據該局董鄂長祥等稟稱自

咸豐五年四月十一日開捐以後各號商船甫

經海運漕糧赴津交卸後折至閩東裝貨運盜

截劫及至回滬時已冬初即奉行知接運新漕

封港捐數因此阻滯維又欽奉

諭旨新漕護運飭商自籌保衛從優給獎並令購辦

輪船一隻堵截南洋盜踪又另雇網梢船二十

隻水勇五百名一切薪糧船價軍火炮械需用

浩繁統計以指抵用不及十分之半均由董等

勉力籌墊所幸輪船各船出洋剿捕迭次擊沉

盜艇多隻斃盜甚多且又生擒逆匪頗著成效

盜艇不敢北駛新漕可冀暢行惟是一年截止

之期屆滿不特指不敷用且護漕甫竣洋面尚

未肅清一經停指定屬掣肘請再推展一年俾

得接續捐輸以資經費等情臬經該司道等查

係實在情形會詳請奏前來臣等覆查此次商

捐在船募勇巡洋護漕並未請免開稅定與助

餉無異應請俯如所議再行推展一年自咸豐

六年四月十一日起至七年四月十一日止仍

令進口商號各船照案接續捐輸屆期能否停

止再行察看情形隨時酌辦並請將咸豐六年

四月十一日以前初次一年捐款先行截數按

照捐餉成案以錢一千六百大合銀一兩按照

籌餉接續推展各新例及現行常例造冊與叙

一次以示鼓勵其用款清冊係商捐商辦悉歸

公用請仍免其造冊報銷至續捐收支請獎一

切悉照初次章程辦理均與原奏及成案相符

除咨部查照外謹合詞恭摺具

奏伏乞

皇上聖鑒勅部核覆施行謹

奏

咸豐六年七月二十三日具

奏八月二十四日奉

硃批戶部知道欽此

奏再已草蘇松太道吳健彰前經向

軍營効力贖罪仰蒙

恩准在案嗣因水陸攻勦吃緊江面需船尤急復經

向 飭令即在上海勸捐購辦戰船迅速入江

助勦勸集捐項尚無頭緒適值金陵賊勢猖獗

五月十九日向 退守丹陽各營兵勇配帶槍

砲軍器半多遺失業經 臣等督飭江蘇軍需局

司道籌款趕辦惟大砲一項急切不能購辦雖

經飛咨粵省代購缺砲一二百尊解江撥用究

屬緩不濟急正在籌商間即據吳健彰捐辦一

千二百斤重熟鉄大砲十一尊一千五百斤重

臣 趙 跪

熟鉄大砲二尊二百斤至六百斤重熟鉄砲四
十四尊高槍二百桿自來火鳥槍二十四枝抬
槍五十桿如料上等火藥五十二壇桶計重一
千九百餘斤藤牌二百五十面鉄砲彈二千斤
單刀一百四十張竹盔二百件竹甲一百四十
件均經解營撥用先後稟報前來且等伏查現

當軍務吃緊之際該革員復能捐資購辦大砲
軍火等件解充軍用實為難得其志切同仇力
圖報効之忱已可概見且此次報効之砲火等
項解赴丹陽軍營大得其力惟該革員係留營
効力贖罪之人應否

如恩鼓勵之處且等未敢擅請理合附片陳明伏乞

聖鑒訓示謹

奏咸豐六年七月二十三日具

奏八月二十四日奉

硃批另有旨欽此八月三十日准

兵部咨內閣奉

上諭怡 趙 奏革員捐辦軍器等語已革江蘇

蘇松太道吳健彰捐資購辦大砲軍火等件解交
丹陽軍營應用尚知奮勉吳健彰著免其發往新
疆仍留丹陽軍營効力欽此

奏

稿

通泰兩省各場被旱前存准在行通泰銀兩存備卹恤

奏為兩淮通泰所屬各場被旱請留准北折價等

銀一萬兩以備撫卹灶丁茶捐奏祈

聖鑒事竊據魚署兩淮鹽運使郭沛霖稟稱通泰各

場上冬今春雨雪稀少入夏後復又亢旱日久

雖間得陣雨總未深透秋禾既多未栽種蕩草

亦長發稀疎各灶停場燥烈難以攤煎場河乾

涸商販不通灶丁困苦查訪妥為安撫勿任滋

事查鹽屬在前每遇災荒賑卹向係銀穀兼施

銀動鹽課殺出義倉穀因無款買補僅約剩萬

餘石業已飭查俟覆到另辦現在淮南並無鹽

課就場抽稅因河涸停運無稅可收准北鹽課

奉撥揚皖軍需各場折價亦應儘解江北糧臺

軍餉現值場灶情形危迫籌賑緊急之時惟有

請將准北各場解到折價銀五千七百餘兩扣

存運庫並酌提准北甲寅綱經費盈餘應歸協

貼淮南項下銀五千兩共湊成一萬兩先行分

別提存留備撫卹之用明知場灶地方連潤窮

丁數十萬此項銀兩實為不敷特便嗽嗽待哺

皇上天恩俯念灶丁困苦准將淮北折價及協貼銀一萬兩留為撫卹各場灶丁之用理合恭摺具

朝廷之

奏伏乞

德意有所指望無可安戢其心其餘不敷之數俟查

皇上聖鑒訓示謹

勘後分別各屬情形輕重如何籌辦再為酌議

奏

其詳等情等查現在庫款萬分支絀豈能再籌

咸豐六年七月二十三日恭摺具

撫卹之項但通泰各場被旱灶丁困苦異常亦

奏於八月二十四日奉

是實情若不竭力圖維以安眾心恐該灶丁等

硃批著准其動用留作撫卹欽此

流而為匪其害更不可問除批令督飭分司場

員勸諭毋令紳富籌捐安撫並飭司先行將銀

扣存恭候

硃批再行動支外合無仰懇

字 怡 跪

奏再江都縣仙女廟鎮地方為揚州東路裡下河門戶該處董事分發試用訓導王楹等辦理團練三年以來頗為出力前經廣同宜陵等處辦團出力董事

奏獎在案本年春間爪逆復窺揚州經署兩淮鹽

運使郭沛霖督同泰州籌防局委員等將揚州東路團練從加整頓認真與辦以期共相保衛樂梅有資該署司郭沛霖親查鄉鎮團練所過白塔河宜陵等處無不隊伍整齊人心踴躍即仙女鎮北岸董事姜理陽等團練前撥夫四百名亦頗可觀獨該董事王楹等所辦該鎮南岸

團練漸形懈弛具詳請奏前來等因查江北現值防堵吃緊之際兵力不敷難期聲勢聯絡專賴鄉團整齊方能振作民氣而壯聲威若如仙女鎮南岸董事王楹等既屬始勤終怠不知奮勉何以保衛地方若不示以薄懲恐別處效尤亦將漸形鬆懈更難激勵人心未便因保

奏在先稍該迴護相應請

旨將仙女鎮南岸董事王楹郭魁慶凌桂芳王錫朋凌桂馨王惟賢等六名前獎升階職銜暫行撤銷責令將應辦團練從加整頓如能振作認真舉行查驗屬實再行奏懇
恩施開復前次獎勵倘仍不思愧奮另行懲辦該會

同署江蘇撫趙 合詞附片陳明伏乞

聖鑒訓示謹

奏

咸豐六年七月二十三日具

奏八月二十四日奉

硃批另有旨欽此

奏 請寬免賠項恩片

奏為續繳關稅賠項復蒙寬免成效恭謝

李怡 跪

天恩仰祈

聖鑒事竊 前在閩海游墾兩閩任內 必收盈餘應

賠款項續又完繳銀二千兩 茲准戶部知照六

月初三日奉

殊批怡 著寬免五千九百九十九兩零等因欽此

伏念 粵 應 贖 兩 閩 少 收 盈 餘 銀 兩 前 次 完 繳 無

多已荷

鴻施逾格現值軍需孔急庫款未充准再勉力措完

正愧無裨萬一乃人仰沐

宸恩復予寬免被

聖慈之重疊寔慚悚以雖各除廷將未完銀兩再行

竭力揜擋陸續措繳外所有感激下忱謹摺

叩謝

天恩伏乞

皇上聖鑒謹

奏

咸豐六年七月二十三日具

奏八月二十四日奉到

殊批知道了欽此

奏稿

景又春升署狼右營遊擊

怡 跪

奏為外海水師員缺緊要揀員升署恭摺奏祈

聖鑒事竊准兵部咨狼山鎮標右營遊擊黃登第升

補吳淞營叅將所遺江南狼山鎮標右營遊擊

應用應題人員行文照例揀選題補等因奉查

狼山鎮標右營遊擊駐劄通州係外海水師題

補之缺例載水師遊擊缺出於隔府別營人員

內揀選題補又水師遊擊缺出如都司無合例

可升之員准於守備內越缺保題升署各等語

江蘇省額設外海水師都司內現無寔任應升

人員查有擬補掘港營都司之吳淞營守備景

又春年四十四歲河南商城縣人由行伍游升

吳淞營守備曾在余山洋面獲盜多名並鎗砲

船隻等件經前督臣陸 考驗水師諳練技

藝熟嫻堪膺預保存候案

題咸豐四年十一月雇募壯勇製備器械赴滬助

剿於克復上海時扼守吳淞海口斷逆匪逃竄

出海之路又於保守太倉克復南匯各城尤為

出案內會摺保奏奉

水師營伍有裨如蒙

上諭吳淞營守備景又春著以應升之缺即行升用

俞允現在江省防剿喫緊兼值巡護海運之際應請

並賞戴花翎等因欽此又於彙保水師人材案內

敕部先給署劄俟軍務告竣再行併案給咨送部引

查得該員在洋緝盜頗屬認真才具出眾可備

見恭候

器使其奏在案現准部咨擬補掘港營都司行

欽定除飭取履歷咨移部科外謹會同江南提督臣

令給咨赴部引

和 合詞恭摺具

見後給劄赴任等因該員年富才優勤能勇往現護

奏伏乞

蘇松鎮標中營遊擊董壽辦理裕如以之請升遊

皇上聖鑒訓示謹

擊堪期勝任惟擬補都司尚未引

奏咸豐六年七月二十三日具

先與例稍有未符謹遵人地相需之例專摺奏請合

奏八月二十四日奉

無仰懇

硃批兵部議奏欽此

聖恩俯准以景又春升署狼山鎮標右營遊擊寔於

奏片稿

新興場大使崇壽俸滿展限赴部

奏再兩淮新興場大使崇壽十年俸滿接准部咨

臣趙

跪

調取引

見當經轉行飭遵去後茲據署兩淮鹽運使郭沛霖

詳稱該大使崇壽在任十年場情最熟民灶愛

戴自咸豐三年辦理團練實力防範歷久無懈

地方安堵現值軍務緊急保衛巡防尤為得力

例載俸滿人員如實有承辦事件准其

奏明展限等語今崇壽實有經辦事件與展限之

例相符詳請具

奏前來臣等查核該署司所詳係屬實在情形除

批俟江北撤防後即飭該員請咨赴部外理合

附片陳明伏乞

聖鑒謹

奏

咸豐六年七月二十三日具

奏八月二十四日奉

硃批知道了欽此

奏

稿

都司余勝等勦休

怡 跪

奏為年力衰頹及患病請假之部司應請勅令休

致恭摺奏祈

聖鑒事竊准江西撫臣文 咨准兵部右侍郎臣曾

咨准九江鎮總兵居隆阿咨稱查有南湖

水師營都司余勝年雖未逾六十而精力已就

廷頴才識庸愚又兼多病前於本年三月內奉
調管帶該營請調升兵來首防剿派令隨同禁
營城外北蘭寺地方該員自到省奉文出紮城
外之時即因病請假醫治延展至今未見全愈
亦未稍假出城值此軍務喫緊之時豈可以兼
庸久病之員任其懸缺應請將該都司勒令休

致又准撫臣文 咨據前署廣信府知府耿印

恂呈稱鉛山營都司謝必魁本年正月帶勇赴

貴溪防堵二月賊犯安仁以來晝夜防範以致

兩目赤腫兼又吐血不止隨營調理愈加沉重

兼之手足沾染濕氣漸行麻痛誠恐誤事請假

三月調理等情去據署廣信府知府沈葆楨會

同署廣信營參將榮壽詣驗該員患病屬實現

當防堵緊要未便准其給假應請將該都司照

例勒令休致由撫臣轉咨會辦各等因前來等

覆查該匪鴟張江西支那被援正當攻剿喫緊

凡有帶兵員弁自應強幹精明方克勝任今南

湖水師營都司余勝年力衰頹兼又多病難期

振作鉛山營都司謝必魁因病請假雖經委驗

屬實值此軍務緊要之際均未便稍事姑容相

應請

旨將南湖水師營都司余勝鉛山營都司謝必魁勒

令休致以肅戎行除分別委員接署並取各該

員原領劄付咨部查銷外謹會同江西撫臣文

合詞恭摺具

奏伏乞

皇上聖鑒訓示謹

奏咸豐六年七月二十三日具

奏八月二十四日奉到

硃批余勝謝必魁均着勒令休致欽此

奏片稿

奏
怡
跪

奏再常州所募督標及江甯城守四營新兵因求
給入伍坐糧中途中樞圍鹽巡道蕭時韻常州
府色克通阿等始而祈訴繼而喧鬧經管帶官
趕到彈壓喝散查新募兵勇類多不守營規此
項新兵因求比照舊兵之例欲支入伍坐糧報

敢多人滋鬧急當懇拜當將管帶官都司江壩
原募官守倫王步雲一併摘頂飭令趕掣為首
滋事之人現據報稱獲到三名除發集司嚴行
訊辦外合併附片陳明伏乞

聖鑒謹

奏

咸豐六年七月二十三日具

奏八月二十四日奉

硃批覽續辦情形詳細具奏欽此

奏稿

請查味喇空未繳稅銀

奏為味喇空未繳關稅因商情苦累懇

臣臣趙

跪

懇分別減免恭摺奏祈

聖鑒事竊照咸豐三年八月初五日劉逆竄踞上海

江海關署隨城失陷所有應征各國商稅經前
任蘇松太道吳健彰議令各國領事從權代為

抽收爾時官兵未集逆勢猖獗貨物不能流通
各國商人攜帶重資寄棲於城外洋涇浜一帶
疎失堪虞各國領事代為設法保護所費不貲
迨官兵雲集剿辦得手後貿易照常於咸豐四
年六月十八日復新設關照常稽征所有自三
年八月初五日起至四年六月十八日止味喇
噎各商共未繳稅鈔銀三十五萬四千一百四
十九兩八錢三分當經行文飭追去後據該
國前公使凌噶以商情苦累議繳三分之一內
除失事以前已納稅銀掣有歸收未及給發紅
單銀二萬七千六百七十三兩八錢三分七厘
及乏商短絀無從着追銀八十餘兩外寔應繳

銀八萬一千五百九十二兩四錢
吉爾杭阿以已納稅銀掣有歸收未給紅單銀
二萬七千餘兩係吳健彰任內之事即飭司事
員伴送吳健彰前赴上海會同接署道員三面
質實並無錯誤應准其扣抵歸於吳健彰交代
案內辦理至該國商情苦累自應懇

具酌量調劑而該國應繳舊稅僅完三分之一且將
商人短絀銀兩歸入現繳款內扣除未免有虧
國課行令蘇松太道再行妥議去後茲據蘇松
太道藍蔚燾詳據該國前後任領事嗎咂唎
呈據該國現任公使响嘴以商未逮請照原議
詳奏前來且年伏查上海滋事之時該國商人

各自出資保護貨物以致商力拮据係屬實在情形我

皇上撫馭中外一視同仁上海地漕銀米既奉加恩分別減免所有該國未完舊稅自應推廣

皇仁一律查辦合無仰懇

天恩俯念商情苦累所有未明坐國未完舊稅銀三

十五萬四千餘兩除現繳銀八萬一千五百九

十二兩又失事以前已納稅銀未給紅單銀二萬

七千六百七十三兩八錢三分七厘外其餘未

繳銀兩概予

豁免以示懷柔等謹恭摺具奏伏乞

皇上聖鑒訓示再此案據該領事於三月十一日將

銀票呈繳列道由道發交銀號提取現銀於四月十一日具詳前撫臣吉爾杭阿核定奏稿尚未拜發適值九華失事文卷散佚今始澈底查明補奏所繳銀兩當已撥充軍餉合併陳明謹

奏

咸豐六年八月二十八日具

奏十月初一日奉

硃批依議欽此

奏
片

暎味二國夷稅

再暎味二國夷酋吃哈喇噠於咸豐四年八月
前赴天津呈遞條款奉

欽派前任長蘆鹽政崇綸等與之接見准其將上海
欠稅回南查辦迨該酋等回抵上海前撫臣吉
爾杭阿遵

旨向其詰詢該酋等輒稱已奉

准免毋庸再提起旋而去當將辦理情形據實密奏
在案臣惟 復與前撫臣吉爾杭阿往返商
由吉爾杭阿就近督飭蘇松太道查明各國貿
易惟暎夷最多應繳欠稅銀五十餘萬兩味夷
應繳稅銀三十餘萬兩味夷則僅止數萬兩併
計將及百萬當此庫藏支絀之時必應設法辦

理銀不能全數收回亦可酌量減折即資補且

爾時尚值日趨 署理蘇松人道督飭藍尉

愛剛柔並用向各國領事再三辯論事越一年

始採採夷定議呈繳三分之一而將夷商短繳

銀兩於應繳數內扣除性利是視無微不至勢

難再行加增 且 怡 英吉爾杭阿再三發商該

夷欠繳稅數不過約畧計美並無冊檔可稽該

夷和盤托出而直言懇求減折尚不踴躍混惑

習取夷之道必當遠可而止以示

天朝懷柔體度且夷情狡諂設因繳而不收遂置不

問更屬不成事體當飭藍尉將銀兩先收許

其詳奏恭懇

聖恩仍當聽候

諭旨遵行尚有嘆唏二夷欠繳稅銀現飭藍尉愛照

會催繳能否仿照辦理尚未接到除另行恭摺

具奏聽候

明發

諭旨宣示各夷外所有辦理情形謹附片密陳伏乞

聖鑒謹

奏

咸豐六年八月二十八日具

奏十月初一日奉

硃批覽 欽此

奏稿

夏定邦補江陰營守備

奴才 怡 跪

奏為揀員升補陸路守備恭摺奏祈

聖鑒事竊照江陰營守備劉聯芳推升山西北樓營

都司業經考驗給咨該員赴部引

見所遺江陰營守備係陸路部推之缺江蘇省現有

軍功著績奉

旨以守備儘先升用遇有題推缺出即行題補之員

並經咨部扣留由外揀員請補在案等伏查江

陰營守備駐劄江陰縣地方沿江防堵巡查最

關緊要必須勇敢有為之員方資得力謹查有

藍捕營候補千總夏定邦年三十八歲六合縣

人由武舉揀選發標效力歷獲盜匪多起咸豐

三年調赴六合帶勇防剿節次打仗獲勝受傷

生擒殺斃賊匪多名奪獲旗幟鎗械等件奉奉

上諭以千總補用並賞戴藍翎等因欽此又於焚燬

八卦洲賊寨案內奏奉

上諭賞加守備銜五年三月隨同艇師斬斷九洲

攔江鐵鍊率同水勇擊沈賊船並斃多賊奪獲

船隻砲械刀矛等件經前

欽差大臣托

上諭著以守備儘先升用接准部咨俟有該省題推

守備缺出即行題補本年正月調赴高資前敵

接仗踏毀賊營仍回六合隨剿葛塘集等處殺

賊該員年力富強打仗奮勇以之升補守備堪

期勝任合無仰懇

聖恩俯准將夏定邦升補江陰營守備寔於營伍地

方均有裨益如蒙

俞允應請

欽部先給署劄俟軍務畢後再行給咨送部引

見恭候

欽定除履歷咨移部科外謹會同江南提督臣和

合詞恭摺具

奏伏乞

皇上聖鑒訓示謹

奏

咸豐六年八月二十八日具

奏十月初一日奉到

硃批兵部議奏欽此十二月二十四日准

兵部咨議奏咸豐六年十月十一日奉

硃批依議欽此

臣怡

跪

硃批知道了欽此

奏再揚州府逼近瓜洲大兵在境事務紛繁現署
知府劉兆璜近來多病未便稍事遷就致滋貽
誤應即撤回調養其實任揚州府藍蔚雯現署
蘇松太道一時未能到任自應另委接署以重
職守查有候補知府黃欽蘆堪以署理據藩臬
三司會詳前來除批飭遵照外謹會同江南河
道總督臣庚 合詞附片陳明伏乞

聖鑒謹

奏

咸豐六年八月二十八日具

奏十月初一日奉

奏稿

奏為揀員請升都司恭摺奏祈

聖鑒事竊照撤補直隸督標右營遊擊之直隸懷柔

城都司馬占魁先給署劉所遺直隸懷柔城都

司員缺係軍營所出之缺按准部咨准以江西

省軍營出力人員扣留升補等因等在於該省

怡 跪

旨賞戴藍翎副團長甯匪徒滋事派令緝匪擊獲要犯

邱繼宗等以守備儘先補用撤補今職道光二

年剿匪在鳳凰崗打仗出力奉

旨賞戴藍翎副團長甯匪徒滋事派令緝匪擊獲要犯

邱繼宗等以守備儘先補用撤補今職道光二

年剿匪在鳳凰崗打仗出力奉

旨賞戴藍翎副團長甯匪徒滋事派令緝匪擊獲要犯

十九年十二月列任咸豐三年逆匪圍撲江西

省垣守城出力被賊砲擊致傷左額左目經前

撫臣張 保奏奉

旨賞換花翎後於長甯剿匪二次獲勝及防剿南安

贛州二府粵匪土匪出力案內兩次奏奉

上諭交部從優議叙該員年力強壯勇敢勤能曾經

出師者續受傷歷俸早滿三年任內並無違碍

奏十月初一日奉

事故請升都司堪期勝任合無仰懇

硃批兵部議奏欽此

天恩俯准以藍瑛升補直隸懷柔城都司以為軍營

出力者勸如蒙

俞允現在江西籌辦攻剿正值吃緊之際應請

勅部先給升署劄付俟軍務告竣另行給咨送部引

見除飭取履歷咨移部科查核外謹會同江西撫臣

又合詞恭摺具

奏伏乞

皇上聖鑒訓示謹

奏

咸豐六年八月二十八日具

奏片稿

奏再查咸豐四年十月二十一日內閣奉

臣怡 疏

上諭據怡 吉 查明江甯殉難大武官紳士

庶開單請卹覽奏寔深憫惜候補把總徐容光着

交部從優議卹等因欽此嗣准部咨徐容光係由

何項人員候補應令查明報部再行核議當經

行據該把總原籍荆溪縣查明徐容光由荆溪

縣學武生中式道光丙午科武舉丁未科會試

後揀選三等分發兩江書標學習期滿咨部註

冊以把總候補咸豐三年春省城被圍奉委督

帶鄉勇三百名在水西門城內守禦二月初十

日城陷力戰陣亡等情詳經前撫 臣吉

據詳咨部尚未接准議覆茲又據荆溪縣稟稱

聖鑒訓示謹

徐容光之父武生徐安邦誼切同仇倡辦該縣

奏

南鄉團練認真出力為四鄉之冠請將徐容光

咸豐六年八月二十八日具

迅賜議卹前來臣等查徐容光以候補把總微

奏十月初一日奉

員遇賊巷戰力竭陣亡欽奉

硃批徐容光着從優議卹欽此

諭旨從優議卹因奉部行查出身以致事閱三年尚

未奉部覆准今其父武生徐安邦辦理團練為

通縣之冠荆溪與宜興同城正當防堵吃緊之

際以鼓勵人心為第一要義相應請

旨勅部將兩江督標候補把總徐容光致遵前奉

諭旨迅速從優議卹以慰忠魂而固民志除咨部外

理合附片具奏伏乞

奏稿

兩江總督 臣怡良 跪
署江蘇巡撫 臣趙德轍

奏為味克伯駕前來上海欲赴天津現在設法羈

縲恭摺由賢密

奏仰祈

聖鑒事竊臣等承准軍機大臣寄字咸豐六年六月

二十二日奉

上諭葉名琛奏喫味啡三國請重訂條約現已設法

開導阻止一摺若該夷酋等竟至上海等口有妄

求代奏之件著怡良等諭以兩廣總督為辦理夷

務之欽差大臣無論何事總須回粵呈請兩江督

撫不能代奏設有欲至天津之語並著葉名琛等

諭以天津本非通商口岸爾等前往斷有條約上

次天津所派大臣已與爾等言明爾若再至天津

斷不能再派大臣與爾等會晤如此剴切曉諭庶

可杜其妄念至伯駕在粵既居心叵測此時若到

上海怡良等務須暗中防範毋令勾通粵逆別生

事端等因欽此當即欽遵密飭蘇松太道藍蔚

雯妥為防範去後接據藍蔚稟報味克伯駕

坐該國常用兵船於七月初一日至上海並無
動靜十八日進謁薩蘭雲言詞恭順並未提及

詢其來意據稱該國王因十二年之期已滿給
與國書須入京面呈

請改定章及欲赴天津之事密加察訪尚有該
國水師提督另坐輪船一隻因船身損壞在粵
脩理完整先往日本再來上海如輪船遲遲不
到伯駕兵船仍須回粵至八月十八日該國水

大皇帝有酌辦事件在廣東動身時已照會兩廣葉
總督遷往天津因風順由福州而至上海等待
修理火輪船是以稍有耽擱現在輪船已到即
須駛北該護道等告以天津並非通商口岸前

師提督奄師大郎乘坐火輪船行抵上海並密

公使喀哩等於咸豐四年冒昧前往

探得尚有火輪船一隻隨後即至伯駕俟此船

大皇帝因爾等跋涉遠行

一到即赴天津該護道薩蘭雲因前次接見伯

欽派大臣與爾等接見係屬

駕時並無欲赴天津之語恐其不告而行適已

曲示懷柔曾與爾等言明若再至天津斷不能再邀

革旋松太道吳健彰在上海商辦入江助剿輪

欽派大臣與爾等會晤兩廣葉總督係專管五口道

船即於八月二十五日選同吳健彰往晤伯駕

商之

欽差大臣其係大學士為

天朝極品官員無論何事應即回粵呈請聽候查辦

不必徒勞往返據稱伊奉該國王之命務與中

國和好總要彼此有益路過喫啡二國會其大

臣亦皆如此告知必得另有

欽差會議若令仍赴廣東與葉大人會議則頭可斷

而不能前去如到天津不能而見

大皇帝伊亦無法只好回來設法匪來向我說他已

有了八省地方要替我們議立和約教我何詞

以對如不教我們上天津只求兩江總督代為

奏請

欽差至浙江地方會議我即在此等候亦可藍蔚雯

等向其再三開導辯論數時堅執不移飛稟請

示前來臣等查該夷酋伯駕前來上海已逾一

月絕口不言請改成約欲赴天津之事迨火輪

船到後仍無一言是明知我必阻其行竟將不

告而去搖惑人心也迨藍蔚雯等查知向詢又

言詞要挾居心實屬叵測若臣等絕之已甚彼

必遷赴天津不遂所欲則惱羞發怒恐其別滋

事端臣等現以通商事宜向係喫啡三國會

同商辦該酋既稱路過喫啡二國會其大臣皆

稱必得另有

欽差會議現在喫啡二國公使皆在廣東並不同來

而僅止該酋一人欲上天津設喫啡二國在粵

Z121.7
19:2(25)



ZW 21181808823462

別有成議則市出兩歧殊多不便未敢代為具
奏批飭藍蔚雲等再行妥為開導以冀阻其北
行杜其妄念惟夷情狡獪設因臣等不准代奏
遲赴天津亦未可定除別分咨行沿海水師及
直隸山東各督撫長蘆鹽政嚴為防範外理合
恭摺由驛密

奏伏乞

皇上聖鑒謹

奏

咸豐六年九月初四日由驛具

奏九月二十一日奉到

硃批另有旨